



Каримбой Қурамбоеев – адабиётшунос, филология фанлари доктори, Ажиниёз номидаги Нукус давлат педагогика институты профессори.

Олим кўп йиллардан бери ўзбек, туркман ва қорақалпоқ адабиётларининг ўзаро алоқалари ва таъсири, бадиий таржима муаммолари, шунингдек, мазкур халқлар адабий жараёнининг бошқада долзарб масалалари бўйича илмий тадқиқотлар олиб бормоқда. Хозиргача Ўзбекистон, Туркменистон ва Қорақалпоғистон республикаларида ушбу мавзулар таҳдилига доир унинг ўндан ортиқ монографиялари ва ўкув қўлланмалари, икки юз элликка яқин мақолалари ўзбек, қорақалпоқ, туркман ва рус тилларида босилиб чиқсан.

Проф. К. Қурамбоеевнинг илмий фаолияти «Қорақалпоғистон Республикасида хизмат кўрсатган фан арбоби» фахрий унвони билан тақдирланган.



Cho'lpon nomidagi
nashriyot-matbaa ijodiy uyi



Каримбой
Қурамбоеев

АДАБИЙ ЖАРЛЫК • ИЖРОД МАСГУЛИЯТИ
АДАБИИ АЛОҚАЛАР



КАРИМБОЙ ҚУРАМБОЕВ

Адабий
жараён
Ижод
масгулияти
Адабий
алоқалар

*Ажиниёз номидаги Нұкес давлат педагогика институтининг
Илмий кенгашы томонадан нашрга тавсия этилған.*

Масъул мұхаррір:
Баходир Каримов – филология ғаландар доктори

Тақризчилар:

Ҳамдам Абдуллаев – филология ғаландар доктори, профессор, Қарақалпакстан Республикасыда хизмат күрсаттап ған арбоби;

Кувончбай Үразимбетов – филология ғаландар доктори, профессор

Китобга мұмтоз туркій шеърияттің бутун Шарққа машхұр бир неча буюқ даҳолари ҳақидағы талқықоттар, адабий алоқалар ва таъсирлар масаласига дөир түркүм мақолалар, бир гурух таниқли ўзбек, қарақалпок, түркман шоир, ёзувчи ва олимларининг илмий-адабий портретләри, шунингдек, мұаллифнинг ҳар хил жәнрләрдеги бадий асарларға ёзған тақризләри, ҳозирғи адабий жараённинг долзарб муаммолари хүсусидеги күзатышлари, умуман, адабий мұхит ва ижод масъулияты билан боелиқ түрли даврларда ёзилған салланма мақолалари киритилған бўлиб, мавзулар ўзбек, түркман, қарақалпок, ва қозоқ адабиётлари мисолида ёритилади.

Мазкур китоб олий ўкув юртларининг филолог талабалары, магистрантлар ва аспирантларга, талқықотчиларга, адабий жараён ва қардош халқлар адабиёті ҳамда уларнинг ўзаро алоқалари, таъсирлари билан қызықувчиларга мұлжалланған.

K 3008000000-36 – 2009
360/04/-2009

ISBN 978-9943-05-277-2

© Cho'ipov nomidagi nashriyot-matbaa ijodiy uyi, 2009- y.

МУАЛЛИФДАН

Маълумки, адабий алоқалар ва таъсирлар адабий жараённинг ажралмас қисми, мұваффақиятлы ривожланишини таъминлайдиган омиллардан бири. Муайян шоир ёки ёзувчи ижодининг юксалишида, бадий маҳоратининг чиниқишида адабий таъсирнинг роли катта эканнеги исботланған илмий ҳақиқат. Адабий жараёнда ҳам, адабий алоқаларда ҳам, умуман, бадий ижод соҳасида ижод масъулияты етакчи ўринда туради. Китобга киритилған мақолаларнинг асосий қисми ушбу масалалар таҳлилига бағишиланғанни назарда тутиб, уни «Адабий жараён, ижод масъулияты, адабий алоқалар» деб номладим.

Хар қандай миллій адабиёттада буюқ сүз санъаткорлари бўлиши табиий. Улар ўзлари мансуб адабиёт тараққиётига ҳисса қўшиб қолмасдан, жаҳон маънавий-маърифий тафаккури ривожисида ҳам бекіёс роль ўйнайди ва шу орқали дунё маданияти тарихига киради. Марказий Осиё халқлари адабиётидаги бундай улуғ сиймолар кўп. Аҳамиятли жиҳати шундаки, бу ижодкорлар минтақа адабий жараёни тақдирни учун бирдек қайтурган, умуминсоний гоялар руҳида ўлмас асарлар яратишган. Шунинг учун ҳам улар бир халқнинг эмас, бир неча халқнинг ардоқли шоир сифатида тилга олинади, асарлари севиб ўқиласди. Китобнинг илк бобидаги мақолалар воситасида дунё адабиётти тарихида муносиб ўрни бор түркій адабиётлар намояндаларининг айримлари ижоди ҳақида умумий йўналишда маълумот беришни лозим кўрдим.

Адабий алоқалар ва таъсирлар масаласига бағишиланған маҳсус бобда ўзбек, түркман, қарақалпок, қозоқ мұмтоз ва ҳозирғи замон адилларининг баъзи асарлари таъсир ва ижодий ўзига хослик аспектида қиёсланади. Асосий эътибор «таъсирланған» деган ижодкорнинг индивидуалланғышының ишмий асослашга қаратилди.

Аннануз ат Намай имми NMPI
Informaciyalıq resurs worgayi'
INVENTAR № 63175

Китобдан ўрин олган яна бир туркум мақолаларда замондошларим: устозларим, ҳамкасларим, дўстларим ҳақида, уларнинг илм-фан ва адабиётдаги хизматлари, ёшлиарга ўрнак бўларлик илмий ва ҳаётий тажрибалари, қолаверса, айримларининг ҳам олим, ҳам бир инсон сифатида менга кўрсатган ғамхўрликлари тўғрисида ҳикоя қилинадику, уларни ҳам ушбу китобга киритишни, баъзиларини хотира-эссе шаклида дикқатингизга ҳавола қилишини бурчим, деб билдим.

Анча йиллардан бери қорақалпоқ адабий муҳитини кузатиб келаман. Бир қатор қорақалпоқ ижодкорларининг турли жанрлардаги асарларига бағишиланган мақолаларим, тақризларим республиканинг газета-журналларида босилди. Китобнинг маҳсус бир боби шу хилдаги мақолалардан иборат ва мен уларда ҳозирги қорақалпоқ адабий жараёнида қалам тебратиб келаётган бир гуруҳ шоир ва ёзувчиларнинг асарлари ҳақида, ҳозирги қорақалпоқ адабий танқидининг баъзи муаммолари хусусида сўз юритдим, айрим ижодкорларнинг адабий портрет чизгилари орқали адабий жараён тараққиётидаги ўзига хос тенденцияларни аниқлашга ҳаракат қилдим.

Истиқлол йилларида миллий қадрият, миллий мағкура, миллий ғоя каби масалалар энг муқаддас ва долзарб, ўзликни англашдаги бетакрор маънавий-ахлоқий тушунчаларга айланди. Бу концепцияларни ҳаётга тадбиқ этишда кўпгина муваффақиятларга ҳам эришилди. Бу соҳада қўлга киритилган ютуқлар, тўпланган тажрибалар, шунингдек, фойдаланилмаган имкониятлар ҳақидаги фикрларим ва тақлифларимни мустақиллик йилларида ёзилган мақолаларимнинг ички мазмунига сингдиришга уриндим.

Сайланма мақолалар ҳар хил даврларда Ўзбекистон, Туркманистон ва Қорақалпоғистон республикаларининг газета-журналларида, илмий тўпламларда эълон қилиниб, жамоатчилик назаридан ўтган. Баъзилари эса турли йилларда нашр этилган монографияларимдан ташланиб, қўлингиздаги китобга киритилди. Мақолалар орасида шўролар сиёсати, мағкураси ҳукмронлиги даврида ёзилганлари ҳам бор. Уларда сўз юритилган мавзулар, назаримда, ҳали ҳам аҳамиятини йўқотмагандек. Шунинг учун айрим мақолалар яна бир бор кўздан кечирилиб, сайқаллаштирилди.

Китобга жамланган мақолалардаги кузатишиларнинг ҳаммаси мутлоқ ҳақиқат, деган фикрдан холиман. Агар китоб адабиёт ва адабиётшунослик, жумладан, Марказий Осиё адабиётларининг ўзаро алоқалари ва таъсирлари билан шурӯпланувчи мутахассисларнинг, шунингдек, ўзбек, туркман, қорақалпоқ ва қозоқ адабиётлари билан қизиқувчи муҳлисларнинг талабларига қисман жавоб бера олса, муаллиф ўзини мақсадига эришган ҳисоблаган бўларди.

*Маттәкуб Күшжонов,
академик*

УЧ ХАЛҚ ХИЗМАТИДА

ХХ аср 90-йилларининг бошларида Туркманистон ФА Тил ва адабиёт институти иш юзасидан мени расмий оппонентликка таклиф қилиб қолди. Эз ойлари эди. Айтилган муддатта Ашхободга етиб бордим. Ҳимоя бошланди. Ихтиослаштирилган Илмий кенгаш аъзолари орасида ўтирибман. Бу кенгаш аъзоларининг ҳам кўпчилиги менга таниш, айримлари билан яқин дўст бўлиб қолганман.

Кенгаш минбарида энг яқин шогирдларимдан бири Каримбой Курамбоев туркман тилида докторлик диссертацияси мазмуни ҳақида ахборот бераяти. Каримбой туркман тилида шундай чиройли ва бехато гапирайатки, мен шогирдимнинг туркман тилини билиши, шу даражада эгаллаб олганидан фахрланиб ўтирибман. Каримбой туркман тилининг нозик ифодаларини топиб, ҳатто ургуларини ҳам жойига кўйиб гапиради, туркман адабиётшунослари ҳам унга тан бериши. Ҳатто шундай бўлдики, Илмий кенгашнинг раиси ҳимоя йиғилишини оча туриб: — Мана, бизнинг Каримбой ҳам ҳимояяга етиб келди, деди. У Каримбой сўзига алоҳида ургу берди. У бунга ҳақли эди.

Каримбой бир неча йил давомида туркман тили ва адабиётини шу даражада пухта ўргандики, бу халқнинг истаган адабиётшуноси билан беллашишга қодир эди. Каримбойнинг нутқини эшитарканман, хаёлим мени ўтмиш сари олиб кетди. Ўтган асрнинг эллигинчи йиллари охирлари эди. Мен бир неча кунлик ёзги таътилни ўтказиш учун Тошқовузга бордим. Буни эшиттан Каримбойнинг отаси Норматов Курамбой мени уйига меҳмонга таклиф қилиб қолди. У билан тенгдош эдик. Бир кўчанинг тупроғини босиб, бир ариқнинг сувини ичиб, ўсиб улгайганимиз. Курамбой Тошқовуз вилоятида катта бир мактабнинг директори бўлиб ишларди. Вилоятнинг аъло даражадаги ўқитувчиларидан бири эди. Меҳмондорчилик қизиган пайтда у

ўели Каримбойни чақириб, мен билан таништирди ва жой кўрсатиб ўтқазди-да, ўелига юзланиб: — Мана шу одам менинг яқин дўстим бўлади, адабиётшунос олим, сени шу кишига шогирд қилиб топширмоқчиман, — деди.

Менга юзланиб: — Йўқ демассан-а, жўра, деб ўткир на-зар ташлади.

— Албатта, йўқ демайман, — дедим.

Икки-уч йил ўтар-ўтмас Каримбой, эндиликда минбарда туриб маъруза қилаётган йигит Тошкентда пайдо бўлиб қолди. Илк учрашувдаёқ мен унга илм ўрганишнинг баъзи сирлари ҳақида маслаҳатлар бердим. Кириш имтиҳонини яхши топшириб, ҳозирги Миллий университетнинг филология факультетига ўқишига кирди. Ўқишини битказган Каримбойга йўл-йўриқ кўрсатиш яна менинг зиммамда эди. Номзодлик диссертациясининг мавзусини белгилаб олдик. Мавзу унга ҳам маъқул бўлди. Тил ва адабиёт ходими сифатида танланган мавзу асосида номзодлик диссертацияси тутатиб, 70-йилларнинг бошларида ҳимоя қилди.

Мана, энди у бир неча йил давомида тер тўкиб, меҳнат қилиб, илмий изланишлар билан банд бўлиб, уч халқ адабиёти алоқалари ҳақида докторлик диссертациясини тайёрлаб, юқорида айттанимдек, туркман тилида маъруза қилаяпти. Маърузани эшитаётисб, шундай шогирдга маслаҳатчи бўлганимдан фахрландим. Каримбойнинг мазкур иши докторлик илмий даражага арзирлик экани Илмий кенгаш аъзоларининг ҳеч бирида шубҳа уйғотмади. Ҳатто ҳимояда сўзга чиққан машҳур туркман олимларидан бирининг: Каримбой Курамбоевнинг бугунгача Туркманистон, Ўзбекистон, Қорақалпогистон республикаларида эълон қилган илмий ишларининг ҳар бирига алоҳида-алоҳида уч докторлик илмий даражасини берса арзийди, деб айтган ҳазил гапларини ҳозир ҳам эслайман.

Ўтган асрнинг 70-йиллари охирлари эди, чамамда. Нукусда адабиёт масалаларига тегишли қандайдир конференция бўлди. Бу конференцияда менинг ҳам маърузам бор эди. Бир маҳал конференция раиси томонидан маъруза учун Каримбой Курамбоев таклиф қилинди. Маърузани диккат билан эшитишга ўзимни тайёрладим, яхшилаб ўтириб олдим. Каримбой ўзбек тилида гапирса керак, деб ўйладим. Иш мен кутганча бўлмади. У маърузани қорақалпоқ тилида

бошлади. Қорақалпоқ тили, бадий ифодаси хусусида менинг ҳам бироз тасаввурим бор. Шогирдимнинг нутқини дикқат билан эшилдим. Эшита туриб, шундай холосага келдим: Каримбой Курамбоев қорақалпоқ тилини, унинг илмий ва бадий ифодаларини ҳудди ўз она тилида гапираётмас, нутқи бежирим ва равон эди. Залда ўтириб нутқини эшишиб, шогирдимнинг фақат илмий қобилиятига эмас, балки бошқа ҳалқларнинг тилларини ўзлаширишда ҳам истеълоди юксак эканига ишонч ҳосил қилдим. Каримбойнинг маъруzasи тугагач, унга нисбатан билдирилган олқишилар, бошқа маърузаларга нисбатан баландроқ ва эҳтирослироқ, эди. Ҳалқ орасида шундай гап бор: «Қайси бир ҳалқни ҳурмат қиссанг, олдин унинг тилини ўрган!» Назаримда, Каримбой ўз ҳалқини қай даражада ҳурмат қисса, туркман ҳалқини ҳам, қорақалпоқ ҳалқини ҳам шу даражада ҳурмат қиласи ва эъзозлайди. Баланд парлада билдирилган олқишиларнинг сабаби ҳам шунда бўлса керак. Бу ҳол, яъни шогирдимнинг не-не меҳнатлар билан кўлга киритган ютуқлари мени яна бир мамнун этди.

Каримбойни мен турли миллат, хусусан, қорақалпоқ миллатига мансуб талабалар, ҳар хил савиядаги домлалар даврасида ҳам кўп кўрганман. Унинг қорақалпоқ зиёлилари билан муносабатини кузатганман. Бунда ҳам у ўзини ниҳоятда бемалол тутар, самимий муносабати, қорақалпоқ тилида топиб айтилган ва ўрнида ишлатилган сўзлари учун ҳурмат ва эътиборга сазовор эди.

Уч ҳалқ адабиёти, ўзбек, туркман ва қорақалпоқ адабиётлари Каримбой учун баробар эди. Учаласи ҳам ўзиникидек. Шу боисдан унинг 200 дан ортиқ мақола ва ўнга яқин монографияларида ҳар уч адабиёт баробар ўрин олган.

Гапим куруқ бўлмаслиги учун унинг бъязи асарларини тилга олиб ўтишини лозим кўраман: «Хидир Деряев», «Ўзбектуркман адабий алоқалари», «Махтумкули шеърияти Ўзбекистонда», «Ҳамза ва қорақалпоқ адабий муҳити», «Кўнгил кўнгилдан сув ичар», «Кўнгул бермиш сўзимга...», «Взаимное обогащение литературы». Бу ерда таъкидлаш керак бўлган бир масала бор. Икки ёки учта адабиётни ўрганиб, бирини иккинчисидан паст қўйиб талқин этиш мутлақо мумкин эмас. Зоро, адабиётни камситиш, ҳалқни камситишга олиб

келади. К. Курамбоев учта адабиётни баробарига ўрганар экан, масаланинг бу томонини асло унумтайди. У мўлжални тўғри ва аниқ олади. Ҳар бир адабиётни ўргангандা, икки ёки учинчи адабиётдан бирор камчилик топиб, унинг савиясига паст назар билан қараш йўлидан бормайди. Балки у адабиётлардан фазилат излайди. Уларнинг тараққиёт йўлларини синчковлик билан ўрганади, бу адабиётларнинг ўзаро алоқасини тадқиқ қиласи. Бу хислат илмий ишларнада бош тамойилдир. Шу баробарида у иккинчи бир вазифани ҳам адо этади. Адабиётини ўрганаётган ҳалқларнинг қайдаражада қон-қардошлиги ҳақида фикр юритади. Шу жиҳатлари билан Каримбойни уч ҳалқ хизматида турган профессор, йирик адабиётшунос дейишга ҳаклимиш.

Каримбой Курамбоев ҳозир навқирон ёшда, куч ва файратта тўлган пайти. Кекса устози сифатида шогирдимга илмий-ижодий ютуқлар тилаб қоламан.

18 январ, 2005 йил.

СЎЗ САНЬАТИНИНГ ДаҲОЛАРИ

ТУРКИЙ ШЕЪРИЯТ ОСМОНИНИНГ ҚҮЁШИ

Буюк тарихий шахсларни буюк даврлар яратади ва бундай инсонлар факат ўзлари яшаган замонга эмас, кейинги авлодларга ҳам хизмат қиласидилар. Ҳар гал жамият, инсоннинг ўз тараққиётида янги, янада баландроқ босқичга кўтарилаётганда ўтмишнинг бу тафаккур даҳоларининг илмий-ижодий тажрибаларига эҳтиёж сезади ва уларни «ёрдамга чақиради», ўз даври учун кашфиёт бўлган асарларидан, олам-шумул аҳамиятли, ибраториум изларидан руҳий мадад олади. Ижоди, ижтимоий фаолияти билан бир эмас, бир неча авлодларга хизмат қилиб келаётган бундай улуг фазилатли инсонлар тарихда кўп. XV аср ўзбек адабиётининг йирик намояндаси, буюк шоир ва мутафаккир Алишер Навоий шундай тарихий шахслардан саналади.

Алишер Навоий! Бу табаррук ном гоят ёқимли жаранглайди. Соғлом фикрлайдиган ҳар бир инсон бу номни эзгулик тимсоли сифатида тилга олади, шеърият осмонининг қүёши деб қадрлайди. Қандай адабий давра бўлмасин, агар у ерда жаҳон адабиёти, айтгайлик, Шарқ туркий шеъриятынинг даҳо шоирлари тўғрисида сўз очилгудек бўлса, Алишер Навоийнинг номи ва асарлари биринчилар қаторида тилга олинади. Чунки, Навоий ноёб истеъоди, катта ижодий салоҳияти билан дунё адабиёти тараққиётiga улкан ҳисса қўшган беназир сўз санъаткори, туркий шеърият мулкининг сultonидир. Шоир ва давлат арбоби Заҳирiddин Мұхаммад Бобур «Бобурнома» асарида Алишер Навоий ҳақида сўз юритиб, жумладан, шундай ёзган эди: *«Алишербек наэзири йўқ киши эрди. Туркий тил била шеър айтубтурлар, ҳеч ким анча кўп ва хўб айтқон эмас».*

Алишер Навоий ўзи ҳаётлик чоеларидаёқ шундай юксак баҳога сазовор бўлган шоир ва мутафаккир, бетакор инсон эди. Бу ҳақда шоирнинг бошқа замондошлари ҳам яхши фикрлар ёзиб қолдиришгани тарихий манбалардан маълум.

Шоир ижодининг шуҳрати, хусусан, туркий халқлар орасида жуда машҳур. Навоий ҳаётлик пайтида асарлари Хурросон, Марказий Осиё, Озарбайжон, Эрон, Шарқий Туркистон, Ҳиндистон, Миср ва Туркия давлатларигача етиб борган. Бундан Алишер Навоийнинг ўзи ҳам хабардор бўлган. Ва «Фарҳод ва Ширин» достонининг охирги бобини якунлар экан, ўз асарларининг «Хитодин то Хурросон»гача бўлган «турк усули» орасида машҳур бўлганлитигини мамнуният билан ёзган эди:

*Олибмен таҳти фармонимга осон,
Черик чекмай Хитодин то Хурросон.*

*Хурросон демаким, Шерозу, Табриз,
Ки қўлмишдур наиб килким шакаррез.*

*Кўнгул бермиш сўзимга турк жон ҳам,
На ёлгуз турк, балким туркмон ҳам.*

Алишер Навоий XV аср ўзбек адабиёти тараққиётида катта бурилиш ясаган, янги саҳифа очган ижодкор. Нафакат шеърият, адабиётнинг бошқа жанрларида ҳам мукаммал асарлар яратиб, унинг нуфузини ортириди, хазинасини бойитди. Навоий замонида ҳам, ундан кейинги асрларда ҳам ҳеч бир қалам соҳиби ижодда бу улуғ шоир кўтарилиган чўққига кўтарилиган эмас. Шоир олтмиш йилгина яшади. Қирқ йилдан ортиқроқ ижод билан шуғулланиб, ўтиздан зиёд асарлар яратди. Адабиётнинг деярли ҳамма жанрларида ижод қилди; бошқа ижтимоий фан соҳалари билан ҳам фаол шуғулланиб, илмий асарлар ёзди. Тарих, мусиқа, тилшунослик билан адабиётшунослик ва адабиёт назарияси ҳам мутафаккир назаридан четда қолмади. Фанинг бу йўналишларига алоҳида асарлар багишлади. Шоир асарлари факат жанр нуқтаи назаридан эмас, мавзу жиҳатидан ҳам ранг-баранг. Ҳаётда Навоий қаламга олмаган мавзулар деярли йўқ. Ижтимоий-иқтисодий турмуш ташвишлари, мъянавий-аҳлоқий муаммолар, мамлакатни бошқариш билан боғлиқ сиёсий алғов-далғовли воқеалар дейсизми, барчasi шоирнинг бадиий-эстетик мушоҳадасидан ўтиб, бадиий ёки илмий асар шаклига келтирилган.

«Хазойин ул-маоний» («Маънолар хазинаси») девони Алишер Навоийнинг шоҳ асарларидан бири. Шоир инсон ум-

рини йилнинг тўрт фаслига ўхшатади. Ва ҳар фасла бир девон бағишлийди. Уларда лирик қаҳрамон қалбининг ноzik туйгулари, шоир ҳаётининг муайян даври билан боғлиқ кечинмалари шеърий сатрларда бадий талқин қилинади. Навоийнинг болалик, йигитлик, ўрга яшарлик ва кексалик чоғларидаги турмуши, замон ҳақиқидаги муроҳазалари мазкур девонларнинг гоявий йўналишини ташкил этади.

Алишер Навоийни жаҳонга танитган юксак асарларидан яна бири «Хамса» («Ҳайрат ул-аброр», «Фарҳод ва Ширин», «Лайли ва Мажнун», «Сабъаи сайёр», «Садди Искандарий») дир. Мустақил беш достондан иборат бўлган «Хамса» шоир яшаган ижтимоий-тарихий даврнинг бадий полотноси, ўша замоннинг энг долзарб, ҳаётий муаммоларига фаол муносабат билдирилган қомусий асар. Мамлакатнинг ободонлиги, халқпарварлик ва инсонпарварлик, адолат ва маърифатни куйлаш, тўғрилик ва ҳалолликни, дўстлик ва садоқатни, севги ва вафодорликни улуғлаш, бошқа-да юксак ахлоқий фазилатларни мадҳ этиш, шу билан бирга, адолатсизликни қоралаш, талончилик ва босқинчиликни фош этиш, алдамчилик ва хиёнаткорликни танқид қилиш, юксак идеалларга зид кучларга муросасизлик ва уларга қарши кураш! «Хамса»га кирган достонларнинг бош гоявий мотиви шу! Шоир бу маънавий-ахлоқий масалаларни ўз даврининг ижтимоий-сиёсий, иқтисодий ва маданий эҳтиёжларидан келиб чиққан ҳолда талқин қилди. Муаллифнинг бадий-эстетик идеалини ўзида жамлаган Фарҳод, Ширин, Лайли, Мажнун, Баҳром, Дилором, Искандар каби образларда мардлик, гўзаллик, ватанпарварлик, ҳақиқий севги каби олижаноб хислатлар умумлаштирилади, шоир яшаган мұхитнинг бошқада ижтимоий муаммолари ўз ифодасини топади. «Хамса» умуминсоний гоялари, юксак бадиияти билан Навоий ижодида ажralиб турдиган, биринчи марта туркий тилда битилган ўзига хос эпик полотно, мустақил беш шеърий роман, жаҳон бадий тафаккури тарихидан фахрли ўринни эгаллаган умрбоқий асардир.

Шоир ижодида мұхим аҳамият касб этадиган яна бир шеърий асар, бу «Лисон ут-тайр» («Күшлар тили»)дир. Фалсафий-дидактик характердаги бу асарда шоир ҳаёт, инсон, табиатта доир қарашларини қүшлар тили билан баён этади. Рамзий образларнинг ҳатти-ҳаракатлари, саргузаштлари

мисолида муаллиф инсоний рухни таҳдил қилишга, ҳаётнинг мураккаб фалсафий жиҳатларини очиб беришга муваффақ бўлган. Шоирнинг тасаввуф фалсафасига муносабати ҳам шу асарда ёрқин акс этган.

Навоий адабиётшунослик ва адабиёт назариясига доир, тилшуносликка тегишли илмий-тадқиқот характеридаги бир неча насрый асарларнинг муаллифишидир. «Мажолис ун-нафоис», «Мезон ул-авзон», «Мұхокамат ул-лугатайн», «Риссолаи муаммо» каби тадқиқотларида шоирнинг илмий-эстетик қарашлари, бадий тафаккури, дунёқараши нақадар теран ва кент эканлигини кўрамиз. Бу асарлар шоирнинг маданият ва адабиётнинг, тил ва тафаккурнинг жонкуяри, фидойиси бўлганлигидан дарак беради. «Вақфия», «Тарихи анбиё ва ҳукамо», «Тарихи мулуки Ажам» каби тадқиқотларида Навоий тарихчи олим қиёфасида намоён бўлади.

Алишер Навоий адабий-илмий фаолиятининг эъзозга муносиб яна бир ноёб фазилати бор. Бу – Навоийнинг туркий (эски ўзбек) тилига муносабати билан боғлиқ масала. Шоирнинг туркий халқлар адабиёти, қолаверса, ўзбек адабиёти олдидағи катта хизматларидан бири ҳам унинг туркий тилда кўп ижод қилишидир. Маълумки, Навоийга қадар битилган илмий-бадий асарларда туркий тилнинг ҳамма имкониятлари етарли даражада очилмаган эди. Балки туркий тил атрофида ҳар хил зиддиятли фикрлар давом этиб, ҳатто уни камситиш тенденцияси ҳам кузатиларди. Бир гурӯҳ маърифатпарварлар, зиёлилар ва олимлар форс тилини ижтимоий-сиёсий ҳаётда, адабиёт ва фанда ҳукмрон тил ҳолида қолдириш тарафдори бўлиб чиқдилар. Туркий тилнинг мустақил давлат тили сифатида қўлланилишига монелик кўрсатиши. Шундай мураккаб бир вазиятда Алишер Навоийнинг форс тилини камситмаган ҳолда (унинг ўзи ҳам форс тилида бир неча асарлар ижод этган), туркий тилнинг имкониятлари жуда бой эканлигини, бу тилда ҳам бадий етук асарлар ёзиш мумкинлигини ҳам бадий, ҳам илмий, ҳам амалий исботлаб бериши ўзига хос жасорат эди. Шоир ижодидаги илмий насрнинг ёрқин намунаси бўлган «Мұхокамат ул-лугатайн» асарида унинг туркий тил билан форс тилини чоғишириш асосида илтари сурган гоялари, берган тавсиялари бутунги тилшунослигимиз учун ҳам гоят қимматлидир. Тарихда Алишер Навоийдек миilliй тил манфа-

ти учун курашган, унинг таҳқирланишига қарши турган, туркий тилнинг дунё тиллари тарихида муносиб жой эгаллаши учун фидоийлик кўрсатган ва ўз она тилида мукаммал поэтик асарлар яратга олган ижодкор кам топилса керак. Шоир «Хамса», «Ҳазойин ул-маоний»дек ўлмас асарларини туркий тилда ёзиб, бу тилнинг нақадар бой ва ранг-баранг эканлигини далиллади, уни давлат тили дараҷасига кўтариш учун барча имкониятларини ишга солди. Навоийнинг бу сайд-ҳаракати бекиёс аҳамиятга эга фаолият эди ва у кейинги авлодлар учун ибратдир.

Биласизки, шўролар даврида, миллий тиллар, жумладан, ўзбек тили камситилди, унинг имкониятлари чегаралаб кўйилди. Ўзбек тилини давлат тили даражасига кўтариш эмас, қўлдан келса истеъмолдан сиқиб чиқариш тенденцияси хўкмронлик қилди. Она тилида эмин-эркин гапириш, ёзишига деярли йўл берилмади. Кимки расмий минбарларда ўз она тилида гапирса, миллий тилнинг манбаатини ҳимоя қилиб сўз айтса, миллатчилик деб ҳисобланди Яқин ўтмисхизнинг бу аччиқ ҳақиқатини унутмаслик лозим. Мустақилликка эришилгандан кейин бу муаммоларга барҳам берилиди, миллий тилларнинг тараққиётига кенг йўл очилиди. Ҳар бир миллат ўз она тилида гапириш ва ёзиш ҳуқуқига эга бўлди. Ҳатто ўзбек ва қорақалпоқ тиллари давлат тили даражасига кўтарилди, уларнинг нуфузи ортди. Бу тадбирлар осонлик билан, силиқ амалга ошмагани маълум. Бу масалада Алишер Навоийнинг бир вақтлардаги миллий тил манбаати учун кураш усуллари, унга давлат тили мақомини бериш йўлида қўрган сайд-ҳаракатлари мадад, маънавий таянч бўлгани сўзсиз. Ва Алишер Навоийнинг бундан беш ярим аср олдин бу соҳадаги хайрли ишлари ҳозир ҳам аҳамиятини йўқотган эмас.

Алишер Навоий фақат шоир ва мутафаккир сифатидагина эмас, балки ижтимоий фаолиятда ҳам идеал инсон эди. Ватанга, ҳалқга, тараққиётта хизмат қилиш унинг мұқаллас орзузи бўлган. Фаолиятидаги энг кичик имкониятдан ҳам шу мақсадда фойдаланган. Шоир йирик давлат арбоби, муҳрдор, Ҳусайн Бойқаронинг бош вазири, амир, Астробод ҳокими лавозимларини эгаллаб турганида мамлакатнинг ободонлиги ва осойишталиги, гуллаб-яшнаши, ҳалқнинг фаровон турмуши, маданият, адабиёт ва санъ-

атнинг тараққиётти учун астойдил ҳаракат қилди. Ижод аҳлига ғамхўрлик кўрсатиб, уларни ҳар томонлама қўллашни инсоний бурч ҳисоблади. Илм-фанни, маданиятни ривожлантириш учун меҳнатини аямади. Адабиёт ва санъат аҳлига ҳомийлик қиласи. Ҳусайн Бойқаро ўзининг «Рисола»сида биргина Ҳирот ва унинг атрофидаги қишлоқларда мингдан ортиқ киши шеър ёзиш билан шугулланганини ва уларнинг барчаси Навоийнинг ғамхўрлигига бўлганини ёзади. Заҳирiddин Муҳаммад Бобур ҳам «Бобурнома»да бу ҳақда қўйидаги маълумотни келтиради: «Илм-фан эгаларига Алишердек кучли ва эътиборли мураббий бўлган эмас ва бўлиши ҳам номаълум».

Алишер Навоий ҳаётининг мазмунини инсонларга хизмат қилишида деб билган. Шунинг учун ҳам ижодида инсонпарварлик гояларини жуда улуелайди. Ҳалқ дарди билан яшамайдиган, унинг манбаатини ўйламайдиган одамларни шоир инсонийлик хислатларидан маҳрум кимсалар деб атагани бежиз эмас эди. Унинг ҳалқ ҳикматларига айланиб, кўпчиликка ёд бўлиб кетган қўйидаги бир байти шоирнинг барча асарлари ичидан қизил ипдек тортилган инсонпарварлик ҳақидаги қарашларининг синтези, қаймогидир:

*Одами эрсанг демагил одамий
Оникум йўқ ҳалқ ғамидин ғами.*

Шоирнинг бу шоҳ байти бугун ҳам инсонийлик шиори, одамларга нисбатан меҳр ўйғотишга даъват этадиган ўлмас чакириқидир.

Алишер Навоий XV аср тарихий шароитида ҳаёт ва ижоднинг қийин ва жуда мураккаб, зиддиятли йўлларини босиб ўтди. Шундай қийин ижтимоий-тарихий мухитда яшасада, шоир мақсад ва интилишларидан, ҳалқ манбаати йўлидаги олижаноб идеалларидан, эътиқодидан қайтмади. У ҳалқ ва давлат манбаатига қаратилган эзгу ишларни рӯёбга чиқариш учун яшаган, курашган ва ижод қилган унтутилмас сиймодир.

Алишер Навоий – барча замонларнинг шоири. Ҳамма замонларда унга эҳтиёж бўлган ва бундан кейин ҳам бўлиши табиий. Ҳар бир авлод ундан ўзига керакли нарсани топиб келди ва келажакда ҳам топажак. Шоирнинг ўлмас

асарлари нафақат ўтмиш адабиётимизда, балки бугунги ўзбек адабиётида ҳам катта мавқега эга, ижод аҳли учун илҳом манбаи, маҳорат мактаби вазифасини ўтамоқда. Бир мисол келтирмоқчиман. Ўзбекистон халқ шоири Эркин Воҳидов Навоийга бағишланган бир мақолосида шундай деб ёзди: «Навоий ижоди мени шеъриятга олиб кирган. Кўплар каби у менинг ҳам устозим, пири комилимдир. Мен ҳамиша бу юксак ижод сехри олдида ҳайратга тушаман ва унга интилиб яшайман».

Ҳа, шоирман деб қўлига қалам олган ижодкор борки, Навоийнинг шеърият чашмасидан баҳраманд бўлади, ижод сирларини ўрганиб комилликка интилади.

Ҳозирги даврда Алишер Навоийнинг жаҳоншумул аҳамиятга эга нодир асарлари дунё бўйлаб кезиб юрибди, ўзга халқларнинг адабиётига ҳам таъсир кўрсатиб, улар тараққиётида ўз изларини қолдирган. Жумладан, бугунги туркӣ халқлар адабиётида Алишер Навоий ижоди севиб ўрганилади, шоир анъаналари давом эттирилмоқда. Навоийни ўзларига устоз билиб қалам тебратган шоирлар туркӣ халқлар адабиётида анчагина бор. Мана шу мантиқдан келиб чиқиб, образли шаклда улуг шоирни *туркӣ шеърият осмоншинг сўйи мас қўёши, барча адабиётларга нур сочиб турган машъала* деб таърифласак, ҳеч қандай муболага эмас.

Алишер Навоий яратган ўлмас асарлари,adolatli ҳукмдор сифатида амалга оширган хайрли ишлари туфайли дунёнинг энг машхур тарихий шахслари қаторида туради. Беш ярим асрдан ошдики, бу улуг сиймонинг тадбирлари, яратган ижод намуналари маънавият ва маърифат машъали сингари ўзидан кейинги авлодларга қўёш нуридек шуъла сочиб келмоқда. Гарчи шоир давр эътибори билан биздан анча йироқ бўлса-да, унинг поэтик овози деярли ҳар куни кулогимиз остида жаранглаб, руҳимизни бойитиб туради. Биз бу бетакрор даҳо шоир ва мутафаккирни ҳамиша ўзимиз билан ёнма-ён тургандек ҳис қиласиз.

Алишер Навоий ижодига муносабат мустақиллик йилларида янги мазмун касб этди, шоир меросини янги илмий концепциялар, миллӣ мағкурага асосланган янги мезонлар асосида ўрганишга киришилди ва салмоқли тадқиқот ишлари яратилди. Бу соҳада А.Хайитметов, А.Қаюмов, С.Ғаниева, И.Ҳаққул, Е.Исоқовдек йирик навоийшунос олим-

ларнинг ва яна бир қатор мумтоз адабиётимиз тадқиқотчиларининг улуг шоир асарларини ҳдр хил илмий Йўналишларда ўрганиб, қўлга киритган ютуқлари ҳозирги давр на воийшунослигига қўшилган ҳиссадир. Бу ишлар шоир меросини халқимиз орасида янада омиллаштиришга амалий ёрдам берётани адабиётшунослигинимизнинг ҳам улкан ютуғидир.

Ҳа, Алишер Навоий асарлари халқимизга бугун ниҳоятла зарур. Адабий мерос негизида маънавий қадриятларни қайта тиклани, ёшларни ўтмиш меросимизга ҳурмат руҳидатарбияллаш жарабайлари қизғин давом этаётган бир шароитда Алишер Навоий ижодига мурожаат қилиш, айниқса, шоирнинг умуминсоний қадриятларга йўғрилган асарларини, ҳаётбахш ҳикматларини ўрганиш. Қорақалпогистонда ҳам тарғиб қилиш, маънавий ҳаётимизга тадбиқ этиб, улардан тарбия куроли сифатида фойдаланиш муҳим аҳамиятта эга. Шундай экан, маънавий соглом, баркамол авлодни шакллантириш учун бу руҳий ҳазинадан мунтазам баҳраманд бўлиб бориш ҳар бир инсон учун масъулиятли вазифа эканligини унутмаслик лозим.

2001

ҒАЗАЛ МУЛКИННИНГ СУЛТОНИ – ҲОМИЙЛИК ТИМСОЛИ

Дунё тарихида улуг зотлар кўп ўтган. Лекин улар орасида Алишер Навоийдек «авлиёларнинг авлиёси, мутафаккирларнинг мутафаккири, шоирларнинг сultononi» даражасига кўтарилиб, миллат тимсолига айлангани кўп эмас. Шоирнинг таржимаи ҳоли билан танишар эканмиз, бутун умри давомида ижод қилиш билан бирга бева-бечоралар, стимесирлар, ногирон ва муҳтоҷларга муруват кўрсатиб, эл юрт ободончилигига фидоийлик билан хизмат қилиб яшаганига гувоҳ бўламиз. Сахийлик, хайр-садақа, ҳомийлик, эзгулик Алишер Навоийнинг ҳаётий шиори бўлган. Шоир том маънодаги инсонпарвар, беназир буюк шахс. Ўз ҳаётини оддий халқ ҳаётидан ажralган ҳолда тасаввур қила олмаган. Ғазалларидан бирида шоир дениш «*Alyaz ati'ndag'i NMPI* *Informasiyalig' q resurs wozayi'*

*Юз жафо қылса манга, бир қатла фарёд айларам,
Элга қылса бир жафо, юз қатла фарёд айларам.*

Шоир: «Менга юз марта жабр-ситам қылсалар ҳам мен бир марта дод солишим мүмкін. Бироқ эл-юртимга, халқымға бир жафо қылсалар мен юз марта фарёд қила-ман», дейди юқоридаги байтда. Эл-юрти, халқи тақдирини ўз тақдиридан, ўз хузур-жаловатидан устун күйгін, уннің қийналишини, жабр күришини асло истамаган улуг инсонгина бундай чакыриқ билан чиқа олади. Навоий яна бир газалида:

*Халойшқа күрма қилиб бечаво,
Үзинггараво күрмаганнираво —*

деб ёзади. Шоирнинг: «ўзинггараво күрмаган помақбул ишларни бошқаларга ҳамраво күрма», деган дағвати қүйидеги байтида янада таъсирлироқ жаранглайды:

*Нағынг агар халққа бешакдурур,
Балки, бу нағы ўзингга күпракдурур.*

Агар халққа наф, фойда етказсанг, бундан ўзинг ҳам күп наф, манфаат күрасан, деган фикрни шоир ўз ҳәеттій таж-рибасига таяниб айтгани аник.

Инсон ва уннің манфаатты ҳақида қайтurdyган одамгина саҳиilik, хайр-саҳоват тимсолига айланиши, ҳәеттінің мазмұнини шу хилдаги ишларга сарф қилиши мүмкін. Навоий худди шундай саҳоватпеша инсон бүлған. Уннің шахсіні нурлантыриб турадыган бу фазилат ҳақида ҳар қанча гапирса озлик қылади. Шоир, биринчи навбатда, мұхтожларга, етим-есирларға ҳомиilik қылған, уларни ҳар доим моддий томондан құллаб турған. Навоийнинг замондоши, тарихчи Хондамирнинг «Макорим ул-ахлоқ»¹ асарыда шундай бир маълумот бор. 1500 йилда Ҳирот шаҳри ва уннің атрофидеги ақолидан 100 минг кепакий солиқ үйінелдігін бүләди. Шундан 60 мингини Ҳирот шаҳри ақолисидан олиниши режалаштириләди. Алишер Навоийга бу хабарни етказғанда у: **халққа ўринсиз солиқ солиши Ҳусайн Бойқаро**

¹ Хондамир. Макорим ул-ахлоқ, Тошкент., 1967., 107-бет.

давлатига муносиб бұлмас, деб солиқнинг ярмини ўз ҳисобидан тұлаб юборади. Бундан одий халқ жуда мамнун бұлади. Хондамир юқорида тылға олинған асарининг олтінчи бобида Алишер Навоийнинг саҳиilikti тұғрисида яна бир маълумотты көлтиради ва шундай деб ёзади: «Ҳар вакт Амирнинг шарағли суҳбатига етишган аязлар, мұхтож кишилар номини арз қылар, ул ҳазрат (Алишер Навоий – К.К.) ҳам ахевалиға қараб инъомлари, емишлари билан шундай кишиларни баҳраманд қыларди. Шу билан бирга, отда кетаётганның пайтада бирор мұхтожға күзлари түшиб қолса, унға эхсон қылаш мүмкін бўлсин учун, ҳар вакт кашта миқдордаги маблагни ишончли мулозимлардан бирига бериб қўярди. Узоқ ва яқиндаги фозиллар, шоирлар, факир ва заифлар, етимларнинг кўнглини инъом ва тўнлар билан кўтарарди».

Алишер Навоийнинг камбағалларга, мұхтожларга кўрсатған бундай зэгу ишларининг саноги жуда кўп. Бу ҳақда шоирнинг бошқа замондошлари ҳам кўп ёзишган.

Навоий шахсіні улуғлайдыган яна бир ноёб фазилат бор. Шоир илм-фан, маданият ва маърифатнинг ғамхўри, ҳомииси, мамлакатининг гуллаб-яшнаши учун катта бунёдкорлик ишларини амалга оширган ҳақиқий ватанпарвар, эл фарзанди бўлған. Ҳурросон давалатидеги ободонлаштириш ишларига бош-қош бўлған, ўз жамғармаси ҳисобидан кўп бинолар, мадрасалар, карвонсаройлар, кўприклар ва йўллар қурдирган. Хондамирнинг маълумот беришига қараганда, Алишер Навоий ўз маблағи ҳисобидан 20 га яқин масжид, 53 работ (карвонсарой), 19 ҳовуз, 16 кўприк, 10 ҳаммом қурдирган. Баъзи манбаларда қайд этилишича, бундай иншоотларнинг сони 400 дан ошади. Бунёдкорлик ишларининг барчаси бевосита Навоийнинг раҳнамолиги ва ҳомиilikтің амалга оширилган. Шоир бу ишларнинг бошида турған, ҳәтто ўзи ҳам усталар билан қўшилиб ишлаган. «Макорим ул-ахлоқ»да Навоийнинг бу фаолияти шундай таърифланған: «Ул зот (Алишер Навоий – К.К.) ҳар куни иш бошига ташриф қылар, кўпинча этикни бир уриб, мардикорлар қато-ри ишларди. Ҳар неча кунда меморлар, усталар, балки хуарманларга кимматбаҳо тўнлар кийигазар ва беҳад инъом ва эхсонлар билан уларни шодлантиради. Шунинг натижасида уч-тўрт йилда битадиган қурилишлар бир йилда, ҳатто олти-етти ойда битарди».

Алишер Навоий адабиёт аҳлини, илм-фан кишиларини жуда қадрлаган, уларга ҳомийлик қилиб, ўз ҳисобидан маош тўлаб турган, илм-фан, ижод билан шуғуланишлари учун шароит яратиб берган. Масалан, Хондамир «Макорим ул-ахлоқ»нинг муқаддимасида Алишер Навоий ғамхўрлиги ва ҳомийлигига камолга келганини зўр қониқиш билан ёзди: «Ўткир кўз эгаларининг ҳузурида махфий яширин қолмасинки, шараф ва улуғлик осмонининг қуёши, дунё буюкларининг пешвоси, яхши хулқлар манбаи, илм ва ирфон эгаларининг қибласи, ҳоқон давлатининг таянчи ва Султон ҳазратнинг яқини, фақирликка бою, ҳикматга ботир, олий ҳазрат Низомулҳақ валҳақиқат вад-дунё вад-дин Амир Алишернинг узлуксиз меҳрибончиликлари шуъласи, илтифот ва ғамхўрликлари офтоби Хондамир деб шуҳрат қозонган бу фақир бағда ва ҳақиқир зарра Фиёсиiddин бинни Хумомиддин (Хондамирнинг асл исми) бошига тобланди, балки вужудининг ниҳоли ёш чоғидан то йигитлик даврининг охирiga қадар ул ҳазратнинг лутфи эҳсон ариқлари ёқасида ўсиб унди». Яна бир мисол. Алишер Навоий ўзининг дам олиши учун мўлжалланган «Ҳалосия» хонакоҳидаги (масжид) махсус хонани мавжуд шарт-шароити ва китоблари билан Мирхондга (Хондамирнинг отаси)га ажратиб беради. Ўрта Осиё халқлари тарихини ўрганишда муҳим манба бўлиб хизмат қиладиган «Равзат ус-сафо» асарини Мирхонд Алишер Навоийнинг ҳам моддий, ҳам маънавий қўллаб-куватлаши асосида ёзганлиги манбаларда айтилади. Буни Мирхондинг ўзи ҳам эътироф этади.

Савол туғилиши табиий. Алишер Навоий хайрли ишларга сарфланадиган маблағни қаердан олган? «Макорим ул-ахлоқ»да шоирнинг хайрли тадбирлари айтилади, лекин буларга кетадиган маблағнинг манбалари тўғрисида ҳеч қандай маълумот учратмадик. Балки бу ишлар Хондамирнинг замондошларига маълум бўлгани учун у ҳақда маълумот беришни зарур деб ҳисблашмаган бўлиши эҳтимол. Лекин Навоийнинг бошқа замондошлари ва шоирнинг ўз асарларида бу саволга қисман жавоб бор. Шоирнинг замондошлари берган маълумотларга қараганда, бу бойлик ва пулларнинг асосий қисмини у катта дехқончилик ҳўжалигидан олган. Ҳусайн Бойқарога аввал муҳрдор, кейин вазир бўлиб хизмат қилган вақтида у замоннинг қоидаларига биноан

ҳамма амирларга берилганидек, Алишер Навоийга ҳам Ҳирот атрофидан ва бошқа жойлардан ерлар ажратилган. Шоир «Чор девон»га ёзган «Дебоча»сида амир бўлиш орқасида олган ерларини назарда тутиб, ўз қишлоқ ҳўжалиги ҳақида гапиради.

Навоий ўз ҳўжалигига дехқонларни инсоф билан ишлатган, меҳнат ҳақи билан таъминлаб турган. Шоирнинг замондоши Давлатшоҳнинг ёзищича, Навоийнинг бутун ерсуви, мол-мулкидан ҳар куни 18 минг шоҳруҳий динор миқдорида даромад келар экан. Шоирнинг бунёдкорлик ишларига, бинолар қуришга сарфланадиган маблағи беш юз туман (5 000 000) кепакийга баравар бўлган. Бошқа амirlар ўз маблағларини майшатларига сарфлаб, исроф қилса, Алишер Навоий ўз эҳтиёжларини ҳам жуда чегаралаб, кўп хизматчи ва навкарлар сақламасдан, ўртача бир фуқародек яшаб, бутун бойлигини ҳалқ фаровонлигига сарф қилар экан. Навоий замондошларининг баъзи асарларида айтилишича, шариат вакиллари шоирдан ҳатто закот ҳам сўрагани андиша қиларкан. Сабаби унинг қўлида ҳеч қаҷон катта пул тўхтамас экан. Шоирнинг бу хислати «Макорим ул-ахлоқ»да шундай таърифланган: *«Ҳеч қаҷон ул ҳазратнинг ҳазинасида йил давомида закот бериш вожиб бўларли миқдордаги маблағ тўпланиб турмасди. Чунки мулизимларнинг қўлига нимаики тушса, тездан кишиларга инъом бериш йўли билан сарф қилинار ёки хайрли бинолар барпо қилишга кетарди».*

Ҳалқининг равнақи, истиқболи учун, маданияти ва маънавияти, тили ва адабиёти тараққиёти учун курашган, оламшумул ҳомийлик рамзига айланган буюк инсон, фавқулодда талант соҳиби Алишер Навоий шундай олижаноб шахсдир. Ўз замонида мутафаккир шоир амалга оширган эзгу ишлари, ҳомийлиги бугун ҳам кўпларга намуна. Шу маънода, Алишер Навоий ҳамма замонларнинг шоири. Ҳар бир авлод унинг шахсиятидаги ҳеч қаҷон аҳамиятини йўқотмайдиган бу ноёб фазилатдан ибрат олади. Шу масала билан боғлиқ бир мулоҳаза. Бозор иқтисодига ўтишнинг бунгунги мураккаб шароитида бундай саҳиийликнинг қадри муҳим эканлигини шарҳлаш зарур бўлмаса керак. Бундай ҳомийлик тадбирларини амалга оширадиган ҳиммати баланд, бой-бадавлат, бели бақувват кишилар Қорақалпоғис-

тонда ҳам оз эмас. Менимча, бугун мана шундай инсонлар юртимиз фаровонлиги, халқымиз ободончилиги, илм-фан, адабиёт тараққиёти, маданиятимизнинг ўксалиши учун ўз жамғармалари ҳисобидан халқ манфаатига хизмат қиласидан эзгу ишларни қылсалар, эл-юрг хурматига сазовор бўлиб Алишер Навоийдек ҳомийлик тимсолига айланган, эъзозланган бўлур эдилар.

Президентимиз 2006 йилни «Ҳомийлар ва шифокорлар йили» деб ўзлон қилди. Шояд мана шу йилда ҳомийлар сафи янада кенгайиб, хайр-саҳоват тадбирлари жадаллашиб кетса. Бу ишларда уларга Алишер Навоий бобомизнинг руҳи, ҳомийлик бобидаги ибратли ишлари мадалкор бўлишини жуда-жуда истардик.

2006

АЛИШЕР НАВОИЙ ТУРКМАНЛАР ҲАҚИДА

Алишер Навоийнинг номи ва асарлари туркман халқи орасида кўп йиллардан бери маълум ва машхурдир. Буниег бир қанча сабаблари бор. Шоир, аввало, ўз фаолияти, ўлмас асарлари билан туркман халқи қалбига кирган. Унинг инсонпарварлик, маърифатпарварлик ва ватанпарварлик ғоялари билан сугорилган ғазалиёти, достонлари, нафақат шоирлар, саводхон кишилар қалбини сеҳраган, айни чоғда, оддий халқ дилига ҳам завқ бағишилаган. Машхур туркман адаби Берди Кербобоев улуғ ўзбек шоирининг Туркманистонда жуда машхурлиги тўғрисида қуидаги фикрларни билдириши бежиз эмас: «*Миралини – Навоийни туркман халқи ўз классигидек севади. Мактабларда савод чиқарниш учун ўқитиладиган асосий китоблардан бири Навоий лирикаси бўларди. Саводли, илмли одамлар атрофига тингловчиларни тўплаб шоирнинг «Хамса»сини ҳифталаб ўқирдилар. Навоийнинг ғазаллари куйларда, қўшиқларда янграбди. Бу қўшиқлар ҳалиям баҳшиларнинг репертуаридан тушганий йўқ. Одатда, баҳшилар узоқ кечалариниң куй ва қўшиқларини «Навоий» пардаси билан бошлаганлари ҳамон менинг ёдимда.*

Навоийнинг «Хамса», «Хазойин ул-маоний» каби асарлари Бухоро, Хева мадрасаларида қўлланма бўлиб хизмат

этган. Мадрасаларда таҳсил олган туркман шоирлари бу асарлардан баҳраманд бўлиб, ижод сирларини ўрганган. Туркман халқининг Алишер Навоийга ихлос қўйиб, ижодини қадрлашининг яна бир сабаби, унинг ўз замонида туркманларга, уларнинг адабиёти ва маданиятига хурмат ва эътибор билан қараганлиги, ғамхўрлик кўрсатилгани билан изоҳланади.

Навоий ўз даврида туркман тупроғида бўлганлиги, туркман ҳаёти билан яқиндан танишгани тўғрисида адабий-илмий манбаларда маълумотлар бор. Шоирнинг «Хазойин ул-маоний», «Хамса», «Мажолис ун-нафоис» каби асарларида туркманлар ҳаёти ва адабиётига доир мисралар, байтлар учрайди. Маълумки, ҳозирги Туркманистон, Хоразм ўтмишда Алишер Навоий вазир бўлган Хуросон давлатининг бир қисми ҳисобланган. Бу эса шоирнинг туркманлар билан бевосита мулоқотда бўлиши учун яхши имкон туғдиради. У ижтимоий-сиёсий, адабий-илмий фаолияти давомида туркман маданияти ва санъатига, адабиётига доимо хайриҳоҳ ва ғамхўр эди. Шоирнинг асарларида Марв шаҳрининг кўп тилга олинини тасодиф эмас. Марв Навоий учун энг қадрли шаҳарлардан бири эди. Шоир «Туҳфат ул-афкор» қасидасини шу ерда ёзиб туғаллаган. «Хазойин ул-маоний», «Мажолис ун-нафоис» асарларида ҳам Марв шаҳри билан боғлиқ байтлар мавжуд. «Хазойин ул-маоний»нинг тўртинчи – «Фавоийд ул-кибар» китобидаги «Соқийнома»нинг олтинчи бобида Марв ҳақида бир байт бор:

*То боқиб Марв сари бош урайин,
Бошини кўк манзаридин ошурайин.*

Шоирнинг қуидаги байтлари унинг бу тарихий шаҳар ҳаёти билан анча яқин муносабатда бўлганлигидан дарак беради:

*Масканим ҳижоронда бўлса эди Марви изоҳи жон,
Бергай эрди ҳажрдин ўлсам, танимға шоҳ жон.*

Ёки:

*Эй сабо, кўздин учур Мозандароннинг вардини
Ким қилибмен сурма Марви шоҳи жаҳоннинг гардини.*

Алишер Навоий асарларыда Марвни факат таърифлаш билан чекланган эмас. У Марвда мәтирифат ишиларини яхши йүлгө қўйишга аҳамият берган, у ердаги мадрасалар курилишига бош-көп бўлади. Султон Санжар мақбасаси бевосита унинг иштироки билан ташмиранган. Марвлаги «Хисравия» мадрасаси Навоийнинг ташаббуси билан қурилганини ва у ўз даврининг энг машхур билим даргоҳларидан бўлгани ҳақида Хондамир «Макорим ул-ахлоқ» китобида маълумот беради.

Хондамирнинг ёзишига қараганда, 1476-1477 йилларда Навоий қурдирган «Ихлосия», «Низомия» мадрасалари сингари «Хисравия» мадрасасида ҳам мингдан ортиқ талабалар ўқиган. Навоий талабаларнинг яхши билим олишлари учун ҳамма шароитларни яратишга ҳаракат қылган. Факат таълим билан машгул бўлишлари учун уларга стипендия ҳам белгилаган. Кейинчалик ана шу толиблар орасидан катта олимлар, шоирлар стишиб чиққанлиги ҳақида Хондамир шундай ёзди: «Шунингдек, таҳқиқ ва ишонч арбобларининг қибласи бўлган бу зот (Навоий) Соҳибқироннинг подшоҳлиги замонида атоқли олимлар ва ҳурматга лойиқ санъат аҳдларининг даражаларини кўтаришда ва мартабаларини оширишда қўлдан келган қадар ҳаракат қилиди. Талабаларнинг тинч, бемалол илм олишлари учун уларга нафақалар белгилаб, мадрасас ва хонақоҳлар бино қилиди. «Ихлосия» солинди. Мадрасаси «Низомия» Ҳирот шаҳрининг ичиди. Мадрасаси «Хисравия» – Марв шаҳрида бино қилинган. Донишманлар арбобларнинг хотирида яширини қолмасинки, юқорида зикр қилинган биноларнинг шарофати ва баракати бутун дунёга шу қадар машхурки, бундан зиёдан хотирга келтириб бўлмайди».

Навоийнинг лирик газалларидан бирида туркман гўзали таъриф этилади. Латофати ва маҳвашлиги билан шоир қалбини мафтун этган ўша гўзалнинг тавсифига багишланган газалнинг мақтаси билан танишинг:

*Навоий туркларнинг тарки тутса, айб қўлмангум,
Анга бир туркмон маҳваш гами маҳкам дўлошибдир.*

Бундай мисоллар Алишер Навоий газалиётидаги ягона эмас. Таниқли навоийшунос олим А. Ҳайитметов шоир иходига

багишланган мақолаларидан бирида Навоийнинг туркманларга чукур ҳурмат ва муҳаббатини кўрсатадиган яна бир характерли адабий фактга эътиборимизни тортали ва шундай деб ёзди: «Мен куиларининг бирида «Ҳазойин ул-маоний»ни ўқиб ўлтириб, шоир бир газалида туркманча ибора ишилатиб ўз маҳбубасини эркала, туркманга ўхшашганани кўрдим. Мана, ўша байт:

*Навоиё, эрур ул шўх туркмон бас тунд,
Наво тилар эсанг ондин, югурма ордича чўх.*

(Эй Навоий, у гўзал туркман юят аччиғи тез чиқдику, у түфайли мақсадингга эришимоқчи бўлсанг, орқасидан ортиқча кўп югурма.)¹

Алишер Навоий туркманлар билан жуда яхши муносабатда бўлган. Унинг туркман шоирлари билан ижодий алоқалари икки қардош ҳалқ адабиётлари ҳамкорлиги тарихининг ёрқин саҳифаларидан биридир. Алибнинг «Мажолис ун-нафоис» тазкираси бу хусусда қимматли маълумотлар беради. Тазкирада ҳозирги Туркманистон ҳудудида яшаб ижод этган кўп шоирлар ҳақида маълумотлар учрайди. Хуросон шаҳарларидағи адабий муҳитда туркман шоирлари ҳам фаол қатнашган ва аксарияти Навоий билан мулоқотда бўлиб, шеърият сирларини ўрганган, уни ўзларига устоз билгандар. Навоий ҳам уларга ғамхўрлик кўрсатган. «Мажолис ун-нафоис» тазкирасида бу ҳақда қимматли фикрлар ёзиб қолдирилган.

Алишер Навоий билан яқиндан дўстона муносабатда бўлган яна бир туркман шоир тўғрисида багафсилоқ сўз юритмоқчимиз. Бу – Навоийнинг замондоши, хукмдор ва шоир Султон Ёкуббекдир. Бу икки сиймо ораларилаги ўзаро ҳурмат, дўстлик алоқалари хусусида уларнинг ҳаётлик чоғларидаёт тазкираларда қайд этилган. Мирхонд ва Хондамирнинг асарларида Навоий ва Ёкуббек муносабатларини ойдинлаштирадиган фактлар кўп. Жумладан, «Равзат ус-сафо»да мана бу маълумотни учратдик: «Ҳижрий санасининг юз ва тўқсон иккilonчи йилининг (1487 мелодий) қишида олиймакон хон (Султон Ҳусайн Мирзо) Марвда

¹ А. Ҳайитметов. Мерос ва ихлос. Тошкент, 1985., 135-бет.

қишлошга қарор берган эди. Хоқон иктизо (талаф) этдики, Асторободда ҳокимлик қилаёттан Амир Мұғул шохнинг хизматига етиб келсин ва Амир Алишер Астробод дорилғаты ҳокимлиги даражасига күтарилсін. Маҳаллій амир ва күзға күринган кишилар Асторободда Алишерни хурсандчилік билан кутиб олды. Алишерга туркман подшоҳи Ёқуббек ўз ҳурматини күрсатыб, катта совгалар юборди. Алишер Астрободни адолат билан идора қилишга киришди».

Алишер Навоий Ёқуббек билан доимий дүстлик муносабатларини сақлашга ҳаракат қылған. Тарихий манбаларда ёзилишича, шоир ўзининг яқин кишилари орқали Ироқда ҳокимлик қилаёттан Ёқуббекка совға-саломлар жұнатыб турған ва ўзи ҳам ундан шундай илтифотлар күрган. Навоийнинг замондоши тарихчи ва шоир Биной Ироқ сұлтони шоир Ёқуббек билан Асторобод ҳокими шоир Навоий ораларидаги дүстлик ришталарини мустаҳкамлашда воситачи бўлғанлиги тарихий китобларда тилга олинади. Ойбекнинг «Навоий» романида бу тарихий ҳақиқатнинг реалистик бадий ифодасини ўқиб, чиндан ҳам, бу икки сиймо – Навоий ва Ёқуббекнинг дўстона муносабатлари тимсолида ўзбектуркман халқлари ва адабиётлари дўстлиги қадимий ва симмий бўлғанлигини кўз олдимизга келтирамиз.

Навоий Ёқуббекни ҳар жиҳатдан яхши билған. Унинг инсоний фазилатларини қадрлаган, шоирлик истеъодини юқори баҳолаган. Ўз замонида кам учрайдиган фозилсифат киши бўлғанлигини кўп маротаба тилга олган. «Мажолис ун-нафоис»нинг еттинчи мажлисида Ёқуббек ҳақида Навоий шундай маълумот беради: «*Яъқуб Мирзо – Туркман сифолиг йигит оз бўлғай. Дарвешсифат ва фонийваш эрди. Бу рубоий анингдурким:*

*Оlam ki dar ў сабот кам мебинам,
Дар ҳар тарафаш хазор гам мебинам,
Чун кўхна работеист ки аз ҳар тарафаши
Роҳе ба биёбони адам мебинам.*

(Мазмуни: *оламки унда саботни кам кўраман. Ҳар хурсандчилигида минг гам кўраман, чунки у худди кўхна работега ўшайди, унинг ҳар тарафидан йўқлик биёбонига бир ўйл кўраман*).

«Хазойин ул-маоний»нинг «Фавойид ул-кибар» девонида «чўх» сўзи радиф бўлиб келган тўққиз байтлик бир фазал бор. Адабиётшунос К. Тоҳиров мазкур газални Алишер Навоий Ёқуббекка багишлаб ёзган, деган хulosага келади. Бу фикрда ҳақиқат бор. Ёқуббек ўз замонининг маълум ва машҳур шахсларидан бири бўлған. Жумладан, ўзи ҳукмронлик қилаёттан мамлакатдаги адабий-маданий ҳаётни юқори даражага кўтаришда муҳим роль ўйнаган. Шоирларни, санъаткорларни доимо кўллаб-куватлаган, адабий муҳитнинг гуллаб-яшинашига шароит яратишга интилган. Ёқуббекнинг ҳукмдор сифатида ҳам, ижодда ҳам анча илғор шахс бўлғанлигини шу мисоллар тасдиқлай олади. Ёқуббек шу хусусиятлари билан улуг Навоийни эслатади. Ёқуббекнинг хайрли, олижаноб ишлари Навоийнинг ҳурматини қозониши бежиз эмас. Ҳаётда ҳам, ижодда ҳам бу икки буюк сиймо бир хил позицияда турған, бир-бири билан ҳамкорлик қылған. Таниқли навоийшунос олим Суюма Фаниеванинг мана бу фикрлари ана шу тарихий ҳақиқатнинг илмий тасдиғидир. «Султон Ёқуб ўз замонасининг буюк шахсларидан бири бўлған. У ҳукмронлик қылған даврда адабиёт юқори даражага кўтарилган эди. Унинг атрофига йиғилган шоирлар султоннинг ғамхўрлиги остида шеъриятнинг гоявий-мазмун доирасини кенгайтиришга астойдил ҳаракат қылғанлар. Ана шу жўшқин адабий ҳаёт Султон Ёқуб ижодининг ҳам гуллаб-яшинашига имкон яратди. *Бу даврда уч халқнинг буюк фарзандлари – туркман Султон Ёқуб Акгоюни, ўзбек Алишер Навоий, тоғижик Абдураҳмон Жомий ораларидаги мустаҳкам дўстлик алоқалари бу халқлар адабий ҳамкорлигининг янги, ўзига хос саҳифасини вужудга келтиришга хизмат этди*».

Яна бир факт. Матъумки, XVI аср давомида Навоийнинг «Мажолис ун-нафоис» асари форс тилига бир неча марта таржима қилинган. Биринчи таржима ҳиротлик шоир ва олим Фахри томонидан 1521-1522 йилда амалга оширилган бўлса, иккинчи таржима Муҳаммад Қазвиний қаламига мансуб бўлиб, у 1522-1523 йилда рўёбга чиққан. Қизиги шундаки, таржимонлар «Мажолис ун-нафоис»ни форс тилига ўтиришда унга ижодий муносабатда бўлиб, тазкираннинг кўп жойларини ўзгартирган, янги манбалар кирилган.

Масалан, саккиз мажлисдан иборат бўлган «Мажолис ун-нафоис»га тўққизинчи мажлисни кўшиб, тазкиранинг ҳажмини кенгайтирганлар. Алишер Навоий тазкирасига таржимонлар томонидан кўшилган янги маълумотлар ўша давр адабий ҳаёти тўғрисида, энг муҳими, Навоий ва Ёкуббекнинг бу давр адабий ҳаракатчилигидаги ўрни, ижодий ҳамкорлиги хусусидаги маълумотларнинг устини тўлдиради.

Навоий эътиборига сазовор бўлган шоирлардан яна бири Мавлоно Соҳибдир. У Навоийнинг яқин дўсти ва азиз сухбатдошларидан бири бўлганлиги ҳақида Зайниддин Восифийнинг «Бадоеъ ул-вақоєъ» («Ажойиб воқеалар») китобида ҳам батафсил ёзилган. Тарихий манбаларнинг хабар беришича, Навоийнинг вафоти Соҳиб Дорони чуқур қайғуга соглан ва у устози вафотига бағишлиб марсия ҳам ёзган. Узоқ вақтлар марсиянинг матни номаълум бўлиб келган. Туркман адабиётшуноси А. Бекмуратов ўзининг бир мақоласида мазкур марсиянинг адабиётшунос Гандим Гурбанов томонидан топилганлиги ва адабий жамоатчиликка тақдим этилганлиги тўғрисида сўз юритади.¹ Мақола муаллифининг маълумот беришига қараганда Соҳиб Доро марсиясида шогирдлик меҳри билан Навоийнинг инсоний фазилатларини улутлаган, шоирлик талантига тан берган. Бу тарихий ҳақиқатнинг бадиий ифодасига ёзувчи Ойбек ҳам «Навоий» романida бир неча саҳифа ажратгани бежиз эмас эди.

«Мажолис ун-нафоис»да Навоий таъриф берган ёки тазкиранинг форсча таржимасига янги кўшилган туркман шоирларининг яна бир нечаси тўғрисида фикр билдириш мумкин эди. Назаримизда, биз таҳлилга жалб қилган шоирларнинг ҳаёти ва фаолияти ҳақидаги маълумотлардан намуналарнинг ўзиёқ Алишер Навоийнинг туркман шоирларига бўлган муносабатини ойдиналаштира олади.

Навоийнинг «Мажолис ун-нафоис» тазкираси ўзбек-туркман адабий алоқалари тарихини ўрганишда муҳим манба ҳисобланади. Ўрни келгандан шу масала билан боғлиқ яна бир адабий фактга эътиборингизни қаратмоқчимиз. Гап шундаки, Навоийнинг «Мажолис ун-нафоис» асари XVI-

¹ А. Бекмуратов. Өзбулушлы өмурден гулкули вака. «Эдебият ва сунгат», 1998 й., 9 сентябрь.

XVII асрлар туркман адабиётида тазкира жанрининг вужудга келишига таъсир кўрсатган. Бу асар кўп хусусиятлари билан туркман шоирлари, тарихчилари ва олимларининг диққатини жалб этган ва улар ҳам Навоийдан таъсирланиб тазкира намуналарини яратишган. Жумладан, XVI асрнинг ўрталари ва XVII асрнинг бошларида яшаб ижод этган туркман олими, шоири ва рассоми Содикбек Авшар Содикй Навоий анъаналари изидан бориб «Мажме ул-ҳавас» деган тазкира ёзган. Содикйнинг «Мажме ул-ҳавас» асарида форс, араб ва туркий тилда ижод этган 332 туркман шоири ҳақида маълумот келтирилган. Шунингдек, тазкиранинг охирида муаллиф ўзи тўғрисида ҳам ахборот берган. Содикй тазкира яратишга киришмасдан олдин, ўзигача ёзилган тазкиралар билан муфассал таниш бўлган, айниқса, Жомийнинг «Баҳористон», Навоийнинг «Мажолис ун-нафоис» тазкиралари тажрибаларидан фойдаланган. «Мажме ул-ҳавас»нинг муқаддима қисмида Содикй ўз салафларининг тазкираларини ҳурмат билан тилга олади. Ҳатто Навоийга уч байт газал бағишлиб, шоирга бўлган ҳурматини баён этади, ўз тазкирасини бевосита «Мажолис ун-нафоис»га ўхшатма қилиб яратадиганлигини алоҳида таъкидлайди.

Саккиз бўлим ва хотимадан иборат бўлган «Мажме ул-ҳавас» тазкираси барча хусусиятлари билан «Мажолис ун-нафоис»га жуда яқин. Форс, араб, туркий тилларда қалам тебраятан ижодкорларга берилган таърифларда, асарларини баҳолашдаги ўлчовларда Навоий тазкирасига ўхшашликлар жуда кўп. Бу факт шуни кўрсатадики, Алишер Навоий асарлари, жумладан, «Мажолис ун-нафоис» XVI-XVII асрларда ёқ туркманлар орасида жуда машҳур бўлган, шоирлар, олимлар, тарихчиларнинг диққатини жалб этган, тазкира жанрининг ривожланишига таъсир кўрсатган.

Хуллас, Алишер Навоий шахсий фаолияти билан ҳам, ижоди билан ҳам туркман ҳаёти ва туркман адабий муҳити билан шундай мустаҳкам боғланганки, шоирнинг номи ва асарлари бугун ҳам эл эъзозида. Академик Б.Гарриевнинг қўйидаги эътирофи фикримизнинг яна бир далили. «*Буюк ўзбек шоири Навоийнинг ҳамма ерда машҳурлигини унинг барча ҳалқарга, жумладан, туркман ҳалқига оталарча ғамхўрлигиги абадий ўлмас мумтоз меросининг қудратли бадиий таъсирни билан изоҳлаш мумкин. Навоийнинг номи Ўзбе-*

кистонда қанчалик мүштабар ва азиз бўлса, Туркманистанда ҳам шу қадар қимматлидир. Туркман халқи Навоийни ўз шоири деб билади».¹

1992

МИРАЛИ (НАВОИЙ) ТУРКМАН ФОЛЬКЛОРИДА

Қардош туркман халқи Алишер Навоийни доимо улуг бир инсон, донишманд ва тадбирли давлат арбоби, камбагалларнинг манфаатларини кўриқлаган инсонпарвар шоир, адолат ва ҳақиқат учун курашувчи олижаноб ва сахий киши қиёфасида тасаввур қылган. Буюк истеъодли, заковатли шоирнинг улуг фазилатлари ҳақида туркман халқи бир туркум ҳикоят ва ривоятлар тўқиган. Узоқ асрлар давомида халқ томонидан ижод қилинган бу афсоналар бизнинг кунларимизгача етиб келган, туркман ва ўзбек халқлари дўстлигига хизмат қилмоқда.

Алишер Навоий ҳақида туркман халқи ижод этган ҳикоятларни тўплаш, нашр этириш соҳасида машҳур туркман шоир ва ёзувчинларининг, адабиётшуносларининг хизматлари катта. Берди Кербобоев, Мати Кўсаев, Панжи Оғалиев сингари адаб ва олимларнинг турли йилларда Мирали туркум халқ афсоналарини ёзib олиш, нашрга тайёрлаш, ўкувчилар оммасига етказиш бўйича олиб борган тадбирлари таҳсинга лойик.

Навоий образи яратилган ривоятлар «Мирали ва Султон Суюн» деган ном билан биринчи марта 1941 йилда китоб шаклида чоп этилди. Тўпламни фольклоршунос олим П. Оғалиев нашрга тайёрлади ва унга сўзбоши ҳам ёзи. Сўзбошида шоирнинг ҳаёти ва ижодига қисқа маълумот берилиб, китобга кирган Мирали (Навоий) билан боғлиқ ҳикоятларнинг ғоявий йўналиши хусусида ҳам фикр билдирган. Шоир ҳақидаги ҳикоятлар иккинчи марта 1948 йилда Берди Кербобоев таҳрири остида «Мирали» номи билан ўн беш минг нусхада нашр этилди. Мазкур тўплам янги ёзib олинган ривоятлар, афсоналар ҳисобига тўлдирилган бўлиб, ҳар

жихатдан мукаммал. Китобга ёзилган сўзбоши Навоийнинг ҳаёти ва ижодий биографияси ҳақида муфассал маълумот беради. Берди Кербобоев фақат шоирнинг таржими ҳолига доир фактларни, саналарни қайд этиш билан чекланмайди, ижоди ҳақида, хусусан, «Хамса» достони тўгрисида кенгроқ тўхтайди. Навоийнинг туркман адабиётига таъсири ҳақида ҳам диққатта сазовор фикрларни баён этади. Жумладан, Мирали туркум ҳикояларининг яратилиши тарихи, ёзib олинган манбалари тўгрисидаги ёзувчининг мулоҳазалари қизиқарли. Б. Кербобоев бир ўринда Алишер Навоий исмининг туркман фольклорида Мирали шаклида қўлланилишининг сабабини шундай изоҳлайди: «*Навоийнинг исми «Али» бўлиб, «Мир» ёки «Амир» унинг хизмат лавозами. Лавозимни англатадиган бу сўзлар унинг исмининг олдига қўшилиб «Мир Али» деб юритилади. Туркман халқи бу икки сўзни қўшиб «Мирали», деб атат бошлаган».*¹

Б. Кербобоев «Мирали» туркум ривоятларнинг асосий қисмини ўзи тўплаган ва уларга сайқал берган. У Навоий ижоди билан қизгин шугулланиб юрган йилларда Мирали ва Султон Суюн ҳақидаги афсоналар Туркманистанда жуда машҳур эди. Тўй ва базмлар, кулги оқшомлари ҳажвий ривоятларсиз ўтмаган. Шундай давраларнинг шахсан гувоҳи бўлган Б. Кербобоев «Мирали» китобининг сўзбосида шундай ёзган эди: «*Мирали ва Султон Суюн тўгрисида халқ тўқиган афсоналар, ҳикоятлар туркман халқи орасида юзлаб, минглаб топилади. Менинг ёдимда: одамлар Мирали ва Султон Суюн ҳақидаги ривоятларни эрталабдан кечгача ёки илк оқшомдан яром тунгача айтишарди. Бу қизиқарли ҳикоятлар тингловчиларга завқ бағишли билан бирга, уларнинг маънавиятига, зеҳнининг ўтқирлашувига, дунёқарашишинг кенгайишига катта фойда берарди*.

«Мирали» китобига йигирма ҳикоят жамланган, баъзилари ўзбек тилига ўтирилиб, газета-журналларда эълон килинди. 1963 йилда «Ёш гвардия» нашриёти бу ривоятларни тўплаб, «Туркман юмори» деган номда нашр этди. Биз, асосан, шу манбалардаги ҳикоятлар бўйича сўз юрита-

¹ «Ўзбек тили ва адабиёти», 1968. 3-сон.

¹ Мирали. Туркмендөвнешр. Ашгабат, 1948., 3-бет.

миз. Зарурат туғылған пайтда түркман тилидаги манбаларга мурожаат этамиз.

Алишер Навоий ҳақида түркмәнлар тұқынған ривояттар мавзу жиһатдан ҳар түрли. Шоирнинг камтарының да сакибілгісінен, доно па әтчилигидан қысса қылуучи «Күрпантага қараб оёқ узат», «Подио үларига», «Мирали билан саводгар», «Осмоннинг оқ товуғи» каби ривоятларда Навоий үлмас халқ құрамони – Афандини әслатады. Миралиниң шүхлиги, донишмандлығы, доимо рақибидан болыб келинин, талбиркорларды Афанди ҳаракатларыға ұшшаб кетали. «Подио үларига» номлы ҳикояттың мазмунин бу мұлохазамизға мисол бұла олалы: Марвдан Султон Суюн саройига борадынан йүлда Мирали бозорда бир қанча құй сотады. Харидорлар күйнинг пулинин Султон Суюннинг үленидан кейин тұлашлари көрек эди. Бу ҳақда айғоқчилардан хабар топиб, газабға келтән Султон Суюн Миралини құзурита қақирады ва дейді: «Нега сен менинг үленимни тилайсан?! – Шоҳим, – дейді Мирали, – шу шарт билан құй сотиб олғанлар бугундан бошлаб умрингизнинг бокий бўлишини худодан илтижо қиласидилар. – Мирали! – хитоб қиласиди Султон Суюн, – бугундан бүён сен менинг бosh вазири месан.

Мазкур ривоятта Алишер Навоийнинг ҳақиқат, алолат-парвар, камбагалларнинг ҳимоячеси эканлығы яхши очилған. Донолиги туғайли қалтис вазиятлардан ҳам чиқиб кета оладын талбиркор шахс бўлғанлығи бошқа ривоятларда ҳам ҳикоя қилинади. «Нетмак керак» деган ривоятни таҳлил қилиб кўрайлик: Султон Суюннинг Гул исемли севимли хотини бор экан. Шоҳ уни ҳамма нарсадан азиз билар экан. Султон Суюн унинг үленини ҳатто тасаввур ҳам қилмас экан. Бир куни Султон Суюн вазирларини қақириб: «Кимда-ким Гулимнинг үлими хабарини келтирса, унинг ҳаёті хавф остила қолгусидир» – дебди. «Аяган кўзга чўп тушар» деганларидек, кунлардан бир кун Султон Суюннинг севикли хотини Гул қазо қилибди. Вазирлар бу хабарни Султон Суюнга айтишдан кўрқиб, Миралига ялинишибди. Мирали Султон Суюн олдига бориб, бosh этиби.

– Агар Султоним ижозат берсалар, шоирингиз бир мисра шеър билан мурожаат қиласиди.

– Рухсат, – дебди Султон Суюн.

– Сарв оғочнинг соясиде сўлса гул нетмак керак?

Султон Суюн ҳам унга шеър билан:

– Сарвдан тобут ясаб, гулдан каған этмак керак, – деб жавоб бериди-да, юрагининг қаттиқ-қаттиқ уришидан қисқа-қисқа нафас олибди ва дебди:

– Ох! Гул ўлди, десанг бўлмайдими ахир!

– Гул ўлди, деб айтай десам, ўз үленим кўз олдимга келди, шоҳим, – дебди Мирали.

Бу ҳикоятда ҳам Мирали донишмандлығи ва фаросати, назми билан шоҳни мот қила оладиган бир улуғ сиймо сифатида гавдалантирилганига гувоҳ бўлдингиз.

Адабиётшунос Н.Аҳмедов «Тарихий шахс талқини» номди рисоласида бу ривоятни таҳлил қилиб, шундай хуласа чиқаради: «Қардош халқлар, жумладан, түркман халқ оғзаки ижодида Навоий образининг талқини ўзига хос, шу халқнинг тарихи, маданияти билан ҳамоҳанг равиша юзага келган. Түркман халқ ижодиётида ҳам биз яна шоир таржимаи ҳолига оид тарихий далилларнинг ўзгартирилиши ҳодисасига дуч келмиз. Мазкур ҳикояда («Сўлди гул нетмак керак» – К.К.) Навоий ва Ҳусайн Бойқаро муносабатларидаги муайян тарихий аниқлуккина эмас, ҳатто Мир Алишернинг шоҳ саройида тутган мавқеи – вазирлиги ҳам «ўзгаришга» учрайди. Навоий образи эса халқ баҳиси сифатида талқин этилади».¹

Муаллифнинг бу фикрлари баҳсли. Юқоридаги ривоятда Навоий таржимаи ҳолига оид тарихий далилларнинг ўзгартириб берилгандығы тўғри. Лекин мазкур афсона мутлақо ҳаёт ҳақиқатига мос келмайди, дейиш ҳам тўғри эмас. *Биринчидан*, улуғ Навоий шахсиятига хос донолик, топқирлик, шоирлик санъати оз бўлса-да, ривоятнинг мазмунига синган. *Икканичидан*, Навоий образи ҳикоятда халқ баҳиси сифатида талқин этилган, деган фикр асоссиз. Сабаб, ривоятда Навоийни баҳши тарзида характерлай оладиган бирор деталь ҳам йўқ. Ёки муаллиф Навоий баҳши деганда, унинг шоирлигини назарда тутдимикан?. Бизнингча, баҳши бу түркмәнларда (умуман, түркий халқларнинг аксариятида) дотор билан қўшиқ ва термалар айтадиган шахс тушунилади.

Н.Аҳмедов түркман халқ оғзаки ижодидаги түркүм ҳикоятлар таҳлилида баъзан бир ёқлама ҳуласалар чиқаради. Агар

¹ Н.Аҳмедов. Тарихий шахс талқини. Тошкент, 1989., 27-бет.

у туркман фольклорида яратилган Мирали ҳақидаги ривоятларнинг асосий қисми билан муфассал танишиб чиққанида, рисолада күйидаги холосани бермаган бўларди: «Ўзбек халқ ижодиётида яратилган ҳикояларда Алишер Навоий тарихий ҳақиқатга мос равишда ўзига тинч феодал оиласидан чиққан ўқимишли, доно вазир, буюк шоир сифатида талқин этилса, туркманлардаги Мирали (Алишер) халқ кўйи табақасининг вакили, шоир-бахшидир. Шунинг учун ҳам Миралини иложи борича, халқ бадиий тафаккури изн берган даражада, ана шу табақага яқинлаштириб, у билан бир бутунликда талқин этиш кучли. Мирали (Алишер) халқ қўйи табақасининг вакили бўлгани учун ҳам оиласи киши сифатида берилади. Бунда асосий эътибор унинг оиласи шахсий ҳаётига эмас, аксарият ҳолларда адолатпешалигини талқин этишга қаратилади».

Рисола муаллифи туркман фольклоридаги ривоятларда Мирали (Навоий) шоир-бахши сифатида кўрсатилади деган фикрни китобининг кўп саҳифаларида қайта-қайта таъкидлайди-ю, лекин бирор ҳикояни мисол тарзида таҳдил қилмайди. Туркман халқ ижодиётида Навоийни бахши сифатида талқин қилувчи ривоятлар, эҳтимол, битта-иккита тоҷилар. Лекин ўзбек фольклорида яратилган ҳикояларда Навоий ўқимишли, доно вазир, буюк шоир тарзида кўрсатилади, туркманлардаги Мирали (Навоий) халқ қўйи табақасининг вакили, шоир-бахши қиёфасида талқин этилади, деб холоса чиқариш, бизнингча, ҳақиқатга тўғри келмайди. Бу – масалага бир томонлама ёндашиш, шоир образини яратишдаги ранг-барангликни, туркман халқи тўқиган ҳикоя ва ривоятларнинг гоявий мундарижасини нотўғри талқин қилишнинг белгиси. Биз юқорида таҳдил қилган ва бундан кейин таҳдилга тортиладиган ҳикояларнинг ҳеч бирида Мирали бахши тимсолида кўринмайди. Балки адолатпарвар вазир, доно маслаҳатчи, ўтқир сўз устаси, бева-бечораларнинг фамхўри, золимларнинг додини берадиган тадбиркор бир инсон образида гавдаланади. Алишер Навоий ҳамиша қўйи табақанинг вакили эмас, аксинча, Султон Суюн (Ҳусайн Байқаро)нинг доно вазири, мамлакатнинг адолатпарвар ҳукмдори сифатида ҳаракат қиласи. Шундай экан, туркман халқининг Мирали ҳақида яратган ривоятларининг барчаси Навоий таржимаи ҳолидаги тарихий далилларга

мутлақо алоқаси йўқ, уларда афсонавий, фантастик эртакларга хос хусусиятлар устунлик қиласи деб, холоса чиқариш, мантиқсизлик. Ривоятларнинг кўпчилигидағи воқеалар, деталлар улуғ шоир таржимаи ҳолига ҳамоҳанг. Бу ривоятларни ўқир эканмиз, Алишер Навоийнинг шахсий ҳаёти ва ижтимоий фаолияти билан боғлиқ тарихий воқеалар, ҳаётий деталлар беихтиёр ҳаёлимизда гавдаланади. Туркман халқи тўқиган ривоятларнинг ҳаммасини ҳаётийликдан маҳрум қилиб, уларнинг барчасига эртак тамғасини босиш тўғри эмас. Бундай холосалар туркман халқ оғзаки ижодиётида Алишер Навоий тўғрисида яратилган ҳикояларнинг бадиий-эстетик қимматини камситишига, тарбиявий аҳамиятини пасайтиришга олиб келиши мумкин.

Туркман фольклорида Мирали (Навоий)нинг оиласи киши сифатида талқин қилиниши масаласига келсак, муаллифнинг бу фикрлари ҳам баҳсли. Олим рисоласининг бир ўрнида шундай деб ёзади: «Ўзбек халқ оғзаки ижодиётида яратилган ҳикоя ва латифаларнинг аксарияти буюк шоир таржимаи ҳолининг «оқ доғлари»ни тўлдириш, Навоийнинг нима учун «оламни тавре фард ва жорийда» (дунёни фалати ёлғизликда) ўткарғанлигини (Бобур) бадиий жиҳатдан ўзига хос тадқиқ ҳамда талқин қилишга бағишилагани ҳолда, бундай ҳолат туркман фольклорида мутлақо учрамайди. Миралининг оиласи киши тарзида берилиши бу муаммога ўзича чек қўйгандек туолади».

Биринчидан, Мирали (Навоий)ни оиласи киши қилиб кўрсатувчи латифалар туркман фольклорида муаллиф таъкидлаб айтган даражада кўп эмас. **Иккинчидан**, шоир таржимаи ҳолининг «оқ доғлари»ни тўлдирувчи, Навоийнинг нима учун дунёни фалати ёлғизликда ўтказганлигини бадиий тадқиқ этувчи ривоятлар туркман халқ ижодиётида, муаллиф ёзганидек, «мутлақо учрамайди» эмас, балки истаганча топилади. Чунончи, «Ким айбдор», «Юлдуз кўрган», «Пулдор хотин», «Гул ва Султон Суюн», «Ким ҳақ», «Мендан ҳам шунча» ва бундан бошқа яна бир неча ривоятларнинг мазмунида Алишер Навоий таржимаи ҳолининг «оқ доғлари»ни тўлдиришга хизмат қиласидиган, шоир шахсияти ҳақида муайян тасаввур берадиган ҳаётий манзаралар етарли.

Туркман халқи тўқиган барча ҳикояларда Навоий олижаноб фазилатли шахс сифатида тасвирланади. У гоҳ халқ-

парвар шоир, гоҳ адолатли давлат арбоби, гоҳ камбағалларнинг халоскори, баъзан эса адолатсиз шоҳларни мағлуб қиласиган зукко донишманд қиёфасида кўринади. «Думли юлдуз», «Мирали ва Султон Суюн», «Пулдор хотин», «Кечир дўстим», «Пуллар қаерга сарфланаяпти», «Ким ҳақ» сингари ривоятларнинг мазмунида бефаросат ва золим шоҳларни лол қолдирган, хасис ва ярамас савдогарларни фош қилган, бева-бечораларни қўллаб-қувватлаган зийрак Миралини кўрамиз. «Пуллар қаерга сарфланаяпти» номли афсонада Миралининг камбағалпарварлиги ҳикоя қилинади. Мана, ривоятнинг мазмуни билан танишиб кўринг: «Мирали билан Султон Суюн илгаридан таниш бўлишса-да, подшо дўстиникига бирор марта ҳам меҳмон бўлиб кирмаган экан. Кунларнинг бирида подшо Миралининг уйига бормоқчи бўлди. – Кўнглингиз тортса, жоним билан, деб Мирали розилик билдиради. Подшо вазирнинг уйига келади. Бош вазирнинг уйи жойнамози йифиштириб олинган мачитнинг ўзи. Қабристондек хувуллаб турибди. Жулдуру тўшакдан бошқа бирор нарса йўқ. Миралининг хотини уйнинг бир бурчагида ип пишишиб ўтирибди. Султон Суюн ҳайрон қолади.

– Бу кимнинг уйи, – деб сўрайди у. – Бош вазирингизники, султоним, – деб жавоб беради Миралининг хотини. – Ажабо, мен унга ҳар ой юз тилла бераман-ку, нега шу қадар фарисизлар, – дейди Султон Суюн – Худога шукур, тан жонимиз соғ, ишлашга қурбимиз етади. Кунимиз ўтиб турса бўлгани. Сиз тўлаётган пуллар, мазмунидан яна ўз эгаларига қайтаяпти, – эҳтиром билан жавоб қиласи Миралининг хотини. – Ҳайронман, ахир бош вазиримга мен ҳар ойда бераётган юз тилла қаёққа кетаяпти, – такror сўрайди Миралидан подшо. – Ташқарига чиқайлик, ҳаммасини тушунасиз, султоним, – дейди гапни қисқа қилиб Мирали. Йўлда кетаётib Мирали подшога агар у воқеанинг тагига тезда етмоқчи бўлса, кийим-бошлари ва отини алмаштириб олиши лозимлигини айтди. Султон Суюн кўнди. Улар шаҳар атрофида гадо ва майиб-мажруҳлар яшайдиган маҳаллаларга боришиди. Подшонинг отини миниб, кийимларини кийиб олган Миралига ҳеч ким эътибор бермас, аксинча, Миралининг кийим-бошларидаги Султон Суюни оломон ўраб оларди. Кимдир отнинг юганини ушлади,

қолганлар унинг қўлтиғидан кўтарғанларича авайлаб ерга туширишиди. Ҳар томондан: «Ассалом Миали», «Нури дийдамиз, халоскоримиз, худо умрингизни узоқ қилсан!» деган хитоблар эшитиларди.

– Мирали, биродар! – ёлворди Султон Суюн, – Мени оломон ичидан олиб чиқмасангиз бўлмайди. Буларнинг подшоси мен эмас, сиз экансиз. Мен тўлаётган пулларни қаерга сарфлаётганингизни энди билдим. Ҳаёти таҳлика остида қолаётган мажруҳлар бироз тинчиганларидан кейин Мирали уларнинг ҳол-аҳволини сўрагани Султон Суюннинг ўзи келганини айтганда, ҳамма подшони янада зичроқ қуршаб олади. Улар Султон Суюннинг этагини ўпиб, сажда қилишади. Султон Суюн яна Миралига ялинади: – Худо хайрингизни берсин, айтганингизни бераман, аммо мени бу ташвишдан халос қилинг, кетайлик! – Бу баҳтсизлар учун уй қуриб, уларни хазинангиз ҳисобига боқишга ваъда қилсангиз. Бу ердаги жуда бадбўй исдан кўнгли бехузур бўлиб, боши айланган подшо Миралининг таклифига хўп дейди. – Бу фарид, бева-бечораларнинг ҳимоячисига ҳам янги уй қуриб бераман, – деб қўшиб қўяди.

Туркман халқи ижод этган бу воқеа, гарчи афсона бўлсада, унинг негизида ҳаёт ҳақиқатига яқинлик, шоир шахсиға ўхшашлик бор. Маълумки, Алишер Навоий нафақат давлат маблагини, ҳатто ўзининг шахсий маблагини ҳам оддий халқ манфаатига сарфлагани, камбағалларга бериб, хайрсадақа қилиб тургани тарихий ҳақиқат. Навоий моддий бойлик тўпламаган, кўлига тушган маблагни етим-есирларга тарқатган. Бу ҳақиқат ушбу ривоятда афсона либосида бўлсада, шоир шахсиятидаги инсоний фазилатларга мослаштириб тўқилган.

Туркман халқининг Навоийга бекиёс ҳурматини ифода этадиган «Мирали ва Султон Суюн» номли яна бир ривоятга эътиборингизни қаратмоқчимиз. Бу ривоят туркман тилидаги фольклор асарлари орасида ҳам, ўзбек тилидаги оғзаки ижод намуналари орасида ҳам учрайди. Масалан, у 1968 йилда «Ёш гвардия» нашриётида чоп этилган «Доно Алишер» деган китобга кирган ва у худди шу нашриётда 1963 йилда босилган. «Туркман юморлари» тўпламидаги «Мирали ва Султон Суюн» ривоятидан деярли фарқ қилмайди. «Доно Алишер» китобининг «Изоҳлар» бўлимида мазкур

афсонага шундай шарҳ берилган. «Мир Алишер ва Султон Ҳусайн. Айтувчи Мадраҳим Матниёзов, ёзб олувчи Насрулло Собуров. Хоразм область, Ҳозарасп райони. Буни филология фанлари кандидати Мансур Афзалов «Ўзбек халқ ижоди» сериясидаги «Олтин олма» деган эртаклар тўпламида нашр этган».¹

Фикримизча, бу афсонани туркман халқи тўқиган. Гарчи у Хоразмда ёзб олинган бўлса-да, унинг бир илдизи Туркманистон билан бөглиқ. Узоқ асрлар давомида Хоразм воҳасида кўшни бўлиб яшаб келган ўзбек ва туркманларнинг ҳаёт тарзигина эмас, тили, маданияти, айниқса, халқ оғзаки ижодида ўхшашликлар кўп эди. Хоразмда тўқилган афсоналарнинг туркманлар орасида, Туркманистонда яратилган ривоятларнинг Хоразмда кенг тарқалиши икки воҳа халқлари фольклорининг бир-бирига яқинлашишига сабабчи омиллардан бири. Махтумқули ҳақида Хоразмда яратилган ривоятлар, Навоий тўғрисида Туркманистонда тўқилган афсоналар ва уларнинг ҳар икки ўлкада тенг даражада оммалашиб юриши икки халқ фольклори алоқаларининг ёрқин намойишидир.

Энди асосий масалага қайтиб, «Мирали ва Султон Суюн» ривоятининг мазмуни билан танишиб чиқайлик. Мазкур афсонанинг бальзи ўринлари Навоий шахсига доир тарихий фактларга ҳам ўхшаб кетади. Шу боисдан биз унинг мазмунини тўла келтиришни ва айрим эпизодларини шонирнинг реал таржима ҳолига солиштириб кўришни лозим топдик. Мана, ривоятнинг ихчам сюжети: Бундан бир неча юз йил аввал Эрондами, Турандами, хуллас, бир мусулмон юртида бир подшо бўлибди. Унинг оти Султон Суюн экан. Ўзи илмли, ўқиган, оқ-қорани таниган, улуф кишилар авладидан экан. Унинг бир вазири бор экан, у ҳам ўқиган, оқ-қорани таниган, подшо билан бир мадрасада ўқишган экан. Унинг оти Мирали экан. Вазирни подшо, подшони вазир яхши кўрар экан, лекин подшонинг уламо-пуламо, қози-позилари, хуллас, бошқа амалдорлари буларнинг ўртасидаги яхшиликни кўролмас эканлар. Миралини подшонинг ёнидан ўйқилиб юборишнинг чорасини ахтариб, охири уламо, қози, муфтилар уни бир қудуқ ичига ташлабдилар. Сул-

тон Суюн бўлса, бундан хабари йўқ экан, лекин Мирали йўқлиги учун бир нарсаси йўқолган кишидек:

*Ғам билан қайғу билан
Сўлди баҳорим гуллари, –*

деб ҳар куни бир байт айтиб юрар экан. Султон Суюннинг бу шеърларини шу златда бир чўпон эшишиб, ёдлаб олибдида, бўлса-бўлмаса, дуч келган ерда айтиб юра берибди. Кунлардан бир кун чўпон бир қумликка бориб, кудукнинг бўйида байтни ёд айтибди. Кудукнинг ичидаги ҳолсизланиб ётган Мирали шеърнинг Султон Суюнники эканлигини дарров билибди. Шунда кудукнинг ичидан овоз берибди:

*Дўстини чоҳа солибдур
Сайрамас булбуллари.*

Шу вақт чўпон дарров қудукқа қараб, ичидаги Мирали эканлигини билиб, уни тортиб олмоқчи бўлибди. Мирали айтибди: – Мени сен бу ерда қолдиравер. Ўзинг подшонинг даргоҳига бор, агар подшо яна:

*Ғам билан қайғу билан
Сўлди баҳорим гуллари, –*

деб шеър ўқиса, сен:

*Дўстини чоҳа солибдур
Сайрамас булбуллари,*

деб айт.

Агар подшо: «Сен буни қаердан билдинг?» – деб сўраса, сен суюнчисини олиб, менинг бу ерда ётганимни билдириб, дебди. Чўпон шу замон Миралиниң сўзларини кўнглига ёд олиб, Султон даргоҳига бориб, секин қараса Султон Суюн:

*Ғам билан, қайғу билан
Сўлди баҳорим гуллари, –*

деб ўтирганмиш. Шунда чўпон:

*Дўстини чоҳа солибдур
Сайрамас булбуллари,*

¹ Доно Алишер. Тошкент, 1968, 77-бет.

дебди. Султон Суюн дарров чўпонни ёнига чақириб: — Сен бу сўзни қаердан билдинг, — деб сўрабди. Чўпон айтиби: — Бу сўзни ўрганиш учун қанчадан-қанча молимдан айрилдим, бу бир соҳибқироннинг фазали. Султон Суюн: — Айт, айт, унинг қаерда борлигини айт, севинчинг учун бир жом олтин, — дебди. Шунда чўпон айтиби: — Бир яхши кишининг баҳоси бўлмайди, агар сенга керакли киши бўлса, унинг бошига ҳасрат солғанларни жазога лойик кўрмак керак. Султон Суюн дарров уламо, вазир, қози ва мулларни йиғиб, ҳар қайсисига қирқ қамчи урдириб, Миралини таҳти равонга солиб келтиришни буюрибди. Шундай қилиб, Мирали билан подшо яна топишибди, бечора чўпон эса мамнун бўлиб, у ҳам яшай берибди. Шунинг учун ҳам айтар эмишлар:

*Ёмонликни рано этта, ўзингга жабру ситам,
Яхшилик бирла ҳар иш кўнглингни этар хотам.*

Бу афсонанинг замирида Алишер Навоийнинг хилмалар воқеаларга бой ҳаётига доир реал фактлар борлигини англаётган бўлсангиз керак. Навоий тақдиридаги фалокат худди ривоятда тасвирланган шаклда юз бермаган бўлсада, қачонлардир шоир шу хилдаги ҳаёт зарбаларини бошқачароқ тарзда бошидан кечирганлиги тарихий ҳақиқат. Ҳусайн Бойқаро билан Алишер Навоий ораларидағи дўстликни кўра олмаган мунофиқларнинг, сарой амалдорларининг улар орасига низо солишга уринганликлари, ҳар хил ифбо, найранглар билан Навоийни саройдан четлаштиришга муваффақ бўлганларни илмий-адабий манбадан маълум. Замонасинингadolatciz ҳукмдорлари билан чиқиша олмаган Навоий бир неча йиллар она юритидан узоқда, айрилиқ ва ғурбатда яшашга мажбур бўлганлиги ҳам тарихий факт. Ёки Алишер Навоий билан Ҳусайн Бойқаронинг ёшликлда дўст бўлгани, бир мадрасада таълим олганлиги, иккаласида ҳам шеър ёзиш қобилияти мавжудлиги, айниқса, Ҳусайн Бойқаронинг Алишер Навоийга катта ҳурмат кўрсатиб, доимо ғамхўрлик қилиб, ижодини қадрлаганлиги каби ҳаётий фактларнинг «Мирали ва Султон Суюн» ҳикоясига асос қилиб олинганлиги мазкур афсонани яратган туркман халқининг буюк шоир шахсига,

ижодига алоқадор барча маълумотлардан яхши хабардор эканлигидан далолат беради.

Навоий ҳақида яратилган афсона ва ривоятларни ёзуб олиш, тўплаш ва нашр этиш, улар бўйича тадқиқотлар яратиш соҳасидаги ишларнинг Туркманистонда қизгин давом этаётганлиги таҳсинга сазовор. Бу ўринда филология фанлари номзоди Каба Бўржақованинг илмий изланишларини алоҳида қайд этиш лозим деб ҳисоблаймиз. Олима сўнгги йилларда Навоийга бағишлиб ҳар хил даврларда яратилган янги-янги оғзаки ижод намуналарини топишга эришид. У 1970 йилда Туркманистоннинг Ёлатан районида истиқомат қилувчи Ҳазрат бахши Чориевдан «Султон Ҳусайн Бойқаро» номли янги достонни ёзуб олишга муваффақ бўлади. Тадқиқотчининг маълумот беришича, бу достон Туркманистон Фанлар академияси Махтумкули номидаги Тил ва адабиёт институтининг қўлёзмалар фондида 1158-инв. рақами билан сақланмоқда. Олимнинг ёзишига қараганда бу достонни биладиганлар Туркманистонда кўп экан. Ҳ.Чориевдан ташқари, достонни Рўзи бахши, Гурт Яқубовлар ҳам маҳорат билан куйлаб келишган. Республиқанинг турли бурчакларида яшовчи назм ва наво муҳлислари достонни магнит тасмасига кўчириб ўзларида сақлаётгани қардош туркман халқининг ўзбек адабиётига, қолаверса, Навоийга бўлган катта ҳурматнинг бир кўринишидир. Достоннинг мукаммал матни, унинг мазмуни бизга маълум эмас. Шунинг учун у ҳақда батафсил фикр билдириб, таҳлил қилиш имконимиз йўқ.

К. Бўржақова «Навоий ҳақида туркман достони» мақоласида достоннинг мазмунини батафсил баён этмаган бўлсада, унинг асосий ғоявий йўналиши ва етакчи мотивларини шарҳлаган, бош образларга қисман характеристика ҳам берган. Достон сюjetи ҳар бир ўзбек китобхонини қизиқтириши мумкинлигини назарда тутиб, унинг мазмунини К.Бўржақова мақоласида келтирилган шаклда беришни лозим кўрдик: Достонда тасвирланишича, Султон Ҳусайн саройга уч донони таклиф этиб, уларнинг маслаҳати билан давлатни идора қилиши керак экан. Отаси ёзуб қолдирган бу васиятни бажариш учун Султон Ҳирот ва Марв шаҳарларини айланниб уч донони излайди. Катта йўл устида ҳамманинг назари тушадиган жойда ўтирган бола: «Мен бир

вақтнинг ўзидаги уч хил иш бажараман» дейди. Бу жавобни эшигтан Султон унинг оддий одам эмаслигини пайқайди. У шаҳар дарвозабонининг ўғли Этлет эди. Султон иккинчи донони ахтариб чўлга чиқади. У ерда кўй бокиб юрган чўпонга дуч келиб, унга «Тўққизни учга тақсим қилсанг етадими?» деб савол беради. Бу сўроқ кўйларни тўққиз ой боқиб, уч ой қишидан соғ-омон чиқара оласанми, деган маънода берилган бўлиб, чўпон унга тўғри жавоб қайтаради. Султон уни иккинчи марта синаб кўрмоқчи бўлиб, чўпон бола яқинига келади-да, ҳеч нарса демасдан, қамчисининг сопи билан калласига тиқ-тиқ уради. Буни кўрган Мирали подшога қараб тилини чиқаради. Вазирлар бу ҳаракатга тушиунмайдилар. Миралининг бу ҳаракати «Бошга бало икки энлик тилдан» келади деган маънони англатар эди. Шундай қилиб, Султон иккинчи донони ҳам топади. Достон қаҳрамонларидан яна бири, учинчи доно Гулфаҳмнинг топилиши ҳам қизиқарли тасвирланган. Мирали қаерда хотин-қизлар кўп тўпланган бўлса, ўзини шуларнинг ёнига олиб бориб калтаклашларини буюради. Ана шундай вазиятда нон ёпиб турган аёл билан бир қизга дуч келадилар. Қиз янгасининг «Буни нима учун урасизлар?» – деган саволига навкарлар «Айтганимизни қилгани учун урмоқдамиз», – деб жавоб қайтарадилар. Қизнинг янгаси: «Қизик, бизлар айтганимизни қилмаганни урамиз», – деб ҳайратланади. Ўшанда қиз: «Янга, булар тўғри қиладилар, то ўзи билиб қилгунча урмоқ керак», – дейди. Шу сўздан сўнг улар ахтариб юрган учинчи доно ана шу қиз экани маълум бўлади. Шоҳ бу гўзал қизга уйланиб, унинг кўрсатмаси асосида иш олиб боради. Лекин кунларнинг бирида Гулфаҳм оғир қаслилкка дучор бўлиб, кўп ўтмай ўлади. Севимли хотинининг ўлими шоҳга қаттиқ таъсири этади, ўз вақтини оҳифон билан ўтказиб, дунёнинг айш-ишратига ҳам бефарқ қарайдиган бўлади. Ниҳоят, у ҳам ўлади. Унинг ўрнига Миралишер подшо бўлади. Унинг вафотидан сўнг таҳтга Этлет чиқади, у ҳам қариб ўлади.

Туркман бахшилари репертуарларидаги «Султон Ҳусайн Бойқаро» достонининг қисқача мазмuni шундан иборат. Мақола давомида К.Бўржақова бу достоннинг майдонга келишида Мирали номи билан боғлиқ туркман ривоятларининг ҳам таъсири бор эканлигини, жумладан, П.Оғалиев,

Б.Кербобоев тўплаган ва нашр эттирган латифа ва афсоналар ҳам достон негизига сингдирилганлигини таъкидлайди. Бахшилар ўзларига таниш бўлган афсона ва ҳикояларни ижодий фантазиясида қайта ишлаб бойитганлигини, айрим қаҳрамонлар ва воқеалар йўналишини ўз идеалларига мувофиқлаштириб янгидан яратганлигини, достонни ҳалқ қўшиклиари ва термалари билан тўлдириганлигини алоҳида тилга олади ва асарни оригинал ижод намунаси сифатида характерлайди. Достоннинг баъзи эпизодлари ўзбек ҳалқи орасида кенг тарқалган Навоий ҳақидаги айрим афсоналарнинг мазмунига ҳам ўхшаб кетади. Масалан, «Доно Алишер» китобига кирган «Тарихдаги тўрт донишманд киши», «Мир Алишер билан Султон Ҳусайн» каби ҳикояларнинг мазмунида «Султон Ҳусайн Бойқаро» достонига яқинлик бор. «Доно Алишер» китобига кирган ҳар икки ҳикоя ҳам Хоразмда ёзил олинган. Туркман фольклори намуналарини муфассал билган Хоразм ижодкорлари репертуарларида бу икки афсонанинг учраши ижодий ҳамкорликнинг самараси эди.

Хулас, туркман фольклорининг нодир намуналаридан бири бўлган «Султон Ҳусайн Бойқаро» достони Туркманистонда ҳозирга қадар Навоий ҳақида яратилган ҳажман катта, нисбатан мукаммал оғзаки ижод асарларидан саналади. Агар у ўзбек тилига ҳам таржима қилиниб, нашр этилса, ҳалқимиз Алишер Навоийнинг туркманлар элида ҳам катта ҳурмат ва эътиборга сазовор улуғ сиймолардан бири бўлганлигига яна бир марта ишонч ҳосил қилишига аминмиз.

* * *

Алишер Навоий тўғрисида туркман ҳалқи яратган ривоятларнинг ўзбек ёзувчилари ижодий изланишларида фойдаланилаётганлиги дикқатга лойиқ факт. Атоқли адаб Ойбекнинг бу соҳадаги адабий тажрибалари ҳар бир ижодкорга ибрат. Унинг ҳалқ афсоналарига таяниб яратган «Гули ва Навоий» достонининг мазмuni, айрим эпизодлар туркман ҳалқида машҳур бўлган баъзи бир латифа ва ривоятларни эслатади. Ҳатто шоир айрим ҳикоятларни достон сюжетига айнан олиб кирган, шеърий қаторларда жозибали тасвирланган. «Подшо ўларига» деган ҳикоятнинг мазмунини юқорида келтирган эдик. Энди шу афсонанинг «Гули ва Навоий» достонидаги шеърий талқини билан танишинг.

Алишербек, не тадбир, не ўй?
 Сотибсизмиш ҳисорий юз қўй.
 Қарши бозорида, насияга,
 Фараз қилсан, ўхшар ҳадяга.?
 Вафотимдан сўнг тўлашурмиш
 Харидорлар, ёҳу, нечук иш?
 – Олий ҳазрат, бу сўзлар ростдор,
 Қилмисимга бир сир боисдур:
 «Харидорлар ёлаварур доим,
 Ўғонидан тилаб, подишоҳим.
 Сизга беҳад кўп узоқ умур,
 Ниятим шу!» – Шер кулур махмур.
 Ҳусайн кулур, қаҳ-қаҳа узоқ,
 Гар эсига тушаркан ҳар чоқ.¹

«Гули ва Навоий» достонининг Ҳусайн Бойқаро, Гули, Навоий муносабатлари тасвирланган саҳифаларида Мирали номи билан боғлиқ туркман ривоятларининг таъсири яққол сезилади. Ҳусайн Бойқаро билан Навоийнинг овга чиқиши, тасодифан подшонинг деразадан Гулини кўриб қолиши ва унга ошиқ бўлиши, сўнг Гулига Навоийни совчи қилиб юбориб, қизнинг розилигини олиши ҳамда унга уйланиши, охир-оқибат Гулининг Навоийга содик қолиб, вайфот этиши каби эпизодларни ўқиганда «Гули ва Султон Суюн», «Мирали ва Султон Суюн» каби туркман халқ афсоналаридаги воқеалар кўз олдимишга келади. Ойбекдек улкан санъаткор учун ўз халқининг тилида ва дилида турган орзу-йўларни, Алишер Навоийнинг ранг-баранг воқеаларга бой ҳаётининг ибратли томонларини бадиий сўзга кўчиришда Мирали туркум ҳикоялари алоҳида аҳамият касб этган.

Уйғун ва Иззат Султоннинг «Алишер Навоий» тарихий драмасидаги Навоийнинг севгилиси Гули образининг яратилишида халқ оғзаки ижодидаги афсонавий гўзал қиз Гулининг прототип бўлиб хизмат қилганлиги илмий-адабий манбаларда тилга олинади.

Ҳуллас, туркман халқи Мирали (Навоий) сиймосида ўз орзу-истакларининг ҳомийсини кўрди. Унинг тимсолида

мушкулини осон қиласиган фамхўр шахсни, душманларидан аёвсиз ўч оладиган, золимларнинг таъзирини берадиган, фаросатсиз кишиларни зийраклик билан мот қиласиган донишмандни тасаввур қилди. Навоийниadolat ва ҳақиқат ҳимоячиси деб, билган туркман халқи уни идеал халқ қаҳрамонига айлантириди ва шоир тўғрисида юзлаб афсоналар тўқиди. Қарийб беш ярим асрдан бери бу ўлмас ривоятлар тиллардан тилларга, эллардан-элларга ўтиб, халқларимизга маънавий завқ бериб келаяпти. Бугун ҳам жамиятимиздаги ярамас иллатларга қарши кураш олиб бориша, одамлар шахсиятида юксак ахлоқни шакллантиришда, халқимизни олижаноб идеалларга руҳлантиришда бу ажойиб ҳикоятларнинг тарбиявий аҳамияти фоят юксакдир. Энг муҳими, Мирали туркум ҳикоялари икки биродар халқ – туркман ва ўзбек халқлари дўстлигига, ўзбек ва туркман адабиётлари ҳамкорлигига хизмат қилиб келаяпти.

1992

ШОҲ ВА ШОИР

Заҳириддин Муҳаммад Бобур XV асрнинг охири XVI асрнинг биринчи ярмида яшаб иход этган истеъдодли шоир, зукко олим, таникли давлат арбоби ва атоқли саркардадир. Бу улуғ зот бори йўғи қирқ саккиз йил умр кўрди. Қисқа ҳаёти давомида ўзбек мумтоз адабиётининг йирик сиймоляридан бири даражасига кўтарилди, жаҳон адабиёти ҳазинасига муносиб ҳисса бўлиб қўшилгудек дурдона асарлар ёзишга улгурди. Дунё илмий-бадиий тафаккурини бойитишга қодир «Бобурнома»дек қомусий асар яратди. «Рисолаи аруз», «Рисолаи волидия», «Мубайийин» каби илмий-тасаввufий китоблар битди. «Хатти Бобурий» асарида Бобур янги алифбони тузди. Бу асарларнинг ҳар бирида Бобурнинг шоирлик маҳорати, илмий салоҳияти, тафаккур олами нақадар теран ва ранг-баранг эканлиги ёрқин акс этган. Мазкур адабий мероснинг беш асрдан бери авлодлардан авлодларга ўтиб бугунги кунимизгача етиб келгани Бобур асарлари умрбоқийлигининг нишонасиdir.

¹ Ойбек. Гули ва Навоий. Тошкент, 1968., 15-бет.

Бобур шоҳ сифатида ҳам тарихда ўчмас из қолдирди, темурийлар салтанатининг давомчиси бўлиб, Афғонистон ва Ҳиндистонда бобурийлар сулоласига асос солди. Бобур қайси давлатда ҳукмронлик қилмасин, мамлакатни адолат билан бошқаришга ҳаракат қилиб, адабиёт ва санъатни ривожлантирган, илм-маърифат аҳлига ғамхўрлик кўрсатган. Буюк бинолар қурдирган, масжид-мадрасалар барпо этган. Йирик давлат арбоби Жавоҳарлал Неру «Жаҳон тарихига бир назар» номли асарида Бобур ҳақида сўз юритиб, қуидагиларни ёзган эди: «*Бобур дилбар шахс, уйғониш даврининг типик ҳумкдори, мард ва тадбиркор одам бўлган. У санъатни, адабиётни севарди, ҳаётдан ҳузур қилишини яхши кўради. Унда қолоқлик ва қисқа фикрикдан асар ҳам йўқ эди. У одамларнинг қалбини забт қилишини ўйлар эди.*

Бобур отаси Умаршайхнинг фожиали ўлимидан кейин унинг ўрнига тахтга чиқади. Бу даврда у 12 ёшда эди. Бобур шундан эътиборан салкам қирқ йил подшолик қиласиди. Мана шу жараёнда унинг ҳаётий тажрибаси, ҳукмдор сифатидаги салоҳияти, адабий, илмий-эстетик тафаккури шаклланиб боради. Хусусан, унинг бадиий адабиётга, шеъриятга бўлган қизиқиши, ижод завқи бир дақиқа ҳам уни тарк этмаган. Мамлакатни бошқариш билан бирга илмий-бадиий ижодни ҳам изчил давом эттирган.

Муаллиф «Бобурнома» асарида қайд этишича 16-17 ёшлидан шеърий асарлар машқ қила бошлаган, кичикичик фазаллар, байтлар ижод этган. Шеърията бирмунча тажриба тўплагач, у Низомий, Хисрав Дехлавий, Жомий, Лутфий, Навоий каби сўз санъаткорларининг ижод намуналаридан ўрганиб қалам тебрато бошлаган, уларни ўзига устоз санаб анъаналарини давом эттирган.

Бобурдан бизгача каттагина лирик мерос етиб келган. Шоир лирикасининг муайян қисмини унинг фазаллари, рубоийлари ташкил этади. Шунингдек, унинг қитъя, туюқ, маснавий, муаммо жанрида ёзилган манзумалари ҳам анча бор. Бобурнинг лирик асарлари фақат жанр нуқтai назаридангина эмас, мавзу ва ғоялари талқини жиҳатидан ҳам хилма-хил.

Шоир ўз даври ижтимоий-сиёсий талабларидан келиб чиқиб, ҳаёт ҳақиқатига содик ҳолда қалб кечинмаларини

ифодалаб туркум фазаллар, рубоийлар яратди. Шоир лирикасида муҳаббат, вафо ва садоқат, Ватан соғинчи, яхшилик ва ёмонлик, ғам-алам, қайғу-ҳасрат ва яна бошқа ўнлаб маънавий-ахлоқий масалалар юксак маҳорат билан талқин қилинди. Бобур бу мавзуларни бир неча фазаллари ва рубоийларида оригинал поэтик ифодалар орқали образли шаклда ёритади.

Бобурнинг аксарият фазаллари лирик планда ёзилган, уларда муҳаббат мавзуси етакчилик қиласиди, ошиқ билан маъшуқаннинг севги бобидаги вафо-садоқати самимий ифодаланади. Лирик қаҳрамоннинг ёрига кўрсатган эҳтироми, ҳурмати бекиёс эканлиги қуидаги мисраларда камтарона мурожаат, кечинмалар фонида берилади:

*Сен гулсену, мен ҳақиқи булбулдурмен,
Сен шуъласену, ул шуълаға мен қулдурмен.
Нисбат йўқтур деб ижтинос айламаким,
Шоҳмен элга, вали сенга қулдурмен.*

Маълумки, Бобур Афғонистон ва Ҳиндистонни эгаллаб катта давлат барпо этди ва унда узоқ муддат ҳукмронлик қиласиди. У шундай буюк мартабага эришган бўлса-да, ўзи туғилиб ўсган диёр – Фаргона водийсини, Андижонни унтуломади, ҳамиша Ватан соғинчи билан яшади. Ўзини Ватанидан ажралган ғарип, бир мусоғир деб ҳис қиласиди ва уни шу куйга солган, чет элларда мусоғирчиликда яшашига мажбур қилган ҳам яна ўша нотинч дунё, адолатсиз қонун-қоидалар деган холосага келади ва фазалларидан бирида шундай ёзади:

*Яна маҳруми хонумон қилдинг,
Яна овораи жаҳон қилдинг.*

Куидаги рубоийда, чиндан ҳам, ёру-диёридан айрилган, ғариблик азобларини чеккан, Ватан иштиёқида ёнган шоирнинг қайғу-ҳасрати, чуқур изтироби ҳеч кимни бефарқ қолдирмайди:

*Ёд этмас эмиши кишини ғурбатда киши,
Шод этмас эмиши кўнгилни меҳнатда киши.*

Кўнгил бу гарубликда шод ўлмади, оҳ,
Гурбатда севинмас эмиш, албатта, киши.

Бобур Ватанни тарк этишда ўзини ҳам айбдор ҳисоблайди. Бу ишини «*хатолиғ*», ҳатто «*юзи қаролиғ*» деб билади. Бу ҳаракатидан афсус-надомат чекади, қаттиқ пушаймон бўлади ва бир рубоийсида бу ҳақда дейди:

Толеъ йўқки жонумга балолиғ бўлди,
Ҳар ишники айладим хатолиғ бўлди.
Ўз ерни қўйиб, ҳинд сори юзландим,
Ё раб, нетайин, не юз қаролиғ бўлди.

Бобур умрининг охирига қадар Ватанга қайтиш орзуси билан яшаган. Лекин шоирнинг бу орзуси ушалмаган.

Бобур тақдиридаги бу ҳолатни, яъни Ватанни тарк этиш ва охир-оқибат гурбатда, мусофирикда яшаб Ватан соғинчидан изтироб чекиш нақадар оғир эканлигини тасаввур қиласа бўлади ва бундан ҳар бир инсон тегишли хулоса чиқариб олса ажабмас. Ўзга элда шоҳ бўлгунча, ўз элингда гадо бўл, деган ҳикмат гўё шоҳ ва шоир, давлат ва салтанат соҳиби Бобур тақдирига нисбатан айтилгандек туюлади.

Бобур мураккаб шахс, унинг дунёқараши анча зиддияти. Бир шахс жисмida инсонпарвар шоир ва феодал подшо қарашларининг бир хил ёки умумий бўлиши, ҳаётда бир foя, бир мақсадга хизмат қилиши жуда мушкул. Зиддиятли бу туйғу Бобурга тинчлик бермаган, қалбини доимо безовта қилиб турган. Ҳукмдор сифатида у ўзи мансуб табақанинг манфаатларини ҳимоя қилишга мажбур бўлса, инсонпарвар шоир сифатида эзгуликларга хизмат қилиши лозим эди. Бобур баъзан мана шундай қарама-қарши ҳислар гирдобида қолади, қалб туғёни алангасида ўртанади, ижод қиласи. Лекин шоир ижодида ҳеч қачон, ҳар қандай шароитда ҳам эзгуликка, инсонпарварлик ахлоқига хиёнат қилмади, доимо яхшиликни улуғлаб, ёмонликни қоралаб асарлар ёзди. Бу Бобур инсонпарварлигининг, олижаноб идеалларга хизмат қилишининг бир кўриниши эди. Шоирнинг яхшилик ва ёмонлик ҳақидаги курашлари қўйидаги рубоийда жуда чиройли талқин қилинган:

Ҳар кимки, вафо қиласа, вафо топқусидир,
Ҳар кимки, жафо қиласа, жафо топқусидир.
Яхши киши кўрмагай ёмонлиғ ҳаргиз,
Ҳар кимки, ёмон бўлса, жазо топқусидир.

Бобур илм-маърифатга подшо, ҳукмдор нуқтаи назаридан қарамайди, балки илғор фикрли, илмнинг ҳар бир инсон, умуман, жамият ҳаётида тутадиган ўрнини чуқур тушунган маърифатли зиёли сифатида қараб инсонларни илм ўрганишга чақиради.

Ким ёр анга илм толиби илм керак,
Ўргангали илм толиби илм керак.
Мен толибу илму толиби илме йўқ,
Мен бормен илм толиби илм керак.

Илм-маърифат таъқиб қилиниб, жаҳолат авжига чиқсан бир замонда Бобурнинг барчага илм ўрганинг, мушкулларингизни осон қиласидан ҳам илмдир деб чиқиши, уни ҳимоя қилиб, тарғиб этиши катта жасорат ва амалий аҳамиятга эга жараён эди.

Бобур бундай улуғ фояларни илгари суришда подшолик мартабасини унугиб, эзгуликка хизмат қилиш учун ўзида куч топа олган ўта жасоратли инсон бўлган. Бобурнинг шахс ва ижодкор сифатидаги буюк хизматларидан бири ҳам шунда.

«Бобурнома» нафақат ўзбек адабиёти, айни чоғда, дунё адабиёти ва илмий-фалсафий тафаккури тарихига қўшилган бебаҳо хазина, нодир қомусий асар. У Бобурнинг ҳаёти ва фаолияти, кураши, саргузаштларининг ўзига хос кўзгуси, йилномаси. Унда тарих, адабиёт, география ва яна бир неча фанлар ҳақида қимматли материаллар бор. Бобур ўз бошидан кечирган воқеаларни, ўзига таниш одамларни ва уларнинг фаолиятини ёритган. Айниқса, бир неча шоир ва олимлар ҳақида яхши маълумотлар берган. Жумладан, «Бобурнома»нинг бир неча саҳифасида шоир ва мутафаккир Алишер Навоий тўғрисида, унинг инсоний фазилатлари, туркйда ижод қилишдаги маҳорати, адабиёт ва илм аҳлига кўрсатган ғамхўрликлари ҳақида Бобур қимматли маълумотларни келтиради, бу асар ўша даврнинг адабий муҳими

ти ҳақида яхлит тасаввур берувчи манба сифатида ҳам аҳамиятлидир.

«Бобурнома»нинг яна бир ноёб бадиий хусусияти бор. У ўзбек адабиёти тарихида бадиий насрнинг яхши намунаси. Бу асар яратилгунга қадар ўзбек адабиётида бундай наср намуналари йўқ эди. Таниқли шарқшунос олим Б.Б.Бартольд «Бобурнома»ни *«туркӣ проза»нинг энг яхши намуналаридан бирин деб баҳолаган*. Асар жуда енгил ўқилади, унда китобхонни ўзига тортиб турадиган бир сеҳр бор. Тили содда, равон. Айтиш мумкинки, Бобур «Бобурнома» ва яна бошқа бир неча асарлари билан ўзбек адабий тилининг имкониятлари кенг эканлигини далиллади ва Алишер Навоийдан кейинги туркий тил тараққиётини янги босқичга олиб чиқишга катта ҳисса қўши.

Бадиий прозага хос барча хусусиятлар «Бобурнома»да акс этган. Шоир бу асарни ёзиш учун анча назарий тайёргарлик кўргани, кузатган воқеаларини бадиий ифодалашда ҳам адабиёт қоидаларига амал қилиб қалам тебратгани сезилиб турди.

Бобурнинг яна бир машҳур илмий асари бор. Уни Бобур «Рисолай аруз»деб номлаган. Асар аруз назариясига бағишиланган. Алишер Навоий ҳам Бобурга қадар аруз назариясига доир «Мезон ул-авzon» асарини яратган эди. «Рисолай аруз»ни Навоий асарининг давоми дейиш мумкин. Бобур рисоласида Алишер Навоий мероси, шунингдек, ўз асарлари мисолида аруз назариясининг асосларини ишлаб чиқади. Ҳар икки асар ҳам XV аср поэтикаси тараққиётида алоҳида аҳамиятга эга ва бу тадқиқотлар бутунги адабиётшunoslik, хусусан, арузшunoslik учун ҳам муҳим назарий манба ҳисобланади.

Юқорида тилга олинган ва қисман таҳлилга тортилган асарларнинг ўзиёқ Бобурнинг нақадар истеъододли шоир, қомусий олим, мутафаккир, назариётчи, тасаввуф илмининг билимдони, илғор фикрли ва маърифатли ҳукмдор бўлганлигидан дарак беради.

Бобур меросига ҳар бир давр ўз сиёсати, мафкураси талабларидан келиб чиқиб ёндашди, ўрганди, баҳолади. Шўролар даврида Бобур мероси кутилган даражада қадрланмади. Унга истеъододли шоир, мутафаккир олим сифатида эмас, балки кўп мамлакатларни забт этган подшо

сифатида қаралди, ижоди эмас, шахсияти, ижтимоий фоалияти баҳоланди. Асарларини кенг кўламда тарғиб қилинишига йўл берилмади. Шоир образи яратилган бадиий асарлар ҳамadolatsiz танқидга учради, гўё уларда Бобур идеаллаштирилган, ортиқча мақтаб юборилган. Ўзбекистон халқ ёзувчиси П.Қодировнинг Бобурга бағишиланган «Юлдузли тунлар» романи ва шу роман асосида ишланган кўп қисмли видеофильм, дастлаб мана шундай нохолис танқидга учради. Хайриятки, мустақиллик даврига келиб адабий меросга бундай бир ёқлама ёндашувларга чек қўйилди, Бобурнинг бадиий образи яратилган бу асарга ҳам холосона баҳо берилди.

Бобур мустақиллик йилларида ўзининг ҳақиқий қадрини топди. Унинг меросини нашр қилишга ва муқаммал ўрганишга кенг йўл очилди. Натижада Азиз Қаюмов, Ҳасан Кудратуллаев, Сайдбек Ҳасанов, Ваҳоб Раҳмонов, Раҳим Воҳидов сингари таниқли олимларнинг ва яна бир неча бобуршуносларнинг истиқлол йилларида Бобур ижоди бўйича олиб борган янги илмий изланишлари катта самаралар берди, монографиялар, рисолалар босилиб чиқди. Уларда Бобур мероси янги – миллий мустақиллик мағкураси, адабий меросга янгича ёндашув тамойиллари нуқтаи назаридан, янги илмий қарашлар асосида қайта ўрганилди. Бир сўз билан айтганда, Бобур давримизга янада яқинлаштирилди. Бобуршуносликнинг янги қирралари кашф этилди.

Бобурнинг бадиий, илмий-эстетик меросининг маънодоҳияти билан ҳозирги авлодни янада чуқурроқ таништириш, бу асарларнинг миллий-маънавий қадрияtlаримизнинг ажралмас қисми эканлигини, айниқса, ёшлар онгига сингдириш ва шу орқали уларда ўтмиш тарихимизда ёрқин саҳифа очган Заҳириддин Муҳаммад Бобурдек буюк шахслар, уларнинг ибратли ишларидан фахрланиш туйғусини шакллантириш бугунги куннинг энг долзарб вазифаларидан биридир.

2006

ХИКМАТГА ЙЎФИРИЛГАН ШЕРРИЯТ

Махтумқули – Фиродий XVIII аср туркман адабиёти тарихида ўчмас из қолдирган буюк шоир, жаҳон адабиёти тараққиётига ҳам ҳисса кўша олган мутафаккирдир. Шоирнинг ўлмас асарлари инсоният қалбига эзгулик уругларини сочиб, қадриятларга ҳурмат ва эътиқод руҳида тарбиялаб келаётганига кўп асрлар бўлди. Унинг жаҳон бадиий тафаккури тарихидаги роли салмоқлидир.

Махтумқули шеърияти мавзу жиҳатидан турлича, тे-ран маъноли, ҳикматларга бой, жарангдор ва мусиқий. Унинг ўйт-насиҳат фояларига йўғирилган шеърларида инсоний муносабатлар ҳақида сўз юритилади. Камтаринлик ва олижаноблик, вафо ва садоқат, ватанпарварлик, дўстлик, мардлик ва қаҳрамонлик, муҳаббат, ота-онага ҳурмат ва яна бошқа бир неча инсоний фазилатлар улуғланса, бошқа бир туркум асарларида бу туйғуларга бегона худбинлик, иккюзламачилик, номардлик, разолат, қабиҳлик, очкӯзлик, андишасизлик, ичиқоралик, хиёнат каби одамгарчиликка ёт иллатлар қораланади. Шоирнинг «Яхшидир», «Айрилма», «Зар бўлмас», «Англамас», «Кетувчи бўлма», «Бошлади», «Эл яхши», «Кўринг», «Хор айлар» номли шеърларидаги фалсафий фикр, истеъод ва поэтик маҳорат ҳар бир ўқувчининг дунёқарashi ва эстетик туйғуларига жиддий таъсир кўрсатади. Шеърлардаги маънонинг ҳаётйлиги, ифода шаклиниң соддалиги ва жарангдорлиги, ўқимишлилиги ва оммабоплиги, ҳалқ дилига яқинлиги ўқувчини мафтун этади. Бундай насиҳатомуз шеърлар шоирнинг лирик меросида жуда кўп. Шу боисдан ҳам китобхонлар уларни севиб ўқииди, ёд олади, санъаткорлар уларга куй басталаб, қўшиқ қилиб айтади. Шеърлардаги айrim бандлар ҳикматли сўзларга айланиб, ҳалқа ёд бўлиб кетган.

Махтумқули умуминсоний фояларни қаламга олиб умумбашарий қадриятларни улуғлагани, гўзал ахлоқни мадҳ этиб, адолатсизлик ва ёвузликка муросасиз бўлгани учун ҳам асарлари оламшумул аҳамиятга эга. Шунинг учун ҳам бу талқинлар асрлардан-асрларга, авлодлардан-авлодларга ўтиб дунё ҳалқлари эъзозида бўлиб келаяти. Махтумқули номининг Пушкин, Низомий, Руставели, Жомий, Навоий, Абай, Бер-

дақ каби дунё адабиётида эътироф этилган шоирлар билан ёнма-ён тилга олинишининг асосий сабаби ҳам шунда.

Махтумқули ҳаётининг мазмунини туркман ҳалқига хизмат қилишда деб билди. Унинг орзу-армонларини куйлашни олий мақсад қилиб олди. Шоир ўз Ватанини чин дилдан севди, унинг манфаати учун курашди, ижод қилди. У кўп шеърларида туркман ҳалқини, эл-юрт осойишталигини сақлашга, туркман тупроғини босқинчилардан ҳимоя қилишга чақиради.

*Фиродий юз тутар туркман элига,
Душман қўл урмасин қизил гулига
Дўстлар, бизни охиратнинг селига.
Фарқ этмасдан рақиб қирилсин энди.¹*

Махтумқули ижодида Ватанга садоқат мавзуси етакчилик қиласи. Шоирнинг ватанпарварлик руҳида ёзган шеърларида муайян тарихий шароитдаги ижтимоий зиддиятлар, тузумдаги адолатсизликлар ўз бадиий ифодасини топди. Махтумқули туркман қабилалари ўртасидаги низоларга барҳам бериб, уларни *«бир дастурхон атрофига»* бирлаштириш учун барча имкониятларини ишга солишини ватанпарварлик бурчи деб ҳисоблади. Шоир кўп шеърларида уруғлар ўртасидаги низоларни қоралайди, зарарли оқибатларини шеър тили билан замондошларига тушунтиришга ҳаракат қиласи. Унинг «Ярашмаз», «Ёшимиз», «Туркманинг» ва яна бошқа бир неча шеърлари шу мавзуга бағищланган. Махтумқулининг ватанпарварлиги ҳар бир қабиланинг ўз ичидаги аҳилликни, ишончни барқарор қилиш учун фаол кураш олиб борганида ҳам кўринади. Шоир арзимаган нарса учун бирорнинг кўнглини ортиши, жароҳатлаш ботирлик белгиси эмас, балки нодонлик аломатидир дейди:

*Бир-бирини чопмоқлик эмас эрликдан,
Бу иш шайтондир, балки кўрликдан.
Оғзолалик айшар элни бирликдан,
Мунда давлат кетиб, душманга келгай.*

¹ Махтумқули. Танланган асарлар. Тошкент, «Фан», 1976., 85-бет. Туркман тилидан Жуманиёз Шарипов таржимаси. Бундан кейинги мисодлар шу нашрдан бўлади.

Махтумқулининг тарқоқ туркман қабилаларини марказлашган бир давлат атрофига бирлаштириш тўғрисидаги илғор фоялари ўз даври учун катта аҳамиятга эга эди. Шоир Ватанини чет эл босқинчилари оёқ ости қилганини, халқининг хўрланганини кўрди ва бу оғир шароитдан норози бўлиб «Найлайн», «Хор қилди», «Фаттоҳ», «Тушди» каби шеърларини ёзди, душманларнинг бу ҳаракатини қоралади.

Махтумқулининг китобхонларни Ватанга садоқат руҳида тарбиялашга хизмат этадиган шеърлари ҳам бир туркум. «Бизга равона», «Кетгувчи бўлма», «Эл яхши», «Бордир» шеърларида инсоннинг Ватанига садоқати куйланган. Шеърларда ҳар бир инсон учун ўз Ватанидан азиз нарса йўқ эканлиги ҳақида сўз юритилади ва элдошларини Ватанинни тарқ этмасликка чақиради:

*Кел кўнглим, мен сенга насиҳат айлай,
Ватанинни тарқ этиб кетувчи бўлма.*

Ёки:

*Ёт элларда мусофирик чеккандан
Урса, сўкса, хўрласа-да, эл яхши.*

Махтумқули шеърларида қаҳрамонлик мавзуси ҳам қаламга олинган. Шоир халқининг ватанпарвар, мард йигитларини улуғлаш билан бирга, номард ва кўрқоқ кишиларни ҳажв қиласи. У ҳар бир одамнинг жасурлиги, мардлиги, эл-юрг манфаатига хизмат қилиши лозимлигини таъкидлайди ва шеърларидан бирида:

*Бир гайратсиз йигит элда
Қаранг, такаббурлик айлар,
Мард йигитлар ёмон элда
Бошдан оғизбирлик айлар, –*

деб ёзди

Махтумқули номарлардан нафратланиш, уларни лаънатлаш билан бирга, мардларни ҳамиша Ватан ва халқ манфаати, унинг ор-номуси учун курашга уннади.

Махтумқули туркман адабиётини том маънода халқ ҳаётига яқинлаштирган, уни халқ хизматига сафарбар қила ол-

ган инсонпарвар шоирдир. Унинг ижодида туркман халқининг ҳаёти: урф-одатлари, ўзига хос яшаш тарзи, руҳий дунёси, миллий хусусиятлари барчаси ёрқин ифодаланди. Шоир халқининг орзу-умидларини, курашини бадиий акс эттириди, адолатсиз тузумнинг ўзбошимчалигини, зўравонлигини кўрқмасдан танқид қилди.

XVIII асрдаги ҳаёт Махтумқули ижодида ўзининг турли қирралари билан намоён бўлди. Бу хилма-хиллик шоир шеърияти мавзусини янада кенгайтириди, мазмунини бойитди. Махтумқули яшаган замонда хотин-қизларнинг тақдиди жуда оғир бўлган, улар энг оддий ҳақ-хукуқлардан ҳам маҳрум эдилар. Бундай қабиҳ турмуш шароитига маҳкум этилган аёлларнинг ҳаётига гувоҳ бўлган шоир бу адолатсизликларни кескин қоралаб чиқди. У хотин-қизларни эркакларнинг ҳамфикри, шодлигини ҳам, қайфусини ҳам баҳам кўрадиган жонкуяр ҳамроҳ деб билди. Аёллардаги ақлу фаросат ва иффатни, соддалик ва мулојимликни маъкуллаб шеърлар ёзди:

*Гўзал бордир гўзаллардан зиёда,
Унинг хизматида бўлгинг келади.
Одобу-икромли мулојимзода
То ўлгунча бирга бўлгинг келади.*

Айни пайтда Махтумқули беҳаё ва андишасиз, фаросатсиз, оиласининг қадрига етмайдиган аёлларни қоралаб ҳам бир неча шеърлар битди.

Махтумқули лирикасида муҳаббат мавзусидаги шеърлар ҳам оз эмас. Шоир инсоннинг севиш ва севилиш ҳукуқини ҳимоя қиласи. Ёшларни эски одат ва шариат бўйича мажбуран никоҳ қилинишига, кўп хотинлик каби иллатларга норозилик билдириди. Махтумқулининг энг гўзал лирик шеърлари шахсий ҳаёти билан бевосита боғлиқ. Шоир ёшлигига Менгли исмли қизни севган, жўшқин илҳом билан ёзилган ишқий шеърлари унга бағишиланган.

*Парда тортиб юзларимга,
Пардоз бериб сўзларимга,
Махтумқули кўзларимга –
Ёлғиз Менглихон кўринур.*

Ёки:

Кўришайлик Менглихоним,
Юрак-багрим, ширин жоним,
Фирғий дер, дин-имоним,
Йўлатмай, уялади-я!

Махтумқули севган қизи Менглихонга уйлана олмаган. Қизнинг отаси талаб қилган қалинни тўлашга кучи етмагач, қизни бошқа бировга сотиб юборишган. Бу факт шоирнинг кўп шеърларида афсус билан тилга олинади. Махтумкулининг Менглихонга бағишилаб ёзган шеърларида, гарчи, шоирнинг муҳаббатдаги ўзасий омадсизлиги, оиласиб бахтсизлиги хусусида сўз юритилса-да, аслида бу мавзу талқинида китобхон XVIII аср феодал муҳитидаги таҳқиранган севгининг ижтиомий фожиасини кўз олдига келтира олади.

Шоирнинг муҳаббат мавзусидаги шеърларининг лирик қаҳрамони энг гўзал, энг назокатли ва foят малоҳатли маҳбубадир. Шоир уларни жўшқин илҳом, юксак пафос билан мадҳ этади. «Гўзалсан», «Намасан», «Тўғриси» ва бошқа ўнлаб шеърлари поэтик илҳомнинг гўзал намуналаридир. Бир тўртлик билан танишиб кўринг:

Олтинмисан, кумушмисан зармисан,
Ё аримисан, ё қурсмисан, ермисан,
Ё ёқутми, ё маржонми, дурмисан,
Ё чироғми, ё зиёсан, намасан!

Махтумқули адабий меросининг катта қисмини одобахлоқ мавзусидаги шеърлар ташкил этади. Маълумки, дидактика, панд-насиҳат, таълим-тарбия адабиётнинг қадими мавзуларидан бири. Бу ҳақда Шарқ мумтоз шоирлари катта маънавий хазина қолдирган. Юсуф Хос Ҳожиб, Аҳмад Яссавий, Аҳмад Юғнакий, Саъдий Шерозий, кейинроқ Лутфий, Жомий, Навоий, Бобур каби буюк донишмандларнинг асарларидаги ахлоқий-таълими қаравшлар кейинги авлодлар учун сабоқ бўлди. Олижаноб инсоний хислатларни тарғиб қилишга қаратилган мутафаккирларнинг қимматли фикрлари Махтумқулига одоб-ахлоққа доир қаравшларини ифодалашда маънавий таянч бўлган. Оқилона ва одилона насиҳат руҳида ёзилган асарларида шоир инсоний

хислатларни улуғлаб, Ватан, жамият ва жамоа манфаатларини ҳимоя қилади. Ҳалқ дарди билан яшаган ва ижод қилган Махтумкулининг ноёб ўғитлари муҳим ижтимоий масалаларни қамраб олиши ва ҳамиша ҳалқ дилида турган эзгу истакларга уйғунлиги боис оммалашиб қалбларга сингиб кетган, қўшиқларга айланган.

Махтумкули шеърлари орқали ҳалқига насиҳат қилар экан, унинг бошига оғир кунлар тушганда ҳамдард бўлишга, кўнглини кўтаришга, орзуларига қанот бўлишга интилди. Уларни келажакка умид ва ишонч билан қарашига давват этди. Шоирнинг насиҳат оҳангига битилган шундай шеърлари борки, улардаги мазмуннинг теранлиги ва салмоқдорлиги, бадиий баркамоллиги ўқувчини қойил қолдиди. Шоирнинг топқириллиги ва донишмандлигига, маҳоратига тан берасиз. «Айрилма», «Бўлма», «Эл яхши», «Бўлмас», «Яхши», «Кетувчи бўлма», «Кўринг», «Суҳбат яхшидир», «Керакдир», «Далолат яхши» каби шеърлардаги ўлмас тоялар, поэтик талқинлар қалбларни сехрлайди. Шеърларда қаламга олинган ота-онага, устозга ҳурмат, Ватаннинг қадрига этиш, очиқдиллик, меҳнатсеварлик, қаҳрамонлик каби умрбоқий мавзулар ўзига хос шаклда, давр руҳига мослаштириб бадиий ифодаланган. Ақл билан иш кўриш, кишиларнинг дилини оғритмаслик, қўлдан келса бировга яхшилик қилиш, вафо, садоқат каби инсоний фазилатлар бу шеърларнинг тоявиий лейтмотивини ташкил этади.

Ота-онага ҳурмат кўрсатиш мавзуси Махтумкули шеърларида кўп тилга олинади ва ота-онани қадрлайдиган, одобли, ахлоқли фарзандлар мақталади, ота-она дилини оғритидиган оқибатсиз фарзандларнинг хулқ-атвори қораланади:

Яхши ўғилдан раҳмат оғиги оқар,
Нокас бўлса ўғил бўлди, бўлмади.

Махтумқули лирикасидаги меҳмон ва меҳмондўстлик мавзусига бағишиланган шеърларнинг тарбиявий аҳамияти бекиёс. Шоир меҳмондўстликни улуғлайди, ҳар бир инсонни, хоҳ у юқори табақадан бўлсин ёки мартабасиз оддий фуқароми, бари бир уйига келса унга очиқ юзли ва ширин сўзли бўлишни, самимий кутиб олишни маслаҳат беради:

*Келган ош деб келмас,
Бужсайтмагил юз,
Нонга мұхтож әмас,
Сүзга меҳмондир.*

Ёки:

*Кулиб сүзламасанг келган меҳмонга,
Күлга таёқ олиб урган яхшидир.*

Махтумқули дидактикасында соддаликни, түғрисүзлилік ва мулойимликни, камтаринликни улуғлади. У инсонларнинг содда, инсофли, соғ, яхши ниятли бўлишини чин дилдан истади. Кишиларни ҳар жойда ўз қадр-қимматини, хурматини сақлашга даъват этди. Инсонларни ким бўлишидан қатъий назар, ранжитмасликка, дилини оғритмасликка, хурмат қилишга чақириди.

*Оқмасдан қолмайди бир оққан ариқ,
Бир танда одам гоҳ семиз, гоҳ ариқ,
Бир юзи қорадир, бир юзи ёргуғ,
Қора деб қаттиқ сўз айтувчи бўлма.*

Яна шу шеърида Махтумқули кишиларга қаттиқ сўз айтиб дилини оғритиш, яроқ соглан жароҳатдан ҳам оғир дейди:

*Агар бўлсанг ипак каби мулойим,
Мулойим сен бўлсанг, қулинг бўлайн,
Кулогимга берган пандинг олайн
Кишига қаттиқ сўз айтувчи бўлма.*

Махтумқули дўст танлашда адашмаслик керак, дейди. Дўст тутинмоқчи бўлган шахснинг юриш-туришига, одобига, одамлар орасида ўзини тутишига эътибор бериш лозимлигини уқтиради. Ҳулқи, одоби ёмон кишилардан узоқроқ юришни насиҳат қиласди. Шоир бундай фикрларни чиройли ва оригинал поэтик ўхшатишларда, ташбехларда ифодалагани шеърларнинг таъсир кучини оширган.

*Қўнгли қора билан бўлманглар улфат,
Юқар ундан турли-туман касофат
Кўмирга ҳар қанча айласанг иззат,
Юзингга қораси юққанча бўлмас.*

Яна:

*Махтумқули, ҳаргиз топмади омон,
Ёмон тилнинг заҳри тиглардан ёмон.
Ёмон тил ёнида заҳри кўп илон
Чақса-да, бир чивин чаққанча бўлмас.*

Махтумқулиниң содда, лекин чуқур маъноли шеърларида донишмандлик улуғланади. Инсонларни олижаноб хислатларга эга бўлишга, нодонлардан йироқ юришга даъват этади.

*Оқил бўлсанг, яхшиларга ҳамдам бўл,
Ахмоқ ўзин нодон билан ёр айлар.*

Махтумқули шеърлари орасида алдамчилик ва номардлик, фийбатчилик ва такаббурлик танқид қилинган бандлар ҳам кўп.

*Махтумқули айтар, элнинг кўзидан –
Тушиб хор-зор бўлсанг, кўргин ўзингдан,
Тилингни тиймасанг ҳаром сўзингдан,
Тамом барбод бўлар унинг фийбатчи.*

Махтумқули ҳалқ хуш кўрмайдиган, нафратланадиган, жирканадиган баъзи иллатларга ҳам қарши ўт очади. Шоир, айниқса, чилимкаш ва носкашларга муросасиз бўлган. Нос, чилим, наша одамларнинг соғлигига зарар етказиб қолмай, уларга сарф бўладиган пул ҳам бефойда эканлигидан огоҳ этади. Бу иллатга берилган шахсларни шеърларида ҳажв қиласди.

*Қувватинг кеткизар, кучинг тўздирап,
Кайфи бошга келса, ақлинг оздидар.
Суягинг зирқираб, этинг қиздирап,
Бир нишона будир сенда, чилимкаш.*

Ёки:

*Бир отим деб ҳар эшикка йўртарсан,
Кўлга қоқиб, уч мисқолни отарсан.
Бурун қоқиб, ёнбошингга суртарсан
Харом бўлар усти бошинг, эй носкаш.*

Махтумкули нашаванд, гийбатчи, кўрқоқ, беҳаё, иккижуламачи, хасис ва дангасаларни қанчалик ҳажв қилса, доно, камтар, ботир ва ақлли, инсонпарвар, ватанпарвар ва олижаноб кишиларни шунчалик мақтади. Шоирнинг буюклиги ҳам шунда. У зулм авжига чиққан, адолатсизлик кучайган бир даврда яшаган бўлишига қарамасдан, бўладиган таҳдид ва хавфдан кўрқмади, мавжуд тартибларга қарши кескин норозилик билдиришда давом этаверди. Эзилган, хўрланган, инсоний ҳуқуқлари камситилган оддий халқнинг ҳимоячиси бўлиб майдонга чиқди.

Ўз юртини, элини севган, ор-номусини ҳамма нарсадан устун қўйган Махтумкули замонидаги катта ижтимоий-сиёсий воқеалардан тортиб, оддий ҳаётий ҳодисаларгача, дунё тақдирдан тортиб, то инсон қисматигача бўлган муаммоларга муносабат билдириди, уларни қаламга олди, ёмонларга қарши курашди, эзгуликларни ҳимоя қилди. Махтумкули қандай мавзуда ижод қилмасин, қаерда яшамасин, унинг хаёли ҳамиша ўз халқи тақдирни, она – Ватан меҳри билан банд бўлди, унинг куйини куйлади, дардига малҳам бўлди. Академик В. Зоҳидовнинг сўзлари билан айтсак: «*Махтумкули бутун онгли умри ва ижодий фаолиятининг маъносини шеъриятга, шеъриятда халқ ва Ватанга хизмат қилишда кўрди. У ўзининг охирги нафасига қадар қуидаги онтига содик қолди, шу билан фахрланди, шу билан яшади, шу билан илҳомланди:*

Доно бўлсанг, мискинларни унумтма,
Афзал бўлсанг, номардларга бош туттма.
Эрк истасанг, гўзал достонинг сотма,
Элинга баҳи айлаб ўтгил, Фирогий!»¹

Махтумкули туркман адабиёти тараққиётига, ўзидан кейин яшаган барча шоирларга ижодий таъсир ўтказди. Сеидий, Зелилий, Камина, Мулланафас каби мумтоз шоирлар, Дурди Қилич, Мулламурт, Б. Кербобоев, А. Коушутов, Б. Сейтақов, А. Дурдиев, Н. Сарихонов ва бошқа ўнлаб туркман ёзувчилари Махтумкули ижодига ҳурмат билан қар-

¹ В.Зоҳидов. Жаҳон бадиияти зарварақлари. Тошкент, 1980., 173-бет.

ганлар, унинг ижтимоий-фалсафий, маънавий-ахлоқий, инсонпарварлик, ватанпарварлик руҳидаги асарларидан баҳраманд бўлиб, шоирнинг анъаналарини янги тарихий шароитда давом эттиридилар.

Махтумкули мана шундай буюк ижодий тақдирга мушарраф бўлган улуғ бир сиймодир. У туркий халқлар ўтрасида ҳам шон-шухратга беланган, катта мавқега эга шоир. Адивнинг асарлари кейинги авлод ижодкорлари учун ўзига хос маҳорат мактаби, китобхонлар учун эса битмас-туганмас ахлоқий тарбия қуроли вазифасини ўтаган ва ҳозир ҳам шу муқаддас вазифани бажармоқда. Ўзбек, қозоқ, қорақалпоқ, қирғиз, озарбайжон, татар ва яна бошқа тақдирдош халқлар, уларнинг қалам аҳли Махтумкули асарларини яхши билади, ўз она тилларига таржима қилиб, турли йилларда бир неча марта нашр этишган, сўз усталари эса унинг ижод сирларини ўрганиб, ўз адабиётларини оригинал асарлари билан бойитмоқда.

Махтумкулининг мероси Ўзбекистонда жуда қадрланади, номи ва асарлари халқимиз орасида кўпдан бери маълум ва машҳурdir. Юртимиизда бу табаррук номни эшитмаган, шеърларини ўқимаган адабиёт ихлосманди, шеърият мухлиси йўқ. Шоирнинг ҳикматга йўрилган шеърларига басталанган куй ва кўшиқларни мароқ билан тинглаб завқланмаган одам жуда кам. Ўзбекистон халқ шоири Шуҳрат ёзганидек: «*Хозирги ўзбек хонадонларидан ҳеч бирининг тўйи Махтумкулисиз ўтмайди*». Махтумкулининг ҳеч қачон қимматини йўқотмайдиган поэтик асарлари, мана, бир неча юз йилдирки, китобхонларнинг дилини ром этиб келмоқда, кувонч бағишлияпти, санъаткорлар репертуарига жило бермоқда, уларни янги-янги қўшиқлар яратишга илҳомлантируммоқда. Шунингдек, шоир шеърияти ижодкорлар учун эзгулик томонида туриб ёвузликка, ахлоқий нопокликка қарши курашишнинг ўзига хос рамзи, илҳом манбаи вазифасини ҳам ўтамоқда. Ҳеч муболагасиз айтиш мумкинки, ўзбек адабиётининг катта авлод намояндларидан тортиб кенжа авлод вакилларигача Махтумкули шеъриятидан озиқланган. Ўзбекистон халқ шоири Миртемир шеърларидан бирида ёзганидек: «*Махтумкули шеърининг шарбатин ишиб қонган*».

Махтумкулининг номи, шеърлари, айниқса, Хоразмда жуда машҳур. Унинг Хевадаги Шерфозихон мадрасасида таҳ-

сил олиб, Хоразм адабий мұхити билан алоқада бўлгани, Шарқ адабиётининг нодир намуналари билан айнан шу ерда, мадрасада танишуви ва қизғин ижодий фаолият билан шуғуллангани Махтумқулини бу воҳа халқига, адабий жараёнига яқинлаштириб қўйган эди. Ҳатто XX асрнинг 30 йилларида, ҳали Махтумқули асарлари ўзбек тилига таржима қилинмасдан олдиноқ у Хоразм элида жуда машҳур бўлиб, баҳшилар, ҳалфалар репертуари орқали оммалашиб кетганди. Шоир шеърларини билмайдиган, ҳикматларга бой тўртликларини ёд олиб давраларда, тўю базмларда ижро этмаган санъат ихлосманди ўтмишда ҳам, ҳозирда ҳам Хоразмда йўқ бўлса керак¹.

Умуман, Ўзбекистонда Махтумқули шеъриятига қизиқиш катта. У ўзбек халқининг, ўзбек адабиётининг ўз шоиридай бўлиб қолди. Ҳикматлар чамани соҳиби Махтумқули шеъриятига ҳавас, ихлос, чанқоқлик мухлисларда бугун ҳам кучайса кучайдики, асло пасайган эмас.

1984

МАНГУЛИККА ДАХЛДОР ОҚИН

Абай Қўнонбой ўғли XIX аср қозоқ адабиётининг буюк маърифатпарвари, жаҳон адабиёти ва маданияти тарихида мустаҳкам ўринга эга салоҳиятли шоир – оқиндир.

Абай адабиётнинг ҳар хил жанрларида фалсафий теран, чукур мазмунли асарлар яратган, шеърлар, достонлар ижод этган. Уларда шоир ўз даврининг ҳаёт тарзи ҳақида маълумот беришга, замон ва замин ташвишларини реалистик тасвирлашга ҳаракат қилган. Абай ижодида инсон тақдир, унинг келажакка бўлган ишончи, орзу-умидлари, баҳт-саодатга эришиш йўлидаги интилиш ва курашлари маҳорат билан бадиий талқин этилган. Абай шеъриятининг халқчиллиги ҳам шу фазилатлар билан ўлчанади.

Абай умрининг сўнгги йилларида насрий асарлар ҳам ёзган. Шеъриятига сифдира олмаган ижтимоий-ахлоқий, таълимий қарашларини у фалсафий-публицистик руҳда, проза тили билан баён этишга интилган. Биз мулоҳаза юрит-

¹ Ҳ. Абдуллаев. Махтумқули ва ўзбек адабий мұхити. Тошкент, «Фан», 1983 й.

моқчи бўлган Абайнинг шу хилдаги насрий асарлари қирқ беш «Сўз»деб номланади. Адабиётшуносликда бу «Сўз»лар баъзан «қора» сўзлар, баъзиде «насиҳатлар» деб юритилмоқда. Абайнинг ўзи бу «Сўз»ларнинг жанр хусусиятларини белгилаб бермаган кўринади. Бизнингча, уларни кескин турда «қора сўзлар» ёхуд «насиҳатлар» деб номлаш «Сўз»лардаги мазмун ифодаси ва фоя талқинига уччалик мос эмас-дек туюлади. Катта-кичик мустақил ҳикоялардан иборат бу насрий асарларни шунчаки «қора сўзлар» деб атасак, уларнинг мавзу хилма-хиллигини бироз чегаралаб, ижтимоий-тарбиявий аҳамиятини ҳам бирмунча торайтирган бўламиз. Чунки уларнинг бир туркуми XIX асрнинг иккинчи ярмидаги феодализм мұхитининг ҳаёт тарзи, идора усули, жамиятнинг маънавий-сиёсий қиёфаси ҳақида муайян тасаввур берадиган, катта фалсафий мазмунга хос бадиий-публицистик лавҳалардир. Бошқача айтганда, Абайнинг ўз давридаги ижтимоий-сиёсий масалаларга қарашларининг ўзига хос синтезидир. «Сўз»ларни тўла маънода «насиҳатлар» деб аташ ҳам, бизнингча, мақсадга мувофиқ эмас. Чунки қирқ беш «Сўз»нинг қарийб ярмида насиҳат мотивларидан кўра, шоирнинг замондан норозилиги акс этган, инсоний ахлоққа зид нопокликлар қораланган. Лекин бу фикрдан танқидий руҳдаги асарларда насиҳат мотивларини тасвирлаш мумкин эмас, деган хulosса келиб чиқмаслиги керак. Кўп йиллик бадиий адабиёт тажрибасидан маълумки, дидактик характерда асарлар яратишнинг усуллари кўп. Танқидий руҳдан холи, соғ насиҳатга қурилган асар яратиш ҳам мумкин. Бундай асар бошдан охирига қадар ўқувчини фақат эзгуликка, олижанобликка даъват этувчи фоялар билан йўғрилган бўлади ва ҳар бир инсон учун ҳаёт дарслиги вазифасини ҳам ўтайди.

Дидактик мавзуда асар яратишнинг яна бир усули бор. Ижодкор фалсафий қарашларини, ахлоқий-таълимий фикрларини катта ҳаётий маъно касб этадиган муайян ривоят ёки афсона либосига ўраб бериши ҳам мумкин. Шарқ мумтоз адабиёти шоирлари ижодида бу усул кенг кўлланилиб турли шаклларда кўп асарлар яратилгани маълум. Ҳар қандай шоирнинг таржимаи ҳоли ва ҳаётий тажрибаси ижодининг мундарижасини белгилашда мұхим роль ўйнайди. Ижодкор ҳаётидаги кўп фактлар унинг асарларига ўтади.

Шунинг учун ҳам шоир шахси билан унинг асарини алоҳида-алоҳида ажратиб ўрганиш кутган натижани беравермайди. Масалан, Сергей Есенин «Ўзим ҳақимда» номли таржи-маи ҳолида туғилган жойи, ёшлиги, ўқиган мактабларини баён қилгач, қолган автобиографик маълумотларга келганда: «улар менинг шеърларимда», деб қўя қолган экан. Ёки Фафур Фуломнинг «Сен етим эмассан», «Софиниш», «Кузатиш» каби шеърларида шоир таржимаи ҳолини эслатадиган фактлар анча. Бу фикрнинг исботи учун адабиётдан яна ўнлаб мисоллар келтиришим мумкин. Табиийки, Абай ижоди ҳам бундан мустасно эмас. Шоир ўз турмуш тажрибаларига таянган ҳолда, ҳаёт ҳодисалари тўғрисида, ўзи билган ва қутаган одамлари ахлоқидаги нуқсонлар хусусида баъзан қониқиши, баъзизда куюнчаклик билан мулоҳаза юритади, айримларида юксак инсонийликни улуғласа, баъзиларида маънавий тубанликни кескин қоралайди. Ва шу орқали ўзининг дидактик қарашларини илгари сурниб: *яхшиликни авайланг, ёмонликдан ҳазар қилинг*, деяётгандек бўлади шоир ўз ўқувчисига.

Бундай йўналишдаги насиҳатлар муайян давр ва шахслар ҳақида аниқ тасаввур бериш хусусиятига, яъни чуқур реалистик принципга асосланган бўлади. Абайнинг ҳар бир «Сўз»и давр руҳи билан суғорилган, чинакам ҳаётий лавҳалардир, ўша замоннинг турмуш шароити, сиёсий тузуми ҳақида аниқ тасаввур берадиган, маълум даражада, автобиографик характерга эга гўзал бадиий реалистик асардир. Демак, Абайнинг катта-кичик «Сўз»ларида дидактик ва фалсафий мазмундаги асарлар ҳам, норозилик мотивлари талқинига хос танқидий руҳдаги асарлар ҳам бор. Шундай экан, уларни жанр нуқтаи назаридан, қаламга олинган мавзуларнинг ҳар хиллигига қараб фалсафий-публицистик ҳикоялар, деб аташ мақсадга мувофиқ деб ҳисоблаймиз.

Абай бу насрый асарларини турмушнинг аччиқ-чучугини кўп татиб, катта ҳаётий тажрибага эга бўлгандан кейин ёзишга киришган. Шоир ҳаётининг сўнгги йилларида унда умидсизлик кайфияти пайдо бўлади, натижада, дунё ташвишларидан «этак силкиш»га қарор қиласди. «Ёшим шу ерга етгунча яхши яшадимми, ёмон яшадимми, ҳар қалай яшаб келдим, — деб ёзади Абай биринчи «Сўз»ида. — Умримнинг кўпи кетиб ози қолди, бошимдан не-не савдолар кечмади:

олишдим, юлишдим, айтишдим, тортишдим — хуллас, бошга тушганини тортиб келдим. Мана энди ёшим қайтиб, қаридим, ҳоридим, ҳамма қилиб юрган ишларимда маъно йўқлигини, ҳаммаси шунчаки бир гап эканлигини кўрдим, билдим. Хўш, қолган умримни қандай қилиб ўтказсан экан?»¹

Абайнинг ўзи бу саволга жавоб излади. Элу юртга раҳбарлик қилсаммикан ёки сўфилик қилиб дин йўлига тушсаммикан, деган фикрлар хаёлидан ўтади. Лекин бу ишлар унинг қўнглига таскин бўлолмаслигини англагач, фикридан воз кечади ва қолган умрини илм-фанга бағишламоқчи бўлади. Бироқ элда илм-фаннынг қадрига етадиган, уни тушунадиган одамларнинг йўқлигидан, меҳнати зое кетиши мумкинлигидан афсусланиб, бу фикридан ҳам қайтади. «Охир шундай қарорга келдим, — деб ёзади Абай биринчи «Сўз»нинг ниҳоясида. — Хаёлимга келган нарсаларни оқ қоғозга ёзаверайин, оқ қоғоз билан қора сиёҳни эрмак қилайин. Кимда-ким бундан ўзига керакли сўз топса — ёзib олсин ё ўқисин, кераги йўқ деса — ўз сўзим ўзимни дедимда, ниҳоят ёзишга ўтиредим».

Абай сўз санъатининг қадрини ҳар қандай мартабадан, мансаб ва бойлиқдан юқори билган. Шунинг учун ҳам умрининг қолган қисмини шу соҳага бағишлаб, кейинги авлодларга ибрат бўлгудек маънавий хазина яратиб кетган мутафаккир шоирдир.

Абайнинг ҳар бир ҳикоясида қаламга олинган мавзу, илгари сурилган фоя чуқур ҳаётийлиги, бугунги замонга оҳангдошлиги билан қадрлидир. Шоир қайси мавзуда сўз юритмасин, қандай ахлоқий нормаларни тарғиб қилмасин, ёхуд инсоний фазилатлардан маҳрум бўлган кимсаларни қоралаб, лаънатламасин, доимо ўз ҳаёт тажрибаларидан келиб чиқиб сўз айтади. Донолик ва нодонлик, меҳнатсеварлик ва ялқовлик, камтаринлик ва манманлик, олижаноблик ва худбинлик, сахийлик ва зиқналик, билимдонлик ва жоҳиллик, дўстлик ва душманлик. Мана, Абай «Сўз»ларининг асосини белгилайдиган бош мавзулар! Шоир бу ахлоқ нормаларининг ҳар бири тўғрисида баъзан эҳтирос билан,

¹ Абай. Танланган асарлар. Тошкент., 1961., 131-бет. Қозоқтилидан Носир Фозилов таржимаси. Бундан кейинги мисоллар ушбу нашрдан бўлади.

баъзан осойишта кайфиятда, гоҳида эса газаб ва нафрат билан сўз юритади. Лекин адид қандай шакл ва мазмунда қалам тебратмасин, мулоҳазаларидан ҳар ким ўзига керагани топиб олади ва ҳаёти давомида улардан фойдаланишга ҳаракат қиласди. «Одамзодни хор қиласдиган уч нарса бор, – деб ёзади Абай ўттиз саккизинчи «Сўз»ида. – Шундан эхтиёт бўлиш керак! Биринчиси, нодонлик, иккинчиси эринчоқлик ва учинчиси – золимликдир».

Абай буларни шунчаки санаб ўтиш билан чекланмайди, балки уларнинг моҳиятини, ижтимоий зарарини шарҳлаб ҳам беради ва фикрларини давом қилдириб яна шундай дейди: *«Нодонлик – билимсизлик ва дунёдан хабарсизликдир. Билимсизлик эса ваҳшийликдир. Эринчоқлик дунёдаги ҳамма нарсанинг душманидир. Гайратсизлик, уятсизлик, журъатсизлик, камбағаллик каби нарсаларнинг ҳаммаси эринчоқликдан келиб чиқади. Золимлик – инсонийликнинг душманидир. Одам золим бўладими, у одамгарчиликдан айрилади, инсонлик қиёфасини йўқотади ва ўйртқич ҳайвондан фарқи қолмайди»*.

Абайнинг бу ҳикматлари қанчалик чуқур ҳаётий мазмун касб этиши, турмуш синовидан ўтган ахлоқий принциплар эканлигини изоҳлаш шарт бўлмаса керак.

Илм ҳақида, унинг жамият тараққиёти ва инсон камолатидаги роли хусусида жаҳон мутафаккирлари, айниқса, Шарқ адабиётининг буюк шоирлари кўп фойдали фикрларни ёзив қолдирган. Ҳатто уларнинг айримлари илмнинг қудратига юксак баҳо бериб, илм ва илм аҳлини улуғлаб маҳсус асарлар ҳам яратгандар. Шарқ адабиётини яхши билган ва унинг илфор анъаналаридан баҳраманд бўлган Абай ҳам ўз асарларида бу муҳим масалани четлаб ўтмаган. Балки билим ва илм ҳақида, унинг қадрига етиш, илмни жамият фойдасига хизмат қиласдириш тўғрисида фойдали фикрларни ўртага ташлаган ва буюк оқин илмни имон ва эътиқод даражасига кўтаради. Унинг илм ҳақидаги куйидаги фикрлари бугун ҳам аҳамиятга эга: «Илм ўрганишни ҳамиша давом эттиравериш керак. Агар кимда-ким уни тўла ўрганимай туриб, шу билганим ўзимга етади, деб бор билимiga қаноат ҳосил қилса – у одамни худо ургани: унинг қилган тоат ибодати ҳам охиратда қабул бўлмайди. Агарда кимда-ким имонининг қандай қилиб мустаҳкамланишини ва қан-

дай қилиб заифланишини билмаса, у ҳолда унинг бошига салла ўраб, биродар аталиб, рўза тутиб, намоз ўқиб юриши – бари беҳуда».

Шоир бошқа бир ҳикоясида яна илм ҳақида тўхталиб: *«бойлигингни сарф қилиб, илм топишинг керак. Илмиз охират ҳам йўқ, дунё ҳам»* дейди. Абай илм ўргангандан кейин унга амал қилиш, ҳаётда ундан фойдаланиш лозимлиги ни ҳам уқтиради. Илмни қандайдир гаразли мақсадлар учун ўрганиш, илмга мансабга эришиш воситаси деб қараш тубанлик белгиси дейди шоир ва илмни яхши ният билан ўрганиш керак, деган шиорни илгари суради. Абайнинг куйидаги мулоҳазалари нафақат шоир яшаган XIX аср тарихий шароити учун, балки бугунги кунимиз учун ҳам тарбиявий аҳамияти бекиёс: *«Аввало ўрганилаётган илм – хунарни охир бир кун келиб бирон кори ҳолимга яраб қолар, деб ўрганмасдан, ҳаётда уни турмушга тадбиқ қилиш мақсадида ўрганмоқ керак. Чунки илмни фақат билиб қўйиш учунгина ўргансанг ва шу билан қаноат ҳосил қилсанг, бундай илмнинг кимга кераги бор?»*.

Абайнинг илм ўрганиш ва унга амал қилиш ҳақидаги бу фикрлари бизга беихтиёр Алишер Навоийнинг куйидаги байтларини эслатади:

*Илму амал аҳли менингдек тамом
Ҳар не йигиб, ҳамроҳ этиб вассалом.*

*Илм Навоий, санга мақсуд бил,
Эмдики, илм ўлди, амал айлагил.*

Алишер Навоий яна бир маснавийсида илмига амал қилмаган олимларни ерга уруғ сепмаган ёки уруғ сепса-да, ҳосилидан баҳраманд бўлолмаган дэҳқонга қиёслаган эди:

*Илм ўқуб қилмогон мақбул,
Дона сочиб кўтармади маҳсул.*

Навоий ва Абайнинг илм ўрганиш ва уни амалиётга тадбик этиш масаласидаги қарашларида умумийликлар анча. Бу шунчаки тасодифий ўхшашлик эмас. Абайнинг бу соҳадаги эстетик фикрларининг шаклланишида Алишер Навоий асарларининг ижодий таъсири бўлган деб, ҳисоблаймиз. Абай шеърларидан бирида севимли шоирлари, устозлари

ҳақида фикр юритганда Алишер Навоийнинг номини ҳам хурмат билан тилга олади.

*Фузулий, Шамсий, Сайқалий,
Навоий, Саъдий, Фирдавсий,
Хўжса Ҳофиз – бу ҳаммангиз,
Мадад беринг, қилмангиз осий.*

Навоий ҳам, Абай ҳам ўз даври ва муҳити талабларидан келиб чиқиб илмнинг жамият тараққиётидаги ўрнини инсоннинг маънавий камолотидаги ролини баҳолашда бир хил позицияда турғанлар ва бир мавзуни турли шакл ва мазмунда талқин этганлар.

Абай насрой асарлари орқали яна бир муқаддас мавзуни қаламга олади. Бу дўстлик ва биродарлик мавзуси. Бу мавзу Абай талқинида бутунлай ўзгача жаранглайди. Унинг ифода шакли, чукур мазмуни, ҳаётийлиги ўқувчи қалбини сеҳрлайди, турмушда бизни худди шоир айтгандай ҳаракат қилишга ундан турорди. Куйидаги ҳикматдан ҳар бир одам сабоқ олса арзиди: «*Ҳаётда одамнинг муқаддас бурчларидан бири – дўст-ёр орттирмоқликтидир. Дўст – ўзгаларга яхши муносабатда бўлсанг ва қўлингдан келганча яхшилик қилсанг, меҳр-оқибат кўрсатсанг дўстинг ортади ва кўпаяди, сен кимга дўстлик қилсанг, у ҳам сенга дўстлик қиласди, сенга нисбатан ишончи, меҳр-муҳаббати ошади. Агар дўстим кўп бўлсин десанг, ҳеч кимга душманлик қилма ҳамда ўзгалар ичиди ўзингга оро берма*».

Биз Абайнинг таълимий характерга эга фалсафий-публицистик қарашларига, юксак ахлоқий фикрларига кўпроқ тўхтадик. Абай «Сўз»ларининг мундарижаси фақат шулардангина иборат эмас. Шоир ўз замонидаги иллатларни, сиёсий тузумнинг нобоплигини, ахлоқий бузуқликларни, маънавий тубанликларни ҳам ҳеч аямасдан фош қилган. Чунончи, Абай юлғичлар ва алдамчилар, ялқовлар ва шуҳратпарастлар, жоҳиллар ва нодонлардан нафратланган. Шоирнинг танқид тифи кўпроқ шуларга қаратилган, уларнинг ҳақиқий башараларини маҳорат билан очиб ташлаган. Бундай иллатларга мубтало шахслар бутун жамият учун хавф туғдириши мумкинлигидан авлодларни шоир огоҳ қилган ва уларга қарши кураш олиб боришга даъват этган. Абайнинг нафақат дидактик мазмундаги тафakkур дунёси, бал-

ки шоирнинг танқидий руҳдаги сўзлари ҳам катта тарбиявий кучга эга ва улар ҳозир ҳам замон хизматида.

Холоса шуки, Абайнинг мустақил қирқ беш «Сўз»ни ўз ичига олган насрой асарлари мажмуаси, унинг ўлмас шеърияти сингари, ҳеч қаҷон бадиий-эстетик қимматини йўқотмайди, балки йиллар ўтган сари «Сўзлар»нинг қадр-қиммати ошиб бораверади. Абай бир вақтлар авлодларга мурожаат қилиб, шеърларидан бирида шундай деган эди:

*Үлди деса бўладими
Айтинглар-чи,
Орқасида ўлмайдиган сўз
Қолдирган...*

Буюк мутафаккир, демократ шоир – оқин Абай Кунонбой ўғли умрбоқий асарлари билан авлодлар қалбida мангу яшайди. У мангуликка даҳлдор қозоқ ҳалқининг улуғ оқинидир.

1995

ИСТИҚЛОЛ ФОЯЛАРИНИНГ КУЙЧИСИ

XX асрнинг биринчи ярми, хусусан, 20-30 йиллардаги ўзбек адабиёти ҳақида сўз бошлангудек бўлса, биринчи навбатда, Абдулла Қодирий, Чўлпон, Фитрат, Элбек, Боту, Усмон Носир ва яна бир неча қатағон даври қурбонларининг номлари ва ижоди катта фахр, қандайдир изтироб туйғулари билан тилга олинади. Ўзбек ҳалқи бу асл фарзандларини фақат мустабид тузум қурбони бўлгани учунгина эмас, айни чоёда, уларнинг миллий истиқлол фояларига садоқат билан хизмат қилганлиги, ҳатто лозим бўлса, бу йўлда ҳаётини қурбон қилишга тайёр турган ўта жасоратли ижодкорлар бўлганлиги учун ҳам хотирлайди, эъзозлайди. Бу улуғ сиймолар, гарчи бундан бир неча ўн йиллар олдин шахс сифатида оқланган бўлса-да, уларнинг асарларини ўрганиш, нашр қилиш ва ҳалқ оммасига тўла етказишига собиқ мустабид тузум мафкураси имкон бермади. Адибларнинг миллий қадриятларни улуғлаш руҳидаги ижод намуналари, истиқлол фояларига йўғрилган, бадиийликда тенгсиз асар-

лари қатагон қилиниб, халқимиздан сир сақланди. Фақат республикамиз мустақилликка эришгач, халқимиз мураккаб тақдирли бу улуғ истеъодларнинг ўлмас асарларини ўқиш, ўрганиш, номларини ҳам фахр ва гуур билин, ҳеч кимдан кўрқмасдан, ҳадиссирамасдан бемалол тилга олиш имконига эга бўлди. Эндиликда машақатли давр қалам аҳлининг кўп қиррали ижоди тўғрисида бор ҳақиқатни баралла гапириш ва ёзиш имконияти вужудга келди, уларнинг юбилей саналарини эмин-эркин нишонлашга кенг йўл очилди.

Бугун халқимиз ўзининг шундай улуғ фарзандларидан бири, тарихимизнинг алғов-далғовли, мураккаб йилларида ўзбек халқининг миллий истиқтоли ва баҳтли келажаги учун курашган ва «Чўлпон» тахаллуси билан (Чўлпон адабий тахаллус бўлиб, тонг юлдузи деган маънони англатади) ижод қилган оловқалб шоир Абдулҳамид Сулаймон ўғлиниң 100 йиллик юбилейини мамлакатимизда, жумладан, Қорақалпогистонда кенг нишонлашга кагта тайёргарлик кўрмоқда. Ўзбекистон Республикаси Вазирлар Маҳкамаси томонидан Чўлпоннинг 100 йиллигини нишонлаш тўғрисида қабул қилинган қарор ҳам ўзбек адабиётига, унинг истеъодли шоири Чўлпон ижодига, муҳими, миллий қадриятларимизга бўлган ҳурматнинг ўзига хос рамзидир.

Чўлпон ўз даврининг таникли шоири ва ёзувчиси, драматурги, публицисти ва олими, энг асосийси, бетакор истеъод ва талант соҳиби сифатида танилган ҳамда тан олинган, яқин ўтмиш адабиётимиз тарихига ёрқин саҳифа бўлиб кирган улуғ сиймодир. У 1897 йилда Андижонда савдогар оиласида дунёга келади. Отаси деҳқончилик ва ҳунармандчилик билан шуғулланган ва у ўз даврининг илфор зиёлиларидан бўлган, адабий машқлар билан шуғулланиб ғазаллар ҳам ёзган. Унинг лирик девон тузганлиги ҳақида ҳам маълумотлар бор.

Чўлпон дастлаб эски мактабда савод чиқаргач, Андижон ва Тошкент мадрасаларида таълимни давом эттиради, араб, форс, турк тилларини мукаммал ўзлаштиради, кейин рус-тузем мактабида ўқиб дунёвий фанларни, айниқса, рус тилини пухта ўрганиб олади. Чўлпон дунёқарашининг шаклланишида, фикрини ривожлантиришда бу омиллар муҳим роль ўйнайди. Натижада у Шарқ ва Farb адабиёти намуналари билан кенгроқ танишиш имкониятига эга бўлади. Ёшлик

йилларидаёқ, Чўлпон Пушкин, Гоголь, Достоевский, Тургенев, Толстой, Горький каби рус адабиётининг, Сервантес, Мопассан, Мольер, Шекспир, Байрон сингари жаҳон адабиётининг буюк вакиллари ижоди билан танишган ва улардан сабок олган. Айниқса, Шарқ адабиётининг улкан намояндлари бўлмиш Фирдавсий, Ҳофиз, Саъдий, Умар Ҳайём, Жомий, Румий, Низомий, Навоий, Фузулий, Тагор, Абдулла Тўқай каби сўз усталарининг адабий мероси ҳам Чўлпон учун ўзига хос ижодий мактаб вазифасини ўтаган. Бўлажак шоир бу бебаҳо хазиналардан ҳам ўрганиб, ўзидағи истеъод чашмасининг «кўзи»ни очишига муваффақ бўлди.

Чўлпон адабиётга мана шундай катта ижодий тайёргарлик, кўп ўқиш ва ўрганиш малакаси билан кириб келди. Унинг ижодий изланишлари, адабий тажриба тўплаш жараёнлари узоққа чўзилмади. Дастробки машқлари биланоқ, у жамоатчиликнинг назарига тушди, китобхонларнинг ҳурматини қозониб талантли ва умидбахш ижодкор сифатида танила бошлади. Чўлпон адабиётнинг кўп жанрларида куч синади. Чинакам миллий руҳда шеърлар, талант билан ёзилган бир туркum ҳикоя ва қиссалар, мураккаб давр зиддиятларини қамраб олган саҳна асарлари, кўп адабий публицистик мақолалар, шунингдек, чоризмий кескин фош этувчи ва ҳурликини тарғиб қилувчи машҳур роман ҳам Чўлпон қаламига мансубдир.

Шеърият Чўлпон ижодида салмоқли ўринни эгаллайди. Шеърларда юртини беҳад севган ватанпарвар, хассос шоирнинг кўнгил қувончлари ва изтироблари жуда табиий талқин этилади. Шеърлар халқ руҳига яқинлиги ва уйғуналиги билан севимлидир. «Уйғониш», «Булоқлар», «Тонг сирлари», «Соз»каби шеърий тўпламлар шоирнинг лирик жанрдаги ижодий муваффақиятларидир. Улардаги шеърлар мавзу жиҳатидан долзарб, тасвиirlар табиий, маънолари жуда теран. Шоир туйғулари талқинида сунъийлик, юзакилик йўқ. Ифодалардаги руҳий самимият китобхон қалбини сеҳрлаб олади. Ҳар бир шеърда халқнинг дарду қувончлари ҳақида сўз юритилади. Чўлпон халқ қудратига юқори баҳо беради, уни енгилмас куч сифатида таърифлайди. Унинг машҳур «Халқ» номли шеърида шундай қўйма сатрлар бор:

Халқ денгиздир, халқ тұлқындар, халқ күчдир,
Халқ исәндир, халқ оловдир, халқ үчдир.
Халқ құзғалса күч йүқдирким, тұхтатсан,
Күвват йүқким, халқ истагин йүқ этсін.¹

Чүлпон ҳақиқат ахтары, ҳақиқат ва адолатта талпиниб яшаган, ижод қылған шоирдир. У ҳуқуқсизликка, мутеликка қарши исән күтарды, хурлық, озодлик ғояларини оташнафас билан күйлади. Шоир ватандошларига қаратада:

Тириксан, үлмагансан
Сен-да одам, сен-да инсонсан,
Кишин кийма,
Бүйин әгма,
Ки сен ҳам ҳур туғилғонсан, —

дея хитоб қилди. Шоир шундай чақириқ билан инсон ҳуқуқларини поймол этган мустабид тузумга норозилигини билдирди ва шеърларида эрк байробини янада баландроқ күтарды.

Чүлпоннинг аксарият шеърларида фош этувчилик руҳи устунлик қилади. Шоир қалб қайноклари, күнгил изтироблари орқали ўша кезларда Шарқ дүнёсида юз берәётган ўзгаришларни ўзига хос бир руҳий дард билан қаламга олган эди. «Виждон эрки», «Истиқол», «Юпанмоқ истаги», «Бузилган ўлқага», «Барғ», «Кураш», «Күшнинг ҳадиси», «Кишин», «Баҳорни соғиндим», «Құзғалиш», «Тортишув тонги» сингари ўнлаб шеърлар ҳурлыкка талпинган эркесвар шоирнинг қалб нидолари тарзида қоғозға түкилган оташ түйгүлардир. Исәнкор шоирнинг шундай руҳдаги «Құзғалиш» номли шеъридан яна бир мисол:

Әй! Сен мени ҳақыр күрган, тубан деган афанди!
Әй! Устимда бир умрга хұжа бўлмоқ истаган.
Әй! Бүйнимга кишин солиб ҳалокатга судраган,
Құзларингни заҳарлатиб ўйнатмагил бас энди!

¹ Чүлпон. Яна олдим созимни. Тошкент., 1991., 408-бет. Бундан кейинги мисоллар шу нашрдан бўлади.

Кишинларинг занг босгандир, сергак бўлким, узилур:
Томиримда құзғалишининг ваҳший қони гупирди.
Эски фикр, анъаналар энди буткул узилди,
Ё битарман, ёки сенинг салтанатинг бузилур!

Чүлпон эрк учун туғилган фарзанд эди. Шоир бу ҳаёт-бахш ғояларни нафақат шеърий асарларига, шунингдек, насырий ва драмалари руҳига ҳам чуқур сингдирған элпарвар ва халқпарвар миллий ижодкордир. Шу маънода, Чүлпон ўзбек миллий драматургияси ва театр санъатининг вужудга келиши ва ривожланишига ҳам муносиб ҳисса құшган драматург. Адибнинг «Бой», «Халил фаранг», «Ўрток Қаршибаев», «Чүрининг исәни», «Муштумзўр», «Ёрқиной» номли катта-кичик ҳажмдаги драмалари ўз даврида шуҳрат қозониб, илмий-адабий жамоатчиликнинг, томошабинларнинг юксак баҳосига сазовор бўлган.

Халқимиз Чүлпонни йирик романнавис сифатида ҳам жуда яхши билади. Унинг «Кеча ва кундуз»романи фақат Ўзбекистонда эмас, балки Марказий Осиё давлатларида ҳам адаб номини улуғлаган асар бўлди. Ёзувчи романни 1934 йилда ёзиг тугаллаган ва у Ўзбекистон Республикаси ташкил этилганлигининг ўн йиллиги муносабати билан ўтказилган кўрик-танловда рағбатлантирувчи мукофот билан тақдирланган. 1936 йилда «Кечада кундуз»романи китоб бўлиб босилди. Бироқ 1937 йилда роман «миллатчилик ғояларини тарғиб қилувчи зарарли асар» тамғаси билан таъқиқланади, муаллиф эса қатағонга учрайди. Орадан қарийб эллик йил ўтгандан кейин китобхонлар романни «Шарқ юлдузи» журнали орқали ўқиши бахтига мұяссар бўлди. 1991 йилда роман Faфур Фулом номидаги Адабиёт ва санъат нашриётида чоп этилди.

«Кечада кундуз»романи Туркистаннинг яқин ўтмишдаги ҳаёти, аниқроғи, Октябрь инқилоби арафасидаги ўзбек халқининг ижтимоий-маиший турмуш манзаралари тасвирiga бағишлиланган. Муаллиф романда турли характер хусусиятларига эга тұлақонли образлар яратди. Ва шу орқали мураккаб тақдирли кишиларнинг қувонч ва изтиробларини бадий таҳлил қилиб берган. Романда иштирок этган образлар кўп бўлса-да, унинг сюжетини, асосан, уч қаҳрамон ҳаракатта келтиради. Булар Зеби, Акбарали мингбоши ва

Мирёкуб образларидир. Асардаги асосий фоя, ёзувчининг бош концепцияси ҳам шу уч образ зиммасига юкланган. Раззоқ сўфи, Курбонбиби, Ўлмас, Мария, Ноиб тўра, Эшон ва яна бошқа бир неча персонажлар шу уч образ характерини очишга бўйсундирилган. Раззоқ сўфи ягона қизи Зебини севмаган кишиси, бобоси тенги Акбарали мингбошига уч хотин устига тўртингиси қилиб беради. Шу билан у қизининг гўзал орзу армонларини барбод этади. Роман конфликти худди ушбу негиз сюжет асосида ривожлана бошлайди. Зеби Акбарали тузогига тушмаслик учун қанчалик уринмасин, ҳаракатлари зое кетади, тақдирга тан беришдан бошқа иложи қолмайди. Романда Акбарали мингбоши образи ёзувчи томонидан жирканч ва нафрат билан тасвирланган. У ўқувчи кўз ўнгига хотинбоз, ўта маишатпараст, ичкиликка мукласидан кетган, ақл-идрокда тубан, худбин бир шахс бўлиб гавдаланади. Муаллиф бу образнинг ички ва ташқи қиёфасини қора бўёқларда чизган, у китобхон кўз олдидা ёрқин ижтимоий тип сифатида ҳам намоён бўлади.

Чўлпон чоризм истибдодининг кирдикорларини фош қилиш мақсадида романга Мирёкуб образини киритган. У романнинг мураккаб тақдирли марказий қаҳрамонларидан бири. Мирёкуб ҳам мингбошига ўҳшаган айш-ишратни, маишатни хуш кўрадиган тип. Гарчи у ўзини маърифатли одам қиёфасида кўрсатишга уринса-да, аслида саводсиз, дунё янгиликларидан бехабар манқурт бир кимса. Мирёкуб билан фоҳиша Мария ораларидаги ишқий можаролар тасвири орқали ёзувчи китобхонни ҳаётий зарур маънавий-ахлоқий масалалар хусусида холоса чиқариб олишга даъват этади. «Кеча ва кундуз»романидаги бошқа образлар ҳам реалистик бўёқлар билан чизилган ва у ўқувчиларда унтуилмас таас-суротлар қолдиради.

Умуман, «Кеча ва кундуз»романи юксак бадиий фазилатлари: чинакам миллийлиги, образлар характерининг тўлақонли ва ёрқинлиги, тасвирнинг ҳаётийлиги ва самимийлиги, энг муҳими, эстетик таъсир қудратининг зўрлиги билан нафақат Чўлпон иходини, балки ўзбек романчилигини ҳам бир погона юқори кўтарди. Романнинг яна бир улуғ фазилатини таъкидлаш ўринли. Бугун ҳалқимиз қалбидаги миллий истиқдол фоялари жўш уриб турган бир давр-

да, ўзлигимизни англаш, қадриятларимизни тиклаш, инсоний тарихига тегишли бир мулоҳазани қайд этиб ўтишни лозим кўраяпмиз. Гап шундаки, Чўлпон романда айрим образлар орқали айтмоқчи бўлган фикрларини тўла айтиб ултурмадан кўринади. Баъзи образлар, уларнинг тақдирлари билан боғлиқ воқеалар туруни, айрим конфликтлар мантиқий ечимга келмагандек. Бош қаҳрамон Зебининг эри Акбарали мингбошини заҳарлаб ўлдиришда айбланиши ва суд ҳукми билан унинг Сибирга сургун қилингандан кейинги қисмати, Мирёкуб билан Мария ораларидаги ишқий можаролар тасвири, Зеби ва Ўлмас муҳаббати билан боғлиқ кўп масалалар романнинг қўлимиздаги нусхасида якунланмай қолгандек туюлади. Чўлпон романни икки қисмдан иборат қилиб ёзиши режалаштиргани ҳақида адабиётшунослигимизда фикрлар айтилди. Ҳақиқатан ҳам адаб романнинг биринчи – «Кечада» қисмини ёзиб нашр қилишга ултурган-у, иккинчи «Кундуз» қисмини эълон қилишга ултурмаган бўлиши мумкин. Баъзи маълумотларга қараганда, Чўлпон романнинг иккинчи қисмини ҳам ёзиб тугаллаган, лекин ҳозирча унинг кўллэзмаси топилган эмас. Мабодо романнинг иккинчи, «Кундуз» қисми топилгудек бўлса, табиийки, биз юқорида тилга олган образлар фаолияти билан боғлиқ воқеалар маълум бир мантиқий ечимга келиб хотималангандан бўлиши аниқ. Чунки роман сюжетининг давом этиши зарурлигини асарнинг умумий руҳидан англаб олиш мумкин.

Чўлпон сермаҳсул ва серқирра ижодкор бўлган. Адабиётнинг деярли барча жанрларида асарлар ёзиб, ўзбек адабиётiga ҳисса қўшди. Унинг «Доктор Муҳаммадёр», «Қорқийнида лола» ҳикоялари, «Ёв қиссаси», «Ўш» сарлавҳали очерки, «Ватанимиз Туркистанда темир йўллар», «Курбони жаҳолат» деган бир неча публицистик мақолалари адабистеъдодининг меваларидир. Чўлпон бир туркум адабий-танқидий мақолалар ва тақризларнинг ҳам муаллифи. Унинг «Шўро ҳукумати ва санойи нафиса», «Шарқ уйғонмоқда», «Буюк мактаб эгаси» (Горький ҳақида), «500 йил» (Навоий юбилейи муносабати билан ёзилган), «Мейерхолд театри»,

«Маликаи Турондот», «Тагор ва тагоршунослик», «Турсуной саҳнада», «Мирзо Улугбек», «Увайсий», «Адабиёт на-дур» ва бошқа кўплаб адабий-танқидий тадқиқотлари мутахассисларга яхши маълум. Бу адабий, илмий-публицистик асарларнинг номланишининг ўзиёқ Чўлпоннинг илмий дунёқараши жуда кенг ва чуқур бўлганлигини, илм-маърифатнинг барча соҳалари бўйича етук билим ва малакага эга эканлигини кўрсатади.

Чўлпон ижодининг бир қирраси бадиий таржима билан боғлиқ. У 20-30 йилларда мазкур соҳада самарали ишлаган, рус ва жаҳон адабиётининг кўп асарларини ўзбек тилига ўтирган. Ҳеч муболагасиз айтиш мумкинки, бу йилларда ўзбек таржимачилигида Чўлпонга тенг келадиган ижодкор бўлмаган. У Шекспирнинг «Гамлет», Лопе де Веганинг «Қўзибулоқ», «Қўза кўтарган қиз», Мольернинг «Хасис», Сервантеснинг «Дон Кихот», Пушкиннинг «Дубровский» қиссасини, «Борис Годунов» трагедиясини, Гоголнинг «Шинель», «Иван Иванович билан Иван Никифоровичнинг ўзаро низолари» қиссасини, Тургеневнинг «Ася» ва «Баҳор тошқинлари» асарларини, Горькийнинг «Она» романини, «Егор Буличев» пьесасини, Андреевнинг «Етти осилган» қиссасини маҳорат билан ўзбек тилига таржима қилган. А.Лоҳутийнинг «Европага саёҳат» достони, Криловнинг масаллари, Файконинг «Портфеллик киши» пьесаси ҳам 30-йилларда Чўлпон таржимасида ўзбек китобхонларига тақдим этилган. Булардан бошқа-да, Пушкин, Блок, Брюсов каби буюк шоирларнинг лирикаси билан ўзбек китобхонларини таниширишда Чўлпоннинг хизматлари бекиёс. Ўзбекистонда таржима ишлари энди ривожланиб келаётган бир даврда Чўлпоннинг бу соҳага қизғин киришиб, ҳалқимизни жаҳон бадиий тафаккурининг хазиналари билан таниширишга астойдил бел боғлагани ва юксак савияли таржима асарлари яратганилиги ўша давр маданий ҳаётида катта воқеа эди. Таржималар фақат сон жиҳатидан эмас, бадиий савия бобида ҳам мукаммал эди. Бироқ Чўлпоннинг таржимонлик фаолияти ҳозирга қадар ўрганилмаган. Бу долзарб мавзу келажакда таржимашуносларнинг диққатини жалб этса, шоирнинг янги истеъод қирраларини кашф этувчи фундаментал илмий ишлар яратилса, айни мудда бўларди.

Хуласа: Чўлпон бекиёс истеъодга эга такрорланмайдиган сўз санъаткори, оташнафас шоир эди. Унинг талантишуро тузуми даврида қадрланмади, таъқиб қилинди, асарларини ўқиш таъқиқланди. Шоирнинг овозини бўғиши, жўшқин фаолиятига чек қўйиш мақсадида унга нисбатан ҳар хил тухмат ва бўхтонлар ўйлаб топилди. Адигба «аксилинқилобчи», «миллатчи» деган айблар қўйилиб, «халқ душмани» деб эълон қилинди. Тирноқ остидан кир изловчи бир гурух аламзадаларнинг «фаоллиги» Чўлпоннинг шахси ва ижодий қисматида оғир фожеаларга сабаб бўлди. У 1937 йилнинг куз ойларида қамоққа олинди ва салкам бир йилдан сўнг, 1938 йилнинг 5 октяброда отишга хукм этилди. Шахсга сифинишиллатлари қоралангандан кейингина Чўлпон ҳеч қандай жиноят содир қилмаган шахс сифатида оқланди. Унинг шахсига, ижодига нисбатан муносабат бирмунча юмшади, Чўлпонни очиқчасига қоралаш тенденциясига барҳам берилди.

Бугун шоир ижодига муносабат тамоман ўзгача. Республикализ миллий мустақилликка эришгач, Чўлпон яна адабиётга қайтди. Шоир асарларини тўлалигича нашр этиш ишларига астойдил киришилди, ижодини ўрганишнинг янги босқичи бошланди. О.Шарафиддинов, Н.Каримов, У.Норматов, Б.Назаров, А.Расулов, Б.Каримов, С.Содиқов, Ҳ.Болтабоев ва яна бир неча адабиётшунос олимларнинг мустақиллик йилларида Чўлпон меросига муносабати ҳар қачонгидан фаоллашди. Шоир асарлари миллий мафкура манфаатлари нуқтаи назаридан таҳлил қилиниб салоҳиятли илмий ишлар юзага келди.

Ҳа, бир вақтлар халқимиз «Чўлпон» деган номни қандайдир ҳадиксираш, қўрқинч туйгулари билан тилга олган бўлса, бугун унинг номи ва асарлари истиқдол жарчиси сифатида ҳар бир ўзбекнинг дилида ҳам, тилида ҳам мағрур жарангламоқда. Гўё бугун шоир мустақиллик куйчиси сифатида халқимиз билан бир сафда туриб келажаги буюк Ўзбекистонга асарлари орқали маънавий мадад бермоқда, уларни порлоқ истиқбол сари дадил қадамлар ташлашга ундаяпти. Шундай экан, эл-юрт учун муқаддас саналмиш миллий истиқдол фояларига содик бўлиб яшаган ва ижод қилган Чўлпон сингари оташнафас шоирлар халқимиз қалбida абадий барҳаётдир.

АДАБИЙ АЛОҚАЛАР – АДАБИЁТЛАР ТАРАҚЦИЁТИНИНГ ҚОНУНИЙ АСОСИ

МУШТАРАК МАВЗУЛАР,
ҮЗИГА ХОС ТАЛҚИНЛАР

Хар бир ёзувчи ва шоир ўтмиш адабиётининг тажрибалидан фойдаланиб ижодда комилликка интилади. Илфор анъаналар, бой адабий муҳит йўқ жойда катта талантларнинг шаклланиши қийин. «Пушкиннинг ижоди, – деб ёзган эди В.Г.Белинский, – ўзидан олдин ўтган шоирларнинг асарлари билан озиқланган, юксак чўққига кўтарилиган. Дадил айтиш мумкин: Пушкин бу анъаналарни қонуний мерос сифатида қабул қилган ва уни «қалб элаги»дан ўтказиб одамларга қайтариб берган. Державинсиз, Жуковскийсиз, Батиょшковсиз Пушкин ҳам бўла олмасди деб айтиш ҳам, бу фикрни исботлаш ҳам мумкин».¹

Биз қайси бир шоир ёки ёзувчи ижодига назар ташламайлик, унинг бошқа адабиётларнинг бой тажрибаларига сяниб, үзига хос услугуб ва усувларда ижод қилганини кўрамиз. Айтайлик, Пушкин ва Лермонтов ижодининг юксалишида Европа ва Осиё адабиётларининг таъсири бўлганидек, Алишер Навоий шеъриятининг гуллаб-яшнашида Шарқ адабиётининг роли беқиёс эди. Озарбайжон, тоҷик, туркман, қозоқ, қорақалпоқ, қирғиз шоирлари Навоий анъаналарини давом эттириб, газалларига назиралар ёзган, мухаммаслар боғлаган. XIX асрда яшаб ижод этган туркман адабиёти тарихида «Мұхаббат лирикасининг ҳақиқий куйчиси» деб тан олинган шоир Мулланафас ижоди бу фикрга далил бўла олади.

Мулланафас ижодда Низомий, Навоий, Фузулийдек буюк шоирларнинг шеъриятидан баҳраманд бўлган. Шеърларидан бирида уларнинг номини устоз сифатида тилга олади.

¹ В.Г.Белинский. Собр. соч. в трёх томах. Т.3. М., 1947., стр. 335.

Нызамы, Новайы, ене Фирдоуси,
Румун гулшени, хинди тавусы,
Яланчи дунйаден өтер мен асы,
Сизе көп хызматлар гояндыр көңлум.¹

Мулланафаснинг ишқий газаллари, «Зухра ва Тоҳир» достони Шарқ адабиётида алоҳида аҳамиятта эга. Бу асарни яратиша шоир форс-тоҷик адабиёти билан бирга Навоий ижодидан ҳам илҳомланган. Достондаги айrim шеърий парчалар мазмунан, ёзилиш услуби билан Навоий газалларини эслатади, кўп шеърлар унинг газалларига назира шаклида битилган. Масалан, достонда «гул» радифли бир газал бор. У Навоийнинг худди шундай радифдаги газалига шаклан ва мазмунан жуда уйғун. Мана, қиёслаб кўринг:

Навоий:

Оразингни боғ аро чун кўрди, ҳайрон бўлди гул,
Баргисиз қолди, нединким, бас паришон бўлди гул.

Бодадин гул-гул кўруб ул юзни, онинг ҳажридин,
Чок-чок ўлғон кўнгулдек таҳ-батаҳ қон бўлди гул...

Гул чоги ёри сафар айлаб Навоий жонига,
Хар бири бир тоза қонлиғ доги ҳижрон бўлди гул.²

Мулланафас:

Гул билен билбил гелип, гул ичре сейран кылды гул,
Гул томашасын гөруп, өз беркини ган кылды гул.

Гул бу гунлар халына гуллерни сейран эйледи,
Решкиден рем эйленип, азмы биябан кылды гул.

Мен дийдим: «Я реб, не гул сен, гулни хайран эйлеген»
Гул гулуп, сөзлеп өзи хем бизни хандан кылды гул.

¹ Молланепес. Лирика. Ашгабат, «Туркменистан», 1973., 117-бет.

² Алишер Навоий. Асарлар. Ўн беш томлик, 3-том, Тошкент, 1965., 212-бет.

*Багбаны мен бу гун, баг ичре гөрдим билбىл,
Билбилин, сурун гөруп, чәки гирибан кылды гул.¹*

Күраяпсизки, байтлар шакли билан ҳам, мазмунан ҳам жуда охандош. Лекин бундан Мулланафас газали Навоий байтларининг такорри деган маъно келиб чиқмайди. Мулланафас Навоий газалига янги мазмун киритган, уни конкретлаштириб, маълум даражада соддалаштирган. Шоир кўллаган бадиий санъатларга ўзича жило берган. Мулланафас газалидаги гул – бу шоир талқинича *Зухра*, булбул эса *Toҳир*. Навоий газали лирик йўналишда бўлиб, шоир лирик қаҳрамоннинг ишқий кечинмаларини «гул», «булбул» рамзлари орқали ёритади. Мулланафас газалида ҳам адабиётдаги бу анъанавий рамзий образлар бор. Навоийдан фарқли ўла-роқ у газалга «*боғбон*» образини ҳам киритадики, натижада газал достон сюjetига мослаштирилади. Шу билан асарнинг ҳаётйлиги кучайтирилган. Муҳими, талқинда ўзига хосликка эришилади.

«*Зухра ва Тоҳир*» достонида яна шундай шеърлар ҳам борки, улар шоирнинг бевосита Навоийдан таъсиранганидан, услугига эргашанидан дарак беради. «*Керак*» радифли шеър Навоий газалига назира боғлашнинг яхши намунаси. Куйидаги мисол фикримизга далил.

Навоий:

*Гулишан ичра йўқтур оромим, дилоромим керак,
Сарви гулни найлайн, сарви гуландомим керак.*

*Гул билан савсан керакмастур менга, эй боғбон,
Зулфи сунбул атрлик руҳсори гулфомим керак...*

— Эй, Навоий, хонақаҳда топмадим жуз тафриқа
Хум киби майхонанинг кунжисида оромим керак.

Мулланафас байтларни достон сюjetи ва гояларига ўзи-га хос бадиий шакл ва мазмунда уйғунлаштирган. Улардан лирик қаҳрамонларнинг руҳий ҳолатини ифодаловчи воси-та сифатида фойдаланган.

¹ Молланепес. Зохре-Тахыр. Ашгабат, 1959, 27-бет. *Кейинги мисоллар шу манбадан бўлади, бети кўрсатилади.*

*Сими-зер деркар имесдир, сими-ругсарым герек,
Тоты гуши нейлейин, ол тоты гуфтарым герек,
Гул герекмесдир маңа, гулчехре гулзарым герек,
Сунбули урсун хазан, сунбул киби тарым герек,
Бишк эра Межнун болуп мен, Лейли дей ярым герек.*

*Тахыр айдар, арзув эйлермен ошал дилдарымы,
Зөхре атлы маҳы-пейкер, гөзлери хунхарымы,
Бу ялан дунйә герекmez, гөрмесем ол ярымы
Мен нечик терк эйлейин Махым – гули руҳсарымы,
Мунда Махым, онда – Зөхре, зулпи-шамарым герек.*
(89-бет)

Бандлар Навоий газали шаклига жуда ҳамоҳанг, муҳаммас намунасига ҳам ўхшайди. Навоий газалига хос вазн, қоғия, радиф ва яна бир қатор шаклий ифодалар Мулланафас шеърида ҳам кўлланилган. Юқорида Тоҳир тилидан келтирилган лирик парчалар достон сюjetига мослаштирилиб, образ психологисини очишга йўналтирилган. Тоҳир айрилиқда юриб маъшуқа Зухрани соғинади. Моҳимнинг отаси Одил шоҳдан юртига қайтиш учун руҳсат сўрайди. Унга бойлик, давлат, шон-шуҳрат керак эмас, фақат Зухра исмли *«гулчехра гулзор керак»*. Навоий газалида лирик қаҳрамоннинг руҳий ҳолати умумий аспектда талқин этилган бўлса, Мулланафас шеърида конкрет шахс – Тоҳир қалбидан хижрон туфайли туғилган изтироблар, дард-ҳасрат тасвири устун. Мулланафас шеърида Навоий байтларида учрамайдиган Лайли, Мажнун, Зухра, Моҳим образлари борки, бу ҳам шоирнинг Навоий қўл урган мавзуга ўзига хос шакл ва мазмунда ёндашганининг ифодасидир.

Мулланафас Навоийнинг энг машҳур газалларига муҳаммаслар ҳам боғлаган, шоирнинг «айт» радифли газалига боғланган муҳаммас фикримизнинг исботи. Мулланафас муҳаммасда достон қаҳрамони Тоҳирнинг руҳий дардини баён этишни назарда тутган, унинг соғинчини *«сабо»* тимсоли орқали ифодалаган.

*Эй саба, зарым мениң арз иле жананымга айт,
Канда гөрсан ялбарып жиссим якан жананымга айт,
Шамы-овқатым сыпатын маҳы-табанымга айт,*

*Каматымның хамлыгын серви-хурманымга айт,
Леблеримның тешнелигинaby-хайванымга айт.*

*Зөхре жанымга хабар бер, каддымның нун болганын,
Айрылык акымны алып дивана-межнун болганын,
Чешми гирян, багры бирян, көңли гамғын болганын,
Кәми талх-у, бада зәхр-у әшки ренгин болганын,
Лаглы реңгин, лабзы шириң, шовхы mestанымга айт.*

(59-бет)

Ушбу икки банд Алишер Навоийнинг қуидаги машхур байтларига нақадар оҳангдошлигидан, поэтик хусусиятлари билан ўзаро мустаҳкам пайвандланганидан, Мулланафас-нинг устозларга ижодий эргашиш бобида беназир сўз устаси бўлганидан дарак беради:

*Эй насими субҳ аҳволим дилоромимга айт,
Зулфи сунбул, юзи гул, сарви гуландомимга айт.*

*Буки лаъли ҳасратидин қон ютармен дам-бадам
Базми айши ичра лаболаб бода ошомимга айт...¹*

Мулланафас Навоий газалларига эргашиб назиралар, мухаммаслар ёзди ҳамда уларни «Зухра ва Тоҳир» достони сюjetига ўзига хос поэтик идрок, мушоҳада билан қўшиб юборган.

Мулланафас бошқа ўзбек мумтоз шоирлари шеъриятидан ҳам баҳраманд бўлди. Жумладан, «Зухра ва Тоҳир» достони XVII асрда яшаб ижод этган шоир Сайёдийнинг «Тоҳир ва Зухра» достони сюjetига жуда яқин. Бу ўхшашикни биз адабий таъсир самараси деб изоҳлаймиз ва ушбу фикримизни асослашга уриниб кўрамиз.

60-йилларда проф. С. Гарриев Мулланафаснинг «Зухра ва Тоҳир» достонини ўзбек фольклоридаги «Тоҳир ва Зухра» эртаги, ёзма адабиётдаги «Тоҳир ва Зухра» достони билан қисман қиёслаб баъзи мулоҳазаларни ўртага ташланди ва келажакда бу масаланинг тадқиқ этилиши лозим бўлган қирраларига мутахассисларнинг эътиборини қарат-

¹ Алишер Навоий. Лирика., Тошкент, 1961., 68-бет.

ган эди.¹ Шуни назарда тутиб, биз Сайёдий ва Муллана-фас достонларини адабий таъсир, сюжет ўхшашилиги ва ўзи-га хослик йўналишида таҳлил қилиб ўтамиш. Икки достон-даги сюжет ўхшашилигини, аввало, муаллифларнинг мате-риални ҳалқ оғзаки ижодидан олганлиги билан изоҳлаш зарур. Тоҳир ва Зухра тўғрисидаги ривоят туркий ҳалқлар фольклорида, жумладан, туркман ҳалқи орасида ҳам кенг тарқалган. Аксариятида адолатсизлик ва зулмнинг ҳукм-ронлиги, орзу-умидларнинг топталгани куйланади. Бир мисол. Шоҳ билан вазир фарзандлари туғилмасданоқ аҳду паймон қилишиб, уларни аташиб қўяди. Шоҳнинг хотини қиз, вазирнинг хотини ўғил кўради. Вазир вафотидан кей-ин подшо ваъдасидан қайтади. Зухра билан Тоҳир бир-би-ларига қўнгил қўяди. Подшо аҳдини бузгани учун ёшлар мурод-мақсадларига етолмай ҳалок бўладилар. Мана, тур-кий ҳалқларда кенг тарқалган Зухра ва Тоҳир ҳақидаги аф-сонанинг негиз сюjetи. Ривоят мазмунида тафсилотлар йўқ. Бу сайёр сюжет. Уни ҳар бир ижодкор ўз лаборатори-ясида қайта ишланиб «қалб элаги»дан ўтказгандан сўнггина кенгаяди, ҳар хил характер хусусиятидаги образлар, кўп тармоқли сюжет чизиқларига эга оригинал асар пайдо бўлиши мумкин.

Ҳалқ оғзаки ижоди ёки мумтоз адабиётда азалдан маъ-лум сайёр сюжетнинг бошқа бир шоирда учраши факти унинг иккинчи бир ижодкор қаламига тайёр бадиий асар шаклида ўтганини билдирамайди. Ҳар бир ижодкор бу хил-даги негиз сюжетни ўз маҳаллий шароитига мослаштириб қайта ишлайди, кенгайтиради, унга ижодий кучи ва маҳо-ратини сингдиради, ҳалқининг миллий анъаналари ва гео-график мұхитига, ҳаёт шароитига уйғунлаштириб янгидан кашф этади. Натижада мазмунан ўзаро фарқ қиласидан шундай асарлар пайдо бўладики, улар у ёки бу шоирнинг оригинал ижод намунаси сифатида адабиёт тарихига кира-ди. Мулланафас «Зухра ва Тоҳир» достонининг негиз

¹ С. Гарриев. Туркмен эдебиятының Совет Гундогары ҳалық-ларының эдебиятлари билен өзара багланышыгынын тарыхин-дан. Ашгабат, «Ылым», 1967.; Молланепес и литература, фоль-клор народов Советского Востока. Журн. «Известия АН ТССР», 1963., № 6.

сюжетини туркман фольклоридан танлаган. Айни пайтда, шоир достонни яратишда Сайёдийнинг «Тоҳир ва Зухра» достони сюжетига ҳам мурожаат этади. Асадаги баъзи шеърларнинг умумий руҳида Сайёдий ғазалларининг таъсири бор. Масалан, «Топқаймуман бориб сани» мисрали шеър Мулланафас достонидаги бармоқ вазнида битилган «Қайдан топай ёрим сени» шеърига ҳар жиҳатдан ўхшайди.

Ҳар қандай шоир ижоди ва ҳар бир бадиий асар сюжети конкрет давр ҳаётига боғлиқ шаклланади. Мулланафас достонининг ижодий тарихига ҳам шу аспектда қараш керак. Достон шоирнинг ўзи яшаган тарихий-ижтимоий муҳитдан таъсиrlаниши ва уни маълум даражада бадиий талқин этишнинг маҳсули. Айтиш мумкинки, «Зухра ва Тоҳир» достони XIX асрнинг ҳаётий эҳтиёжи асосида яратилган. Шунинг учун ҳам у Сайёдий достонидан фарқ қиласи. Агар Сайёдий достон марказига ўзбек фольклорида авлоддан авлодга ўтиб кенг тарқалган Тоҳир ва Зухра ҳақидаги ривоятни қўйса, Мулланафас достон материалини туркман ҳалқ оғзаки ижодидан олади. Достондаги воқеалар, қаҳрамонлар XIX аср туркман ҳаётини, шоир яшаб ижод этган ижтимоий-тарихий муҳитни эслатади. Мулланафас фольклор материалини реал воқеликка, ўз даври ҳаётига яқинлаштиради, бошқача айтганда, афсонага реалистик жило беради. Асарда Мулланафас ва унинг хотини Бўстонтоҷ воқеаларда иштирок этади. Шу усул билан достоннинг ҳаётий замини таъминланган. Шу масала билан боғлиқ академик Омон Кекиловнинг қўйидаги таъкиди бежиз эмас: «*Зухра ва Тоҳир* достонида тасвирланган воқеаларда тарихий шахс – Мулланафас ва унинг хотини Бўстонтоҷ асар қаҳрамонлари сифатида иштирок этадилар. Бобоҳон, Қоработир, Ҳасан боғбон образлари ҳам Мулланафас яшаган давр – XIX аср биринчи ярмидаги одамларнинг типик вакилидек кўз олдимида гавдаланади»¹.

Мулланафас баъзи воқеаларни, урф-одатларни XIX аср туркман ҳаётига мослаштириб тасвирлайди, сюжетни ўзи яшаган замон ва заминга яқинлаштиришга, ўша даврга хос поэтик детал ва бадиий ифодалардан фойдаланишга ҳаракат

¹ А.Кекилов. Молланепес, Ашгабат, 1957., 84-бет

қиласи. Мулланафас достонидаги воқеалар кўлами Сайёдий достонига нисбатан кенгроқ. Сайёдий достонда тугуннинг ечимини Тоҳир билан Зухранинг фожиали ўлими билан тугатади. Мулланафасда воқеалар талқини салбошқачароқ, яъни қаҳрамонлар тақдири ўзгача якунлана-ди. Зухранинг отаси золим шоҳ Бобоҳон таҳтдан ағдарилиб, ўрнига Моҳимнинг отаси Одил шоҳ таҳтга чиқади ва мамлакатда адолат ўрнатилиб, эркин, фаровон ҳаёт бошланади. Шундай шароитда Зухра билан Тоҳир қайта тирилиб, душманларидан ўч олади, мурод-мақсадларига етадилар. Мулланафас достонида воқеаларнинг хотимаси шуҳилда. Сайёдий достони шеърий йўл билан ёзилган, Мулланафас достонида эса шеър ҳам, наср ҳам бор – воқеалар насрда, қаҳрамонларнинг воқеаларга муносабати шеърий усулда ифодаланган. Шоир сюжет бирлигини таъминлаш ва уни ривожлантириш учун насрый баёндан фойдаланади. Мулланафас достонга ҳаётий деталлар, янги эпизодлар қўшиб воқеалар доирасини кенгайтирган, янги образлар билан тўлдириб, асарнинг маъно-моҳиятини кучайтиради. Агар Сайёдий Тоҳир ва Зухра муҳаббати билан боғлиқ қайгули воқеаларни XVII аср ижтимоий-сиёсий ҳаёти фонида бадиий ёритса, Мулланафас бу аччиқ қисмат ҳақидаги афсонани XIX аср муҳитига боғлаб талқин этади. XIX асрда Зухра ва Тоҳирга ўхшаган минглаб ёшларнинг зулм туфайли орзу-армонлари ҳазон бўлаётганини кўрган Мулланафас адолатсизликларни, қолоқ урф-одатларни қоралайди, севгини улуғлаб, достонда инсон-парвар шоир сифатида ўз даври учун илфор гояларни илгари суради.

«Зухра ва Тоҳир» достони сюжети асосида яратилган драма ва опера кўп йиллар Туркманистон театрларида қўйилди. Мазкур достон асосида бадиий фильм ҳам ишланган. Мулланафаснинг лирик шеърлари, «Зухра ва Тоҳир» достони Ўзбекистонда ҳам анча машхур. Шоирнинг ишқий ғазаллари, шеърлари хонандалар репертуарига кирган. Ўзбекистон ҳалқ шоири, драматург Собир Абдулла машхур «Тоҳир ва Зухра» музикали драмасини ёзишда Мулланафас достонидан таъсиrlанганини матбуотда айтган эди: «Мен у (Мулланафас – К.К.)нинг «Зухра ва Тоҳир» достонини жуда ўшигимда ўқиган эдим. Кейинчалик «Тоҳир ва Зухра» музи-

кали драмамни яратишда бу ўлмас достон менга жуда қўл келди. Уни биринчи манбаим десам адашмаган бўламан!»¹

1978

АНДАЛИБ ОБРАЗЛАРИ ФУРҚАТ ТАЛҚИНИДА

Андалиб тахаллуси билан ижод этган Нурмуҳаммад Фарид XVIII аср туркман адабиётига лирик ғазаллари ҳамда «Лайли ва Мажнун», «Юсуф ва Зулайҳо», «Зайнулараబ» достонлари билан катта ҳисса қўшган шоирдир. У асли Қорамозилик (ҳозирги Туркманистоннинг Илонли районидаги Қорамози қишлоғи) бўлиб, бир қанча вақт Хоразм (Урганч) да яшаган. «Юсуф ва Зулайҳо» достонининг муқаддимасида шоир ўзи ҳақида шундай маълумот беради:

*Исмим иди Нурмуҳаммет Гарып,
Сөзде тахаллусым иди Андалып.
Шәхримиз Ургенч велаят иди,
Ханымыз Шагазы хемаят иди,
Асли меканым ки Гарамазыдыр,
Адамы ишретде гыш-у языдыр²*

Андалиб ҳаётининг кўп қисмини Урганчда ўтказгани боис ижоди Хоразм адабий муҳитига ҳамоҳанг. Хоразм ўзбекларининг тили туркман тилига яқин. Бу ўхшашлик туркман адабиёти, хусусан, Андалибининг ўлка шоирлари билан бевосита ижодий ҳамкорлик қилишига имкон эди. Хоразмда «Гўрўели», «Шоҳсанам ва Фарид», «Тоҳир ва Зухра», «Хуриқ ва Ҳамро», «Саётхон ва Ҳамро» достонлари баҳшилар томонидан тингловчиларнинг хоҳишига қараб гоҳ ўзбек, гоҳ туркман тилида куйланган. Бу эса икки ҳалқ ижодкорлари алоқаларининг муваффақиятли ривожланишига кафолат бўлди. Андалиб мана шу адабий муҳитда қалам тебратгани учун асарлари икки ҳалқقا ҳам тенг даражада тушунарлидир. Академик Б. Гарриев ёзганидек: «Шоир Андалиб

аксар асарларини («Ўѓузнома», «Насими», «Саъди Вакъкос», «Юсуф ва Зулайҳо» ва бошқалар) ўзбек ва туркманларга бир хилда тушунарли тил (ва форма)да яратган».¹

Андалибининг ғазаллари, достонлари Хоразмда жуда оммалашиб кетган. XVIII-XIX асрларда яшаб ижод этган Хоразм шоирлари унинг ғазалларига назиралар ёзиб, мухаммаслар боғлаган. Мунис мухаммасаридан бирида Андалиб ижодига хурматини куйидагича ифодалайди:

*Даҳр ичра бирор сен каби олий насаб эрмас,
Ҳар бебасар авсофини демак адаб эрмас,
Мунисга йўлингда юрумак бесабаб эрмас,
Боқсам юзунгга, Андалибосо ажаб эрмас,
Фурқатзада бўлғонга висолинг на бало хўб.²*

Андалиб лирик шеърлари, достонлари билан ўзидан кейинги қалам аҳларига ҳам илҳом берган, ижодий таъсир кўрсатган. Шоир асарларидан илҳомланиб ижод қўлган XIX аср ўзбек мумтоз адибларидан бири Зокиржон Фурқатдир. Унинг «Сайдинг қўябер, сайёд сайёра экан мандек» номли машҳур мусаддаси Андалибининг «Лайли ва Мажнун» достонидаги «Сайдинг қўябер сайёд, дилпора экан мендек» деб бошланадиган мухаммаси таъсирида ёзилган. Фурқатнинг «Сайдинг қўябер, сайёд...» мусаддасининг ижодий тарихи ҳақида адабиётшуносликда турли қарашлар бор. Ҳатто бу мусаддас Фурқат қаламига тегишли эканлигига бир вақтлар шубҳа ҳам билдирилган. Бу даъво тарафдорларининг фикрича, мусаддаснинг охирги бандидаги «Фурқат» сўзи тахаллус эмас, «айрилиқ» маъносига келтирилган, мусаддас Саъдулла исмли шахснинг қаламига мансуб эмиш. Ўзбек адабиёти тарихида Саъдулла тахаллусли шоир бўлмаганлиги фактининг ўзиёқ бу фикрнинг асоссизлигига далил. Мусаддас Саъдулла исмли бир шахснинг фожиаси муносабати билан ёзилган деган нуқтаи назар ҳам бор. Фурқатнинг 1958 йилда нашр этилган «Танланган асарлар»ининг изоҳида қўйидаги маълумотни учратдик: «Бу мусаддасни Фурқат Тошкентда 1889-1891 йиллар орасида ёзган. Тошкент қарияла-

¹ «Ўзбекистон маданияти», 1962., 21 ноябрь.

² Андалып. Сайланан эсерлер. Ашгабат. 1963., 167-бет. Бундан кейинги мисоллар шу нашрдан бўлади, бети кўрсатилади.

¹ Б. Гарриев. «Ўзбек тили ва адабиёти», 1968., 3-сон.

² Мунис. Танланган асарлар., Тошкент, 1957., 322-бет.

ридан 1890-1891 йиллар орасида Фурқат билан бир мадрасада яшаган ва уни чет элларга кетиш олдидан кузатиб қўйган Солиҳ ҳожи ота Инъомов мусаддаснинг ёзилиш тарихини шундай баён қиласди: «Тошкентнинг Девонбеги маҳалласида Абдулла булбул деган ҳофиз ўтган. Унинг укаси Саъдулла бир ўртоғи билан оқ масжидли Улуғ хўжа, қатор теракли Акбар оқсоқол, олмазорли Аҳмаджон деган асб жаллоблар билан Саид Азимбойнинг Салор ёнидаги боғига чиқишган. Улфатлар орасида низо чиқиб, жаллоблар Саъдулланинг бўйнига сиртмоқ солиб судрашган ва уни Салор сувига ташлаб ўлдиришган. Фурқат бу воқеани эшитиб, мутаасир бўлган ва шу шеърни ёзган ва унинг якунловчи бандига Саъдулланинг исмини кўшган».¹

Зухра Толипованинг «Бир мусаддас тарихи»² мақоласида мусаддасдаги Саъдулла тарихий шахс эканлиги бирмунча ойдинлаштирилди. Унинг ёзишича, Саъдулла фожиаси билан боғлиқ воқеа тафсилоти бундай: ўтган аср ўрталарида Тошкентда Иса ҳофиз деган киши яшаган. Унинг Абдулла ва Саъдулла деган ўғиллари бўлган. Абдулла ниҳоятда хушвот бўлиб, ҳалқ уни «Абдулла булбул» деб атаган. Абдулланинг укаси Саъдулла ҳам ҳофиз экан. Фурқат бу ака-ука ҳофизлар билан шоир Мискин орқали танишган ва қадрдонлашиб кетган. Иса ҳофизнинг кичик ўғли Саъдулла Фурқат билан бирга Кўкалдош мадрасасида таълим олар экан. Саъдулла довюрак, адолатли, ҳалқпарвар йигит бўлган. Фурқат унинг бу хислатларини жуда ҳурмат қиласди. Саъдулла Фурқат томонидан ёзилган ҳажвияларни ўқиб юрганлиги учун душманлари ғазабга келиб, ундан ўч олмоқчи бўлишади. Кунларнинг бирида Иса ҳофизнинг уйига бир одам келиб, Абдулла билан Саъдулланинг сўрайди. Саъдулла акаси йўқлигини айтганида: бўлмаса ўзингиз юраколинг, зиёфатга айтиб юборишиди, дўстингиз Фурқат ҳам бўлади, дейди. Фурқат номини эшитган Саъдулла рози бўлади. Улар бир уйга кириб боришиади. У ердагилар Саъдулланинг «очиқ юз» билан кутиб олишиб, юқорига ўтказишиади. Саъдулла танишларидан уч-тўрттасини кўради-ю, лекин

¹ *Фурқат*. Танланган асарлар. Тошкент, «Фан», 1958., 192-бет.

² «Шарқ юлдузи», 1966., 3-сон.

Фурқатни кўрмай ҳайрон бўлади. Бир оздан сўнг ўтирганлар унга ўёқ-бу ёқдан кинояли гаплар ота бошлайди: Саъдулла дейман, тунов куни бизни роса ўсал қилиб юбордилар-да! Бунаقا ҳажв шеърларни қаёқдан оласиз! Қойил қиласман деб сайрайберарканси-да! Довюрак Саъдулла уларнинг бу гапларига парво ҳам қилмайди. Бу эса ўтирганларнинг жигига тегади. Хуфтон намозини ўқиш учун ўринларидан туришганда Саъдуллани «ҳурматлаб» олдинга ўтказишиади. Саъдулла бошини саждага қўйиши билан орқадан тўрт норгул унга ташланиб, оғзига латта тиқишиади, қўл-оёқларини боғлаб, катта қора шолга ўрашади-да, анҳорга ташлаб ўлдиришиади.

Тўғри, бу маълумот «Сайдинг қўябер, сайёд, ...» мусаддасининг ижодий тарихини аниқлашда ягона илмий далил бўла олмаслиги мумкин. Лекин бу маълумотни бутунлай инкор этиш ҳам нотўғри. Чунки ижодкор ҳаётда кўрган, кузатган ёки эшитган бирор воқеа-ҳодисадан таъсиранмагунча қўлига қалам олмайди. Андалибининг «Лайли ва Мажнун» достонидаги мухаммас Фурқат қалбида эрксизликка, қулликка қарши бирор асар ёзиш истагини уйғотган. Энди шоир қалбига ташланган ижодий ниятига мос келадиган бир ҳаётий воқеага дуч келиб қолади. Саъдулла ҳофиз фожиаси Фурқат ўйлаб юрган бадий мақсадга мос келган ва шоирнинг ижодий режасини тўлқинлантириб, қалбини безовта қилиб юрган ғояларни қофозга тушириш истагини кучайтиради. Саъдулланинг аянчли қисмати «Сайдинг қўябер, сайёд...»нинг ёзилишига жиддий туртки бўлган. Мусаддаснинг яратилиш тарихига шу манба асосида ёндашилса, фикримизча, мантиқан тўғри бўлади.

«Сайдинг қўябер, сайёд...» Саъдулла ҳофизга багишлиган ўзига хос марсия. Хонандалар ўша йиллардаёқ шеърга куй басталаб ижро этишган. Савол туғилади. Хўш, Фурқат мусаддасни ёзиш жараёнида Андалиб мухаммасидан бошқа асарлардан ҳам фойдаланганми? Фурқат адабий меросида шоирнинг Андалиб асарлари билан танишлиги тўғрисида бирор маълумот учратмадик. Профессор Ҳоди Зарифов «Сайдинг қўябер, сайёд...» шеъри ҳақидаги бир мақоласида Фурқат мазкур мусаддасни «Лайли ва Мажнун» достонидан ижо-

дий фойдаланган ҳолда ёзганини қайд этиб, шундай дейди: «Бизнинг фикримизча, Зокиржон Фурқат шеъриятга берилган ийлларида мазкур «Лайли ва Мажнун» достонининг биборор нусхасини ўқиган, классик адабиёт орқали унга таниш бўлган мазкур эпизод билан боғлиқ ўша мухаммас сезгир шоирнинг юрагига тўқинган».¹

Ҳ. Зарифов тилга олган достон ва «Сайдинг қўябер, сайёд...» деб бошланадиган мухаммас Андалиб қаламига мансубdir. Фурқатнинг худди шундай мисра билан бошланадиган мусаддаси Андалиб мухаммасига татаббу. Маълумки, татаббу усулига кўра бир шоир томонидан бадиий қолипга солинган бир хил мазмун бошқа шоир томонидан давом эттирилади, унга эргашиб, у янги шаклга, янги ифода қолипга солинади. Натижада бир мазмун турли бадиий шаклга тушади, ҳар хил нусхадаги шеърий асарлар майдонга келади.² Татаббу мумтоз адабиётда қенг қўлланилган адабий приёмлардан бири. Комил, Муқимиy, Fурқат, Завқий, Аваz сингари машҳур шоирлар бу усулда бир неча шеърлар иход этишган. Fурқат «Саргузаштнома» асарида мазкур усул ҳақида шундай ёзганди: «Ҳамиша мажлис бунёд айлаб зодай таъбларимиздин мушоира қилур эрдик ва бир фазалда татаббу кўргузиб бир мазмун ҳар нав ифода топар эди».³

Fурқат бу анъанани давом эттириб, Андалиб мухаммасига мусаддас билан жавоб берди. Шеър реал воқелик материаллари билан бойитилган. Энг асосийси, мусаддаснинг яратилишида Андалиб мухаммасининг таъсири кучли бўлган. Бу инкор қилиб бўлмайдиган ҳақиқат. Бир шоирнинг иккинчи бир шоирга иходий таъсири адабий жараёнда синовдан ўтган тажриба. Бу ҳодисанинг назарий асослари ҳам ишлаб чиқилган. Бир шоирнинг иккинчи шоирга таъсири қўёшнинг ерга, кўчатга таъсирига ўхшайди. Қўёш нури ерга тушиши билан қўёшдаги кучни ўзи билан олиб келмайди, балки ердаги кучни қўзғатади, ҳаракатга келтиради, деб ёзган эди В.Г. Белинский.

¹ Зокиржон Fурқат. Мақолалар тўплами. Тошкент., 1959., 94-бет.

² F. Каримов. Муқимиy. Тошкент, 1970., 162-бет.

³ Fурқат. Таъланган асарлар. 2-том., Тошкент., 1959., 140-бет.

Дарҳақиқат, буюк шоирларнинг таъсири ҳам худди қўёш нури сингари мавжуд, лекин ҳаракатсиз ётган кучларни ишга солиб юборади. Мухаммаснинг мусаддасга таъсири масаласига ҳам шу йўналишда қаралиши керак. Мусаддас гоя ва образлари билангина эмас, ифода шакли ва мазмуни жиҳатидан ҳам Андалиб мухаммасига ўхшаш. Икки асарда ҳам бир хил шакл ва мазмундаги «Сайдинг қўябер, сайёд, дилпора экан мен дек» (Андалиб), «Сайдинг қўябер, сайёд, сайёра экан мандек» (Fурқат), «Үлдурмак учун ханжар ҳар дам қиласан ангез»(Андалиб), «Ҳар сори чекиб судраб ўлдургали чоғлабсан» (Fурқат), «Саргашта гарип бўлган овора экан мен дек» (Андалиб), «Иқболи нигун, баҳти ҳам қора экан мандек» (Fурқат) мисралари мавжуд. Андалиб мухаммасидаги «Ол домингни бўйнидан, бечора экан мен дек», «Беш кун сени даврингда бечора хиром этсун» қаторлари Fурқат мусаддасида мутлақо ўзгаришсиз келтирилади.

Лекин бундан мусаддасда янгилик йўқ, у Андалиб мухаммасининг айнан ўзи деган маъно келиб чиқмаслиги керак. Мухаммас ва мусаддас оригинал бадиий хусусиятга эга, ҳар бирида шоирларнинг мавзу талқини турлича. Куйидаги бандларни солиштириб кўрайлик:

Андалиб:

Сайдыңы гойбер, сайят, дил пара экен мен дек,
Чөллerde гезип йөрген сейяра экен мен дек,
Серта-сери хижрандан көп яра экен мен дек,
Серкешде гарип болган авара экен мен дек,
Ал дамыңы бойнудан, бичәре экен мен дек.

Бәш гүн сениң дөвруңде бичәре хорам этсин,
Көндумдәки гамларны йуз катла херам этсин,
Хер ерге гадам гойса, ёл таңса, мукам этсин,
Тә такаты тақ олмай, ярыга салам этсин,
Ал дамыңы бойнудан, бичәре экен мен дек.

(81-бет)

Fурқат:

Сайдинг қўябер, сайёд, сайёра экан мандек,
Ол домингни бўйнидан бечора экан мандек,
Ўз ёрини топмасдан овора экан мандек,
Иқболи нигун, баҳти ҳам қора экан мандек

*Ҳижрон ўқидин жисми кўп ёра экан мандек,
Куйган жигари бағри садпора экан мандек.*

*Беш кун сени даврингда бечора хиром этсун,
Охулар ила ўйнаб айшини мудом этсун,
Ёмғир суви тўлганда тог лолани жом этсун,
Ҳаққингга дуо айлаб, умрини тамом этсун.*

*Ҳижрон ўқидин жисми кўп ёра экан мандек,
Куйган жигари бағри садпора экан мандек.¹*

Банд мазмунан ва шаклан бир-бирига ўхшайди. Шундай бўлса-да, уларнинг фарқ қиласидан қирралари бор. Фурқат шеъри ҳажман катта, бадиий-эстетик хусусияти мукаммал, ижтимоий маъно-моҳияти ҳам давр руҳига мос ва салмоқли. Икки асарда ҳам сайёд зулм ва адолатсизлик, сайд эса тутқунлик тимсоли бўлиб гавдаланади. Мухаммадаги сайд ва сайёл образлари мусаддасда ҳам бор. Бироқ бу образлар мухаммасдаги сайд ва сайёднинг тақрори эмас. Фурқат бу рамзий образларга реалистик бўёқлар беришга, ўз даври руҳини сингдиришга ҳаракат қилган. Андалиб Мажнуннинг психологик ҳолатини, изтиробларини ёритиш учун оху образидан фойдаланган бўлса, Фурқат бу мажозий образда эрксизлик қурбонига айланган реал инсоннинг тақдирини умумлаштиради.

*Бечорани зулм айлаб, қўл бўйини боғлабсан,
Ҳар сори чекиб-судраб, ўлдиргали чоғлабсан,
Кўксини жафо бирла лола каби доғлабсан,
Сот манга, агар қасдинг олгувчи сўрглабсан,*

*Ҳижрон ўқидин жисми кўп ёра экан мандек,
Куйган жигари бағри садпора экан мандек.*

Ушбу сатрларни ўқиган китобхон хаёлида оху эмас, гўё душман чангалидаги инсон – Сайдулла гавдаланаётгандек түволади. Мухаммасда лирик қаҳрамон сайёддан охуни озод этишини ялиниш оҳангига сўраса, Фурқат бегуноҳ Сайдуллани бўшатишни душманлардан талаб қилаётгандек. Мухаммасда муҳаббат талқинига, Мажнуннинг ишқ йўлидаги психологик кечинмалари ва саргузаштлари тасвирига кўпроқ

¹ Фурқат. Танланган асарлар., Тошкент, 1958., 149-бет.

урғу қилинса, мусаддасла инсон эркинлиги муаммоси марказий ўринида туради. Мухаммаснинг ҳар банди «Ол домингни бўйнидаи, бечора экан мен дек» мисраси билан якунланади. Фурқат эса бу анъанани давом эттириб, ҳар бандининг охирини бир мисра билан эмас, балки:

*Ҳижрон ўқидин жисми кўп ёра экан мандек,
Куйган жигари бағри садпора экан мандек –*

байти билан тугатади. Андалиб сайёдга муносабатини Мажнун тилидан ифодаласа, Фурқат лирик қаҳрамон (шоир) орқали мурожаат қиласди.

Хуллас, Фурқатга Андалибининг «Лайли ва Мажнун» достони сюжети маълум бўлган ва ундаги «Сайдинг қўябер, сайёд...» мухаммасидан таъсиrlаниб, ушбу мусаддасни ёзган. Мухаммасда илгари сурилган foялар Фурқат талқинида янаса сайқашлаши. Шоир эркин ва озод ҳаёт ҳақидағи қараашларини, ҳақсизликка, мутеликка муносабатини бадиий ёритишида Андалиб тажрибасига таянди, унинг мухаммасига жавоб тарзида «Сайдинг қўябер, сайёд...» дек ҳеч қачон аҳамиятини йўқотмайдиган дурдона мусаддас яратди.

1973

АДАБИЙ ЎХШАШЛИК, ПОЭТИК РАНГ-БАРАНГЛИК

Ҳар бир халқ тарихида беназир шахслар бўлади. Улар ижодкор ёки олим, давлат арбоби ёхуд бошқа бир соҳанинг машҳур кишилари бўлиши мумкин. Бундай сиймолар буюк хизматлари туфайли ўз халқи тарихида сўйнис из қолдиради, номи асрлардан асрларга ўтиб қадрланади. Одатда, бундай инсонлар шоир ёки ёзувчи, ё олим бўлади. Ўзбек адабиётида Навоий, туркман адабиётида Махтумкули, қозоқ адабиётида Абай, қорақалпоқ адабиётида Ажиниёз ва Бердақ шундай хурматга лойиқ сўз санъаткорларидир. Улар нафақат ўзлари мансуб адабиётга, балки жаҳон адабиёти тараққиётига ҳам ҳисса қўшган шоирлар. XIX аср қорақалпоқ адабиётининг йирик сиймоларидан бири Ажиниёз Кўсибояй ўғли шундай истеъодод

соҳибларидан бири. Унинг номи ва асарлари туркий адабиётларда алоҳида ҳурматга сазовор.

Ажиниёз ўз асарларида умуминсоний ғояларни куйлагани учун ҳам туркий халқлар шеърияти мухлисларига қадрли. Жумладан, шоирни тарихи, тили, маданияти ва адабиёти, урф-одатлари яқин Марказий Осиёда яшовчи халқлар ҳамда уларнинг адабиётлари билан яқинлаштирадиган адабий дўстлик ришталари кўп ва турлича. Шоир яшаб ижод этган муҳитни, туркий халқлар адабий муҳитдан ажралган ҳолда талқин этиш мумкин эмас. Сабаби Ажиниёз шу адабий муҳитда яшади, шу адабий муҳитдан нафас олди, шу адабий муҳитда ижод этди, шу адабий муҳитта таъсир ҳам кўрсатди. Бадий ижоднинг қонунияти шу! Ижодкор кимданdir ўрганади, кимгadir ўргатади, Faфур Гулом ибораси билан айтсан, «*бир-бирига устоз, бир-бирига шогирд*».

Ҳар бир ижодкорнинг камолоти учун фақат ўз миллий адабий анъаналари, оғзаки ижоди, мумтоз ёзма адабиёти етарли эмас. Агар у жаҳон бадий хазинасидан баҳраманд бўлмаса, ижодий принципларига мослаштириб улардан фойдаланмаса, кўзлаган мақсадига эришиши қийин. Ажиниёз бу имкониятдан яхши фойдаланди. Шоир қорақалпоқ адабиётининг илғор тажрибаларини Шарқ адабиёти анъаналарига уйғулаштириб ижодига сингдиргани туфайли туркий халқлар, қолаверса, жаҳон адабиёти тарихига кирди. Ажиниёз илм-маърифатли, Шарқ мумтоз шеърияти сирларини яхши ўзлаштирган истеъодли шоир. Унинг Хева маҷрасаларида таълим олгани, Фирдавсий, Низомий, Ҳофиз, Навий, Фузулий, Махтумкули асарлари билан яқиндан танишуви ижодий фаолиятида шоирга маънавий таянч бўлди ва Шарқ мумтоз адабиёти анъаналари руҳида кўп асарлар ёзи. Қорақалпоқ адабиётида янги шеърий шаклларнинг пайдо бўлишида шоирнинг бу ижодий тажрибалари кўл келди. Қорақалпоқ мумтоз адабиётига ғазал, мухаммас каби жанрларнинг, аruz вазинининг кириб келиши Ажиниёз номи билан боғлиқ.

Ажиниёз ижодига таъсир кўрсатган ўзбек мумтоз адабиёти шоирларидан бири Алишер Навоийдир. Фирдавсий, Низомий, Жомий, Бедил китобларига нисбатан ҳам Навийнинг туркий ғазаллари, достонлари Ажиниёзга ҳар то-

монлама яқин эди. Ажиниёз ғазал, мухаммас жанрларида шеърлар ёзгани учунгина Навоийга издош демоқчи эмасмиз. Тўгри, шоирнинг мазкур шаклларда ижод қилишида Навоий анъаналарининг роли катта. Шу билан бирга, шоирга илҳом берган бошқа омиллар ҳам бор. Бу – Алишер Навоий асарларидаги мавзу талқини, ҳаётбахш ғоялар. Бу таъсирни ижодкор рўёбга чиқаришга, ўз ижодий принципига мувофиқ келадиган шеърий шаклларда ифодалашга интилади. Баъзи шоирларда бу жараён назира шаклида кўринса, бошқа бир шоирда мухаммас жанрида намоён бўлиши мумкин. Бундай ҳолатда фақат шаклий ўҳшашлиқ ҳақида эмас, мазмун уйғунлиги, илгари сурилаётган ғоянинг яқинлиги хусусида ҳам сўз юритилса, мақсадга мувофиқ бўлади. Навоий асарларининг Ажиниёз ижодига таъсири масаласига шу икки жиҳатдан ёндашиш керак. Ўзбекистон халқ шоири Эркин Водидовнинг ўз ижодий тажрибасига таяниб айтган қуйидаги фикри адабий таъсир масаласига тўғри ёндашишнинг намунаси. «Шарқ классик шеърияти таъсирида бўлиш дегани, албатта, аruz вазнида ёзиш ёки шарқона образларни кўп қўллашни билдирумайди. Таъсир фикр қилиш тарзida кўринади. Навоий ғазалига мухаммас боғлаган шоир унга эргашган-у, боғламагани эргашмаган деган гап ижодий таъсирни жуда жўн тушуниш, жўнгина эмас, хато тушуниш демакдир».¹

Адабий таъсир белгилари, аввало, шаклда, кейин мазмунда намоён бўлиши мумкин. Шакл мазмунни ўқувчига етказишнинг баций воситаси. Ажиниёз Навоий асарларининг шаклидан ҳам, мазмун талқинидан ҳам фойдаланган. Фикримизга қуйидагилар мисол бўла олади. Ажиниёзнинг лирик шеърлари орасида «Қиз Ораз», «Ўйғон», «Бормиқан», «Кўзларим», «Чиқди жон», «Бери кел», «Керак», «Айалиф» номли мухаммаслари бор. Баъзиларида мұхабbat мавзуси куйланса, айримларида замондан норозилик мотивлари талқини етакчи. Бу шеърларни шартли равишда мухаммас дедик. Аслида улар Шарқ адабиётида кенг тар卡尔ган мухаммас жанри қоидаларига тўла жавоб бермайди. Масалан, Ажиниёз «Чиқди жон» мухаммасида ўз исми ёки

¹ «Ёшлиқ», 1988., 2-сон.

мухаммас боғлаётган ғазал мұаллифининг таҳаллусини көлтирган. Унинг қолған шеърларини ҳам Навоий ёки бошқа бир шоирнинг муайян ғазалига боғланған мухаммаслар деб ҳисоблаш қыйин. Гап шундаки, Ажиниәз бешликларининг ҳеч бирида Навоий ғазалларининг намуналари учрамайды. Шундай экан, улар том таънодаги мухаммас әмас. Шарқ мұмтоз адабиётида мухаммас жанри билан боғлық яна бир анъана бор. Баъзан шоирлар ўzlари ёзған ғазалларга ўzlари мухаммас боғлаганлар. Мұмтоз шоирлар икодида бу тажриба учраб туради. Навоий, Нодира, Отахий, Фурқат, Мұқимий, Аваз сингари мұмтоз шоирлар бу анъанани давом эттирган. Ажиниәз лирик меросида бу усулда ёзилғанлари ҳам йўқ. Умуман, Ажиниәз шеъриятида аruz вазни қоидаларига тўла жавоб берадиган мухаммаслар ёки ғазаллар учрамайды.

Ажиниәз, гарчи, Навоийнинг конкрет ғазалига мухаммас боғламаган бўлса-да, бешликлар ёзишда ўзбек шоирининг бадиий маҳоратидан улги олгани, ҳар бандга, ҳатто ҳар бир мисрага навоийона сайқал беришга интилғанлигини кўриш мүмкин. Ажиниәздинг истеъоди Навоийнинг шеърий санъат сирлари билан танишлиги, аruz вазнида нисбатан муваффакиятли қалам тебратишига имкон берган. Шоирнинг «кўзларим» радифли беш бандлик шеъри Навоийга ижодий эргашишнинг намунаси.

У факат вазни, қофиялари, радифи билангина әмас, ифодаланган ғоянинг салмоғи, фикрларнинг изчиллиги, бандлардаги мазмуннинг мантиқан ўзаро боғланиши ва фалсафий хulosанинг ҳаётий ҳамда табиийлиги билан ҳам Ажиниәздинг бошқа шеърларидан фарқланади. Мана, иккى банди:

*Ҳақ мени инсан жараттың, нәў бәхәрим көзлерим,
Аниа бағлар сөйир еткен, гулиузарым көзлерим,
Мақсудум барынша гездим, ықтыйярым көзлерим,
Тәннен соңра барадур, салқа мазарым көзлерим,
Истеген йерге йеткерген, илгир нәзерим көзлерим.*

*Енди сеннен айрылып, не кешар ҳалым мениң,
Дигир-дашым бәнт болып, батыл, болур йолым мениң,
Қаўмы-қардашым танымай, жат болур елим мениң,*

*Еккиси кем еллиге келип, қайтты ығбалым мениң
Элиўидағлат кеттиң, меннен, хәр не барым, көзлерим.¹*

Алишер Навоийнинг «Хазойин ул-маоний» девонида шундай шакл ва мазмундаги туркum ғазаллар бор. Улар Ажиниәздинг юқоридаги бандларига жуда оҳангдош. Навоийнинг «кўзум» радифли ғазалидан олинған айрим байтлар билан танишинг:

*Лоладек юзунг хаёлидин тўла қондур кўзум,
Балки лола жомидек қон ичра пинҳондур кўзум...²*

Яна:

*To ўюлди ханжари била гирён кўзум,
Ул танур ўлдики, зоҳир айлади тўфон кўзум...*

*Эй Навоий, йўқ ҳадим ул шўхни кўрмакка лек
Ҳар қаён азм этса, асрор ҳалқдин пинҳон кўзум.
(3 т. 310-бет).*

Мухаммас ва ғазалда бир хил радифнинг кўлланилгани бу ҳали Ажиниәз Навоийнинг айнан шу ғазалларидан таъсирланган деганинг англатмайди. Ғазалларнинг ижодий тарихи кенгроқ доирада таҳлил қилинса, қорақалпоқ шоирининг Навоий анъаналарига эргашишдаги ўзига хослиги, уларга янги мазмун сингдиришга урингани маълум бўлади. Ажиниәз мухаммасидаги қуйидаги банднинг мазмуни Навоийнинг «кўзум» радифли туркum ғазалларининг ҳеч бирида йўқ:

*Оним-он бешимде гездим қыс кунлеримди жаз етпін,
Жигурма бес, отызымда сөзлер айттым саз етпін,
Булшилек уштыйм ҳаўаға шарқ урып нарӯз етпін.
Лашындек йелдим, йуқирдим, дәўирлер ҳәм наз етпін,
Гулбәхәрим ганжим, гәзийнем, нәўбәхәрим көзлерим.
(55-бет)*

¹ Эжинияз. Танламалы шығармалары. Нөкис, «Каракалпакстан», 1988., 55-бет. Бундан кейинги мисоллар шу нашрдан бўлади, бети кўрсатилади.

² Алишер Навоий. Асарлар. Ўн беш томлик. 2 т., Тошкент, 1964., 222-бет. Бундан кейинги мисолларда томи, бети кўрсатилади.

«Кўзларим» радифли мухаммас Ажиниёзнинг шахсий ҳаёти билан боғлиқ. Унинг ҳар банди ва ҳар бир мисрасида шоир яшаган замоннинг руҳи бор. Шеър Навоийнинг «кўзим» туркум ғазалларига ёзилган назирага ҳам ўхшаб кетади. Яна бир мисол. Ажиниёзнинг ишқий мавзудаги «Оян» радифли шеъри навоийона талқиннинг гўзал намунаси:

Ныспы шеб келдим қашыңа, назлы жананым оян,
Шам-шыраф яқтыйм башыңа, нуўры әнўарым оян,
Көзлеримниң рәушаны, ол маъ табаным оян,
Йолында зар эйлекен, эй мисли әффаным оян,
Мен сениң келдим қашыңға рәҳим ет, жаным, оян.
(31-бет)

Шоир лирик қаҳрамоннинг психологик кайфиятини ёритишида Навоийнинг баъзи ғазалларидағи поэтик хусусиятлардан илҳомланган. Куйидаги байтлар фикримизни тасдиқлаши мумкин:

Не бўлди дардима, эй бевафо даво қилисанг,
Вафога вавда қилиб, вавдага вафо қилисанг.

Сунуб қўлумни юзунгга, мурод этиб ҳосил,
Очиб юзунгни, кўзум ҳожатин раво қилисанг.

Ажиниёз лирик қаҳрамондаги руҳий зиддиятни, маъшуқанинг вафосизлигидан изтироб чекан ҳолатини талқин этишида Навоийнинг ишқий ғазалларига мурожаат этгани, мавзу жиҳатдан бойитиб ривожлантиргани диққатта сазовор. Ажиниёз шеъридаги тасвирий воситалар: ёрнинг ойга, «моҳи тобон»га қиёс қилиниши, «нури анвар» деб таърифланиши ва ҳам ўзирининг Шарқ адабиёти, айниқса, Навоий ғазалларининг илҳомбахш таъсиридан баҳраманд бўлганига далил.

Ажиниёз шеърлари орасида тўрт банддан иборат «чиқди жон» радифли бир бешлик бор. Адабиётшунослар мазкур шеърни шоир дарбадарликда юрган йилларида ёзганини қайд этишади. Чиндан ҳам, у Ажиниёзнинг таржимаи ҳоли билан боғлиқ бўлиб, ўша кунларнинг мунгли бир лавҳаси.

Шеър аруз вазнида, ҳажвий усуlda ёзилган бўлиб, унда мухим ижтимоий муаммолар кўтарилиган. Шарқ адабиёти, жумладан, Навоий шеъриятида аруз шаклининг ишқий мавзу билан баробар ҳажвиётга ҳам тенг даражада хизмат қилганига мисолларни кўплаб келтириш мумкин. Лекин қорақалпоқ мумтоз адабиётида аруз вазнининг бу имкониятидан илк маротаба фойдаланган шоир Ажиниёз эди. Мальумки, Ажиниёз гоҳ Хоразм ва Бухорода, баъзан Туркманистон ва Қозоғистонда саргардонликда юрган. Шоир қаерда ва қандай шароитда яшамасин, Ватандан узоқда, мусофирикнинг ҳасратларини ўз тақдира турди. У ёт элларда султон, хон бўлгандан кўра, ўз юрtingда чўпон бўлган афзал экан деган хуносага келади. Бу гоя шоирнинг Ватан согинчи мавзусидаги шеърларида реал тасвирланган. «Бўлар», «Менгзар», «Даврон бўлмади», «Элларим бордир», «Кўнглим менинг» шеърларидағи ҳаётбахш ғояларнинг, айрилиқ ва мусофирик азобларини тортган шоир изтиробларининг бадиий талқинидан китобхон ҳам ҳаяжонланади.

Йад елларде хош йигитлер,
Йуракино салмақ дәрдләр.
Мойны қулаш әреби атлар,
Яллы болур, ялсыз болур.

Арзыў өрман пәлек иши,
Тынбай ақар қезим яши,
Йад еллардә йурген киши
Йомы болур, йолсыз болур.

(42-бет)

Мазкур бандлар беихтиёр Навоийнинг:

Гурбатда гарип шодмон бўлмас эмиш,
Эл анга шафиқу меҳрибон бўлмас эмиш,
Олтин қафас ичра гар қизил гул битса,
Булбулга тикондек ошиён бўлмас эмиш, —

деган машхур руబийсини эслатади. Тўртлик мавзу ва гояси бўйича Ажиниёз шеърига анча яқин эканлиги кўриниб туриди.

Ажиниёз шеъриятининг оригиналлиги шундаки, у Навоий асарларида қаламга олинган мавзулар ва гояларни ўз даври таълабларига мослаб, ўзига хос поэтик шаклда бадий ёритади. Шоир хоҳ аruz, хоҳ бармоқ вазнидаги шеъларида бўлсин, ғоя талқини ва шакл ифодасида дейсизми, Навоий меросига маънавий танич сифатида ёндашган, ўз талант йўналишига эга сўз устасидир.

* * *

Ажиниёзниң моҳир сўз санъаткори бўлиб шаклланишида туркий адабиётнинг яна бир улуғ шоири, XVIII аср туркман адабиётининг донишманди Махтумкулиниң роли бениҳоя катта. Ажиниёз лирикасига Шарқ адабиётининг таъсири ҳақида сўз очилса, Навоийдан ҳам олдин Махтумкулиниң номини эслаймиз. Сабаби икки шоир ижодида умумийликлар, ўхшашиклар жуда кўп.

Махтумкули шеъриятининг таъсири Ажиниёзни туркман шоири ижодий принципларига яқинлаштирган. Унинг «кўринг», «бўлмас», «не билсин», «мегзар», «янглиди», «бўлмаса», «сронлар», «яхши» сўзлари радиф бўлиб келган шеърлари билан Махтумкулиниң шундай радифдаги шеърлари ўртасида нафақат шакл, ҳатто мазмун уйгунилиги ҳам кузатилиди. Бир мисолни қиёслаб кўрайлик.

Махтумкули:

*Гоч йигидин, иши сөхбет-саз болар,
Көнчили гыш болмайын, дайым яз болар,
Ягышының кончунде кине аз болар,
Яманың хер гунде урушын гөрин!*¹

Ажиниёз:

*Ялғаны йоқ ерур, ырасдур сөзи,
Қара дур дунъяда, рақибниң йузи,
Бир кеше ишинде бәдбахтың қызы,
Худа әмири билән кетишин көрин.*

(49-бет)

¹ Магтимгулы. Сайланан эсерлер. Ики томлук. I том., Ашгабад, «Туркменистан», 1983., 170-бет. Бундан кейинги мисолларда томи, бети кўрсатилади.

Ажиниёз шеъри асосида конкрет ҳаётий воқеа ётади. Шеърда муайян сюжет, яъни шоир шахсияти билан боғлиқ бир ноҳуш воқеа тасвирланади. Махтумкули шеъри эса таълимий характерда бўлиб, унда инсоний фазилат улуғланса, ёмон хулқ қораланади. Махтумкули шеъри Ажиниёз учун реал воқеликни ифодалашда бадий шакл вазифасини ўтаган. Шоирга Махтумкули шеърининг мазмуни эмас, шакли таъсир кўрсатган.

Махтумкули «Танланган асарлар»ида «менгзар» радифи икки шеър бор. Бири ўн, иккинчиси стти банд. Ажиниёз ҳам шу ном ва радифда уч шеър ёзган. Бири ўттиз, иккинчиси йигирма банддан иборат. Учинчи шеърнинг ҳажми анча катта. Қорақалпоқ шоирининг «менгзар» туркум шеърлари Махтумкули шеърларига жуда уйгун.

Махтумкули:

*Эй, яранлар, ягши ярың
Гойни женнет, гуле меңзер;
Сөзлесе, дурлер сачылар,
Диллери билбile меңзер.*

*Зуллперине уруп шана,
Мени ол қылды дивана,
Гойә ол-шем, мен-первана,
Яндым, теним гуле меңзер.*

(79-бет)

Ажиниёз:

*Кыз бала кемала келсе,
Алмадек пишкәнә мегзер,
Мәйжисирин аққан дәръядай,
Толысып ташқана мегзер.*

*Шар тәрепке кезин салып,
Яр дәрдинен куйип-жсанып,
Бир сөйлескен естен танып,
Шарапатлы жазға мегзер.*

(89-бет)

Шарқона бадий санъатдан фойдаланишда шоирлар услубий яқинликка эга эканлигини сезаётган бўлсангиз ке-

рак. Махтумкули маъшуқани «жаннат гули»га, сўзларини «дур»га, «булбулнинг поласи»га қиёсласа, Ажиниёз «нишган қизил олма»га, «мавж үриб оқаётган дарё»га ўхшатади. Икки шоир ҳам охирги бандда маъшуқанинг бевафолигидан изтироб чеккан ошиқнинг ҳолатини ўзига хос поэтик шаклда талқин этган. Ажиниёз Махтумкули шеърининг шаклий белгилари: вазни, қофияси, радифи в.ҳ.ларни янги мазмунга бўйсундиради. Ажиниёзният «мегзар» туркум шеърларини Махтумкули шеърига бандма-банд, мисрама-мисра солиштирсан, ўртасида катта фарқ борлигини кўриш мумкин. Ва қорақалпоқ шоирининг ҳар бир мавзуу ва ҳатто ҳар бир бадиий деталга ҳам ўзича ижодий сайқал бергани талант белгисидир.

Ажиниёз Махтумкулиният «Мегзар» туркум шеърларидаги ишқий мавзуни ўзига хос талқин этган, ижтимоий маъносини кучайтирган. Муҳими, Махтумкули кўллаган шеърий шаклга янги мазмун бағишлайди.

Махтумкули:

Магтыйгулы, болдун, ҳаран,
Истәп тапман яры соран,
Отурышың ёла гаран,
Ёл тапмадык көре мензер.

(1 т., 79-бет)

Ажиниёз:

Қыялым гезер ҳәр жаққа
Бир гезлестей дәўлет бакқа,
Сақал-муртый толды аққа
Әжинияз әрмана мегзар.

(93-бет)

Махтумкули ёр висолига етолмагани учун азият чекса, Ажиниёз ўз тақдиридан нолиб, давр тенгсизлигидан шикоят қилади.

Мавзуни адабий таъсир доирасида ўз даврига мослаштириб бадиий ёритиш Ажиниёзният бошқа шеърларида ҳам бор. Шоирининг «Бери кел» ва «Ай алиф» шеърларининг ижодий тарихи ҳақида адабиётшуносликда ҳар хил фикрлар мавжуд. Баъзи олимлар уларнинг бадиий хусусиятларини

да Шарқ адабиёти, айниқса, Алишер Навоий лирикасининг таъсири кучли деган фикрда. А.Муртозаевнинг «Шоир муҳаббати» монографиясида шу мулоҳаза айтилган. «Қорақалпоқ адабиёти тарихи» китобида эса бу ҳақда бошқа илмий қараш илгари суриласди. Яъни «Ай алиф», «Бери кел» шеърлари муашшах усулида битилган бўлиб, Ажиниёз бу шаклни Кўқон адабий муҳитида ижод этган Муҳаммад Шариф Узлатнинг «ўлан» радифли мусаддасидан таъсирланиб ёзган деган мулоҳаза.¹ Бу икки нуқтаи назарда бироз ҳақиқат бўлса-да, улар етарди илмий асосга эга эмасдек кўринади. Сабабини қуйидагича изоҳлаймиз. *Биринчидан*, Алишер Навоий лирик меросида муашшах усулида ёзилган ғазал учрамайди. Шундай экан, шоирининг Навоий шеъриятида мавжуд бўлмаган бадиий шаклдан таъсирлангани ҳақиқати фикр мантиқан асоссиз. *Иккинчидан*, Ажиниёзният «Ай алиф» ва «Бери кел» муҳаммаслари Узлат лирикасидаги мусаддасдан таъсирланиб ёзилган деган фикрга ҳам қўшилиш қийин. Чунки Ажиниёзният Кўқон адабий муҳити таъсирида бўлганлигини исботлайдиган илмий манбалар маълум эмас. Қолаверса, Ажиниёз яшаб ижод этган XIX асрда Узлат туркий адабиётларда кенг танилган шоир ҳам эмасди. Ажиниёз Хева мадрасаларида таълим олган йилларда Узлат асарларининг у ерларда оммалашган бўлиши ҳам эҳтимолдан узоқ. Ҳсмак, шоирининг «Бери кел» ва «Ай алиф» муҳаммасларининг ижодий тарихини Кўқон адабий муҳити, бевосита Узлат шеърияти билан боғлашга асос йўқ. *Учинчидан*, айрим адабиётшунослар ёзганидек, Ажиниёзният тилга олинаётган шеърлари том маънодаги ғазал-муашшах эмас. Муашшахнинг қоидаси шундайки, ҳар байтнинг биринчи мисраларидаги бош ҳарфлар жамидан бирор исм ёки яхлит бир сўз ҳосил бўлиши лозим. «Ай алиф» ва «Бери кел» шеърларининг ҳеч бирида бундай шаклий белги учрамайди. Ажиниёзга илҳом берган Махтумкули мухаммасида ҳам муашшахнинг барча қонун-қоидалари мужассам эмас.

Икки шоир муҳаммасларининг қиёсий таҳдилидан шундай хуласага келдикки, уларнинг Навоий ёки Узлат шеъриятига яқинлиги йўқ, балки Махтумкулиният «дарди ба-

¹ Қарақалпақ әдебияты тарийхи. Нөкис., «Қарақалпақстан», 1983., 103-бет.

лого» ва «керак» радифли шеърлари таъсирида ёзилган. Чунки шеърларнинг шаклий ифода усуллари бир-бiriга жуда уйғун. Лекин улардаги маъно-моҳият талқини ўзига хос. Махтумкули шеърларида кўпроқ ижтимоий-сиёсий мавзу, замондан норозилиги ёритилган. Ажиниёз мухаммаслари эса лирик йўналишда, ишқий мавзуда ёзилган. Қиёсланг.

Махтумкули:

Тай – тама бирле көңгури небис ёлuna салмагыл,
Зай – зулум эйлөп о гун довзахда галып янмагыл.
Айын – алем дузди кервен, сен хем андан галмагыл,
Гайын – ганы мал-мулкum бакыдыр дийп санмагыл,
Фи – ферагат вагт экен, небисини рам этмек герек.

Ажиниёз:

Тайы – тақат қалмады көрген заман басқан изин,
Зай – зулум эйлемесин, шийрин қәлем айтқан сөзин,
Айны – өләмдек болып, рәүшан киби бақса йузин,
-айни – ғазеп қылмасын, жәллат киби бақса көзин,
Фе – пана болған жаханда, интизарым бери кел.

(32-бет)

Ажиниёз мухаммаслари Махтумкули шеърига битилган ўхшатма, татаббудир. XVIII-XIX асрларда яшаб ижод этган ўзбек, қорақалпоқ ва туркман шоирлари бу шаклда бир неча шеърий асарлар ёзиб, ижодий мусобақа қилишган. Ажиниёз бу анъанани давом эттиради. Мухаммаслар тилининг соддалиги, жарангдорлиги ва мусиқийлиги, Шарқ ғазалчилиги анъаналарига ҳамоҳанглиги билан характерли.

Айтилганлардан шундай хуносага келиш мумкин: Ажиниёз Шарқ мумтоз адабиётининг илгор анъанасини ўзига хос поэтик услубда ижодий ривожлантириди, халқчиллик руҳини кучайтириди. Навоий ва Махтумкули лирикасидаги инсонпарварлик гояларини ўз даврига мослаб талқин этар экан, шу асосда XIX аср қорақалпоқ адабиёти тарихида янги анъанани бошлаб берди. Ва энг асосийси, умумтуркий адабиёт тараққиётига ҳисса қўшган шоир сифатида тан олинди.

Ажиниёз мёроси ҳозирги авлод учун маънавий чашма, ижодкорларга адабий мактабдир. Бугун шоир лирикасидан қорақалпоқ китобхони билан бирга ўзбек ва қозоқ, турк-

ман ва қирғиз, тожик ва озарбайжон шеърияти мухлислари ҳам баҳраманд бўлмоқда. Ажиниёз шеърлари дунёнинг кўп тилларига ўгирилган. Таниқли қалам аҳдлари шоирга шеърлар бағишлагани маълум, олимлар унинг ижоди тўғрисида тадқиқотлар яратишиди. Бугун Ажиниёз туркий халқларнинг ҳам ўқимишли шоирларидан биридир. Асарларида умумбашарий тояларни куйлаган, барча халқлар учун муштарак мавзуларни қаламга олган ижодкоргина бир эмас, бир неча халқ эътиборида бўлади. Ажиниёз Қўсибояй ўғли шундай хурматга сазовор улуғ сиймолардан биридир.

1999

НАЗИРАМИ, ТАЪСИРМИ ЁКИ ТАРЖИМАМИ?

Ажиниёз Махтумкули ижодидан яхши хабардор бўлган. Асарларидан таъсирланиб туркум шеърлар ёзгани адабиёт-шуносликда илмий исботини топди. Лекин бу масаланинг кўп йиллардан бери мунозараларга сабаб бўлиб келаётган муҳим бир жиҳатини унутмаслик керак. Бу Ажиниёзга нисбат бериб келинаётган баъзи шеърларнинг Махтумкули шеърларига айнан ўхшашлиги масаласи. Қорақалпоқ ва туркман адабиётшунослигига бу масалага турли ёндашувлар бор. Масалан, С.Гарриевнинг «Туркмен эдебиятынын Совет Гундогары халықларынын эдебиятлари билен өзара багланышының тарыхындан» (1967), Қ.Бойниёзовнинг «Косыктын куши» (1977), Б.Қалимбетовнинг «Эжинияздын лирикасы» (1981), А.Муртозаевнинг «Шайырдын мухаббаты» (Некис, 1988), А.Каримовнинг «Эдебиятъымыздың гей-пара мәселелери» (1988), К.Мамбетовнинг «Эжинияз» (1994), Г.Давлетовнинг «Эжинияз поэзиясында дәстүр ҳәм жана-шыллық» (1997), Қ.Жаримбетовнинг «XIX әсир қаракалпак лирикасынын жанрлық қасийетлери ҳәм раўажланыў тарийхи» (2004), П.Алламбергеновнинг «Традиции Махтумкули в каракалпакской литературе» (АКД, 1999) номли тадқиқотларида бу мавзу ҳар хил талқин этилган.

Олимларнинг Махтумкули ва Ажиниёз шеъриятидаги баъзи ўхшашликларни қиёсий ўрганиб чиқарилган илмий

хулосаларыда ҳамфирлик йўқ ҳисоби. Баъзи адабиётшунослар бу ўхшашликни «ижодий таъсир» деб шарҳласа, бир неча тадқиқотчилар «Махтумкулидан таржималар» деган фикрда. Ажиниёзниң айрим шеърлари «Махтумкулига назира» деган қараш тарафдорлари ҳам бор. Ушбу сатрлар муалифи ҳам бир вақтлар Ажиниёзниң баъзи шеърларини Махтумкулидан таржималар ёки адабий таъсирнинг самаралари деган мулоҳазани илмий жамоатчиликка ҳавола қилиган эди.¹ Икки шоир шеърларининг ижодий тарихини чукурроқ қиёсий ўрганиш эндиликда муаммога сал ўзгача ёндашишни тақозо этганлигини, бу масалада бугун бошқа фикрда эканлигимни тан оламан ва янги қарашларимни асослашга ҳаракат қиласман.

Ажиниёзниң «Не билсин», «Яхши», «Бўлмаса», «Мегзар» деб номланган шеърлари борки, уларни Махтумкулининг худди шундай мавзудаги шеърлари билан солиштириб ўқисангиз, фарқини ажратиш қийин. Айрим бандлари мисрама-мисра, ҳатто сўзма-сўз тўғри келади. Мисолларга эътибор беринг.

Махтумкули:

*Харазбан голуна душсе алғыр баз,
Ганатдан айырар, гадрын нәбисин.
Бир чопан элине дегсе бир алмаз,
Чакмак даши кылар, гадрын нәбисин.*

(1 т., 108-бет)

Ажиниёз:

*Бир шопан дастине туссе бир алмаз,
Шақмаққа харж етер, қәдирип не билсин,
Қаразбан қолына туссе алғыр баз,
Қанатын қайырар, қәдирип не билсин.*

(94-бет)

Бандлардаги қаторларнинг ўрни алмашган холос. Вазни ҳам, радифи ва қофияси ҳам Махтумкули бандининг тақорори. Яна бир мисол.

¹ Қаранг: К. Курамбаев «Кеўил-кеўилден суў ишер», Нөхис. «Каракалпакстан», 1991., 40-50 бетлар.

Махтумкули:

*Мейлис гирин, мәрекәгә бармаян,
Беглик эде билмез, берим бермеен,
Чөлде ачлык мушагатын ғормеен,
Өйде ыссыг наның гардын нәбисин.*

(1 т., 108-бет)

Ажиниёз:

*Аспанды берк етпес Дабр, Курмийан,
Беглик ете билмес, берим бермиян,
Дузде ашлық, мاشақатын қөрмиян,
Үйде ыссы панның қәдирип не билсин.*

(95 бет)

Ажиниёз бандидаги биринчи мисранинг Махтумкулида ўқклигини истисно қиласак, қолганлари бир хил. Махтумкулининг «Қадрин не билсин» шеъри тўққиз банд бўлса, Ажиниёз шеъри тўрт банд. Шеърнинг мисолга тортилмаган икки банди ҳам Махтумкули шеъридан деярли фарқ қиласмиади.

Хар икки шоирнинг бошқа шеърларидаги ўхшашликларга ҳам битта-иккита мисол келтираман. Махтумкулининг «Танланган асарлар»ида «яхши» радифли туркум шеърлар бор, аксарияти дидактика мавзууда, одоб-ахлоқ ҳақида сўз юритилади:

*Бир бивепа яра гулуп бакандан,
Ширин жаны ышк одуна якандан,
Ят илларде мысалырлық чекенден,
Урса, сөксө, хорласа-да ил ягши.*

(1 т., 152-бет)

Ажиниёзда ҳам «яхши» радифли бир неча шеър бор. Уларнинг баъзилари Махтумкулининг «Яхши» туркум шеърларига жуда яқин. Юқорида келтирилган банд Ажиниёзда қуйидагича:

*Кисиниң ярына күлип бақсаннан,
Шыбын жаның ышқы отына жақсаннан,
Өз бойыңа турли насақ тақсаннан,
Өз ярыңың тәрбиясын бер жақсы.*

*Гийне қылып жүртты таслаң кеткеннен,
Кәдирип билмес жерде хызмет еткеннен,
Жат елларде мұсәнирлик шекеннен,
Урып-сөгіп қорласа да ел жақсы.*

(97-бет)

Махтумкули шеъридаги шаклий ифода, мазмун, поэтик талқин, бошқа-да бадий хусусиятлар Ажиниёз бандларида бир хилда такрорланған. Махтумкули бандидаги бაъзи мисралар Ажиниёз шеърларига «сочилиб» кеттанини истисно қылсақ, улар ўртасида жиддий фарқ йўқ.

Махтумкулиниң ҳалқ афоризмларига айланған машхур банди бор:

*Адам болут, адам гадрып билмеен,
Ондан ене отлан ўғрен мал яғышы.
Сөзлегенде, соз манысын билмеен,
Ондан ене сөзлемеен лал яғышы.*

(1 т., 151-бет)

Бу тўртлик Ажиниёзниң «яхши» радиофили шеърида ҳеч ўзгаришсиз учрайди:

*Адам улы адам қәдирип билмесе,
Оннан дўзде отлан журген мал жақсы.
Айтқан сөздиң мағанасын билмесе,
Ол адамнан тилсиз оскен лал жақсы.*

(97-бет)

Бу ўхашликка изоҳ шарт бўлмаса керак. Бундай мисоллар Ажиниёз лирикасида анча-мунча бор. Шоир шеъларида Махтумкули мисралари ёки байтларига дуч келиш мумкин. Яна баъзи мисолларга дикқатингизни қаратаман.

Махтумкули:

*Яман ҳатын яғышы әре,
Совулмаз төхмете мензэр.
(1 т., 196-бет)*

Ажиниёз:

*Жаман қатын жақсы ерге,
Таўсылмас дөхметке мегзер.
(87-бет)*

Ёки Махтумкули:

*Йуреклери ат башыдек батырлар,
Хатынча ёқ ат-ярагы болмаса.
(1 т., 215-бет)*

Ажиниёз:

*Йурәклери ат башыдек батырлар,
Қатынша ўюқ ат ярагы болмаса.
(85-бет)*

Мисолларни яна давом эттираса бўларди. Лекин келтирилган адабий парчалар муайян хulosалар чиқариш учун етарли деб ҳисоблайман. Савол туғилиши мумкин. Бундай бир хилликнинг сабаби нимада? Менимча, булар таъсир ҳам, таржима ҳам эмас, назираға ҳам ўхшамайди. Сабаб уларда шоирнинг ижодий индивидуалиги кўринмайди, мавзуни янгича ёритиш, ўзига хос поэтик образларда бадий талқин этиш хусусиятини ҳис қилиш қийин.

Олдинги бобда Ажиниёзниң Махтумкули таъсирида ёзган бир неча шеърини таҳлил қилиндиқ. Гувоҳ бўлдингизки, шоир Махтумкули ижодига ўзига хос овоз ҳамда услубда ёндашиб, оригинал шеърлар яратса олган. Лекин Махтумкули шеърларига айнан ўхшаш парчаларни адабий таъсир ёки таржима деб ҳисоблаш тўғри эмас. Чунки, *биринчидан* ҳар қандай таржима асарида мутаржимнинг ўзлиги намоён бўлиши керак. Таржимон бандлар ва мисраларни қанчалик сўзма-сўз ўтириласин, бари бир таржимага ўзидан нимадир қўшади, ўз ҳалқининг лисоний имкониятларидан фойдаланиб сайқал беради. Биз юқорида тилга олган шеърларда бундай ижодий ёндашув сезилмайди. *Иккинчидан*, Ажиниёз яшаб ижод этган даврда туркий тиллардан, айтайлик, туркман тилидан, қолаверса, Махтумкули шеърларидан бошқа бир туркий тилга, масалан, қорақалпоқ тилига таржи мақали зарурати бўлганмикан? Маълумки, XVIII-XIX асрларда Марказий Осиёда яшаган ўзбек, туркман, қорақалпоқ, қозоқ, қирғиз ҳалқарининг тиллари ўзаро яқин бўлган.

Туркий тилларда яратилган асарларни, айниқса, шеърият на-
муналарини шоирлар, аҳолининг саводхон гурухи таржимасиз
ўқиган ва тушунган. Ҳусусан, Махтумқули шеърларини ўзбек
ва қорақалпоқ ҳам, қозоқ ва қирғиз ҳам ўз она тилида ўқий
олган. Ажиниёз, Бердақ асарлари ҳам бошқа туркий халқларга
таржималарсиз етиб борган, уларни ўша давр учун типик бўлган
туркий тилда эмин-эркин мутолаа қўлганлар. Шундай бўлгач,
бир вақтлар Марказий Осиё халқлари учун умумий саналмиш
туркий тилда яратилган бирор бадиий асарни яна қорақалпоқ
тилига таржимаси ҳақида гапириш мантиққа тўғри келарми-
кан? Бу фикрдан ўтмишда, умуман, таржимачилик ривож-
ланмаган деган маъно келиб чиқмаслиги керак. XIX асрда
бадиий таржима соҳасида кўп ишлар қилингани тарихдан маъ-
лум. Форс-тожик, араб тилларида яратилган асарларни тур-
кий тилларга ўтирилгани ҳақида манбалар хабар беради. Мах-
тумқули, Андалиб, Ажиниёз, Мулланафас, Бердақ, Камина ва
яна ўнлаб туркман ва қорақалпоқ шоирлари барча туркий
халқлар учун тушунарли тилда ижод қилишган. Шунинг учун
уларнинг шеърларини яна бирор туркий тилга таржима қилиш
эҳтиёжи бўлмаган. Демак, Ажиниёз Махтумқули шеърларига
эркин муносабатда бўлган, баъзи мисраларини аслича, айrim
бандларини ўзgartириб қорақалпоқ тилига таржима қўлган,
деган хulosалар жиддий исботни талаб қиласди. Ҳозир адаби-
ётшуносликда ушбу мавзу юзасидан айтилган фикрлар Ажи-
ниёзни Махтумқули шеърларининг таржимони деб характер-
лашга асос бўлолмайди.

Ажиниёзниң бъзви шеърларидаги ўхшашиклар Махтум-
қулига назира деб ҳам бўлмайди. Назира бу бошқа бир шоир
асарини шаклан ва мазмунан бир хилда такрорлаш эмас.
Назирала ҳам ижодкорнинг ўзига хослиги бўлиши зарур:
мавзуни кенгайтириши, ривожлантириб янги поэтик об-
разлар, янги мазмун билан бойитиши лозим, талқин услуби
ўзига хос бўлиши керак. Ажиниёзниң сўз юритилаётган
шеърларига мана шу бадиий эстетик талабдан ёндашсан,
уларнинг ҳеч бири назира жанри талабларига жавоб бер-
майди. Шеърларни Махтумқулига тақлид дейиш ҳам ўрин-
сиз. Ажиниёздек истеъод соҳибининг Махтумқулига шун-
чаки тақлид қилишига ишониб бўлмайди. Биласизки, тақ-
лид ҳеч қачон ижодкорга обру келтирган эмас, у
талантсизликнинг белгиси. Ажиниёз истеъоди, бадиий-э-

стетик тафаккури бақувват шоир. Тўғри, Ажиниёз устозлар-
дан ўрганди, лекин уларга тақлид қилган эмас. Шоир ўз
дунёкараши ва ижодий принципларига, ўзига хос талант йўна-
лишига эга бўлганлиги учун ҳам қорақалпоқ адабиёти тари-
хининг ёркин сиймоларидан бири даражасига кўтарилди.

Махтумқули ва Ажиниёз шеърларидаги ўхшашиклар-
нинг сабабларини, бизнингча, бошқа омиллардан излаш
керакка ўхшайди. Маълумки, икки шоирнинг ҳам кўлёз-
малари, ўз даврида тартиб берилган девонлари бизгача
мукаммал шаклда етиб келмаган, меросларининг катта қис-
ми халқдан ёзиб олинган, баёзлардан тўпланган. Одатда,
информаторлар репертуари бир ёки икки шоир асаридан-
гина иборат бўлмай, кўпчиликни ташкил этади. Улар ижо-
дий йўналиши, услуби бир-бирига яқин шоирларнинг
шеърларини кўпроқ репертуарларига киритиб ижро этиш-
ган. Махтумқули ва Ажиниёз услубий жиҳатдан яқин
шоирлар. Гарчи улар ҳар хил тарихий давр ва шароитда
яшаган бўлсалар-да, ҳаётий воқеаларга муносабатда бир
хил позицияда турдилар, адабиётнинг кучидан халқ ман-
фаати учун фойдаланди. XIX асрда ёқ Махтумқулиниң
шеърлари Қорақалпоғистонда жуда машҳур эди. Саводли
одамларгина эмас, оддий халқ ҳам унинг шеърларини ёд
билган. Дошишманд шоирнинг халқона термаларини ўз
репертуарига киритиб ижро этмаган баҳши ёки қисса-
хонни ўз даврида муҳлислар кўп ҳам тан олавермаган.
Қиссаҳонлар даврага кўпроқ одам йиғиш учун Махтум-
қулиниң насиҳат руҳидаги шеърларидан куйламоқчи
бўлган достонига лебоча сифатида фойдаланганлар. Аб-
боз Добилов, Содик Нурумбетов каби халқ шоирлари фа-
олиятида Махтумқули шеърларини халқ оммаси ўртасида
тартиб қилишга мойиллик кўпроқ кузатилади. Шоир шеъ-
рларининг ўша йиллардаги шон-шуҳрати қорақалпоқ за-
минида оммалашуви мана шу сўз усталарининг номи ва
ижоди билан боғлиқ. Мана, Аббоз Добиловнинг эътиро-
фи: «*Махтумқулини туркман ёки қорақалпоқ шоири деб
ажратиб ўтирмасдик. Қорақалпоқлар Махтумқулини ўз
шоиридек севарди, ҳурмат қиласди. Тўй-базмларда баҳ-
шилар даврани қизитиш, тингловчиларнинг дикқатини ўзига
тортиш учун дастлаб Махтумқулидан термалар айтиш-
дан бошларди. Бир, бир ярим соат атрофида Махтумқули*

шөйрларини куйлашарди. Натижада халқ уюшиб келарди. Шундан сүнгина достон ижро этишга киришардилар! Корақалпоғистон халқ шоири Содик Нурумбетов шундай хотирлайды: «Күпчилек үйғылган жойларда икки-уч соат Махтумқули термалари айттарларди. Махтумқулидан айтсак халқ күп тұпланаради, қызықиб, ҳавас билан тингларди, баъзан үйга одам сиғмай кетарди, далада туриб эшиштарди. Үйга бир түйнинг одами үйғыларди, десам муболага эмас».²

Бундай фикрлар бошқа шоирлар, бахшилар ва қиссанхонлар томонидан ҳам айттылган. Махтумқули қорақалпок элида шундай хурматта сазовор шоирдир. Ажиниёз шеърлари ҳам ўша йилларда халқ орасига кенг ёйилиб, муҳлислири қалбига сингиб кетгани сүсзиз. Бахшилар, қиссанхонлар шоир асарларини ҳам худди Махтумқули шеърларини куйлагандек ҳавас билан ижро этганды. Баъзан ҳар икки шоирнинг шеърларини бир қиссанхон ёки бахши бир даврада, тенг даражада куйлаган бўлиши эҳтимол. Шундай пайтларда Ажиниёз термаларини ёд айтатётган ижрочи унга ўз репертуаридаги Махтумқули шеърларини ҳам қўшиб юбормадимикан деган фикр хаёлдан ўтади. Ёки Махтумқули термаларидан куйлаётганда информатор ижро матнига Ажиниёз шеърларини ҳам аралаштирган бўлиши эҳтимоли йўқми кан? Қиссанхон ва бахшилардан ёзиган олувчилар ижро жараенида матн қайси шоирга дахлдор эканлиги хусусида, менимча, ўйлаб ўтирумайди, қандай эшилтса, шундай қоғозга туширади. Бу масалада уларни айлаш, балки ўринсиздир. Лекин асосий масъулият ёзиган олинган материалларни нашрга тайёрловчилар зиммасида бўлади. Бу ишда шошқалоқликка йўл қўйиб бўлмайди! Матншунослар масалага жиддий ёндашиб, масъулият билан иш юритишлари шарт. Етти ўлчаб эмас, керак бўлса етмиш ўлчаб бир кесишлари лозим. Бироқ Махтумқули ва Ажиниёз шеърларини илк бор тўплаб нашрга тайёрлашада матншунослар томонидан чалкашликларга йўл қўйилган. Махтумқули шеърларининг баъзи бандлари, байтлари, мисралари Ажиниёз «Танланган

¹ Карап. С.Гаррыев. Туркмен эдебиятының Совет Гундогары халықларының эдебиятлары билен өзара багланышынын тарыхындан. Ашгабат, «Ылым», 1967., 38-бст.

² Ўша манба. 37-бст

асарлар»ида аралашиб юрибди. Ёки Ажиниёз қаламига мансуб айрим шеърий қаторлар, бандлар Махтумқули «Сайланма»сига қўшилиб кетган. Бизнингча, бу шеърлар ё Махтумқули қаламига мансуб ёки Ажиниёзга тегишли. Улар таъсир ҳам, таржима ҳам, назира ҳам эмас. Аслида шоирларнинг ўз ижод намуналари. Шеърларнинг информаторлардан ёзиган ҳар хил нусхалари қайта-қайта текширилиб, икки шоирнинг ижод маҳсулни эканлигини аниқлаш мумкин. Бу жуда мураккаб, қийин иш. Лекин бари бир «қилин кирқ ёрмагунча» бу нуқсонни бартараф этиб бўлмайди.

Бир хил шакл ва мазмундаги шеърий асарнинг икки шоирга нисбат берилиши адабий жараёнда учраб туралиган ҳолат. Бундай чалкашликлар, айниқса, кўлэзмалари мукаммал сақланиб қолмаган, шеърлари халқдан ёзиган манбалар асосида чоп этилган ижодкорларнинг «Танланган асарлар»и нашрларида кўпроқ кўзга ташланади. Бу фикримнинг исботига бир мисол келтираман. Масалан, Машраб, Андалиб, Камина сингари шоирларнинг кўлэзмалари турли манбалардан, баёзлардан, айримлари оддий халқдан ёзиган олиниб, нашрга тайёрланган. Шундай фактлар учрайлики, бир хил шакл ва мазмундаги баъзи шеърлар ҳар икки шоирнинг «Девон»и ёки «Танланган асарлар»ига киритилиб нашр этилган. Машрабнинг 1971 йилда босилиб чиққан «Танланган асарлар»ида «жабру жафога» радифли олти байтли бир ғазал бор. Худди шу ғазал XVIII аср туркман шоири Андалибининг 1976 йилда туркман тилида чоп қилинган «Сайланма»сида ҳам айнан келтирилади. Солишириб кўринг.

Машраб:

*Кўнглимни бердим бир бевафога,
Куиди юрагим жабру жафога.*

*Эй нозаниним, менга раҳм қил,
Колдим сени деб юз мине балоға,*

*Машраб сени деб кечти жаҳондин,
Раҳм айламайсан муфлис гадоға.¹*

¹ Машраб. Танланган асарлар. Тошкент. F.Улом номидаги Адабиёт ва санъат нашриёти, 1971., 24-бст.

Андалиб:

*Көңдүми бердим бир бивепага,
Койды йүргем жебри жепага.*

*Эй нәзенинім, маңа раҳым кыл,
Галдым сен дийип, сансыз белага.*

*Андалып сен дийип, гечер жанындан
Кылгыл анаят муфлис гедага.¹*

Фазаларнинг матнини тұла келтириб ўтирады, қолған байтлари ҳам жуда үхшаш. Машраб ва Андалибининг бошқа басызы шеърларыда ҳам үхшаш байтлар, мисралар борки, уларни ҳам ижодий таъсир деб изохлаш фикридан ийроқмиз. Улар назира ҳам эмас. Бу ерда ҳам яна үша хато. Яъни Машраб ёки Андалиб газаларини у ёки бу манбадан, баёздан күчираётганда котиб томонидан юборилған камчилик, қолаверса, нашрга тайёрловчилар масъулиятсизлигинг салбый оқибати.

Асосий мавзумизга қайтиб айтмоқчимизки, келажакла Махтумқули ва Ажиниәз шеърларининг қайта нашрларыда бу чалкашликка жиддий әльтібор бериш зарур. Ағасүс, иккى шоирнинг «Эгизак» шеърлари күп йиллардан бери китобдан-китобға күчіб юрибди. Шеърлар қайси шоир қаламига мансублигини аниклаб, бу хатони бартараф этиши вазифаси матнушонослар зиммасыда турибди. Бу мұаммо холисона сүлса, илмий-адабий жамоатчилик, китобхонлар ўртасыда күп йиллардан бери давом этиб келаёттан басылан асосли, басылан ўринисиз мунозараларға ҳам барҳам берилған бўларди. Яна бир мұлоҳаза. Бу үхшаш бандлар, байтлар, мисралар Махтумқули меросидан олиб ташланғанда ҳам шоирнинг ижодий кўлами ва бадий салоҳиятига заррача ҳам путур етмаганидек, бу «йўқотиш» Ажиниәз лирикасининг салмогига ҳам ҳеч қандай салбий таъсир кўрсатолмайди. Бу «йўқотиш»лардан қатъий назар Махтумқули ҳам, Ажиниәз ҳам туркман ва қорақалпоқ мұмтоз адабиётининг йирик намояндалари бўлиб қолаверади.

200

¹ Андалып. Лирика. Ашгабат, «Ылым», 1976, 37-бет.

МАХТУМҚУЛИ АНЬАНАЛАРИГА САДОҚАТ

Қорақалпоқ ва туркман адабий алоқаларининг ривожланишида атоқли шоир Ибройим Юсуповнинг ҳам ҳиссаси катта. Иккى қардош адабиёт ҳамкорлиги саҳифалари унинг асарлари ва таржималари билан бой, серқирия. Адабий жамоатчилик И. Юсуповни Махтумқули асарларининг фаол тарғиботчиси ва тадқиқотчиси деб билади. Шоир ўтган асрнинг 50-йилларида Махтумқули шеърларини тұплашда, бахшилар ва қиссахонлардан ёзіб олишда күп меңнат қилди. Шоир ҳақида халқ түқиган ривоятларни йиғди. Бу изланишлар уни Махтумқули ижодига янада яқинлаштиришга, шоир асарларини қорақалпоқ тилига таржима қилишига, шеъриятини илмий тадқиқ этишта илҳомлантириди.

50-йилларда И. Юсупов Махтумқули ижоди билан қизғин шуғулланиб «Қорақалпоғистон — Махтумқулининг иккінчи шоирлик Ватани», «Дала Орфейи», «Шоирлар доғышманди Махтумқули» каби мақолаларини ёзди. Тадқиқотларда Махтумқули асарларининг Қорақалпоғистонда оммалашып тарихи, сабаблари, Шарқ адабиётидаги ўрни, шоирлик маҳорати ҳақида сүз юритилади. Шоир лирикасининг қорақалпоқ мұмтоз адабиётига таъсирини конкрет миссияларда илмий асослашыга ҳаракат қилади. Махтумқули адабий меросини тұплаш, илмий ўрганиш, шеърияти билан атрофлича танишуви ва қорақалпоқ тилига ўтириши И. Юсуповни ижодда Махтумқулига яқын услубда шеърлар ёзишга илҳомлантириди. Шоир лирикасида Махтумқулига үхшатма, назира шаклида битилған түркүм шеърлар бор. Масалан, шоирнинг «Намасан», «Ярашар», «Занг қолмас», «Бўлмас», «Бели бўлмас», «Ёдимга тушди» шеърлари Махтумқулининг «Сел қолмас», «Бўлмаса», «Намасан», «Зор бўлмас», «Колмас», «Туз ҳам бўлмас» деган шеърлари таъсирида ёзилғанлиги шакл ва мазмун ифодасида шундоққина кўриниб туради..

Балий ижодда шундай асарлар учрайдик, бир-икки қаторини ўқишининг биланоқ бошқа бир адаб асарига үхшашликни, маънавий яқинликни, шакли ва мазмунида у ёки бу ижодкорнинг таъсири борлигини хис қиласиз. И. Юсу-

повнинг номлари тилга олинган шеърлари шундай таассу-
рот қолдиради. Махтумкули йўлида ёзилган бу шеърларда
муаллифнинг мушоҳада уфқи қенглиги, насиҳатомуз ғоялари
ҳаётбахш ва замонга жўровозлиги, тилининг содда ҳамда
жарангдорлиги, ўқимишлилиги билан дикқатни жалб эта-
ди. Махтумкули адабий услуби янги, замон руҳига мос,
давр ҳақиқатини бадиий ифодалашда И.Юсупов учун шакл
вазифасини ўтаган. Махтумкулиниң «Сел қолмас» радиоф-
ли шеърида қўйидаги банд бор:

*Алтмыш башлы, ала гарлы даглардан,
Думан гөчер, яғмыр гечер, сил галмаз,
Шейда бишбил месген тутан баглардан,
Хазан урап, япрак гачар, гул галмаз.*

(2 т., 32-бет)

И.Юсуповниң «Занг қолмас» шеъри гўё Махтумкули
шеърига жавоб тарзида ёзилгандек. Шеърлар шаклан жуда
ўхшайди. Икки шеър ҳам беш банд. Вазни, қоғияси, по-
этик руҳи, бўғин ўлчови деярли бир хил бўлса-да, мазму-
нида катта фарқ бор. И.Юсупов шеъридаги мавзу талқини
бутунлай ўзгача, замонавий.

Шоир янги давр кишиларига хос умуминсоний эзгу-
ликлар ҳақида фикр юритади. Ватанга садоқат, дўстга со-
нидиклик, мардлик, камтаринлик ва олижаноблик, инсон-
ниң инсонга ҳурмати, муҳаббат ва вафодорлик каби ах-
лоқий нормалар янги давр, янги ҳаёт талаби асосида
ёритилади. Бир вақтлар Махтумкули орзу қилган, лекин
амалга ошмай қолган эзгуликлар эндиликда рўёбга чиқиб,
янги жамиятнинг етакчи маъно моҳиятига айлангани
И.Юсуповниң қўйидаги шеърий сатрларида кўтаринки
руҳда тасвириланади:

*Жаз қуяши жайнап кулген шағларда,
Қара тағдың қабағында тоқ қалмас.
Онали дос, сени көрген шағларда,
Көзде қайғы, көкиркте мун қалмас.*

*Ийилген дарақта мол болар мийўа
Пейли кен жигитке кең болар дунъя*

*Кеўлиң сениң шалқып аққан бир дәрья
Тар әйлесен, сол дәрьяда суў қалмас.¹*

Шаклий жиҳатдан Махтумкули шеърига яқинлик
И.Юсупов шеърининг ҳар бандидагина эмас, ҳатто ҳар бир
мисрасида сезилади. Фарқи шундаки, қорақалпоқ шоири
мавзуни замонга мослаштириб ўзича талқин этган. Агар
Махтумкули:

*Шейда билбил месген тутан баглардан,
Хазан урап, япрак гачар, гул галмаз —*

деса, И.Юсупов бу шикоят оҳангини янги тафаккур билан
ўзига хос поэтик мазмунда мана бундай талқин этади:

*Инсанның инсанға артса ҳурмети,
Гулшанларда ашылмайын гул қалмас.*

Ёки Махтумкулиниң:

*Элден гитсе ўигитлигиң баҳары,
Кувват гачар, дыз зегилер, бил галмаз —*

деган мисраларини И.Юсупов ижодий қайта ишлаб, оригинал мазмун билан бойитади:

*Кеўил шаңын жуўса мириўбет сели,
Зейнлер ашылын, зэрре кир қалмас.*

И.Юсуповниң назира усулида ёзилган шеърлари ораси-
да ғоявий-мазмун жиҳатидан Махтумкули шеърларини эс-
латадиганлари ҳам бор. Масалан, «бўлмаса» радибли шеър
Махтумкули қаламига мансуб «Бели бўлмаса» номли шеъ-
рига фақат шакли билан эмас, мазмунан ҳам жуда яқин.
Махтумкули шеъри ахлоқий-таълимий характерда бўлиб,
шоир инсонга хос кўп хислатларни образли шаклда, табиат
ходисалари, ҳар хил қушларнинг тимсоллари орқали бади-
й талқин этади, фалсафий-таълимий хулоса чиқаради:

¹ И.Юсупов. Танлаўлы шығармаларынын 2 томлары. 1 том.
Некис, «Қаракалпакстан», 1992, 59-бет. Кейинги миссолларда томи,
бети кўрсатилади.

*Нэлери гөржекдир бу шум көнүллөр,
Хазап урса, солар ачылан гүллөр,
Баг ичре сайрашан шейда билбильлөр,
Торгайча ёк, гонар гули болмаса.*

*Гүшлар уча билмез гүйрек-ганатсыз,
Ашык яра етmez дады-перятсыз,
Бир бедев ханазад болар сыйксыз,
Гүйругы, кәкили, ялы болмаса.*

(1 т., 216-бет)

Булбул құнмаган бөг ҳеч қачон файズли бўлмаганидек, қанотсиз құш ҳар қанча уринмасин, парвоз қилишга қодир змас. Куйруғи, кокили, ёли бўлмаган бедав, шунчаки бир жонзор холос, у пойгага ярамайди дейди Махтумкули юқоридаги икки бандда. Бу билан шоир инсоннинг ҳаётда баҳти бўлиши унинг ҳам моддий, ҳам маънавий таъминланишига боғлиқ демоқчи. И.Юсуповнинг «бўлмаса» радифли шеърида бу ахлоқий-таълимий қараашлар ривожлантирилади. Агар Махтумкули шеъридаги насиҳат мотивлари, инсон ҳаёти билан боғлиқ мушоҳадалар рамзий образларда берилса, И.Юсупов одамлар шахсиятида учрайдиган яхшилик ва ёмонлик иллатларини очиқ қоралайди.

*Кус баласы болып илинбес санға,
Булбидиң хош ҳаўаз сеси болмаса.
Сазды шерткен менен келмес намага,
Кеўилдин бир әндийшеси болмаса.*

*Әдем қалар бәлким, қәсийет қалмас,
Елге хызмет етпей жигит сынаймас,
Көп жасаған менен ақсақал болмас,
Парасатты ақыл-еси болмаса.*

(1 т., 59-бет)

Махтумкулининг «Намасан?» радифли беш бандлик бир шеъри бор. Шеър поэтик фикрларнинг салмоғи, мусиқийлиги, құшиқбоплиги билан характерли. Шунинг учун ҳам у композиторлар ва хонандалар репертуаридан жой олган. Туркман, ўзбек ва қорақалпоқ санъаткорлари шеърга куй

басталаб ижро этишган ва ҳозир ҳам у хонандалар репертуаридан түшгани йўқ. И.Юсуповнинг бу шеърини қорақалпоқ тилига маҳорат билан ўғиргани нур устига айло нур бўлди.

Таржима тажрибасидан биламизки, бир шоир иккинчи бир шоир асарини ўз она тилига ўтирад экан, кўп ҳолларда асл нусханинг шаклий белгилари, поэтик мазмуни хоҳласин хоҳламасин, таржимон қалбига ўрнашиб қолади. Баъзан шоир-таржимонда ҳам шундай шакл ва мазмунда бирор асар яратиш истаги уйғонади. И.Юсупов Махтумкулининг «Намасан?» шеърини қорақалпоқ тилига таржима қиласетиб шундай адабий таъсирни ҳис қилган ва туркман шоирига ўхшатма қилиб саккиз бандлик «намасан?» радифли бир шеър ёзган. Шеърда Махтумкули шеърига шаклий ўхшашлик кузатилади. Радифи, қофияси, вазни Махтумкули шеъридан деярли фарқ қилмайди.

Махтумкули:

*Гаракчымың, я сейитмың, хожамың,
Я сакымың, я шерапмың, я жамамың,
Я йыбымы сен, я гундизмин, гижемин,
Я Аймы сен, я Гүнми сен, нәме сен?!*

(1 т., 20-бет)

И. Юсупов:

*Әл хасыя малына базар таба алмай,
Сегбир тартқан кәрўанбысан, несең сен?!
Көкиректе шер болып сыртқа шыға алмай,
Жылап кеткен әрманбысан несең, сен?!*

*Зергерсиз зермисен, бағмансыз бостан,
Қәлемсиз көкирекке питилген дәстан.
Шөлде -арид Шасәнемге табысқан,
Гөззат көшкі-әйўанбысан, несең, сен?!*¹

Шеърлар шакл жиҳатидан ҳар қанча ўхшамасин, Махтумкули қаламга олган мавзуни И.Юсупов ўзича талқин

¹ И.Юсупов. Бўлбил уясы. Косяклар ҳам поэма. Нәкис, «Билим», 1997, 149-бет. Бундан кейинги мисолларда бети кўрсатилади.

қилган. Туркман шоири құллаган бадий шаклға замон руҳини сингдиради. Туркман халқининг ҳозирги ижтимо-и-иқтисодий турмуш тарзини қорақалпоқ шоири нұқтаи назаридан ёритар экан, шеңірда ибратли бир ғояни илгари суради.

*Шадлы дәүран келип, ғуллен диярың,
Зер-зөргериң тапты, көрүән-базарың,
Жаңа әүләдләрға толып гузарың,
Шешек атқан бостанбысаң, несек сен?!*

(149-бет)

И.Юсупов шеңірда Махтумқулини шеңрият осмонидаги ёруғ юлдуз, туркий адабиёттің забардаст половони деб тәріфлайды, лирикасининг құдратига тан беради.

*Ибраһым дер: шын шайырлық жолысаң,
Адам кеүлиниң сен солмас гулисең,
Косықтық қудайы Мақтыймқұлысаң,
Халқың менен қайта туған шешенесен!*

(149-бет)

И.Юсупов лирикасида Махтумқулига ҳамоҳанг шеңірлар күп. Шоирнинг «Түйларға улансын түйи туркманнинг» шеңри фикримизга яна бир мисол бўла олади. У Махтумқулиниң «Туркманнинг» номли шеңрига ўзига хос назира.

Ўз халқининг қайғусида ҳам, шодлигіда ҳам бирга бўлган Махтумқули доимо эл-юрт ғами билан яшади, ижод этди. «Туркманнинг» шеңри ана шу ҳамкорлик ва ҳамдардликнинг бадий ифодасидир. Шеңірда туркман халқининг олижаноб фазилатлари куйланади. Шеңр чинакам миллий рӯҳ билан сугорилган. Куйидаги банд гёւ бугун ёзилгандек, ҳозирги туркман ҳәётининг бадий күзгусидек таассурот қолдиради:

*Жайхұн биле баҳры – Хазар арасы
Чөл устунден өсер ели түркменниң,
Гүл-гүнчасы – гара гөзүм гарасы,
Гара дагдан инер сили түркменниң.
(11-бет)*

Шеңр И.Юсуповға қатор фазилатлари билан таъсир күрсатған, илҳом берган. У ўзига хос поэтик хусусияттарға зәга янги ғоядаги бир асарнинг яратилишига замин ҳозирлаға. И.Юсупов туркман воқөлигини XVIII аср шоири тафқури билан эмас, XX аср қорақалпоқ адаби нұқтаи назаридан бадий ёритади. Шеңірда туркман ҳәётининг янги саҳифалари, янги турмуш тарзининг афзаликлари, меҳнати куйланади.

*Сақый нұрын шашып ығбал қуяшы
Көзге ыссық гөззәл жери түркменниң.
Кейіл бостанының шадлы намасын
Сизге алым келдик, ели түркменниң.*

*Небитдагда нефть көни уласын,
Кара күмда қызығалдақлар гүл ашып,
Ашхабадқа ай-жүлдүзлар таласын
Ышқы отындай жсанар туни түркменниң.
(236-бет)*

И.Юсупов шеңрининг Махтумкули шеңридан фарқ қиласын яна бир ўзига хослиги бор. Шеңірда қорақалпоқ ва туркман халқлари дүстлиги, тақдирлари туташғанлиги ҳақидаги фикрлар характерли деталлар ва поэтик образларда берилади.

*Ерис-арқаў шыйратылып нығыздан,
Сорастырып көрсөң түбим тығызбан.
Сейилхан, Жайилхан хәмде Оғуздан
Биз бенен тамирлас туби түркменниң.*

*Хорезм, Ташауыз, қарақалпағы
Қатар қонған бир атанаң урпағы
Саяласа бир гүжимниң жапрағы
Суұма сағалас суұы түркменниң.
(237-бет)*

Халқларимиз дүстлиги қадимий, илдизлари теран эканлиги Сейилхон, Жайилхон, Гүрүєли, Сапар марам каби та-

рихий ва афсонавий образлар орқали бадиий далилланган. Қардошлар ҳақида шеър ёзгандага айтилавериб сийқаси чиқкан таъсирсиз, балданпарвоз ифодаларни қўллагандан кўра, дўстлик тўғрисида аниқ тасаввур берадиган, унтилмайдиган рамзлар воситасида сўз юритилса, шеърнинг мъноси ҳам, бадиий-эстетик саломоги ҳам ўқувчини қаноатлантириши табиий.

Махтумкули шеърида шундай бир тўртлик бор:

Хак сыламыш бардыр оның саясы,
Чырпышыар чолунде нери, майсы,
Рен-берен гул ачар яшыл яйласы,
Гарк болмуш рейхана чөли туркмениң.

(1 т., II-бет)

Туркман шоири бир вақтлар илҳом билан тасвирлаган бу манзарани И.Юсупов янгича идрок этади, янги мазмун билан бойитади. Махтумкули анъанасини ривожлантириб, замонга мослаштиради. Куйидаги бандда шу ҳаёт нафасини ҳис қилиб завқингиз ошади.

Бурын барса келмес шөли-бәябан,
Бугин бағы-бостан болды саябан,
Поездлар қыйқырып қызыл қыядан,
Алтынға айланды қумы туркмениң.

(238-бет)

Махтумкули ўз замонидаги туркман табиати гўзаллигидан олган илҳомини шеърий сатрларга сингдирган бўлса, И.Юсупов чўлларни ўзлаштираётган буғунги туркман ҳаётини мадҳ этади. Шоир Махтумкули анъаналаридан кўп ҳам узоқлашмасликка, имкони борича у қўллаган бадиий компонентларни айнан сақлашга, ҳатто айрим мисраларини «*Магтыйгулы - сөзлөр дили туркмениң*» ўзгаришсиз қолдиришга, байзан туркманча сўзлар «*чыйғырып*» (чақириб)ни қўллаб шеърнинг колоритини мустаҳкамлашга ҳаракат қилган.

Махтумкули:

Серҳош болуп чыкар, жигер дагланмаз,
Дашлары сыйндырар, лы багланмаз,

Гөзум гайра душмез, көнүл эгленмез,
Магтыйгулы-сөзлөр дили туркмениң.
(1 т., 12-бет)

И.Юсупов:

Ығбал гуди питип қызыл қыяға,
Бахтимыз ашылып куннен зыядা,
Кайтадан қыйғырып келди гояға
Мақтыйкулы сөйлөр тили туркмениң.

(236-бет)

И.Юсуповнинг Махтумкули йўлида ёзган шеърлари билан танишар эканмиз, уларда шоирнинг жонли қиёфаси гавдаланаётгандек, китобхон ўтмиш ва ҳозирги замон ҳақида у билан мунозара қилаётгандек сезади ўзини. Шеърлар қорақалпоқ шоирининг Махтумкулига катта хурматининг бадиий ифодасидек жаранглайди.

Мазкур шеърларнинг яна бир ибратли томонини қайд этиб ўтиш жоиз. И.Юсуповдан кейин қорақалпоқ адабиётida Махтумкули йўлида шеър ёзиш анъанага айланди. Ҳозирги қорақалпоқ шеъриятида Махтумкулига ўхшатма ёзган шоирлар кўп. Уларнинг аксарияти тажрибали қаламкашлар. Айримларини тилга олиб ўтамиш. Т.Қабуловнинг «Махтумкулига мурожаат», У.Пиржановнинг «Бўлмас», Ж.Избасқановнинг «Бўлмаса», А.Ўтепбергановнинг «Бўларми», А.Ажиниёзовнинг «Бўлар», У.Дониёровнинг «Бошлиди», «Бўларсан» шеърлари Махтумкули лирикасига хурматнинг ўзига хос тимсоли, адабий ўхшатмага яхши мисол. Шеърларда Махтумкули қаламга олган мавзуларнинг янгилаштирилганни кўрамиз. Ҳар бир шоир ўз ижодий имкониятiga таяниб Махтумкули қўллаган адабий шаклга янги мазмун, ўз даврининг ҳаёт нафасини сингдиришга интилган. И.Юсуповнинг бу соҳадаги ижодий тажрибалари қорақалпоқ шоирларига қўл келгани шубҳасиз. Бу анъана қорақалпоқ адабиётida ҳозирги кунда ҳам изчил давом этаётгани таҳсинга лойиқ адабий ҳодисадир.

1991

АДАБИЙ ТАЪСИРДАН ЎЗИГА ХОСЛИККА

(*Абдулла Қодирий ва Ҳидир Деряев*)

ИЛҲОМ ВА ИСТАК

Адабий таъсир анча мураккаб масала. Айниқса, насрда таъсир белгиларини аниқлаш осон эмас. Бир адабиётнинг иккинчи бир адабиётта, бир ёзувчининг иккинчи бир ёзувчи ижодига таъсири ҳамиша ҳам бўртиб кўринавермайди. Ҳар бир миллий адабиёт ёки ёзувчи бошқа миллий адабиёт ёки ёзувчининг ижодий тажрибаларини ўз миллий ань-аналарига мослаштириб фойдаланади. Таъсир натижасида ёзувчida пайдо бўлган адабий ўзгаришларни, ўзига хосликларнинг бадиий-эстетик қонуниятларини очиш тадқиқотчи, биринчи навбатда, таъсир кўрсатган ёзувчи билан таъсирланган ёзувчининг услубини, ижодий лабораториясини мукаммал ўрганиши зарур. Таъсирланган ёзувчи ижодига реал ҳаётнинг таъсири қандай? Ёзувчida асар ёзиш истаги қачон ва қандай шароитда пайдо бўлган? Ёзувчini асар ёзишга илҳомлантирган куч нима? Таъсирланган ёзувчининг «ўргандим» ёки «таъсирландим» деган ижодкорга муносабати қандай? Ижоди билан танишми? Асарларини ўқиганми? Булар тўғрисида бирор фикр айтганми? Бу саволларга жавоб топмасдан мавзу бўйича кутилган натижага эришиб бўлмайди.

Адабий таъсир текширилганда яна бир муҳим жараённи унутмаслик керак. Бу, таъсирланган ёзувчининг ҳаёт ва ижод тажрибасини, бошдан ўтказган воқеаларини, кўрган, эшигтан турмуш фактларини ўрганиш билан боғлиқ масала. Тадқиқотчи асарга танлаб олинган реал воқеликни, образларнинг миллий руҳини, ҳалқ ҳаётининг бошқа-да ўзига хосликларини теран ҳис қилиши, ёзувчидан ҳам кўпроқ билиши лозим. Шундагина у муайян асаддаги адабий таъсир хусусиятларини холис ва тўғри ёрита олади. Адабий таъсир ижо-

дий мусобақанинг бир кўриниши. У ижодий характер касб этсагина ёзувчига фойда келтириши мумкин. Шу масала билан боғлиқ яна бир мулоҳаза. «Ўрганди», «таъсирланди» деган бирор адабиёт ёки ёзувчи ижодида пайдо бўлган ҳар қандай юксалишни таъсирга боғлаб талқин этиш ҳамиша ҳам тўғри бўлавермайди. Бундай йўл тутилса, миллий адабиёт ёки миллий ёзувчи асарининг ўзига хослигини инкор этишга, ҳатто камсигицга олиб боради. Адабий таъсир ҳеч қачон у ёки бу ёзувчи тақдирида ҳал қилувчи роль ўйнамайди, балки унинг ўз ижодий имкониятларини юзага чиқаришда ёрдамчи маънавий куч вазифасини бажаради. Фикримизни мисоллар билан исботлашга уриниб кўрамиз. Мавзуни объектив ёритиш учун икки улкан ёзувчи ижодини танладик. Бири ўзбек романчилигининг асосчиси Абдулла Қодирий, иккинчиси, туркман реалистик прозасининг йирик вакили Ҳидир Деряев.

Мавзу талқинига бу икки ёзувчи ижодини танлашимизнинг сабаблари бор. Ҳидир Деряев ўзбек китобхонларига яхши таниш ёзувчи. Уни Ўзбекистон, ўзбек адабиёти билан яқинлаштирациян фактлар анча бор. Шулардан бири ҳақида. Маълумки, Тошкент 20-йилларда Ўрта Осиёнинг маданият марказларидан бири эди. Туркман, қозоқ, тоҷик, қирғиз зиёлилари бу даврларда Тошкентдаги илм-билим даргоҳларида таҳсил олишган. Биринчи туркман ИНПРОС (Маориф институти) и ҳам шу даврда Тошкентда очилганди. Туркман адабиётининг Мулламурт, Оғахон Дурдиев, Нурмурад Сарихонов, Ота Коушутов, Ҳўжанафас Чориев, Ота Ниёзов, Берди Султонниёзов каби шоир ва ёзувчилари Тошкентдаги олий ўқув юрти, техникум ва маҳсус курсларда ўқиганлар. Шулар қаторида Ҳ. Деряев 1922 йилда Тошкентга келиб маориф институтига ўқишга киради. Институтни тамомлагач, шу ерда ўқитувчи бўлиб ишга қолади, дарс бериши билан бирга Ўрта Осиё давлат университети (ҳозирги Ўзбекистон Миллий университети)нинг Шарқшунослик факультетининг Тил ва адабиёт бўлимида таълимни давом этиради. Ўқишини тугатгандан сўнг Ашхаболга ишга қайтади.

Ҳ. Деряев адабиётдаги илк қадамларини Тошкентда ўқиб юрган кезларидан бошлаган, дастлабки шеърлари, поэмалари ўша давр матбуотида мунтазам босилиб турди. У ижодини гарчи шеъриятдан бошлаган бўлса-да, туркман адабиёт-

тида романнавис сифатида танилди. 30-йилларнинг биринчи ярмида ёқ туркман адабиётида романдек мураккаб жанрда биринчи бўлиб куч синаган X. Деряев эди.

X. Деряев адабий фаолиятининг бошқа туркман ёзувчилари ижодидан фарқланиб турадиган бир жиҳати бор. У шеъриятдан насрга ўтганда баъзи ёзувчилардек, насрнинг кичик жанрларидан эмас, бирданига роман жанридан бошлиди ва муваффақият қозонади. Аҳамиятли томони шундаки, ёзувчida роман ёзиш истаги Тошкентда ўқиб юрган йилларида туғилган. Бир неча йил Тошкентда яшагани, ўзбек тилини, ўзбек халқи анъаналарини ўрганиб, бу ернинг адабий муҳитидан нафас олгани, ўзбек адабиёти билан яқиндан танишуви бўлажак ёзувчининг руҳий дунёсини бойитади. Айниқса, Абдулла Қодирийнинг «Ўтган кунлар» ва «Мехробдан чаён» романларини оригиналда ўқиш Хидир Деряев учун роман жанрига киришда ижоднинг янги эшигини очиб бергандек бўлади. Бу ҳақда кейинчалик X. Деряев шундай деб ёзди: «Мен Тошкентда таълим олганимдан сўнг САГУнинг Шарқшунослик факультетини 1931 йилда тамомладим. Менда ўзбек романчилигига қизиқини университетда ўқиб юрган кезларимдан бошланган. *Ўзбек романчилигининг асосчиси Абдулла Қодирийнинг «Ўтган кунлар», «Мехробдан чаён» романлари менда бир умрга унутишлас таъсир қолдирди ва илҳом бағишилади. Шу илҳом ва таъсир натижасида менда бир фикр туғилди. Туркман халқининг ҳам шундай ўтмиши бор-ку, мен ҳам шу ўтмишдан бир роман ёсам бўлмайдими? Шундан кейин менда туркман халқининг ўтмиши ҳақида роман ёзиш истаги кучайди. Абдулла Қодирий романлари таъсирида менда пайдо бўлган бу фикр Тошкентда ўқиб юрган йилларимда ҳам, Ашхабодга ишга қайтганимдан кейин ҳам менга тинчлик бермас эди. Лекин ёзмоқчи бўлган романниминг воқеалари, қаҳрамонларини қалбимда асрар юрсан-да, 1933 йилнинг бошларигача романни бошлай олмадим. Кейинроқ катта ният билан роман устида иш бошладим!»¹.*

Ҳали ҳаётни романдек мураккаб жанрда тасвирилаш аньянасига эга бўлмаган, реалистик проза жанри унчалик та-

¹ X. Деряев. Ықбал. Роман. Ашгабат. «Туркмендовнешр», 1962, 8-бет.

рақкий этмаган туркман адабиётида X. Деряевнинг биринчи марта романга кўл уриши ва муваффақият қозониши тасодифий эмасди. Бу ютуқнинг асослари, замини бор эди, албатта. Туркман халқининг бой фольклори, ёзма адабиёти тажрибалари, рус ва қардош адабиётларнинг илгор анъаналари, айниқса, Л. Толстой, М. Горький асарлари, қолаверса, Абдулла Қодирий романлари ёзувчига таянч бўлган манбалар эди. Ўқиш, ўрганиш, ижодий изланишлар ўз самарасини беради. 30-йилларнинг биринчи ярмида туркман адабиётида биринчи роман пайдо бўлади ва у 1937 йилда «Қонли панжадан» деган ном билан босилиб чиқади. Лекин роман оммавий (15 минт иусхада) чоп этилган бўлса-да, китобхонларга етиб бормайди, унга ҳар хил сиёсий айблар кўйилиб, босмахонанинг ўзида ёқ қилинади, ёзувчи эса қатағонга учраб, йигирма йил қамоқча хукм қилинади.

X. Деряев қамоқдан озод бўлгандан сўнг (у 1957 йилда озодликка чиқади) 1960 йилда романни қайта ишлаб «Қисмат» номи билан нашр этиради. Туркман халқи ҳаётини мураккаб драматик воқеалар фонида тасвирилаган бу асарни китобхонлар яхши кутиб олди, ёзувчига кўплаб мактублар йўлладилар. Мухлислар романнинг давомига қизиқаётганини, айниқса, бош образларнинг кейинги тақдирни уларни жуда қизиқтираётганини мактубларида ҳаяжон билан маълум қилдилар. Мактублар ёзувчига илҳом берди, ижодий кучига куч кўшиди. Қисқа муддатда романнинг иккинчи, учинчи китоблари мухлислар қўлига тегди. 1971 йилда романнинг охирги – тўртинчи китоби ҳам нашр этилди ва у Давлат мукофоти билан тақдирланди, рус ва бир неча қардош тилларга таржима қилинди. Роман асосида кўп қисмли бадиий фильм ҳам ишланди.

«Қисмат» ёзилиш услуби, таъсирчанлиги, ўқилиш дарожаси жиҳатидан «Ўтган кунлар» романига яқин. Ёзувчи ўтмиш воқеаларини танлаш, роман мавзуси, гояси ва жанрини белгилашда «Ўтган кунлар» романни тажрибасига таянган. Ўзбек ёзувчиси романнida тасвириланган воқеалар, хусусан, бош қаҳрамонларнинг аччиқ тақдирни X. Деряевни тўлқинлантирган, ўз халқининг ўтмишига назар ташлашга ундалган. Худди шундай воқеалар, худди шундай тақдирлар ўтмишда туркман халқининг ҳам бошидан кечганлигини ёзувчи ижодий ҳис қилган ва ўз халқи ўтмишидан роман

ёзишни кўнглига туғиб қўйган. Кумуш ва Раъноларнинг муҳаббат тақдири яқин ўтмишда хукуқи топталган туркман аёлларининг аянчли қисматини бадиий ёритишида ёзувчига илҳом берганини қўйидаги фикрларидан ҳам билиш мумкин: «*Абдулла Қодирийнинг «Ўтган кунлар», «Мехробдан чаён» романларининг бош қаҳрамонлари Кумуш, Раънога ўхшаган ўзбек қизлари бошдан кечирган қийинчиликлар туркман қизларининг бошидан ҳам кечган-ку! Шундай мавзуда туркман хотин-қизларининг ҳаётидан ҳам асарлар ёзиш мумкин-ку? деган фикр қалбимга сингиб қолганди. Ана шу таъсири натижасида «Қоили панжадап» деган роман ёздим ва у 1937 йилда чоп этилди».¹*

А. Қодирий романларидаги XIX аср ўзбек ҳаёти тасвири Х. Деряевда ҳам ўз халқининг тарихи ҳақида бирор асар ёзиш истагини уйғотади. Кумуш, Раъноларнинг тақдири билан боғлиқ воқеалар туркман ёзувчинини тўлқинлантиради ва Узукжамол образини яратишида А. Қодирий тажрибасига таяниб қалам тебратади.

Адабий жараёнда шундай асарлар бўлади, уни ўқишининг биланоқ қалбинги турфа туйгулар билан бойийди. Бундай асарлар, айниқса, ижодкорлар учун катта илҳом манбаи. К. Паустовский ёзганидек: «*Ҳар бир ижодкорга илҳом берадиган, руҳини кўтарадиган асарлар бўлади. Шу хилдаги китоблардан бир неча саҳифани ўқишнинг ўзи кифоя, ўзингниг ҳам ёзгинг келиб қолади*».

Лекин бундан муайян асар фақат бошқа бир ёзувчининг асари таъсирида, шунга тақлидан ёзилади, деган маъно келиб чиқмайди. Ҳар бир талант конкрет ҳаёт шароитида шаклланади, юксалади. Ҳамма соҳада ижодкорнинг устози, аввало, ҳаёт бўлади. Ёзувчи дастлаб ҳаётдан озиқланачи, ҳаёт ҳодисаларидан илҳом олади. Бу таъсири натижасида шоир ёки ёзувчидаги бадиий асар гояси туғилади. Иккинчи бир ёзувчининг таъсири ижодкордаги имкониятни ишга солиб юборища, илҳомни истакка айлантиришда муҳим туртки холос.

Масалан, ёзувчи яратмоқчи бўлган асарининг материални ҳаётдан олса, унга ўз адабий анъаналари билан сайқал беради, тоблайди, бошқа бир ёзувчининг тажрибаси эса

ижодкорга бу ишла маънавий кўмакчи вазифасини ўтайди. «Ўтган кунлар» романининг Х. Деряев ижодига таъсири масаласига шу нуқтадан ёндашилса, тўғри бўлади.

ҲАЁТ ҲАҚИҚАТИДАН БАДИЙ ҲАҚИҚАТГА

Ҳар қандай катта ёзувчи ижодининг ўзига хослиги, дастлаб воқеликка муносабатида, ҳаёт материалига ўзича ёндашиши ва уни ўзига хос талқин этишида, бадиий тўқима яратиш маҳоратида кўринади. Маълумки, Абдулла Қодирий араб ёзувчиси Жўржи Зайдоннинг тарихий асарларини яхши билган, ўқиган, улардан илҳомланган. Бу ҳақда ёзувчининг ўзи ҳам : «*Мени роман ёзишга ҳаваслантирган Миср фузалосидан устоз Жўржи Зайдондир*» деб ёзган эди. Зайдон романлари А. Қодирий учун роман жанрига киришда маълум даражада роль ўйнади. Ўзбек халқининг мозий ҳаёти ҳақида тарихий роман ёзиш фикрини уйғотади. Ёзувчи бу тоғани амалга ошириш учун реал ҳаётни кузатиб, оғзаки ва ёзма манбаларни ўрганишга киришади. Кўқон хонлиги ва Тошкент беклигининг ўзаро муносабатлари, 1847 йилги Тошкент қўзғолони ҳақида маълумот берилган тарихий асарлар билан танишади. Отасининг ўтмиш хотираларини эшигади ва ёзиб олади. «*Қарийб ярим умрини хон замонларида яшаган, талай ўтмиш воқеаларининг шоҳиди бўлган отам менга қизиқ-қизиқ хотираларни гапириб берар эди. Бунинг устига ўша даврга оид анчагина тарихий китоб манбаларини ҳам ўқиб чиқкан эдим*¹», – деб эслайди кейинчалик А. Қодирий романнинг яратилиш тарихи хусусида сўз очиб.

А. Қодирий отасидан эшигтан ва ёзма манбаларда учратган воқеалар таъсирида яқин ўтмиш мавзууда тарихий роман ёзишга аҳд қиласи. Лекин бу ижодий ният бирданига амалга ошмайди. Гарчи «Ўтган кунлар» романини ёзиш фикри адибда 1919-1920 йилларда туғилган бўлса ҳам, ёзишга бирор кейинроқ киришган. Ёзувчи мавзуу танлаган, мавзуга тегишли материалларни ҳам ўрганган. Романнинг воқеаларини, образларини узоқ вақт ҳаёлида пишитган. Уни ифода

¹ «Эдебият ва сунгат» 1962., 21 ноябрь.

¹ «Шарқ юлдузи», 1965., 11 сон.

қилиш йўлларини излаган. Шундай бир пайт келиб қоладики, тасодифан учраб қолган бир кишининг ҳаёт йўли ёзувчи ўйлаб юрган ижодий ниятни қудратлантириб юборади. Роман учун туртки бўлган ўша воқеани адаб ўғли Ҳабибула Қодирийга куйидаги мазмунда гапириб берган: «Тарихий воқеалар бошимда шу қадар кўп, гўё қайнар, менга тинчлик бермас эди. Аммо бу воқеаларни қандай қилиб бир ипга тизишни, қофозга туширишни тасаввур қила олмас эдим. Бир кун отамни кўргани эшак миниб, шаҳардан бир чол меҳмон бўлиб чиқди. Меҳмонни мен танимадим. У отамнинг эски қадрдони экан. Меҳмон қилдик. Отам шу чоқларда юз ёшларда бўлиб, меҳмон эса ундан беш-үн ёш кичик кўринар эди. Улар сұхбат қиларкан, қулоқлари оғирлашиб қолгани учун бир-бирларининг сўзларини яхши эшита олмас эдилар. Шу сабабли менга улар ўртасида тилмоч бўлиб, чой қуйиб ўтиришга тўғри келди. Отам меҳмондан сўради: Андижондаги хотинингиздан неча болангиз бор? Уларнинг сұхбатидан мен шуни англадимки, бу меҳмон тошкентлик бўлиб, уй-жойли, бола-чақали киши экан. Аммо ёшлиқ чоғларида савдо важи билан Андижонга бориб қолиб, у ерда кўп йиллар истиқомат қилган. Андижондан ҳам уйланиб, бола-чақали бўлган ва кексайтач, ўз шахрига қайтиб келган экан. Меҳмоннинг ана шу соддагина тарихи менгачувалган ипнинг учини топиб берганлай, ёзмоқчи бўлганим «Ўтган кунлар» романининг шаклини чизиб бергандай бўлди»¹.

«Қисмат» романининг яратилиш тарихи, яъни ҳаётй материалдан бадиий ҳақиқат яратиши усули ҳам шунга ўхшаш. «Ўтган кунлар» Х. Деряев қалбига ижодий ният «уруги»ни ташлайди, бу «уруг» узоқ вақтлар ёзувчига тинчлик бермаган. Ёзмоқчи бўлган романининг воқеаларини, қаҳрамонларини узоқ вақтлар хәёлида сақлаб юрса ҳам тезда роман ёзишга кириша олмаган. Баъзан шундай ҳам бўладики, ерга ташланган уруғ тез униб, кўчатга айланса, баъзан узоқ вақтлар ер ва қўёшнинг тобини олади. Худди шунга ўхшаш ёзувчидаги ижодий ният уругининг униб чиқиши учун реал воқеа, ҳаёт материали керак эди.

¹ А. Қодирий. «Ўтган кунлар» романининг ёзилиш тарихидан. «Шарқ юлдузи», 1965., 11 сон.

Ёзувчи танлаган мавзусига тегишли ҳаётй фактларни излай бошлайди, кўнглига туғиб қўйган фоявий мақсадга мос келадиган инсонлар ҳаётини, тақдирини кузатиб юради. Кунларнинг бирида у худди шундай фояга хизмат қилиши мумкин бўлган бир ҳаёт фактига дуч келиб қолади. Тасодифан учраган бу аёлнинг ҳаёт йўли, аччиқ қисмати ёзувчидаги ижодий ниятнинг рўёбга чиқишига ёрдам беради. Ўша реал воқеани Х.Деряев ушбу сатрлар муаллифига куйидаги мазмунда гапириб берган эди: Ёзувчи кунларнинг бирида Марв шаҳаридаги шифохоналардан бирига бирор сабаб билан бориб қолади. У ерда оғир руҳий ҳолатда, юзини икки қўли билан бекитиб, бошини пастга эгиб ўтирган туркман аёлига кўзи тушади. Унинг қисматида бирор мусибатли воқеа рўй бергани ташки кўринишидан сезилиб турган. Бу аёл тақдирни ёзувчини жуда қизиқтиради. Ундан кўнгил сўраб, дардига шерик бўлгиси келади. Аёлнинг олдига боради ва сұхбатлашади. Аёл бошига тушган мусибат ҳақида сўзлаб беради. Унинг қизи оғир шароитдан кутулишнинг ўлимдан бошқа чорасини тополмасдан ўзини дараже ташлаган. Ҳозир шу шифохонада оғир аҳволда ётибди. Х.Деряев қизнинг онаси билан қиз ётган палатага киради. Қиз узун сочли, нозик юзли, жуда гўзал экан. Факат унинг рангиз чехрасида бошига тушган оғир фалокатнинг асорати сезилиб турган.¹ Ёзувчининг бизга ҳикоя қилиб берганига қараганда, ўша қиз кейинчалик «Қисмат»даги Узукжамол образига прототип бўлган.

Х. Деряев «Қисмат» сюжетига асос бўлган яна бир воқеани ўша учрашувимизда куйидагича сўзлаб бергани ҳамон эсимда: Марв қишлоқларидан бирида бир етим қиз яшаган. У ниҳоятда гўзал экан. Қизни турмушга чиқаришибди, лекин кўп ўтмай унинг эри вафот этади. Қиз эрининг уйидан қариндошларини киғайтиб келади. Яқинлари уни яна катта қалин эвазига бошқа бирорвга сотмоқчи бўлишади. Орада жанжал, даъво чиққач, бева аёлни муаммо ҳал бўлгунга қадар қишлоқ эшонининг уйига олиб бориб қўйишади. Аёл кўп ўтмай севган йигити билан тил биритириб эшоннинг уйидан қочади.

¹ 1970 йилнинг 26 майида Хидир Деряев билан Ашхабодда бўлган сұхбатимиздан. Сұхбат материалы муаллифда сақланмоқда.

МАВЗУ УМУМИЙЛИГИ, ТАСВИР ХИЛМА-ХИЛЛИГИ

Хар бир ёзувчи ижодининг ўзига хослигини аниқлашда киёсий таҳлил усули муҳим аҳамиятга эга. Чунки конкрет ёзувчининг бадиий маҳорати, ижодий индивидуалиги иккинчи бир ёзувчи билан солиширилганда намоён бўлади. Фикримизни «Ўтган кунлар» ва «Қисмат» романларининг киёсий таҳлили орқали исботлашга уриниб кўрамиз.

Бу икки романни таққослашдан олдин, адабий таъсирнинг бир жиҳатига тўхтамоқчимиз. Одатда, икки ёзувчи ижоди ёки бирор асари қиёслангандан ёки, умуман, таъсир хақида сўз очилса, кўпинча сюжет жиҳатидан ўхшаш асарлар солиширилади. Мазмунда яқинлик, урф-одатлар талқинида муштараклик, образларда ўхшашлик бўлса, бундай умумийликлар ўрганган, таъсирланган деб изоҳланади. Биз ҳам бундай шаклий ўхшашликларни бутунлай инкор қилмоқчи эмасмиз. Хар қандай бадиий асар билан танишиш, аввало, шаклдан бошланади. Шакл ўқувчини асар мазмуни билан танишириш қуроли. Ёзувчи ўқиган асарининг ўзида чукур таассурот қолдирган, қалбида ижодий ният уйғотган компонентларини шакл орқали идрок этади, ҳис қиласи. Ижодкорда муайян жанрда асар яратиш ғояси шу хилда турилади. Шундай экан, адабий таъсирни шаклий ўхшашликлардан ахтаришни, умуман, инкор қилмаган холда, уни фақат шаклий ўхшашликларга боғлаб қўйиш ҳам тўғри эмас. Бундай талқин таъсирланди деган ёзувчининг ижодий ўзига хослигини тан олмасликка, ҳатто адабий таъсир аспектида таҳлил қилинаётган асарнинг бадиий қимматини инкор этишга сабаб бўлиши мумкин.

Маълумки, турли даврларда адабиётларда мазмунан ўхшайдиган асарлар кўп яратилган. Мавзуси, сюжети, образлари, ҳатто композицион жиҳатдан ҳам бири иккинчиини эслатиб турадиган асарлар кўп. Бундай асарлар мумтоз адабиётларда ҳам оз эмас. Лекин уларнинг ҳаммасини таъсирга боғлаб қўйиш доимо тўғри бўлавермайди. Муайян ижодкор асари таъсирида яратилган деб хулоса чиқарилган хар қандай асар ҳам ўзига хос бадиий услугга, ўзига хос ифода усулига эга бўлади. Ўхшаш деб ҳисобланган асарларнинг милий-маҳаллий замини ҳам уларни ўзаро фарқлаб

Бу реал фактлар романнинг биринчи китобидаги Узукжамол тақдири билан боғлиқ воқеаларни эслатади. Қиз учун Мурод оға оиласи, арчин Мамад билан Бекмуродбойлар ўтрасидаги даъво-жанжаллар, Узукнинг вақтинча Сайдаҳмад эшоннинг ўйида сақланиши, бу ердан Берди билан Ашхабодга қочиб кетиши, роман охирида ўзини дарёга ташлаши эпизодини ёдга солади. Реал ҳаётнинг ўзидаги икки аёл тақдири муҳим ва қизиқарли бўлганилиги учун ҳам муаллиф уни асарга баъзи ўзгартишлар билан асос қилиб олган ва романнинг мураккаб ички сюжетига мослаштирган. Драматизмни кучайтириш учун бир қанча тўқима эпизодлар, образлар яратилган. Шифохонадаги қизнинг қисмати, бева жувоннинг бошига тушган кулфатлар ёзувчига «Қисмат» романнининг «шакдини чизиб берган», унинг сюжетини шакллантиришда ҳаётий материал бўлиб хизмат этган.

Х. Деряев ижодининг ўзига хос томонларидан бири ҳам шундаки, у реал воқеликка асосланади. Ёзувчи романда таъсирланган воқеаларни туркман ҳаётидан олади. Кўрган, кузатган турмуш ҳодисаларини бадиий умумлаштирган. Шу боисдан ҳам «Ўтган кунлар» билан «Қисмат» ҳаёт материални жиҳатидан бири иккинчисига ўхшамайди. Икки адаб ҳам ўzlари мансуб реал воқеликни ўзича идрок этиб, ўз гоявий ниятига мос келадиганини ўз халқи турмушидан танлаган ва ўзига хос талқин этган.

Х. Деряев ҳаётни кузатган, ўрганган, материал тўплаган. «Ўтган кунлар» таъсири ўрганилган материални бадиий асар шаклига солишиб истагини кучайтирган. Ёзувчининг кўнглида айланиб юрган ғояларни тошириб юборади. В.Г.Белинский бу жараённи образли шаклда кўйидагича ифодалаган эди: «Улуғ шоирнинг иккинчи шоирга таъсири у яратган поэзиянинг бошқа шоирда кўринишида эмас, балки унинг бошқа шоирда бўлган, лекин ҳаракатсиз ётган кучларни уйғотиши ва ҳаракатга келтиришиладир. Қуёш нури ерга тушиши билан қуёшдаги кучни ўзи билан олиб келмайди, балки ердаги кучни қўзғатади, ҳаракатта келтиради. Улуғ шоирларнинг таъсири ҳам худди мана шу қуёш нури сингари мавжуд, лекин ҳаракатсиз ётган кучларни ишга солиб юборадилар».¹

¹ В.Г.Белинский. Собр.соч. в трех томах, Том 3., М., 1947.
стр 334.

туради. Адабиёт пайдо бўлгандан бери ёзувчилар ижод қилиб келади. Лекин ҳақиқий талантлар ҳеч бир даврда ҳам бир-бирларини тақрорламаган. Ҳар бир ёзувчи ўз ижодий услугига эга бўлганидек, ҳар бир асар ҳам ўзига хос истеъод қирралари билан яратилади. Ҳаёт ҳақиқатини ҳар ёзувчи ҳар хил идрок этади, уни ўзига хос услугуб ва усусларда ифодалайди. Бадий асарларда тасвирланган ўхшаш воқеалар, ўхшаш фактлар орқасида ҳар бир ёзувчининг бошқаларга ўхшамайдиган ўз ижодий ёндашуви, ўхшаш воқеа ва факт орқали ҳаёт ҳақиқатини таҳдил этиш усули ётади. Тurmушда бўлиб ўтган бирор воқеа-ходисага ҳар бир ёзувчи ўзича муносабат билдиради, ўзига хос тафаккур мезони билан мавзуни ўзича ёритади ва зарур хulosса чиқаради. Бир мисол. Б. Кербобоевнинг «Дадил қадам» ва Х. Деряевнинг «Қисмат» романлари ғоявий-мазмун жиҳатидан бир-бирига жуда ўхшайди. Уларда бир давр, ўхшаш воқеа тасвирланган. Конфликтлари ҳам мазмунан яқин. «Дадил қадам» романининг бош қаҳрамони Ортиқ характер эътибори билан «Қисмат»даги бош образ Бердининг баъзи характер хусусиятларига ўхшаб кетади. Бироқ бу образлар талқинида ҳам фарқлар бор. «Дадил қадам»даги Ортиқ-камбағал. У Айна исмли қизни севади. Ота-онаси розилик бермагач, Айнани олиб қочади. «Қисмат» романидаги Бердин эса оддий чўпон. Камбағал Муроднинг қизи Узукжамолни севади. Бироқ уни олиб қочишни хаёлига ҳам келтирмайди. Айнанинг Ортиққа турмушга чиқишига қизнинг ота-онаси қарши, улар қизини катта қалин эвазига бойга узатмоқчи. «Қисмат»да бунинг акси. Узукжамолнинг Бердига турмушга чиқишига унинг ота-онаси рози, қизнинг кундошга айланиб, бойлар кўлида хўрланишини истамайди.

Кўраяпсизки, муҳаббат мавзусига икки романда икки хил ёндашилган. Бир хил мавзу икки хил ғоявий мақсадга хизмат этган, бири иккинчисини асло тақрорлаган эмас. Романлардаги бошқа қаҳрамонларнинг дунёқараси, характер хусусиятлари ҳам ўзаро фарқланади. Айна характерида, ҳаракатларида вазминлик, соддалик белгилари устувор бўлса, Узукжамол қиёфасида ҳаётнинг машаққатларида кўп эзилган, зулмга қарши чиқиш учун ўзида куч топа оладиган жасур қизни кўрамиз. Ортиқ билан Берди образлари тўғри-

сида ҳам шу фикрни айтиш мумкин. Романнинг дастлабки саҳифалариданоқ Ортиқ дунёқарасида адолатсизликка қарши нафрят аланга ола бошласа, Берди тузумнинг шафқатсиз зарбалари билан жиддий тўқнашгунга қадар суст ҳаракат қиласди. Ҳар икки ёзувчи ҳам камбағал халқ вакиллари (Ортиқ ва Берди)нинг озодлик, эркинлик учун курашда ижтимоий-сиёсий онгининг ўсиш жараёнини ўзига хос бадий услугда, ғоявий мақсадига мос тарзда тасвирлагани учун ҳам улар бир-биридан фарқ қиласди.

Ҳар бир халқнинг ўз миллий ахлоқи, анъаналари бор. Шу билан бирга умуминсоний ахлоқ нормалари ҳам бор. Масалан, ўтмишда ўзбеклар орасида хўжалар, қорачалар деган уруелар, тушунчалар бўлган. Улар ўртасида турли масалаларда келишмовчиликлар ҳам бўлиб турган. Хўжалар ўз мавқеини юқори ҳисоблаб қорачалардан қиз ҳам олмаган, қиз ҳам бермаган. Ёки бошқа бир мисол. Фарзанднинг ота-она олдидаги бурчи масаласи туркман халқида асрлардан асрларга ўтиб келаётган муқаддас анъана. Айтайлик, қизнинг турмушга чиқишида ёки йигитнинг уйланишида ота-она розилигини олиш шарт бўлган. Фарзанднинг бу урфодатга бўйсунмаслиги одобсизлик саналган. Қадимда хўжаларнинг қорачалардан қиз олмаслиги, қиз ҳам бермаслиги ёки қизнинг турмушга чиқишида, йигитнинг уйланишида ота-она розилиги билан ҳисоблашиб каби дастурлар фақат ўзбеклар ёки туркманлардагина эмас, бундай одатлар ўтмишда тожик, қозоқ, озарбайжон, қирғиз, қорақалпоқ ва бошқа миллатларда ҳам бўлган. Табиийки, бу одатлар ўша халқлар адабиётида ҳам у ёки бу шаклда ўзининг бадий ифодасини топади. Ёзувчилар бир-биридан хабарсиз шаклий ўхшаш асрлар яратишлари ҳам мумкин.

Бир ёзувчи асаридаги мавзу, сюжет, ғоявий ўхшашликларни иккинчи ёзувчи асарига қиёслаб, уларни таъсир кўриниши деб хulosса чиқаришга шошилмаслик керак. Аввало, таъсирланган ёзувчи ижодига реал воқеликнинг таъсири қандай бўлганлитини аниқлаш лозим. Бир даврда яшаган ёзувчи ёки шоирлар ижодида мавзу ўхшашлиги бўлиши табиий. Чунки бир шоир ёки ёзувчини илҳомлантирган, тулқинлантирган воқеа-ходиса иккинчи бир шоир ёки ёзувчига ҳам таъсир кўрсатиши, уни ҳам ҳаяжонлантириши мумкин. Ҳар бир ёзувчи ўша илҳом олган воқеаси ҳақида ўз

таланти, ҳаёт тажрибасидан келиб чиқиб асар ёзишга ҳаралат қиласи. Натижада миллий адабиётларда бир даврда, бир мавзуда бир-бирига ташқи жиҳатдан ўхшаш асарлар майдонга келадики, уларни адабий таъсир самараси деб ҳисоблаш түғри эмас. Масалан, Ойбекнинг «Кутлуғ қон» романы ҳаёт материали жиҳатидан Берди Кербобоевнинг «Дадил қадам» эпопеясига жуда ўхшайди. Йўлчи ва Ортиқ, Гулнор ва Айна образлари характер хусусиятлари билан бир-бирига жуда яқин. Лекин бу ўхшашлик икки ёзувчи бир-биридан таъсирланган дейишга асос бўлолмайди. Фикримизча, ўзбек ва туркман ҳалқи ҳаётининг яқинлиги, бир даврнинг тасвирланиши, бир метод асосида ижод қилиниши бу икки романни ўзаро яқин қилиб қўйган. Романлар реал ҳаёт талаби, адабий муҳит эҳтиёжи билан яратилган. Б.Кербобоевнинг «Небитдоғ», Беки Сайтақовнинг «Оға-инилар», Б.Султонниёзовнинг «Сумбар оқаяпти» романларини вараклаганимизда, беихтиёр А.Мухторнинг «Давр менинг тақдиримда», Ж.Шариповнинг «Хоразм», М.Исмоилийнинг «Фарғона тонг отгунча», Х.Фуломнинг «Машъал» романларидаги воқеаларни эслаймиз. Бундай яқинликни ҳам туркман-ўзбек ҳалқларининг ижтимоий-сиёсий ҳаётидаги ўхшашлик, умумийликлар, бир даврнинг қаламга олинishi билан изоҳлаш керак.

«Ўтган кунлар» билан «Қисмат» романларида тасвирланган воқеалар икки хил тарихий шароитда рўй беради. Ҳар бирида ҳаёт ўз шароитига мослаштирилиб ёритилган. Тарихий воқеаларни тасвир этишда ҳам романларда сюжет ўхшашлиги йўқ. «Ўтган кунлар» ўтмиш ҳақидаги тарихий роман. Ёзувчи XIX асрнинг биринчи ярмидаги ўзбек ҳалқи ҳаётини ифодалашни назарда тутган. Асарнинг бош гояси мозийда зулмат ва жаҳолат инсонларни, илғор фикрли кишиларни барча ҳуқуқлардан маҳрум қилиб, оғир мусибатларга дучор эттанини кўрсатишга қаратилган. Романда ўзбек ҳалқи ҳаётига таъзийқ ўтказган ижтимоий тартибларнинг баъзи ахлоқий нормаларнинг салбий оқибатлари муҳаббат мавзуси фонида қораланади. Муҳаббат «Ўтган кунлар» романининг етакчи мавзуларидан бири. Ёзувчи янги даврнинг Фарҳод-Шириналари, Тоҳиру Зухралари бўлган Отабек ва Кумушбиби муҳаббати тақдиди мисолида феодал жамиятда шахс эркининг поймол этилишини, инсоннинг

баҳг учун интилишарининг барбод бўлганини кўрсатишга алоҳида эътибор беради.

«Қисмат»нинг гоявий йўналиши «Ўтган кунлар»дан бир-мунча бошқача. Романга асос бўлган воқеа XIX аср ҳаёти эмас, XX асрнинг бошларидағи туркман ҳалқининг зулмга қарши курашидир. Бу курашда Узукжамол, Берди каби оддий ҳалқ вакилларининг ўзлигини англаш жараёнини кўрсатиш ёзувчининг диққат марказида бўлади. Агар «Ўтган кунлар»да Отабек ва Кумушнинг севги тарихи роман сюжетида етакчилек қилса, «Қисмат»даги Берди ва Узукжамол образларига тарихнинг катта ижтимоий-сиёсий масъулияти юкланган. Манфаатлари бир-бирларига зид табақалар ўргасидаги муросасиз кураш майдонида улар фаол ҳаракат қиласидар. Берди билан Узукжамол муҳаббати ҳам мана шу конфликт оловида чиниқиб боради. «Ўтган кунлар» романидаги конфликт бошқача характерга эга. Ҳар икки романдаги Отабек ва Берди, Кумушбиби ва Узукжамол характер эътибори билан бошқа-бошқа одамлар. Отабек ва Кумушбиби ҳаёт фақат «яхшилик» ва «ёмонлик»дан иборат деб ўйлайдилар. Берди ва Узукжамоллар ана шу «яхшилик» ва «ёмонлик» жамиятдаги ижтимоий тенгизликлда деб тушенадилар. Агар Отабек ва Кумушбиби кўп ҳолатларда ўз баҳтлари, муҳаббат тақдирлари учун қайғурсалар, Берди ва Узукжамол ўз баҳтларини оддий ҳалқ билан уйғунлиқда деб биладилар. Бу икки асарнинг яна бир такрорланмас ўзгачалиги шундаки, улар миллий заминда туғилган. Образлар чинакам миллий характер даражасига кўтарилган. Отабек ҳам, Кумуш ҳам, Берди билан Узукжамол ҳам миллий анъаналар муҳитида вояга етганлиги учун уларнинг дунёқаршида, ҳаракатларида ўз ҳалқи характерига хос белгилар мужассам бўлган. Фақат бош образлар талқинидагина эмас, романлардаги ҳар бир эпизодик образнинг онг ва дунёқаршида, воқеалар тасвирида ҳам миллий колорит руҳи сезилиб туради. Булар, шубҳасиз, романларнинг ўзига хос миллий жилолари ва катта ютуғи.

«Қисмат» романи «Ўтган кунлар»дан характер яратиш санъати жиҳатидан ҳам фарқ қиласи. Маълумки, Абдулла Кодирий Отабек ва Кумушбиби образларини статик ҳолда талқин этади. Ёзувчи Отабек характерини романнинг бошидан охирига қадар бир мөъёрда ушлаб туради. Асарнинг

ДРАМАТИЗМ ЯРАТИШДАГИ ЎЗИГА ХОСЛИК

«Ўтган кунлар» романида Абдулла Қодирий услугига хос бир хусусият бор. Адид воқеаларни кескинлаштириб, драматик тарзда тасвирлайди. Драматизмнинг кескин бўлиши бир жиҳатдан романга қамраб олинган тарихий воқеалар руҳидан келиб чиқади. Маълумки, «Ўтган кунлар»га тасвир объекти қилиб танланган давр Ўзбекистон тарихидаги энг мураккаб, турли табака ва гуруҳларнинг ҳокимият учун ўзаро низолари авжига чиқсан давр эди. А. Қодирийнинг асосий мақсадларидан бири, алғов-далғовли бу даврда авладдан-авлодга ўтиб келган, инсон ҳуқуқларини топтаган баъзи урф-одатларга норозилик билдириш эди. Бундай турмуш шароитини жиддий конфликтлар фонидагина ёритиш мумкин эканлигини тушунган ёзувчи ўз ижодий приёмини ишга солиб, воқеаларни кетма-кет кескинлаштириб бориши йўлини танлайди.

Романда воқеалар бирданига кескинлаштирилмайди, дастлаб унга замин ҳозирланади. Романнинг ilk бобларида муҳаббат ва оила масалалари ўртага қўйилади. Турли гурух кишиларининг бу масалага муносабати (Отабек, Ҳомид ва Раҳмат сухбати) баён этилади. Марғилонда Отабекнинг Кумушбибига уйланиши тасвири берилади. Кейинги бобларда бу масала тарихий воқеалар билан боғланади. Вазият ҳам бироз жиддийлаша боради. Отабек характерига хос олижонблик, ҳақиқат кучига ишонч каби хусусиятлар реал вазиятни кескинлаштириш орқали таъкидланади. Отабек турли шахслар билан тўқнашади, ҳар хил вазиятга тушади. Шу усул билан унинг ички дунёси очиб берилади. Ҳомиднинг ифвоси билан унинг икки марта қамоқقا олиниши, хон хузуридаги жасорати, тақдирни ҳал бўлаётганда ҳам душманни олдида эсанкирамасдан, тўғри сўзидан қайтмаслиги, ҳатто хон «жаллод» деб қичқирганда ҳам ўзини йўқотмасдан ўлимга тик боқиши, бошқа-да оғир вазиятларда ўзини тутиши эпизодларини эсланг. «Ўтган кунлар»да воқеалар драматизми бир лаҳза ҳам сусаймайди, тобора кучайиб бораверади. Бу эса романнинг таъсирчанлигини, қизиқиши билан ўқилишини таъминлаган омиллардан биридир. «Ўтган кунлар»ни ҳаяжонсиз, қаҳрамонлар тақдирига боғ-

дастлабки икки бобида Отабекнинг ким ва қандай ахлоқий хислатларга эга шахс эканлиги билан китобхон таништирилadi. Кейинги бобларда Отабек дунёқарашица бирор жiddий ўзгариш содир бўлгани сезилмайди. «Ўтган кунлар»нинг боши билан давоми ва айниқса, охири бир-бiriдан фақат шу жиҳатдан фарқ қиласиди, қаҳрамонларнинг ўкувчига маълум ички дунёси борган сари мушкуроқ ва фожиалироқ вазиятларда очила боради. Ёзувчи кўпинча воқеаларни драматик руҳда ривожлантириш усулини қўллади.

Х. Деряев «Қисмат» романидаги воқеаларни характерлар ривожи билан ўйғунликда тасвирлайди, бosh қаҳрамонларни ўсишда, динамикада талқин этади. Ёзувчи романнинг дастлабки боблариданоқ Берди ва Узукжамол характеридағи тадрижий ўсишларни, ўзлигини англаш ва озодлик учун курашчиларга айланиш жараёнларини босқичма-босқич кўрсатишга алоҳида эътибор беради. Камбағал Узукжамол билан оддий чўпон Берди онгига уйғониш, курашчига айланиш жараёни кескин тўқнашувлар майдонидаги кўрсатидалийдайди. Ёзувчи қаҳрамонларни ҳаётнинг мураккаб тўлқинларига ташлайди, турмуш қийинчиликлари оқимида кўрсатади ва шу усул билан улар характерининг чиниқишини бадий далиллайди.

«Ўтган кунлар» ва «Қисмат» романларининг қиёсий таҳлилидан шундай холосага келиш мумкини, икки ёзувчи ҳам мавзуни, материалини ўз халқи ҳаётидан танлаган. Романларда тасвирланган воқеалар давр ва ижтимоий-тарихий шароит нуқтаи назаридан бири иккинчисидан катта фарқ қиласиди. Ва бу факт «Ўтган кунлар» ва «Қисмат» романлари ташқи, сюжет жиҳатидан бир-бiriга ўхшамайди деб холоса чиқаришга асос беради. Бу икки роман, бизнингча, бадий услуб ва усувлар жиҳатидан ўзаро яқин. Х. Деряев реал воқеликни бадий ҳақиқатга айлантиришда «Ўтган кунлар» сюжетидан эмас, бадииятидан, А. Қодирийнинг ёзувчилик маҳоратидан таъсирланган. Яъни тасвир давомида қаҳрамонлар тақдиридаги драматик ҳолатларни кескинлаштириб бериш, жиддий конфликтлар яратиш, ҳаётнинг мураккаб, зиддиятли нуқталарини тасвирлашда, роман қаҳрамонлари қисматига ўкувчининг қизиқишини ортиришда «Ўтган кунлар»да А. Қодирий қўллаган баъзи адабий усулларга мурожаат этган.

ланмасдан, улар қисматига ҳамдard бўлмай ўқищ мумкин эмас.

«Қисмат» романни ҳам ўткир драматик руҳда ёзилган. Китобхонни ҳаяжонлантирадиган воқеалар асарнинг бошидан охиригача изчил давом этади. Романнинг конфликтини ҳам ўткир конфликт. «Қисмат»нинг тўрт китоби ҳам фожиавий саҳна асарини эслатади. Туркман хотин-қизларининг ўтмишдаги аччиқ қисмати ва ҳуқуқсизлигини кўрсатиш ёзувчининг бош мақсади. Асарда икки хил ҳаёт кўрсатилади. Берди, Узукжамол, Мурод, Ўрозсултон сингари камбағаллар ҳаёти бир кутбни ташкил этса, Бекмуродбой, Омонмурод, Субҳонхасис, арчин Мамад каби зўравонларнинг ҳаёт тарзи иккинчи қутб. Ёзувчи роман марказига туркман аёли тақдирини қўяр экан, шу асосда ўтмишдаги узукжамолларнинг босиб ўтган тарихий йўлини бадиий умумлаштиради.

Узукжамол камбағал бир оиланинг фарзанди. Чўпон Берди билан турмуш қуриш орзусида юрганида бойлар уни олиб қочади. Камбағал оила бошига тушган бу кулфатдан кейин романдаги воқеалар тасвири кескинлашади. Қизни Бекмуродбойлардан қайтариб олиш учун қишлоқ камбағаллари билан душманлар ўртасида судда бўлган тортишувлар, Узукжамолнинг Сайдаҳмад эшоннинг уйига келтирилиши, бу ердаги ифлос ҳаёт шароити, яна Бекмуродбойлар тузугига илиниш, кундош азоблари, Омонмуроднинг Узукка нисбатан ваҳшиёна муносабатлари, Берди ва Турдининг Бекмуродбойлардан ўч олиш йўлидаги ҳаракатлари тўқнашувларда, жиддий конфликтларда кўрсатилади. Икки ўртадаги бу кураш воқеаларнинг янада мураккаблашишига, зиддиятнинг янада зўрайишига замин яратади.

Бироқ реал воқеликни кескинлаштириб тасвирлашда «Қисмат» романни «Ўтган кунлар»дан бироз фарқ қиласи. А. Қодирий романнинг биринчи бўлимида реал вазиятни кескинлаштириш йўлидан боради ва қаҳрамон характеристидаги олижаноб хислатларни шу усул билан далиллайди. Ҳомид ифвоси билан Отабекнинг икки марта қамоққа олиниши, Қушбеги ва Мусулмонқул билан юзма-юз тўқнашуви, ўлим жазосига ҳукм қилингандаги вазиятни эслайлик. Романнинг иккинчи бўлимида муаллиф образ характеристини очишида бошқа усулни ишга солади. Реал вазиятни кескинлаштириш билан бирга қаҳрамоннинг ички дунёсидаги кол-

лизияни, руҳий драмани кўрсатишга ўтади. Отабек ўзи истамаган ҳолда иккинчи марта уйланади. Кумушбиби ҳам Отабекнинг иккинчи уйланишига иложсиз рози бўлди. Отабек муҳаббатини оға-она орзусига курбон қилганидан руҳан эзилади. Воқеа ривожланган сари Отабек қалбидаги руҳий дард кучая боради. Ёзувчи романда қаҳрамондаги бу психологик ҳолатни бир қатор чекка воситалар билан изоҳлайди. Қаҳрамоннинг Марғилон йўлидаги кайфиятига пейзаж контрасти, ер ҳайдаб юрган дехқон ашуласи, бошқа шахсларнинг қисмати билан қиёслаш (Уста Олим ҳикояси), куй-музика воситалари (бўзахонадаги «Наво», «Савт» куйлари) кабиларни кўз олдингизга келтиринг. Кумушбиби ҳам шунга яқин психологик дардга мубтало бўлади. Қизнинг муҳаббат курбони бўлаётганини ёзувчи психологик планда талқин этади. Кумушнинг Ҳомид юритган ифво хат туфайли чеккан изтироблари, Отабекнинг хиёнат қилишига гоҳ ишониши, гоҳ ишонмаслиги, бу зиддиятли кечинмалар туфайли руҳий эзилишлари китобхоннинг туйғуларини ҳам қўзгайди. А. Қодирий шундай усул билан образлардаги юксак ахлоқни, гўзал инсоний муҳаббатни, вафо ва саҳоқатни улуғлашга муваффақ бўлган ва китобхонни қаҳрамон тақдирига ром эта олган.

«Қисмат» романнада воқеалар драматизми, образлар характерини очиши усуллари сал бошқачароқ шаклда. Агар А. Қодирий Отабек ва Кумушбиилининг характер хусусиятларини очишида психологик талқинга кўпроқ аҳамият берган бўлса, Х. Деряев «Қисмат»да Берди ва Узукжамол характерини очиши учун жиддий конфликтлар яратиш усулини таънлайди. Ёзувчи қаҳрамонларни очиқ кураш майдонига олиб чиқади, драматик воқеалар туркумини яратиб, ўша юзма-юз тўқнашувларда уларни синаб кўради. Бойлар Узукжамолни олиб қочган. Қиз Бекмуродбой уйида. Бу хонадонда у яна бир даҳшатли қисматга дуч келади. Омонмуродга никоҳ ваколатини олиб бериш учун Узукни қийнайдилар. Ниятига етолмагач, Омонмурод қизни шафқатсиз калтаклайди. Сайдаҳмад эшон Узукнинг номусига тажовуз қиласи. Омонмуроднинг хотини Тожисултоннинг ҳақоратлари, тухматлари ҳаммасидан ошиб тушади. Узукжамолни Бекмуродбойлардан қайтариб олиш учун бўлган уринишлар, суддаги тортишув, қизнинг Берди билан Ашхабодга қочиши, у ердаги

тўқнашув ва яна таслим бўлиб бойлар тузогига илиниш, бу оғир қисматдан қутулишнинг ўлимдан бошқа чорасини то-
воқеалар тасвири ўта драматик ва ҳаяжонли. Агар А. Қоди-
рий «Ўтган кунлар»да образларнинг психологик фожиаси-
ев бу масалада характерлараро тўқнашувга, очиқ кураш тас-
вирига алоҳида эътибор беради.

Воқеаларни кескинлаштириб, драматизм яратишда Х. Де-
рязев услубига хос яна бир ўзига хослик бор. Ёзувчи воқеа-
ларга кўп аралашмайди, худди саҳна асаридагидек манфа-
атлари зид кучларни тўқнаштиради. Образлар характеристига
хос хислатлар ана шу олишувда очилади. Х. Деряев оддий
тасвиirlарда ҳам драматик руҳни сақлашга ҳаракат қиласи.
Бир мисол: «Кўниш бойбичанинг тўрт ўғли бор. Ҳар бири
камида иккитадан хотин олган. Кечкурун келинлар бу дар-
гоҳнинг энг эрка бойбичаси Кўниш кампирнинг атрофиди
гирди капалак. Бири чой қайнатиб келади, бири чойни куйиб
қайнонанага узатади, бири қайнонанинг пешонаси терлагани-
ни кўрса, тоза рўмолча беради. Кўнишбойбича уларнинг
бирортасини сўймай қолса-ю, ўғилларига ёмонласа, уша
келин учун қора кунлар бошланади. Шунинг учун келин-
лар ундан балодан кўрқандай кўрқишиди»¹.

Нихоятда ихчам тасвир. Шу қисқа тасвир орқали ҳам
муаллиф Бекмуродбойларга ўшаганлар хонадони ўтмишда
аёллар учун зулм ва зўравонлик ўчиги эканлигини бадий
далиллай олган.

Хуллас, «Ўтган кунлар» романида А. Қодирий услубига
хос ижодий приём – воқеаларни кескинлаштириб тасвиirlash, драматизм «Қисмат» романида ўзига хос шаклда, ўзи-
га хос ижодий принципда кўлланилади. Муҳими, асардаги
ҳамма драматик воқеалар у ёки бу образнинг бирор янги
кирасини ёритишга, қаҳрамон ҳақида китобхоннинг та-
саввурини кенгайтиришга қаратилган. Бундай ёндашув ва
талқин Х. Деряевнинг мавзуни ёритишдаги ижодий инди-
видуаллигининг бир кўринишидир.

¹ Х. Деряев. Қисмат. Биринчи китоб. Тошкент., F. Ғулом
номидаги Адабиёт ва санъат нашриёти, 1967., 151-бет.
(Туркманчадан Нуримикъул Қодиров таржимаси)

СИРЛИ ТАСВИРЛАР, ҲАЯЖОНЛИ ВОҚЕАЛАР

Ҳар қандай шеърий, насрой ёки драматик асарда воқеа-
ни таъсирили, қизиқарли қилиб тасвиirlash бадиийликнинг
муҳим талабларидан бири. Ёзувчи ўзидағи қалб гўзаллиги-
ни, эҳтирос тўлқинларини асарига кўчира олсагина китоб-
хон юрагига йўл топади. Акс ҳолда атоқли ёзувчи Абдулла
Қаҳҳор ёзганидек: «Ҳис қилинмай ёзилган асар қоғоздан ясал-
ган гулга ўхшаб», ўқувчига ҳеч қандай бадиий-эстетик завқ
беролмайди.

Абдулла Қодирий романларининг китобхонлар ўртасида
шухрат қозонишининг бир сабаби шундаки, улар мукаммал
бадиий шаклда ёзилган ва ҳаяжон билан ўқилади, китоб-
хонга бекиёс эстетик завқ беради. «Ўтган кунлар» романни
бу масалада юксак довонни забт этган нодир роман. Ро-
маннинг бадиияти китобхонни ром этади. Воқеалар риво-
жидаги гоҳ оддий тасвир, гоҳ драматик кескинлик, кутил-
маганда воқеалар оқимида рўй берадиган ўзгариш ва бури-
лишлар, кўп тармоқли сюжет чизиқлари, чиндан ҳам, булар
романнинг қизиқарли ва таъсирили бўлишида муҳим роль
ўйнаган бадиий компонентлардир. Тасвиirlash воқеанинг бир
томонини ёки қаҳрамонни ўқувчидан сир тутиш, воқеалар-
ни кескин бурилишларда, кутилмаган шароитларда кўрса-
тиш «Ўтган кунлар»да А. Қодирий услубига хос хусусиятки,
бу усул романнинг таъсирили ва ўқимишли чиқишини таъ-
минлаган.

«Қисмат» романида мазкур ижодий приёмнинг излари-
ни кузатдик ва Х. Деряев романни ёзиш жараёнida бу ижодий
усула мурожаат этган деган холосага келдик. Фикри-
миз исботига мисоллар келтирамиз. Майлумки, «Ўтган кун-
лар» романида «сир» сақлаш приёми алоҳида ўринни
эгаллайди¹. Бу усул китобхонни роман воқеаларига, қаҳра-
монлар тақдирига қизиқтиришда муҳим бадиий восита
бўлган. Мана, романнинг илк боблари. Отабек ошиқ. Ле-
кин у кимга, қачон ошиқ бўлган? Бу ўқувчига номаълум.
Китобхон эса Отабек қалбига муҳаббат учкунини ташлаган
ӯша сирли қаҳрамонни тезроқ билгиси келади. Кумушби-

¹ М. Қўшжонов. Абдулла Қодирийнинг тасвиirlash санъати.
Тошкент, «Фан», 1966., 8-15 бетлар.

бининг ҳам кимгадир ишқи тушган. Ёзувчи унинг кимга ошиқ бўлгани ҳақидаги сирни очмайди. Фақат унинг портигини чизицда қизда пайдо бўлган сирли психологик ўзгаришларга «*тун ҳам ишлайди, кун ҳам, сабабини сўраса жавоб мадандир чўнчиган, нимадандир уялган*» каби руҳий ҳолатига алоҳида ургу бериш билан чекланади.

«Кисмат» романида бу приём ўзига хос бир шаклда қўлланилган. Х. Деряев ҳам бу усулдан ўкувчини воқеага, қаҳрамон тақдирига қизиқтириш воситаси сифатида фойдаланган. Лекин «Кисмат»даги бу ижодий приём «Ўтган кунлар» романидаги сир сақлаш усулидан бироз фарқ қиласди. «Ўтган кунлар» романи бир жилдли асар, «Кисмат»га нисбатан композиция жиҳатидан ихчам асар. «Кисмат» кўп жилдлик роман, композиция жиҳатидан кўп планли асар. «Ўтган кунлар» романида сир сақлаш приёми алоҳида эпизодларда, алоҳида деталларла ишлатилади. «Кисмат»да эса бу адабий усул асосан воқеаларни, қаҳрамонларни китобдан китобга кўчириш пайтида, мураккаб сюжет чизиқлари яратиша қўлланилади. Мисолларга мурожаат этайлик. Берди Узукжамол билан Сайдаҳмад эшоннинг уйидан Ашхабодга қочади. Бундан хабар топган Бекмуродбой қизни қайтариб олиш учун ўз йигитлари ва отлиқ полициячиларни Бердилар яшаб турган уйга бошлаб боради. Қаттиқ тўқнашувдан кейин Берди ва бир неча қишлоқ йигитлари қамоқхонага олиб кетилади. Берди қамоқхонада. Бекмуродбой қамоқхона назоратчисига катта пора бериб Бердини энг хатарли маҳбуслар орасига ташлатган. У умрбод каторга бўлиши ёки отилиши керак. Вазият шундан дарак бериб туради. Ёзувчи қаҳрамонни ўкувчини ҳаяжонга соладиган қалтис шароитта олиб бориб қўяди-да, навбатдаги воқеалар тафсилотига ўтади. Узукжамол тақдири билан боғлиқ кўпгина воқеалар тасвири берилади.

Ёзувчи романнинг биринчи китобини якунлар экан, иккинчи қаҳрамон Узукжамол тақдирига ҳам ўкувчини «шерик» қилиш мақсадида бир мураккаб сюжет чизиги яратади. Бекмуродбайнинг онаси Қўнишибойбича ўғли Чорининг ўлимига Узукжамол сабабчи деб уни ҳар куни таъқиб қиласди. Омонмурод қизни калтаклайди. Узукжамол Омонмурод хонадонида бир дақиқа ҳам қолишни истамайди.

Ўлимдан бошқа најот тополмай ярим кечада Мурғоб дарёси кирғогига келади ва ўзини дарёга ташлайди. Ёзувчи қаҳрамонларининг тақдирини шу хилда сирли ҳолатда якунлайди: бирини Ашхабод қамоқхонасига «ташлайди», иккинчиини Мурғоб дарёсига «чўқтиради». Романнинг биринчи китоби шу жумбоқ билан тугайди. Улар бу оғир вазиятдан кутула оладиларми, йўқми китобхонга қоронги. Бу усул биринчи китоб билан иккинчи китоб ўргасида мантиқий бирликни таъминлашда «кўприк» вазифасини ўтаган.

Романнинг иккинчи китобида воқеалар мантиқан давом эттирилади. Биринчи китобда қаҳрамонларнинг очилмай қолган сирли тақдири иккинчи китобда очилади. Ёзувчи иккинчи китоб билан учинчи китобни боғлашда ҳам бу усулдан фойдаланади. Иккинчи китобнинг охирги боби Узукжамол қисматининг сирли ҳолатда қолиши билан якунланади. Бекмуродбой ва Омонмурод қиздан ўч олиш, уни ўлдириш пайига тушади. Ярим тунда Узукжамол ётган хонага бостириб кирадилар. Қулица ханжари билан қизга ташланадилар. Тўс-тўполон, ур-йиқит бошланади. Воқеа шу билан тамом. Бу ерда ҳам ўша усул. Қаҳрамон тақдири но маълум. У душманлар қулида ўлган бўлиши ҳам мумкин. Бирор фавқулодда сабаб билан тирик қолган бўлиши ҳам эҳтимол. Бундай вазиятда баъзан Узукжамолнинг омон қолишидан кўра унинг ўлиб кетиши ҳақиқатга яқинроқдек ту юлади. Лекин роман давом қиласди. Демак, Узукжамол тақдири ҳали тўла ҳал бўлмаган. Унинг қисмати билан боғлиқ воқеалар учинчи китобда яна тасвирланади.

Х.Деряев худди шу усулни учинчи китобдан тўртинчи китобга ўтишда ҳам ишлатади. Узук ярим кечада Омонмуроднинг уйидан қочиб чиқади ва шаҳарга йўл олади. Тақдир тўфони Узукни тасодифан Черкез эшоннинг уйига олиб боради. Қиз яна тузоққа илинганини билиб қийналади. Черкез бир вақтлар унга ошиқ бўлган, уйланмоқчи бўлиб кўп ҳаракатлар ҳам қилган, лекин нияти амалга ошмаган эди. Энди қиз ўз оёғи билан уйига келди. Бу гал ҳам у ўша ниятини қизга яна эслатади. Узук Омонмуроддан талоқ хати бўлмагунча никоҳга розилик бермаслигини айтгач, Черкез қишлоққа жўнайди. Қайтиб келса уйда Узук йўқ. Романнинг қарийб ярмига борганда, китобхон қаҳрамонни «йўқотиб» қўяди. Ёзувчи романнинг охирги бобига

қадар унинг тақдирини ўқувчидан сир сақлайди, бирор жойда у ҳақда маълумот бермайди. Бу орада ёзувчи романнинг чизиқларини ривожлантиради. Шундан кейингина муаллиф ўқувчини «йўқолган» қаҳрамон билан яна учраштиради. Воқеа мана бундай бўлади: кунларнинг бирида бир рус шаҳар бозорига чиройли тўқилган гилам солади. Гилам харидорларнинг диққатини жалб этади. Ҳамма гилам атробиға тўпланишади. Гиламнинг қаердан олингани, ким тўкингани билан қизиқсинадилар. Тўплангандар орасида Субхон хасис билан Омонмурод ҳам пайдо бўлиб қолади. Субхон хасис гиламни танийди. Омонмуродга: бу гиламни Узук тўқиган, ўшандан бошқа бундай чиройли гилам тўқий олмайди, у тўқиган гиламдан тўрттаси ҳозир ҳам менинг ўйимда бор, шу гиламга ўхшайди. Гиламни Узук тўқиганига сира шубҳа қилма! Шу аёлни қўлдан чиқармасанг, Узукни топасан, дейди. Омонмурод аёлга: бу гилам менини, яқинда ўғирлатган эдим, бу хотин менинг гиламимни ўғирлабди, деб бозорда шовқин кўтариб, рус аёлига тухмат қилади, уни милицияга судрай бошлайди. Аёл ҳақиқатни айтишдан кўрқиб, унга эргашади. Милицияда Омонмурод Субхон хасисни гувоҳликка қўйиб, гилам менини деб туриб олади. Милиция ходими рус аёлни ҳар қанча қистамасин, у гиламни қаердан олганини айтмайди. Иш ревкомгача бориб этади. Омонмурод билан Субхон хасис аёлнинг орқасидан соядек эргашади, ҳар қадамини кузатиб боради. Рус аёл ревком раисига бор ҳақиқатни айтади. Маълум бўладики, Узукжамол Черкезнинг уйидан қочиб кетгач, шу рус аёлнинг уйидан паноҳ топган. Бу рус аёл унга фамхўрлик қилиб, ўқиш, ёзишини ўргатган. Бу уйда Узук гилам тўқиши билан ҳам машғул бўлган. Узук тўқиган гиламни эса рус аёл бозорга олиб чиқкан.

Тўғри, бу ерда рус аёлнинг Узук тўқиган гиламни бозорга олиб бориши, худди шу куни Омонмурод билан Субхон хасиснинг бозорга келиши, айнан шу гиламга, худди шу рус аёлга дуч келиши бироз тасодифийдек туюлади. Лекин ёзувчи ўз маҳорати билан китобхонни бу воқеага ишонтира олган. Ёзувчи сир сақлаш усулига ниҳоятда содик. У Узукни ревкомга келтириб, борлигини айтиб ўтиш билан қаноатланмайди, роман воқеаларини давом эттириш

мақсадида унинг тақдирини бошқа томонга буриб юборади. Узук топилди. Лекин кутимаганды қиз қисмати билан боғлиқ яна бир сирли фожиа рўй беради. Шу жумбоқ билан ҳам роман якунланади. Ёзувчи романнинг ҳар бир китобини якунлашдан олдин воқсалар, характерлар мантиқидан келиб чиқиб, образлар тақдиди билан боғлиқ чигал сюжет чизиги яратади-да, асарни мураккаб драматик воқеа билан тутатади. Тасвир давомида воқеани ёки образни сир тутиш ва шу орқали ўқувчини унинг тақдирига қизиқтириш роман ўрталарида ҳам, маълум бир воқеага боғланган ҳолда ҳам кўлланилган.

«Ўтган кунлар» романнида А.Қодирий кўллаган «сир» сақлаш усулини туркман ёзувчиси «Қисмат»да ўзига хос услуга усулларда маҳорат билан фойдаланган. Бу ижодий приём ёзувчига романнинг тўрт китоби ўртасида мантиқий уйгунликни таъминлашига ёрдам берганидек, катта гоявий-бадиий масалаларни ҳал этинида ҳам қўл келган. Баъзан бундай сирли воқеалар, сирли қаҳрамонлар роман финалига таъсир этиб, мураккаб тугунларни ечишида восита бўлган.

«Ўтган кунлар» романнида А.Қодирий услугуга доир яна бир ўзига хослик, бу ёзувчининг воқеаларни кескин бурилишларда тасвирилашидир. Муаллиф баъзан фавқулодда китобхонни ҳаяжонга соладиган, кутимаган қалтис вазиятлар яратади. Гоҳида эса оддий эпик тасвирига ўтиб, китобхонни ҳам «тинчлантиради». Бир мисол. Отабек Марғilonлик Мирзакарим кутидорнинг қизи Кумушбибига ўйланади. Ҳомид Отабекни Кўқон хонига қарши қилиб кўрсатадиган тухмат уюштиради. Кўқон хони Отабек ва Мирзакарим кутидорни дорга осишга ҳукм этади. Бундай дақиқаларда китобхон жуда ҳаяжонланади, вазият оқибатини сабрсизлик билан кутади. Бироқ бирданига кутимаган ҳолат юз беради. Отабек билан Мирзакарим кутидор ўлимдан омон қоладилар. Уларни бу фожиадан омон сақлаб қолган нарса Юсуфбек ҳожининг Азизбекни қоралаб Марғilonда савдо ишлари билан юрган Отабекка ёзган мактуби бўлиб чиқади. Ҳукм ижро этилиш дақиқаларида Кумушбиби шу мактубни қушбегига келтириб беради.

Ҳомид фаразли ишини давом эттиради. Энди у Отабек ва уни озод қилган Ўтаббой қушбеги устидан ифво уюштиради. Отабекнинг ҳаёти яна хавф остида. Бу галги вазият

ва муҳаббат масалалари сұхбат мавзусига айланади. Түрли гурух кишиларининг бу ҳақдаги қарашлари баён этилади. Отабек, Раҳмат ва Ҳомид оила ва муҳаббат юзасидан фикрлашмоқдалар:

Менимча, уйланишдек нозик бир иш дунёда йўқдир, – деди Раҳмат ва Отабекка юз ўғирди. – Уйланган хотининг таъбингга мувофиқ келса, бу жуда яхши, йўқса мунчалик оғир гап дунёда бўлмас!

Отабек Раҳматнинг бу сўзини самимият билан қаршилади:

– Сўзингизнинг тўғрилигига шубҳа йўқ, – деди, – аммо шуни ҳам қўшмоқ керакки, оладиган хотинингиз сизга мувофиқ бўлиши баробарида эр ҳам хотинга мувофиқ таъб (муносиб) бўлсин.

Отабек турмушда, шахсий ва оиласи ҳаётда ҳам эркин, ўз даврига нисбатан илғор фикрли шахс. У ўша замон руҳига зид қарашларни олга сураяпти. Азалдан одат бўлган хотин-қизларни камситиши, истаклари билан ҳисоблашмасликка қарши эркин муҳаббатни ҳимоя қилмоқда. Лекин Отабекнинг бу фикри дарҳол феодал муҳити вакиларининг қаршилигига учрайди. Ҳомид Отабекка қарши чиқади:

Хотинга мувофиқ бўлиш ва бўлмасликнинг унча кераги йўқ. Хотинларга «эр» деган исмнинг ўзи кифоя. Аммо, хотин деган эрга мувофиқ бўлса бас. Хотининг кўнглингта мувофиқ келмас экан, мувофигини олиб, хотинни иккى қил. Буниси ҳам келишмаса учинчисини ол! Қамчингдан қон томса, юзта хотин билан ҳам роҳатланиб тириклик қиз оласан. Мен бу кунгача икки хотин ўртасида туриб жанжалга тўйганимча йўқ, аммо хотинни учта қилишга ҳам ўйим йўқ эмас!

Ҳомиднинг муҳаббат ва оиласи муносабати, қарashi шу? Бу икки шахснинг кейинги ҳаракат доираси бошқа масалаларда бир-бирига зид икки хил дунёқараш асосида кенгайиб, кескинлашиб боради. Романинг биринчи бобларнда ўртага кўйилган оила ва муҳаббат масалалари иккинчи бобдан бошлаб ҳаётнинг ижтимоий муаммолари билан боғланиб кетади. Кўкон ва Тошкент хоғиллари ўртасилаги низолар, таҳт учун бўлган урушлар билан қўшиб тасвиrlанади. Бу ижтимоий-тарихий муҳит Отабек ва Кумушнинг оиласи бахтига чанг солиши табиий эди. Ота-она орзуси

уларнинг эркин муҳаббат ҳақидаги армонларини саробга айлантиради, мурод-мақсадларига ета олмай, фожиага учрайдилар. Ёзувчи бу фожианинг илдизларини чуқурроқ ёритиши, қаҳрамонлар бошига тушган кулфатларни бадиий далиллаш учун бир қатор воқеалар тизмасини яратади. Отабек ота-она розилигисиз, уларнинг орзу-ҳаваси билан ҳисоблашмасдан севган қизига уйланади. Бу уйланишга ўзбек ойим тамоман қарши. У ўғлини Тошкентдан уйлантироқчи эди. Лекин ҳали ҳам у ниятидан қайтмайди. Отабекнинг кўнглини марғилонлик келиндан совутиб, Тошкентдан уйлантириш учун барча имкониятини ишга солади. Энди Отабек муҳаббатининг тақдиди ота-она орзуси ихтиёрига ўтади. Отабек ўзбек халқининг асрый миллий урф-одатлари билан ҳисоблашмасликка ҳаққи йўқ эди. Отана олдидаги фарзандлик бурчини адо этиши, иккинчи марта уйланиши шарт эди.

Кундош тўғрисидаги хабар Кумушбибини ҳам оғир руҳий кайфиятга солади. Ҳар қанча қийналмасин, ота-онаси-нинг ихтиёри билан ҳисоблашишга мажбур бўлади. Отабекнинг иккинчи уйланишига розилик беради. Ҳомид Отабек номидан соҳта «талоқ хати» ўюштириб, Кумушбибига руҳий зарба беради. Шундай хиёнатномалари билан Отабекни ҳам қийнайди. Ҳомид мактубларини ҳақиқат деб тушунган Мирзакарим қутидор зўр энтикиш ва қувонч билан Маргилонга келган кўёви Отабекни уйидан ҳайдайди. Ҳомиднинг қабиҳ ҳатти-ҳаракатлари туфайли Кумушбиби ҳам, Отабек ҳам руҳий қийналади.

Роман охирлаб борган сари китобхон қаҳрамонлар тақдирида жиддий бурилиш ясайдиган воқеалар тасвири билан танишиб боради. Кумуш Зайнаб билан рӯпара келгач, ундаги рашк ўти алангалана бошлайди. Кумуш гўзал қиёфаси, муомиласи билан бутун оила аъзоларини ўзига ром этиб олади. Ўзбек ойим ҳам батамом Кумуш томонга ўтиб кетгач, Зайнаб ўзини Юсуфбек ҳожилар хонадонида ортиқчадай сезади. Энг даҳшатли қотилликка қўл уради. Кумушни заҳарлайди. Бу фожиа Отабекка катта маънавий зарба бўлади. Авваллари ўлим билан юзма-юз келганда ҳам ўзини йўқотмаган Отабек бу мусибат қаршисида ожизлик қилади. Муҳаббатсиз ҳаёт унинг учун маъносиз бир нарсага айланади ва у Чор Россияси билан бўлган урушга кетиб, жангда

ҳалок бўлади. Отабек ва Кумушбиби муҳаббатининг тақдири шу хилдаги фожиа билан тугайди. Ёзувчи бу фожиа сабабини ҳам изоҳлайди. Эркин муҳаббатга тўсқинлик қилган ҳукмрон тартиблар, оиласа устувор саналган баязи эски навий куч сифатида қораланади. Шу асосда янги замоннинг қадрига стиш foяси илгари сурилади.

«Қисмат» романида муҳаббат ва инсон тақдирининг талқини бироз бошқачароқ. Агар А. Қодирий «Ўтган кунлар» романи марказига оила ва муҳаббат мавзусини қўйган бўлса, Х. Деряев роман асосига туркман аёлининг тарихий ва ижтимоий тақдирини қўяди. Агар А. Қодирий ўз даврининг Тоҳир-Зухралари, Фарҳод-Шириналари бўлмиш Отабек ва Кумушбиби муҳаббати мисолида феодал жамият ва шахс зиддияти масалаларини биринчи планга олиб чиққан бўлса, Х. Деряев ўтмишда оддий туркман аёли бошига тушган күлфатларнинг ижтимоий илдизини кенгроқ ёритишни назарда тутади.

Х. Деряевнинг бу мавзуга алоҳида ургу қилиши бежиз эмас. Ўтмишда туркман хотин-қизларининг ҳаёти ачинарли эди. Ёзувчи туркман аёлларининг ўз озодликлари учун олиб борган курашлар тарихини бой ҳаёт материаллари асосида, Узук образи мисолида кенг ёритади. Бу мавзу романнинг биринчи боблариданоқ қаламга олинади. Узукнинг муҳаббати, орзу-ҳаваси топталади. Бойлар уни олиб қочади. Ёзувчи Узук образига хос характер хусусиятларини кундошлар билан бўлган тўқнашувда очиб боради. Душманлар билан ҳар бир тўқнашув Узук тақдирида ўз изларини қолдиради. Никоҳ маросими. Омонмуроднинг катта хотини Тожисултон Узукни кўриб қутура бошлайди, аёвсиз тепкилайди. Калтак зарбидан қиз хушидан кетади. Кундош билан биринчи учрашув Узук қисматида шундай мусибат билан тугайди. Бундай даҳшатли ҳаракатлар кўп маротаба тақрорланади. Турди Оллоқулини Бекмуродбойдан айнитиб, ўзига ҳамроҳ қилиб олган. Натижада Бекмуродбой отидан, милтиғидан ажralиб қолади. Бу омадсизлик Кўнишбойбичага яра устига туз сепгандай таъсир этади. Ҳаммасига Узук сабабчи деб, аламини ундан олади. Бекмуродбойлар хонадонида Узукка кун бермайдиган кундоши Тожисултон. Узукни бадном қилиш ўйлига ўтади. Сайдаҳмад эшондан

«дуо» ёздириб олиб, Узук ухлаганда бошига тақиб қўяди. Пайт пойлаб Омонмуродга; пуштингни куйдирадиган тумор бу, деб кўрсатади. Омонмурод Узукни шафқатсиз калтаклади.

Кундошлар ўргасидаги муносабатлар, можаролар «Ўтган кунлар» романида ҳам тасвиirlанган. Лекин ундағи муносабатлар талқини «Қисмат»дагидан бошқача характерда. Бу фарқлар, аввало, образларнинг индивидуал хусусиятлари билан боғлиқ. «Ўтган кунлар»даги Зайнаб оғир табиат, камгап, содда бир қиз. Рашк ўтига берилган пайтларда ҳам вазиятта қараб дарров хулоса чиқарадиган, ўша вазиятга мос бирор тадбир, чора кўриш учун шошиладиган аёл эмас. У кундошлиқ дардини қанчалик оғир бўлмасин, ичига ютиб, пинҳон сақлайди. Ҳатто Кумуш билан юзма-юз келганда ҳам кундошига рашкини сездирмасликка ҳаракат қилади. У Кумуш билан айрим масалаларда тортишиб қолса-да, очик ҳужумга ўтолмайди. Шу хислатлари билан Зайнаб «Қисмат»даги Тожисултоннинг акси. Тожисултон шаддол, ҳийлагар аёл. У истагига қарши келган ҳар қандай одам билан очик-часига тўқнаша олади. Ҳатто у эрини ҳам ҳақорат қилишдан тоймайдиган тип. Ҳудди шундай фарқлар Отабек ва Омонмуродда ҳам бор. Отабек мулоҳазали, муҳаббатни қадрлайдиган шахс. У Зайнабнинг Кумушга очик ҳужум қилишига йўл қўймайди. Омонмурод инсонийликдан маҳрум, муҳаббатни таҳқирлайдиган бир кимса. Шу боисдан ҳам хотини Тожисултоннинг Узукжамолга нисбатан ваҳшиёна муносабатларига қаршилик кўрсатмайди. Романда Узук дунёқарашида жиддий бурилиш содир этган яна бир эпизод бор. Тақдир Узукни Сайдаҳмад эшоннинг уйига келтиради. Фисқу фасод уяси бўлган бу хонаонда уни яна бир аччик қисмат кутиб турган эди. Ҳаюл, вижданли диндор деб эътиқод қўйиб юрган одами — Сайдаҳмад эшон унинг номусини тошташга уринади. Бу етмагандек, эшоннинг ўели Черкез қўшмачи Энакути ёрдамида Узукни Қўлга олиш учун кўп ҳийла ишлатади.

Энакутининг характер хусусияти, ҳаракатлари «Ўтган кунлар»даги ёсумон Жаннат кампирни эслатади. Ҳомил Отабек билан Кумушнинг муҳаббатига раҳна солища, оиласини бузишда айёр Жаннатдан фойдаланади. Жаннат ҳийла ишлатиб, Кумушбиби ва Отабекка руҳий зарбалар беради,

пул учун пасткашлик қиласи. Энакутининг ҳаракатлари, кўшмачилиги Жаннат кампирга ўхшаб кетади. Энакути ҳам шахсий манфаат деб ёсумонлик қиласи. Узукка ўзини «холис» хизматкор қилиб кўрсатиб, уни алдайди. Ярим тунда «сени четки ҳужрада севган йигитинг кутиб турибди», деб алдаб чиқарип Черкезга рўпара қиласи, бунинг эвазига Черкездан пул ундиради. Жаннат кампир билан кўшмачи Энакути образлари ўртасидаги бу ўхшашик тасодифий эмас. Х.Деряев билан бўлган бир суҳбатимизда Энакути образини яратишида «Ўтган кунлар» романидаги Жаннат кампир образидан улги олганлигини, унинг бъзи ҳаракатларини Энакутига кўчирганини айтган эди. Энакути китобхонга Жаннат кампирни ҳар қанча эслатмасин, бари бир у романда оригинал тип сифатида ўз ўрнига эга. Х.Деряев Жаннат образини такрорлаган эмас. Энакути чинакам миллий характер сифатида талқин этилган романдаги унтуилмас образлардан бири.

Агар А.Қодирий Отабек ва Кумушнинг муҳаббати билан боғлиқ муаммоларни кўпроқ психологик планда ёритса, Х.Деряев Берди ва Узукнинг муҳаббатдаги омадсизлигини жиддий конфликтларда, очиқ курашда кўрсатади.

«Қисмат» романида муҳаббат мавзусига доир масалалар ижтимоий-сиёсий воқеалар билан уйғунашиб кетади. Муаммонинг ижтимоий илдизлари теранроқ очилади. Берди ва Узук муҳаббатига тўқсунлик қилган куч адолатсиз тузум деган ғоя романнинг маъно-моҳиятига сингдирилган.

Отабек ва Кумушбиби орзуларига эришолмади, муҳаббати қурбон бўлди. Бу билан ёзувчи эски жамиятда эркин муҳаббат қарор топиши мумкин эмаслигини бир қатор ҳаёт фактлари асосида далиллайди ва муҳим холоса чиқаради. «Қисмат»да Берди ва Узук муҳаббатининг талқини тамоман бошқа. Қаҳрамонлар ўз тақдирларини ўзлари яратиш, озодликка эришиш учун фаол кураш олиб борадилар ва ўзлари орзу қилган мақсадга етадилар. Ҳар икки романда тасвиirlанган воқеалар реал, ҳаққоний ва далилланган. «Ўтган кунлар»даги Отабек ва Кумуш тақдирининг аянчили якунланиши ўша замон руҳига мос ва давр нуқтаи назаридан типик бўлганидек, «Қисмат»да тасвиirlанган Берди ва Узук тақдирларининг бехатар ҳал бўлиши ҳам тас-

вир обьекти бўлган давр руҳига мос ва типик эди. Икки ёзувчи бу ҳаёт ҳақиқатини ўзларича идрок этганлар, ўзига хос маҳорат билан тасвиirlаб, асосли мантиқий хulosса чиқарганлар.

«Ўтган кунлар» ва «Қисмат» романлари узоқ ва яқин ўтмиш тарихини бадиий талқин этиш жиҳатидан ҳам ўзаро фарқ қиласи. А.Қодирий «Ўтган кунлар»га узоқ мозий картинасини танлаганди. Аслида ёзувчининг мақсади, тарихнинг «энг кир ва қора кунлари»ни рад этиш орқали янги ҳаётни тасдиқдаш эди. А.Қодирий романда бу foяни юксак маҳорат билан акс этириди. Х.Деряев «Қисмат»да бу анъанани давом этириди, ривожлантиради. Туркман халқининг яқин тарихидаги мураккаб турмуш тарзини қоралайди, озод ҳаёт куриш йўлидаги курашини кувватлайди, янги ҳаётнинг тантанасини кўрсатади.

* * *

«Ўтган кунлар» ҳам, «Қисмат» ҳам ҳар икки адабиётда реалистик роман жанрини бошлаб берган асрлар. Агар «Ўтган кунлар» А.Қодирийни биринчи ўзбек романнависи сифатида машҳур этиб, уни Ўрта Осиё ва Қозогистон, ҳатто дунёнинг энг кўзга кўринган ёзувчилари қаторига олиб чиқсан бўлса, «Қисмат» билан Х.Деряев туркман реалистик романни жанрига асос солди. «Қисмат» туркман романчилигининг катта ютуғи сифатида унинг ҳозирги тараққиёт босқичида салмоқли ўринни эгаллаб турибди.

Х.Деряев «Қисмат» романни билан ўзбек китобхонлари ўртасида кенг танилди. Унинг биринчи ва иккинчи китоблари таникли ёзувчи Пиримқул Қодиров томонидан ўзбек тилига ўтирилиб, икки марта катта нусхаларда нашр этилди. Роман асосида Ўзбекистон телевидениесининг кўп қисмли телеспектакл тайёрлаб, томошабинларга намойиш қилгани, роман муҳлисларининг доирасини янада кенгайтириди. А.Қодирий романларидан илҳом олиб яратилган бу асрнинг муаллифи Хидир Деряевни эса ўзбек адабиётининг яқин дўсти, ўқувчиларининг севимли ёзувчиларидан бирига айлантириди.

1978

МИЛЛИЙ АДАБИЁТЛАРНИНГ ЎЗАРО БОЙИШИ

ОМОН КЕКИЛОВ ФАФУР ФУЛОМ ҲАҚИДА¹

Ўзбек ва туркман адабий алоқаларининг ривожланишида Fafur Fulomning роли алоҳида. Шоир ҳаётлик даврида икки адабиётнинг дўстлик алоқаларини ривожлантиришга катта ҳисса қўшди. Унинг шеърлари Туркманистонда анча машҳур. Туркман шоирлари ва ёзувчилари Fafur Fulomни ўзларига яқин олиб «ўз шахиримиз» ёки «*Fafur ogamiz*» деб хурмат билан тилга олишади.

Fafur Fulomning Туркманистон ҳаёти, адабиёти ва маданияти билан танишувининг, ижодкорлари билан дўстона алоқалар ўрнатишнинг ўзига хос тарихи бор. Шоир ҳамиша қардош ҳалқининг адабиёти ва маданиятига қизиқиб, унинг тараққиётини кузатиб борган, ютуқларидан қувонган. Доимо туркман ҳаёти ва адабиётiga яқин бўлишга интиларди. Туркманистонда ўтган ўзбек адабиёти ва санъати ўн кунликлари шоир учун қуляй имконият яратади. Учрашувлардаги ўзаро суҳбатлар, адабиётнинг турли муаммолари юзасидан фикр алмашишлар, қизғин мушоиралар, пахтакорлар ва чорвадорлар, нефтчилар ҳузурида бўлиб, уларнинг меҳнат, турмуш шароитлари билан танишув Fafur Fulomда чуқур таассурот қолдиради ва илҳом багишлияди.

Бевосита мавзу таҳдилига ўтишдан олдин Fafur Fulom ва Berdi Kerboboev ўртасида узоқ йиллар давом этган шахсий дўстлик, ижодий ҳамкорлик ўзбек ва туркман адабиётлари алоқалари китобининг ойдин саҳифаларидан бирини ташкил этадики, бу ҳақда қисман бўлса-да, сўз юритишни жоиз ҳисобладик. Fafur Fulom вафот қилганига қирқ йилдан ошди. Лекин ҳозирга қадар ҳам туркман адаблари унинг туркман адабиёти ва ёзувчилари билан алоқалари тўғрисида

¹ Мақола адабиётшунос Гуландом Курамбосва билан ҳамкорликда ёзилди.

мақолалар, хотиралар ёзища давом этмоқда. Шу фактнинг ўйёқ туркман қаламкашларининг Fafur Fulom шахсига, ижодига бўлган хурматининг рамзидир.

Fafur Fulom ва Berdi Kerboboev ораларидағи дўстликни шахсан кузатган туркман шоирি Ota Otajonov «Битта нондан бошланган йўл» номли мақоласида ўна тарихий учрашувлардан бирини шундай хотирлайди: «Fafur Fulom билан Berdi Kerboboevning оташин дўстлиги ҳақида қанча ёзилса ҳам оз. Бу икки оқсоқолнинг дўстона учрашувларидан бир нечасига мен ҳам гувоҳ бўлганман. «Мабодо туркман ерига, Ашхободга йўлим тушадиган бўлса, бу тупроққа таъзим қилмасдан, Берди оғага салом бермасдан, унинг тузини тотмасдан ўтиб кетолмайман», деган гапини Fafur Fulom жуда кўп тақрорлар эдилар. Fafur ака ҳаммадан кўра ҳам шеър тинглашни яхши кўрадилар. Дастурхон ёзилганда ёки овқат тортилиш олдидан: «Келинглар, бир шеър эшитайли» дердилар. Шеърдан олган таассуротлари яхшими, ёмонми юзларида шундоқ акс этиб туарди».

Berdi Kerboboev ва Fafur Fulom ўзаро дўстлик муносабатларини умрларининг охиригача давом эттиридилар, ўзбек ва туркман адабиёти алоқаларини мустаҳкамлаш учун кўп ибратли тадбирларни амалга оширидилар. Fafur Fulom ҳалқлар дўстлиги ҳақида сўз очганда ҳам, қардош адабиётлар ҳамкорлиги хусусида бирор мақола ёзганда ҳам Berdi Kerboboev номини, асарларини биринчилар қаторида тилга олади. Унинг тимсолида туркий адабиётларнинг бўй-бастини, ҳалқларнинг баҳт-саодати учун тинимсиз ижод қилаётган бутун Шарқнинг қоядек байналминал ёзувчисини кўради. Бу икки улуғ сўз санъаткорининг шахсий дўстлиги, ижодий алоқалари алоҳида тадқиқот мавзуси. Лекин биз ҳозир бу хусусда кенг сўз юритмоқчи эмасмиз. Fafur Fulomning бошқа бир туркман ижодкори билан муносабатлари, ҳамкорлигининг самаралари тўғрисида батафсилроқ маълумот бермокчимиз. Бу – Туркманистон Фанлар академиясининг академиги, таникли адабиётшунос олим, атоқли шоир Омон Кекиловдир. У Fafur Fulomни яхши билган, бир неча марта учрашиб, сұхбатларидан баҳраманд бўлган туркман адабларидан бири.

O.Кекилов Fafur Fulom вафотидан сўнг унинг хотира-сига багищлаб «Бизнинг Fafur ogamiz»номли эссе ёзиб,

уни Туркманистон матбуотида эълон қилди, устозига бўлган ҳурматини изҳор этди. Ушбу мақола икки академик-адибнинг шахсий муносабатлари ҳақидагина эмас. У шахсий дўстликнинг ижодий ҳамкорликка айланиш жараёнлари хусусида қизиқарли маълумотлар бериши жиҳатидан икки адабиётшунослик учун ҳам аҳамиятлидир. Мақола туркман ва ўзбек адабий-маданий алоқалари тарихида алоҳида аҳамиятта эга тадқиқотdir.

О.Кекилов Faфур Fуломни беҳад хурмат қилган туркман зиёлиларидан бири. Мақолада ўзбек шоирининг шахсий фазилатларини, ижод аҳлини қадрлашдаги жонкуярлиги ва талабчанлигини, ғамхўрлиги ва камтарилигини далиллайдиган бир неча воқеалар қизиқарли ҳикоя қилинади. Бир вакълар Faфур Fуломдек катта шоир ўйтларидан баҳраманд бўлиб, адабиёт сирларини ўрганганд, кейинчалик туркман адабиёти ва адабиётшунослигининг йирик арбоби даражасига кўтарилган О.Кекиловнинг мақолада келтирган фактлари, фикрлари икки адабиёт ҳамкорлиги яқин ўтмишда самарали бўлганидан дарак беради.

Мақола ҳажман анча катта. Жуда қизиқарли услубда ёзилган, зерикмасдан ўқийсиз. У очерк-ҳикояга ҳам ўхшаб кетади. Омон Кекиловнинг ёзувчилик маҳорати, шоирлик истеъодиди фактларни қизиқарли баён этишида кўл келгани сезилиб туради. Мақоланинг кириш қисми шундай жумлалар билан бошланади: «Мен бугун дўстимни ёд этиб, кўлимга қалам олдим. Бунинг сабаби бор, албатта. Мен сабабини ҳикоям давомида айтаман. 1962 йилда республикамизда ўзбек адабиёти ҳафталиги ўтказилди. Ҳафталик давомида ўзбек ёзувчилари билан кўп марта учрашувлар ўтказдик. Ижодий режаларимиз, ишларимиз ҳақида фикрлашдик. Шундай учрашувларнинг бирида мен машхур ўзбек шоириFaур Fu-lom ҳақида сўз очиб, у билан илк бор танишувим, Бутуниттифоқ ёзувчилари уюшмасининг курултойларида, Тошкентда, Ашхабодда ва бошқа жойлардаги учрашувларим, мулоқотларим тўғрисида қисқа гапириб бердим. Ўзбек ва туркман ёзувчиларининг ҳаммаси ўринларидан туриб, Fa-fur oға билан қадаҳ уриштирдилар. Шу пайт ўзбек шоири ва драматурги Уйғун менга мурожаат қилди: Омон ака, мен сизнинг ҳозир айтган гапларингизни дикқат билан тингладим. Агар сиз шу материални мақола шаклида бўладими

ёки хотира шаклидами, ўзингизга қайси қулай бўлса, бир жойда – бизда ёки ўзингизда эълон қилсангиз, бу бизнинг ёзувчиларимиз учун ҳам, адабиётшуносларимиз учун ҳам жуда қимматли адабий манба, Туркманистон ва Ўзбекистон ёзувчилари ўртасидаги адабий алоқанинг жонли мисоли, муҳим факти бўларди. Сиз шу хусусда бир ўйлаб кўринг, деди. Уйғуннинг бу маслаҳати, чиндан ҳам, мени ўйлантириди, ўзимда ҳам шундай ният борлигини унга айтиб, берган маслаҳати учун миннатдорчилик билдиридим. Ўша сухбатимиздан бери беш йилга яқин вақт ўтди. Бу давр ичида кўп ўзгаришлар содир бўлди, ҳар хил воқеалар юз берди. Шулардан бири Уйғуннинг юқоридаги маслаҳатини яна эсимга солди, ваъдада вафоли бўлишга ундали¹.

«Бизнинг Faфур оғамиз»номли мақоланинг ёзилишига турткى бўлган ҳаётий факт шу. О.Кекиловнинг Уйғун маслаҳати билан ушбу мақолани ёзгани, келажак авлодга месрос қолдиргани айни муддао бўлган. У эссе жанрининг илк намуналаридан бири сифатида ҳам ҳар икки адабиёт учун керак адабий-публицистик асар. Давр нуқтаи назаридан у кўп ижодкорларга ўрнак. Тўгри, бундай эссе-хотиралар матбуотда тез-тез босилиб туради. Лекин улар кўпинча ўз адабиётларимиз доирасида қолаяпти. Қардош адабиёт намояндаларининг ўзбек ижодкорлари ҳақидаги эсселари, ўзбек шоир ва ёзувчиларининг бошқа қардош адабиёт вакиллари тўғрисидаги эсадаликлари ҳам икки республика матбуотида тез-тез кўриниб турса, адабий алоқаларимизни ривожлантириш билан бирга байналминал дўстлигимизнинг янада мустаҳкамланишига хизмат қилган бўлур эди. Шу маънода, О.Кекиловнинг «Бизнинг Faфур оғамиз»мақоласининг илмий-амалий аҳамияти тоят улкан. Шунинг учун ҳам биз унинг ўзбек ва туркман адабий алоқалари саҳифаларини бойитадиган, халқларимиз дўстлигига хизмат қиласидиган нуқталарини танлаб, илк бор илмий муомилага киритмоқдамиз. Эссенинг яна бир аҳамиятли томони бор. У Faфур Гуломнинг шахс ва ижодкор сифатида ҳали кўпчиликка уччалик маълум бўлмаган янги қирраларини кашф этиш жиҳатидан ҳам аҳамиятли.

¹³ А.Кекилов. Бизин Гапур агамыз. «Эдебият жаңынан», 1967., 13 май. Мазкур мақоладан бундан кейин келтирилдиган мисоллар ўз таржимамизда берилади.

О.Кекилов Faфур Fулом билан собиқ шүролар иттиға иштирок эттәнлиги, қаерда бўлмасин, ўзбек шоирининг олқишилар билан кутиб олиниши, нутқлари хусусида гапнамуналар ҳам келтирадики, бу мулоҳазалар ўзбек адабиёт-шунослиги учун ҳам фойдалидир. Жумладан, Faфур Fуломнинг буюк озарбайжон шоири Низомий Ганжавий ижодига бағишланниб Бокуда ўтказилган тантанада сўзлаган нутқи мақолада кенг шарҳланади ва ўзбек шоири Ганжавий меросининг чуқур билимдони, миллий адабиётларнинг чинакам жонкуяри, уларнинг тараққиёти учун ғамхўрлик қиласидан байналминал шоир сифатида таърифланади.

О.Кекиловнинг Faфур Fулом билан ilk учрашувни мақолада кўрсатилганидек, ўтган асрнинг 30- йилларининг биринчи ярмига тўгри келади. Аникроғи, улар собиқ иттиғоқ ёзувчиларининг биринчи съездига учрашган ва танишган. О.Кекилов ўзбек шоири билан ilk учрашувни мақолада қўйидагича ҳикоя қиласиди: Съезд тамом бўлгач, эртасига О.Кекилов Faфур Fулом билан бир поездда, бир вагонда Ватанига қайтади». У (Faфур Fулом – К.Қ., Г.Қ.) – вагонда келаётган ёзувчиларнинг дикқатини дарров ўзига тортиб олди. Биринчи кунданоқ ёзувчилар уни «оқсоқол» деб атاي бошлади. Халқининг ўтмиши, адабиёти, болалик йиллари тўғрисидаги қизиқарли ҳикоялари манзилнинг узоқлигини ҳам баъзан унуттириб юборарди. Унинг ҳар бир сўзи, ҳикояси ўтирганларда кулги, завқ-шавқ уйғотарди. Бу ҳазилларнинг замирида катта ҳаётий маъно ётганлигини тушиниш қийин эмасди. Faфур aka сўзлаёттанды ташқаридан унга дикқат билан разм солган киши ўзининг руҳий жиҳатдан бойиб, дунёқарashi кенгайиб бораётганини ҳис қиласиди. Ўз халқининг, авлодларининг ташвишларини елкасига ортган, поэтик тафаккури бақувват, шарқона илм-бидимни ўзида ўйғунлаштирган донишманд бир инсонни кўз олдига келтиради».

О.Кекилов Faфур Fуломга хос донишмандликни, ҳазил-мутойибага мойилликни, одамшавандаликни кўриб, ҳайратга тушади. Унинг ижодий салоҳиятига ҳам тан беради. Faфур Fулом тимсолида ўз ижодий тажрибалари билан бошқаларга ҳам маслаҳат ва ёрдам қўлини чўзишга доимо тайёр мур

раббийни кўргандек бўлади. F.Фулом билан бўлган сұхбати чорига О.Кекилов ундан кўп нарсаларни ўрганганлигини, бу ижодий сабоқ кейинчалик адабий фаолиятида кўл келганини миннатдорчилек билан эслайди. Поезд вагонида ўша йиллари бу икки ашиб ораларида бўлиб ўтган қўйидаги сұхбат мазмуни бугунги ижодкорлар учун ҳам ибратдир. «Вагондагиларнинг энг ёши мен эдим, – деб ҳикоясини давом эттиради О.Кекилов мақолада. – Бир куни Faфур Fулом кутилмаганда менга кетма-кет саволлар ёғдириб, мени «имтиҳон» қила бошлади.

– Ёшинг нечада?
– Йигирма иккода.
– Нима ёзасан?
– Шеър ёзман.

– Демак, сен шоирсан! Ўзингизникилардан ташқари неча мисра шеърни ёд биласан? Мен бу саволга қандай жавоб беришимни билмасдан, дудукланиб қолдим. Хўжанафас (Хўжанафас Чориев – К.Қ., Г.Қ.) билан Ота (Ота Ниязов – К.Қ., Г.Қ.) улар ҳам съездга қатнашган туркман делегатлари бўлиб, вагонда Faфур Fулом билан бирга келишаётган эди)га савол назари билан қарадим. Уларнинг имо-ишора-сидан: Ҳа, нега даминг ичинигта тушиб кетди, жавоб бер! деган маънени англадим.

– Неча сатр эканлигини айтольмайман, лекин бироз ёд биладиган шеърларим бор.

– Тахминан қанча минг мисра?

«Минг» сўзи мени довдиратиб қўиди. Ҳақиқатан ҳам, мен дарсга тайёрланмай келган ўқувчининг айнан ўзига айландим қолдим! Бироз тин олиб:

– Мингга етмайди, – дедим.
– Бу бўлмайди! Шоир шеърни севиши ва кўп ўқиши керак. Мен қадимий ўзбек шеъриятидан ўн мингдан ортиқ мисрани ёд биламан.

– Ўзинг ёзган шеърларингдан қанча сатрини ёд айта оласан?

Бу савол мен учун олдингисидан ҳам қийин бўлди. Чунки мен ўша вақтларда декламация ва қўшиқ қилиб айтиладиган уч-тўрт шеърдан бошқа ҳеч нарса билмас эдим. Faфур aka менинг «аҳволимни» сезди шекилли, жавобимни кутиб ўтирумасдан, умумий оҳангда сұхбатни давом эттиради:

— Яхши ёзилган шеър ҳамиша хотирада қолади. Шоир ўзи ёзган шеърини ўзи ёд билмаса, бошқалар уни қандай қилиб эсида сақласин!

Сўнг Faфур Fулом Шарқ шеъриятининг ўзига хос хусусиятлари ҳақида, замонавий шеъриятнинг қандай йўллар билан ривожланиши лозимлиги тўғрисида шахсий нуқтаи назарларини гапириб берди. Сўз орасида яна менга қараб:

— Мен сени ранжитмадимми, хафа бўлмадингми? — деб кулиб қўйди.

Fафур Fулом билан бўлган илк учрашувдаги бу сұхбат кечагидек ёдимда. Унинг мазмунида мени ўйлашга даъват этадиган, сабоқ бўладиган жиҳатлар анчагина эди. Мен кейинчалик бу маслаҳатга амал қилдим ва у менга катта фойда берди. Алоҳида-алоҳиша шеъларимнигина эмас, ҳатто «Севги» шеърий романимниг тахминан уч минг сатрдан иборат биринчи китобини ёд билардим. Эҳтимол, бунда бир вақтлар вагонда Faфур Fулом билан бўлган юқоридаги сұхбатнинг таъсири бордир».

Агар эътибор берган бўлсангиз, Faфур Fулом ва Омон Кекилов ораларида поезддаги ўша савол-жавоб, «имтиҳон»дан кейин орадан ўттиз йилдан ортиқ вақт ўтган, мулокотнинг барча тафсилотлари, энг майда деталларигача, O.Кекиловниг хотирасида сақланган. Мақолада тилга олинган бавъзи фактлар Faфур Fуломниг ижодкор сифатидаги бадиий-эстетик қарашларини кўрсатувчи адабий манба ҳамдир. Шоирниг Шарқ ва ўзбек мумтоз адабиётининг билимдони экани адабий-илмий жамоатчиликка маълум. Бироқ унинг ўзбек мумтоз шеърияти намуналаридан ўн минг мисрани ёд билиши ҳақидаги маълумотни адабиёт ихломандарининг ҳаммаси ҳам билавермаса керак. *Шоир ўзи ёзган шеърни ўзи ёд билмаса, бошқалар уни қандай ёдида сақлайди ёки шеър ёдда қолиши учун яхши ёзилган бўлиши лозим* деган оддий, лекин чуқур маъноли фикрлар, гарчи, O.Кекиловга нисбатан айтилган бўлса-да, улар ҳар бир шоирга тегишли, умуман, адабиётнинг ўзига хос талабларидан бири. Шу хилдаги фикрлар ўқувчининг Faфур Fуломниг адабий-эстетик қарашлари ҳақидаги тасаввурини бойитади.

Мақоладаги яна бир аҳамиятли фактни кенгроқ шарҳмоқчимиз. Faфур Fулом хонадонининг эшиги барча ижодкорлар учун, айниқса, бошловчи ёзувчилар учун доимо очик

бўлган. Бу даргоҳга кўп қалам аҳллари ташриф буюриб, улуғ шоирнинг сұхбатларидан баҳраманд бўлганлар. Адабий маслаҳатлар олиб турганлиги тўғрисида кўп эшилтганмиз, мақолаларда, хотиralарда ўқиганмиз. Шоир хонадони нафакат ўзбекистонлик ижодкорлар, айни пайтда, Ўрта Осиё, қолаверса, собиқ шўролар иттифоқидаги кўп ёзувчи ва шоирлар учун ҳам ўз уйидек бўлиб қолган эди. Faфур Fулом ижоддагина эмас, ҳаётда ҳам том маънодаги байналминал инсон бўлган. Б.Кербобоев, М.Турсунзода, С.Муқонов, М.Аvezov, А.Тўқамбоев, Ч.Айтматов, С.Рустам, О.Отажонов, Р.Хамзатов, Ж.Оймирзаев, И.Юсупов ва яна ўнлаб шоир ҳамда ёзувчиларниг Faфур Fулом ҳақидаги эслаликларида бу ҳақда айтилган.

O.Кекилов ўз ҳаётий тажрибасида учраган қизиқарли турмуш воқеалари билан бу фактларниг устини тўлдиради. O.Кекилов Faфур Fулом билан Тошкентда учрашгани, унинг хонадонида меҳмонда бўлиши тафсилотларини ҳам мақолада қуйидаги мазмунда ҳикоя қиласиди. «1950 йил эди. Ўша йилнинг ёз ойларидан бирида мен Тошкентга ижодий сафарга бордим. Сафаримниг мақсади «Зухра ва Тоҳир» ҳақидаги ўзбек эртаклари, шунингдек, ҳозирги замон ўзбек ёзувчиларининг шу йўналишдаги асарлари билан танишишдан ва Мулланафаснинг «Зухра ва Тоҳир» достонининг Тошкентда, Орифжонов босмахонасида чоп этилган нусхасининг йилини аниқлашдан иборат эди. Поезддан тушиб таксига ўтиридиму, тўғри Ўзбекистон Фанлар академиясига йўл олдим. Ҳайдовчи билан ҳисоблашиб, академия биноси томон юра бошлаганимда «Омон!, Омон!» деган овоз эшитилди. Қайрилиб қарасам, кучоқ очиб, кўлларини ёйиб Faфур aka келаяпти. У мендан бир парча қофоз сўради. Мен дафтарчамдан бир варагини йиртиб бердим. У қофозга бир нишалар деб ёзди-да:

— Мана, менинг манзилим, эртага, албатта, уйга бор. Ҳозир бизнинг плениумимиз давом этапти, ташвишларимиз кўп. Бугун кечқурун тамом бўлади. Сени эртага уйда кутаман — деди. Ўша куннинг эртасига эрталаб ёзиб берилган манзил бўйича Виктор Николаевич Малинин (Ўзбекистон Фанлар академиясининг ўша вақтдаги масъул ходими. У кўп йиллар Туркманистанда ишлаган, О.Кекиловниг у билан шахсий танишлiği ҳам бўлган. — К.К., Г.К.) билан

Fafur Fulomning uyinga bordik. Uning xovlisi kattha ek'an. Mewali daraxtlari ham k'up ek'an. U bizni xovlining urtagan ovcatlanguhnimizdan k'sin u mени uzining iish xonasiga boshalab bordi. Uzining e'zuv столини k'ursatdi-da: — Sen mana shu столга utir, senga kerak odamlarning xammasi nавбатма-nавбат ёнингга келади. Sen ular bilan shoshilayna mexmendorchilikni davom ettiramiz. Men endi mehmnlar oldiga chiqay, — dedi-da, pastga tushiб ketdi. Buni qaranngki, Fafur aka «Zuxra va Toxir» достони bilan shugullanib jorgan uzbek ijodkorlarining xammasi ni men bilan urashiriш учун uyinga taklif қiliбди! Men ular bilan uch soatga яқин gurunglaшdim. Ular menning disserqatiyam учун жуда қимmatli materiallar beriшdi. Butun jurtga taniлgan машхур шoир, ўз xalqinинг olimi va donishmandi — bu kamtarin, oddiy odamning uzim учун қilgan fahmурликлари, yoksak odamgarchiligi meni жуда t'ulqinlanтириб юборган эди. Men uzimdagи қувончни, minnatdorlik tuyғularamini Fafur Fulomga қандай izxor этиши билмай, ikki k'ulimni uning elkasiga k'uiб:

— Raҳmat sizga Fafur aka, raҳmat! ledim.
— Fafur Fulomni ёд қiliб k'elgan turkman bolasiga raҳmat, — deb ҳazil қiliб kuldil va mesning k'ulimdan uшlab mexmoxonaсiga boshalab ketdi. Uzbek e'zuvchilari va olimlari bilan uzoқ vaqt turli mavzularda suxbat қuriб utirdik».

O.Kekillov mazkur қatorlarни қanчалик t'ulqinlaniб қoғozga tuширган bўlsa, ўқиган ўқuvchi ham қalbida shunday t'ufunu xis etadi. Bu mexmendorchilik timsolida biz turkman adabiётига kattha xurmata k'ursatgan, uning ijod aҳлига fahmурlik қilgan, ikki adabiёт d'ustligini barkaror etiшga astoyidil intiliqan meхridarё uzbek adibini tasavvur қilamiz va fahrlanamiz.

Maқolada ўқuvchini ҳajxoniga soladigan jana bir kichkiна lavaxa bor. Odatta, bir ijodkor ikkinchi bir ijodkor bilan taniшganda, imkoniboricha daстxat ёзилган kitobini ҳadя этишga ҳarakat қiladi. D'ustlikning uziga xos ramzii «K'uprigi» sanalgan bundai kitoblariga muallifning samimiy сўzlari, olijanob istaklari bitilgan bula-

di. Bawzan bundai daстxatlarda bildirilgan orzu-istaklar йillar ўtgan sari inson қalbiga қattingroq muhranib boравeradi. F.Fulom bir vaqtlar O.Kekillovga daстxat ёзilgan kitobini taқdim etgan ek'an. Maқolani ёзиш жараёнида muallif ushu daстxatni ham ёдга oлади va uni тула keltiradi. Bu detal xususida aloҳida t'uxtaётganimizning sababi shundaki, daстxatda bildirilgan tilaklarining kat-ta ijtimoiy-taъlimiy maъnoси bor. U oddiy қардошlik ҳadasi emas. Masmuniда insonni ҳamiша яхши сўzlар ilia ёд etib turiш lозимligi t'utrisidagi teran maъno ham ja-muljam. Daстxat bilan boғliq taфsilotni O.Kekillov maқolada k'uyidagi masmunda keltirgan: «Fafur Fulom menga Moskvala rus tilida нашр этилган kitobini esdalik учун taқdim etgandi. Usha шeъrlar t'oplami, mana, ҳozir mенинг k'ulimda. Kitobning t'urtginci saхifasi bilan beshinchи saхifasi oraliғida shoirning rasmi жой olgan. Uning pastida arab e'zuvida «Muҳtaram bиродарим Kekillov Omonga қардошlik ҳadям. Fafur Fulom, 1950 yil, 8-fevral» deb ёзилган. Rasmining chap томонида esa юқоридан pastga «Il-timosim shuldirki, mени ҳеч қачон ёмон сўzlар bilan ёд aйlamang va beёd aйlamang» degan сўzlар bitilgan. Bu сўzlар ёзилган vaqtida menga қandай taъsir қilgанини ҳozir es-lolmайman. Lekin ayni daқiқalarda bu сўzlarni k'ulimda-gi қoғozga k'uchiraётganimda қalbim t'ulqinlaniб, k'ullarim titgrardi».

«Buzning Fafur ogamiz»maқolasining fazilatlari sa-nayver sak k'up. Unda қalamga olinigan ҳar bir fakt bugungi ijodkorlariga ўrnak bуliши lозим. Keyingi йillarда қar-doш aдаbiёт vakillarining uzaro bordi-keldilari, d'ustlik munosabatlari unutilaётgan bir paitda Fafur Fulom va Omon Kekillov d'ustligi va ijodiy ҳamkorligini ҳar қan-chi tarfib қilsa arziydi. Mazkur maқola masmuni uzbek ilmiy-adabiy жамоатчилигига taniш emasligini назарда тутиб, uni kentroq шарҳладик. Nazarimizda, bu ikki shoir d'ustligi uzbek-turkman adabiy aloқalarining eng masmuni saхifalariidan biringi tashkil etadi.

Xa, Fafur Fulomning nomi, asarlari turkman elida жуда қadrланади. «Buzning Fafur ogamiz»maқolasi dagi k'uyidagi fikr buning jana bir isboti: «Fafur Fulom turkman e'zuvchilarinin, kitobxonlarining, respublikamizda-

ги барча халқнинг дўсти эди. У халқларимиз ўргасидаги биродарликни мустаҳкамлаш учун кўп ишлар қилди, ўзбек шеъриятининг шон-шуҳратини юқори даражага кўтарди. Унинг шакл ва мазмун жиҳатдан бойишига катта хисса қўшиди. Замондошларига, келажак авлодга бой мерос қолсиймоси бўлиб қолажак. Халқи қалбидан чукур жой эгаллаган Faфур Fулом бунга тўла ҳақидир».

О.Кекиловнинг мазкур мақоласи Faфур Fулом вафотидан бир йил сўнг ёзилган ва 1967 йилда Туркманистонда ўтказилган ўзбек адабиёти ва санъати ҳафталиги давом этган кунларда туркман матбуотида босилган. Афсуски, мақола ҳозирга қадар ўзбек тилида чоп этилмади. Умид қиласизки, Ўзбекистон ва Туркманистон ижодкорлари ўргасидаги адабий алоқаларнинг яхши мисолига айланган бу эссе-мақола билан халқимиз яқин вакъларда таништирилди. Ва айни чоғда, у Faфур Fулом ҳақидаги эсдаликлар китобига киритилади.

2006

ШАКЛИ БИР, МАЗМУНИ БОШҚА ҚИССАЛАР

Faфур Fулом қорақалпоқ адабиёти, ижодкорлари билан яқин алоқада бўлган ўзбек шоирларидан бири. Бу адабиётда бирор янгилик пайдо бўлса, чин дилдан қувонди, қўллаб-кувватлади. Икки адабиётнинг маңфаати учун қорақалпоқ шоир ва ёзувчилари, олимлари билан дўстона муносабатлар ўрнатиб, борди-келдиларни йўлга қўйди, адабиётлардаги баъзи масалаларни биргаликда ҳал қилишга фаол қатнашди. Унинг Аббоз Добилов, Содик Нуримбетов, Нажим Довқораев, Жўлмирза Оймирзаев, Амет Шомуратов, Наврўз Жапақов, Қалли Айимбетовдек атоқли шоир ва ёзувчилар, олимлар билан ҳамкорликлари, ўзаро фикр алмащувлари яхши натижалар берганлигига мисоллар кўп. Шоирнинг Тиловберган Жумамуратов, Хўжабек Сейитов, Тўлепберган Қайипберганов, Ибройим Юсупов, Бобош Исмоилов, Тожицдин Сейитжонов сингари адаби-

лар билан ижодий мулоқотлари қорақалпоқ-ўзбек адабий алоқаларининг ёрқин саҳифаларидир. Қорақалпоқ адабий мұхити, ижодкорлари Faфур Fулом учун доимо эътиборли ва ҳурматта сазовор бўлган.

Faфур Fулом қорақалпоқ фольклори ва адабиёти тарихини яхши биларди, айниқса, мумтоз шоирлари Ажиниёз, Бердақ асарлари Faфур Fулом учун қадрли эди. Илмий-назарий анжуманларда Бердақ ижоди бўйича адаб маърузалар ҳам қилгани ҳақида маълумотлар етарли.

Шоирнинг Жўлмирза Оймирзаев билан узоқ йиллар давом этган ижодий ҳамкорлиги ўзбек-қорақалпоқ адабий алоқаларининг ёрқин саҳифаларидан бирини ташкил этади. Улар елкама-елка туриб ўзбек ва қорақалпоқ адабиётларининг тараққиёти, алоқаларининг самарали бўлиши учун ғамхўрлик қилдилар. Икки республикада адабиёт ва санъат кунларини мунтазам ўтказиб туриш, ўзаро таржима ишларини жонлантириш, халқлар дўстлигига бағишлаб асарлар яратиш анъянасини изчил давом эттириш ва яна бошқа адабий-маданий тадбирлар, кўпинча, Faфур Fулом ва Жўлмирза Оймирзаев ташаббуси ва ташкилотчилигига амалга оширилар эди. Ёзувчи имкон қадар F.Фуломнинг ижодий тажрибаларидан баҳраманд бўлишта ҳаракат қилди. «Устозимиз – огамиз»¹ номли мақоласида Ж.Оймирзаев бу ҳақда ёзди ҳам. Faфур Fуломнинг шеърий ва насрый асарларининг шаклий ифодаси, гоявий йўналишлари, яратган баъзи образлари Жўлмирза Оймирзаев учун реал ҳаёт ҳодисаларини бадиий талқин қилишда улги бўлгани, илҳом бағишлагани ҳақиқат. Масалан, Faфур Fуломнинг «Шум бола» қиссасини ўқиб чиққач, ўзида худди шундай асар ёзиш истаги туғилганини ва «Етимнинг юраги» (ўзбек тйлига «Бахт бешиги» деб ўтирилган) повестини бевосита «Шум бола» таъсирида яратганини тан олади².

Икки қисса, чиндан ҳам, бир-бирига ўхшайди. Жанри ҳам бир хил. Бир мавзу, бир давр, ўхшаш тақдирлар тасвирланган. Икки асарнинг марказида ҳам етим қисмати туради. «Шум бола»да етим Шум бола асосий қаҳрамон сифатида ҳаракат қиласа, «Етимнинг юраги»да етим Жўлмирза

¹ «Совет Қарақалпақстаны», 1983., 17-май.
² Уша манба.

бош образ қилиб олинган. «Шум бола»да воқеалар Шум бола тилидан ҳикоя қилинса, «Етимнинг юраги»да Жўлмирза тилидан берилади. Икки қиссада ҳам воқеалар саргузаштарида. «Шум бола»да Шум боланинг саргузаштлари, лар тасвиранади. Икки қиссада ҳам бош қаҳрамонларнинг сарсон-саргардонликда шаҳарма-шаҳар, овулма-овул кезиб, гаройиб воқеаларнинг устидан чиқишилари, турмуш қийинчиликларида дучор бўлишларида умумийликлар кўп. Бундай ўхшашликлар, асосан, бош образларнинг ҳатти-ҳаракатларида, характер хусусиятларида кўпроқ кузатилади. «Шум бола» қиссасида шундай бир эпизод бор: Шум бола мардикорлик қилиб пул ишлаш учун юрганида бир домлага учраб қолади. Домла уни уйида ишлатиш учун эргаштириб кетади ва унга дейди: «Сенга бир хизмат бор, ўслим, бир пой ҳўқизим бир неча кундан буён бўкиб, касал бўлиб ётибди. Мана шу асбобларни бошингга қўйиб, хушёроқ бўлиб ётасан. Мабодо ҳўқиз ёмонлаб қолгудек бўлса, бориб дарор бўғзига пичноқ тортиб юборасан. Эҳтиёт бўл, лекин тагин ухлаб қолиб, ҳаром ўлдириб қўйма»¹.

Шум бола ярим тунда оғилхона томондан ниманингdir «гурс» этиб йиқилганини, ҳам «хириллай» бошлаганини эшилади-да, домланинг тошириги эсига тушиб, у томонга пиочоқни олиб югурди. Коронгида қайси бири ҳўқиз, қай бири эшак эканлигини ажратолмай, ҳўқизнинг ўрнига домланинг «Бухораи шарифдан уч тиллога олиб келган» эшагини сўйиб қўяди. Ҳўқиз эса ҳаром ўлади. Шум бола бу «холис» хизмати учун эрталаб роса таъзирини ейди, ўлгудек калтакланади. Бир амаллаб томга чиқиб қоча бошлайди. Бир-бирларига тулаш томлар устидан қочиб борар экан, бехосдан «тўп» этиб қамиш тупроқ аралаш пастга, ошхонанинг мўрисидан ошхонада турган тандирнинг ичига тушади. Кош қорайгандга ошхонанинг эшиги очилиб бир хотинириб келади, ўчоққа ўтин қалаб мошкичири пишира бошлиди. Таомни тайёрлаб икки идишга солиб, битгасини олиб, иккинчисининг устини бостириб, шу ерда қолдириб чиқиб

¹ F. Ғулом. Танланган асарлар. 4 томлик. З том., Тошкент, 1959, 125-бет. Кейинги мисоллар шу нашрдан бўлади, бети кўрсатилади.

кетади. Сал ўтмай, яна эшик очилиб, бир киши оёқ учида юриб келади. Бу ўша овқат тайёрлаб кетган хотиннинг ўйнаши эди. Бир пасдан кейин хотин ҳам қўрқа-писа кириб келиади: «Кутиб қолмадингизми? Эрим ўлгур бошқа вақт куриб қолгандай, шу бугун нася дафтарларини очиб, олдига чутни қўйиб, ҳисобга тушиб кетди, эндинга ухлатдимда». (129-бет)

Шум бола бу «ошиқ-маъшуқ»ларнинг пинҳона учрашувини, сұхбатини тандир ичидаги ўтириб кузатади. Шум боланинг бу ҳаракатини сезиб қолган «ошиқ-маъшуқ»лар сирлари фош бўлиб қолишидан қўрқиб, унга ялина бошлайди. Шум бола бу «имконият»дан фойдаланиб, уларни анчага туширади. Фақат қорнини тўйғазиш эмас, ҳатто икки танга ҳам ундириб чиқиб кетади.

Тўғри, бу эпизоднинг баъзи лавҳаларида тасодифий ҳолатлар ҳам бор. Айтайлик, Шум боланинг томма-том югуриб, қочиб бораётганда, тасодифан бир уйнинг мўрисидан тушиб кетиши, яна айна тикка турган тандирнинг ичига тушиши ишончсиздек кўринади. Манзара эртак воқеасига ўхшаб кетади. Лекин муҳими, биз учун бу эмас. Муҳими, худи шунга ўхшаган воқеанинг, «ошиқ-маъшуқ»лар ҳақида ги тафсилотнинг «Етимнинг юраги» қиссасида ўзига хос шаклда бадиий талқин этилганида, улар сирини фош қилишдаги ёзувчининг ўзига хослигига.

«Етимнинг юраги»да шунга яқин бир воқеа тасвири бор. Ўрозгул Олланиёзнинг хотини. У Жўлмирзага келинойи. Олланиёз вафот этгандан кейин Ўрозгул овулдаги бир мулла билан «ошиқ-маъшуқ» бўлиб, яширин «дон олишиб» юради. Жўлмирза унинг қинғир ҳаракатини пайқаб қолади. Буни сезган Ўрозгул нопок ишларини Жўлмирзадан яширин амалга ошира бошлайди. Бир куни шундай воқеа рўй беради: Ўрозгул муллага атайлаб палов тайёрлаб, уйига меҳмонга чақиради. Жўлмирза халақит бермасин деб: мулламиз болалар олдица овқат ея олмас эканлар, укаларингни олиб ҳовлида ёта қол, дейди ва титилиб кетган кўрпани чиқарига, мулланинг олдига кириб кетади. Кўнгли хунук бир нарсани сезгандек, Жўлмирзанинг уйқуси келмайди. Ёзувчи бу ҳолатни қиссада шуцай тасвираган: «Бир пайт ўй ичидан гунгир-гунгир овоз чиқди. Мулла билан Ўроз-

гул нима ҳақидаир гаплашаётган эди. Гаплари аниқ эши-
тилмасди. Шунча қулоқ солсам ҳам, гапларини англай ол-
мадим. Беихтиёр ўрнимдан туриб, эшиқдан мўраласам, қозон
ўчоқдан туширилган экан. Ўрозгул лаганни артиб-тозалаб
палов суза бошлади. Садағанг кетай қизил палов, капкир-
қиб худди бурнимни қитиқлаётгандай бўлди. Лаззатли па-
лов билан лиммо-лим тўлган лаган мулланинг олдига ёзил-
ган дастурхонга кўйилди. Ўрозгул қулайроқ ўтириб олди-да,
хўрзининг бўтакасини, тўшини, сонини устихон деб мулла-
нинг олдига кўйди. Хўroz гўштини тўғраб бўлгач, муллага
ноз қарашма билан олинг деди. Мулла Ўрозгулга бир қара-
дию, паловга узун қўлини узатиб оғзини тўлдириб бир
ошади».¹

Бу воқеа «Шум бола» қиссасидаги хотиннинг маҳсус ов-
қат тайёрлаб ўйнашини хилват бир жойга таклиф қилиш
эпизодини ва бу ҳаракатларни Шум боланинг тандир ичидা
ўтириб кузатишини эслатади. Қиссалардаги «ошиқ-маъшуқ»-
ларнинг яширин учрашувлари, маҳсус таом тайёрланиш жа-
раёни, дастурхон бошидаги «олинг-олинг»лар ва кутил-
маганда учинчи бир одамнинг пайдо бўлиб қолиши (мулла
билан Ўрозгул палов сб ўтирганида уларнинг устига Ол-
ламберган келиб қолади) сирларининг фош бўлиши, бу қал-
тис вазиятдан кутулиш учун қилган ҳаракатларида ташки
ўхшашлик борлигини сезаётган бўлсангиз керак.

Икки қиссани қиёслаш жараёнида яна бир ўхшашлик
эътиборимизни тортди. Икки асарда ҳам таомнинг тайёр-
ланиш жараёни батафсилоқ тасвиirlанган. «Шум бола»да
хотин ўйнашига мошкичири тайёрласа, «Етимнинг юраги»-
да Ўрозгул муллага деб палов пиширади. «Шум бола»да бу
тасвир қуидаги: «Хотин мошкичири қилмоқда эди. Пи-
ёздогнинг ҳидлари димоғимга кириб, иштаҳа ҳам номоз-
шомгулнинг карнайидай очилиб кетган. Қозонда бўлган
масаллуқларнинг ёғ билан аралашиб чиқазган «жаз-жаз»
овози юрагимнинг энг нозик жойларига бориб қадалди,

¹ Ж. Оймирзаев. Баҳт бешиги. Тошкент, «Ёш гвардия», 1970., 33-бет. Қорақалпоқ тилидан Сурайё Сайдалиева таржимаси. Бундан кейинги мисоллар шу нашрдан бўлди, бети кур-
сатилади.

гўё нозли қизларнинг овозидай ашалатиб эркалар эди. Хо-
тин қозоннинг қопқофини очди, балиқдай бўлиб, оппоқ
лаганда мошкичири чиқди, ўртага кўйидилар. Йигит қуллук
қилди-да, менга озор беришдан чекиниб, тандирнинг усти-
дан турди. Ўчоқнинг олдига тиз чўкиб ўтириб, тамом иш-
таҳа билан мошкичирини ер эди. Азамат олиб туриди, хо-
тин бўлса аҳён-аҳёнда ошдан чўқиган бўлиб, ўзининг ол-
дидан чиқкан гўштларни ҳам унга суриб бериб турмоқда
эди. Мошкичирининг тамом жабр-жафосини тортган, биз-
дай ёнбоши куйган бечоралар тандирнинг ичидаги азобу-
укубатда». (128-бет)

Парчадаги кўп ифодалар, деталлар, «ошиқ-маъшуқ»лар
ораларидаги муносабатлар, ҳатти-ҳаракатларининг учинчи
шахс (тандир ичидаги Шум боланинг, ҳовлида ётиб, эшик
тирқишидан Жўлмирзанинг) томонидан кузатишларидағи
ўхшашликлар тасодифий эмасдек кўринали. «Етимнинг
юраги»даги Ўрозгулнинг палов тайёрлаш жараёни ҳам, кўп
жиҳатдан «Шум бола»даги манзарага ўхшайди. Мана, қиёс-
лаб кўринг: «Ўрозгул қозоннинг қопқофини очди. Хўroz
гўшти солинган паловнинг хушбўй ҳиди сўлагимни оқизиб
юборди. Ўрозгул гуручини ағдариб кўрди, капгир билан
гурс-гурс уриб, устини сийпалади. Кейин дамлаб кўйди.
Гуручини ағдарәётганди, ер остидан қараб ўтирганимни Ўроз-
гул сезган экан. Палов егим келгани шунчаликки, қозон-
дан кўзимни узолмай қолдим. Ўрозгул менга ўқирайиб
қараб кўйди. Ўқирайса-ўқираймаса, у билан ишим йўқ,
фикри-ёдим паловда. Шу лаззатли паловдан бир ошасам
майлийди, деган хаёл кўнглимга қаттиқ ўрнашиб қолди».
(32-бет)

Тасвиirlар умумийлиги, қаҳрамонлар саргузаштларидағи
ўхшашликлар, «ошиқ-маъшуқ»лар сирини фош қилишдаги
услубий яқинликлар, бизнингчча, ижодий таъсирнинг сама-
раси. «Етимнинг юраги» қиссасидаги баъзи ҳаётий лавҳалар
тасвирида, бosh қаҳрамон ҳарактерини очишга хизмат қила-
диган бадиий тўқима яратишда, бир сўз билан айтганда,
асар сюжетини шакллантиришда Ж. Оймирзаев «Шум бола»
тажрибасига таянган. Биз фақат бир эпизодни қиёсладик.
Агар икки асар бадиий-эстетик услублар, ғоявий йўналиш
жihatидан кенгроқ солиштириб ўрганилса, адабий таъсир-
нинг бошқа-да белгиларини аниқлаш мумкин.

«Шум бола» қиссаси Ж.Оймирзаевга ҳәёт материали, шаклий хусусиятлари билан таъсир кўрсатгани, шубҳасиз, Ёзувчи «Шум бола»ни ўқиб ўз ҳәстини, ўтмишини кўз олдига келтирган. Шум боланинг тақдирида ўз тақдирига ўхшашликни кўради. Шум бола босиб ўтган мاشаққатли ҳәёт йўлини етимликда кечирган азоб-уқубатларга ўхшатади ва шундай мавзуда ҳам бадий асар яратиш мумкин экан-да, деган фикрга келади, қисса воқеаларини ижодий ҳис қилиб, ўзининг етимлиги тўғрисида бирор асар яратишга қарор қиласи. «Шум бола» қиссаси бу ишда ёзувчига маънавий таянч бўлган.

«Етимнинг юраги» қиссаси «Шум бола»га ҳар қанча ўхшамасин, у оригинал асар. Ж.Оймирзаев «Шум бола»нинг мазмунини такрорлаган эмас. Қиссалар услуб томонидан яқин бўлса-да, ифода усувлари, колорити, миллий руҳи билан жиддий фарқ қиласи. «Шум бола» ҳажвга, юморга бой қисса. Қаҳрамонларнинг саргузаштлари тасвирида оғзаки ижодга хос хусусиятлар устунроқ. Маълумки, фольклор Faфур Фулом учун ўзига хос бадий чашма вазифасини ўтаган. Ёзувчи ҳалқ ижодининг гоявий-эстетик анъаналаридан у ёки бу асарини яратишда фойдаланди. Ҳалқ ҳәетини, орзу-истакларию руҳий оламини, характер хусусиятларию тафаккур уфқини, ранг-баранг тил бойлигини ифодалашда фольклордан ўрганди. Шунинг учун бўлса керак, ёзувчининг ҳикоя ва қиссаларида фольклор мотивлари устивор. Сюжет қуришда, воқеалар баёни ва образлар талқинида, харакгер яратиш принципларида, юмордан фойдаланиш усувларида ҳалқ достонлари ва эртакларининг таъсири бор. Ҳалқ ижодига хос қувноқлик, гоят жозибали, кулгили вазиятлар, ҳолатлар тасвири, ўкувчига завқ берадиган бошқа-да хусусиятлар F.Фуломнинг ҳажв ва кулгига йўғрилган асарларининг фазилатидир. «Шум бола» шундай характердаги завқбахш асар. Қиссанинг ҳалқимиз орасида оммалашиб кетишининг бир сабаби ҳам юморга бойлигига, образлар нутқининг ўта ҳалқиллигига бўлса керак.

Ж.Оймирзаевнинг «Етимнинг юраги» қиссаси эса бу масалада бироз бошқачароқ бадий хусусиятга эга. Воқеалар руҳида, образлар талқинида жиддий, чуқур реалистик тасвир етакчи. «Шум бола»даги воқеаларнинг асосини бадий тўқима ташкил этса, «Етимнинг юраги»да реал одамлар ҳәётини

тасвириланади. Ж.Оймирзаевнинг ўзи кўрган ёки бошидан ўтказган воқеаларни аниқ манзили, номи билан ҳикоя қиласи. Шунинг учун ҳам повесть том маънодаги автобиографик асар. «Шум бола» инқилоб арафасидаги воқеалар тасвири билан якунланади. Ж.Оймирзаев «Етимнинг юраги»да шўро замонидаги тақдири, ҳатто ўтган асрнинг ўттизинчи ийларигача бўлган ҳәёти тўғрисида ҳам ҳикоя қиласи.

Қиссалардаги тасвир обьекти, қаҳрамонларнинг ҳаракат майдони ҳам турлича. «Шум бола»да образларнинг саргузаштлари Ўзбекистон, Қозогистон ҳудудлари билан боғлиқ бўлса, «Етимнинг юраги»даги воқеалар Қорақалапогистонда – Чимбой, Тахтакўпир, Тўрткўлда, яъни қисса қаҳрамонининг ёшлиги ўтган муҳитда бўлиб ўтади. Ушбу фарқлар «Етимнинг юраги» қиссасини қорақалпоқ адабиётини автобиографик жанр билан бойита олган оригинал асар деб холоса чиқаришга, бизнингча, асос беради.

2006

ҚОРАҚАЛПОҚ АДАБИЁТИНИНГ ТАРЖИМОНИ ВА ТАДҚИҚОТЧИСИ¹

Миллий адабиётлар ўргасида алоқаларни ўрнатиш ва мустаҳкамлашда ижодкорларнинг шахсий фаолияти жуда муҳим. Муайян шоир ёки ёзувчининг саъй-ҳаракатларисиз бир адабиётнинг иккинчи миллий адабиёт билан ҳамкорлиги, бир шоир асарининг иккинчи миллий шоир ижодига таъсири ҳақида талқиқот олиб бориш яхши самара бермайди. Сабаби ҳар қандай адабий алоқа ва ижодий таъсирнинг натижаси ижодкор шахси билан боғлиқ. Рамзий маънода айтсан, у бир адабиётни иккинчи адабиёт билан боғладиган воситачи.

Адабий фаолияти шу хилдаги фазилатлар билан йўғрилган қаламкашлар ҳамма адабиётларда ҳам бор. Ўйлашимизча, таникли туркман олими, шоир ва таржимон, филология фанлари доктори Ахмет Мамедов Марказий Осиё адабиётлари ўргасидаги алоқаларни ривожлантиришга астойдил

¹ Макола филология фанлари номзоди Гуландом Курамбоева билан ҳамкорликда ёзилган.

хизмат қилиб келаётган шундай фидоий ижодкорлардан бири. Айниқса, у қорақалпоқ адабий мұхитига яқын, бу адабиёттинг фаол таржимони, тадқиқотчиси ва тарғиботчисидир. Мақоламиз давомида сиз фикрларимиз асослы эканлигига ишонч ҳосил қиласиз, деган умиддамиз.

Дастлаб, мен (К.Курамбоев) бир ҳақиқатни тан олиб айтишим зарур. Гап шундаки, Ахмет Мамедовни ўттис йилдан бері биламан, илмий ҳамкорлик қилиб келамиз. Агар янглишмасам, 1970 йилнинг ёз ойларида Ўзбекистон Фанлар академияси Пушкин (хозирги Навоий) номидаги Тил ва адабиёт институтида у билан биринчи марта учрашиб, танишгандик. Бу даврларда мен мазкур институттинг аспиранти эдим. Ахмет Ашхабоддан институтта илмий-ижодий сафарга келганди. Тошкентдаги бир неча күнлик сафарида мен унга ҳамроҳ бўлдим. Илмий тадқиқот институтларига, бошқа ижодий ташкилотларга бирга бордик. Ахмет шуғулланиб юрган илмий мавзуси бўйича материал тўглаш мақсадида келганини, ўзбек олимлари, шоир ва ёзувчилари билан учрашиш, суҳбатлашиш нияти борлигини айтди. Мен у қизиққан соҳанинг мутахассислари билан уни таништирдим. А.Мамедов улар билан мулоқотда бўлиб, керакли материалларни ёзип олди. Сўнг яна бир-икки кун Тошкентни бирга айландик. Суҳбатимиз давомида шу нарса маълум бўлди, унинг номзодлик диссертацияси мавзуси менинг номзодлик диссертациямнинг тадқиқот йўналишига, яъни адабий алоқаларга яқин экан. Тадқиқот мавзуларимизнинг муштараклиги бизни келажакда маслаҳатлашиб, илмий ҳамкорликда иш олиб боришимиз зарурлигини тақозо этарди. Ва биз бундан кейин бир-биримиз билан мактуб орқали бўлса-да, алоқа ўрнатиб, илмий ишларимиз юзасидан фикрлашиб туришга келишиб олдик. Ахмет Ашхабодга қайтиб кетди.

Диссертациямни ҳимоя қилиш арафаларида мен Ашхабодга бир неча марта бордим. Илмий марказларда, олий ўқув юртлари ва газета-журнал таҳририятларида бўлдим. Илмий ишимга алоқадор олимлар билан учрашиб, суҳбатлашдим. Диссертациямнинг тадқиқот обьекти бўлган «Қиссмат» романи ва унинг муаллифи, Туркманистан халқ ёзувчиси Хидир Деряев билан бўлган учрашувларим, мулоқотларим, романнинг яратилиш тарихига доир ундан ёзип олган

материалларим, таассуротларим мен учун бекиёс аҳамиятга эга, унугилмайдиган дақиқалар эди. Қўшжон Сайдмедов, Сапар Ўраев, Норқилич Хўжагелдиев, Атамурат Атабаев, Аҳмет Гурбаннепесовдек машҳур ёзувчи ва шоирлар, Боймуҳаммад Гарриев, Мати Кўсасев, Ўдагелди Абдуллаев, Сейит Гарриев, Сайлов Мурадов, Жўра Аллақов, Ашир Ўразов, Дурдимуҳаммад Нуралиев, Қақа Салихов, Назар Гуллаев, Қақажан Атаевдек атоқли олимлар билан бўлган учрашувларим, қизғин суҳбатларим ҳали ҳануз хотирадан ўчган эмас. Мен ўша кунларни ҳозир ҳам мамнуният билан эслайман. Менга устоздек бўлиб қолган, ҳеч қачон маслаҳатларини аямаган ҳамкасларимнинг айримларининг номларинигина ҳозир тилга олдим. Рўйхатни давом эттириш мумкин. Бу адаб ва олимларнинг кўпчилиги оламдан ўтган, жойлари жаннатда бўлсин! Хозирда ҳаёт қаламкаш дўстларим билан илмий-адабий алоқаларим бугун ҳам давом этётганидан мамнун эканлигимни айтишим зарур деб, ҳисоблайман.

Бу гапларни алоҳида таъкидлаб ёзаётганимнинг сабаби шундаки, менинг туркман адабиёти, энг машҳур ижодкорлари, адабиётшунос олимлари билан танишиб, дўстлик ва илмий ҳамкорлик ришталарини боғлашимда, туркман адабий мұхити билан янада яқинлашишимда Ахмет Мамедовнинг роли жуда катта бўлди. Мен ундан ҳамиша миннатдорман.

Номзодлик диссертациямни ҳимоя қилганимдан сўнг мен Ўзбекистон ФА Тил ва адабиёт институтининг «Адабий алоқалар» бўлимида илмий фаолиятимни бошладим. Институтда ишлаб юрган йилларимда ҳам А.Мамедов билан Тошкентда, Ашхабода мунтазам учрашиб турдик. Ўша йилларда ҳам у Тошкентта бир неча марта келди. Илмий-адабий давраларга бирга қатнашдик. Ҳар бир ижодий учрашувдан ўзига хос илҳом оларди. Бу учрашувлар изсиз қолиб кетмасди. Шеърлар, очерк ёки публицистик мақолалар шаклида матбуотда босилиб чиқарди. Бу ижодий тажриба туркман-ўзбек адабий алоқаларининг ривожланишига, мундарижасининг бойишига хизмат қиласиз.

1977 йилда мен Тошкентдан Нукус давлат университетика ишга қайтдим. А.Мамедов билан илмий ҳамкорлигимиз бу ерда ҳам давом этди. У Нукусга келди, мен Ашхабодга

бодга бордим. Алоқаларимиз олдинги йиллардагидан ҳам самаралироқ бўла бошлади. Ахмет туркман адабиётидаги янгиликлар билан мени танишириб борди, янги китоблар юборди. Мен ҳам сўнгги йилларда ўзбек ва қорақалпоқ адабий муҳитида пайдо бўлган янгиликлар, янги чоп этилган илмий-бадиий асарлар хусусида унга маълумотлар етказиб турдим. Натижада унинг қорақалпоқ адабиётига қизиқиши ортди. Ижодида қорақалпоқ мавзуси шаклланди. Қорақалпоқ шоирлари асарларини туркман тилига таржима қилишга киришди. Менинг илмий фаолиятим ҳам қорақалпоқ-туркман адабий алоқаларини ўрганишга йўналтирилгани боис А.Мамедов билан Ашхабодда, гоҳ Нукусда ёки Тошховузда учрашиб, маслаҳатлашадиган, фикрлашиб турадиган бўлдик. Ўзбек-туркман-қорақалпоқ адабий алоқалари доирасида Ахмет билан анча йиллар давомидаги илмий ҳамкорлигимиз натижаларидан мамнун эканлигимни яна бир бор таъкидлашга бурчлиман.

Мавзунинг илмий таҳлилига киришмасдан олдин бу гапларни айтишдан мақсадим шуки, мен Ахмет Мамедовни бошқаларга нисбатан олим сифатида ҳам, шоир ва таржимон сифатида ҳам яхши биламан. Унинг ижодий лабораторияси менга яхши таниш. Кўп илмий-бадиий асарларининг, таржималарининг яратилиш жараёнларига гувоҳман, десам хато бўлмас. Шоир, олим ва таржимон сифатида Ахметнинг қорақалпоқ адабий муҳитига янаца яқинлашишида, ижодкорлари билан дўстона муносабатлар ўрнатишида озигина ҳиссам борлигидан хурсандман.

Бир ҳақиқатни таъкидлаб айтишим зарур. Ҳозирги замон туркман-қорақалпоқ адабий алоқалари ҳақида сўз очганда Ахмет Мамедов ижодини четлаб ўтиш мумкин эмас. Қорақалпоқ адабиётида ҳам, туркман адабиётида ҳам ҳали ҳеч бир ижодкор бу икки адабиёт ўртасидаги алоқаларнинг ривожланишига Ахмет Мамедовчалик ҳисса кўшгани йўқ. Бу фактни ҳар икки республика илмий-адабий жамоатчилиги, мутахассислари яхши билади ва тан олади. Шундай экан, туркман-қорақалпоқ адабий алоқалари тараққиётiga катта ҳисса кўшган серкирра бу истеъод соҳибининг ҳайрли ишлари билан кенг жамоатчиликни таниширишни ҳам қарз, ҳам фарз деб ҳисобладик ва ушбу мақолани ёзишга жазм этдик. Ўйлаймизки, бу ҳаракатимиз сизни бефарқ қол-

дирмайди, оз бўлса-да туркман адабиётига, қолаверса, қорақалпоқ адабиётининг жонкуяри ва дўстига айланган Ахмет Мамедов ижодига нисбатан қизиқишингиз ва ҳурматингизни ортиради.

Ахмет Мамедовнинг илмий-ижодий фаолиятини бевосита қорақалпоқ адабий муҳити билан алоқадорликда ўрганишдан олдин унинг туркман адабиёти ва адабиётшунослигидаги ўрни, шоир сифатидаги салоҳияти тўғрисида жамоатчиликка қисман маълумот бериб ўтсак, фойдадан холи бўлмас.

* * *

Ахмет Мамедов Туркманистоннинг Тошховуз вилоятида туғилган. Болалик ва ўсмирилик йиллари ўша жойда ўтган. 1965 йилда у Туркман давлат университетининг туркман филологияси факультетини тамомлаб, республиканинг турли газета-журналларида меҳнат фаолиятини бошлайди. Адабиётта ҳавас, илмга қизиқиш истаги уни Туркманистон Фанлар академияси Махтумкули номидаги Тил ва адабиёт институтига олиб келади. Бу илмий даргоҳда у илмий ходим бўлиб ишлайди. Бўлажак олимнинг илм соҳасида эришган барча муваффақиятлари шу илмий-тадқиқот институти билан боғлиқ. Салкам қирқ йилдан бери у шу ерда меҳнат қилади. Олим ўнлаб монографиялар, рисолалар нашр эттириди. Юзлаб мақолалар эълон қилди. Адабиётшунос ва танқидчи сифатида танилди, тан олинди. Институтнинг кичик илмий ходимлигидан бўлим мудири лавозимигача бўлган йўлни босиб ўгди. Бу илмий даргоҳда у филология фанлари номзоди (1973), филология фанлари доктори (1991) илмий даражаларига эришди. Бу илм ўчоги А.Мамедов учун ўсиш, улғайиш, чиниқиши, ижодий-илмий камолот мактаби бўлди.

А.Мамедов илмий фаолиятини қардош адабиётлар ўртасидаги алоқаларни ўрганишдан бошлади. Номзодлик диссертациясига мавзуни ҳам шу соҳадан танлади. Туркман адабиётининг Марказий Осиё адабиётлари билан алоқалари олимни кўпроқ қизиқтириди. Ўзга адабиётларда туркман мавзусида ёзилган шеърий асарларни илмий таҳдил қилишга эътибор қаратди. Кўп ўтмай унинг «Совет Шарқи шеъриятида туркман ҳақиқати», «Страницы из взаимосвязей брат-

ских литератур» номли китоблари чол этилди. Икки китоб ҳам туркман адабиётшунослари билан бирга Марказий Осиёнинг машҳур олимлари томонидан ҳам ижобий баҳоланди, матбуотда ижобий тақризлар босилди. Олимнинг илм йўлидаги илк қадамлари мувваффақиятли бўлди. Бу ютуқлар уни янги-янги илмий ишлар ёзишга илҳомлантириди. Энди у туркман адабий жараёнининг долзарб масалаларини ўрганишга қўл урди, фундаментал тақиқотлар ёзди, салмоқли китоблар нашр эттириди. Олим туркман адабиётшунослигининг дикқатдан четда қолиб келаётган илмий муаммоларини ўрганишда фаоллик кўрсата бошлади. Пешқадам адабиётшунослар қаторига ўтиб олди. Ҳозирги кунгача унинг йигирмага яқин илмий китоблари босилди. Муаллифнинг «Туркман насрода Улуғ Ватан уруши тасвири», «Давр ва адабий одимлар» каби монографиялари сўнгги йиллар туркман адабиётшунослиги ва адабий танқидининг салмоқли ютуқларидан бири бўлди, мутахассислар томонидан юқори баҳоланди. Бу китобларда туркман адабий жараёни, тараққиёти тенденциялари холис таҳлил этилди. Ўрганилган асарларнинг ютуқ ва камчиликлари холисона кўрсатилди. Туркман адабиётини қардош халқлар ва жаҳон адабиёти контекстидаги қўйсий таҳлил қилингани тилга олинган монографияларнинг бош фазилатидир.

Олим илмий фаолияти давомида портрет жанрига алоҳида эътибор беради ва туркман адабиётшунослигига кам ўрганилган ёки умуман ўрганилмаган шоир, ёзувчи, танқидчиларнинг ижодий поргрестларини яратди. Унинг «Беки Сейтақов», «Ата Ниязовнинг ҳаёти ва ижоди», «Хонқули Тангрибердиевнинг илмий-танқидий мероси», «Сўнмайдиган ва сунмайдиган юлдуз» (машҳур танқидчи Ў. Абдуллаев ҳақида) каби кўламдор монографиялари ҳозирги замон туркман адабиётшунослиги ва танқидчилигининг ютуқлари деб айта оламиз.

Ахмет Мамедовнинг илмий-танқидий фаолияти юкорида тилга олинган китблардангина иборат эмас. Агар танқидчининг туркман матбуотида, илмий тўпламлар ва алманихаларда, бошқа республикаларда босилиб чиқсан мақолаларини ҳам кўшиб ҳисобласак, олимнинг адабиётшунослика доир тадқиқотлари жуда кўп, мавзу доираси кўп қиррали эканлигини кўрамиз. Бу фактлар А. Мамедовни бутунги турк-

ман адабиётшунослиги ва танқидчилигининг фаол олимларидан бири деб холоса чиқаришга асос беради.

Ахмет Мамедов ижодининг яна бир қаноти шеърият билан боғлиқ. У ҳозирги замон туркман шеъриятининг таникли вакилларидан бири. Замонавий туркман шеъриятининг тараққиёти хусусида гапирилганда, унинг ижоди, лирик асарлари, албатта, тилга олинади. Шоир лирикаси ҳам унинг илмий фаолиятидек сермаҳсул ва бадиий мукаммал. У шеъриятда ҳам жуда фаол ижод қилиб келмоқда. Ҳозирга кадар ўн бешга яқин шеърий китоби нашр этилди. Ахмет Мамедовда шеъриятга қизиқиш талабалик йилларидан бошланган. Бу қизиқиш ва тинимсиз ижодий изланишлар кейинчалик уни туркман шеъриятининг кўзга кўринган шоирларидан бирига айлантириди. Шоир қаламига мансуб «Фарзанд», «Бир юракнинг торлари», «Гўзал қизлар», «Кўнглим кўзгуси», «Шеърлар гулдастаси» тўпламлари туркман шеърияти тараққиётига қўшилган ҳисса. Туркманистонда Ахмет Мамедовни болалар шоирни сифатида ҳам яхши билишади. Унинг туркум шеър ва поэмалари, шеърий эртаклари болаларнинг севимли асарларига айланганига кўп йиллар бўлди. Унинг «Аланга», «Кундузнинг сурати», «Юлдузли кўл» ва яна бир неча тўпламлари туркман болалар адабиётининг ютуқларидир.

Тўри, Ахмет Мамедовнинг шеърий китобларининг кўпчилиги шўролар даврида ёзилган ва нашр этилган. Шундай бўлса-да, уларда соҳта мадҳиябозлиқ, қандайдир келгинди мафкуравий таъзийқ остида ёзилганлари кўп ҳам кўзга ташланавермайди. Шоирнинг лирика жанридаги исъетиди мустақиллик йилларида (Туркманистон 1991 йилнинг 27 октябрида мустақилликка эришган) янада юксалди. Истиқлол шоир орзуларининг рўёбга чиқишига кенг йўл очди. Эмин-эркин ижод қилиши учун шароит яратди. Адаб бу имкониятдан яхши фойдаланди. Мустақиллик foяларига ҳамоҳанг достонлар, шеърлар ижод этди. Унинг «Кизил шамол», (1995), «Туркманныма» (1996), «Ғазаллар» (1998) китоблари мустақиллик даври туркман шеъриятининг меваларишир.

«Ғазаллар» шеърий тўплами фақат шоир ижодидагина эмас, умуман, туркман шеъриятида ўзига хос янгилик бўлди. Муаллиф туркман ижодкорлари назаридан деярли

четда қолиб келаётган газал жанрининг яхши намуналарини яратди ва ушбу китобга киритди. Шоирнинг бу ижодий машқлари мұваффақиятли чиқди. Бу билан А.Мамедов мұмтоз адабиёттинг етакчи шеърий ўлчовларидан бири – аruz вазнида ҳам ижод қилиш қобилиятига эга эканлигини күрсатди. Унинг Шарқ мұмтоз адабиёти намояндаларининг туркум газалларини туркман тилига ўғириши газал сирларини ўзлаштириб олишида ижодий мактаб вазифасини ўтагани у ёзган газаллар руҳида сезилиб туради. Муаллиф түпламга ўз газалларидан ташқари Навоий, Ҳусайнин, Фузулий каби буюк шоирларнинг асарларидан ҳам парчалар таржима қилиб киритган. Ўзбек адабиётининг Ўйғун, Собир Абдулла, қорақалпоқ адабиётининг Ибройим Юсупов, Тўлепберган Матмуратов, Абулқосим Ўтепберганов каби шоирлар қаламига мансуб газаллардан намуналарнинг туркманчага таржима қилиниб, ушбу китобга илова қилингани ижобий ҳодисадир.

Ҳа, Ахмет Мамедовнинг адабиётшунослик фаолияти ҳам, лирика жанридаги ижодий изланишлари ҳам кўп тармоқли. Биз унинг адабиёт илмига тегишли айrim монографияларини, баъзи шеърий китобларини тилга олдик холос. Мақсадимиз олимнинг илмий-адабий фаолиятининг қорақалпоқ адабиёти билан боғлиқ саҳифаларини батағ силроқ ёритишдан иборат бўлгани боис бу мавзу ҳақидаги фикрларимизни шу жойда якунлашни лозим топдик.

* * *

Ахмет Мамедов, аввало, олим, адабий танқидчи, ҳозирги туркман адабиётшунослигининг кўзга кўринган вакилларидан бири. Унинг илмий фаолиятининг муайян бўлагини адабий алоқалар ва таъсиrlар, аниқроғи, туркман-қорақалпоқ адабий ҳамкорлиги масаласини ўрганиш ташкил этади. Сабаби олим ишт соҳасидаги ilk қадамларидан бошлаб то ҳозиргача давом этаётган илмий изланишларида бу мавзуга маҳсус эътибор қаратиб келмоқда. Муаллифнинг ҳозирги кунгача туркман-қорақалпоқ адабий алоқаларига бағишланган илмий мақолаларининг сони элликтан ошади. Бу ўринда уларни номма-ном санаш ва ҳар бирини шархлаш имкони жуда чегараланганд. Шу боисдан ҳам унинг фақат туркман-қорақалпоқ адабий жараённан сезиларли из

қолдирган мақолаларигагина муносабат билдириш билан чекланамиз.

А.Мамедовнинг олимлик салоҳиятида бир хусусият доимо ажralиб туради. У қорақалпоқ мұмтоз ва ҳозирги замон адабиётини яхши билади. Ўтган асрларда яшаб ижод этган ва ҳозирда қалам тебратиб келаётган ҳар бир шоир ёки ёзувчининг адабий фаолиятини худди қорақалпоқ адабиётшуносидек, профессионал даражада таҳлил қилиш истеъодига эга. Муаллифнинг Кунхўжа, Ажиниёз, Бердақдек қорақалпоқ мұмтоз адабиёти намояндалари, шунингдек, Т.Қайылберганов, Ж.Оймирзаев, И.Юсупов, Т.Матмуратов, Ш.Сейитов, Т.Қабулов сингари замонавий адабиёт вакилларининг ижоди ҳақидаги тадқиқотлари фикримизнинг тасдидидир. Туркманистоннинг газета-журналларида, илмий түпламларда олим эълон қилган «Демократ шоир», «Қорақалпоқ шеъриятининг улуғ шоири» (Бердақ ҳақида), «Махтумкулиниң қорақалпоқ шогирллари» (Кунхўжа, Ажиниёз, Бердақ ҳақида) сарлавҳали мақолалари ҳар томонлама мукаммал бўлиб, ўқувчига қорақалпоқ мұмтоз адабиёти тўғрисида анча яхши тасаввур бера олади.

Ахмет Мамедовнинг ҳозирги замон қорақалпоқ адабиётiga бағишланган илмий мақолалари орасида Ибройим Юсупов лирикаси таҳдили кўпроқ ўринни эга лайди. Мальумки, И.Юсупов шеърияти муайян даражада Туркманистон ва туркман адабий мухитига яқин. У Махтумкули асарларини таржима қилди. Ўзи ҳам Махтумкулидан таъсиrlанинг бир неча шеърлар ёзган. «Гиламчи аёл ҳақида ҳақиқат» деган катта достони туркман ҳаётига бағишланган. Шоирнинг Махтумкули тўғрисида бир қатор илмий мақолалар эълон қилганлигини жамоатчилик билади. Олим кўп йиллардан бери «Ибройим Юсупов ва туркман адабиёти» деган мавзуга қизиқиб келади. Шу мавзуга доир бир неча илмий ишлар ёзди. Муаллифнинг «Гиламчи аёл ҳақида ҳақиқат» поэмаси ҳақидаги илмий мақоласи нафақат туркман, балки қорақалпоқ илмий-адабий жамоатчилигига ҳам яхши таасурут қолдирди, ҳар иккى республиканинг матбуотида бошлиб чиқди, илмий түпламлардан жой олди. Олим асарни қорақалпоқ поэмачилигининг катта ютуқларидан деб баҳолайди. Туркман ҳаёти поэмада барча миллий колорити билан ифодаланғанини, образлари чинакам миллий характер

даражасига күтариլганини, ҳар бир лавҳа тасвири ва эңгичик бадиий деталда ҳам И.Юсупов миллий ва маҳаллий шароит руҳидан келиб чиқиб иш күрганини макола муаллифи түгри таъкидлайди. Бу фикрлар қорақалпоқ адабиётшуносларининг достон ҳақидаги қарашларига уйғун. Мақолаларда Ибройим Юсупов ижодининг туркман адабиёти билан боғлиқ жиҳатлари күпроқ ёритилган. Агар А.Мамедов ҳозирги даврдаги туркман-қорақалпоқ адабий алоқалари түгрисида бирор тадқиқот ёки мақола ёзишни режалаштиrsa, мавзуни Ибройим Юсупов ижодидан бошлайди ва шоирнинг туркман адабиётига доир ижод саҳифаларини варақлайди. Адабий дўстликка хизмат қиласидан фактларни топиб, таҳлилга тортади. «Дўстликдан бир нишон», «Махтумкули ижоди қорақалпоқ шоири ҳәётида» мақолалари шундай характердаги тадқиқотлардир.

А.Мамедов қорақалпоқ адабиётининг етук асарларига ҳам ўз баҳосини бериб келаяпти. У машхур ёзувчи Түлеңберган Қайипбергановнинг «Қорақалпоқ қизи» романига, Жўлмирза Оймирзаевнинг «Туркман қизи Норжон» поэмасига, Шаўдирбой Сейитовнинг «Қочқин» повестига тақризлар бағишилади ва Туркманистон матбуотида эълон қилди. Бу асарларни туркман танқидчиси нуқтаи назаридан баҳолади. Олимнинг «Қочқин» повести ҳақидаги мулоҳазалари қорақалпоқ адабиётшунослиги учун янгилик бўлганилигини қисса муаллифининг ўзи ҳам тан олганди. Ёзувчининг образларни талқин қилишдаги ўзига хослиги, бъязи қаҳрамонлар характеристи бутун мураккаблиги билан берилгани, муаллифининг адабиётда шаблонга айланниб қолган усуслар (ижобийни фақат ижобий хусусиятлари билан бериш, салбий бўлса фақат қора бўёқлар билан тасвирлаш)дан чекиниб, оригинал характеристлар яратгани, жонли инсон қиёфасини бадиий талқин этгани. «Қочқин»нинг жиддий ютуғи, ёзувчи маҳоратининг белгиси эканини А.Мамедов адабиётшуносликда биринчи бўлиб юқорида тилга олинган тақризида айтган эди. Повестдаги Хонлиқилич, Дурди, Насибали, Айсултан каби образлар туркман адабиётшуноси нуқтаи назари билан талқин қилиниб, асарга янгича ёндашилгани, адабиётшунослик учун янги фикрларни илгари сургани Ш.Сейитовни жуда қувонтирган эди.

Ахмет Мамедовнинг туркман-қорақалпоқ адабий алоқаларини ўрганишга бағишиланган туркум мақолалари Туркманистоннинг марказий газета-журналларида босилган. Олимнинг «Махтумкули ва қорақалпоқ адабиёти», «Қардошлиқ саломи», «Камина ва Умрекнинг анекдотлари», «Адабий алоқаларга бағишиланди», «Буюк бойлик», «Махтумкули ва қорақалпоқ шоирлари», «Камина ва адабий алоқаларнинг баъзи масалалари», «Махтумкули шеърлари қорақалпоқ тилида», «Қалбларнинг бирлиги», «Қорақалпоқ «Одобнома»сида Махтумкули» каби ўнлаб мақолалари фикримизга далил. Уларда икки адабиётнинг ҳамкорлиги, тажриба алмашувлари адабий мисолларда ёритилади. Адабий дўстликнинг аҳамиятига урғу қилиниб, икки томон учун фойдали таклифлар илгари суриласди.

* * *

Ахмет Мамедов ижодининг Қорақалпоғистон, қорақалпоқ адабий муҳити билан боғлиқ яна бир аҳамиятли томони бор. Бу – шоир лирикасида қорақалпоқ мавзусининг бадиий талқини масаласи. Шоир бу мавзу билан кўплан бери қизиқиб, шуғулланиб келади. Унинг ижодида бу мавзу тасодифан пайдо бўлган эмас. Юқорида эслатганимиздек, у Қорақалпоғистонда кўп марта ижодий сафарда бўлди. Республиkaning ҳәёти билан танишди. Шоир ва ёзувчилари, олимлари билан мулоқотда бўлди. Бу учрашувлар, сұхбатлар, қорақалпоқ адабий жараёни билан яқиндан танишув ва олинган таассуротлар кейинчалик шоирга илҳом бериб, шеърлари мазмунига айланди. «Бердақ шеърларининг ошиғи Ахмет», «Қорақалпоғим», «Тўрткўл туркмантарига», «Орол эртаги», «Агар мени соғинсанг», «Қорақалпоқ қизи», «Шўманай», «Сұхбатдош бўлганда Улмамбет билан», «Қизлар», «Бердақ тўйига бораётib», «Ажиниёз» каби шеърлари дўстлик мадҳияси, қорақалпоқ халқига, адабиёти ва маданиятига нисбатан хурмат ифодасидир. Туркман ва қорақалпоқ халқлари дўстлиги гоялари билан сугорилган куйидаги бандлар ҳар бир ўкувчига илҳом бағишилашига ишончимиз комид:

Дунйаде иң яқын хемдемимсиз сен,
Сен йурегмин яғы, гарагалтагым.

*Сувун жуммушинден алынан мержан,-
Хем гунешин чогы – гарагалтагым.*

*Ата-бабаларымыз эл берип эле,
Хасратда, шатлыкда болдулар биле.
Кыргызың мензеттим кырк дурли гуле
Гул-чеменлен багы, гарагалтагым.*

*Дузун дузумыза гаты мензеш дост,
Сазың-сазымыза мензеш дост,
Өзүң өзүмизе мензеш дост,
Ек достлугың чәги, гарагалтагым¹.*

Ахмет Мамедов Бердақ ижодининг мухлиси, таржими, тадқиқотчиси ва тарғиботчисидир. Шоир асарлари билан яқындан танишув, ижод сирларидан завқланиш турман шоирида Бердақça бўлган ҳурматни шеърга солиш истагини кучайтиради. «Бердақ шеърларининг ошиғи Ахмет», «Бердақ тўйга бораётганда», «Бердақ устоз»номли шеърлари шу илҳомнинг натижаларидир. Шеърлар ўзига хос поэтик шакл ва оригинал мазмунга эга. Улар турли даврларда ёзилган бўлса-да, шеърларни ўзаро уйғуллаштириб турдиган бир яхлит foя бор. Бу – муаллифнинг Бердақ лирикасига қардошлиқ меҳри, демократ шоирни Шарқ алабиётининг йирик вакилларидан бири сифатида улуелашидир. «Бердақ шеърларининг ошиғи Ахмет» шеъридан олинган куйидаги бандлар шоириңг Бердақдек сўз санъаткорини вояга етказган қорақалпоқ ўлкасига ҳурматнинг бадиий кўзгуси, десак хато бўлмас.

*Гелди бу ерлере гызгын салама,
Гетирди йурегниң жошуны, Ахмет.
Салар бу гун шахырана зыбана,
Гарагалпак достларының ишини, Ахмет.*

*Бир элинде дутар, галам бир элде,
Калбында дессаны жошли Аралдей*

¹ А. Мәмmedov. Бир йурегин тарлары. Ашгабат, «Туркменистан», 1980., 30-бет. Бундан кейинги мисоллар шу нашрдан бўлади, бети кўрсатилиди.

*Зәхметсөврленден алып ғөрелде,
Васп эдер гожасын, яшыны Ахмет.*

*Нер ҳатарна гирдиң сенем нер болуп,
Ныгматын эглийэр ериң дур болуп,
Йурегинде орун тутан зер болуп -
Бердақ шығырларның ашығы, Ахмет.*

(29-бет)

Ахмет Мамедов Бердақнинг турли йилларда Қорақалпостонда нишонланган юбилей тантаналарининг ҳеч биридан қолган эмас, иштирок этиб келмоқда. Бердақнинг 160 йиллик юбилейни нишонланётган Нукусдаги санъат саройи саҳнасидан туриб шоирнинг Туркманистон Ёзувчилари уюшмаси номидан нутқ сўзлагани ва эсадлик сифатида Махтумкули бюстини Ўзбекистон ва Қорақалпостон халқ ёзувчиши. Тўлелберіган Қайиғбергановга тантанали равишда топширгани ҳамон ёдимизда. Ўшанда Бердақга бағишилаб ёзган шеърини турман тилида ўқиб берганида залда ўтирганлар гулдирос қарсаклар билан олқишилаганди. Мана, ўша шеърнинг икки банди:

*... Сөз айтса егер лаглы-маржан зер еткен,
Хақыйқат жолында талмай гурескен,
«Халық ушын» жаў менен табан тирескен,
Әжайып зәбердес шәқиртим, – деди.*

*Бул уллы байрамға егленбей тез кет,
Нәсиятын ал сен, мурадыңа жет.
Тойында жен турит, хадал хызмет ет,
Барғыл, жолларыңа гул шаштым, – деди...*

Шеър Махтумкули тилидан битилган. Бердақ ижодининг поэтик хусусиятлари шеър мазмунига сингдирилганини сезган бўлсангиз қерак. Унда устоз-шогирд муносабатлари фонида икки халқ тақдирининг ўхшашлиги, адабиётларининг дўстлиги куйланади. Шеърдан келиб чиқадиган мантикий хулоса, рамзий маъно ҳам шу. Шеър Туркманистон матбуотида босилди. Шоир Абулқосим Ўтепберганов уни қорақалпоқ тилига ўгириб, «Қардошлиқ саломи» деган мақола билан «Амударё» журналида эълон қилди.

Ахмет Мамедов Бердаңнинг 170 йиллик юбилейига ҳам қатнашди. Шоир тўйи арафасида Бердақ ижоди тўғрисида Туркманистанда бир неча мақолалар эълон қилди, бир туркменистони шеърларини туркман тилига таржима қилиб, матбуотда бостириди. Унинг «Қорақалпоқ шеъриятининг улуф шоири» сарлавҳали илмий мақоласи ҳамда «Бердақ устоз»номли шеъри шу саъи-ҳаракатнинг самарасидир. Муаллиф мақолада қорақалпоқ шоири меросининг поэтик хусусиятлари етакчи тенденцияларини илмий таҳлил қилади. Олининг кўйидаги фикрлари қорақалпоқ бердақшунослигидаги илмий қарашларга оҳангдош. «Бердақ – Бердимурод Қарғабой ўели қорақалпоқ мумтоз шеъриятида ҳар томонлама оригинал шоир сифатида машҳурдир. Ҳалқ шоирни жуда қадрлайди, қорақалпоқ шеъриятини поэтик руҳ, мавзу ва ғоявий жиҳатдан янги босқичга кўтарган ижодкор деб билади. Бу айни ҳақиқат. Чиндан ҳам, Бердақ шеъриятни ўз ҳалқи қалбига жуда яқинлаштириди, унинг мазмун ришталарини одамларнинг реал ҳастига, тақдирига, дунёқарашига, замон ва заминда бўлаётган воқеаларга миллий манфаат нуқтаи назаридан олиб келиб боғлади. Ижодда реализм принципларини қўллаш масаласида ҳам Бердақ XIX асрда бошқа ҳалқлар адабиётида яшаб ижод этган истаган замондош шоирлари билан бемалол беллаша олади. Бердақ қорақалпоқ мумтоз шеъриятида эпик жанрга асос солган биринчи сўз устасидир».¹

Муаллиф бу қарашларини илмий асослаб ҳам беради. Бердаңнинг «Шежире», «Равшан», «Айдўсбобо», «Амангелди», «Ерназар бий» достонларининг ғоявий-бадиий хусусиятлари ҳақиқа XIX аср қорақалпоқ адабиётидаги ўрни, шоир шеъриятининг туркӣ ҳалқлар адабиётидаги аҳамияти тўғрисида муҳим фикрларни баён этади.

Бердақ асарларининг туркман адабий жараёни билан киёсий ўрганилгани, шоирнинг Махтумкули ижодига муносабати ёритилгани мақоланинг долзарблик хусусиятидир. Мақолага илова қилинган «Устоз Бердақ» шеъри эса шоир меросига эҳтиромнинг поэтик ифодаси эди. Мана, унинг икки банди:

¹ «Эдебият ва сунгат», 1998 й., 16 декабрь.

Достлугымыз ыхласына гәре бак,
Сениң шығырларың маңа теберик,
Мен туркмен гардашың тоюң мубарек,
Ишләйин, иш бўйрасан, Бердақ халыпа!

Сен мисли мензешсин очмайен ода,
Сениң дек Адама баш эгмек када,
Эгер, шығыр яшап йөрсө дунйаде
Яшабер, яшарсың, Бердақ халыпа!

Назаримизда, сўз юритилаётган мавзу билан боғлиқ яна бир фактни эслаш мавриди келди. Ахмет Мамедов 1994 йилнинг ёз ойларида Қорақалпогистонда ижодий сафарда бўлди. Қорақалпоқ давлат университети ва Нукус давлат педагогика институтининг профессор-ўқитувчилари, ҳамкасб дўстлари билан учрашувлар ўтказди. Университетнинг туркман филологияси бўлими талabalariга маърузалар ўқиди. Бошқа-да илмий-адабий марказлар, газета-журнал таҳририятларида бўлди. Ижодкорлар билан туркман-қорақалпоқ адабий алоқалари ва унинг истиқболлари юзасидан фикрлашди. Ҳамкасб дўстларини келажак режалари билан танишитириди. Унинг Нукусда бўлиб турган даври Ажиниёзнинг 170 йиллик юбилейини нишонлашга қизғин тайёргарлик бошланган кунларга, яъни Қорақалпогистонда «Ажиниёз кунлари»ни ўтказишга киришишган пайтга тўғри келди. Шоирнинг Ажиниёз юбилейи арафасида қорақалпоқ заминида бўлиши, шеърият байрамига иштирок этиши ижодкор сифатида унинг ўзи учун ҳам, адабиётимиз учун ҳам фойдали бўлди. Ўша йилнинг 31 июляда у Қорақалпогистон Республикасининг мутасадди раҳбарлари таклифи билан бир гуруҳ ижодкорлар, зиёлилар сафида Кўнғирот туманининг Ажиниёз номли жамоа хўжалигига бўлди ва шоир ҳайкалининг очилиш тадбирига қатнашди. Туркман-қорақалпоқ-ўзбек ҳалқларининг азалий дўстлиги тўғрисида нутқ сўзлади. Ажиниёз ижодининг аҳамиятини, жаҳон адабиётидаги ўрнини, айниқса, туркман ҳалқининг ҳам севимли шоири эканлигини илҳом билан гапирди. Ўз таржимасида Ажиниёз шеърларидан намуналар ўқиб берди. Шоирга бағишлиб ёзган ўз шеърини ёд ўқиганида тантана иштирокчилари унинг истеъодига қойил қолиб, қарсаклар

билан олқишилаб турдилар, жүшқин талантiga, шоирлик маҳоратига тан бердилар.

Күнгиротда бўлган бу тадбир, тантана Ахмет Мамеднинг шоирлик тажрибасида изсиз қолиб кетмади. Ашхабодга қайтгач, салкам бир ой давомида Қорақалпогистондаги сафар таассуротларини қоғозга тушириб «Адабий алоқа – адабий алоқа» деган катта публицистик мақола ёзди ва уни «Сиёсий сұхбатдош» (1994 й., 14.IX) газетасида эълон қилди. Мақоланинг охирига Күнгиротдаги тадбирда ўқиган «Ажиниёз» шеърини илова қилди. Шеърнинг маъноси теран, гояси салмоқдор. Ҳар бир мисраннинг ички мазмунидаги фикр талқини шоирнинг бетакрор туйғулари тасвири ўқувчини сеҳрлайди ва Ажиниёз-дек катта сўз устасига ватандош бўлганидан дилида фаҳр туйғуларини ҳис қиласди.

*Гарагалпакларың көнүл ләлеси,
Арзуви-умыды, гөз пиаласы,
«Дунйә гөзеллиги – инсан баласы» –
Ажыныяз!*

*Жошгуныны деңгейэн мен сил билен,
Я деряйы, Гулзум билен Нил билен
Биле гулуп, биле аглан ил билен –
Ажыныяз!*

*Гарашсыз бир улкәм шахыр данасы,
Жейхун киби долы илхам ханасы,
Сөзи сөз багының чын дурдәнеси,
Ажыныяз!*

Ахмет Мамедов лирикасида қорақалпоқ мумтоз адабиётининг улуф шоирларини мадҳ этиб ёзилган шеърлар анча. Масалан, шоир бир шеърида Кунхўжа, Ажиниёз, Бердақларни адабиёт осмонининг ёруғ юлдузларига, баланд тогларга, жўшқин дарёларга, шеърият бўстонининг хушловоз булбулларига, гиламларга тўқилган гўзал нақшларга қиёслайди.

*Уч юлдиз ғөрдим асманда
Гунхожса, Ажиниёз, Бердақ,*

*Гаты зор ғөрдим дессандা,
Гунхожса, Ажиниёз, Бердақ.*

*Уч даг бири биринен бейик,
Алыслардан ғөрунер айык,
Яшандыр ынсаны сөйип,
Гунхожса, Ажиниёз, Бердақ.*

*Халының гөзел ойдуми,
Диллерин ширин айдымы,
Ахмет Мамедин сойдуги,
Гунхожса, Ажиниёз, Бердақ.*

Шеърнинг ифода шакли жуда содда. Лекин фикр теран, тоя ибратли. Чиройли ўхшатишлар, оригинал бадий деталлар, поэтик образлар шеър мазмунини ўқувчига таъсирли етказишга хизмат қилган.

Ахмет Мамедовнинг айнан шундай услубда ёзилган «Ўзбек-туркман-қорақалпоқ» деб аталағидан яна бир шеъри бор. Унда яна бир учлик ҳақида сўз юритилади. Яъни уч биродар халқнинг азалий дўстлиги тасвирланади. Шоир дўстликни шунчаки яланғоч таърифламайди, уни мажозий талқин этади.

Туркман, қорақалпоқ ва ўзбек халқлари тақдирининг туташлигини кўрсата оладиган ҳаётий деталлар, ифодалар топади ва шу усул билан шеърнинг фалсафий асосини мустаҳкамлайди.

*Гадымъетден көклери бир -
Озбек-туркман-гарагалпак.
Өмур-ықбал деддери бир -
Озбек-туркмен-гарагалпак.*

*Яшаян меканы меңзеш,
Хем гөвун дуканы меңзеш,
Хен этсе муқамы меңзеш -
Озбек-туркмен-гарагалпак.*

*Новайи нур сепди Шарка,
Бердақ хизмат этди халка*

*Магтымгула гойды сарна –
Өзбек-туркмен-гарагаппак.*

Шеърнинг гоявий салмоғи, бадиийлиги, ифода шаклинг соддалиги, мазмуннинг теранлиги унинг ҳар томонлама мукаммал эканлигидан дарак беради. Очиги, уч ҳалқ дўстлигини бундан ошириб тасвиrlаш ҳамма шоирнинг қўлидан келавермайди.

А. Мамедовнинг дўстлик мавзусига багишланган асарларида бошқа шоирлар шеърларига ўхшамайдиган бир ўзгачалик бор. Дўстлик гояларини ёритиш учун шоир кўпроқ тарихий манбаларга, баъзан туркман ва қорақалпоқ фольклори материалларига мурожаат этади. Улар сюжетидан фойдаланиб икки ҳалқ дўстлигининг қадимилиги ҳақида оригинал асарлар яратди. Шоирнинг «Қирқ қиз»номли шеъри шу хилдаги сюжетли асарлардан бири. «Қирқ қиз», бизнингча, жанр эътибори билан шеърдан кўра кичикроқ ҳажмли достонга яқин. Гарчи муаллиф уни шеър деб атаган бўлсада, асарда ҳикоя қилинган воқеалар кўлами, образлар туркуми, бир неча сюжет чизиқларининг мавжудлиги, композицион қурилиши, мавзу ва гоясининг салмоғи достонни эслатади. «Гўрўғли» туркмандарнинг, «Қирқ қиз»қорақалпоқдарнинг ўлмас достонлари. Шоир шу икки достон образларидан фойдаланиб оригинал бир сюжет тўкиган. Гўрўғли бошлиқ қирқ йигитнинг Гулойим бошлигидаги қирқ қиз ўтовига қўноққа келиши воқеаси тасвиrlанади.

*Гороглы бег гелйэр, қырқ йигит гелйэр,
Гелйэр гадыр гойян оғлы туркменин,
Қырқ гыз гарши алмак учун ховлугар
Чендыбилиң дунйә бelli мертлерин.¹*

Муаллиф бундан кейин лирик чекинишга ўтиб, укувчи дикқатини Гўрўғли йигитларининг ўзаро сұхбатига қаратади. Сапар Марам, Хиртмон, Сейтак ва Мотал отда келаётib қирқ қизнинг таклифида бир сир йўқмикан, тузокқа или-

¹ А. Мамедов. Шығырлар дессеси. Ашгабат., «Туркменистан», 1989., 103-бет. Бундан кейинги мисоллар шу нашрдан бўлади.

ниб шарманда бўлмасак эди, деб хавфсирашади. Довруғи оламга ёйилган қирқ қизнинг қаҳрамонликларини эшитиб, ҳатто Гўрўғли ҳам иккilanади. Қирқ қизлар билан бўлажак баҳсларда йигитларининг енгилиб қолишидан ташвишланади. Шундай гумонлар билан манзилга етиб келадилар ва ўзлари кутмаган манзарага гувоҳ бўладилар.

*Бинха-да мыҳманлар гелйэрлер етип,
Гулайым, Гулсулув, Гулпарша – бары.
Хер хайсы бириниң атыны тутуп
Сонра йузленйэрлер серховуз сары.*

*Болса-да буз ялы сув сорап олар,
Хер бири бошатды бир куйзе чалы,
Шондан соң бирнеме ынжалайдылар,
Горкак дамарлары тутулан ялы.*

«Қирқ қиз»да бир ҳаётий лавҳа бор. У ихчам саҳнавий асарга ўхшаб кетади. Шоир бу воқеани шундай табиий, ишонарли тасвиrlаганки, гўё у ҳозир сизнинг кўз олдингизда бўлаётгандек. Гулойим қизлари билан Гўрўғли йигитларини «қирқ қўй, қирқ ҳўқиқ сўйиб, қирқ қозонда» таом тайёрлаб меҳмон қилгацдан кейин, уларни қирқ қиз билан ўзаро мусобақага, ўйин-кулгига таклиф этади. Асар сюжети шу асосда ривожлантирилади. Сейтак баъзи ҳаракатлари билан Гулойим қизларидан бири Гулсулуvнинг жасоратини тан олгиси келмайди. Сейтакнинг бу ҳаракати Гулсулуvнинг иззат-нафсиға тегади. Сейтакка кучини кўрсатиш мақсадида уни яkkама-якка беллашувга чақиради. Сейтак майдонга чиқади. Гулсулуv Сейтакни осмонга кўтаради. Чархпалақдек айлантириб-айлантириб ерга уради. Сейтак ҳар қанча уринмасин қизнинг панжасидан қутулолмайди. Ноилож енгилганини тан олиб, тавбасига таянади. Гулсулуvнинг ботирлигига қойил қолган Аваз унга туркман гилемини совға қиласди.

Тоймос билан Олтиной от чопишиади, Юлдуз билан Сапар Марам камонда ўқ отишиб мусобақалашади. Айтишув, қўшиқ авжига чиқади. Баҳслашувда тоҳ у томон, тоҳ бу томон устун келиб даврани қизитадилар. Бу кўриниш дўсто-

на, қизиқарли мусобақа, баҳс-тортишувлар, куй-күшиклар, ҳазил-мутойиба билан якунланади.

«Кирқ қыз»даги воқеалар бу билан тугамайди. Шоир мухим бир мантиқий хulosага келиш учун икки томон ўртасидаги мусобақани давом эттиради. Бир томонда Гулойим бошчилигидаги қызлар, иккинчи томонда Гүрӯғли муносабатини, ўтказилган тадбирлардан ҳар икки томон ҳам мамнун эканлигини изҳор этмоқда. Асарнинг финалидаги диалогда туркман ва қорақалпоқ халқлари дўстлигини тарғиб қиливчи ибратли гоя, катта рамзий маъно бор. Гүрӯғли ва Гулойим ўртасида ўрнатилган ака-сингиллик муносабатлари талқини орқали шоир икки халқ дўстлигига ишора қиласди. Бу талқиндан асрлар оша ота-боболаримиз асрраб келган бузилмас дўстликни сақлаш лозим, деган хулоса келиб чиқади.

— Сана салама дәл, тагзыма гелдим,
Гулайым, Гулайым, уям Гулайым.
Гөр, сениң шаныңа мун мукам чалдым,
Дурмушың мукама чумсун, ылайым!

— Чандыбыле салам етирип, бар Аман,
Гороглы, Гороглы, агам Гороглы!
Гелер ахыр бир гун арзылы заман,
Болуп йөрсек бир-биреге сораглы.

«Кирқ қыз»нинг халқлар дўстлиги гояси талқин этилган яна бир лавҳасини шоирнинг ижодий муваффақияти сифатида қайд этиш зарур. Гүрӯғли Гулойим билан хайрлашар экан, душман ҳужум қиласа «қиз боши» билан эл-юртини ҳимоя қила олармикан, деган хаёлга боради. Ва юртингга бирор хавф-хатар туғилгудек бўлса, дарров хабар бер, йигитларим билан етиб келаман, дейди. Гулойим ҳам бўш келмайди. Мана, ўша диалог:

— Сен гыз болуп ата чыкансың мунда,
Ил-гунуңи апалаң гез, горап гез!
Дерхал, хабар етирип, галсаң қын гунде,
Бинчәрениң маңлайындан дирәп гез!

— Гыз-оғлан» дийме-де, герек ҳалаты,
Чагыр: Биле керчеләли душманы.
Биз — бир гуш. Бир гушуң жупдур ганаты,
 Ыкбалда, қысматда айрыльышмалы!

Халқларимиз оғир кунларда бир-бирларига мададкор бўлган. Душманга қарши курашда бири учун иккинчиси жон фидо этган. Халқимиз табиатига хос бу хислатнинг тарихи қадими. Туркман ва қорақалпоқ халқлари бошига қийин кунлар тушгандা Гүрӯғли бобомнинг руҳи мадад берсин ёки аёлларимиз улуғ ишларга қўл урганларида Гулойимларнинг жасорати қўллаб-кувватласин деб бескорга айтишмайди. Бу дўстлик гояси асарда, гарчи, афсона шаклида берилган бўлса-да, бугунги кун учун катта тарбиявий аҳамиятга эга.

Биз Ахмет Мамедовнинг қорақалпоқ мавзусидаги айрим асарларинигина тилга олиб, уларнинг баъзилари тўғрисида сўз юритдик. Шоирнинг булардан бошқа-да Қорақалпоғистон тасвирига бағишлиган шеърий ва насрий асарлари кўп. Муаллифнинг «Бир юракнинг торлари», «Кўнглим кўзгуси», «Шеърлар чамани», «Туркманныма», «Фазаллар» сингари китобларидағи қорақалпоқ ҳаётига доир поэтик асарлари катта шеърий гулдастани ташкил этади.

* * *

Бадий таржима Ахмет Мамедов ижодининг иккинчи мухим қаноти. У қорақалпоқ адабиётининг Туркманистондаги энг фаол таржимони. Шоирнинг Туркманистоннинг газета-журналларида эълон қиласан ёки алоҳида китоб шаклида нашрдан чиқарган таржималарининг сони юздан ортади. Унинг таржимонлик фаолиятида Кунхўжа, Ажиниёз, Бердақ меросидан қилинган таржималар алоҳида туркум. А.Мамедов бу шоирлар ижодининг муҳлиси, тадқиқотчиси ва тарғиботчисидир. Бадий таржима тажрибасидан шу нарса маълумки, бошқа бир тилдан ўтирилаётган асар, биринчи галда, поэтик хусусиятлари билан таржимон қалбини тўлқинлантириши, унга бадий завқ бериши, қалбида муайян туйгуларни уйғотиши лозим. Таржимонга илҳом берган шундай асаргина таржима объектига айланади. Шу маънода Кунхўжа, Ажиниёз, Бер-

дақ шеърияти А.Мамедов учун ўзига хос илхом манбай ва таржимага унлаган маънавий күчидир. Шоирлар меросидан қилинган таржималар дастлаб республиканинг газета-журналиарида босилди, шеърият муҳлислари назаридан ўтказилди. Кейинчалик «Гошгулар» (1993) номи билан китоб шаклида чоп этилди. Ушбу тўпламнинг туркман тилида босилиб чиқиши туркман таржима адабиётидагина эмас, қорақалпоқ адабий муҳити учун ҳам муҳим воқеа сифатида баҳоланди.

А.Мамедовнинг таржимонлик фаолиятида И.Юсупов лирикасидан таржималар ҳам муҳим ўрин тутади. Бошқа шоирларга нисбатан И.Юсупов шеърияти унга ҳар томонлама яқин. Юқорида тилга олиб ўтганимиздек, ўтган асрнинг етмишинчи йилларидан бери шоир ижоди билан кириқиб илмий мақолалар ёзиб келади, шеърлари билан туркман ўкувчиларини таништириша бир талай ишларни амалга ошириди. 1986 йилда шоирнинг «Ўриклар гуллаганд» шеърий тўпламини туркман тилида нашр эттириди. И.Юсупов шеърларининг таржималари билан у сўнгги йилларда ҳам шуғулланди. Шоирнинг Махтумкулига ўхшатма қилиб ёзган «Намасан?», «Занг қолмас» шеърлари, «Қолди», «Бўлди», «Олиб кет», «Дунё» радифли фазаллари туркман тилида босилиб чиқди, кейин унинг «Фазаллар», «Туркманнома», «Махтумкули деб номим тутсалар» деган китобларига киритилди.

А.Мамедовнинг қорақалпоқ адабиётидан қилган таржималарининг доираси кенг. У юқорида тилга олинган шоирлардан бошқа-да ўнлаб қорақалпоқ ижодкорларининг асарларини туркман тилига таржима қилди. Унинг Т.Сейитжанов, Т.Матмуратов, Ш.Сейитовдек таниқли шоирларнинг асарлари билан туркман китобхонларини таништирганига кўп йиллар бўлди. Бугунги қорақалпоқ адабиётининг кўзга кўринган талантлари Т.Қабулов, Г.Матёкубова, Н.Тўрешова, Ш.Аяпов, А.Ўтепберганов, К.Ерназаровларнинг асарларини туркман тилига таржима қилишда Ахмет Мамедов шу кунларда ҳам фаол ишламоқда. Республиkaning «Эдебият ве сунгат», «Ватан», «Туркменистан», «Мугаллимлар газети», «Гарагум», «Дияр» каби газета-журналларида қорақалпоқ шоирларининг кўп шеърлари туркман тилида босилиб чиқди. Ушбу фактлар фидойи шоир-таржимон Ахмет

Мамедовнинг қорақалпоқ адабиётига ҳурматининг ёрқин намойишидир.

* * *

Ахмет Мамедовни шоир, олим ва таржимон сифатида Қорақалпоғистонда муҳлислар яхши танийди. Қорақалпоқ адабиётининг яқин лўсти деб билишади, ҳурмат қилишади. Мана, қарийб ўғтиз йилдирки, у Қорақалпоғистоннинг илмий-адабий муҳити, шоирлари, ёзувчилари ва олимлари билан алоқани узгани йўқ. Бу ижодий ҳамкорликлар, борди-келдилар А.Мамедовни қорақалпоқ адабий жараёнига анча яқинлаштириди ва бу алоқалар бир қатор қорақалпоқ шоир, ёзувчи ва олимлари билан шахсий дўстлик муносабатларини ўрнатишга имкон яратди. Бутун уни И.Юсупов, Т.Қайиберганов, К.Рахманов, Т.Қабулов, Г.Матёкубова, А.Ўтепберганов, Ш.Аяпов, К.Ерназаров каби ижодкорлар яхши танишади, қорақалпоқ адабиётининг фаол тарғиботчиси ва таржимони сифатида қадрлади.

Ахмет Мамедовнинг бир неча асарлари қорақалпоқ тилига таржима қилинди. Матбуотда мунтазам босилиб туради. Ўтган асрнинг 70-80 йилларида «Амударья» журнали ва «Еркин Қарақалпақстан» газетасида унинг шеърлари таржимасига катта ўрин ажратилиди. Ўзбек ва рус тилида чиқадиган «Вести Каракалпакстана», «Аму тонги» газеталари ҳам унинг асарлари билан ўз муҳлислариини таништириб борди. Шоирнинг шеърлар ва поэмалардан иборат «Кўнгил кўзгуси» (1991) тўплами қорақалпоқ тилида катта нусхада босилди. Китобга шоирнинг элликка яқин шеърлари ва тўрт достони киритилган. Шеърларни шоир ва ёзувчи А.Ўтепберганов, поэмаларни эса Бердақ номидаги Давлат мукофоти лауреати, шоир ва ёзувчи К.Ерназаровлар қорақалпоқ тилига таржима қилишиди.

Адабиётшунос олимларимиз ҳам Ахмет Мамедов ижодини Қорақалпоғистонда тарғиб қилиб келмоқда. Ўтган асрнинг 70-90 йилларида қорақалпоқ матбуотида унинг ижоди ҳақида кўп мақолалар босилди, китобларига тақризлар ўзлон килинди. Таниқли адабиётшунос, филология фанлари доктори К.Бойниёзовнинг «Бир гавдада урган икки юракмиз», А.Ўтепбергановнинг «Қорақалпоқ адабиётининг жонкуяри», ушбу сатрлар муаллифи (К.Курамбоев)нинг қорақалпоқ,

ўзбек ва рус тилларида эълон қилинган «Қўш қанотли ижодкор», «Дўстликнинг теран томирлари», «Адабий дўстлик ҳақида китоб», «Қайта туғилган шеърлар» каби мақолаларини тилга олиб ўтишни ўринли деб ҳисоблаймиз. «Кўнгил кўнгилдан сув ичар» (1991), «Взаимное обогащение литературы» (1993) номли монографияларимизнинг махсус бўлимларида ҳам Ахмет Мамедов ижодига, қорақалпоқ мавзусидаги асарлари таҳлилига алоҳида ажратилган. Тадқиқотларнинг айримларида шоирнинг шеърияти ҳақида сўз юритилса, баъзиларида таржимонлик фаолияти қаламга олинади. Яна бир туркум мақолаларда у қорақалпоқ адабиётини илмий аспектда ўрганган олим сифатида характерланади. Бу ишларнинг ҳаммасида А.Мамедов қорақалпоқ адабиётининг Туркманистандаги энг фаол таржимони, фидоий тарғиботчиси ва профессионал тадқиқотчи эканлиги таъкиданади, фаолияти муносиб баҳоланади.

Шоир, олим ва таржимон А.Мамедовнинг қорақалпоқ адабиёти ва маданияти олдиаги хизматлари ҳукumat даражасида тақдирланди. 1996 йилда унга «Қорақалпогистон Республикасида хизмат кўрсатган маданият ходими» фахрий унвони берилди. Туркманистан Фанлар академияси, Махтумқули номидаги Тил ва адабиёт институтининг бўлим мудири, филология фанлари доктори Ахмет Мамедов мана шундай фахрий унвонга муносиб қорақалпоқ адабиётининг дўсти, қўшни давлатдаги фидоий жонкуярларидан биридир.

2002

ИККИ ТИЛДА ИЖОД ҚИЛИШ ТАЖРИБАСИДАН

Ўзбек ва туркман халқларининг дўстлиги қадимий бўлганидек, адабиётлари ўртасидаги алоқаларнинг ҳам кўп асрлик тарихи бор. Узоқ мозийдан то ҳозирги кунга қадар бу адабий ҳамкорликлар ҳар хил адабий шаклларда муваффақиятли ривожланди. Икки халқ адабий алоқаларининг янги босқичида икки тилда ижод қилиш тажрибаси бу жараённинг янада самарали ривожланишига ижобий таъсир кўрсатмоқда. Лекин адабий алоқанинг бу шакли

ўзбек ва туркман адабиётшунослигига махсус тадқиқ этилган эмас. Шунни назарда тутиб, мақоламизда сўнгти йилларда адабий жараёнда кўлланилаётган икки тиллилик ҳодисаси бўйича тўплланган тажрибаларни илмий умумлаштиришга уриниб кўрамиз.

* * *

Адабиётдаги икки тиллилик ҳодисаси ўзаро адабий алоқа ва таъсирнинг мұхим шаклларидан биридир. У адабий-ижтимоий мұхит тақозо этган шароитда юзага келади. Адабий алоқаларни ривожлантиришда воситачи куч бўлиб хизмат этади. Бу шаклнинг ҳар бир миллий адабиётда ўзига хос тарихи бор. Жаҳон адабиётида бунга мисоллар етарли. Масалан, ўзбек ва тожик мумтоз адабиётида зуллисонайнлик анъанаси анча қадими. XIV– XV асрларда форс-тожик, туркий тилда ижод қилган шоирлар кўп бўлган. Тожик адабиётида ўзбек тилида, ўзбек адабиётида тожик тилида қалам тебратган шоирлар ҳар икки адабиёт ўртасидаги алоқаларни мустаҳкамлашга ҳисса қўшганлар. Тожик мумтоз шоири Хўжандий машҳур «Латофатнома» асарини ўзбек тилида ёзган. Давлатшоҳ Самарқандийнинг Навоийга бағишланган қасидаси шири-шакар усулида: бир байтини ўзбек тилида ёзса, иккинчи байтини тожик тилида битган.

XV асрга келиб икки тилда асар ёзиш анъанаси янада кенгайди. Бу даврда Навоий ўз асарларини ҳам ўзбек, ҳам форс тилида яратиб, зуллисонайн шоир сифатида танилди. Биной, Восифий каби тожик мумтоз шоирлари ҳам бу анъанани давом эттириб, тожик ва ўзбек тилларида гўзал газаллар ижод этишган. XX асрда бу тажриба муваффақиятли давом этди. Ҳамза Ҳакимзода ва Салриддин Айнийлар ўзбек ва тожик тилларида газаллар, қисса ва романлар яратдилар. Фотиҳ Ниёзий, Муҳаммаджон Раҳимий, Муҳиддин Аминзода сингари замонавий тожик адабиёти ёзувчилири устозлари анъаналарини давом эттириб, ўзбек тилида ҳам ижод қилишди.

Сўнгти йилларда миллий адабиётларда икки тилда – она тили ва рус тилида асар ёзиш кўзга ташланаяти. Машҳур кирғиз ёзувчиси Чингиз Айтматов ва М.Бойжиев, қозоқ ёзувчилари Анвар Олимжонов ва Ўлжас Сулаймонов, озарбайжон адиби Гасан Сейидбейли каби адилларнинг рус ва

она тилларида асарлар яратасынан фикримизга далил. Танықлы уйғур шоири ва олими Рўзи Қодирий ҳам кўп йиллардан бери Ўзбекистонда яшаб ҳам уйғур, ҳам ўзбек тилларида қалам тебратиб келмоқда. Кўп тил билиш ижодкор учун жуда муҳим ва катта имконият. Атоқли адаби К.Яшин ёзганидек: «Илгари Ўзбекистоннинг саводли кишилари, албатта, икки-уч тилни: масалан форсча, арабчани биларди. Улуғ Алишер Навоий уч тилда ижод қилган, Ҳамза икки тилда ёзди. (У тожикчани ўзбекчадан кам билмасди) Бу анъанани давом эттириш керак».

Икки тиллилик анъанаси туркман адабиёти тарихида учрамайди. Тўғри, XVII-XVIII ва айниқса, XIX асрларда яшаб ижод этган Озодий, Махтумқули, Андалиб, Камина каби шоирларнинг асарлари ўзбек тилига жуда яқин. Ҳусусан, Махтумқули, Камина шеърларини таржимасиз бемалол оригиналида ўқиш ва тушуниш мумкин. Шунга асосланиб бўлса керак, бир вақтлар бაъзи адабиётшунослар Махтумқули ўзбек тилида ижод қилган деган фикрни ҳам ўргатга ташлаган эди. Махтумқули шеърларининг ўзбек тилига яқинлигини, бизнингча, бошқа омилдан излаш лозим. Маълумки, Махтумқули кўп йиллар Бухородаги Кўкалдош, Хевадаги Шерғозихон мадрасаларида таҳсил олган. Самарқанд, Андикон, Кўқон, Марғилон, Қарши, Зарафшон шаҳарларида бўлган, шоирлар билан ижодий ҳамкорлик қилган. Бу сафарлар шоир ижодида из қолдирмаслиги мумкин эмас эди. Яна бир далил. Махтумқули мадрасаларда таълим олган йилларида Низомий, Навоий, Фузулий каби Шарқнинг буюк шоирларининг девонлари мадрасаларда ўкув қўлланма сифатида фойдаланилган. Бинобарин шундай экан, Махтумқули бу шоирлар ижодидан баҳраманд бўлиши, уларга эргашиб шеърлар ёзиши табиий эди. Яна бир муҳим асос бор. Хоразмда яшовчи ўзбекларнинг тили бошқа ўзбек шеваларига нисбатан туркман тилига яқин. Тилдаги яқинлик Махтумқули ижодининг Хоразм адабий муҳити билан ҳамоҳанг бўлишига замин ҳозирлаган. Яна шуни ҳам унутмаслик лозимики, «Гўрўли», «Шоҳсанам ва Фарив», «Тоҳир ва Зухра», «Хурлиқо ва Ҳамро», «Саётхон ва Ҳамро» каби достонлар Хоразмда баҳшилар томонидан ўша даврларда ҳам туркман, ҳам ўзбек тилларида куйланган. Агар тингловчилар орасида туркманлар кўпчиликни ташкил қиласа, туркман тилида, агар

ўзбеклар кўп бўлса, ўзбек тилида ижро этилган. Махтумқули лирикаси мана шу адабий муҳитда, мушоираларда шаклланганидан, унинг асарлари ўзбек тилига яқин бўлиб колган.

XVIII асрда Хоразмда яшаб ижод этган Нурмуҳаммад Андалиб асарлари тўғрисида ҳам шу фикрни айтиш мумкин. Унинг шеърлари, достонлари ҳам туркман ва ўзбек китобхонларига бирдек тушунарли тил ва шаклда ёзилган.

Бироқ бу анъана кейинги асарларда деярли унутилди. Икки тилда баравар қалам тебратган шоир ёки ёзувчилар учрамайди. Факат XX асрнинг иккинчи ярмида бу анъанани ўз ижодий тажрибасида фойдаланган ва муайян ютуқларга эришган ёзувчилар адабиётта кириб келди. Шундай зуллесонайн қаламкашлардан бири, ҳозирда Туркманистоннинг Тошқовуз шаҳрида яшаб ўзбек ва туркман тилларида ижод қилиб келаётган ёзувчи Раимбой Собировдир.

Р. Собировнинг ҳикоялари ва қиссалари, саҳна асарлари туркман китобхонларига, шунингдек, ўзбек ўқувчиларига ҳам кўпдан бери таниш. Бу асарлар Туркманистон ва Ўзбекистоннинг газета-журналларида босилиб чиқкан, алоҳида китоб шаклида чоп этилди. Шуларга асосланиб уни ўзбек ва туркман адабиётига баравар хизмат қилиб келаётган икки ҳалқ ёзувчиси дейиш мумкин. Ўзбек адабиётшунослигига ҳам, туркман адабиётшунослигига ҳам Р. Собировнинг ўзбек ва туркман тилида ёзган асарлари ўрганилган йирикроқ илмий тадқиқотнинг йўқлигини назарда тутиб, унинг ижодига кенгроқ тўхташни лозим топдик. Тўғри, туркман ва ўзбек матбуотида ёзувчининг янги эълон қилинган бирор ҳикоя ёки қиссаси, нашр этилган китоби ёхуд саҳналаштирилган пъесаси муносабати билан такризлар чиқкан. Фикримизча, бу мақолалар ёзувчининг ижодий биографияси ҳақида ўқувчига етарли маълумот берга олмайди.

Аввало, Р.Собиров ижодида икки тиллилик ҳодисасининг юзага келиши ва шаклланишига асос бўлган бაъзи омиллар ҳақида. *Биринчи ва етакчи омил*, бизнингча, бу географик щароит. Тарихдан маълумки, ўзбеклар билан туркманлар қадимдан Хоразм воҳасида – Тошқовузда ёнмаён ва аралаш яшаб келганлар. Бу ҳолат уларнинг урф-одатларида, маданияти ва санъатида бир қанча умумийликларни келтириб чиқарган. Тошқовузда яшайдиган туркманлар

ва ўзбеклар икки тилда эмин-эркин сўзлашиш, ҳатто ёзищ қобилиятига эга. Р.Собиров мана шу муҳитнинг вакили. У Тошховузда ўрта маълумот олгач, Тошкентдаги Чет тилилар педагогика институтига ўқишига киради. Институтни тамомлаб, Тошховузга қайтгандан кейин туркман ва ўзбек мактабларида чет тилидан дарс беради. Унинг адабий фаолияти энди туркман ва ўзбек тилидаги матбуот билан боғланади. Ёзувчининг туркман тилида ижод қилишига ёрдам берган. **Иккинчи омил** унинг туркман ижодкорлари билан дўстона муносабатлари ва ҳамкорлиги, туркман адабий муҳити. У ёшлигидан туркман адабиёти билан танишиб боришга, ёзувчи ва шоирлари билан алоқа ўрнатишга ҳаракат қиласи. Р.Собировнинг Туркманистон халқ ёзувчisi Беки Сейтақов билан дўстона муносабати ва ижодий ҳамкорлиги унинг ёзувчи бўлиб шаклланишида муҳим роль ўйнали. Б.Сейтақов ёш қаламкашнинг туркман тилида ёзган асарларини доимо қизиқиш билан ўқиб, ютуқ ва камчиликларини кўрсатиб боради, тегишли маслаҳатлар бериб туради ҳамда «Совет эдебияти» журналининг бош муҳаррири сифатида Р.Собиров асарлари билан туркман китобхонларини таниширишда, ижодини тарғиб қилишда ҳам кўп хизмат қиласи. Хонгелди Қорабоев, Қақабой Илёсов, Кўшjon Сайдмедов, Хўжанафас Меляев, Сапар Ўраев, Ахмет Мамедов, Пестди Махсимов каби ёзувчи ва шоирлар билан ўрнатилган шахсий дўстлик, давралардаги ижодий гурунглар, баҳс-мунозаралар Р.Собиров учун ўзига хос тажриба мактаби бўлди. Унинг туркман тилида ёзган асарларининг биринчи ўкувчилари ҳам, биринчи танқидчилари ҳам мана шу туркман ижодкорлари эди, десак хато бўлмас.

Р.Собировнинг туркман ёзувчилари ва санъаткорлари билан ҳамкорликда асарлар яратishi туркман тилида ижод қилишига яхши имкон яратган **учинчи омилдир**. У ёзувчи Хўжанепес Меляев ва режиссёр Мерет Отаконов билан ҳаммуаллифликда «Ёрмиш чироқлари» номли ҳужжатли фильм яратди.

Р.Собиров туркман тилини худди ўз она тили – ўзбек тилини билгандек яхши билади. Агар уни туркман ёзувчиларининг бирор йигилишида сўзга чикқанини ёки Хидир Деряев билан Беки Сейтақов, Сапар Ўраев ва Сайлов Муродов ёхуд Кўшjon Сайдмедов ёки Қақабой Илёсов, ё Ахмет

Мамедов сингари таниқли адилар, танқидчилар билан ижодий сұхбатларини кузатсангиз, унинг туркман тилида сўзлаши, фикрлашини кўриб туркман ёзувчisi, туркман адабиётининг чинакам жонкуяри дегингиз келади. Худди шундай ҳолатни ёзувчининг ўзбек адабиётига бўлган муносабатида ҳам кўриш мумкин. У Одил Ёкубов, Пиримқул Қодиров, Шукур Холмирзаев, Ўткир Ҳошимов, Рўзмат Отаев, Эркин Самандаров каби адилар, Матёқуб Кўшjonов, Пирмат Шермуҳамедов, Норбой Худойберганов сингари таниқли мунаққидлар билан ўзбек адабиёти, танқидчилиги ва адабиётшунослиги хусусида сұхбатдош бўлиб қолган чоғларда ўзбек ёзувчisi сифатида ўзбек адабиёти минбаридан туриб гапирадики, хаёдан уни ўзбек ёзувчилари сафига қўшиб қўясиз.

Икки адабиётга хизмат қилиб келаётган бу ёзувчининг ижоди шу хилдаги адабий муҳитда шаклланди, чиниди. Ҳар икки адабиётда ҳам унинг муҳлислари, асарларига холис баҳо бериб, қўллаб-куватлаб турадиган ҳамкаслари, устозлари бор.

* * *

Р. Собиров ижодини 60 йилларнинг иккинчи ярмида ҳикоя жанридан бошлади. «Садоқат», «Қирмизи рўмольча», «Нурия», «Ёдгор» номли ўзбек тилида ёзилган ҳикоялари, «Жўшқин юраклар», «Мардга берилган қалб» сингари туркман тилидаги ҳикоялари Ўзбекистон ва Туркманистоннинг газета-журналлари орқали ўқувчиларга етказилди. Ҳикоялар адабий танқиднинг назарига тушиб, ижобий баҳоланди. Улар ёзувчининг илк ижодий машқлари бўлишига қарамасдан, бадиий савияси анча пухта эканлиги таъкидланди. Адабиётшунос М.Олимов «Янги давр, янги қаҳрамон»¹ рисоласида 60-йиллар «қичик проза»нинг истиқболи, ҳикоячилигининг ютуқлари ҳақида сўз юритганида Худойберди Тўхтабоев, Шукур Холмирзаев, Ўткир Ҳошимов, Фарҳод Мусажонов, Саъдулла Сиёев, Анвар Эшоновлар қаторида Раимбой Собировни ҳам ўзбек адабиётидаги «қичик проза»да ўзини кўрсатаётган талантли ёзувчи, деб характерлайди.

¹ М.Олимов. Янги давр, янги қаҳрамон. Тошкент, 1966., 45-бет.

«Ёш гвардия» нашириётида чоп этилган «Гунафша» тўпламида Ўткир Ҳошимов, Оқилжон Ҳусанов, Мурод Мансуровларнинг ҳикоялари билан бирга Р.Собировнинг ҳам бир неча ҳикоялари босилади. Михли Сафаров мазкур тўпламга ёзган «Ёшлик тўлқинлари» номли тақризидаги бошқа ёзувчилар билан бирга Р.Собировнинг ҳикояларини ҳам таҳлил қиласиди. Ҳикояларда ёзувчи қаламига хос истеъдод қирралари намоён бўлганини, ҳаётнинг драматик нуқталарини топиб, психологик йўналишда чинакам характерлар яратадиганлигини алоҳида қайд этиб шундай ёзган эди: «Муаллифлар гарчи ижодда тенгдош бўлсалар да, танлаган мавзулари, уларни ҳал этиш йўллари билан бир-биридан фарқ қиласиди. Ўткирни турмушнинг лирик томонлари қизиқтираса, Раимбойни жиддий кечинмалар, кучли драматизмлар қизиқтиради. Мурод ҳаётни кенгроқ планда тасвирлашга уринса, Оқилжон турмушимизда учраб турадиган эскилил сарқитларини фош этишга тиришади. Буларнинг ҳаммаси бир бўлиб, гўзал ҳаётимиз, гўзал одамларимиз ҳақида ҳикоя қиласиди».¹

Жуда ихчам ва асосли фикр. Чиндан ҳам, Р.Собиров ўз қаҳрамонларининг тақдирни ҳақида жиддий мулоҳаза юритадиган ёзувчи. Уни доимо қаҳрамонларининг ички сирлари, руҳий олами, қалбидаги ниш ураётган орзу-умидлари қизиқтиради. Шунинг учун ҳам ёзувчи қаҳрамонларининг қалб зиддиятини, драматик ҳолатларини ҳар томонлама тасвирлашга ҳаракат қиласиди. Мана, қўлимизда ёзувчининг «Қирмизи рўмолча» ҳикояси. Асарга реал ҳаётнинг бир драматик лавҳаси танлаб олинган. Ҳикоя қаҳрамони Раҳимжон ўқитувчиси Ойбиби опанинг қизи Гулчехрани севали. Гулчехра қалбидаги ҳам шу туйғу ҳукмрон. У ҳатто Раҳимжонга атаб маҳсус рўмолча тиккан. Ойбиби опа, гарчи қизи сир тутса ҳам, бундан хабардор. У қизи ва Раҳимжонни ўз ҳузурига чақиради. Гулчехрадан рўмолчани кўрсатишни сўрайди. Ўзи эса урушда ҳалок бўлган эридан хотира – қонга бўялган қирмизи рўмолчани олиб чиқади ва ёшларга унинг сирини очади. Она ҳикоясини ёшлар таъсирланиб эшитадилар. Қиз йиглади. Йигит қалбидаги урушга нисбатан газаб ўти чақнайди. Ёки ёзувчининг иккинчи бир ҳико-

јаси – «Нурия»га ҳам худди шундай драматик воқеа асос бўлган. Мансур билан Нурия техникиумда ўқиб юрган йиллари бир-бирини севишиади. Ўқиши тугатгач, турмуш қуришиади. Мансур савдогар тоғасининг таъсирига берилиб, ҳалқ мулкини ўмарга бошлайди. Нурия уни бу йўлдан қайтармокчи бўлиб, кўп уринади. Лекин ҳаракатлари зое кетади. Натижада оила бузилади. Нурия эрини ташлаб кетади. Мансур эса қамалади. У қамоқдан қайтиб келиб ҳам ҳаётда ўз ўрнини топа олмайди. Геологлар ҳаётидан олиб ёзилган «Ёдгор» ҳикоясида ҳам шунга яқин драматик ҳолатлар анчагина. Ёш геологлар Абдулла билан Ҳолида саҳрода тоғ портлатиш учун кетаётганида қизга заҳарли илон ҳужум қиласиди. Абдулла қизни ҳалокатдан сақлаб қоламан деб, бир оёғидан ажралиб қолади. Шифокорлар унинг илон чаққан оёғини кесиб ташлайди.

Кўраяпсизки, ҳикояларга танланган воқсалар ўта жиддий, драматик. Инсон тақдирининг мураккаб ҳолатлари таҳлил қилинган. Ёзувчи воқеаларни шунчаки ҳикоя қилмайди, у ўз қаҳрамонларининг қалбига қўл солиб кўради, орзу-интилишларига қулоқ тутили, ҳаётга, атрофидагиларга муносабатини психологик плаща ҳаққоний тасвирлайди. Оғир руҳий мусибатга дучор бўлган Гулчехра ва Раҳимжон («Қирмизи рўмолча»), Мансур ва Нурия («Нурия»), Абдулла ва Ҳолида («Ёдгор») образлари орқали муаллиф замон ва замондошлари ҳақида, инсон иродаси ва эътиқоди, ижтимоий бурчи тўғрисида мулоҳаза юритади. Муайян тарихий шароитда улар руҳиятида содир бўлган изтиробни, фидоийлик ва мардликни, садоқатни ҳаққоний ёритишга эришади.

Р. Собиров ҳикояларидаги яна бир ўзига хослик ўқувчи диккетини тортади. Бу муаллифнинг бадиий деталлардан фойдаланишдаги маҳорати. Асарнинг бадиийлигини оширишида, қаҳрамоннинг характер қирраларини очишида ифода тасвир воситаларидан фойдаланилса, шунча яхши, асар таъсирили ва қизиқарли чиқади. Устоз адабиётшунос Матёкуб Кўшжонов ёзганидек: «Бу деталлар тасвирланадиган образнинг психологик ҳолати хусусида ёзувчининг сўзлари билан айтилишидан кўра минг чандон ифодалироқ ва таъсирлироқ»¹.

¹ «Шарқ юлдузи», 1966., 11-сон.

¹ М.Кўшжонов. Ижод масъулияти. Тошкент, 1981., 134-бет.

Р. Собировнинг хоҳлаган ҳикоясини олиб кўринг, унда муваффақиятли ишлатилган рамзий-психологик деталларга дуч келиш мумкин. «Нурия» ҳикоясидаги Мансур томонидан теракка ўйиб ёзилган «Нурия» исмини олиб кўрайлик. Бу сўзни Мансур учрашувга келмаган Нурияни бетоқат бўлиб кутган пайтида эрмак учун шунчаки теракка ёзиб кўйган. Орадан етти йил ўтгач, Мансур қамоқдан чиқиб яна шу терак ёнига келади, ундан бир вақтлар ўзи ёзиб кетган ўша ёзувни қидиради. Шунда унинг миясидан «Йиллар!» деган фикр ўтади-ю, кўзлари терак бўйлаб юқорига югуряди. Бир вақтлар ёзув Мансурнинг елкаси баробар баландликда эди. Энди-чи? Унга Мансур оёқ учларида кўтарилиб қўл чўзса ҳам етолмайди. Йиллар «Нурия»ни шунчалик баландликка кўтариб, Мансурни шунчалик тубанда қолдирибди!

Ҳикоянинг бош образи Мансур. Ҳамма воқеалар унинг тақдирни билан боғлиқ. Лекин негадир муаллиф Нурияни ҳикоя сарлавҳасига олиб чиққан. Тўғри, Нурия Мансур тақдиррида маълум даражада роль ўйнайди. Лекин ҳикоянинг номи ёзувчи ифодаламоқчи бўлган ғояга унчалик мос эмас. «Қирмизи рўмолча» ҳикоясида «Қирмизи рўмолча» детали қаҳрамонлар қалбини ларзага келтирадиган бадиий детал бўлганидек, ҳикоянинг бош ғоясини очишда муҳим аҳамият касб этган ва сарлавҳага олиб чиқилгани тўғри. «Ёдгор» ҳикоясида ҳам муваффақиятли қўлланилган деталлар кўп. Холида билан Абдулла саҳрода кетаётганларида Абдуллани заҳарли илон чақиши, Холиданинг сочини кесиб йигитнинг илон чаққан жойидан боғлаши каби деталлар қаҳрамонлар тақдиридаги бурилиш нуқталарини изоҳлашда зарур бадиий восита бўлган.

Р. Собиров ҳикояларининг ўкувчига манзур бўладиган яна бир хусусияти бор. Бу ҳикоялардаги психологик таҳлилнинг мукаммаллиги. Ёзувчи ўз қаҳрамонларининг қалб кенчинмаларини нозик ҳис этади ва табиий тасвиrlайди. Турмуш ўртоғининг хатарли йўлга кириб кетишидан изтироб чеккан Нурияниң қалб драмаси, қамоқдан қайтиб келиб ҳам ҳаётда ўз ўрнини тополмай, турмуш гирдобида айланиб юрган Мансурнинг кечинмаларидағи руҳий тушкунликлар китобхонни ҳам бефарқ қолдирмайди. Бу ҳикояни

танқидчи М.Сафаров тўпламдаги энг яхши, психологик ҳикоя деб атаганида жон бор. Ёки Раҳимжон билан Гулчехранинг («Қирмизи рўмолча») қирмизи рўмолча сирини билганларидан кейин улар қалбида туғилган түғёнлар, инсонлар ҳаловатини бузган урушга нисбатан юрагида аланга олган нафрат учқунларини китобхон ҳис қилиб туради ва уларнинг тақдирига ўзларини шерик деб билади. Қизни илоннинг хужумидан саклайман деб ўзини кулфатга гирифттор этган Абдулла («Ёдгор»), ўзининг айрим ҳатти-ҳаракатлари билан Абдулла ва Назар қалбида умид учқунларини чақнатган ҳазилкаш Холида характеристидаги психологик тасвиirlар ўкувчини ром этади.

Бу айтилганлар ёзувчиининг барча ҳикоялари камчиликлардан ҳоли деган маънони англатмайди. Таҳлилга тортилган ва тилга олинмаган бაъзи ҳикояларда ҳали маромига етмаган жиҳатлар, муаллифнинг бадиий далилига муҳтоҷ образлар бор. Қаҳрамонлар характеристини очишга хизмат қилмайдиган, ҳаёт ҳақиқатига унчалик мос келавермайдиган ортиқча тасвиirlар, кераксиз деталлар, чиндан ҳам, ҳикояларининг бадиийлигига путур етказган. Булар ҳали ёзувчининг ижодий изланиш босқичида эканлигидан дарак беради.

Р. Собиров бу ҳикояларнинг туркманча вариантларини ҳам яратган. Улар ҳам худди ўзбек тилида қандай завқ билан ўқилса, туркман тилида ҳам шундай қизиқиш билан ўқиласи. Навбатдаги таҳлил шу ҳақда.

* * *

Р. Собиров ижодий изланишларини изчил давом эттирди. Ҳикоядан ҳикояга ўсиб, қалами ўткирлашиб, ижоди чиникиб борди. Ҳаётий ва ижодий тажриба тўплаган ёзувчи энди қаламини қисса жанрида синааб кўрмоқчи бўлди. Ўзбек ва туркман тилларида «Юмалоқ дунё», «Гирдобдан соҳилга», «Сирли оҳанглар» қиссаларини ёзди. «Юлдузлар шуъла сочмоқда» ҳужжатли повестини эълон қилди. Қиссаларнинг мавзу доираси хилма-хил. Уларда ҳаётнинг дол зарб муаммолари қаламга олинган. Ҳалоллик, виждон бурчи, одам қадри, инсонпарварлик каби ахлоқий масалалар замон руҳига мос бадиий ёритилади. Ёзувчининг ҳаёт ҳақиқатини бадиий ҳақиқатга айлантиришда анча тажриба

тўплагани, маҳорати ошгани қиссаларнинг ғоявий-бадиий хусусиятларида кўзга ташланиб туради. «Юмалоқ дунё» қиссаси ёзувчининг жиддий ютуги бўлди, деб айта оламиз.

«Юмалоқ дунё» Р.Собировнинг қисса жанридаги илк тажрибаси. Ёзувчи қиссани дастлаб ўзбек тилида ёзди. 1972 йилда «Ёш гвардия» нашриёти уни алоҳида китоб шаклида, катта нусхада босиб чиқарди. Кейинроқ муаллиф асарнинг туркманча нусхасини яратди ва у дастлаб «Совет эдебияти» журналида эълон қилинди, 1976 йилда «Туркманистон» нашриёти қиссани «Тогалак дуня» деган ном билан туркман тилида нашр этди. Туркман адабий танқидчилигида қисса ҳақида ижобий фикрлар билдирилди, такризлар босилди. 70-йиллар туркман насрининг ютуқларидан бири деб баҳоланди. Шоир ва олим Ахмет Мамедов «Ёзувчининг «Тогалак дуня»си» номли такризида асарга холис баҳо берди.


Қиссанинг фазилатлари кўп. Асарнинг дастлабки саҳифаларида ёк ўқувчи дикқатини ўзига тортиб, воқеаларни, қаҳрамонларнинг ҳаракат йўналишларини кузатиб боришта ундан турадиган яхлит сюжет оқими бор. Қиссада иккинчи жаҳон уруши йилларида мамлакат ичкарисидаги ўспирин ёшларнинг катталар билан бирга уруш қийинчиликларини қандай енганилиги, тарихнинг бу оғир синовидан қай даражада ўтганлиги тасвириланади. Ўспирин Абди қиссанинг бош қаҳрамони. Барча воқеалар унинг тақдиди билан боғлиқ. Уруш йилларида юзлаб, минглаб Абдиларга ўхшаган ўспиринларнинг ҳаёт тарзи, қисқа муддатда психологиясида рўй берган ўзгаришлар шу образ орқали ифодаланади. Уруш Абдилар оиласига ҳам барча оиласлар қатори ўчмас муҳрини босади. Узоқларда бошланиб кетган даҳшатли «урушнинг узун кўли» унинг дадасини «ёқасидан ушлаб, ўз қаърига тортиб кетди». Ҳали турмушнинг аччик-чучугини татиб ултурмаган шаҳар ўспирини Абдини эса «сттинчи синф партасидан юлиб олиб, этикдўзлик артелидаги пастак курсига ўтқазиб кўяди». Энди у ҳаёт тўлқинлари «зарба»сига бардош бериб, тоблана боради. У ўқишни ташлайди. Кўшниси, этикчи уста Маҳмудга шогирд тушади. Мехнаткашилиги билан аргелдагиларга, уста Маҳмудга жуда ёқиб қолади. Кунларнинг бирида артелда давом этаётган бу осойишталикка путур етади. Артел бошлиғи Ҳасан гупчак арзимаган баҳона билан уста Маҳмуд билан Абдини артелдан ҳайдайди.




Отаси
Курамбай Норметов.




Онаси
Ёқитжон Отажанова.



Чапдан:
К. Курамбоев
синфдош дўсти
билан. 1958 йил.



Тошкент давлат
университети талабаси.
1962 йил.



Курдош дүстү, алабиётшунос олим У. Үлжабаев билан.
Тошкент, 1964 йил.



К. Курамбоев (чаңдан иккинчи) курдошлари билан
табиат қүйинде, 1963 йил.



Үңгідан чапға: проф. Ш.Рахматуллаев, проф. У.Норматов
ва кафедра аъзолари билан. Нұкис, 1983 йил.




Устози, академик Матекуб Күшжопов билан. 2003 йил.



Туркман олимлари билан мuloқотда. 1982 йил.



Адабиётшунос-танқидчи Норбай Худойберганов билан сұхбатда. 1983 йил.





Филология фанлари доктори, адабиётшунос олим
Сейит Гарриев билан. Ашгабат, 1981 йил.



Ўзбекистон Қаҳрамони
Тўлсперган Қайиберганов
 билан. 1999 йил.




Ижодий учрашув иштирокчилари даврасида. 2002 йил.




Адабиётшунос олимлар орасида. Тошкент, 1981 йил.



Академик Бахтиёр Назаров билан. 2003 йил.



Кизи, филология фанлари номзоди
Гуландом Курамбоева билан. 2003 йил.




Оила аъзолари билан Кўҳна Урганич саёҳатида. 2005 йил.



Қарақалпогистон Республикаси Ёзувчилари уюшмасыда,
2007 йил.



Онаси, рафиқаси ва фарзандлари билан. 1982 йил.




Күхнә Урганчдагы Текеш минорасы қошида. 2005 йил.



Талабалар билан учрашувда. 2002 йил.



Олимлар ва ёзувчилар орасида.
Тошкент, 2003 йил.



Туркманистонлик дўсти, шоир ва олим, проф.
Ахмет Мамедов билан Кўхна Урганч ёлгорликлари майдонида.
2005 йил.




Бир ижодий учрашув остонасида. 2002 йил.



Адабий кечадап сүнг. Чапдан: ёзувчи Т.Қайипберганов,
шоира Г.Матёкубова ва проф. К.Курамбос 1998 йил.



Пукус давлат педагогика институти
профессор-ўқитувчилари орасида. 1997 йил.



XVII аср туркман адабиётининг мумтоз шоири
Гаражоғлан ёѓгорлиги қошида. Ашгабат, 2008 йил.



Шоир ва олим
Ахмет Мамедов
били Ашгабат
сафарила.
2008 йил.



Оила аъзолари ва неваралари билан. 2007 йил.



Талабалар билан Наврӯз байрами тантаналарида.
Нукус, 2000 йил.

Ёзувчи бундан кейин воқеага драматик тус берса бошлиди, китобхонни қаҳрамонлар тақдирида юз берадиган кулфатларга тайёрлаб боради. Абди устози билан артелдан ҳайдалди. Бу нохушлик камлик қылганидек, уйда уни бундан ҳам оғирроқ фожия кутади. Отаси фронтда бедарак йүқолган. Бу мусибат она-бала қалбини ларзага солади. Она ногирон. Тирикчилик ташвиши энди бутунлай Абди зиммасида. Уруш одамлар ўртасидаги муносабатни чигаллашибириб юборди. Баъзи бирорларда инсоф, диёнат йўқолди. Кимлардир тамоман инсонийликни унутиб, қабиҳликка юз бурди. Бирорвнинг тирикчилигига кўз олайтирадиган, бир бурда нонини тортиб олиш пайига тушганлар ҳам пайдо бўлиб қолди.

Р.Собиров ҳаётнинг бу қалтис ва мураккаб кўринишларини Маҳмуд ота, Абдилар оиласи мисолида ёритишга ҳарарат қилган. Уста Маҳмуд билан Абди кўнгилларидаги ғам тумани бирмунча тарқаб, мана энди тирикчилигимиз изга тушиб кетар деб турганда, яна бир дилисиёҳлик рўй беради. Молия ходими Нурмат уста Маҳмуд хонадонидаги кичкинагина умид учқунини ҳам сўндиради. Яширинча косиблик қилаяпсиз деб ноҳақдан унга эллик минг сўм солик солади. Бу ночор оиласа яна бир зарба эди. Уста Маҳмуднинг кампири бир кунлик дардга чалинади-ю, тўсатдан вафот этади. Бу мусибат устанинг дилини вайрон қилиб, қалбига битмас жароҳат солади.

Қиссанинг қарийб ярмидан кейин ёзувчининг тасвир услуги бироз ўзгаради, воқеалар кескинлиги сусаяди. Лекин бундай тасвир усули билан ҳам ёзувчи китобхонни қаҳрамонлар тақдирига эргаштира олган. Бу жиҳатдан Абди ва Салима муносабатлари тасвирланган сюжет чизиги характерли. Йигит ва қиз қалбida уйғона бошлаган севги тўлқинларини ёзувчи жуда нафис тасвирлаган. Уста Маҳмуд ёлғиз ўғлининг фронтда ҳалок бўлганлиги ҳақида «Қора хат» олади. Ўз бошига тушган мусибатга ўзгаларни шерик қилишни истамай буни у бошқалардан сир сақлаган. «Қора хат»ни унинг чўнтагидан уста вафот этганидан кейин топиб олишади.

«Юмалоқ дунё»нинг охирги саҳифасини ўқиб, китобни ёпгандан кейин ўқувчи хаёлида бир фикр тез-тез тақрорланиб, юрагига ўринашиб қолганини ҳис қилади. Иккинчи

жаҳон уруши йилларыда хоҳ жант майдонларида, хоҳ мамлакат ичкарисидаги меҳнат фронтида бўлсин, кишилар бир-бirlарига меҳрибон, ниҳоятда ғамхўр бўлишган. Шодлиги ва қувончини ҳам, қайгу ва ҳижронини ҳам баҳам кўрган. Бири учун иккинчиси бало-офатларга кўксини тутиб берган. «Юмалоқ дунё» қиссасида мана шу ҳаётий ҳақиқат воқсалар руҳига маҳорат билан сингдирилган. Қиссанинг қаҳрамонлари меҳрибон, дилкаш, ғамхўр, самимий одамлар. Улар эл бошига оғир қуңлар тушгандан бир-бirlарига янада яқинлашади. Бирининг бошига тушган қайгу-ғам иккинчисининг ҳам дилини ўртгайди, бирининг шодлиги иккинчисининг ҳам кўнглини кўтаради. Бири моддий жиҳатдан қийналётган бўлса, иккинчиси унга ёрдам қўлини чўзади. Бирининг бошига тушган мусибат барчанинг бошига тушган мусибатдек қабул қилинади. Одамлар ўша оғир йилларда бир-бirlарини аяшган, асрашган. Шу фикр қиссанинг ғоявий лейтмотивини ташкил этади. Унинг бадиий исботини биз қиссадаги ёзувчи севиб тасвирилаган ҳар бир образ ҳаракатларида, психологияси тасвирида кўриб, ҳис қилиб турамиз.

Ёзувчи қаламга олган мавзу, материал қанчалик муҳим бўлмасин, агар у муаллифни ҳаяжонга солмаса, бутунлай қалбини сеҳрлаб олмас экан, китобхонни қизиқтирадиган асар яратса олмайди. Р.Собировнинг қиссага тасвир обьекти бўлган ҳаёт материалини яхши ўргангани, айниқса, этиччилик хунарининг сир-синоатини жуда мукаммал ўзлаштиргани сезилиб туради. Фақат мана шу касбда ишлаган одамгина этиччиликнинг нозик жиҳатларини қиссадагидек табиий тасвирлай олиши мумкин.

* * *

Энди «Юмалоқ дунё»нинг туркманча варианти – «Тогалак дуня» хусусида. Қиссанинг туркманчаси ўзбек тилидаги вариантдан кўп ҳам фарқ қиласайди. Савол тугилиши табиий. Агар уларда фарқ бўлмаса, «Тогалак дуня» таржима эмасмикан? Уни маълум даражада таржима дейиш ҳам мумкин. Гарчи у таржима ҳисобланса-да, муаллиф-таржимон учун ижодий қайта яратиш жараёни бўлади. Қатор таҳририй ўзгартиришлар туфайли тасвирий воситаларни беришда ўзига хослик, тилнинг бойиши ва услубининг шаклланиши-

га доир бир қанча янгиликлар вужудга келади. Шунинг учун ҳам Чингиз Айтматов бу жараённи ижодий баҳолаб, муаллиф-таржимонни ҳар жиҳатдан қўллаб, шундай деб ёзгани бежиз эмас: *«Мен китобларимни қирғиз ва рус тилиларида ёзаман. Агар китоб дастлаб қирғиз тилида ёзилган бўлса, мен уни рус тилига таржима қиласман ва аксинча. Мен бу икки томонлама ижодий ишдан чуқур қониқиши ҳис этаман. Менинг пазаримда, бу ёзувчи услубини шакллантирадиган, тилидаги образлилини бойитадиган ўта қизиқарли ички жараён!»*¹

Бу жараённинг яна бир муҳим томони бор. Адабиётшунос Ё.Исҳоқов таъкидлаганидек, бу тажриба ижодий жараённинг муҳим назарий масалаларидан бири «таржимон» ва «муаллиф-таржимон» муаммосини ўрганиш нуқтаи назаридан катта аҳамиятга эга. Агар асар бошига шахс томонидан иккинчи тилга таржима қилинганида кўп нарсаларни йўқотиши мумкин. Чунки бадиий асар учун асос бўлган материал (ҳаётий воқса) таржимон шахсига нисбатан бегона ва ўзича мустақил ҳисобланади. Яна асар ижодкори билан таржимоннинг ижтимоий дунёқараши ёки шу асар доирасидаги қарашлари бир-бирига тўғри келмаслиги мумкин. Шунингдек, тасвир услуби ва методида ҳам айрича томонлар бўлиши шубҳасиз. Тасвир воситаларида ҳам тўла умумийлик бўлиши амри маҳол. Муаллифнинг ўзи таржимон бўлганда эса бу масалаларнинг кўпчилиги ёзувчи ва таржимон учун алоҳида-алоҳида бўлмай, бир шахсда бирлашиб кетади (ҳаётий материал, дунёқараш, тасвир воситалари, услуб ва ҳоказо). Тасвир воситалари қидириш жараённинг ўзи ҳам (янги тилда) таржимонга нисбатан муаллиф-таржимонда ўзига хос ҳолда кечади: муаллиф-таржимон тайёр воситалардан (ўзида мавжуд материалилардан) фойдалана олади. Янги ифода тасвир воситаларини тасвир жараёнига жалб этиш эркинроқ ва тезроқ амалга ошади, бир тил асосида шаклланган тасвир услубини иккинчи бир тил қонуниятлари асосида қайта таҳrir қилиш, унга сайқал бериш жараёни амалга оширилади.²

¹ Ч. Айтматов. Человек между двумя языками. «Советская Киргизия», 1967 г., 17- октябрь.

² Таржима санъати. 5 китоб. Тошкент., F.Гулом номидаги Адабиёт ва санъат нашриёти, 1980., 125-бет.

Р.Собиров ўз асарларининг ўзбек ёки туркман тилидаги варианatlари устида шундай принципда ишлаган. Бир қарашида ёзувчи «Юмалоқ дунё»ни осонгина туркман тилига ўгириб қўяқолгандек туюлса-да, аслида ёзувчи асарнинг туркманча варианти устида катта ижодий меҳнат қўлган. «Юмалоқ дунё»нинг ўзбек тилидаги вариантида ўзбекона анъаналар, миллий рух, тил бойлиги, бошқа-да ўзгачаликлар ифодаланган бўлса, туркманча нусхасида туркман халқига хос миллий рух, тил ўзгачалиги акс этган. Ёзувчининг туркман ҳастини, унинг удумларини, тил хусусиятларини яхши билиши ва реал тасвirlагани шубҳа тугдирмайди. Куйидаги мисолларни қиёслаб кўрайлик:

— Кўп ўйлайверма, бахтинг бўлса, ҳали бир ердан чиқиб қолар, даданг. Дом-дараксиз йўқолди дегани, ўлди дегани эмас-ку. Аслида бу гапни сенга билдиринаслигим керак эди. Бунга ногиронлигим, уй бандаси бўлиб қолганилигим сабабчи. Соғ бўлсан, ишлаб одамлар орасида юрган бўлсан, буни сенга билдиринасликка бардошим етармиди.¹

Ушбу матннинг туркманча варианти:

— Гайы этме гузым, дәдаң бир ерден чыкар. «Дерексиз йитди дийилдиги «өлди» дийилдиги дәл ахырын. Вах, мен гурайин! Аслиетицде, мен шоны сана дуйдурмали дәл экеним. Бу ағыр зарба еке өзум доз гелип билмөн соң айдайдым-да. Өзуминц яравлыгымыц ёклугы хем оцуц устесине! Гайы этме, гузым, «Муң гайы бир иш битирmez» дийип-дирлер».² (14-бет)

Муаллиф парчанинг туркманча вариантига бир неча таҳририй ўзгартишлар киритганига гувоҳ бўлаяпсиз. Янги жумлалар қўшган. Таҳирлар, қўшилган жумлалар матннинг маъносини, драматик руҳини ўзбек тилидагисидан ҳам кучайтирган. Ногирон онанинг ўз қайғусига фарзандини ҳам шерик қилиб қўйганидан афсусланиб чеккан изтироби, руҳий драмаси янада таъсирироқ чиққан. Ўзбек тилидаги парчада мавжуд бўлмаган «Минг қайғу бир иш битирмас»

¹ Р.Собиров. Юмалоқ дунё. Тошкент., «Ёш гвардия», 1971., 15-бет.

² Р.Сабиров. Тогалак дунйё. Ашгабат, «Туркменистан», 1976., 14-бет. Бундан кейинги мисоллар шу манбадан бўлади.

деган халқ иборасини ёзувчи туркман тилидаги матн руҳига мослаштириб, жуда ўринли фойдаланган. Бу ибора беихтиёр Махтумқулининг:

Нем душмессе гөкден, ер ней гөтермез,
Йығылса муң гайы, бир иш битирmez,
Эр йигит конջуне гайы гетирmez,
Намарт оғлы дейин гайғычы болма¹ —

деган «бўлма» радифли машҳур шеъридаги мисраларни эслатади. Ёзувчи шу ҳастий лавҳани яратा�ётганда хаёлида буюк Махтумқулининг насиҳат мотивидаги шеърлари гавдаланган. Юқоридаги тўртликни матнга қўшиш билан муаллиф асарга колорит руҳини берган, иккинчидан, ўқувчи учун тарбиявий аҳамиятга эга гояни илгари сурган.

Бу хилдаги таҳририй ўзгартишишлар образлар характеристикини очишга, психологик таҳлилни чукурлаштиришга, воқеаларга драматик тус беришга хизмат қўлган. Ёзувчи замон ва замин руҳини, халқ, миллият ҳастига хос жиҳатларни реалистик тасвирлаш учун асарнинг у ёки бу вариантига шундай ўзгартишишлар киритган.

«Юмалоқ дунё» қиссаси юзасидан айтилган ижобий фикрлар унинг камчиликлардан бутунлай холи эканлигини билдиримайди. Баъзи воқеалар тасвирида ёзувчи типик шароитдан бироз чекинган. Абди билан Зулфиторнинг муҳаббат саргузаштлари тасвирида образ билан муҳит ўртасида номувофиқлик бор. Абдининг отаси фронтда бедарак йўқолган, бунинг устига онасининг ногиронлиги, устози Махмуд ота бошига тушган мусибатлар унга таъсир қилмаслиги мумкин эмас эди. Бундай қайғу-ғамларни бирданнига унутиб юбориш осон бўлмайди. Зулфиторлар оиласининг аҳволи ҳам Абдиларницидан афзал эмас. Қизнинг акасидан ҳам қора хат келган, отаси қайғуда. Салиманинг шароити буларницидан ҳам ноҷор. Оилалар шундай оғир кунларни бошдан кечираётган бир пайтда, гўёки ҳеч нарсадан бехабардек, уларнинг баъзан чақ-чақлашиб кўча айланаб юришлари китобхонга бироз эриш туюлади. Ҳар бир лавҳадан, катта-кичик воқеадан, ҳатто ҳар бир бадиий

¹ Магтимгулы. Сайланан эсерлер. Ики томлук. 1 том. Ашгабат, «Туркменистан», 1983., 114-бет.

деталдан китобхон ўша оғир йилларнинг нафасини, руҳини ҳис қилгиси келади. Бадий ижоднинг барча типларида, айниқса, насрда далиллаш санъати жуда муҳим. С.Аntonov: «*Агар воқеа асарнинг жони бўлса, далиллаш унинг қалбидир*» деган эди. «Юмалоқ дунё»нинг айрим ўринларида воқеалар, характерлар етарли даражада бадий далилланмагандек кўринади. Абди еттинчи синф ўқувчisi, ўн уч-ўн тўрт ёшлардаги ўспирин. Шу ёшдаги боланинг «*қўнғир кўзли*» қиз деб «оҳ-воҳ» чекишлирага китобхон кўп ҳам ишонавермайди. Абдининг Зулфиторга «*уруш тамом бўлгандан кейин турмуш қурсак*» деб таклиф қилиши ҳёт мантиқига тўғри келармикан? Ҳархолда, қиссада ўспирин ёшларнинг севги муносабатлари тасвирланган саҳифаларида бадий далиллашга муҳтоҷ ўринлар бор.

Қиссанинг тилида ўқувчидаги эътиroz түғдирадиган ўринлар, таҳрирталаб жумлалар кўп. Масалан, китобдаги «*Оқ бақиялар қора рантда негрнинг оғиздаги тишлардай янада оқроқ*» (9-бет), (Бу жумла туркман тилидаги вариантда анча силликланиб берилган: «*Шонда хунжидек ак йордумлер гозе дайсен якымлы ғөрунйэрди*» (10-бет)), «*катта стол орқасида ўтирган ҳиндидаи қоп-қора қиши*» (46-бет) каби жумлалардаги кўпол ўхшатишиларга бироз сайқал берилганида маъқул бўларди. Муаллиф тилидаги «*гупти*», «*қийшиқ-мийшиқ*», «*гаріб-хасар*», «*қора хром*», «*қапталдаги кўча*» деган сўзларни, шунингдек, «*бақия*», «*рант*» каби этикчилик атамаларининг маъносини ҳамма китобхон ҳам бир хилда тушунавермаса керак. Уларга изоҳ берилиши зарур эди. Китобнинг баъзи саҳифаларида «*тишишимизни у қоққан эмасдир*» (13-бет), «*ҳамма ёғининг сири тушиб, ола-чипор бўлиб кетган*» каби изоҳталаб сўз бирималари бор. Бу сўзлар, ибораларнинг кўпчилиги муаллиф тилида берилади. Агар уларни шевага хос атамалар дессан, уларни муаллиф тилида бериш ноўрин. Муаллиф соғ адабий тилда сўзлаши керак-ку!. Образлар тилидан: «*Гап деганинг ози яхши, кал қизнинг нози яхши*», «*Мўминлар савдосини чугуллар бузар*» деган ибораларни келтирганки, буларда ҳам муаллиф типик шароитни ҳисобга олмаган кўринади. Тўғри, бу иборалар, эҳтимол, қиссада тасвир обьекти бўлган жойларда ишлатилиши мумкин. Лекин уларга изоҳ зарур. Китобнинг 17-бетида шундай жумла бор: «*У йигирма беш ёшлар чамасидаги қиши*

лоқи аёл бўлиб, оёғидаги брезент этикниң камида қирқ жойига ямоқ тушган». Гап бу ерда эрини фронтга жўнатиб, оила-нинг оғирлигини ўз зиммасига олган, тирикчилик ташвиши билан бозорга келган, муҳими, муаллиф симпатия билан тасвирлаётган мунис бир аёл тўғрисида бораяпти. Жумладаги «*қишлоқи аёл*»дан қисман камситувчи маъно чиқиб қолган. «*Қишлоқдан келган аёл*» ёки «*қишлоқлик аёл*» дейилганда мақсацга мувофиқ бўларди. Ёзувчининг ижобий образларга нисбатан «*Хиринг-хиринг кулади*» жумласини ҳа деб тақрорлайвериши китобхоннинг жигига тегиши мумкин. «*Хиринг-хиринг кулиши*» адабистда кўпинча эркакларга, салбий образларга нисбатан ишлатилади ва у ўша қаҳрамоннинг муайян шароитдаги ҳаракатини ҳажв қилиши ва характерини очишининг бир воситаси сифатида фойдаланилади. Салимага нисбатан «*қўнғир кўзли*» ибораси кўп тақрорланган. Асар тилига сайқал берилмагани сезилади.

Ҳар икки қисса вариантларининг қиёсий таҳлилидан шундай холосага келиш мумкинки, туркман тилидаги «*Тогалак дуня*» кўп жиҳатдан мукаммал. Ёзувчи қиссанинг ўзбек тилидаги нусхасида йўл кўйилган камчиликларни туркманча вариантда тузатган.

* * *

Р.Собиров иккинчи «Гирдобдан соҳилга» қиссанини туркман тилида ёзи. У илк бор 1974 йилда «Совет эдебияти» журналида босилди. Асар китобхонларга маъқул бўлсада, ёзувчининг ўзини унчалик қаноатлантирумagan эди. Қисса устидаги ижодий ишини давом эттириди, қайта ишлаб тўлдирди. Ортиқча воқеалар олиб ташланди. Янги боблар қўшилди, материаллар билан бойитилди ва китобхон дидига мос яхши бир асар майдонга келди. «Туркманистон» нашриёти уни алоҳида нашр этди. Қиссани адабий жамоатчилик яхши қабул қилиди. Танқидчиликда 70-йиллар туркман насрининг катта ютуқларидан бири деб баҳоланди. Адабиётшунос Жума Чориев «Мансурнинг одимлари» тақризида «Гирдобдан соҳилга» ҳақида фикр юритиб, бош образ психологияси яхши очилганини, характер хусусиятларидаги ўзгаришлар босқичма-босқич, ишонарли кўрсатилганини ёзувчининг ижодий ютуғи сифатида таъкидлади. Қиссада тасвирнинг изчиллиги, лиризмга бойлиги, ифодалар тил жиҳатидан ҳам

яхши чиққанлиги муаллифнинг туркман тили имкониятларидан самарали фойдаланганинг белгисидир.

Юқорида қайд этганимиздек, Р.Собиров ҳаётдан мураккаб тақдирлар, драматик воқеалар қидиради, топади ва уларни таъсири тасвирлаб бера олади. Буни ёзувчининг ҳикоялари таҳлилида кўрдик. Муаллиф мураккаб воқеалар тасвири фонида образларнинг дунёқарашидаги ўзгаришларни, руҳий кечинмаларни, қаҳрамоннинг муҳитга, муҳитнинг қаҳрамонга муносабатини ҳаққоний кўрсата олган. Ёзувчи нинг бу услуби «Гирдобдан соҳилга» қиссасида янада ёрқинроқ намоён бўлди.

Қиссага «Нурия» ҳикоясининг негиз сюжети асос қилиб олинган. «Нурия» «Гунафша» тўпламидаги энг яхши ҳикоялардан бири сифатида баҳоланганини айтган эдик. Ҳикоядаги психологизмнинг чуқулиги, драматизмнинг кескинлиги ёзувчи маҳоратининг жилолари эканлиги тақиҷчиликда тилга олинганди. Назаримизда, ўзбек тақиҷчилигига ҳикоя тўғрисида билдирилган ижобий фикрлар ёзувчини бу мавзуни қисса жанрида кенгроқ ёритишга илҳомлантирган кўринади. Қиссада «Нурия»нинг негиз сюжети сақланган бўлса-да, муаллиф унга катта ўзгартиришлар кирилган. Ҳикояга нисбатан қисса жанрининг имкониятлари катта. Ҳаёт воқеаларини, қаҳрамонлар фаолиятини, характерларнинг шаклланиш жараёнларини қиссада кенг доирада тасвирлаш имкони бор. Ёзувчи қиссада бош образ характерининг тадрижий шаклланиш жараёнини, ҳаётда адашиб, боши берк кўчага кириб қолиши сабабларини, аччиқ қисматига сабабкор бўлган воқеаларнинг илдизларини очиб беришни мақсад қилган ва асар сюжетини шунга мувофиқ қилиб қайта яратали.

Ҳикоя асосида қисса яратиш тажрибасига ўзбек адабиётида ҳам, туркман адабиётида ҳам мисоллар кўп. Поэма ёки қисса материали негизида роман ёки ҳикоя асосида қисса яратган ёзувчилар бор. Ижодда синовдан ўтган тажриба бу. Лекин бу тажрибанинг қандай якунланиши ёзувчининг маҳоратига боғлиқ. Р.Собиров ижодида бу тажриба муваффақиятли якунланган деб айта оламиз. Ҳикоя билан қиссани қиёслаб кўрайлик. «Нурия» ҳикояси ҳажм эътибори билан ихчам ва қисқа. «Гирдобдан соҳилга» эса салкам олти босма тобоқ. Қиссада ҳам асар марказида Мансур тақ-

дири туради. Унинг савдогар тогаси билан алоқаси, Нурия билан муносабатлари, Нуриянинг (қиссада у Нуржамол деб ўзгартирилди. Бу ном туркман қизлари учун типик) уйни ташлаб кетиши, Мансурнинг қамалиши каби асосий воқеалар сақланган. Шу билан бирга, қиссада янги сюжет тармоқлари, янги образлар ва янги бадиий деталлар яратилганки, у тамоман оригинал асарга айланган. «Нурия» ҳикояси экспозиция билан бошланади. Қиссада ҳам бу тасвир сақланган. Мана, ҳикоядаги ўша тасвир: «Поезд тун зулмати кўйнида шиддат билан олга учади. Вақт ярим кечадан оқкан. Йўловчиларнинг ҳаммаси беланчакда ётгандек ҳузур қилиб, тебраниб ухлашайти. Фақат якка Мансурнинг кўзларига уйку келмас, у тамбурда қоронгуликка тикилганича тамаки тутатиб турарди. У ҳеч қачон ҳаётнинг маъносини ҳозиргидай жиддий ўйлаб кўрмаган эди. Ким бўлмоқчи эди у? Энди ким?! У кўзларини юмиб, манглайини муздек ойнага босди. Кўз ўнгига ўтмишнинг оқ-қора саҳифалари бирин-кетин варақлана бошлади». .

Ёзувчи бу парчанинг қисса вариантини яратадиганда унга бир таҳририй ўзгартиш, жумлалар кирилганки, бу қўшимчалар китобхонни воқеанинг давомини кузатиб боришига ундейди. Бу тасвир руҳидан ўкувчи Мансур тақдирода қандайдир бир жумбокли мусибат рўй берганлигини ҳис қилали ва қаҳрамоннинг ҳар бир қадами, ҳаракати билан қизиқади. Мана, ўша жумлалар: *«Догры, мундан еди йыл озал эдил шунуң ялы кичижик, эмма, галың демир гөзенекли эшишгәниң оцинде дуруп, бу хакда узак ойланыпды. Эмма онуң шол вагткы, шондан соңкы еди йылың довамындаки ойлары-да хәзиркиси ялы ағыр ойлар дәлди. Ол арзув ганатының дышгысыз пел-пеллейэн етгинжеклик дөвринде өзуни дурмушиң ҳер хили басгандакларында гоюп гөрен болса-да, хәзиркиси ялы ягдая душжеги барада асла-да пикир этмей-орди. Аслыетинде ол ким болмакчыды. Эмма ҳәзир ким?!»*

Ёзувчининг асар экспозициясига бундай таҳририй ўзгартиришлар киритиши тасодифий эмас. У, *биринчидан*, ўкувчини қаҳрамон тақдирига кўпроқ қизиқтириш усули бўлса, *иккинчидан* бундан кейин муаллиф тасвирламоқчи бўлган катта эпик воқеаларга дебоча вазифасини ўтайди. Аниқроғи, Мансур тақдирни билан боғлиқ воқеаларни ҳикоядигидан кўра кенгроқ ёритишга ишора эди.

«Нурия»нинг мазмуни билан қисман танишсиз. Ҳикоя Мансурнинг техникумни битирувчилар шарафига ўтказилган кечага бориш учун тайёргарлик кўриш воқеасидан бошланади. Учрашув тамом бўлгандан кейин Мансур Нурияни кузатиб қўяди. Аҳд-паймон қилишади. Нурия тўйгача ўз қишлоғида ишлаб турди. Бу орада Мансур тоғасининг кўмаги билан савдо идораларидан бирига ишга жойлашиб олади. Кўп ўтмай тоғаси ўзи бош бўлиб Мансур билан Нурияни тўйини ҳам ўтказиб беради. Мол-дунё деб хатарли йўлга кириб кетган Мансурнинг ҳаракатлари Нурияни ташвишга сола бошлайди. Бу йўлдан уни қайтармоқчи бўлади. Лекин мақсадига етолмайди. Оқибатда Нурия оилани ташлаб кетади. Мансур тузоққа илиниб қамалади. Қамоқдан келгач, Нурияни излаб топишга қарор қилади. Нурия ишлайдиган қишлоққа бораётганда тасодифан у мингган йўл машинасининг ҳайдовчиси Нуриянинг эри бўлиб чиқади. Нурия билан бу учрашув Мансурга тақдирнинг яна бир зарбаси эди. Шу хилдаги руҳий изтироблар гирдобида у бир вақтлар Нурия билан сایр қилган, ёшлигининг энг баҳти дамлари ўтган анҳор бўйидаги сайргоҳга боради, ўша ширин дамларни эслаб кўнглига таскин бермоқчи бўлади. Ҳикоя Мансурнинг мураккаб вазиятдаги руҳий ҳолати тасвири билан тугайди. Бу воқеалар қиссада ҳам бор. Лекин муаллиф бу воқеаларни «қайта бичиб, қайта тиккан». Воқеаларни асарнинг ғоясига мослаштириб ўзгартирган, ўрнини алмаштирган. Ҳикоядагидек қиссада ҳам Мансур бош сюжетни ҳаракатлантирувчи куч бўлиб қолган. Ҳикоядаги Мансурнинг ҳаёти қиссада давом этади. У энди янги давр, ўзгача муҳитда ҳаракат қилади. Мол-дунёга ўчлик, бойлика қизиқиш Мансурда ёшлигидан пайдо бўла бошлаганини далиллаш учун ёзувчи тасвирни қаҳрамоннинг болалик даврларидан бошлайди. Асарда Мансурнинг болалик йиллари романтик бўёкларда чизилган. Қиссанинг лиризм билан сугорилган бундай ўринлари китобхон руҳини қутарди, эстетик завқ беради, беихтиёр болалигини эслайди, ўзини ўша дамларга қайтгандай сезади.

Р.Собиров ҳикоядаги айрим воқеаларни қиссада деярли ўзаришсиз келтиради. Масалан, Мансурнинг тоғаси билан бўлган сухбати, Нурия билан Мансур ўртасидаги келишмовчиликлар ва Нуриянинг уйдан кетиши, Мансурнинг

қамоқдан сўнгги саргузаштлари, Нурия билан тасодифан учрашиб қолиши воқеаси қиссага айнан киритилган, сюжетга сингдириб юборилган. Сюжет тармоқларидаги воқеалар ҳикоядагига нисбатан қиссада янада кескинлаштирилган, қаҳрамонлар тақдиридаги драматизм кучайтирилган. Нуржамол билан Мансур характеристидаги ички ва ташқи ўзгаришлар, дунёқараши ва руҳиятидаги нозик кечинмалар тасвири ҳикоядагига нисбатан қиссада анча чукур. Бу ҳолат Мансур билан Нуржамолнинг қайта учрашиш эпизоди тасвирида кўпроқ сезилади. Китобхон воқеа билан танишар экан, ўзини қаҳрамон қисматига ҳамдардек ҳис қиласи, ҳаяжонланади, ачинади. Ёзувчи қиссанинг шу жойларига келганда образнинг психологик фожиасини кўрсатишга кўпроқ ўтибор беради. Мансур қалбидаги ички зиддиятни шундай тасвирлайдики, китобхон беихтиёр унинг тақдирига қайтурганини сезмай қолади. Ёзувчи бу психологик таҳлиллардан инсон тақдири билан боғлиқ бадиий умумлашмалар, фалсафий хулосалар ҳам чиқаради.

Ўрни келганда қисса воқеаси билан боғлиқ бир масалага муносабат билдириб ўтиш лозимга ўхшайди. Ж.Чориев тилга олинган тақризида «Гирдобдан соҳилга» қиссанини Чингиз Айтматовнинг «Сарвқомат дилбарим» повести билан солиширади. Мансур ва Нуржамолнинг оиласиий муносабати билан боғлиқ эпизоднинг Илёс билан Асал тақдиридаги воқеага ўхшашлиги Р.Собиров асарининг жiddий камчиликларидан бири деб ҳисоблайди ва шундай ёзади: «Повестде Ч.Айтматовын «Элван яглыкли сервим» эсери билен вака мензешлиги бар. Ики повестин ғахрыманлары ҳем өз сейән гызларына өйленийэр, олар болса йигитлери ялныш ёлундан дөндермәгे өзлериnde гүйч тапман сөвер ярларыни ташлап гидайерлер. Иляс ҳем, Мансур ҳем өзге гелниң ышында янярлар, оларын леззет шебетинден пуре-пурлөп гөтерйэрлер. Тәлейи терс гелен йигитлерин ғикиси ҳем сөнра өз телек ишлерине душунйэрлер ве өкунийэрлер. Оларын ғикиси ҳем өзлериңин эзизлеринин гөзлегине чыкяр ве ғикиси ҳем ёл билен машинылар баряркалар шолара душ гелйэрлер. Нуржемал ҳем, Асель ҳем өзге адама дурмуша чыкярлар ве шуна мензешлер. Мунун өзи элбette, «Гирдапдан кенара» повестинин авторы учин якымлы хабар дәл.»¹

¹ «Эдебият ве сунгат», 1980., 16 август.

Бизнингча, бу фикрлар бироз баҳсли. Мансурнинг Нуржамол билан севишиб турмуш қуришлари, Мансур хатарли йўлга кириб кетгач, Нуржамолнинг оилани тарк этиши, Мансурнинг қамоқдан келиб тасодифан мингтан машинасида Нуржамолни эри билан учратиб қолиши воқеалари Р.Собировнинг 60-йилларнинг бошларида ёзган «Нурия» ҳикоясида бор эди. Ушбу воқеаларни муаллиф қиссага ҳам ўзгаришсиз олиб кирган. Ч.Айтматовнинг «Сарвқомат дилбарим» повести ҳам шу даврда ёзилган. Бундай пайтда ким кимдан олди, деган савол қўйиб, масалани шу хилда юзаки ҳал қилиш тўғри эмас. Ҳар икки муаллиф ҳам ўз асарлари устида бир даврда ишлаган. Улар деярли бир даврда чоп этилган. Шундай экан, «Нурия» ҳикоясини ёзишида, ўша ўхшаш дейилган воқеаларни тасвираётганда Р.Собировнинг «Сарвқомат дилбарим» повести сюжетидан фойдалангани эҳтимолдан анча узоқ. Бундай тасодифий ўхшашликлар халқларимиз ҳаётининг, урф-одатлар, анъаналарнинг яқинлигидан, умумийлигидан юзага келади. Миллий адабиётларда сюжет жиҳатидан бир-бирига ўхшайдиган асарлар, образлар кўп. Бундай формал ўхшашликларга асосланиб, улар бир-бирларидан фойдаланган, айнан такрорлаган деб хulosага келиш доимо ҳам тўғри бўлавермайди. Тасодифий ўхшашликларга асосланиб, шошилиб чиқарилган хulosалар ёзувчи асарини камситиб, иходий ўзига хослигини инкор этиши мумкин.

«Гунафша» ҳикоялар тўпламига ёзган тақризидаги М.Сафаров Мансур образи ҳақида фикр юритиб, бир танқидий мулоҳазани билдирганди. Яъни «Нурия» ҳикоясида Мансурни (гарчи у қамалиб, тавбасига таяниб келган бўлса-да) оммадан ажратиб, инсоний ҳуқуқлардан ҳам маҳрум қилиб қўйилганлиги тўғри эмас, китобхон Мансур тақдирида ҳикояда тасвиранганидек боши берк кўчани эмас, истиқболдаги ҳаётбахш нурни ҳам кўргиси келади, деган фикрни ўртага ташлаганди. Ҳақиқатан ҳам, инсон ҳаётда оғир аҳволга тушиб қолганда унга осонгина кўнишиб кетиши қийин. У ўша «боши берк кўча»дан чиқиш йўлларини қидиради. Ёзувчи «Нурия» ҳикоясида йўл қўйилган бу камчиликни «Гирдобдан соҳилга»да бартараф этади. Қисса ҳам гўё шу камчиликни бартараф этиш учун ёзилгандек. Ҳикояда ҳаёт гир-

добига ташлаб қўйилган қаҳрамонни муаллиф қиссада соҳилга олиб чиқади. Асарнинг номида катта рамзий маъно бор. Бу ном бевосита Мансур тақдири билан боғлиқ; гирдобга тушган ҳам, соҳилга чиққан ҳам Мансур.

Ҳикоядаги воқеа Мансурнинг бир вақтлар Нурия билан сайд қилган анҳор бўйига келиб қолиши, у ердаги руҳий ҳолати тасвири билан тугайди. Ёзувчи бу воқеани қиссада давом эттиради, «боши берк кўча»га кириб қолган Мансурни истиқболга етаклайди. Ёзувчининг воқеани мантиқан асосли, ҳикоянинг энг сўнгги жумдаларига усталик билан пайванд эта олгани маҳорат белгиси. Муҳими, тасвирда узилиш йўқ. Қаҳрамоннинг руҳий кечинмалари тасвири ҳам мантиқан давом этади. Мансур истиқбол сари қадам ташлайди. Ёзувчи унинг қайта туғилишига асос бўладиган типик шароит яратади. Воқеалар Тошкент зилзиласи билан боғланади. Қаҳрамон мана шу катта ҳаёт оқимига келиб қўшилади. Мансурнинг «тўхтаб қолган» ҳаёти энди Тошкент қурилишидаги жўлқин воқеаларга уланиб кетади. Сўна бошлаган орзу-армонлари қайта жонланиб, яшашга ҳавас туйгуси уйгонади.

Ёзувчи бу воқеаларни жуда ҳаққоний ёритган. Курилиш майдонидаги меҳнат жараёни тасвири, турли миллат вакилларининг ҳазил-мутойибалари берилган лавҳалар, Мансурнинг дўсти Жамшид, унинг хотини Лиза билан самимий сұхбатлари, Сунбул билан ораларида қайта тикланган муносабатлар, илк учрашувлардаги руҳий тўлғанишлар жуда таъсирили. чиққан. Ўқувчи ҳаётнинг кенг ва тўғри йўлига чиқиб олган Мансур тақдиридаги ўзгаришлардан қонициш ҳосил қилас экан, уни ҳаёт гирдобидан қўтқариб, истиқболга етаклаган инсонларга нисбатан илиқ бир туйгу билан китобни ёпади.

Р.Собировнинг бадиий деталлардан усталик билан фойдалана олиш маҳоратини ҳикоялари таҳлилида кўрган эдик. «Гирдобдан соҳилга» қиссасида ҳам асарнинг ғоясини очишга хизмат қиласидиган, қаҳрамоннинг характер қирраларини кашф этишга бўйсундирилган ибратли рамзий ифодалар кўп. Бир мисол келтирамиз: «Мансур шейле ой-пикирлер билен гумра болуп отырка, салмашыц аңыркы гырасында пырланып айланып дуран гирдаба гөзи душенде, еча серетди галды. Онун унсими чекен зат гирдабын дәл-да,

она душен бир чөпүң ахвалатыңды. Гирдап торуна душен чопи ези билен билең пырландырып алярды. Ол чөпи ене бир азрак шейле айландырансоң, ювдуп гойбержеги икучлы дәлди. Ол чөп билен гирдабың баша-баш сөвешине середійәркә, эдил стадионда отуран футбол хұмарбазыдек бу совещде чөпүн еніп чыкмагыша түйсі йүрекден ислейәрди. Бирденем гирдабың айланмасы гүйчленди-де, чөпи ювутты. Мұна Мансуршың йүргеги ағзындан чықара гелди, ҳамала гирдаң чөпи дәлде, онуң өзүни ювдан ялы болды. Эмма көп вагт гечмәңкә чөп ене сувуң йузуне галкып чыкды. Мансур еңиллик билен дем алды. «Инди сәхелче херекет этсе, гирдаңдаған гутулып гидәймеги мүмкін». Эмма гирдап Мансурың гөвнүни ғеренокты. Ол чөпи бир салым озалкысыданам түйчлүрәк пырландырандан соң бутилей ювдүп гойберди! Шоңда Мансурың бейнисинде бир пикир йылдырымдек чакыш гитди-де, зовва еришден галды. *«Херничикде болса, мен чөп дәл! Жаңы Адам ахырын! Нәмә учин мен тәзеден өз бағтымың ғөзлегине чыкмалы дәлмишим! Мансур бу пикирің голтгы бермеги билен гөні вокзал тарапа йөнелди. Ол тиз-тиз әдимләп баражка, шу гүнүң өзүндегі ағшамкы отла билен Дашикенде гитмелі диең берк карара гелди.»*

Бу тасвир китобхонда унүтилмайдыган таассурот қолдиди. Ёзувчи табиатдан олинган оддий детал — «гирдоб» ва «хасчүп» орқали катта маънени ифодалашга муваффақ бўлган. Бу детал қаҳрамоннинг характеристида, иродә йўналишида жиддий бурилиш ясади. Ҳаётда қийинчиликлардан кўрқмасликка, курашиб яшашга даъват этади.

Қиссадаги яна бир характеристири бадиий деталга диққатнлизни қаратамиз. Бу «шар» детали. Бу детал уч жойда кўлланилади. Биринчи марта муаллиф уни Мансурнинг Нуржамол билан бўлган оиласи жанжали сабаб ишлатади. Эрининг бойлик орқасидан қувиб хатарли йўлга кириб кетаётганини кўрган Нуржамол Мансурни бу йўлдан қайтармоқчи бўлади. Улар ўргасида шундай савол-жавоб ўтади:

— Сен бу ишиң чаганың шары чишириб ойнайышына меңзейер. Шар чишидиги сайы чага гуванса-да, онун ярылжагыны билмейэр.

— Бар, горкың шол болса аркайынжа болай, менин шарым хич хачанам ярылмаз! — дийиш Мансур гуррунүн гутардым этди.

Мансур бу хатарли йўлдан қайтмайди. Нуржамол айтган «шар»ни зўр бериб шишира бошлайди. Лекин «шар» ёриладиган фурсат тобора яқинлашиб келаётганини у хаёлига ҳам келтирмайди. Кунларнинг бирида ҳамтовоги Хўжамкули билан базадан машинага мол ортиб келаётганды милиция ходимлари томонидан кўлга олинади. Шундай қилиб: «Нуржемалың сөзи ҳак болуп чыкды: шар ярылды, дogrusы партлады. Бу партлайышың сарғыны Мансуры еди йыллык ёла ызынш гойберди».

Мана, энди Мансур етти йиллик қамоқ муддатини ўтаб поездда юртига қайтаяпти. Йўловчилар орасида олти-етти ёшлар чамасидаги қиз ва ўғил боланинг шар ўйнаб ўтирганини, ўғил боланинг шарни зўр бериб шишираётганини, қизчанинг эса шарнинг ёрилиб кетишидан қўрқиб жигибийрон бўлаётганини кўриб, Мансурнинг қалби тўлқинланниб кетади. Бу ҳолат унга ўтмишини эслатади. У ҳам бир вақтлар Нуржамолнинг огоҳлантиришларига қарамай «шар»ни худди мана шу боладек шиширган, бир вақтлар унинг «шар»и ҳам мана шу болакайнинг шаридек зўрликка бардош беролмай «тарс» этиб ёрилган. Фарқи шуки, бу ёрилиш болани озгина хафа қилган бўлса, Мансурни етти йиллик қамоқча улоқтириди. Шари ёрилиб, хафа бўлиб ўтирган болага нисбатан Мансурда ҳамдардлик туйгуси жўш урад экан, унга «агар қўлингдаги шаринг ёрилса, бошингга қўнган баҳт қуши ҳам ҳурқиб учеб кетади, шунинг учун ҳеч вақт шаринг ёрилмасин» дегиси келади.

Бу детал-эпизодлар бош қаҳрамон тақдиридаги бурилиш нуқталарини изоҳлашда бадиий курол вазифасини ўтаган, китобхон учун тарбиявий аҳамиятта эга.

Хуллас, ўзбек тилида ёзилган «Нурия» ҳикояси асосида туркман тилида «Гирдобдан соҳилга»дек ажойиб қисса яратилди. Ўзбек танқидчилигига ҳикоя юзасидан айтилган танқидий мулоҳазалар ёзувчига қисса ёзиш жараёнидаги қўл келди. Ҳикояга «Нурия» номи мос эмаслиги айтилганди. Бу нуқсон ҳам қиссада тузатилди, унга «исми жисмига монанд» ном — «Гирдобдан соҳилга» деб қўйилди. Ҳикояда боши берк кўчага кириб қолган Мансур повестда истиқболи билан кўрсатилди, ҳаётда ўз ўрнини топди. Ҳикоядаги психологик тасвир, драматизм қиссада янада чуқурлаштирилди, детальштирилган воқеалар кўпайтирилди. Натижада

да ёзувчининг бу ижодий тажрибаси муваффқиятли якунланди. Бу эса адабий танқиднинг амалий аҳамиятини, икки тилда асар ёзишнинг афзаллигини, икки қардош адабиёт ёзувчи ва танқидчилари ҳамкорлигининг ижобий самарасини намойиш этувчи факт сифатида ўзбек-туркман адабий алоқалари китобига кирди.

Асарда ҳали яна бадиий сайқал беришни тақозо этадиган воқеалар, образлар бор. Қаҳрамонлараро муносабатларда сунъийлик сезилади. Шамшоднинг Мансур билан учрашуви ва муносабатларида гайритабии ҳолатлар кузатиласди. Шамшод фош қилувчи образ, унинг характеристига хос бу хусусият қиссада яхши очилмай қолгандек. Бу образ асарнинг бадиий тўқимасига тўла сингиб кетмагандек таассурот қолдиради. Қиссада китобхонни қаноатлантирмайдиган яна бир воқеа бор. Бу оиланинг бузилиши билан боғлиқ масала. Хатарли йўлга кириб кетаётган Мансурни Нуржамол икки марта қайтаришга уриниб кўради. Мақсадига эриша олмагач, оилани ташлаб кетади. Бор гап шу. Улар бир-бirlарини синаб, севишиб турмуш қуришган эди-ку?! Нуржамол муҳаббатидан шундай осонгина воз кечиб қўя қолиши мумкинми? Мансурни бу хатардан омон сақлаб қолиш учун у бошқа имкониятларни ҳам ишга солиши мумкин эди-ку? Масалан, Мансурнинг дўсти Жамшидни, онасини ҳам муаммога жалб қиласа бўлмасмиди? Ёзувчи бу образлардан шу мақсадда кенгроқ фойдаланганида воқеанинг замини, оила бузилишининг сабаблари етарли даражада далилланган бўларди.

* * *

Р.Собиров ижодининг дастлабки даврларида ўзбек ва туркман тилларида асарлар ёзган бўлса-да, сўнгги йилларда у асарларини асосан туркман тилида яратса бошлади. Буни ёзувчининг ижодий фаолияти у яшаб турган жой — Туркманистондаги маҳаллий матбуот, нашриётлар билан кўпроқ боғлиқлиги билан изоҳлаган бўлардик. 70-йилларнинг иккинчи ярмидан бошлаб асарларининг туркман матбуотида зълон қилиниши, китобларининг туркман нашриётларида чоп этилиши, пьесаларининг туркман театрларида саҳналаштирилиши шундай холосага асос. Ёзувчининг «Сирли муқомлар» номли илмий-фантастик қиссасининг туркман тилида яратилгани, унинг бу тилда фаол ижод қила бошлаганидан дарак беради. Асар Р.Со-

бировнинг фантастика жанридаги биринчи тажрибаси бўлишига қарамасдан муваффқиятли чиқди.

Мальумки, рус ва Европа адабиётида илмий-фантастик жанрнинг яхши намуналари бор. Ж.Верн, А.Беляев, А.Толстой каби ёзувчилар бу жанрнинг йирик вакиллари. Жаҳон адабиётидаги тажриба Р.Собировнинг бу жанрга кўл урушида таянч бўлгани аниқ. Қисса дастлаб «Совет эдебияти» журналида тўла босилди, кейинроқ китоб бўлиб чиқди. Рус тилига таржима қилиниб, Москвада чоп этилди. Асар кўпчиликда катта қизиқиш уйғотди. Қисса туркман адабиётида илмий-фантастик жанрнинг илк намуналаридан бири эди. Муалиф Хоразм телевиденисси ижодкорлари билан ҳамкорликда «Сирли муқомлар»нинг ўзбекча вариантини, шу асосда телепостстановка сценарийсини ҳам яратди ва у Хоразм телевиденисси орқали кўрсатилди.

Илмий-фантастика инсон билимининг яширин қатламида ётган, шу кеча-кундузда амалга ошиши қийин бўлган ва шу туфайли реаллашуви келажак билан боғлиқ гояларни илгари суради. Хаёл, орзу инсоннинг доимий ҳамроҳи, маддакори, маънавий таянчи. Шунинг учун ҳам инсонлар ўз орзуларини ифода этиб эртаклар, достонлар ижод қилишган, учар гиламларни тўқиган. Ёзма адабиётда ҳам бу орзуларнинг бадиий ифодасини кўрамиз. Бир вақтлар бу ижод намуналарида кўтарилиган масалалар эндиликда реалликка айланганлигининг гувоҳимиз. Масалан, Алишер Навоий достонларидағи баъзи хаёлий орзулар бугун амалиётда. Ж.Верн асарларида ўтган асрларда тилга олинган ҳаво ҳамда сув ости кемаларининг бутун оддий техника ҳодисаси бўлиб қолганлиги, бир вақтлар учар гиламларни орзу қилиб эртаклар тўқиган ҳалқимиз эндиликда тез учар самолётларнинг, космик кемаларнинг эгаси эканлиги сир эмас. Бундай мўъжизалар ҳаётимизда кўп. Таниқли фантаст ёзувчи А.Беляев романларидан бирини инсоннинг кесилган бошини тирилтириш масаласига бағиҳлаган эди. Гарчи ёзувчининг бу хаёли ҳозирда ҳақиқатга айланмаган бўлса-да, тибиётда шунга яқин ишлар амалга оширилаётгани маълум.

«Сирли муқомлар» қиссасида инсонни тирилтириш билан боғлиқ фантастик воқеа тасвирланган. Асарга узоқ ўтмиш ҳаётидан олинган афсонавий бир драматик воқеа асос бўлган. Қиссанинг композицияси ўзига хос. Ёзувчи мавзуни ёри-

тишнинг оригинал усулини топа олган: ўқувчини тоҳ ӯтмиш воқеалари ичига элтиб қўяди, тоҳ замондошлар ҳёти, ишлари билан таниширади, баъзан асар қаҳрамонларига сўз бериб, улар ҳикоя қилган ривоятлар воситасида китобхонни ҳаёлан ӯтмишга саёҳат қилдиради. Шу усул билан ўқувчининг сирли воқеаларга қизиқишини кучайтиради. Қиссанинг бош образларидан бири шифокор Мухтор минг йиллар муқаддам ашула айтишда, куй чалишда тенгсиз, гўзалликда бекиёс Рұксорбону ҳақидаги ривоятни эшлитиб, унинг тақдирига қизиқиб қолади. Марказда яхши лавозимда ишлаб турган бўлса-да, у ерни ташлаб Хоразмнинг қадимги маркази Кўҳна Урганчга келади. Мухторнинг бу ҳаракатлари ҳам-каслари орасида бироз шов-шувларга, ҳатто эътиrozларга ҳам сабаб бўлади. Мухтор Кўҳна Урганчда жуда қадимда мумиёнланиб дағн қилинган Рұксорбонунинг жасадини топади, уни тирилтириш устида маҳфий тажриба ўтказа бошлайди. Фан тараққиётни ютуқларига таяниб Мухтор «ҳаёт суви» кашф этади ва Рұксорбонуни тирилтиришга муваффақ бўлади.

Ёзувчи асарда инсонни тирилтириш ҳақидаги ғояни илгари суради ва китобхонни бу қашфиётига ишонтиради. Маълумки, фантастик асарда ёзувчи илгари сурган ғоя илмий асосланган бўлиши керак. Ёзувчи асарда шундай воситалардан фойдаланганки, Мухторнинг илмий тажрибалари билан танишиб борган китобхон, ҳақиқатан ҳам, шундай усул билан ўлган одамни тирилтириш мумкин экан-да, деб ўйлаб қолади. Мухторнинг илмий далиллари ўқувчига тўғри, амалга ошириш мумкиндек туюлади. У китобхонни инсон илмий тафаккурининг қудратига шундай ишонтирадики, Рұксорбонунинг тирилиши гўё табиийдек. Мухтор келтирган илмий далиллар бу ишни рўёбга чиқаришнинг муҳим назарий дастуридек таассурот қолдиради. Мухтор ҳаётнинг тараққиёт қонунларини яхши билади, фан ютуқларидан ҳабардор. Китобхон унинг шу хилдаги мураккаб илмий тажриба ўтказишга назарий-амалий асоси бор деб ўйлайди.

Умуман, «Сирли муқомлар» Р.Собировнинг илмий-фантастика жанридаги биринчи жиддий ютуғидир. Китобхон ёзувчидан келгусида ҳам бу мураккаб жанрда етук асарлар кутиши мумкин.

Р.Собиров сўнгги йилларда драматургия жанрида ҳам кучини синаб кўрди. Ёзувчининг бу соҳадаги изланишлари

ҳам самарали бўлди. Унинг «Қиз бадоги», «Кутилмаган жазо» пъесалари Туркменистон театрларида ўйналди. Драмалар даврнинг муҳим муаммоларини қамраб олган. Образлари ҳам ёзувчининг замондошлари, ёшлар, ўсмирлар, уларнинг орзу-умидлари, интилишлари кўрсатилиди. Обрўли бир оиласининг ҳёти мисолида фарзанд тарбиясига масъулиятсизликнинг фожиали оқибатлари драматик саҳналарда гавдалантирилади. Ёзувчининг ҳикоя ва қиссаларида ёрқин намоён бўлган ўткир драматизм, чуқур психологизм каби хусусиятлар пъесаларида ҳам яхши акс этган.

Шундай қилиб, туркман адабиётida муайян анъанага эга бўлмаган икки тилда асар ёзиш ҳодисаси Р.Собиров ижодида ўзига хос шаклда намоён бўлди. Бундай ижодий тажрибалар ҳар икки адабиётшуносликда кенг кўламда тадқиқ этилса, умумлаштирилса, адабий алоқаларимизнинг бу янги шакли кенгроқ тарғиб қилиниб, оммалаштирилса, икки тилда асар ёзишнинг афзаликлари кўрсатилса, бу ижод типига қизиқувчиларнинг сафи кенгайиб, адабиётимиз оригинал асарлар билан бойиб боришига аминмиз.

1991

ИККИ ДЎСТ ҲАҚИДА ДОСТОН

(Faafur Fўlom va Sobit Mуқонов)

Биз қайси бир миллий адабиётнинг тараққиёт босқичларига назар ташламайлик, унда ўз адабиётини бошқа қардош адабиётлар билан кўпроқ яқинлаштиришга, улар ўртасида дўстлик муносабатларини ривожлантиришга астойдил хизмат қилган, доимо ҳалқ ва адабий жамоатчиликнинг назарида турган алоҳида шахсларни, катта ижодкорларни кўрамиз. Ана шундай улуф адиблар дўстлиги ҳақида ёзилган ҳар бир асар, адабиётнинг қайси жанрига мансублигидан қатъий назар, кўллаб-кувватланади, тарғиб қилинади. Ўзим қардош адабиётларнинг ўзаро алоқалари ва бир-бирларига ижодий таъсирлари масаласи билан кўпроқ шугууланиб, асосан, шу соҳада илмий изланишлар олиб борганим учунми, адабий жараёнда мазкур йўналишда пайдо бўлган ҳар бир янги адабий ёхуд илмий-публицистик тадқиқот дарҳол диққатимни тортади ва мен ўша асар хусусида, айниқса (агар унда қалам-

га олинган мавзу ва унинг бадиий талқини менга маъкул бўлса), фикрларимни тезроқ кўпчиликка етказишга ошиқаман. Бу гал ҳам худди шундай бўлди. 1997 йилда Тошкентдаги «Чўлпон» нашриётида босилиб чиққан шоир ва таржимон Музаффар Аҳмад қаламига мансуб «Икки дўст достони» номли жажжи китобча қўлимга тушиб қолди ва мен мазкур рисолани катта қизиқиш билан ўқиб чиқдим, таассуротларимни газетхонлар билан баҳам кўришга жазм этдим.

Дастлаб китоб муқовасига солинган икки кишининг расми эътиборимни жалб этди, тўғриси, унга ҳавасим келди. Ўзбек адабиётининг улуғ шоирি Faфур Гуломнинг буюк қозоқ адаби Собит Муқонов билан қўлтиқлашган ҳолда олға қадам ташлаб келаётган пайти рассом томонидан ниҳоятда маъноли, таъсирли ва жозибали чизилганки, унга назари тушган ҳар бир ўқувчи беихтиёр икки ҳалқ дўстлигини эслайди ва фахрланади.

Китобни қўлимга олиб номини кўришим биланоқ: у Faфур Гулом ва Собит Муқоновнинг шахсий дўстлиги тўғрисида ёзилган шеърий достон бўлса керак, деган фикр хаёлимдан ўтди. Муаллифнинг ўзи ҳам унинг жанрини «Эссе-достон» деб белгилаган. Бироқ рисоланинг биринчи саҳифалари билан таниша бошлагач, асар бошқачароқ мавзу ва йўналишда эканини тушундим. Унинг ёзилиш услуби мени кўпроқ қизиқтириди. Китоб адабиётда мавжуд эссларда жуда кам учрайдиган бир шаклда ёзилганини сездим. Одатда, эссе ёзмоқчи бўлган ҳар бир қаламкаш, аввало, ўз ҳаёт тажрибаларига суняди. Эссе қаҳрамонининг турмуш тарзини, шахсий характер хусусиятларини ўрганиб, ҳаёт қувончлари ва ташвишларини баҳам кўрган дақиқаларини қоғозга туширади. Эссе муаллифи билан эссе қаҳрамони бир даврда яшаган, бир ҳаводан нафас олиб, бир муҳитга хизмат қилган кишилар бўлса, яна яхши. Лекин эссе қаҳрамонлари билан шахсан учрашмасдан, улар билан мuloқotda bўlmай туриб ҳам эссе ёзиш мумкин экан. Музаффар Аҳмаднинг ушбу эссе-достони бунинг ёрқин мисоли.

Собит Муқонов ва Faфур Гулом дўстлиги ҳақидаги воқеалар китобда муаллиф тилидан эмас, балки иккинчи шахс, машҳур ёзувчи ва катта таржимон, Ўзбекистон Давлат мукофоти совриндори Носир Фозилов ҳикояси шаклида берилади. Носир Фозилов Собит Муқоновни ҳам,

Faфур Гуломни ҳам жуда яхши биладиган, улар билан кўп маротаба мuloқotda bўlgan, ижодий сафарларида ҳамроҳлик қилган ёзувчилардан бири. У ўзбек адабиётини қозоқ тилига, қозоқ адабиётини ўзбек тилига ўгириш, ўзбек китобхонларини Собит Муқонов асарлари билан таниширишда ҳам ибратли ишларни амалга оширган қозоқ-ўзбек адабиётларининг ҳар икки республикадаги филоий таржимони ва тарғиботчисидир. Шундай фазилат соҳиби бўлган адабнинг Faфур Гулом ва Собит Муқонов дўстлиги ҳақидаги хотираларини Музаффар Аҳмад жуда таъсирчан жумлаларда қоғозга туширган, улар шахсининг кўпчиликка маълум бўлмаган дўстона муносабатларининг янги саҳифаларини очиб берган.

Бир вақтлар мен ҳам бу табаррук инсонларнинг шахсий дўстлиги, ижодий ҳамкорлиги тўғрисида кўп мальумотлар эшитгандим, матбуотда ўқиганларим ҳамон эсимда. Кимки ўзбек-қозоқ адабий алоқалари тўғрисида сўз юритмоқчи бўлса, гапни аввало Faфур Гулом ва Собит Муқонов дўстлигидан бошларди. Ҳатто борди-келдилари тўғрисида латифонома ҳангомалар ҳам тўқилганини, баъзилари матбуотда эълон қилинганини кўпчилик яхши билади. Бироқ улар китобий, шаблон тилда ёзилгани учунми, негадир ўқувчилар хотирасида узоқ сақланмай, унтилиб кетди. Музаффар Аҳмаднинг «Икки дўст достони» бундай эsselар сирасига кирмайди. Асар жуда ўқимишли ва қизиқарли услубда ёзилган. Муаллифнинг шоирлик тажрибаси бу ишда кўл келган. Хусусан, китобнинг Faфур Гулом ва Собит Муқонов ўргасида бўлиб ўтган васиятлар тафсилоти ёритилган саҳифалари ўқувчини жуда ҳаяжонлантиради. Муҳими, бу мальумотлар кўпчилик учун янгилик эди. Муаллиф икки қиёматлик дўстнинг қасамёди тўғрисидаги васиятлар тафсилотини шундай ҳаётий ва жонли, изчил баён этганки, танишган ҳар бир китобхон шу воқеаларга гувоҳ бўлаётгандай, ўзини шу давранинг иштирокчисидай сезади, қалбидан ўтказади. Мана, икки қиёматлик дўст қасамёди тарихининг тафсилотидан бир лавҳа: Собит Муқонов билан Faфур Гулом катта бир даврада учрашадилар. Ҳар икки юртнинг энг атоқли қаламкашлари жам. Давра қизиган. Мушоира авжида. Гоҳ у томон, гоҳ бу томоннинг адиллари шеър, ўлан айтишиб кўнгил ёзишмоқда. Бир маҳал Faфур

Фулом ўрнидан туради-да, кучоқ очиб Собит Муқонов ўтирган давра томон юради. Собит Муқонов ҳам унга пешвоз чиқиб, кучоқ очади. Faфур Фулом дўстига, меҳмонларга қаратса шеър билан мурожаат этади:

— Тингла Собит сен шу икки қулоқ билан,
Ўзбек деган битта халқдир қозоқ билан.
Агар ўзбек йиги қисса қозоқ келар
Туркман, тоғсик, қирғиз, қорақалпоқ билан!...
Жон қозогим, тингла энди ушбу сўзим,
Гувоҳ бўлсин шунга барча қора кўзим,
Васиятим шудир менинг: агар ўлсан,
Жасадимни лаҳад ичра жойла ўзинг!
Сен қозоқдан тилагим шу, билиб қўйгин,
Суягимга ботар тошни суриб қўйгин
Дўстининг қўли юмшоқ тегар, деган гап бор,
Оқ юзимни қибла томон буриб қўйгин!

Дўстининг кутилмагандаги бу васияти Собит Муқоновни довдиратиб қўяди, не жавоб айтарин билмай, шошиб, давра қатнашчиларига мўлт-мўлт қараб чиқади-да, Faфур Фуломга қаратса дейди:

— Faфур, — деди кўзи ёшли Собит ога, —
Шу васият, шу сўзингга жон садага
Жасадимни лаҳад ичра жойла ўзинг,
Сендан олдин кетар бўлсан мен у ёқка!...
Иккита алп яна қучиб-кўришидилар,
Юзларини юзларига қўшишидилар.
Икки уммон, икки қоя, эгиз кўзи,
Бир-бираға ёрлиқ бўлди сўнгги сўзи.
Суякларин ишонишган икки дўстга,
Қараб сира тўймас эди инсон кўзи!...

Икки қиёматлик дўст бир-бирлари билан кучоқлашиб шундай аҳд-паймон қилишган, бир-бирларига васият қолдиришганли. Тақдирни қарангки, Faфур Фуломнинг бу васияти ижобат бўлади, у дунёдан кўз юмганида Собит Муқонов бу совуқ хабарни эшитиши биланоқ, Олма-Отадан Тошкентга учиб келади, кўз ёши билан Faфур дўстини йўқлади, унинг

хотирасига багишлаб ёзган ўланини ўқиб беради. Собит Муқонов йўқловидаги қийидаги сатрлар тингловчи қалбини ўртайди, икки қадрдан дўстининг садоқатига тан беради:

Келбатинг дўстим бор эди,
Тоғдаги чўқчи-асқардай!
Хайбатинг, дўстим бор эди
Даврага чиққан қўчкордай.
Ғайратинг, дўстим, бор эди
Алномиши, Рустами достондай.
Карвонда юрган нор эдик,
Иккимиз дўст эдик, ёр эдик,
Қаторда дўстларни қолдириб
Ўртогин олган бормакан?!
Кетдинг-а, Faфурим, бу дунё
Сен учун шунчалар тормакан?!...

Собит Муқонов дўсти Faфур Фуломнинг «ўлсан суягимни қабр ичига сен жойлайсан» деган васиятини бажо келтиради. Улуғ халқнинг улуғ шоири байналминаллик бурчини юксак даражада адо этади. Мазкур воқеанинг тафсилотлари китобхон юрагида бир умрга муҳрланиб қолади. Муҳими, алп, забардаст ёзувчи Собит Муқоновга, қолаверса, буюқ қозоқ халқига бўлган чексиз меҳр туйгулари Faфур Фулом авлодлари қалбида мангу яшайверишига шубҳа қолмайди.

Собит Муқонов вафоти тўғрисида хабар келгандан сўнг унинг васиятини амалга оширишга бел боғлаган ўзбек адибларининг саъ-ҳаракатлари тўғрисидаги маълумотларни ҳам Музаффар Аҳмад китобда яхши ёритган. Faфур Фуломнинг вафоти туфайли қозоқ халқи қанчалик изтироб чекка бўлса, Собит Муқонов қазоси ҳақидаги хабар ўзбек биродарларини ҳам шунчалик қайфуга солади. Бир гуруҳ ўзбек ёзувчилари делегацияси қозоқ дўстларига ҳамдардлик билдириш мақсадида Олма-Отага учишга ҳозирлик кўра бошлидилар. Адиблардан бири Собит Муқоновнинг Faфур Фуломга қилиган васиятини эслайди-да, шоир дафн этилган қабристонга йўл олади. Faфур Фулом қабри остонасида қуръон тиловат қилгач, ундан бир сиқим тупроқни олиб, маҳсус тикилган халтачага солади: Собит оғанинг мозори ичига

сочаман. Улар қиёматлик дўст эдилар, тупроқлари ҳам кўшилиб кетсин, – дейди.

Собит Муқоновнинг дағи маросимида ўзбекистонликлар номидан гапирган Ўзбекистон халқ ёзувчisi Назир Сафаров Тошкентдан келтирилган халтачадаги тупроқни шоир қабри ичига сочиш учун рухсат сўрайди ва уни Собит Муқонов авлодларига топширади. Ўзбек адибларининг бу тадбири дағи маросимига йигилганларни ҳайратга солади, одамларнинг кўзларида ёш ҳалқаланади. Халтачадаги тупроқ қабр ичига сочилмайди-ю, «*Собит Муқонов дўстининг тупронига бош қўйиб ёта қолсин*», деб халтачани бошига ёстиқ қилиб қўйишиди. Китобда ҳикоя қилинган воқеанинг негиз сюжети шу.

Китобча ниҳоясида муаллиф томонидан ёзилган шеърий «Хотима», унга сўнгги сўз ўрнида илова қилинган Носир Фозиловнинг «Бу достон шундай яратилди» номли жажки тақризи ҳам рисоланинг ғоявий йўналиши ва мазмунига ниҳоятда мос.

Собит Муқонов ва Fafur Fулом дўстлиги, чиндан ҳам, достон қиласа арзигулик дўстлик эди. Қўшчинор адиблар узоқ йиллар халқларимиз ва адабиётларимиз манфаатлари учун ижодий ҳамкорлик қилдилар. Бу ҳамкорлик шахсий дўстликка айланиб, халқларимизни ўзаро яқинлаштиришга хизмат этди. Бошқалар ҳавас қиласа арзигулик биродарликни улар умрларининг охирига қадар давом эттирилар. Fafur Fуломнинг қозоқ ижодкорлари, Собит Муқоновнинг ўзбек адиблари билан дўстлиги бугун ҳам икки қардош республика қалам аҳлларига ибрат. Гарчи бу улуғ сиймолар бугун орамизда бўлмаса ҳам, улар мерос қолдирган шахсий-адабий дўстликнинг шуъласи икки республикага нур сочиб турибди. Шундай экан, Собит Муқонов ва Fafur Fуломнинг самимий биродарлик, ижодий ҳамкорлик асосига курилган бу дўстлини ҳар қанча мақтаса, тарғиб қиласа ярашади.

«Икки дўст достони» рисоласи таҳлили муносабати билан бир мулоҳазани айтиб ўтишни жоиз кўрдим. Кейинги йилларда қардош адабиётларнинг атоқли вакиллари ўртасидаги шахсий дўстлик муносабатлари, ўзаро борди-келдилар камайиб кетди. Адабиётимизнинг ҳозирги авлод вакиллари томонидан бу яхши анъянанинг ниҳоятда суст давом эттирилаётгани ташвиш туғдиради. Машхур қозоқ ёзувчisi Мухтор Шахановнинг «Дўстлик қадри» мақолосида бу

ҳақиқатни афсусланиш билан ёзиши бежиз эмас: «Адабиётнинг хизмати бекиёс, улкан дарёлар бор. Улар ҳеч бир чегара, тўсиқни тан олмайдилар, турли мамлакатларни кесиб ўтиб, барчасига баробар обиҳаёт улашадилар. Улкан ёзувчилар ҳам ўшандай дарёларга ўхшайди. *Истайсизми, истамайсизми, адабиётни алоҳида, катта шахслар яратади. Катта шахсларнинг дўстлиги эса ҳалқларнинг дўстлигига айланади.* Шу маънода мен Fafur Fулом, Ойбек, Миртесмир, Шайхзодалар билан Мухтор Аvezov, Собит Муқонов, Габит Мусреповларнинг дўстлигига доимо ҳайрат билан қарайман. Улардан кейинги авлодлар ўртасида тигиз алоқалар ўрнатилмаганидан ачинаман, ташвишга тушаман. Зотан, ижодкор ўз шахсипинг эмас, ўз ҳалқининг манфаати учун ҳам бошқа ҳалқ вакиллари билан дўстлашишга мажбур. Axir Fafur Fулом билан Собит Муқоновнинг нафақат расмий, балки ўзаро ошлавий учрашувлари, борди-келдилари ҳам бутун ҳалқ, адабиёт аҳли ўртасида байрамга айланаб кетмасиди?! Улар дўстлашиши, бир-бирларининг ижодларига, шахсий ҳаётларига таъсир ўтказиши билашар эдилар».

Қардош адабиётлар арбоблари ўртасидаги дўстона муносабатларнинг, ўзаро ижодий тажриба алмашувларнинг сўнгти йилларда пасайиб кетаётганингидан нафақат қозоқ адиблари, айни чогда, ўзбек шоирлари, ёзувчилари ҳам ташвишланмоқда. Ўзбекистон халқ ёзувчisi Ўткир Ҳошимовнинг матбуотда эълон қилган қуйидаги фикрлари айни ҳақиқат: «Ҳеч қайси миллий маданият ўз ҳолича ривожлана олмайди. Маданий алоқаларни кучайтишининг йўллари кўп. Афуски, кейинги пайтларда бу соҳада янги шаклларни излаш тугул, борларини ҳам унутаямиз. Қардош республикаларнинг санъат ва адабиёт декадалари, маданият кунлари, ҳафталиклар камайиб кетди. Маданиятлар дўстлиги маданият арбоблари дўстлигига кўп жиҳатдан боелик. Эслаб кўринг: Fafur Fулом у ёғи Москва, бу ёғи бутун Ўрта Осиёда барча шоиру алломалар билан шахсан дўст эди. Қозогистон дейсизми, Тожикистон ёки Туркманистонми, қаерга борса ўз уйидек эмин-эркин юрар, унинг хонадони ҳам бутун мамлакат ижодкорларига очиқ эди. Ёки Ойбекнинг Мухтор Аvezov, Абдулла Қаҳҳорнинг Константин Симонов, Миртесмир домланинг Абдулла Тожибоев билан, Шайхзоданинг талай озар шоирлари билан яқинлигини олай-

лик. Ҳозир шахсий борди-келдилар бир-икки ижодкоримизни ҳисобга олмаса, жуда камайиб кетди».

Дарҳақиқат, адабиётни алоҳида-алоҳида катта шахслар яратади. Катта шахсларнинг дўстлиги эса халқлар дўстлигига замин ҳозирлайди. Ижодкорларнинг шахсий дўстлиги орқали адабиётларнинг дўстлиги шаклланади. Бундан ҳам муҳими, адабий алоқалар миллий адабиётлар тараққиётининг ўзаро бойишига кафолат бўлиб хизмат этади. Шундай экан, ижодкорман деган ҳар бир шахс ўз фаолияти давомида бошқа миллий адабиётларнинг сўз усталари билан яқиндан ижодий алоқа ўрнатишга ҳаракат қилмоғи, ўз салафарининг бу соҳадаги ибратли тажрибаларидан намуна олиб, адабий алоқаларни ривожлантиришга ўз ҳиссасини қўшмоғи лозим. Бу тадбир ижодкорнинг шахсий манфаати учунгина эмас, ўз халқининг ва адабиётининг манфаати учун ҳам ниҳоятда зарур. Бу хайрли ишлар Марказий Осиё регионида қанчалик тез ва изчил амалга оширилса, халқларимиз ўртасидаги дўстлик ришталари янада мустаҳкамланади.

Сўнгти йилларда бу соҳада дастлабки қадамлар қўйилганлигини мамнуният билан қайд этамиз. 1995 йилда Тошкентда бўлиб ўтган Туркистон халқлари маданияти форуми бу йўналишдаги хайрли тадбирлардан бири бўлди. «Туркистон – умумий уйимиз»шиори остида ўттан бу тарихий анжуман Туркистон халқларини бирликка, адабиётлар ва санъаткорларни ўзаро ижодий ҳамкорликка чақирувчи, Марказий Осиё давлатларида яратилган энг яхши адабиёт ва санъат асарларини қардош халқларимизнинг маънавий мулкига айлантиришга даъват этувчи, яхшилик, эзгулик, ҳамжиҳатликни тарғиб қилувчи форум сифатида Туркистон халқлари тарихига ёзилди. Қардош халқларнинг маънавий ҳамжиҳатлигига бағищланган бундай адабий-маданий форумларни ўтказиб туриш анъанага айланса, айни ҳалқимизнинг кўнглидаги иш бўларди.

Хуроса шуки, халқларимиз дўстлигини улуғлашга қаратилган ҳар бир тадбир, қардошликни мадҳ этишига бағищланган ҳар бир асар ижобий баҳога муносибdir. Шу маънода, Музаффар Аҳмаднинг «Икки дўст достони» эссеси ўзбек ва қозоқ халқлари ўртасида узоқ асрлардан бери давом этиб келаётган алоқаларни янада мустаҳкамлашга хизмат қилишига ишонамиз.

1999

ИЛМИЙ – АДАБИЙ ПОРТРЕТЛАРГА ЧИЗГИЛАР

УСТОЗ САБОҚЛАРИ

Халқимизда «Устоз кўрмаган шогирд ҳар мақомга йўргалар» деган ҳикмат бор. Ҳар бир инсон тақдирида, илмий-ижодий, умуман, меҳнат фаолиятида, шахс сифатида шаклланишида устознинг роли алоҳида. Бу ҳаёт синовидан ўтган ҳақиқат. Шундай экан, устозлар тўғрисида гапириш, эҳтиром кўрсатиш ҳар бир шогирд учун ҳам қарз, ҳам фарз деб ҳисоблайман. Атоқли адабиётшунос олим, машхур танқидчи, академик Матёкуб Кўшжонов илмий фаолиятимда муҳим роль ўйнаган шундай устозларимдан бири. Мақоламда шу инсон ҳақида сўз юритмоқчиман.

Матёкуб Кўшжоновни салкам қирқ беш йилдан бери танимайман. Ҳам инсон, ҳам олим сифатида яхши биламан, адабиётшунослик ва танқидчилик фаолиятидан хабардорман, аксарият китоблари ва мақолаларини имкон қадар ўқиб боришига ҳаракат қиласман. Етмишинчи йилларнинг бошлашича Ўзбекистон Фанлар академиясининг Пушкин (ҳозирги Алишер Навоий) номидаги Тил ва адабиёт институтида дастлаб аспирант, кейин илмий ходим бўлиб ишлаган давларимда домла билан ҳамкорлик қилган пайтларимни ҳозир ҳам хурсандчилик билан эслайман. Устоз таҳлилга жалб қилмоқчи бўлган айrim қиссалар ва романларни бирга ўқиб, фикрлашган вақтларимиз кўп бўларди. Матёкуб аканинг муайян асарга тақриз ёзиш жараёнларини, жиддий танқидий мақолалар битаётгандаги руҳий ҳолатларини ҳам кўп кузатганман. Устоз билан ҳаммуаллифликда мақолалар ёзиб матбуотда чоп эттирганимизни ҳозиргача эслаб, хурсанд бўлиб юраман. Илм йўлига қадам қўйишимда Матёкуб Кўшжоновнинг маслаҳатлари, йўл-йўриқлари мен учун катта мактаб бўлганини мамнуният билан таъкидлашга бурчлиман.

Умуман, домланинг илмий-ижодий лабораторияси, тадқиқот юритиш жараёнлари, ҳаёт тарзи, иш услуги бошқаларга нисбатан менга яхши таниш эди. Устоз ҳақида етарли

маълумотга эга бўлсам-да, негадир, у киши тўғрисида, юбилейлари ёки бирор китобининг босилиб чиқиши муносабати билан мақола ёзib, матбуотда чоп эттиришга журъат қиломаганман. Бошқалар бу ишни қойиллатиб бажарганда ҳам мен сукут сақладим. Нега? Очигини айтсам, танқидчи Матёкуб Кўшжонов менинг тасаввуримда бадиий-эстетик салоҳияти ниҳоятда бакувват, тафаккур уфқи жуда кенг, бадиий асарни таҳлил қилиш усули бетакрор, энг муҳими, маҳорат бобида беназир, ўтган асрнинг етмишинчи йилларидаёқ «Ўзбек танқидчилигининг Белинскийси» деб тилга тушиб қолган фавқулодда истедод соҳиби эди.

Дарвоқе, шу йилнинг январь ойидан бошлаб «Маърифат» газетасида Ўзбекистон халқ ёзувчиси Шукур Холмирзаевнинг Матёкуб Кўшжоновга бағишлисанг «*Бу кишим – устоз, мен – шогирд*» номли эссе-қиссаси эълон қилина бошланди. Эътиборли жиҳати шундаки, қисса айнан «Ўзбекнинг Белинскийси» деган сарлавҳа билан очилади ва етмишинчи йилларда онда-сонда тилга олиниб юрган бу фикр, менинг назаримда, Матёкуб Кўшжоновнинг «Ўзбек танқидчилигининг Белинскийси» эканлигини расман тан олинганини англатади. Бу қиёсда қанчалик теран маъно, катта ҳақиқат, эътироф уйғунашганини ҳар бир мутахассис, адабиёт ихлосманди дарров тушуниб етса керак. Мана шундай салоҳиятга эга танқидчи ҳақида фикр айтиш, мақола ёзib, тадқиқотларига баҳо бериш, ўша йилларда мен учун, тўғриси, забт этиш қийин бўлган довондек туюларди. Бу вазифани уddyалаш учун муаллифа ҳам худди шундай илмий эстетик тажриба бўлиши шартдек кўринарди менга. Мана шу масъулият бироз бўлса-да, мени домла Кўшжонов ҳақида матбуотда сўз айтишимга монелик қилиганини яширмайман. Ҳозир ҳам мен бу ишни юксак савияда бажарадиган даражага етдим, деган фикрдан узоқман. Мақолани ёзишдан асосий мақсад бу эмас. Мақсадим, Матёкуб Кўшжоновга шогирдлик эҳтиромимни изҳор этишдан, олимнинг маслаҳатларининг, илмий тажрибаларининг тадқиқотчилик фаолиятимдаги аҳамиятини кўрсатишдан, домлага миннатдорчилик билдиришдан иборат эканлигини унутмаслигингизни хоҳиардим. Матёкуб Кўшжоновдан олган сабоқларим, ўйтларим тўғрисида мақолада келтириладиган фактлар,

нафақат мен учун, балки келажакда адабиётшунос, танқидчи бўламан деган ҳар бир ёш, бошловчи олимга ҳам ибрат бўла олади, устоз-шогирд муносабатларининг аҳамияти ҳақида муайян тасаввур беради деган умиддаман.

* * *

Ўтган асрнинг олтмишинчи йилларининг бошлари. Мен Тошкент давлат (ҳозирги Ўзбекистон Миллий) университетининг филология факультети талаабаси эдим. Бизлар талаабаликка қабул қилинган йили Матёкуб Кўшжонов факультетдаги домлалик фаолиятини тұхтатиб, Ўзбекистон Фанлар академиясининг Тил ва адабиёт институтига илмий ходим бўлиб ишга ўтган экан. Университетда домланинг маърузаларини эшитиш бизларга насиб этмаган. Лекин бир элдош сифатида мен у киши билан тез-тез учрашиб, сухбатларидан баҳраманд бўлиб турардим. Университетни тугатишим арафалари эди. Бир куни устозга маслаҳатга бордим, илм билан шуғуланиш, аспирантурада таҳсил олиш ниятим борлигини айтдим. Домла бироз ўйланиб, шундай жавоб берганди ўшанда:

— *Бирор илмий даргоҳга борсанг ёки аспирантурага кирмоқчи бўлсанг, улар сендан энг аввало, паспортинг, ҳарбий билетинг ёки гуваҳноманг борми деб сўрамайди, балки илмий мақолалар ёзганмисан, китобларинг чиққанми, қаерларда босилиб, қайси нашриётларда чоп этилган, деб савол беради. Илмий даргоҳларда сенинг асосий хужжатинг, яъни «паспортинг» шу бўлади. Ҳозир сен шошилма. Илмий мақолалар ёзив, матбуотда кўрин, мутахассислар сени танисин, илмга қобилияting борлигига ишонч ҳосил қилсин. Аспирантура қочмайди, улгурасан. Аспирантурада ўқишидан бош мақсад ҳам илмий иш ёзив, шу соҳага озми-кўпми ҳисса қўшиш. Шундай экан, аспирантура масаласида шошилмаганинг маъқул.*

Устознинг бу маслаҳати ўзимга ҳам маъқул тушди. Қишлоғимга қайтиб, мактабда ўқитувчилик фаолиятимни бошладим. Матёкуб aka билан бўлган ўша сухбат ва домланинг маслаҳати ҳеч хаёлимдан кўтарилмади, илмий иш билан шуғуланишга ундейверди. Ҳуллас, мен қизиқиб юрган мавзум бўйича илмий мақолалар ёзив, Ўзбекистон ва Туркманистоннинг газета-журналларида эълон қилишга кириш

дим. Икки-уч йилда ўн бешдан ортиқ мақолам босилди. Нокамтарлик бўлса-да айтай, Матёкуб aka маслаҳати сабаб «паспортим» орқали матбуотда кўриниб қолдим. Ўқитувчилик фаолиятимдан илмий фаолиятим устунлик қила бошлаганини сездим. Кейин домланинг маслаҳати билан Ўз ФАнинг Тил ва адабиёт институтининг аспирантурасига хужжат топширдим. У замонларда аспирантурага кириш осон бўлмаганини мутахассислар яхши билади. Лекин менинг аспирантурага киришим анча осон бўлган, танловсиз қабул қилинганман. Бу масалада менга «паспортим» (газета-журналларда босилган мақолаларим) кўл келганини мамнуният билан тилга оламан ва Матёкуб акадан ўша маслаҳати учун ҳозир ҳам миннатдор бўлиб юраман. Ва мен бу тажрибамни эндиғина илм йўлига қадам босиш арафасида турган ўзим ишлайтган олий ўқув юрти ёшларига, шогирдларимга ботбот эслатиб ҳам тураман.

Устознинг яна бир ўгити ҳеч эсимдан чиқмайди. Тил ва адабиёт институтининг «Адабий алоқалар» бўлимида аспирантман. Ўша йилларда бўлимга мудирик қилган ажойиб инсон ва таниқли олим Юсуф Султонов (жойлари жаннатда бўлсин) раҳбарлигига илмий фаолиятимни бошлаган пайтларим эди. Энди Матёкуб Кўшжонов билан бир илмий даргоҳ остонасидан кириб чиқиш имкони туғилди. Матёкуб aka институтга ҳафтанинг маълум бир кунлари келарди ва мен бундан фойдаланиб ўқиган, ёзган нарсаларим тўгрисида у киши билан фикрлашишга ҳаракат қиласдим. Мен танланган ва ўрганаётган мавзу, яъни Абдулла Қодирий ижоди устозга жуда яқин, у киши ёзувчи асарлари ҳақида иирик тадқиқот ёзган қодирийшунос олимлардан бири эди. Шу сабаб диссертациям мавзуси, баъзи илмий муаммолар юзасидан домла билан тез-тез маслаҳатлашиб туришга тўғри келарди. Устоз билан сұхбатлашиб ўтирган кунларимизнинг бирида у менга:

— Ҳар куни ёзишга ўрган, шуни одатга айлантири, деди. Жуда бўлмаса бир ёки бир ярим бет нарса, албатта ёз! Шундагина қаламинг ўткирлашиб, илмий малаканг ўсиб боради. Масалан, мен ҳар куни бир, баъзан икки бет нарса ёзмасдан кўчага чиқмайман. Мабодо бу режам бирор обьектив сабаб билан амалга ошмай қолса, кун бўйи безовта бўлиб юраман. Сен ҳам шунга одатлан, зарар қиласдиссан,

фикринг чархланиб, назарий савиянг ҳам чукурлашиб боради, илмий тажрибанг ортади.

Домланинг бу маслаҳати, ҳақиқатан ҳам, ибратли эди ва мен институтда ишилган йилларимда шу тамойилга амал қилишга астойдил интилганман. Номзодлик диссертациямни муддатидан олдин ёзib тутатдим ва ҳимоя қилдим. Докторлик диссертациям ҳам худди шундай омадли бўлди. Тўгрисини айтсам, мен баъзи олимлардек «фalon» бет докторлик диссертация матнини ёзган эмасман. Журналларда босилган илмий мақолаларимни, нашриётларда чоп этилган монографияларимни диссертация шаклида тақдим этиб, илмий маърузамни Туркманистон ФА Махтумкули номидаги Тил ва адабиёт институтининг ихтисослашган Илмий кенгашида ҳимоя қиласдим. Ҳимояга қадар мен олти китоб, юздан ортиқ мақола эълон қилишига улгурган эдим. Ҳимояда қатнашган расмий оппонентлар, сўзга чиққан мутахассислар: диссертантнинг нафақат бугун ҳимоя қиласдан ушбу иши учун, умуман, унинг ҳозиргача уч республикада, уч тилда эълон қилинган илмий тадқиқотлари учун бир ёки икки эмас, ҳатто уч докторлик илмий даражасини берса ҳам арзийди, деган ҳазиломуз гапларини қониқиши билан эслаб юраман ва фан доктори илмий даражасини олишимда ҳам «паспортим» менга яна бир бор аскоттанини катта мамнуният билан хотирлайман. Бир вақтлар менга тўғри йўл кўрсатган Матёкуб Кўшжоновдан ниҳоятда рози эканимни тақрор-тақрор айттим келаверади. Устознинг шогирдга илмда тўғри йўналиш бериши, фойдали ўгитлари нақадар муҳим эканини ўзимнинг илмий фаолиятимда синааб кўрганим учун ҳам бугунги ёшларни бу ибраторумуз насиҳатлардан хабардор қиласяпман.

Матёкуб аканинг адабиётшуносликка тегишли яна бир маслаҳати хотирамга муҳрланиб қолган:

— Яхши адабиётшунос ёки тақиҷчи бўламан десанг, тақриз ёзишни ўрган. Тақриз назарий савиянги оширади, бадиий асарни баҳолаш тажрибанги шакллантиради, илмий-эстетик тафаккуринг кенгаяди. Мен адабиётшунослик фаолиятимни конкрет бир асарга тақриз ёзишдан бошлаганман. Матнни таҳлил қилиш мен учун бош вазифа эди, доимо матн устида ишлардим ва ҳозир ҳам ишлаш усулим шу. Яхши асар бўладими ёки бўш асарми, фарқи йўқ, энг

*муҳими, у мен учун матн, материал, холис баҳолашга ҳар-
кат қиласан. Сен ҳам шу ўйлни танлассанг, адашмайсан.*

Мен устознинг бу маслаҳатига ҳам амал қилиб, ўша йил-
ларда Ўзбекистон ва Туркманистоннинг газета-журналла-
рида бир неча тақризлар, таҳлилий мақолалар бостирганим
ёдимда бор ва бу тажриба нафақат мен, умуман, ҳакиқий
танқидчи ёки адабиётшунос бўлишга чоғланган ҳар бир ин-
сон учун асосий мезон эканлигига ишонч ҳосил қилган-
ман.

Устознинг яна бир ибратли маслаҳатини тилга олиб ўтсан
фойдадан холи бўлмас. Ўша даврларда номзодлик диссерта-
циям мавзуси – А. Қодирийнинг «Ўтган кунлар» ва Х. Деря-
свнинг «Қисмат» романлари қиёсий таҳлили бўйича иммий
журналлардан бирига мақола тайёрладим. Домлага ўқитиб,
фикрини билмоқчи бўлдим. Устоз:

– *Майли, ўқиб бера қол, деди.* (У киши ўзи ўқигандан
кўра, кўпроқ муаллифнинг ўзига ўқитиб эшлишини афзал
кўрарди.) *Мақоламни ўқий бошладим. Уч-тўрт жумла*
ўқиганимдан кейин домла:

– *Тўхта!* – деди. *Нима бало, қўлланилавериб сийқаси*
чиқиб кетган шаблон сўзларга бунчалик ўч бўлмасанг! Ўқув-
чининг гашига тегадиган ўша сўзларни жумлада ишлатма-
санг ҳам маъно бинойидек тушунилиши мумкин-ку! Қани
ўша ортиқча сўзларни олиб ташлаб, қайта ўқи-чи, маз-
мунга зарар етармикан.

Мен уч-тўрт жумлани устоз айтгандек такрор ўқидим.
– Жумлаларим олдингисидан анча силлиқлашди, мазмун ти-
ниқлашиб, фикр юзага қалқиб чиқди. Шаблон сўзларнинг
ортиқалиги шундоққина кўринди қолди. Матёкуб ака:

– *Мана, кўрдингми, жумлалар ортиқча «юк»дан ҳолос*
бўлди, муҳими, сен айтмоқчи бўлган фикр ҳар хил кераксиз
сунъий «безак»лардан тозаланди, – деди ва сўзини давом
этди:

– *Доимо жумлаларнинг ташқи гўзлалигига эмас, ички*
мазмунига эътибор бер! Сирти ялтираб, ичи қалтираб
турмасин. Тузган жумлаларинг содда, равон бўлсин. Қисқа
жумлада чуқур маъно ифодалаши ўрган. Асосийси, мақо-
лангда ўқувчини ўзига тортиб турадиган сеҳр бўлсин. Шунда
ёзган нарсангга бошқалар қизиқади, бадиий асар ўқигандек
ўқииди.

Бу ибратли гап бутун илмий фаолиятим давомида мен
учун дастуриламал бўлганини бугун мамнуният билан қайд
этишга бурчлиман. Ҳозир ҳам бирор илмий иш ёки мақола
ёзмоқчи бўлсан, дарров устознинг бундан салкам ўттиз беш
йил олдин айтган гапи хаёлимга келади. Гўё домла ҳозир
ҳам тепамда туриб менинг мақола ёзиш жараёнимни куз-
таётгандек, жумлаларимни қайта-қайта ўқитиб, «бунисини
ўчир, унисини кўш», «мана бу сўз ва иборалардан фойда-
лан» деяётгандек туюлаверади. Ҳар гал мақола ёзганимда
ўша танбеҳона, ниҳоятда фойдали маслаҳатни эслайман ва
имкон қадар унга амал қилишга уринаман. Домланинг ил-
мий-тадқиқот соҳасида менга кўрсатган ўйл-йўриклари ўзи-
нинг кўп йиллик адабий танқидчилик фаолияти давомида
тўплаган илмий тажрибаларининг хулосаси, қаймоги эди.
Устознинг ўзи мана шу принципларга амал қилиб қалам
тебратган ва бугунги салоҳиятга эришган, ҳурмат қозонган,
ўзбек танқидчилигининг Белинскийси даражасига кўтарил-
ган. Агар унинг ҳозиргача эълон қилинган адабий-танқи-
дий асарларини ўқиб кўрсангиз, мана шу илмий-эстетик
принциплар унинг бош таҳлил мезони, куроли бўлганига
ишонч ҳосил қиласиз, «кўп ва хўп» ёзганинг сирларини
тушуниб етасиз.

Адолат юзасидан айтганда, ўзбек танқидчилигида Матё-
куб Кўшжоновчалик кўп тадқиқот яратган адабиётшунос-
танқидчи, менимча, жуда кам. У ҳозирга қадар элликка
яқин китоб нашр қилирди. Йирик тадқиқотлари Москва
нашириётларида босилиб чиқкан. Эллик китоби чоп этилган
танқидчининг республиканинг газета-журналларида, чет
элларда босилган мақолаларининг саноғи қанча эканлиги-
ни тасаввур қилиш кийин бўлмаса керак. Бу устознинг ҳар
куни ишлашининг, ҳар куни бир ёки икки бет нарса ёзиши
ни одатга айлантирганинг самараси эмасмикан? Гап тад-
қиқотларнинг сони ёки ҳажмиди эмас, албатта. Гап шунда-
ки, Матёкуб аканинг ҳар бир мақоласи, китоби, ҳатто энг
кичик тақризи ҳам ўз даври танқидчилигида ўзига хос ян-
тирилган, айримлари кашфиёт даражасида баҳоланган, мута-
хассислар, китобхонлар томонидан кўлма-кўл ўқилиб, яхши
маънодаги шов-шуввларга сабаб бўлган. Уларнинг қўпчили-
ги бугун ҳам аҳамиятини йўқотган эмас. Тадқиқотларнинг
барчаси тўғрисида бир мақолада батафсил фикр айтиш им-

кони йўқ. Шундай бўлса-да, мунаққид қаламига мансуб баъзи бир йирик тадқиқотларини тилга олиб ўтмоқчиман.

* * *

Матёкуб Кўшжонов, биринчи навбатда, ўзбек адабиётининг атоқли ёзувчилари А.Қодирий, Ойбек, А.Қаҳҳорлар ижодини маҳорат аспектида ўрганиб, йирик фундаментал тадқиқотлар яратган, бошқача айтганда, уларни янгидан кашф этган адабиётшунос-танқидчи. У Ҳамза, С.Айний, Ҳ.Олимжон каби XX аср ўзбек адабиётининг атоқли вакиллари ижоди бўйича ҳам маҳсус илмий ишлар ёзди. Шуҳрат, Ш.Рашидов, А.Мухтор, Қ.Муҳаммадий, Қ.Ҳикмат, О.Ёкубов, П.Қодиров, Ш.Холмирзаев, Ў.Ҳошимов, О.Мухтор ва яна бир неча талантли ёзувчиларнинг қисса ва романлари юзасидан аҳамиятли фикрлар айтган олим. Матёкуб ака Шукрулло, Э.Воҳидов, А.Орипов, М.Алидек ўзбек шеъриятининг забардаст адаблари тўғрисида ҳам рисолалар, мақолалар чоп эттириди. Ўзбек драматургиясининг яхши асарлари ҳам танқидчининг назаридан четда қолмади, бу жанрга тегишли бир талай мақолалар ҳам битди. Кўп йиллар бир адабий муҳитда елкадош бўлиб қалам тебратган ҳамкаслари И.Султон, О.Шарафиддинов каби ўзбек адабиётшунослигининг истеъододли арбоблари ҳақида ҳам илмий-адабий портретлар яратди, бир неча мақолалар эълон қилди.

Ўзбек адабиётида бирор янги асар пайдо бўлса, жанридан қатъий назар, майли у бадиий жиҳатдан мукаммалими, ёки саёз асарми, у болалар адабиётининг намунасими ёхуд катталар адабиётига тегишлими, устоз уларга муносабат билдиришга ҳаракат қиласи, яхши асар бўлса мақтайди, тарғиб қиласи, талантсиз ёзилган бўлса, аяб ўтирумайди. Шу маънода, Матёкуб Кўшжонов бадиий асарга баҳо беришда ўта принципиал, талабчан, вазиятга дарров мослашиб кетавермайдиган, ҳар қандай шароитда ҳам ўз фикрини ҳимоя қила оладиган жасоратли танқидчи. Бу фақат менинг эътирофим эмас, ўзбек илмий-адабий жамоатчилиги томонидан тан олинган ҳақиқат бу. *Академик И.Султоннинг қўйидаги фикрлари бекорга айтилмаган: «Адабиётимизда гайрат билан ишлётган бирорта талант йўқки, унга Кўшжоновнинг назари тушмаган бўлсин, бирорта истеъододли ёш йўқки, у*

Кўшжоновдан мадад сўзи эшишмаган бўлсин. Унинг адабий доираларда «Адабиётимизнинг жонкуяри» деб ном қозонгани бежиз эмас. Ўзбекистонда ўз ижоди ҳақида М.Кўшжоновдан интизорлик билан фикр кутмайтган ёзувчи топиласа керак».

Бу чиндан ҳам, ҳақиқий адабиёт жонкуяритагина хос фазилат. Атоқли мунаққид М.Кўшжонов шундай ноёб хислатга эга, назарий савияси бакувват, ўзига хос мактаб яратган аллома. Матёкуб ака фақат ёзувчи ва шоирлар, драматурглар ёки адабиётшунос-танқидчилар ҳақидагина эмас, айни чоғда, умри давомида учратган олижаноб инсонлар, мулоқотда бўлган турли соҳа олимлари, жамоат арбоблари, умуман, тақдирида из қолдириган машҳур кишилар тўғрисида ҳам хотира-эссе характеристидаги мақолалар туркумини яратди. Олимнинг бу туркум асарлари унинг илмий-бадиий салоҳиятининг ниҳоятда бакувват, бадиий-эстетик мушиҳадаси ўткир ва энг муҳими, танқидчи истеъодининг қирралари ранг-баранг эканлигини яна бир бор намоён этди.

Матёкуб Кўшжонов маҳоратшунос назариётчи олим сифатида танқидчиликда аллақачон тан олинган. Унинг бошқа мунаққидлардан алоҳида ажралиб турадиган хусусиятларидан бири ҳам, менимча, шунда. Адабиёт назариясига тегишли кўп муаммоларни ўзбек адабиёти материаллари асосида ҳал қилиб берди. Олимнинг бадиий сюжет, композиция, бадиий конфликт, образ, характер ва тип каби адабиётининг назарий масалаларига бағишлиланган илмий тадқиқотлари, ҳеч муболагасиз айтиш мумкинки, ўзбек адабиётшунослиги учун ўзига хос янгилик, қашфиёт бўлди. Ўзбек адабиётининг кўп назарий муаммоларини ҳал қилишида амалий аҳамият касб этди, ижодкорлар учун қўлланма вазифасини ўтаб келмоқда. Машҳур танқидчининг назариётчи олим сифатида қадрланишининг сабаби шу билан изоҳланади. Мунаққид ҳар қандай ижод намунасини бадиийлик мезони билан юқори илмий савияда таҳлил қила олади. Фикрларини инкор қилиб бўлмайдиган даражада далиллайди. Устоз тадқиқотларининг кўпчилик танқидчилар фаолиятида учрайвермайдиган яна бир ноёб хусусияти бор. Домланинг адабий-танқидий китобларини, илмий мақолалари ва публицистик асарларини худди бадиий асар ўқигандек қизи-

қиб ўқийсиз, завқ оласиз. Уларда ўқувчини ўзига тортиб турадиган қандайдир бир сехр, жозиба бор. Менимча, бу танқидчининг энг ноёб истеъдод қирраси. Матёкуб ака, нафақат бадиий асар, балки у ҳақда яратилган илмий иш ҳам худди шу хилда, қизиқиш билан ўқилиши лозим деган принципдан келиб чиқиб ижод қиласди. Унинг китоблари ва мақолалари тор доирадаги мутахассисларнига эмас, оддий китобхонларни, умуман, бошқа соҳа ходимларини ҳам қизиқтиришининг бир сири шунда бўлса керак.

Матёкуб Кўшжонов иккинчи жаҳон уруши қатнашчиси, жанг майдонларида жасорат кўрсатган ҳарбий. Фронтда у моҳир мерган бўлган. Устознинг урушдаги қаҳрамонлиги ҳақида ўзбек адабиётида кўп нарсалар ёзилди. Сўнгти йилларда олимнинг ўзи ҳам фронт хотиралари тўғрисида бадиий-публицистик жанрларга кўл уриб, «Алам», «Дагиши», «Дийдорнома» каби эссе, ёднома китобларини эълон қиласди ва ўзбек адабиётида автобиографик трилогия яратди. Адабнинг бу асарларида унинг болалик йиллари, Ватан уруши ва урушдан кейинги хотиралари, кўрган, кузатган воқеалири ҳикоя қилинган. Китобларнинг ҳаммаси ҳам тажрибали ёзувчи қаламидан чиққандек таассурот қолдиради, тўғриси, адабиётшунос-танқидчи ижодига мансуб асар эканлиги хаёлингизга ҳам келмайди. Бадиият қонуниятларини кашф этган назариётчи бир олимнинг бадиий асарлар ҳам яратиб, китобхонларни қойил қолдириши адабий жараёнда кам учрайдиган ҳодиса. Бу ҳам Матёкуб Кўшжонов истеъодидининг олмос қирраларидан бири, илмий-бадиий ижодининг ёрқин саҳифаларицир.

* * *

Матёкуб ака Хоразм воҳаси (Ташховуз)да туғилгани учунми, бу ўлкага меҳри алоҳида, адабиёти, тарихи ва маданиятига ҳамиша қизиқиш билан қараб келаяпти. Хусусан, бугунги Хоразм адабий муҳити доимо олимнинг эътиборида, китоблари, мақолалари орқали унга муносабат билдириб туради, талантларини кўллаб-кувватлаб, Ўзбекистон кўламида танилишига ҳиссасини қўшиб келмоқда. Р.Бекниёз, Э.Самандар, К.Аваз, К.Муҳаммад Ризо каби истеъодиди шоир ва ёзувчилар, драматурглар ижодининг тарғиб қили-

нишида, эл-юртта танилишида устоз мақолаларининг, чиқишиларининг ҳам ҳиссаси бор эканлиги маълум.

Матёкуб Кўшжоновнинг Қорақалпоғистон, унинг адабий жараёни билан ҳам худди шуңдай алоқани сақлаб келаётгани таҳсинга лойиқdir. Устознинг Қорақалпоғистондаги турли соҳа олимлари, ёзувчилари ва шоирлари, адабиётшунослари билан мулоқотларига шахсан кўп маротаба гувоҳ бўлганман. Академик Собир Камалов ва Матёкуб Кўшжонов бир-бирларини фақат олим сифатида эмас, балки куролдош дўст сифатида ҳам ниҳоятда қадрлашини биламан. Ўзбекистон Қаҳрамони, Ўзбекистон ва Қорақалпоғистон халқ ёзувчиси Тўлепберган Қайипберганов, Ўзбекистон ва Қорақалпоғистон халқ шоири Ибройим Юсупов ёки Қорақалпоғистон халқ шоираси Гулистон Матёкубовалар билан учрашганда ҳам Матёкуб ака қорақалпоқ адабиётининг долзарб муаммолари юзасидан фикрлашиб туришлари ҳам ҳақиқат. Таникли қорақалпоқ адабиётшунос олимлари Камол Худойберганов ва Камол Мамбетовлар Матёкуб Кўшжоновни устоз сифатида фоят қадрлаб гапирадилар.

Матёкуб ака буғун қорақалпоқ элида амалга оширилаётган ҳар бир янгиликдан хабардор бўлишга интилади, ютуқларидан қувонади, бунёдкор халқи эришган муваффақиятларни Ўзбекистон матбуотида, китобларида ёритишга ҳарарат қиласди. Адабий жараёнида пайдо бўлган ҳар бир янгиликка муносабат билдиришга вақт ва имконият топади. Биргина мисол келтирмоқчиман. «Ўзбекистон адабиёти ва санъати» газетасининг 2003 йил 5 декабрь сонида Матёкуб Кўшжоновнинг «Адабиёт ва илм сарҳадларида» номли мақоласи босилди. Муаллиф мақолада қорақалпоқ замини ва адабий муҳитига ҳам каттагина ўрин ажратган, Нукус ва Элликқалъада ташкил этилган халқаро анжуманлар, шу муносабат билан чоп этилган адабий-бадиий нашрлар, илмий рисолалар ҳақида фикр юритган. «Эллик наво» номли шеърий тўпламни ижобий баҳолайди. Қўнғиротлик ўқитувчи-тадқиқотчи Ж.Шомуродовнинг «Ҳаким ота-Ҳожа Сулаймон Боқирғоний» номли китобчасини, шоирнинг адабиёт тарихидаги ўзига хос ўрнини мустақилик йилларида тўғри белгилаб берган янги илмий иш сифатида қайл этади. Возханинг энг кўзга кўринган зиёлиларини, ташкилотчи раҳбарларини тилга олади, уларнинг маънавият ва маърифат

соҳасидаги ибратли тадбирларидан билан ёзди. Бундай мисолларни мамнунлигини қониқиц Фикримча, бу фактлар Матёкуб Ғана санайверни мумкин, элига, адабий муҳитига ҳам яқин Қўнғоновни қорақалпок лигини изоҳлай олади.

* * *

Ўтган йилнинг декабрь ойи ўрт ёкуб Қўнғоновнинг саксон беш йиларида Тошкентда Матшонланди. Тўй тантаналарига қатиълик юбилейи кенг ниэтди. Устоз билан бир неча кун би нашиш менга ҳам насиб Домлага кўрсатилган иззат-хурмара бўлишга тўғри келди. қалбимда фахр туйгуларини ҳис ётни кўриб, ҳар дақиқаша канинг энг таниқли кишилари, ҳалиб турдим, Республика кўринган намояндалари, ўзбек саър хил соҳаларнинг кўзга лари, хонандаю созандалар, устоз юнатининг атоқти вактила шогирдлари Матёкуб акани таънинг қаламкаш дўстлари ракбод этгани келишган. Шунда баррук ёши билан муботознинг «Буюк хизмалари учун» қувончли кунларда услангани нур устига аъло нур бўлди орлени билан мукофотид мөҳнатлари, ижтимоий фао. Домланинг илмий-ижодаражасида энг юксак мукофотларниги олдин ҳам давлат билардим. У «Ўзбекистонда хизмәт» билан тақдирланганини Давлат мукофоти лауреати, «Элнг курсатган фан арбоби», яна бошқа бир қатор орден ҳамда норт ҳурмати» орденни ва нидан жамоатчилик ҳам хабардорларнига сазовор бўлтагофт устознинг ҳамкаслари, шо. Навбатдаги янги мукофотларни-уруглари шодлигига ўтилари, мухимларию кўрсатилган бундай иззат-хурматшошлик қўшади. Домлага гўё қирчиллама қирқ яшар йигит, менинг назаримда, уни Ҳақиқатан ҳам, устознинг ҳозиргига айлантиргандек бўлдиши, шижаоти, бардамлиги, ижоди кўринниши, юриш-туриноқлиги, кўз тегмасини, кимнинг қорлик қобилияти, қувради, Матёкуб акани кўрганлар бўлса-ла ҳабасини келтириша ҳам уни саксон беш ёшда деб ўйламайди.

* * *

Юбилей тантаналарининг охи келган домланинг энг яқинлари, элтири куни. Узоқ яқиндан лари кечқурун устознинг уйига я ошлири қариншош-уруғи



турхон ёйиди. Гурунг қизитанлан қизиди. Суҳбатнинг бош ҳавуси кечак бошланган ва бутун давом этаётган юбилей тантанаси. Ҳамма хурсанд. Ҳар ким тўй ҳақидаги ҳайратомуз таассуротлари, қувончлари билан ўртоқлангиси кела-ди. Тошкентнинг энг нуғузин нашриётларидан бирин Матёкуб Қўнғоновнинг юбилейига совға тарзида унинг «Дийдор» деган катта китобини чоғ этибди. Даструрхон атрофида ўтиранчлар шу китобни газма-гал варактаб кўрмоқда. Навбат менга ҳам келди. Мен уни варакчай бошладим. Китоб жуда чиройли, юқори полиграфик усулда чоп этилибди. «Дийдор»га домланинг турли йилларда замондошлари билан тушган рағиб-бараиг расмларининг илова қилингани унинг чиройини янада очиб юборган:

— Мен бу китобга XX асрнинг ўттизга яқин унумни маъдидан улуғ сиймолари тўғрисидаги эсдалик-мақолаларини киритдим, — деб изоҳ берди Матёкуб ака менинг қўлимдаги «Дийдор»га ишора қилиб. Китобга ҳавасим келди. Афуски, уни шу ернинг узила дарров ўқиб чиқишининг имкони ўқ ёди. Шунинг учун устозга юзланиб: — Домла, эртага Нукусга кайтиб кетаятман, мана шу китобингизга дастхат ёзив, менга эсдалик қилиб бермайсизми? — дедим.

Домла кунимсираб:

— Биласаними, бу китоб аслида келгуси йилда чиқиши керак ёди. Лекин нашириёт мени хурсанд қилиш мақсадида, юбилейимга деб, атиги тўрт донагина босиб, анжуманга олиб келишибди. Ўша ердагилар талашиб олиб қўйишибди, зўрга бир донасини ушишиб қолишига улгардим. Биласан, ҳали тўйга келиб-кетувчи мөҳмонлар кўп бўлади, улирга ҳам кўрсатсан дейман. Сен хафа бўлма, яқин кунларда «Дийдор» оммавий пусхада босилади, ўшандан, албатта сенга бир дона дастхат ёзив жўнатаман.

Даръоқе, устоз ватъласида турли, кўп ўтмай, «Дийдор» Матёкуб аканинг чиройли дастхати билан менга қовушиди ва мен уни мароқ билан қизиқиб ўқиб чиқдим. Очигини азоттанди, унанда устоз менга китобини дастхат қўлиб борчигони дали асло хафа бўлмадим, аксила, хурсанд бўлдим. Негаки: Матёкуб Қўнғоновнинг деярли ҳамма китоблари маънавицай талашиб бўлиб ўқилганига кўп маротаба гувоҳ бўлганган. Бирор китоб дўконида домланинг китоблари узоқ вақт турив қолганини, баззи муаллиғларнинг асарларига

үхшаб пештахталарда саргайиб, чанг босиб ётганини кўрманман, узори билан бир ёки икки ойда тарқаб кетади. «Дийдор» китоби ҳам худди шундай оммалашиб кетишига ишонч ҳосил қилганим учун ҳам хурсанд эдим.

Устоз! Китобларингиз ҳамиша шу хилда кўлма-кўл бўлиб ўқилаверишига тилакдошман. Илмий-ижодий фаолиятингизнинг салмоғи, салоҳияти, эл-юрт олдидаги мартабангиз, ҳурматингиз бундан ҳам зиёда бўлгай! Ижод завқи сизни ҳеч қачон тарк этмасин! Сиз, мана саксон олтинчи баҳорингизга қадам қўйдингиз. Бу қадамингиз ҳам кутлуғ қадам бўлсин! Ҳали манзилингиз узок, тўқсон, юз йиллик юбилей тантаналари Сизни кутмоқда. Ана шу табаррук саналарни ҳам худди кечагидек оиласигиз, фарзандларингизу невараларингиз, қариндош-уругларингиз, ҳамкасларингизу шогирдларингиз даврасида, уларнинг ардоғида, ҳозиргидек бардам, кувноқ, ижодий куч-ғайратга тўлган бир кайфиятда нишонлаш Сизга насиб этгай!

2004

ТУРКИЙ АДАБИЁТНИНГ АТОҚЛИ ЁЗУВЧИСИ

Адабиёт ва санъатда шундай ижодкорлар бўладики, асарлари орқали бир эмас, бир неча ҳалқнинг севимли адабига айланади, бошқа миллатларнинг ҳам ўз ёзувчиси даражасига кўтарилади. Бундай обрўга мусассар бўлиш ҳамма қаламкашнинг ҳам ижодий тақдирига ёзилавермайди. Шахсий, ижтимоий-сиёсий фаолиятида ҳам, бадий ижод намуналарида ҳам байнаминал бўлган, умуминсоний ғояларни илгари суриб, дунё доирасида фикрлайдиган, кенг мушоҳадали, ҳалқнинг баҳт-саодатини, порлоқ истиқболини, томири бир, тақдирдош ҳалқлар билан уйғунликлар, ҳамжиҳатлика кўра биладиган ва уни сўз санъатида ифодалашга қодир ёзувчигина шундай мавқега эришади. Агар ёзувчи тор доирада фикрласа, маънавий бирлик, руҳий ҳамжиҳатлик ҳамма соҳалардаги тараққиётимизнинг кафолатларидан бири эканини англаб етмаса, миллий қадриятларини умумжаҳон маънавий қадриятлари руҳида ривожлантиришга, жаҳон андоузлари даражасига олиб чиқишига ижоди билан интилмас

экан, у қанчалик талантли бўлмасин фақат ўз адабиётнинг вакили бўлиб қолаверади. Бундай чекланганлик нафақат мазкур ёзувчининг ўзини, у мансуб адабиётнинг ҳам дунёга чиқишига монслик қилиши табиий. Шундай экан, муайян адабиётда қалам тебратаетган ҳар бир ижодкор нафақат яратган асарининг, балки бутун бошли адабиётнинг тақдирини, келажагини ҳам ўйламоғи, жаҳонга танилиши учун барча ижодий имкониятларини ишга солмоғи лозим.

Ҳалқнинг, миллатнинг ўзга юргларда ҳам шуҳрат қозонишида адабиёт воситачилик ролини ўйнайди. Ҳар бир ижодкор ҳалқини, миллатини оламга ёйиш билан анъаналарини умуминсоний ғоялар руҳида тарғиб қиласи. Агар бу жараён санъаткорона услугуда ифода этилган бўлса, ёзувчининг шуҳрати ортади, дунёга танилади, бир эмас, бир неча ҳалқлар ва элатларнинг ҳам ҳурматига сазовор ёзувчига айланади. Давримизнинг забардаст адибларидан бири, Ўзбекистон ва Қорақалпогистон ҳалқ ёзувчиси Тўлепберган Қайипберганов, менимча, ана шундай ёзувчилардан бири. У қандай мавзуда асар яратса-да, қайси масалага бағишлиб очерк ёки публицистик мақола ёзса-да, бирор расмий доира ёки катта йиғилишда нутқ сўзлаганда ҳам, баҳс-мунозарага киришсада, аввало, умумтуркий ҳалқлар тарихий илдизларининг муштараклиги, тилимизнинг умумийлиги, маънавий бирлигимиз, руҳий бутунлигимиз ҳақида илҳом билан гапиради ва ёзади, барчани шу йўлдан ҷалғимасликка чақиради. Адабнинг бу масаладаги ҳар бир янги мулоҳазаси ва таклифлари, шунчаки дабдабали, қуруқ сўзлар эмас, балки ҳаётий ҳақиқатга асосланган, илмий-адабий жиҳатдан ҳам далиллангандир.

Ёзувчининг бу даъватлари ҳозирги тарихий муҳитда ҳалқтаримизнинг миллий-маънавий қадрияларини бирга тиклашга, буюк келажакни ҳамкорликда яратишга қаратилгани учун ҳам қалбимизга яқин. Адабнинг «Кудратимиз маънавий бирлик, руҳий бутунликда» номли мақоласида келтирган фикрлари ижодкорлар учунгина эмас, миллатпарварман, ватанпарварман деган ҳар бир фуқаро учун ҳам ибрат. **«Биз турли-туман давлатларда яшаетганимиздан қатъий назар, маънавий, руҳий яқинлигимизни янада кучайтириш имконига эгамиз. Шундай яқинликка эга бўлсак, чегаралар ҳам рамзий бўлиб қолаверади. Маънан, руҳан бир**

бұлған халқ бир бутундир. Демек, биз сен фалоп, сен пистон, деб миллат ажратиши ўрнига умумий илдизларимизни ўйлашимиз керак. Биз – туркій элат, халқ, миллат деб атамыш қадим ва азим дараҳт шохларимиз. Томиримиз бир, сув ичган тарихимиз бир, бугунимиз ва әртамыз ягона. Биз умуминсоний маданияттаға бебақо ҳисса құшган халқ эканлигимиз билан фахрланамиз. Шу билан бирға, умумбашарий маданияттың барча наимуларидан баҳраманд бўлиб бормагимиз ҳам зарур».

Халқини, миллатини руҳан баркамол, маънавий етук кўришни орзу қилған ёзувчигина шундай мушоҳада юритади. Тўлепберган Қайиберганов мақоласининг яна бир ўрнида: «*Мен янги аср бошида фақат Туркистан халқларигина эмас, ундан ташқаридаги қавмларимиз ҳам, элдошларимиз ҳам бир-бируни яқиндан танишса, топишса, биз янада кучли бўлур эдик, деб орзу қиласман*», – деб ёзганида минг бора ҳақдир. Халқининг тақдирини, тарихини, маданияти ва адабиётини, умрбοқий қадриятларининг тикланиши ва тараққий этишини, юксакликка кўтарилишини умумтуркий халқлар билан бирликда кўриш истаги доимо Тўлепберган Қайиберганов қалбida акс садо бериб туради. Балки шунинг учун бўлса керак, барча туркій халқлар, айниқса, Марказий Осиёда яшайдиган турли миллат вакиллари бу улуғ ёзувчини жуда қадрлайди, асарларини ўз она тилларига қайта-қайта таржима қилишган. Унинг Марказий Осиё халқлари Маданияти Ассамблеяси Таракқиёт жамгармаси бошқаруви раиси лавозимига сайданишида ҳам катта маъно бор. Ёзувчининг яқинда мазкур Ассамблеянинг тақдимот маросимида қатнашиши, дунёга машҳур ёзувчи Чингиз Айтматовнинг 70 йиллик юбилейи муносабати билан Парижда ўтказилган тадбирда нутқ (бу нутқ матбуотда эълон қилинди) сўзлаб, барчани ҳайратта солгани, адабиётимиз ва маданиятимиз ютуқларини дунё минбаридан туриб барча халқларга тарғиб қылгани жаҳоншумул аҳамиятга эга эканини тушунсангиз керак. Тўлепберган Қайиберганов ҳамиша умумбашарий, умумтуркий қадриятлар, маънавиятлар, барча халқларининг бирлиги, бутунлиги, ҳамкор ва ҳамжиҳатлиги хусусида ўйлади, бош қотиради, амалий тақлифлар билан чиқади. Шу туфайли ҳам у давр билан бирга қадам ташлаётган, мустақилик ғояларига садоқатли ижодкор сифатида халқимиз, китобхонларимиз эъзозида.

* * *

Тўлепберган Қайибергановнинг обрўси Марказий Осиё халқлари ўртасида жуда юқори. Қозоқ, ўзбек, туркман, қирғиз, тоҷик халқлари орасида бу машҳур ёзувчи номини эшиитмаган, асарларини мутолаа қилмаган китобхон йўқ. Ёзувчининг энг номдор асарлари мазкур халқларининг тилларига бир неча марта ўғирилиб, катта нусхаларда чоп этилган. Фақат бугина эмас, ёзувчининг асарлари дунёning ўғиздан ортиқ тилига таржима қилинганидан ҳам, менимча, хабардорсиз. Адабнинг «Қорақалпоқ достони» трилогияси, «Қорақалпоқнома» роман-эссеси, «Бобомга ҳатлар» бадиҳаси, «Кўзнинг қорачиғи» романи ва яна бошқа бир неча асарлари қорақалпоқ адабиётининг, қолаверса, барча туркій халқлар адабиётининг ҳам катта ютуғи сифатида қадрланади. Чингиз Айтматовдай буюк ёзувчининг «*Қорақалпоқ достони»ни қизиқиб, ҳузур қилиб ўқиб чиққани*» ва таассуротларини қофзга тушириб, мактуб (бу мактуб қорақалпоқ, ўзбек ва рус тилларида «Инсоният тарихи сўқмоқларида» деган ном билан Қорақалпоғистон ва Ўзбекистоннинг бир неча газета ва журналларида босилди) шаклида Тўлепберган Қайибергановга йўллагани фақат роман муаллифининга эмас, республикамиз жамоатчилигини ҳам жуда мамнун этди. Қирғиз адибининг «Достон» ҳақидаги қуйидаги фикрларини келтириб ўтсан фойладан холи бўлмас: «Муаллифга (Т. Қайибергановга – К.К.), яъни сенга қорақалпоқларнинг уч асрларини бадиий жиҳатдан ишонарли ва кучли акс эттириш насиб этганини кўриб қувониб кетдим. Бу трилогия – улкан бадиий асар бўлиб, у ҳақиқий санъаткор қўли, қўли гул уста томонидан, ўз халқини айрича меҳрумұхаббат билан яхши кўрадиган ёзувчининг қалб қўри билан яратилган. Тўлепберган, сен адо этган вазифа қорақалпоқлар учун ҳам, жамики туркій халқлар учун ҳам том маънода бебаҳодир. Достон ёзганиңг учун раҳмат!»

Ч.Айтматовнинг Тўлепберган Қайибергановга йўллаган «Мактуб»ини кенг доирада шарҳламоқчи эмасман. Лекин бир ҳақиқатни тилга олиб ўтишни истайман. Гап шундаки, «Қорақалпоқ достони» трилогияси бўйича адабиётшунослик ва танқидчиликда айтилган фикрларда, романни баҳолашдаги мулоҳазаларда бирёзламаликлар бор эканлигини таънишиларда бирор тарқиқотларда трилогиянинг аҳами-

ятини, қадр-қимматини, ёзувчининг маҳоратини инкор этишга уриниш ҳоллари бор. Асар тақдиридаги унчалик муҳим роль йўнамайдиган, иккинчи даражали масалалар талқинига таяниб, романда умуминсоний аҳамиятта эга муаммоларнинг қўйилиши ва ҳал қилиниши жараёнлари эътибордан соқит қилинади, унга юзаки баҳо берилади. Романдан кўзланган мақсад, ёзувчининг асосий концепцияси нимага ва кимга қаратилганини, асардан қандай мантикий холоса назарда тутилгани адабий-эстетик жиҳатдан етарли даражада асосланмайди. Ҳаммани ўйлантирадиган, тарих учун сабоқ бўладиган мураккаб воқеалар ва мураккаб тақдирлар ҳақидаги муаллифнинг қарашлари ҳаёт ҳақиқатига қанчалик мос ёки мос эмас. Романин баҳолашда мана шу бадиий-эстетик талабга тақризларда кўп ҳам амал қилинавермайди. Шу жиҳатдан Чингиз Айтматовнинг «Мактуб»идаги «Қорақалпоқ достони» юзасидан билдирган фикрлари ибратли ва маълум маънода қорақалпоқ адабиётшунослиги учун ҳам янгиликдир.

Тўлепберган Қайипберганов XVIII-XIX аср тарихий ҳақиқатини талқин қилишга, айниқса, ҳалқ йўлбошлиари бўлмиш мураккаб тақдирили кишиларнинг ҳаёт ва кураш йўлларини ёритиш масаласига ўзига хос, янгича ёндашганини, ҳеч бир тарихнавис ёзувчига ўхшамайдиган ижодий йўлдан юрганини Чингиз Айтматов «Қорақалпоқ достони»нинг катта мудаффаияти деб ҳисоблайди. Аксарият тарихий романларда учрайдиган, шаблонга айланниб қолган конфликт яратиш усули (зиддиятларни чет эллик келгинди душманлар билан кураш асосига куриш)дан возкешиб, у «Достон»да конфликтни бошқача йўналишда яратганини, яъни ички қарама-қаршиликлар, бир-бирини тан олмаслик оқибатида келиб чиққан тўқнашувлар шаклида ифодалаганлиги ёзувчи бадиий маҳоратининг белгисидир, дейди машҳур қирғиз адаби. Ва шу нуқтаи назардан асарда қаламга олинган мавзу ва унинг бадиий талқинига хайриҳоҳ эканини билдиради. Бир-бирини тушинишни истамаган, ўзаро тил топиша олмаган Маманбий, Ойдўсобо, Эрназар олакўз каби ҳалқ раҳнамолари фожиасининг фалсафий талқинини юқори баҳолайди. Дарҳақиқат, «Қорақалпоқ достони» шу фазилати билан ҳам қурдатли ва қимматлидир. Ўлайманки, Чингиз Айтматовдек буюк ёзув-

чининг трилогия ҳақида билдирган фикрлари, берган юқсанбахоси холис, реал ҳақиқат.

* * *

Тўлепберган Қайипберганов асарларини баҳолашда Чингиз Айтматовга ҳамфир бўлган машҳур қаламкашлар туркӣ адабиётларнинг ҳаммасида ҳам бор. Масалан, ўзбек илмий-адабий жамоатчилик вакилларининг матбуотда билдиригандек фикрлари, маҳсус тадқиқотларида айтган мулоҳазалари, ёзувчи ижодига берган баҳолари диққатта сазовордир. Т. Қайипберганов ижоди Ўзбекистонда жуда машҳур. Унинг деярли ҳамма асарлари ўзбек тилига ўгирилган, машҳур қисса ва романлари эса бир эмас, бир неча марта ўзбек тилида босилиб чиқди. Т. Қайипберганов ўзбек китобхонларининг севимли ёзувчиларидан бири, ўзбек адаблари билан дўстона алоқада фаол ижодий ҳамкорлик қилиб келаётган байналминал ёзувчиидир. Ўзбек адабиётининг катта авлод намояндадаридан тортиб кенжা авлод вакилларигача унинг ижодига ҳурмат билан қарайди, асарларининг Ўзбекистонда янада кенг ёйилишига ҳиссаларини қўшишга ҳаракат қиласидилар. Агар Тўлепберган Қайипбергановнинг ўзбек адаблари, танқидчи ва адабиётшунослари, журналистлари билан Ўзбекистоннинг газета ва журналларида қилган сұхбатлари, савол-жавоблари, эълон қилган адабий-публицистик чиқишилари тўпланиб алоҳида нашр қилинса, катта бир жилд бўлади. Ўзбек адабиётининг Абдулла Қаҳдор, Комил Яшин, Одил Ёкубов, Пиримкул Қодиров, Абдулла Орипов, Эркин Воҳидовдек атоқли шоирлари ва ёзувчилари Тўлепберган Қайипберганов ижоди ҳақида, роман ва қиссалари тўғрисида қимматли фикрлар билдиришган, уни нафақат қорақалпоқ ёки ўзбек адабиёти тараққиётига ҳисса қўшиб келаётган ёзувчи, балки, умумтуркӣ, қолаверса, жаҳон адабиётида ўзига хос ўринга эга катта сўз устаси деб баҳолайдилар. Ўзбекистон ҳалқ ёзувчиси Одил Ёкубов туркӣ адабиёт намояндадарининг фикрларини ифодалаб, куйидагиларни ёзганида мантиқ бор: «*Қайипберганов шахсияти ва ижоди билан яқиндан таниш бир сафдош қаламкаш сифатида, аввало шу гапни комил ишонч билан айтила оламанки, Тўлепберган донишманд одам, дилкаш сұхбатдош, мутафаккир ёзувчиидир. Бу ёзувчи ҳозирги қорақалпоқ на-*

срининг забардаст намояндасигина эмас, худди Чингиз Айтматов, Абдижамил Нурпеисов, Ўлжас Сулайманов, Абдулла Орипов ва Бердиназар Худойназаровлар каби қадим Туркистон ва ҳозирги туркий халқлар адабиётининг ийрик ва-киларида биридир».

Одил Ёкубов «Халқона ҳикматлар гулдастаси» номли мақоласини махсус Тўлепберган Қайипберганов ижодига, унинг «Қорақалпоқнома» роман-эссеси таҳлилига бағишлайди ва бу асар «Қорақалпоқ достони» трилогиясидан кейинги ёзувчи ижодий фаолиятининг катта ютуғи эканлигини алоҳида таъкидлайди. Роман-эссе яратишдаги ёзувчининг маҳорат сирлари ҳақида гапирар экан, О.Ёкубов: «Қорақалпоқнома» нафақат муаллиф ижодининг чўққиси, ҳозирги қорақалпоқ романчилиги эришган юксаклик, айни соғда умумтуркий адабиётимизнинг ўлмас обидаларидан бири бўлиб қолади», дейди. XX асрнинг 80-йиллари ўрталарида туркий адабиётларда биринчи марта вужудга келган, роман-эссе жанрининг илк намунаси бўлган «Қорақалпоқнома» ўзига хос анъана яратган асар бўлди. Унинг шаклий ифодаси ўзга миллат ижодкорларига намуна бўлаётгани ва умумтуркий адабиётларда «Нома» жанрининг бугунги кундаги ривожига ҳисса бўлиб кўшилгани ҳақиқат.

Неча йилдирки, ўзбек адабиётшунослигига Тўлепберган Қайипберганов ижодига муносабат билдирилиб, матбуотда асарларига тақризлар ёзилди, холис фикрлар айтилди, адабий фаолиятига доир алоҳида китоблар ҳам нашр этилди, диссертациялар ҳимоя қилинди. Мақтоворга сазовор томони шундаки, Т.Қайипберганов ижоди бутунги етакчи ўзбек адабиётшунослари ва танқидчилари томонидан муносиб баҳоланмоқда. Матёкуб Кўшжонов, Умарали Норматов, Норбой Худойберганов, Бахтиёр Назаров, Пирмат Шермуҳамедов каби мунаққидларнинг ёзувчи асарлари юзасидан ҳар хил нашрларда билдирган фикрлари, ёзган мақола ва тақризлари бу фикрга далиллар.

Т.Қайипбергановни ўзбек адабиёти ижодкорлари билан боғлаб турган адабий дўстлик ришталари кўп. Уларнинг ҳар бири тўғрисида алоҳида илмий тадқиқот олиб бориш ёки махсус мақола ёзиш мумкин. Мен айрим қирғиз ва ўзбек адиларининг ёзувчи ижодига, асарларига билдирган муносабатларинингина шарҳладим. Қорақалпоқ ёзувчисига бўлган

худди шундай самимийликни рус, қозоқ, туркман, тожик ва яна ўзга миллат зиёлилари, машхур сўз усталарининг ишларида ҳам учратиш мумкин.

* * *

Т.Қайипбергановнинг сўнгги йиллар ижодида янги бир ўйналиш кўпроқ кўзга ташланмоқда. Ёзувчи кейинги йилларда миллий қадриятларимизнинг тарихий илдизларига мурожаат этмоқда. Ўтмишда ота-боболаримиз томонидан яратилган, лекин ун тутилиб кетган маънавий ҳазиналарга, ҳикматларга қайта ҳаёт бағишилаб, баъзан ўзи ҳам шундай мотивларда ҳикматлар ижод этиб, оригинал асарлар яратаяти. «Қалбимнинг қомуси» номли репортаж-эссе ёзувчининг ижодий фаолиятида шундай йўналишда олға ташланган яна бир дадил қадам бўлди. «Қалбимнинг қомуси»дай асар яратиш учун фақат ёзувчилик тажрибаси камлик қиласи, катта билим ва илм, улкан ҳаётий тажриба, муҳими, ижодий жасорат ҳам керак. Асарни ўқиб чиққан ҳар бир инсон Тўлепберган Қайипбергановнинг жаҳон адабиёти, фалсафаси, тарихи, тасаввуф илмини нақадар чукур ва атрофлича ўзлаштирганига ва уни ижодий принципларига уйғунлаштириб, адабий тажрибаларига маҳорат билан сингдирив юборганига тан беради. Ёзувчи узоқ йиллар давомида қалбини безовта қилиб, унга тинчлик бермай келаётган «дард»ларини, орзу-армонларини очиқ-ойдин баён этишнинг яхши усулини топган. Суҳбат, савол-жавоб, хат шакли ва бошқа бадиий усуулардан кент фойдаланган. Жамият ва одамлар ҳақидаги фалсафий қарашлари қай даражада тўғрилигини далиллаш мақсадида жаҳон мутафаккирлари фикрларига таяниб иш кўрган. «Куръон», «Ҳадис»даги ҳикматлар, ривоят ва афсоналар ҳам, ота насиҳатлари ҳам баззи ҳаётий муаммолар хусусида тўғри хуносалар чиқаришда ёзувчига материал бўлиб хизмат этган. Бугунги муаммоларимиз ҳақида маънавий қадриятларимизга таяниб фикр юритилгани ҳар жиҳатдан таҳсинга лойиқ.

«Қалбимнинг қомуси»нинг foявий йўналиши ҳам оригинал ва миллий мустақиллигимиз руҳига мос. Ёзувчи қорақалпоқ халқининг ўтмиши, ҳозири ва келажаги билан боғлиқ фикрларини саккиз дафтарга сифдириб баён этади. Муаллифнинг баззи долзарб муаммоларни кўтариб чиқиши

даги дадиллиги ва жасорати сизнинг ҳам кўнглингизни кўтарида. Тоталитар тузумнинг инқирозга учраб, СССРнинг тарқаб кетиши, «Бобомга хатлар» (1995) бадиҳасида Оролнинг ҳалокати туфайли содир бўлган экологик муаммоларни кўтариб чиққани ва бунга маҳсус китоб бағишлагани ёзувчининг чинакам фидоийлигидир. Турғунлик йилларида ҳаётимизда рўй берган камчиликлар, маънавий-иқтисодий турмушимиздаги ўтирилишларнинг фожиавий оқибатлари ва уларнинг сабабкорлари тўғрисида аниқ далилларга таяниб сўзлаган ёзувчининг ижодий жасоратига фақат қойил қолиш мумкин. Т.Қайипберганов «Қалбимнинг қомуси» билан қорақалпоқ ҳалқининг чинакам жонкуяри, ўз юртнинг ҳақиқий ватанпарвари эканини кўрсата олди. Тилда эмас, амалда юртим деб, ҳалқим деб яшайдиган, ижод қиласидиган инсон қандай бўлиши кераклигини, менимча, ёзувчи шу асари билан исботлади.

«Қалбимнинг қомуси»нинг биринчи дафтарининг бошларида: «Тўлепберган оға, Сизни ўзимизниклар орасида бегона, бегоналар орасида ўзимизникли деймиз. Сиз кимсиз? деган саволга кўп ҳаётий мисоллар, инкор қилиб бўлмайдиган фактлар билан шундай жавоб берганки, чиндан ҳам, асарнинг шу масалага бағишинган саҳифаларини ўқиган киши ёзувчининг ўти билан кириб, кули билан чиқадиган», бегоналар олдила ҳалқига, миллатига гард юқишини истамайдиган, ўта жасоратли миллатпарвар инсонлигига ишонч ҳосил қиласи. У ўзга юртларда бегоналар билан мuloқотда бўлганида ҳам, расмий минбарларда нутқ сўзлаганида ҳам ҳеч қачон эл-юрти, миллати, ҳалқи шаънига ноўрин гап айтган эмас. Аксинча, унинг манфаатини бир эл фарзандидек ҳамиша ҳимоя қилиб келган. Биргина мисол келтираман. Т.Қайипберганов сабиқ СССР Олий Совети депутати сифатида Москвада Орол ҳалокати билан боғлиқ масалаларни дадил кун тартибига қўйгани ва жамоатчиликнинг дикқатини мазкур муаммога қаратгани барчага аён. Унинг ҳалқи тақдирни билан боғлиқ масалаларни иттифоқ минбаридан туриб куюнчаклик билан гапираётганидан қониқиш ҳосил қилган ва ёзувчини кўллаб-қувватлаш мақсадида сўз олган буюк олим Андрей Сахаровнинг Орол ҳалокати ва унинг салбий асоратлари хусусидаги нутқини ҳалқимиз яхши эслайди. Бундай нуфузли минбарлар-

дан ҳалқнинг бахт-саодати, келажаги учун куйиниб гапириш, Андрей Сахаровдек дунёга машҳур инсоннинг эътиборини ва ҳурматини қозонадиган даражада фикр айтиб муаммо кўтариш ва уни илмий асосслаб бериш осон эмас.

Тўлепберган Қайипберганов ўз камчиликларимизни ўзимизга очиқ айтишдан, ҳатто минбарлардан туриб ҳам бу хусусда ёниб гапиришдан чарчамайди. Биз ўзимизни ўзимиз мақтамайлик, бизни бошқалар мақтасин. Бизнинг камчиликларимизни бошқалар эмас, ўзларимиз айтайлик ва тузатайлик. Мана, унинг холис нияти, ҳаётий шиори! Булар тўғрисида «Қалбимнинг қомуси»да жуда яхши ёзилган ва ҳикматлар ҳам келтирилган. Ўйлайманки, бу насиҳатлар билан танишган ҳар бир инсон тегишли хуласа чиқариб олади. Шу маънода бу асар кўпчилик учун катта тарбиявий аҳамиятга эга қомусий қўлланмадир.

* * *

Тўлепберган Қайипберганов сермаҳсул ижодкор. У адабиётнинг кўп жанрларида бадиий пухта асарлар яратди, ҳикоялар, қиссалар ва романлар, саҳна асарлари ҳам ёди, очерклар ва публицистик мақолалар эълон қилди. Ёзувчининг матбуотда босилган адабий-танқидий чиқишилари ҳам оз эмас. Агар адабнинг ҳозирги кунга қадар ёзган ва нашр қилдирган барча асарларининг рўйхати тузилганда ҳам шу рўйхатнинг ўзиёқ кичикроқ бир рисола бўлади. Т.Қайипбергановнинг ҳозиргача саксон уч китоби чоп этилибди. Агар бунга унинг газета-журналларда босилган адабий-бадиий асарлари ҳам қўшиб ҳисобланса, сони қанчага боришини кўз олдингизга келтирансангиз керак. Ҳаётлик чоғида бўйидан ҳам баланд китоби босилган ижодкор адабиётда кам учрайди. Бу ҳам адаб учун катта бахт. Булар ҳали ёзувчининг матбуот юзини кўрган асарлари. Ёзib тугалланган, лекин эълон қилинмаган қанча романлари ва қиссалари, пьесалари, адабиётнинг бошқа жанрларидағи асарлари адабнинг «шахсий мулки» бўлиб ётгандир. Шу ўринда бир фактни фикримнинг исботи учун келтириб ўтмоқчиман. Яқинда Қорақалпогистон Ёзувчилари уюшмасидаги учрашувлардан бирида Тўлепберган Қайипберганов ишхонасидаги темир сандигида сақлаб келаётган, ҳар бири ўн босма табоқдан ортиқ, ҳозирги ҳолатида ҳам бемалол нашрға қилса

бўлаверадиган йигирма жилдан иборат, муқоваланган кундакликларининг қўлёзмасини стол устига тахлаб қўиди. Унинг айрим саҳифаларини ўқиб берганида кўпчилик ҳайратга тушди. Ёзувчининг жуда баракали ижодий меҳнат қилишига қойил қолишиди.

Гапнинг очиги, ўзининг 70 йиллик юбилейини бундай катта ижодий муваффақиятлар билан кутиб олиш ва нишонлаш ҳамма ижодкорга ҳам насиб этавермаса керак. Бу адабий муҳитда жуда кам учрайдиган ҳодиса. Яна бир ибратли жиҳат. Бир ёки икки адабиётнинг эмас, бир неча адабиётнинг, хусусан, туркий халқлар, туркий адабиётларнинг севимли ва ардоқли ёзувчиси бўлиш ҳар бир ижодкор учун ўзига хос бахт. Тўлепберган Қайипберганов бу бахтга ҳам эришган улкан сўз санъаткоридир.

1999

ЕТУК АДАБИЁТШУНОС, МОҲИР ТАНҚИДЧИ

Академик Бахтиёр Назаровни мен талабалик йилларидан бери танийман. Ўтган асрнинг олтмишинчи йилларининг ўрталарида Тошкент давлат (ҳозирги Ўзбекистон Миллий) университетининг филология факультетини биз деярли бир даврда ўқиб, олдинма-кейин тамомлаганмиз. Ўша даврларда Бахтиёр факультет кўламида ўтказиладиган илмий-адабий ва бошқа тадбирларда фаоллик кўрсатиб юрадиган талабалардан бири эди. Шу туфайли у қисқа муддатда профессор-ўқитувчилар ва талабаларнинг эътиборига тушди. Аълочи ва жамоатчи талаба сифатида номи тез-тез тилга олиниб турарди.

Университетни тамомлагач, мен қишлоғимга ишга қайтдим. Бахтиёр эса университетда ўқишини давом эттириб қолди. Орадан тўрт-беш йил ўтгач, Бахтиёр Назаров билан Тошкентда ЎзРФА Пушкин (ҳозирги Алишер Навоий)номидаги Тил ва адабиёт илмий-тадқиқот институтида яна учрашдик. У мазкур институтнинг аспирантурасида таҳсил олаётган экан. Мен эса аспирантурада ўқиш учун энди келгандим. Биз бир-бирларимизни кўпдан бери танийдиган дўстлардек муносабатга киришиб кетдик. Бахтиёр талабалик йилларида қандай фаол ташкилотчи, самимий

бўлган бўлса, ҳозир ҳам ҳудди шундай эди. У аспирантлар кенгашининг раиси эди. Унинг ташаббуси билан кўп илмий-адабий тадбирлар ўтказиларди. Институтнинг йирик олимлари билан аспирантларнинг учрашувлари мунтазам ташкил этиларди. И. Султон, М. Кўшжонов, Ш. Шоабдураҳмонов, А. Ҳайитметов, Ҳ. Зарипов, Ф. Абдуллаев, Ҳ. Ёкубов, Ю. Султоновдек таникли адабиётшунос ва тилшунослар билан бўлган давра сұхбатлари, илмий-тадқиқот олиб бориш сирлари ҳақидаги устозларнинг маслаҳатлари имга энди кириб келаётган биз ёшларда катта таассурот қолдирганини ҳозир ҳам мамнуният билан эслайман.

Бахтиёр фақат ташкилотчиликда эмас, илмда ҳам фаол эди. «Ойбекнинг бадиий-эстетик қарашлари» деган мавзуда номзодлик диссертацияси тайёрлаётганди. Институтда ўтказиладиган анжуманларда диссертацияси мавзуси юзасидан қылган маърузаларини бир неча марта тинглаб, ўзбек адабиётшунослиги ва танқидчилигига келажагига катта умид ўйғотадиган истеъодди ёш олим кириб келаётганига ўша йилларда ёқ ишонч ҳосил қилгандим. Бахтиёр Назаров муддатида номзодлик ишини муваффақиятли ҳимоя қилди. Кўп ўтмай ёш олимнинг «Ўзбек танқидчилиги», «Бу сеҳрли дунё» номли монографиялари босилиб чиқди ва бу асарлар ўша йилларда таъсис этилган Ўзбекистон Ёшлар мукофоти билан тақдирланди.

Илм ҳақида илм яратиш осон эмас. Б. Назаровнинг тилга олинган икки китоби ҳам ушбу мураккаб масалани ўрганишга, ўзбек адабий танқидчилигининг ривожланиш йўлларини, шаклланиш босқичларини таҳлил қилишга бағишлиланган. Иккинчи китобда Ойбекнинг адабий-танқидий асарлари кенг кўламда тадқиқ қилиниб, адабнинг бадиий-эстетик қарашларининг ўзбек адабий танқидчилиги тараққиётидаги роли ва аҳамияти илмий жиҳатдан асослаб берилиди. Ойбекдек илмий салоҳияти бакувват, тафаккур уфқи кенг ёзувчининг адабий-танқидий қарашларига баҳо бериб, ютуқ ва камчиликларини холис кўрсатиш осон эмас, албатта. Ёш олимнинг назарий тайёргарлиги, илмий асарларни таҳлил ва тадқиқ этиш методологиясини пухта ўзлаштириб олганлиги бу муаммони ижобий ҳал қилишига ёрдам берди. Б. Назаров ўзбек адабий танқидчилиги тарихини ўрганишга киришганда мазкур йўналиш адабиётшуносликнинг

янги бир соҳаси ҳисобланарди, илмий тажриба жуда кам эди. Ёш олимнинг ўрганилмаган илмий масалага кўл уриши ва уни юқори савияда тадқиқ қилиб, ижобий натижаларга эришгани ўзбек адабиётшунослиги учун ҳам катта ютуқ бўлди. Илмдаги бу дастлабки муваффақиятлар Б. Назаровни янги илм чўққиларига илҳомлантириди, мавзуни кенгроқ доирада тадқиқ этиш учун у докторлик диссертацияси устида қизғин иш бошлади. Таъзиқотининг натижаларини газета-журналларда эълон қилиб борди. 1979 йилда унинг «Ўзбек адабий танқидчилиги. Гоявийлик. Метод. Қаҳрамон.» деган катта монографияси босилиб чиқди ва олим шу асосда филология фанлари доктори илмий дараҷасини олиш учун диссертация ҳимоя қилди. Баҳтиёрнинг ишига фақат ўзбек олимлари эмас, Марказий Осиёning машҳур адабиётшунослари, танқидчилари ҳам юқори баҳо бердилар.

Шундай қилиб, Бахтиёр Назаровнинг ўзбек адабий танқидчилиги тарихини ўрганиш йўлидаги дастлабки қадамлари дадил ва муваффақиятли бўлди. Олим ушбу соҳанинг Ўзбекистондаги танилган ва тан олинган етакчи адабиёт-шуноси сифатида илмий-адабий жамоатчилик назарига тушди. Ўзбек адабий танқиди тарихига тегишли олим эълон қилган мақолалар, нашр қилинган китоблар XX аср ўзбек адабий танқидчилиги тарихини яратишда, олий ўкув юртлари учун дарслик ва кўлланмалар ёзишда муҳим илмий манбалар вазифасини ўтади. Кимки ўзбек адабий танқидчилиги тарихи ёки танқид назариясига бағишлаб бирор илмий иш ёзмоқчи бўлса, бу йўналишнинг бошида турган ва шу соҳада салмоқли тадқиқотлар яратган Бахтиёр Назаровнинг ишларига илмий-методик манба сифатида таянади.

Бахтиёр Назаров фикр доираси кенг, илмий тафаккури чуқур ва бақувват олимлардан бири. У фақат адабий танқид тарихи ҳақида эмас, умуман, ўзбек адабиёти ва адабиётшунослиги бўйича ҳам профессионал фикр юрита оладиган, илмий-назарий савиаси мукаммал тадқиқотлар яратишга қодир етук адабиётшунос, моҳир танқидчи. Унинг XX аср ўзбек адабиёти ҳақида газета-журналларда зъюн қўитган мақолалари, чоп этилган китоблари ўзбек адабиётшунослиги-

га ўзига хос ҳисса бўлиб қўшилганини мутахассислар яхши билади. Олим ҳозирга қадар ўндан ортиқ монографиялар, уч юзга яқин мақолалар муаллифи. Унинг «Ҳаётийлик – безавол мезон», «Ҳамза абадияти», «Faфур Фулом олами» каби монографиялари адабий жараённинг долзарб масалаларига бағишланганни билан аҳамиятли. Агар биринчи рисодада ёш шоирларнинг ижодий изланишлари, ютуқ ва камчиликлари ҳақида сўз юритилса, Ҳамза ва Faфур Фулом лирикаси таҳлилига бағишланган китобларда ҳар икки шоир ижодининг етакчи хусусиятлари, шўролар замонида яратган асарларининг мустақиллик даври учун аҳамиятли жиҳатлари янги қаравшлар асосида ўрганилади.

Ўтган асрнинг саксонинчى йилларининг иккинчи ярмида Чўлпон ва Фитрат ижодини ўрганиш, асарларини қайта нашр қилиш масалалари кўтарилиди. Бу йилларда Бахтиёр Назаров Алишер Навоий номидаги Тил ва адабиёт илмий тадқиқот институтининг директори лавозимида ишларди. Шўролар мафқураси хукмронлик қилиб турган бир даврда, асарлари қарийб эллик йил «тутқунда» бўлган бу миллатшарвар адабилярнинг нодир ижод намуналарини адабиётга қайтариш мураккаб иш эди. Тоталитар тузум сиёсати миллий қадриятларни топтаб, чинакам истеъдод билан ёзилган миллий руҳдаги асарларни таъқиб этиб, уларнинг халқ ом-масига ёйилиб кетишига қаршилик кўрсатиб турган бир шароитда уларни ҳимоя қилиб чиқиш, асарларни қайта босиб чиқариш масаласини кун тартибига кўйиб, бор ҳақиқатни дангал айтиш учун илмий салоҳиятдан ташқари, катта фуқаролик жасорат ҳам керак эди. Фитрат ва Чўлпон ҳақида-ги бор ҳақиқатни юзага чиқариш, асарларига холис баҳо бериш, асосан, Институтнинг етакчи олимлари зиммасида-ги оғир масъулият эди. Бу масалага холис ёндашиш, мута-хассисларнинг бошини қовуштириб (бу даврларда Чўлпон ва Фитрат асарларининг халққа қайтарилишига қаршилик кўрсатувчилар ҳали Институтда ҳам анча-мунча бор эди) муаммонинг қатағон қурбонлари фойдасига ҳал қилини-шига эришиш, тўғриси, мушкул эди. Бундай мураккаб ва нозик масалаларни ҳал қилишда Бахтиёр Назаровнинг таш-килотчилиги, илмий тажрибаси, сиёсий хушёrlиги ёрдам берди. Собиқ Марказком Чўлпон ва Фитрат меросини ўрганиш бўйича маҳсус комиссия ташкил этди. Бахтиёр Назаров

ров ушбу комиссиянинг раиси қилиб тайинланди. Комиссия таркибига Чўлпон ва Фитрат тарафдорлари ҳам, уларга қаршилар ҳам киритилган эди. Ҳар икки томоннинг талаб ва даъволарини атрофлича ўрганиб чиқиб, комиссия бир холосага келиши ва қарор қабул қилиши назарда тутилганди. Шундай бўлди ҳам. 1987 йилда Марказком Фитрат ва Чўлпон меросини ўрганиш бўйича комиссия тавсиясига биноан махсус қарор қабул қилди. Қарорда Фитрат ва Чўлпон мероси тўла-тўқис оқланиб, муаммо рисоладагидай ҳал қилинмаган бўлса-да, ҳархолда, бу икки адаб ижодини ўрганиш, асарларини нашр қилиш мумкинлиги тўғрисида қарорда фикрлар мавжуд эди. Мана шунинг ўзи катта ютуқ эди.

Ўша даврларда бундай қарорлар ҳалққа кўп ҳам ошкор қилинавермас, умуман, тарғиб-ташвиқ этилмасди, имкони борича ҳалқдан яшириб сақланарди. Бахтиёр Назаровнинг бу масаладаги яна бир дидиллиги шунда бўлди, у ушбу қарор матнини ўзи бош мұҳаррирлик қилаётган «Ўзбек тили ва адабиёти» журналида эълон қилиб юборди. Шўро сиёсати ва ҳукмрон мағкураси ўз манфаатига зид бундай «ўзбoshimcha» ҳаракатларни қаттиқ жазолаши, ҳатто масъул раҳбарга сиёсий айб қўйиб, уни лавозимидан четлаштириши, обрўсизлантириши ҳеч гап эмасди. Бахтиёр Назаров бундай хавфдан чўчимади. Илмий-адабий жамоатчилик ҳам уни бу масалада қўллаб-кувватлади. Қарорнинг эълон қилиниши эса Чўлпон ва Фитрат мухлисларини ниҳоятда мамнун этди. Энг мұхими, Чўлпон ва Фитрат меросини ўрганишга, асарларини нашр этишга имкон пайдо бўлди, йўл очилди. Кўп ўтмай, адабиарнинг асарлари китоб шаклида кетма-кет чоп этила бошланди. Республикадаги энг нуфузли газета-журналларнинг барчаси Фитрат ва Чўлпон ижодидан намуналарни мунтазам бериб борди, ижодига бағишликтан илмий мақолалар пайдо бўла бошлади. Номзодлик ва докторлик диссертациялари тайёрлашга киришилди. Бир сўз билан айтганда, Фитрат ва Чўлпон ҳақиқий маънода адабиётга қайтиди. Истиқлол ғояларини улуғлаган ва шу гоя учун курашган, курбон бўлган бу сўз усталари XX аср ўзбек адабиётининг байроқдорлари сафидан ўрин олди. Бу хайрли ишларда Бахтиёр Назаровнинг ҳам хизматлари алоҳида эканлигини бугун таъкидлаб айтишни зарур деб ҳисоблайман.

Академик Бахтиёр Назаровнинг ўзи ҳам Чўлпон ва Фитрат ҳақида кўплаб мақолалар эълон қилди, адаблар ижодининг тарғиб ва ташвиқ қилинишига ўз ҳиссасини қўшиди, шу йўналишда фундаментал илмий тадқиқотларнинг яратилишига бош-қош бўлди.

Бахтиёр Назаровнинг XX аср ўзбек адабиёти намояндадари ижоди таҳлилига бағишлиган асарларининг доираси фақат Чўлпон ва Фитрат ижодлари билан чекланмайди. Олим Беҳбудий, Ойбек, Ҳамид Олимжон,Faafur Fулом, Абдулла Каҳҳор, Шукрулло, Абдулла Орипов, Рауф Парфи, Кутлибека Раҳимбоева каби шоир ва ёзувчилар ҳақида ҳам илмий мақолалар, рисолалар ёзib, ўзбек адабиётшунослиги ва таъқидчилигини бойитди. Мустақиллик даври шеърияти ва насрининг долзарб муаммоларига доир мазмунли чиқишлари билан адабий жамоатчиликда яхши таассурот қолдирмоқда. Умуман, ҳозирги адабий жараённинг бирор долзарб муаммоси ўйқи, унга Бахтиёр Назаров муносабат билдирамаган, оригинал ёндашувлари, холис фикрлари билан иштирок этмаган бўлсин. Шу маънода, у бугунги адабий жараённи холис баҳолаб келаётган зукко мунаққидлардан бириди.

Бахтиёр Назаровнинг илмий-тадқиқчилик фаолиятининг яна бир қирраси бор. Бу ўрта махсус ва олий ўқув юртлари учун ўзбек адабиёти бўйича дарслик ва қўлланмалар яратиш билан боғлиқ фаолият. У умумий ўрта таълим мактабларининг юқори синфлари учун «Ўзбек адабиёти» бўйича тайёрланған дарсликларнинг муалифларидан бири, университетлар ва педагогика институтлари бакалавр ихтисослигини олувчи талабалар учун «XX аср ўзбек адабиёти тарихи» дарслигининг муайян бўлимлари Б. Назаров томонидан ёзилган. У ўзбек адабиёти бўйича дастурлар тайёрлашга, мажмуалар яратишга ҳам фаол қатнашиб келаётган педагог-олим ҳамдир. Бахтиёр Назаровни бугун фақат ўзбек адабиётшунослиги ва адабий таъқидчилиги тараққиётигагина эмас, балки олий ва ҳалқ таълими соҳасига ҳам салмоқли ҳисса қўшиб келаётган устоз педагог дейишга тўла ҳақлимиз.

* * *

Бахтиёр Назаровнинг илмий фаолиятининг бир қирраси Қорақалпоғистон ва қорақалпоқ адабиёти билан боғлиқ эканлигини алоҳида таъкидламоқчиман. Олим кўп йиллардан

бери ўлкамиз ҳәсти, адабиёти ва маданияти билан яқин алоқани сақлаб келмоқда. У Ажиниёз, Бердақ каби қорақалпоқ мұмтоз шоирларининг юбилей тантаналарининг деярли бар-часида маъruzalari билан қатнашди. Уларнинг меросини Ўзбекистонда көңг тарғиб қылди. Ажиниёз ва Бердақ ижоди бүйіча Ўзбекистоннинг радио-телевидениесидеги чиқишила-ри, газета-журналларда бостирган мақолалари олимнинг қорақалпоқ адабиётининг жонкуярларидан бири эканлыгидан дарап беради. Чунончи, унинг Ажиниёз ҳақидағи «Халқим билар дардим ила ўзимни», «Яхши сүз яқынлатар эл орасин», «Ажиниёзниң адабий мероси» каби долзарб мақолалари Ўзбекистоннинг нуфузли газета-журналларida босилди.

Олимнинг Бердақ ижодига бағищланган «Халқпарвар шоир», «Иқбол келармикан бизнинг элларга», «Замон лочини», «Замонларга ҳамнафас сүз», «Қорақалпоқ халқининг улут шоири» каби мақолалари шоир меросининг ўзбек китобхонлари ўртасида янаша оммалашшида мұхым роль ўйнади. Бұгина эмас. Бахтиёр Назаров Бердақ «Танланган асарлари»-нинг ўзбек тилида нацир қилинишига ҳам ўз ҳиссасини құши. Китобга «Сўэбоши» ёзіб қорақалпоқ шоири ижодининг маъно-моҳияти, аҳамияти билан ўзбек китобхонларини кенгрөк танишириди. Бу билан олим қорақалпоқ мұмтоз шоирлари ижодининг Ўзбекистондаги тадқиқотчиларидан бири сифатида танилди ва ҳурматтаға сазовор бўлди.

Бахтиёр Назаров Қорақалпогистон илм-фани тараққиетига, жумладан, адабиётшунос кадрлар тайёрлашга ҳам ҳисса қўшиб келаётган устоз-олимлардан бири. Унинг бевосита илмий раҳбарлигига К.Ташанов ва И.Курбонбоевлар номзодлик диссертацияларини ҳимоя қилдилар. З.Собирова, О.Дуйсенбоев каби аспирантлари тадқиқотларини ҳимоя қилиш арафасида туриди. У қорақалпоқ адабиёти бүйіча тайёрланган бир неча докторлик ва номзодлик диссертацияларига илмий маслаҳатчи ёки расмий оппонент сифатига қатнашиб келмоқда.

* * *

Бахтиёр Назаровнинг яна бир фазилати, у жаҳонгашта олим. Бахтиёр дунёning кўп мамлакатларida сафарда бўлган. АҚШ, Германия, Сауд Арабистони, Норвегия, Туркия давлатларida бўлиб, халқаро симпозиумларга қатнашган, маъ-

рузалар қилган. 1990 йилда АҚШда бир неча ой бўлиб, Индиана университетида ўзбек адабиётидан маъruzalap ўқиган ва мазкур университетнинг фахрий профессори унвонига сазовор бўлган. У АҚШдаги Халқаро олтойшунослик доимий конференциясининг «Олтин медал» берувчи ҳайъати аъзоси, Туркиядаги туркий филология бўйича тузилган халқаро ташқилотнинг аъзоси бўлиб сайланган. Бундай йирик давлатларда бўлиш, обрўли халқаро ташқилотларга аъзо қилиб сайланиш, катта минбарлардан туриб маъruzalap ўқиши, жаҳоннинг машҳур олимлари билан мулоқотлар қилиш баҳти ҳаммага ҳам насиб этавермайди. Бахтиёр Назаровнинг илми ва билими, дунёқарашининг кенглиги, муҳими, кўпгина ижтимоий-сиёсий масалаларда дунё даражасида фикрлай олиш қобилияти уни мана шундай нуфузли минбарларга олиб чиққан. Бахтиёр Назаров қайси мамлакатда бўлмасин, қандай халқаро ташқилотда иштирок этмасин ёки қандай хорижий аудитория минбарида маъруза ўқимасин, Ўзбекистон, ўзбек адабиёти ва маданиятининг ютуқларини тарғиб қылди.

Юқорида академик Бахтиёр Назаровнинг адабиётшунослик ва танқидчилик фаолияти хусусидагина сүз юритдик, асосан, уни олим сифатига таърифлайдик. Айни пайтда, унинг ижтимоий-сиёсий фаолияти ҳам олимлик даражасидан қолишмайди. Бахтиёр Назаров Алишер Навоий номидаги Тил ва адабиёт институтининг кичик илмий ходимлигидан директори лавозимигача бўлган йўлни босиб ўтди. Кейинчалик у ЎзР Фанинг Вице-президенти, Ўзбекистон Республикаси Олий ва ўрта маҳсус таълим вазирининг биринчи ўринbosari лавозимларида ишлади. Бир неча йил Ўзбекистон Республикаси Президентининг Давлат маслаҳатчиси бўлди. Шу кунларда у Тил ва адабиёт институтининг «Адабий алоқалар ва таржима назарияси» бўлимини бошқармоқда.

Аспирантликдан академиклик даражага эришиш, маъсуллиятли лавозимларда фаолият олиб бориш билан бирга профессионал ихтисосслигини ҳеч унутмасдан изчил давом этириб, етук адабиётшунос, моҳир танқидчи бўлиб танилиш ва ҳурмат қозониш, очиги, камдан кам олимга насиб этадиган баҳт. Бахтиёр Назаров мана шу баҳтга эришган инсон. Унинг ҳаёт йўли, илмий-ижтимоий фаолияти кўпларга, айниқса, ёш олимларга ибрат деб ҳисоблайман.

2005

КҮП ҚИРРАЛИ ИЛМИЙ ФАОЛИЯТ СОХИБИ

Яқинда Қорақалпогистонга янги бир хушхабар таралди. Бир гурух олимлар Ўзбекистон Фанлар академиясининг ҳақиқий аъзолари бўлиб сайландилар. Академикларимизнинг сафи кенгайиб, илм-фанийизнинг нуфузи янада кўтариладиган бўлди. Шундай юксак олимлик мартабага муяс-сар бўлганлар орасида Ўзбекистон ва Қорақалпогистон республикаларида хизмат кўрсатган фан арбоби, фалсафа фанлари доктори, профессор Жуманазар Бозорбоев ҳам бор.

Академик Жуманазар Бозорбоевни республикамиз жамоатчилиги яхши танийди. У машҳур олим, ташкилотчи раҳбар, давримизнинг илгор зиёлиларидан бири. У ҳақда Ўзбекистон ва Қорақалпогистон матбуотида кўп ёзилган, ҳатто олимнинг ҳаёт йўли ва илмий фаолиятига бағишланган рисола ҳам нашр қилинди. «Қорақалпоқфильм» ижодкорлари томонидан суратта олинган «Фидой инсон» номли ҳужжатли фильм эса Ж. Бозорбоевнинг умр дафтари ҳақида яхши тасаввур берадиган кино асарларидан бири бўлди. Бундай инсонларнинг ҳаёти, илмий ва ижтимоий фаолияти, устозлик мартабаси ҳамиша ёшларга намуна, ўзига хос тарбия мактаби вазифасини ўтайди. Шунинг учун улар тўғрисида ҳар қанча ёзилса кўплек қилмайди.

* * *

Биз қайси бир таниқли олимнинг фаолиятига назар ташламайлик, икки муҳим хусусиятнинг алоҳида ажralиб турганигини кўрамиз. Бир гурух олимлар бўладики, бутун ҳаёти давомида илмнинг бир йўналиши билан астойдил шуғулланиб, шу соҳанинг атоқли вакили бўлиб танилади, шуҳрат топади, лекин жамоатчи, раҳбар сифатида кўп ҳам назарга тушавермайди. Яна бир гурух олимлар борки, улар илмий фаолиятини раҳбарлик, жамоатчилик ишлари билан қўшиб олиб боради ва ҳар иккисида ҳам муваффақиятга эришади, танилади, ҳурмат қозонади. Менимча, Жуманазар Бозорбоев иккинчи гурух олимлар сирасига киради. У илмий ишда ҳам, раҳбарлик фаолиятида ҳам, ижтимоий-сиёсий ҳаётда ҳам бирдек мавқега эга фидой зиёли. Бундай фазилат: билимдонлик, дунёқарашнинг кенглиги, ҳар бир соҳа бўйича профессионал даражада фикр юрита олиш қоби-

лияти ҳаммада ҳам бўлавермайди. Ж.Бозорбоев машҳур турк сиёсатчиси ва давлат арбоби Мустафо Ота Туркнинг «Ҳаётда энг ҳақиқий муршид – бу илмидир» деган ҳикматига таяниб, дастлаб ўзини илмга бағишлиди ва олим сифатида эл назарига тушди. У қайси лавозимни эгалламасин, қандай жамоат ишлари билан банд бўлмасин, илмдан узоқлашмади.

Жуманазар Бозорбоев файласуф олим, шу соҳанинг етакчи мутахассиси. Қорақалпогистонда ижтимоий-сиёсий фанлар, жумладан, фалсафа фани тараққиётида эришилган ютукларнинг маълум бир қисми унинг номи ва тадқиқотлари билан боғлиқ. Фаннинг бу йўналишлари бўйича олим сўнгти беш-олти йилда бир неча монографиялар, юзлаб мақолалар бостириди ва бу асарлар республикамизнинг маънавий-маърифий ҳаётида амалий аҳамиятга эга бўлмоқда. «Одобнома» (доц. К.Давлетова билан ҳаммуалифликда) китобининг Қорақалпогистоннинг маънавий-маърифий ҳаётида ўзига хос янгилик бўлгани, жамоатчилик томонидан яхши кутиб олингани ва қисқа муддатда икки марта қорақалпок тилида қайта нашр қилингани, ўзбек ва қозоқ тилларига ўтирилиб чоп этилгани (қозоқ тиллдагиси Алматининг «Раўан» нашриётила босилган) ҳамда Бердак номидаги Қорақалпогистон Давлат мукофоти билан тақдирланганни фактини тилга олишининг ўзи кифоя.

Профессор Ж.Бозорбоев кенг қамровли, теран мушоҳадали, фикр доираси, дунёқараши чукур, илмий салоҳияти ҳам бақувват олим. Ижтимоий-сиёсий масалаларга муносабатда ҳам, маънавий-маърифий муаммолар ечимида ҳам олимнинг эътиқоди мустаҳкамлигига, бирор масала бўйича илгари сураётган илмий концепцияларининг асосли эканлигига кўпчилик тан беради. У бაъзи олимларга ўхшаб фаннинг бир соҳаси билан эмас, бир неча йўналишлари билан баравар шуғуллана олиш ва фойдали фикрларни ўргатга ташлаш салоҳиятига эга. Фалсафа, тарих, иқтисод назарияси, алабиёт, тил, этика, эстетика, педагогика, экология, ҳуқуқ дейсизми ёки бошқа фан соҳаларини оласизми ёхуд сиёсий-маънавий ҳаёт масалаларими, ҳуллас, илм-фанинг қайси тармоғини олиб кўрманг, уларда пайдо бўлган янгиликлар, вужудга келган долзарб муаммолар ҳеч қачон Жуманазар Бозорбоев назаридан четда қолган эмас. Ва олим бу масалаларга ўз вақтида муносабат билдиради, уларнинг ечими

хусусида амалий таклифлар билан матбуотда, радио-телефидениеда мунтазам чиқиб туради. Бир мисол. Миллий мафкураны шакллантириш масалалари атрофида ҳар хил қарашлар, мулоҳазалар давом этиб турган бир пайтларда, миллий мафкура концепциясини яратиш масаласи ҳали зиёлилар олдига расман алоҳида вазифа қилиб кўйилмаган бир даврда, яъни 90-йилларнинг ўрталаридаёқ проф Ж.Бозорбоев матбуотда «*Миллий мафкура қандай бўлиши керак?*» деган фоят долзарб мақола билан чиқсан эди. Ва жамоатчиликнинг дикқатини шу муаммо ечимига қаратиб шундай деб ёзганди: «*Бизга мафкура керак, уни яратиш жараёнини кечкитириб бўлмайди. Бу мафкура фаровонликни, меҳрибонликни тарғиб этадиган, адолатни ва инсоний ҳуқуқларни ҳимоя қиласиган бўлиши зарур. Уватанпарварликни, фидоийликни, одоб ва ахлоқни, инсон манфаатини ўз ичига қамраб олиши, ижтимоий муносабатларни ҳимоя қилиб бориши, одамлар ўртасидаги меҳр-шафқатни шакллантирадиган ва уни тарғиб қиласиган ўта ҳалқчил бўлиши лозим.*

Ж.Бозорбоев ҳаётнинг жамият олдига қўйган сиёсий муаммолари счими ҳақида тўғри мушоҳада юрита оладиган, унинг истиқболи хусусида фойдали таклифлар билан чиқиб ўз қарашларини ҳимоя қилишга қодир олим. Унинг «Мафкура жамиятни биректирувчи байроқ», «Миллий мафкурага бағишлиланган биринчи мақоласининг мантиқий давоми бўлиб, уларда ҳам амалий аҳамиятга эга бўлган таклифлар илгари сурʼидади. Ҳозир зиёлиларимиз олдида миллий мафкура концепциясини яратишдек масъулиятли вазифа турибди. Бу тадбирни амалга ошириш осон кечмаслиги аниқ. Бунинг учун катта илмий тажрибага эга олимлар, сиёсий етук, мустақил фикрлайдиган, ҳалқимизнинг миллий-маънавий манфаатини чуқур ҳис қила оладиган ва унинг амалий аҳамиятини тушуниб етадиган илгор зиёлилар отряди керак. Ҳали ҳам миллий мафкуранинг маъно-мазмунини теран англаб етмаган, уни тоҳ иқтисодиётга, тоҳ сиёсатга ёки бошқа ижтимоий масалаларга боғлаб, жуда саёз фикрлайдиган зиёлилар бор эканлиги сир эмас. Шулар ҳақида ўйлаганде бошқаларга улиги бўладиган Ж.Бозорбоева ўшаган сиёсий етук миллий мафкура тарғиботчиларининг тадқиқотлари кўз олдимизга келади, ҳамма сиёсатшу-

нос олимлар ҳам бу масалада проф. Ж.Бозорбоевга ўхшаб фикрласа, муаммонинг моҳияти ва аҳамиятини худди шундай тасавур қиласа экан, дегингиз келади.

Ҳар бир зиёли миллий мафкура концепциясини яратишга «мен ҳам масъулман» деган принципдан ҳаракат қиласа ва амалий таклифлар билан масалага ҳиссасини қўшсагина миллий мафкуранинг шаклланиш жараёни тезлашади ва самаралари ҳам кўзга кўриниб қолади. Профессор Ж.Бозорбоевнинг миллий мафкурага бағишлиланган мақолалари ва бошқа тадқиқотлари ҳам миллий мафкура концепциясини яратишда фойдали қўлланма, манба бўлиб хизмат қилиши табиий.

* * *

Академик Ж.Бозорбоевни бугунги ҳаётнинг кўп муаммолари қизиқтиради, баъзан эса ташвишлантиради, бу мақолалар ечими устида бош қотиради. Ҳар гал шу мақсадни кўзлаб у қўлига қалам олади, долзарб муаммоларни кўтаради, ҳалқимизнинг дилидаги орзу-армонларининг рўёбга чиқшига оз бўлса-да, ҳисса қўшишга интилади. Олимнинг «Умр – бу дунёқараш юксаклиги» деган монографиясидаги мақолаларни варактаб, мазмунини чуқуроқ таҳлил этсангиз, бу фикрнинг тўғрилигига ишонч ҳосил қилишингиз мумкин. Ҳар бир мақолада замон садоси, давр руҳи, мустақиллик йилларида қайта тикланиб, шакллана бошланган қадриятларимиз ўзига хос талқин этилган. Бугунги ҳаётнинг, маънавий турмушнинг турфа ранглари жилоланган мақолалар олимнинг тафаккур доираси қанчалик кенг, ҳар қандай ижтимоий-маънавий ёки сиёсий масала тўғрисида профессионал фикр юрита олиш қобилиятига эга эканлигидан дарак беради. Проф. Ж. Бозорбоевнинг Амир Темур, Улугбек, Беруний, Баҳоуддин Нақшбанл ҳақидаги, одобахлоқ, оила мавзусидаги, илм, билим ва тарбия хусусидаги, ҳуқук, экология ва иқтисод масалаларига бағишлиланган мақолаларини ўқисангиз, чиндан ҳам, унинг илм ва билим савияси, мушоҳадаси бақувват эканига амин бўласиз. Бир мисолга диққатингизни жалб этаман. Биласизки, Ж. Бозорбоев профессионал адабиётшунос ёки танқидчи эмас. У файласуф олим, яъни адабиётдан маълум даражада узоқ бир инсон. Лескин унинг бадиий адабиёт ва ижодкорлар, уларнинг бадиий маҳорати таҳлил қилинган шундай мақолала-

ри борки, уларни адабиётшуносликка тегишли деб тан ол-масликнинг ҳеч иложи йўқ. Олим адабиёт тўғрисида ким билан баҳслашмасин, муайян асар юзасидан ўзининг бади-й-эстетик қарашларини ҳимоя қила олади, бъозан, ҳатто мутахассисларнинг хаёлига ҳам келмаган адабий жараён учун муҳим фикрларни ўртага ташлайди. Адабиётни нозик ҳис қиласиган, бадиий-эстетик қонуниятларни ўзлаштирган, ижодий фикрлаш қобилиятига эга олимгина бундай мурракаб масъулиятли меҳнатни уддалаши мумкин. Фикримча, Ж.Бозорбоевнинг адабий-танқидий мақолалари том маънодаги адабиётшунослик намуналари. Тадқиқотчининг «Шеъриятга содиқлик рамзи», «Аёл гўзаллиги Ажиниёз шеъриятининг гулгожи», «Сўзи муҳаббатга, муҳаббати қўшиқقا айланган шоир», «Инсон қадрининг кўйчиси», «Алпомиши» эзгулик одобномаси», «Манқуртлик ҳақида Ч.Айтматов сабоқлари» мақолалари ва суҳбатлари билан танишсангиз, муаллифнинг бадиий асарни таҳлил қилишдаги адабий-эстетик принциплари асосли эканлигига, Ажиниёз, Бердақ, И.Юсупов, Ч.Айтматовдек сўз усталарининг поэтик маҳоратидан яхши хабардорлигига ишонч ҳосил қиласиз.

Ж.Бозорбоевни профессионал адабиётшунос ёки танқидчи даражасида фикрлаш қобилиятига эга лигини исботлайдиган бир мақоласини мисол тарзида келтирмоқчи-ман. Мақола матншуносликка тегишли бўлиб, «Еркин Қарақалпақстан» газетасида босилди ва у «Гавҳар жилоланганми?» деб номланади. Тан олиш керакки, ҳақиқий адабиётшунос ёки матншунослар ҳам бундай танқидий мақолалар ёзишга кўп ҳам журъат этавермайди. Мақолада матншуносликка доир нашр ишлари билан боғлиқ жиддий бир муаммо қўтарилиган. Бердақ юбилейи муносабати билан чоп этилган шоирнинг «Танланган асарлари» инашида йўл қўйилган камчиликлар, менимча, холис кўрсатилган, нашрга тайёрловчиларнинг масъулиятсизлиги оқибатида Бердақ асарларининг ҳар бир инашида қўпол хатоларга йўл қўйилаётгани куюнчаклик билан айтилган, исботланган. Шоир ижодини айрим йўналишлар бўйича ўрганишда ҳам бердақшунослар ўртасида ҳамжиҳатликнинг йўқлиги, қарама-қарши фикрлар ҳамон жамоатчиликни чалғитаётгани тўғрисидаги муаллиф эътиrozлари тўғри. Ҳарҳолда, мазкур мақола бердақшунослар олимларни бу ма-

салалар тўғрисида жиддийроқ ўйлаб кўришга даъват этса ажабмас.

Проф.Ж.Бозорбоевнинг илмий-ижодий фаолиятининг доираси жуда кенг. У таржима билан ҳам шугулланди. Жаҳон муғафакирларининг бир неча асарларини қорақалпоқ тилига ўтириди. Дунё адабиётининг мумтоз намуналаридан бири «Кама Сутра», файласуф Дейл Карнегиннинг машҳур трактатлари унинг таржимасида қорақалпоқ тилида босилиб чиқди. Олимнинг ташаббуси, бевосита раҳбарлиги ва иштирокида «Амалий иқтисод» китоби қорақалпоқ тилига таржима қилиниб нашр этилди. Бундан бир неча йил олдин унинг ташаббуси ва бевосита ҳаммуаллифлигига «Ўзбекча-қорақалпоқча луғат» тузишга киришилган эди. Бу иш ҳам муваффақиятли якунланди ва мазкур луғат яқин қунларда нашрдан чиқиш арафасида. Академик Ж.Бозорбоев Қорақалпоғистоннинг «Янги тарихи»ни ёзишга фаол қатнашадиги. У «Тарих»нинг учинчи жилдидаги «Қорақалпоғистон мустақиллик йилларида» номли бўлиминг илмий раҳбари ва муаллифларидан бири, Ажиниёзномидаги Нукус давлат педагогика институтида кўп йиллардан бери муваффақиятли фаолият кўрсатиб келаётган «Этнопедагогика» лабораторияси ҳам бевосита Ж.Бозорбоев ташаббусининг мевасидир. Унинг сўнгги йилларда республикамиздаги иқтисодчи, ҳукуқшунос, педагог, тарихчи, тишлинос олимлар билан ҳамкорликда олиб бораётган илмий изланишлари яхши натижалар билан якунланмоқда деб хулоса чиқаришга, кўрдингизки, асослар етарли.

Проф.Ж.Бозорбоевга хос яна бир ноёб хислатни тилга олиб ўтишни ўринли деб биламан. Ўз юртининг, ҳалқининг тақдиди, келажаги учун қайғурадиган, оз бўлса-да унинг мушкулини ентиллатиб, дардига малҳам бўлишни ватанпарварлик, фарзандлик бурчим деб ҳисоблайдиган ва шу орзу билан яшайдиган ҳар бир инсон ҳурматда бўлади. Менимча, Жуманазар Бозорбоев ҳам шундай инсонлардан бири. У бундан бир неча йил олдин институтнинг бир груҳ олимлари билан Мексикада бўлиб, у ердан тузга чидамли «дистихис» ўсимлигини олиб келди ва Қорақалпоғистон шароитида синаб кўриш мақсадида уни Орол денгизининг суви тортилган майдонларига экиб, илмий тажриба ўтказди. Тажриба самара берди ва у кўпчиликда истиқболли тадбир эканлигига умид уйғотди,

* * *

Проф. Ж. Бозорбоев ташкилотчи ва фидоий раҳбар. Муҳими, у ташаббускор олим, ташаббускор раҳбар. У фақат ташаббус кўтариш билан чекланмайди, балки ўзи бу ташаббусни амалий фаолиятида бажариб кўрсатади, сўнг бошқаларни бу ишга жалб қилиб, унинг ижросини талаб этади. Ҳар қандай таъбирни сўзда эмас, амалда исбот қилиш чинакам олимга ва раҳбарга хос фазилат. У Нукус давлат педагогика институти ректори. Олимнинг раҳбарлик фаолиятининг самаралари педагогика институтини қайта ташкил қилишдан тортиб, то ҳозирги кунга қадар эришилган муваффақиятларда кўзга ташланиб туради. Салкам ўн йил ичida институтнинг барча соҳалар бўйича Ўзбекистондаги илғор педагогика институтлари қаторига ўтиб олгани ва бунда ректор Ж.Бозорбоевнинг хизматлари катта экани кўпчиликка маълум. Бунинг ўзи алоҳида мавзу.

Академик Жуманазар Бозорбоев ҳозиргача нашр қилинган китоблари, долзарб мақолалари, радио-телевидениедаги чиқишилари, сиёсий етук жамоат арбоби сифатидаги ташкилотчилик фаолияти, тарғибот-ташвиқот ишлари билан миллий истиқбол мағкурасига сидқидилдан хизмат қилиб келаётган фидоий, кўп қиррали илмий фаолият соҳибларидан биридир.

2000

МЕҲРЛИ ВА ҲАҚГҮЙ ИНСОН ЭДИ

(Эссе)

Шундай инсонлар бўладики, уларнинг оламдан ўтганига кўп вақтларгача ишонгинг келмай юради. Гўё улар ҳозир ҳам орамизда бордек, биз билан мулокотда бўлиб, ҳаёт қувончлари ва ташвишларини баҳам кўраётгандек бўлиб туюлаверади. Ўзбекистон ва Қорақалпогистон республикаларида хизмат кўрсатган фан арбоби, Бердақ номидаги Қорақалпогистон Давлат мукофоти лауреати, филология фанлари доктори, профессор, таниқди адабиётшунос олим, ажойиб инсон Сражатдин Ахметовнинг бевақт вафоти, менинг назаримда, уни яхши билган ва хурмат қилган кишиларда ҳудди шундай кайфият уйғотди, дессан янглишмасам керак.

272

Шахсан ўзимда ҳам бу йўқотиш туфайли руҳий изтироб пайдо бўлганини ва бу туйғу ҳозир ҳам қалбимнинг бир чеккасини ўтраб, тинчлик бермаётганини ҳис қилиб турман. Шунинг учун бўлса керак, Сражатдин Ахметов ҳақида хотира ёзиб бериш таклифини олганимдан бери бирмунча вақт ўтган бўлса-да, негадир бу ишни тезда бажаришга журъат эта олмай юрдим. Чунки бундай таклиф билан менга мурожаат қилганларида ҳали устознинг оламдан ўтганига бир йил ҳам тўлмаган, (у 1997 йилнинг ёз ойларида вафот этди) тупроғи совиб улгурмаган ҳам эди. Ва Сражатдин оға Ахметовни марҳум деб айтишга, очиғи, тилим бормай, ёзишга қўлим қалам ушлай олмайдиган аҳволда юрганимни яширмайман.

Жуда ихлос қўйган, хурмат қиласидиган одаминг вафот этганида, у ҳақда хотира ёзиш ҳам қанчалик масъулиятли ва оғир эканлигини энди-энди ҳис қиласипман. Бундан кейин Сражатдин оға билан дийдорлашиб, овозини эштиш, у билан ҳамсуҳбат бўлиш имкони энди йўқлигига аста-секин кўнига бошладим. Начора! Тақдирга тан бермасликнинг ҳеч иложи йўқ! Эндиликда устознинг жойи жаннатдан, руҳи-поклари шод бўлсин, деб тиловат қилишдан бошқа чора қолмади. Сражатдин Ахметовнинг руҳи олдидағи инсоний бурчимини адо этиш, унга бўлган хурматимни бажо келтириш, унинг ҳаётлигига айтишга улгурмаган миннатдорлик сўзларимни бироз кечикиб бўлса-да, баён этишни лозим кўриб, хомуш бир кайфиятда қўлимга қалам олдим. Шояд С.Ахметовнинг руҳи шод бўлса!

* * *

Кўп ўйладим. Гапни нимадан бошласам экан, деган савол ҳамиша хаёлимни банд этиб турарди. Чунки мен Сражатдин Ахметовни салкам йигирма йилдан бери ҳам олим, ҳам устоз педагог, ҳам меҳрли инсон сифатида яхши билардим. Унинг қайси фазилатини ёритсан экан, деган фикр хаёлимдан кетмади. Шундай хаёллар билан юрган кунларнинг бирида, уйда, иш кабинетимдаги китоб жовононларини назардан ўтказар эканман, бирдан Сражатдин Ахметовнинг яқинда мени Ўзбекистон ва Қорақалпогистон Ёзувчилари уюшмаси аъзолигига тавсия қилган қўлёзма «Тавсиянома»сига кўзим тушиб қолди. Мен унинг машинкалланган нусхасини Қорақалпогистон Ёзувчилари уюцмасига топшириб,

273

күләмасини эгасига қайтармай әсдалик учун сақлаб қолғаним яхши бўлган экан, деган фикр дарров хаёлимга келди. Бинафша рангда, майда ҳарфлар билан, ингичка қилиб ёзилган бир варак қоғозни мен дарҳол ҳаяжон билан қўлга олдим ва ёзув столимга қандай ҳолатда келиб ўтирганимни ҳозир тасаввур қилишим қийин. Наҳотки кечагина менга шундай ажойиб «Тавсиянома» ёзиб берган инсон бугун орамизда йўқ, марҳум бўлса! Ишонгим келмасди. Қоғоддаги сўзларга бир сидра кўз югуртириб чиқдим-да, сўнгра бошидан, шошилмасдан ўқий бошладим. Ҳаяжондан қўлларим тит-раётганини сездим. Гўё қоғоддаги жумлалар тилга кириб Сражатдин оға сўзлаётгандек, унинг менга таниш овози кулоқларим остида жаранглаб эшитилаёттандек, у мен билан мулоқотда бўлаётгандек эди. Шу ўринда олимнинг мен учун табаррук бўлиб қолган «Тавсиянома»сининг баъзи жумлаларини С.Ахметовнинг руҳига эҳтиром рамзи сифатида таржимасиз, асл нусхасида келтириб ўтишни дозим кўрдим. Буни нокамтарликка йўймассиз, деб умид қиласман. Чунки «Тавсиянома»даги фикрлар нафақат олимнинг ҳаётлигида менга маънавий далда бўлди, балки кейин ҳам у менга юксак масъулият юклади: «Белгили әдебиятши алым, сынши Кәримбай Курамбаев 70-жыллардын орталарынан баслап Каракалпакстан менен тығыз байланыслы. Ол филология илимлери ниң докторы, ен танылған әдебиятшилардын бири. Алым-әдебиятши, сынши ҳәм педагог К.Курамбаев әдебий өмирге тепериш араласыўшы ҳәм ен зәрурли мәселелер бойынша өз макалалары менен кезгে тусип, ол Өзбекстан, Туркменстан ҳәм Каракалпакстан әдебий жәмиятшилигине жаксы таныс. Әдебиятши-алым, сынши сыйпаттында К.Курамбаев өз айрықшалығына ийе. Ол уш халықтын әдебиятында терен биледи, өзбек, туркмен, каракалпак әдебий байланысларына арналған китаплары жәмиятшилик тәрепинен жаксы баҳаланған. Ол кунбе-кунге әдебий процесске тиккелей араласыўы менен әдебий бағдарды, бағытты жаксы аңдайды ҳәм әдил, халыс пикир айт吆уы менен дыққатка ылайык...»

Сражатдин Ахметов менинг адабиётшунослик ва адабий танқидчиликдаги камтарона меҳнатларимни ана шундай юқори баҳолаган эди. У менинг Ёзувчилар уюшмаси аъзолигига қабул қилинишими астойдил истаган экан, фақат ёзма «Тавсиянома» бериш билан чекланиб қолмасдан, Ко-

рақалпоғистон Ёзувчилари уюшмаси раиси Тўлепберган Қайилбергановга оғзаки шаклда ҳам бир неча марта эслатган экан. Кейинчалик Тўлепберган оға менга:

— Сражатдин сени жуда яхши билар, хурмат қилар экан. Сени Ёзувчилар уюшмасига қабул қилишни мендан илтинос қилди, хужжатларингни тайёрлаб олиб кел, — деганида жуда қувониб, фахрланиб кетгандим.

Хуллас, Сражатдин Ахметов ва яна икки адабиётшуностанқидчининг тавсияномаси билан мен Ўзбекистон ва Қорақалпоғистон Ёзувчилари уюшмаси аъзолигига қабул қилинди. Албатта, асосий масала бу ерда менинг Ёзувчилар уюшмаси аъзолигига қабул қилинишими ёки қабул қилинмаслигим ҳақида эмас. Асосий гап Сражатдин Ахметовнинг меҳрибонлиги ва ғамхўрлигида, одамгарчилик фазилатининг буюклигida, энг муҳими, талантларга ётиборида. У бундай ғамхўрликни фақат менга эмас, бошқа бир неча садоқатли, истеъдошли шогирдларига ҳам кўрсатган, уларни ҳам доимо қўллаб юрганини яхши биламан. С.Ахметов бу масалада бошқаларга ибрат бўладиган устоз-олимлардан бири эди.

* * *

Сражатдин Ахметовнинг «Тавсиянома»сига разм солиб ўтирад эканман, у билан илк учрашувим, бирга ишлаган Йилларимиздаги унунтилмас воқеалар, худди кино тасмалари дагидек кўз олдимдан бирма-бир ўта бошлади. 70-йилларнинг бошлари. Мен Ўзбекистон Фанлар академиясига қарашли А.С.-Пушкин (ҳозирги Алишер Навоий) номицаги Тил ва адабиёт институтининг «Адабий алоқалар» бўлимида дастлаб аспирант, сўнг илмий ходим бўлиб ишлаб юрган кезларим эди. Бўлимимиз ҳар хил миллатга мансуб ходимлардан иборат бўлиб, улар, асосан, Марказий Осиё халқлари адабиётларининг ўзбек адабиёти билан алоқаларини ўрганиш билан шуғулланарди. Шунинг учун бўлса керак, Институтимизга қардош республикалардан ташриф буюрган таниқли шоир ва ёзувчилар, айниқса, адабиётшунос ва танқидчилар, албатта, «Адабий алоқалар» бўлимига бир қадам ранжида қилмасдан, олимларимиз сұхбатидан баҳраманд бўлмасдан, адабиётлар ҳамкорлиги бўйича ўзаро фикрлашмасдан кетмас эдилар. Ўзлари мансуб адабиётга тегишли бўлимда қандай илмий-тадқиқот ишлари олиб борилаётгани меҳмонларни кўпроқ қизиқтиради ва анъанага

айланиб қолган бундай илмий-адабий учрашувлар, сұхбатлар ҳар икки томон учун ҳам амалий аҳамият касб этарди. Берди Кербобоев, Боймуҳаммад Гарриев, Сейит Гарриев каби туркман, Абдулла Тоғибов, Мұхаммаджон Қоратоев сингари қозоқ, Абдуғани Мирзоев, Отахон Сайфуллаев каби тоғик, Наврұз Жапақов, Қалли Айимбетов, Қабул Максетов сингари қорақалпоқ адабиётининг машхур намояндаларининг «Адабий алоқалар» бўлимига ташрифлари ўзига хос адабиётлар байрамига айланиб кетгани ҳануз эсимда.

Сражатдин Ахметов ҳам мазкур институтда ўтказиладиган ҳар хил адабий тағдирларға қатнашиш учун Қорақалпоғистондан Тошкентга тез-тез келиб турарди. У кўп йиллар давомида фан номзоди ва фан доктори илмий даражасини бериш учун институт хузурида ташкил этилган ихтисослашган Илмий кенгаш аъзоси бўлди. Кенгаш мажлисларига мунтазам қатнашиб турди. Ҳар келганида «Адабий алоқалар» бўлимига кирап, бўлим мудири, Ўзбекистон Фанлар академиясининг мухбир аъзоси, таниқли адабиётшунос олим Юсуф Султонов билан саломлашиб, ҳол-аҳвол сўрашгач, чиқиб кетар эди. Бу йилларда мен уни ғойибона қисман танирдим. Қорақалпоғистондан эканини, адабий танқидчилик билан шуғуланишини мутахассислардан эшитгандим. Ихтисослашган Илмий кенгаш йиғилишидаги бир нутқини тинглаганим ҳам хотирамда қолганди. Ҳарҳолда, Сражатдин Ахметов ҳақида умумий тасаввурга эга бўлсам-да, устозим Юсуф Султоновдан бу қорақалпоқ олими ҳақида кенгроқ маълумот олгим келдии, домладан бир куни сўрадим:

— Домла, ҳалиги Сиз билан қучоқлашиб, қуюқ саломлашган киши ким бўлади? Жуда қадрдан оға-инилардек кўришингизлар, жуда баъмани одамга ўхшайди, — дедим.

— Э, ҳа! Танимадингизми? У Сражатдин Ахметов! Қорақалпоқдан! Ўзи машхур адабиётшунос. Бизда Илмий кенгаш аъзоси. Жуда яхши инсон. Fafur Fуломнинг шогирди. Уйида ётиб ўқитган. Fafur aka билан ота-боладай эди. Кўпдан бери танийман уни. Қадрдонмиз. Тошкентга келса, албатта, мени кўрмай, саломлашмасдан кетмайди, барака топгур, — деди домла катта бир мамнунлик билан. Ва давом этди:

— Яна бир келганида сизни, албатта, у билан яхшилаб таништираман. Қорақалпоқ адабиётига доир зарур материалиларни бундан кейин бемалол Сражатдиндан сўраб олаве-

ришингиз мумкин, — деб кўшиб қўйди Юсуф Султанович, менинг келажакда ўзбек-қорақалпоқ адабий алоқалари мавзуси бўйича илмий-тадқиқот олиб боришга тайёргарлик кўраёттанимга ишора қилиб.

Шундан кейин менда Сражатдин Ахметов билан яқиндан танишиш ва у билан қорақалпоқ-ўзбек адабий алоқалари мавзуси бўйича сұхбатлашиш истаги туғицци. Тахминан икки-уч ойлардан кейин Сражатдин оға яна институтга келди. Суриштирасам, ихтисослашган Илмий кенгаш ишига қатнашиш учун келган экан. Ҳимоя тугагач, Юсуф Султонович у билан қўлтиқлашиб бўлимга кириб келишди. Мен дарҳол ўрнимдан туриб унга пешвоз чиқдим ва кўл бериб саломлашдим. Бўлимдаги бошқа ходимлар ҳам қўлларини кўксига қўйиб, Сражатдин Ахметовга салом беришди. Домла билан меҳмон ўргасида бўладиган сұхбатга ҳалақит бермаслик учунми, негадир ходимлар бирин-кетин ташқарига чиқа бошладилар. Мен ҳам уларга эргашаётган эдим, домла: «Сиз қолинг», деган ишорани қилгач, мен ўрнимга қайтиб ўтирдим. Юсуф Султонович гап бошлиди:

— Мана бу йигит менинг шогирдим, Каримбой Курамбосс, аспирантурани мудлатидан олдин тамомлаб, номзодлик диссертациясини ҳимоя қилди. Яқинда дипломини ҳам олди. Табрикласалгиз бўлади, Сражатдин Ахметович, — деди домла ва яна давом этди:

— Бу кишини бўлимда катта илмий ходим лавозимига ишта олиб қолдик. Ўзи сиз томонлардан. (Мен, гарчи, Туркманистоннинг Тошховуз вилоятидан бўлсам-да, негадир Юсуф Султонович мени доимо Хоразм-Қорақалпоқ воҳасидан деб ҳисобларди. Ва ўша худуддан институтга кимки келса, албатта, уларга мени: сизнинг ҳамشاҳарингиз, деб таништиради) Туркман адабиётини яхши билади. Энди Қорақалпоқ адабиётини ўрганмоқчи. «Ўзбек-қорақалпоқ адабий алоқалари» деган мавзуни ишлаб берасиз, деб бўлим бу кишига вазифа юклади. Бүёғига энди сизнинг ёрдамингиз керак бўлади, Сражатдин, — деди домла Сражатдин Ахметовга савол назари билан кўз ташлаб.

— Сиз айтсангиз, биз ҳар қандай ёрдамга тайёрмиз-да, Юсуф aka, — деди Сражатдин оға ҳам қатъий қилиб.

Домла ҳам, мен ҳам меҳмоннинг бу жавобидан жуда мамнун бўлиб, уни ташқаригача кузатиб чиқдик ва самимий хайрлашдик.

Сражатдин Ахметов билан илк учрашувим ва танишувимнинг тарихи шундай бўлган эди. Кейинчалик ҳам мен у киши билан Тил ва адабиёт институтида ишлаб юрган йилларимда бир неча марта учрашиб, саломлашганим ёдимда бор. Бироқ бизнинг кўришишимиз салом-алиқдан нарига ўтмасди. Гарчи Юсуф Султонов бизни яқиндан таништирган бўлсада, учрашганимизда у киши менинг шуғулланиб юрган мавзум билан мутглақо қизиқмас, бирор ёрдамим керакми, деб сўрамас ҳам эди. Мен эса ундан илмий маслаҳат олишга, зарур адабиётлар юзасидан сұхбатлашишга жуда ҳавасманд бўлсам-да, олдига бориб бирор нарса сўрашга журъат этолмасдим. Унинг менга муносабатида самимийликдан кўра ўта жиддийлик аломатлари сезилиб турганцек туюлаверарди. Ва мен ўша йиллари унинг характеристидаги бу хислатни қандайдир худбинлик, манманлик, қўполлик аломатлари эмасмикан, деб ўйлаганим рост. Сражатдин Ахметовнинг бъази олимларга ўхшаб шогирдларига, умуман, одамларга очилиб-сошлиб, очиқ чехра билан муомила қиласвермагани менга эриш туюларди. Ва ўша кезларда Сражатдин оға ўта жиддий одам экан, деган фикр хаёлимга ўрнашиб қолган эди...

1976 йилда Нукус давлат университети ташкил этилди. Янги очилган бу олий ўкув юртини илмий-педагог кадрлар билан таъминлаш вазифаси Ўзбекистон Фанлар академияси Президиуми ва Республиканинг бир қатор етакчи олий ўкув юртлари зиммасига юкланган эди. Мазкур университетнинг филология факультетидаги ўзбек тили ва адабиёти бўлимини малакали илмий-педагог калрлар билан таъминлашга ёрдам берувчи академиянинг илмий-тацқиқот институтлари рўйхатида мен ишлаетган Тил ва адабиёт институти ҳам бор эди. 1977 йилнинг баҳор ойлари бўлса керак, Институт раҳбари-тидан менга: сизни Ўзбекистон Фанлар академиясининг вице-президенти, ака демик М.К. Нурмухамедов йўқлаялти, учрашар экансиз, дейишиди. Кутимаган бу таклифдан бироз ҳайратланиб, академия раҳбари яти жойлашган бинонинг иккичи қаватига кўтарилидим-да, вице-президентнинг келишини кутиб ўтиредим. М.К. Нурмухамедов келиши биланок, мени қабул қилди. (У бир йилга яқин А.С. Пушкин номидағи Тил ва адабиёт институтида директор лавозимида ишлган эди. Шу боис у киши мени яхши танирди, бир неча марта мулоқотда бўлгандим). У хонага киришим биланок:

— Нукусда университет ташкил этилди. Хабарингиз бўлса керак. Ўзбек адабиёти бўйича у ерда илмий даражага эга мутахассис йўқ экан. Сизни ўша жойга ўзбек адабиёти бўйича доцент вазифасига юбормоқчимиз. Ўзингиз Тошховуздан экансиз. Нукус билан Тошховуз ораси бир қадамдай гап. Юрtingизга яқинлашар элингиз. Нима дейсиз? Розимисиз? — деди менга савол назари билан қараб.

Тўғриси, бу мен учун кутилмаган савол эди. Мен жавобга тайёр эмасдим. Нима дейишимни билмай, иккиланаётган эдим, Марат Кўпталеўович:

— Майли ҳозир шошилтиромайман. Бироз ўйлаб кўришингизга вақт бераман. Менинча, борганингиз маъқул бўлади, уларга амалий ёрдам кўрсатиш бизнинг бурчимиз, деб кўшиб кўйди.

Мен унинг сўз оҳангидан: биз сизни фан номзоди қилиб тайёрладик, энди юборган жойимизга бориб ишлашингиз шарт, деган маънони англадим-да, тушкунроқ кайфиятда хонадан чиқдим.

Хуллас, мен 1977 йилнинг апрель-май ойларида Нукус давлат университетининг ўзбек тили ва адабиёти кафедрасида ишлаш учун Нукусга келдим. Бу шаҳарга биринчи марта қадам босисим. Ҳеч кимни танимайман. Мени ҳам ҳеч ким билмайди. Гарчи ўзбек тили ва адабиёти кафедрасининг ўша даврдаги мудири, доцент Менглибой Бўронов (у ҳам Тошховуздан, бир қишлоқданмиз) ҳақида элдошларимдан бъази маълумотларни эшитган бўлсам-да, ўзини бирор марта кўрган ёки сұхбатлашган эмасдим. Тошкентда Юсуф Султонов таништирган Сражатдин Ахметовга тўғридан-тўғри бориб: мени Тошкентдан юбориши, сизларга ишга келдим, деб дангал айтишга ботинолмадим. Шундай кунларнинг бирида кафедра мудиirimiz, доцент М.Бўронов менга: юр, сени деканимиз билан танишираман, деб эргаштириб Сражатдин Ахметовнинг кабинетига бошлаб борди. Хонада деканнинг бир ўзи тамаки тутатиб ўтирган экан. Бизлар киришишим биланок, қўлидаги сигаретини стол устида турган кулдонга босиб, эзгилаб ўчирди-да:

— Хўш, нима гап, дегандай, қандайдир совуқ бир савол назари билан бизларга қаради. Ҳамроҳим:

— Бу йигитни Тошкентдан, Академиядан бизнинг кафедрага ишга юбориби, адабиётчи экан, — леди исмим, фамилиямни, асли қаерлик эканлигимни ҳам қўшиб. Сражатдин оға:

— Ҳа, яхши бўлибди, ишлайверсин, деб қўя қолди. Бошқа ҳеч нарса демади. Биз хонадан чиқдик. Тўғриси, унинг бу бир оғиз ҳам ҳол-аҳвол сўрамади! Бизни Тошкентда Юсуф Султонов яхшилаб таништирган эди-ку? Ҳеч бўлмаганда: мен бу йигитни танийман, Тошкентда фалончининг шогирда. Биз Тошкентда учрашганмиз, Тил ва адабиёт институтида ишлаган, уни менга домласи таништирган эди, деб айтса керак деб, умид қилгандим. Нега мен билан бундай совук муомила қилди экан, деган фикр кўнглимни безовта қиласди. Шу вазият сабаб бўлдими, ҳарҳолда мен бир неча ой, иложи борича, Сражатдин Ахметовга юзма-юз келмасликка, учрашмасликка ҳаракат қилиб, аразлаган одамдай бўлиб юравердим. Бир куни кафедрамиз мудири: сени декан чақираяпти, деб қолди. Нима гап экан деб, хавфсиранқираб қабулига бордим. Киришим билан у:

— Каримбой, сени ўзимга ўринбосар қилиб олмоқчиман. Деканнинг ўқув ишлари бўйича ўринбосари бўлиб ишлайсан. Ҳозирги ўринбосарим докторлик диссертациясини ёзиб туталлаш учун ижодий дам олиш сўрайти. Бермасак бўлмайди. Сен эртага ундан ишни қабул қилиб ол, — деди қандайдир самимий бир оҳангда.

С.Ахметовнинг бу галги менга муомиласида тамоман бошка бир оҳанг бор эди. Тўғриси, унинг сўзларидан кўнглим кўтарилигандай бўлди. Хурсандлигим мени деканнинг ўринбосари лавозимига тавсия қилаётгани учун эмасди. Асло унда эмасди! Сражатдин оғанинг менга мурожаатида шундай бир самимийлик, шундай бир меҳрибонлик руҳи мавжуд эдики, уни ҳозир сўз билан таърифлашим қийин. Унинг ҳозирги муомиласи С.Ахметов ҳақидаги барча шубҳаларимни ўртадан кўтариб ташлагандай бўлди. Ва мен Сражатдин Ахметов тимсолида жилдийлик остига яширинган улуғ бир инсонийликни, самимийликни кўрдим. Шунинг учун бу таклифга рози бўлмасликнинг ҳеч имконини тополмадим. Гарчи олий ўқув юртидаги тажрибам ниҳоятда оз бўлса-да, деканнинг ҳурмати учун унинг ўринбосари бўлиб ишланига розилик бердим.

Алолат юзасидан айтишим керакки, С.Ахметов ўз ишининг билимдони ва чинакам фидоийси эди. Жуда талабчан ва қатъиятли раҳбар эди. У эрталабдан кечгача факультетда

бўлар, таълим-тарбия жараёнини, ўқув режасининг бажарилишини қаттиқ назорат қилиб бораради. Сабабсиз дарсга келмай қолган ўқитувчиларни ким ва қандай илмий унвон соҳиби бўлишидан қатъий назар аяб ўтирасди. Талабаларга ҳам муносабати шундай эди. Факультетда тартиб-интизом жуда яхши эди. Ўқув жараёнидаги жилдий масалаларни ҳал қилишда, факультетда бўлашиган ҳар хил тадбирларни ўтказиша ҳам Сражатдин Ахметовнинг ўзи бош-қошибўларди, ишнинг энг оғир қисмини ўз зиммасига олиб, менга кўп енгилликлар яратарди. Мен, асосан, дарс жадвалини тузиш, унинг бажарилишини назорат қилиш, имтиҳон сессиясини ташкил этиш каби масалалар билан шугулланардим. Бу ишларни сидқидилдан бажаришга, Сражатдин Ахметовдек қаттиққўл ва айни пайтда меҳрли бир раҳбарнинг ишончини оқлашга астойдил ҳаракат қиласдим. Ҳатто факультетда бажариб улгурмаган деканатнинг айrim қоғозларини уйга олиб келиб, ярим тунгача ўтириб ишланинг кунларим жуда кўп бўларди. Икки йил декан ўринбосари вазифасида ишладим. Шу мuddатда деканнинг бирор марта менинг фаолиятимдан норози бўлиб гапирганини сезган ёки эшитган эмасман. Биз жуда аҳил ишладик. Бу иноқлигимизга, тўғриси, кўпчилик ҳавас қиласди. Бизнинг яқинлигимизни кўролмайдиганлар, ҳасад қиласдиганлар ҳам оз эмасди. Ҳатто ярим ҳазил, ярим чин мени С.Ахметов мансуб уруғ номи билан атаб чақиргандарини ўз қулоғим билан эшитганимда ҳам хафа бўлмаганман, аксинча, шундай инсон билан ҳамкор ва ҳамнафас, замондош бўлганимдан, бирга ишлаётганимдан фахрланиб юрадим. Мен Сражатдин Ахметовдан вазифага масъулият билан ёндашишни, талабчанликни, фидоийликни ўргандим.

* * *

1981 йилнинг май-июнь ойлари эди. Ёзги имтиҳон сессиясини ташкил этиш, янги ўқув йили учун биринчи курсга талабалар қабул қилишга қизғин тайёргарлик кўрилаётган бир даврлар. Бир куни Сражатдин Ахметов асабийлашган ҳолатда деканатга кириб келди. Кайфияти анча бузуқ эди. Хонасига кириб кетма-кет тамаки тутатадиганини хис қилиб турардим. Лекин олдига кириб: нега кайфиятнинг йўқ, нима гап бўлди? Тинчликми? деб сўраш-

га ботина олмадим. Бироқ қандайдир күнгилсиз воқеа юз берганини, кимдир уни қаттиқ хафа қылганини вазиятдан билиб олиш қийин эмасди. Воқеанинг тафсилоти ни эртасига бошқа бирорлардан эшилдим. Деканлар билан ректоратда бўлган йигилишда Сражатдин Ахметов билан университет ректори ўртасида арзимаган бир масала юзасидан қандайдир келишмовчилик пайдо бўлган. Ва ректор: топшириқни бажариш қўлингдан келмас экан, ишдан бўша, деб Сражатдин Ахметовга дағ-даға қылган. Бу гап салкам йигирма йил деканлик лавозимида яхши ишлаб келаётган Сражатдин Ахметовдек обрули раҳбарга оғир ботади-ю, шу заҳотиёқ ишдан бўшаш ҳақида ариза ёзди. Ректор ҳам иккиланиб ўтирасдан унинг илтимосини қаноатлантиради.

Шундай қилиб, С.Ахметов «ўз аризаси» бўйича деканлик лавозимидан озод қилинди ва қорақалпоқ адабиёти кафедрасига мудир қилиб тайинланди. Унинг ўрнига профессор Е.Бердимуратов декан қилиб сайланди. Очигини айтсам, бундан кейин ўзим мутлақо танимаган, синамаган одам билан ишлаш, унга ўринбосар бўлиш менга ёқмади. Илмий-тадқиқот ишлари билан шугулланиш ниятим борлигини айтиб, тўғрироғи баҳона қилиб, бу вазифадан бўшадим. Бироқ орадан кўп ўтмай университет ректори Ч.Абдиров мени янги лавозим – ўзбек тили ва адабиёти кафедраси мудирилигига тавсия қилди. Ректорат ва факультетдаги бъзи раҳбарлар бошқа бир номзодни мазкур вазифага ўтказиш учун анча-мунча ҳаракат қилиб юрганига қарамай, Чаржоу Абдирович фақат менинг номзодимни маъқуллаши ҳақида қатъий фикр айтган экан. Кейин эшитишимча, ректор ўзбек филологияси кафедрасига мудир сайлаш масаласида Сражатдин Ахметовдан маслаҳат сўраган ва у менинг номзодимни тавсия қылган экан. Ва мен 1981 йилнинг охирогида университетнинг Илмий кенгашида ўзбек тили ва адабиёти кафедраси мудирилигига сайландим. С.Ахметов билан муносабатимиз олдин қандай бўлса, шундай самимий давом этаверди. Иш юзасидан ундан доимо маслаҳатлар олиб турдим.

Кафедра фаолияти билан боғлиқ бир воқеа ҳеч эсимдан чиқмайди. Кафедра аъзоларидан бирини катта ўқитувчи лавозимига тавсия қиласиган бўлдик. У киши салкам ўн

беш йиллик илмий-педагогик стажга эга, кафедранинг обрули домлаларидан бири эди. Кафедра мажлисида аъзоларнинг кўпчилиги унинг номзодини кувватлади. Лекин кафедранинг ёш ўқитувчиларидан бири (кафедрада ишлаётганига атиги бир ярим-икки йил бўлганди) «мен фан номзодиман, катта ўқитувчи лавозимига сайланишга мен ҳақлиман», деб туриб олди ва номзодини йигилиш протоколига киритиб тавсия беришимни талаб қилди. Гарчи кафедра аъзоларининг аксарияти унинг номзодини маъқулламаса-да, деканатда, ректоратда лавозимли ўринларда ўтирган баъзи раҳбарлар унинг тарафида эканлигини: сени, албатта, танлов комиссиясидан, университет Илмий кенгашидан ҳам ўтказамиз, кафедра тавсия қилса бас, деб вайда бергани, менга қисман маълум эди. Шунинг учун бўлса керак, у ўшаларнинг «ногора»сига ўйнаб, кафедра мажлисида «хунар» кўрсатаётгани ҳаракатларидан сезилиб турарди. Бироқ кафедра аъзолари уни катта ўқитувчилик лавозимига муносаб кўрмади ва номзодини баённомага киритишдан бош тортди. Шунга қарамасдан, у хужжатларини танлов комиссиясига топшириди. Мен бу ахволни Сражатдин Ахметовга гапириб бердим ва танлов комиссиясининг бир аъзоси сифатида мазкур масаланинг комиссияда адолатли ҳал қилинишига ёрдам беринг, деб илтимос ҳам қилдим. С.Ахметов, гарчи, деканлик вазифасидан бўшаган бўлсада, ректоратда ҳам, деканатда ҳам обрўси анча юкори эди. Раҳбарият кўп масалаларни ҳал қилишда унинг таклиф ва мулоҳазаларини инобатга оларди, унинг фикри билан ҳисоблашарди. Чунки у ҳар қандай масалада адолат тарафдори бўларди, суистемоллика, субъективизмга йўл қўймасди, ҳақиқатни дангал айтиб, муаммога холис ёнцашарди, икки хил гапирмасди. Тилёғламалик, лаганбардорлик, иккисозламачилик илиятларидан у мутлақо холи эди. Шу фазилати учун ҳам уни кўпчилик хурмат қиласди, сўзини қайтармасди.

Танлов комиссияси мажлисида Сражатдин Ахметов катта ўқитувчиликка даъвогар номзодлар тўғрисида бор ҳақиқатни гапириб беради. Комиссия аъзолари номзодлар бўйича Сражатдин Ахметов айтган маълумотлардан қони-қиши ҳосил қиласигач, кафедра маъқулламаган ўқитувчини чакириб, унга ҳозирча бу танлов комиссиясига номзодини қўймасликни маслаҳат берадилар:

— Сен ҳали ёш экансан, кафедрага ишга яқинда келибсан. Бу киши устозинг экан. Институтда сенга дарс берган экан. Бу гал унга йўл бер, кейинги сафар, албатта, сени ўтказамиз, деса ҳам у кўнмабди:

— Шогирд устоздан ўтиши керак эмасми, мен фан номзодиман, катта ўқитувчиликка олдин мен ўтишим керак, деб сўзидан қайтмабди.

Бу вазиятда комиссия раисининг ҳам даъвогар ўқитувчига ён босаётгани, уни қўллаб-куватлашга мойилиги бальзи ҳаракатларидан сезилиб турган. Бироқ кўпчилик фикрига қўшилмасликнинг ҳеч иложини тополмай, фикрини ўзgartиришига мажбур бўлибди. Якун шу бўладики, Сражатдин Ахметов ва бошқа комиссия аъзоларининг бу масалага принципиал ва холис ёндашуви натижасида муаммо кафедра тавсия қилган номзод фойдасига ечилади.

Яна бир воқеа эсимга келди. Бу воқеа ҳам 80-йилларнинг биринчи ярмида бўлган эди. Ўзбек тили ва адабиёти бўлимнинг аълочи-битириувчи курс талабаларидан бирини давлат имтиҳон комиссиясининг қарори билан Тошкентдаги илмий-тадқиқот марказларидан бирига аспирантурага тавсия қилдик. У анча қобилиятили, илмга чанқоқ, келажагидан умид кутса бўладиган, талантли ёшлардан бири эди. Сражатдин Ахметов ҳам бу талабани яхши биларди. Илмий-назарий конференциялардаги маъruzalарини эшишиб, мамнун бўлганини менга бир неча марта эслатиб, илмий-тадқиқот ишлари билан шуғуланиш учун унга ғамхўрлик қилиш, шароит яратиш лозимлигини тъкидлаганди. Бироқ, факультетда бу ёшнинг аспирантурада ўқишига тўсқинлик қилувчилар ҳам топилиб қолди. Адабиётчи домлалардан бири аспирантурага кириш учун унинг танлаган мавзуси бўйича ёзган рефератига салбий тақриз бериади. Тақризчининг бу ҳаракати илмийлига энди отланаман, деб турган ёшнинг пешонасига гўё таёқ билан бир ургандек бўлди. Энди унинг аспирантурага бориши ёки бормаслиги муаммо бўлиб қолди. Сражатдин Ахметов ёшларга ғамхўрлик қилиш, уларга «ОҚ йўл» тилаш ўрнига, йўлига тўғсанюқ бўлишга уриниб, рефератига салбий тақриз берган ўзи раҳбарлик қилаётган кафедраси аъзосидан чинакамига хафа бўлгани ҳеч эсимдан чиқмайди. С.Ахметов бу ёш йигитнинг қобилиятига астойдил ишонганидан, келажакда ундан олим, яхши мутахассис етишиб чиқишига шубҳаланмагач, рефератига қайтадан

ижобий тақриз ёзиб берди. Бу билан гўё у бўлажак олимга «ОҚ йўл» тилагандай бўлди. Ёш олим ҳам устоз алломанинг ишончини оқлади. Имтиҳонларни муваффақиятли топшириб, аспирантурага киради. Муддатида номзодлик диссертациясини ҳимоя қилиб, яна университетга ишга қайтади, кафедрага ўқитувчилик фаолиятини бошлайди. Бугун у доцент унвонига эга, мана бир неча йилдирки, факультетнинг ўзбек тили ва адабиёти кафедрасининг мудири. Мана шундай тўсиқларни енгиб ўтиб, филология фанлари номзоди илмий дараҷасига эга бўлган, эндиликда институтнинг нуфузли кафедраларидан бирини бошқараётган бу ёш кадр Комил Ташанов эди. Сражатдин Ахметов келажагига умид уйғотадиган бундай ёшларни танлаб биларди, уларни қўллашида, ҳимоя қилишда жуда саҳий эди, ҳеч кимдан кўрқмасди.

Мен ҳаётда ҳам, илмий-педагогик фаолиятда ҳам Сражатдин Ахметовнинг турмуш тажрибаларига кўпроқ сунардим. У ҳам менинг бу интилишимни яхши тушунарди шекилли, ҳар қандай асоссиз ҳужумлардан, таъзийклардан, тухматлар ва таъналардан ҳимоя қилишга ҳаракат қиласди. 80-йилларнинг ўрталари бўлса керак. Деканат ва ректоратда катта-кичик лавозимларда ўтирган раҳбар ва раҳбарчалар шахсиятим, илмий-педагогик фаолиятим, кафедра мудири сифатидаги ишларимдан камчилик топа олмагач, мени маҳаллийчиликда айблашга уриниб, ҳар хил ифво гапларни тўқиб чиқардилар. Гўё мен Тошҳовуздан бўлганим учун кафедрага тошҳовузлик ўқитувчилар, университетда тошҳовузлик талабалар кўпайган эмиш. Кимки Тошҳовуздан келиб университетнинг у ёки бу факультетига ўқишига кирган ёхуд мен бошқараётган кафедрага ишга олинган бўлса, албатта, унда менинг «қўлим» бор эмиш, мен орқали ўқишига ёки ишга жойлашган эмиш. Бундай беъмани тухмат гапларни катта-катта йиғилиш минбарларида айрим бюрократ раҳбарлардан ҳам кўп марта энтишишмга тўғри келган. Уларга эса бу қалбаки маълумотларни факультет раҳбарияти тайёрлаб бериб турганидан ҳам хабарим бор эди. Шу муносабат билан бир воқеани эслаб ўтмоқчиман. Мен ҳақда алғов-далғовли уйдирма гапларнинг авж олиб турган кунларидан бирида университетга янги партком котибини сайлашга бағишлиланган катта мажлис бўлди. Унга деканлар, кафедра мудирлари ва университет фаоллари таклиф қилин-

ди. Шулар орасида мен ҳам бор эдим. Вилоят партия ташкилотининг ўша пайтдаги мафкура бўйича котиби ҳам мазкур йиғилишда қатнашадиганди. Янги ректорнинг ўша даврдаги ўқув ишлари бўйича ўринбосари (мен унинг исми шарифини билсам-да, бу ерда тилга олишни лозим топмадим) «Кадрлар таркиби ва уларни тайёрлашнинг сифати» деган мавзуда маъруза қилди. Маърузасида у мени кадрлар тайёрлашда маҳаллийчиликка йўл қўйган, университет таркибида тошховузлик ўқитувчилар ва талабаларнинг сонини кўпайтирган кафедра мудири сифатида тилга олиб, танқид қилди, менга мутлақо алоқаси йўқ бир неча сохта рақамларни келтирди. Унинг бу ҳаракатлари негизида қандайдир ғараз, шахсий манфаат ёттани менга аён эди. У қандай йўллар билан бўлмасин янги ректорнинг ишончига киришга, ректор ёқтирамайдиган одамларни ёмонлаб проректорлик лавозимини сақлаб қолишга уринаётганини, иккюзламачилик қилаётганини, ўзини ҳақиқатпарвар қилиб кўрсатадиганини фақат мен эмас, залда ўтирганларнинг ҳаммаси сезиб турарди. (*Орадап озгина вақт ўтгач, янги ректор бу ўринбосарини ишдан бўшатди. Қизиги шу бўлдики, университет Илмий кенгашида кафедра ўқитувчилигига сайланиш учун собиқ проректорнинг номзоди қўйилганда, аъзоларнинг қарий ярми унга қарши овоз берди. Агар янгилишмасам бир ёки икки овоз фарқи билан зўрга, оддий ўқитувчиликка сайланана олади. Шундай холосага келдимки, у проректорлик фаолияти давомидаadolatsiz ҳаракатлари билан фақат менинг эмас, балки кўпчиликнинг ҳам меъдасига теккан экан.*)

Проректорнинг йиғилишда мен ҳақда айтган бемаъни уйдирмаларини рад этиш учун, ҳозирги вазиятга мунозара га чиқиб баҳслалиш фойдасиз эканини сездим-да, фикримдан қайтдим. Бироқ сал ўтмай мажлисда кулгили, қизиқ бир воқеа рўй берди. Йиғилиш кун тартибининг иккинчи масаласи янги партком котибини сайлаш эди. У замонларда университет парткоми котиблигига номзод вилоят партия ташкилоти томонидан тавсия қилинарди. Мазкур йиғилишнинг призидиумида ўтирган янги номзод ҳам вилоят партия ташкилоти аппаратида масъул лавозимлардан бирида ишлаб келаётган ходим экан. Вилоятнинг мафкура бўйича котиби университетга сайланажак мафкура котибининг таржимаи ҳоли билан танишири бошлади. Номзод Тошховузда ту-

ғилган дейиши биланоқ, залда бирданига кулги кўтарилиди. Залнинг ҳар жой, ҳар жойидан: бу ҳам Курамбоевнинг кадри экан-да! деган ҳазил чин аралаш кинояли овозлар эшитилди. Президиумда ўтирганлар, айниқса, янги ректор, минбарда турган обком котиби бу кулгили вазиятдан қандай чиқиб кетишини, залдан эшитилган ҳақиқи саволларга қандай жавоб бериб, изоҳлашни билмай, бошлари эгилиб, қизарип ўтиргани кечагидек кўз олдимда. Мажлисдан чиқишимиз биланоқ Сражатдин оға менинг ёнимга келиб:

— Бу гапларга парво қилма, кўрдинг-ку ўзлари масхара бўлди, деб кўнглимни кўтарганини сира унугомайман. У шундай қийин дақиқаларда менга руҳий далда берарди, ҳақиқат учун курашиш лозимлигини ўқтиради.

Университет Илмий кенгашининг йиғилишларидан бирида ўқув ишлари бўйича янги тайинланган (мен унинг номини ҳам тилга олишни истамайман) проректор минбарга чиқиб, менинг устимдан уюстирилган, бошдан-охирiga қадар тухматдан иборат, имзосиз аризани ўқиб бошлаганида Сражатдин Ахметов шартта ўрнидан туриб:

— Бу аризани ким ёзган? Фактлар текширилганми? Текширилиб, аниқланмаган аризани мана шундай катта ва обрўли аудиторияда ўқиш учун сизга ким хуқуқ берди. Бу бирорнинг обрўсини ғаразли мақсад учун кўр-кўронга тўкишдан бошқа нарса эмас-ку? — деган.

Проректорнинг дами ичига тушиб, саволга қандай жавоб беришини билмай мулзам бўлганини эртасига Илмий кенгашига қатнашган аъзолардан бири менга гапириб берганди.

Ҳа, менинг Университетдаги (кейинчалик пединститутдаги) илмий-педагогик фаолиятим ҳеч қачон силлиқ кечган эмас. Ҳаётнинг ўнқир-чўнқир сўқмоқларидан юришга,adolatsiz таъқибларга, асоссиз тухматларга қўп марта қарши курашишимга тўғри келган. Ўзимнинг ҳақ эканлигими ни исбот қилиш учун анча азият чекканман. Лекин ҳеч қачон ноҳақликлар олдида таслим бўлган эмасман. Қоқилганман, лекин йиқилмаганман. Эгилганман, лекин синмаганман. **«Ҳақиқат эгилади, лекин синмагиди»,** деган ҳикматнинг нақадар тўғри эканлигини ўз ҳаётимда синааб кўрганман ва ҳамиша шу ақидага суюниб яшадим, меҳнат қилдим. Кам бўлмадим. Бу фикримнинг исботи учун ўз тақдиримдан яна бир мисол келтироқчиман.

1992 йил. Докторлик диссертациямни Ашхабодда ҳимоя қилиш ташвишида юрган май ойлари эди. Ҳимоя куни белгиланган, кетишим керак. Ҳимояга атиги бир ҳафта қолган. Расмий оппонентларимнинг балъзилари бошқа республикалардан келади, кутиб олишим, меҳмонхоналарга жойлаштиришм ва яна бошқа бир талай ташкилий ишлар ошиб-тошиб ётибди, кетмасам бўлмайди. Шуларни айтиб институт ректорига кирдим, авторефератимни дастхат қилиб бердим ва руҳсат сўрадим. У киши оғзаки розилик билдири, лекин бирор хужжатни расмийлаштириш ёки ариза ёзиб, ректорга кўл кўйдириш ҳақида у ҳам бирор гап айтмади, мен ҳам бундай расмиятчилик шарт бўлмаса керак, деб бу ҳақда гап очмадим. Эртасига самолётда Ашхабодга учиб кетдим. Бундан хабар топган «дўстларим» ишга тушиб кетишибди. Ўша кунлари сиртқи бўлим талабаларининг бир гуруҳи мен ўқитадиган фандан имтиҳон топшира олмасдан қарз бўлиб қолганди. Мен улардан қайта имтиҳон олишга ултурганимча йўқ эди. Баъзи ҳамкасларим, декан бу фактдан ўзларининг гаразли мақсади учун фойдаланибди. Талабаларни чақириби, менинг устимдан шикоят ариза ёздирибди: гўё мен уларни кўп маротаба қатннатавериб овора қилибман, билса ҳам баҳо қўймаган эмишман. Хуллас, шунга ўхшаш мени қоралашга «хизмат» қиласидан нимаики бўлса тўплашибди, бир папка қилиб ректорга олиб кирибдилар. Ректор хужжатлар билан танишиб, уларнинг оғзаки маълумотларини ҳам эштиб, тўғридан ҳам талабаларга нисбатан адолатсизлик бўлибди, деган холосага келибди. Талабалардан қайта имтиҳон олиш учун комиссия тузишига кўрсатма берибди. Бир неча кишидан иборат тузилган комиссия қарздор талабалардан қайта имтиҳон олади, аксариятига аъло ва яхши баҳолар қўйиб, факат бир талабанигина қарздор қўлиб қолдирадилар. Имтиҳон натижалари ҳақида ректорга ахборот беришади. Ректор буйруқ тайёрлаб, менга «қаттиқ ҳайфсан» эълон қилишни топширади. Буйруқ тайёрланади, лекин уни ѡч кимга кўрсатишмайди.

Менинг бу гаплардан ҳали мутлақо хабарим йўқ. Ҳимоянинг ташвишилари билан Ашхабодда юрибман. Шундай кунларнинг бирида уйдан ҳол-аҳвол сўрай деб қўнғироқ қиласам, уйдагилар: тез етиб келинг, сизни институтдан изляяпти, сўрамасдан кетганмишсиз, ишлан бўшатишмоқчи экан, деди. Ҳайрон бўлдим. Нима қилишни билмай бошим қот-

ди. Эртасига уйга яна қўнғироқ қилдим. Яна ўша ваҳимали гап. Ҳатто «дўстларим»дан бири уйга қўнғироқ қилиб, уни ишдан бўшатиши ҳам дебди. Кимдан маслаҳат сўрашни билмай, бошим гарант. Сражатдин Ахметовнинг уйига қўнғироқ қилдим. Гўшакни Сражатдин оғанинг ўзи олди. Салом-аликдан сўнг «дардим»ни айтдим. Эртага қўнғироқ қил, нима гап эканлигини суриншириб, сенга натижасини айтаман деди. Эртасига кечқурун яна қўнғироқ қилдим. Сражатдин оға: Каримбой, сенни ректорингта кимдир яхшилаб ёмонлабди, сен ҳақингда унинг фикри, ҳарҳолда, яхши эмас, менга шундай туюлди. Сенга маслаҳатим, қўнглингни бўлма, руҳингни туширма. Фақат ҳимоянгни ўйла. Ҳимоя ўтганча Нукусга, ҳатто уйингта ҳам қўнғироқ қилма, асабинг бузилиши мумкин. Бу эса ҳимояга салбий таъсир этауди. Ҳимояни ўтказиб келганингдан кейин, менимча, ҳаммаси изга тушиб кетади, деди Сражатдин оға чинакам жонкуярлик билан.

Шу-шу Нукусга ҳам, уйга ҳам қўнғироқ қилмадим. Диссертациям ҳимояси кутганимдан ҳам зўр ўтди. Тезда хужжатларимни тайёрлаб Москвага, Олий Аттестация Комиссиясига жўнатдим-да, ниҳоятда кўтаринки кайфиятда, гўё қанот боғлаб учайтган қушдек Нукусга келдим. Оилам билан хурсандчилигимни баҳам кўргач, эртасига институтга бордим. Яқин таниш-билишларим қучоқ очиб кутиб оди, самимий табриклиди. Лекин кутилмаган бир воқеа кайфиятимни бузди, руҳимни тушириб юборди. Кадрлар бўлимидан кимдир менга «қаттиқ ҳайфсан» эълон қилинган, салкам икки бетлик буйруқни қўлимга тутқазди. Танишиб кўргач, бошимдан совуқ сув қўйилгандек титраб кетдим. Ёнимда ўтирганилар ҳолатимни сездилар шекилли, биринкетин ташқарига чиқиб кета бошладилар. Ўзимни босиб олиш учун бироз ўтирдим. Ҳаёлимда ҳар хил саволлар чарх ура бошлади. Бу қандай адолатсизлик бўлди? Кимга қандай ёмонлик қилибманки, мени бундай жазолашса? Ахир, умримда бирор марта ҳам ҳайфсан тугул, огоҳлантириш ҳам олиб кўрмаганман-ку?! Одатда, докторлик ҳимоя қилиб келган ходимга ҳайфсан эмас, миннатдорчилик билдирилмайдими? Ҳатто моддий жиҳатдан ҳам қўллаб-қувватланганига бир неча марта гувоҳ бўлганман-ку, ахир?! Институт, факультет, қолаверса, кафедра раҳбариятининг бу ҳаракатини

қандай түшүнмөк керак? Очиги, бу саволларга ҳозир жаоб топишта ожиз эдим. Шундай кайфиятда уйга келдим, лекин бу нохуш хабарни оила аъзоларимга билдириб, уларнинг ҳам дилини оғротишни истамадим. Лекин ўзимга яқын бирор инсон билан дардлашиб, маслаҳатлашишим зарурлигини ҳис қилардим. Ўйлай, ўйлай Сражатдин Ахметовнинг уйига боришига қарор қилдим. Воқеани унга гапириб бердим, буйруқни курсатдим. Ўқиб кўриб, жуда хафа бўлди:

— Бунақасини умримда эшитмаганман, — деди афсусланиб, Сражатдин оға.

— Институтдан кетмоқчиман, — дедим.

Сражатдин оға бу фикримни маъқулламади:

— Агар сен ҳозирги вазиятда институтдан кетсанг, рақибларингдан енгилган бўласан. Улар сенинг ҳимоянгта ҳалакит бериш учун шу ишларни уюштирган. Лекин сен бари бир улардан устун чиқдинг, енгдинг! Ҳозир ишдан кетсанг, «дўстларинг» қувонади, сен эса ютқазасан. Сабр қил. Ўзингни улар ўйлагандай одам эмаслигингни исбот қилиш учун ҳам институтда қолиб ишинингни давом эттиришинг керак. Ўзингни оқлашинг зарур. Менинг маслаҳатим шу! Яна ўзинг биласан. Жиддий ўйлаб кўр. Сўнг афсусланиб юрма, — деди Сражатдин оға, ҳақиқатан ҳам, менинг тақдиримга қайғуриб.

Мен Сражатдин Ахметовнинг бу маслаҳатини қабул қилдим. Институтда ишлаб юравердим. Шу орада дипломимнинг тасдигини ҳам олдим. Талабалар билан пахта теримиға ҳам бориб келдим. Институтнинг Илмий кенгашига келсин, дипломини тантанали равишда топширамиз, дебди ректор. Лекин мен Илмий кенгашга боришни лозим кўрмадим. Менинг докторлик илмий даражасини олганлигим ҳақидаги хабарни ректор кенгаш аъзоларига етказганида ҳамма қарғаклар билан кутиб олганини эртасига эшитдим.

Кунларнинг бирида деканатнинг котиби сизни ректор чақирайти деб қолди. Ҳайрон бўлдим. Қандай масала бўйича чақираётган экан? Борсаммикан, бормасаммикан? деган фикр дарров хаёслимга келди. Чунки институт раҳбариятидан, қолаверса, ректордан «қаттиқ ҳайфсан» бергани учун ҳамон хафа эдим. Баъзи ҳамкасларимга маслаҳат солсам: борганинг маъқул, у киши раҳбардан ташқари, сендан ёши ҳам улуғ, республикага танилган оқсоқол. Бормасанг хафа бўлиши мумкин, деди. Шу маслаҳат билан бордим. Ректор

жуда самимий кутиб олди. У ёқ, бу ёқдан сўзлашиб ўтиридик. Очиги, гапимиз унчалик қовушмасди. Ҳайфсаннинг «асорати» ҳали тарқамаганилиги кайфиятимдан сезилиб турарди-да!

— Сени филология факультетига декан қилиб тайинла-моқчиман, — деди ректор дабдурустдан. — Ҳозирги декан бўшамоқчи, ариза берди, — деб қўшимча қилиб кўйди.

Бу мен учун кутилмаган таклиф эди. Нима дейишимни билмай, бироз шошиб қолдим. Ва мен бу ишни уддалай олмайман, ташкилотчилик уқубим йўқ, агар менга бирор амал беришни жуда хоҳлаётган бўлсангиз, кафедра мудиригина берақолинг, дедим илтимос оҳангидা. У киши:

— Кафедра қачон бўлса-да сеники, чунки сен фан докторисан. Лекин ҳозир факультет декани бўлиб ишлайсан, фалон соатга одамларни йигиб ўтиришади, сени танишириб тавсия қиласман, — деб гапини чўрт кесди.

Бошқа эътиroz билдириш фойдасизлигини сезиб ректор хонасидан тушкинроқ кайфиятда чиқдим. Ўша пайтда мени деканликка тайинлаган, мени «виждонсизлик»да айлаб «қаттиқ ҳайфсан» берган ректор, ҳурматли устоз, эндиликда академик Жуманазар Бозорбоев эди. Мен салкам ўн йил филология факультетига деканлик қилдим. Жуманазар оға билан жуда иноқ ишладик. Бир-биримизни яхши ўргандик, синадик. Ўзаро ҳурматимиз ҳам жойида эди. Бирор марта иш юзасидан у кишидан танбеҳ ёки қаттиқ сўз эшитмаганман. Жуманазар Бозорбоев баъзи «дўстларим»нинг мени ёмонлаб берган маълумотлари асоссиз эканлигига бевосита мен билан ишлаш жараённида ишонч ҳосил қилди шекилли, мени кейинчалик ҳар томонлама қўллаб-куватлаб турди. Шунинг натижаси ўлароқ, бир неча давлат даражасидаги мукофотларга ҳам сазовор бўлдим.

Менинг назаримда, проф.Ж.Бозорбоев кадрни танлай биладиган, унинг меҳнатини қадрлай оладиган, фаолиятини муайян соҳани бошқаришга йўналтириш уқубига эга раҳбарлардан. Мен унинг ўн йиллик ректорлик фаолиятида бунга ишонч ҳосил қилганман. Агар мен ўшанда Сражатдин Ахметовнинг маслаҳатига амал қилмай, ректорнинг билиб-билимай қилган ҳаракатиларидан ранжиб, ҳиссиётларга берилиб институтдан бўшаб кетганимда, ҳаётимда, илмий-педагогик фаолиятимда кўзлаган мақсадларим балки орзулигича қолган бўлармиди? Ҳаётда, илмда, бошқа масала-

ларда ҳам тўғри йўл кўрсатган, фойдали маслаҳатларини аямаган Сражатдин Ахметовга ўхшаган чин инсонлардан ҳамиша миннатдор бўлиб келганман. Ўйлайманки, умримнинг охирига қадар бу эътиқодимга содик қоламан.

Муҳтарам ўқувчи! Юқоридаги мисолларни келтиришимдан бош мақсад, ўзимни фақат жабрланувчи, қандайдир «қаҳрамон» қилиб кўрсатиш эмас. Асло бундай ниятим йўқ!Faқат Сражатдин Ахметовдек ҳақиқий инсоннинг бир вақтлар менинг тақдирим учун куюниб қилган яхшиликлари изсиз қолиб кетмасин, жуда бўлмаса қозоғ бетларига кўчсин, деган ниятда ушбу хотираларимни сизнинг диққатингизга ҳавола қилдим. Хулоса чиқариш эса ўзингизга қолади.

Сражатдин Ахметов шундай ҳалол, адолатсизликка муросасиз, бирорвга меҳр қўйса, уни астойдил хурмат қиласидан, лозим бўлиб қолган пайтларда уни кўкрак кериб ҳимоя қилиш учун ўзида маънавий куч топа оладиган иродали инсон эди. Атоқли адабиётшунос олимдан бизга нафақат ўнлаб илмий монографиялар, дарслик ва ўкув қўлланмалири, юзлаб мақолалар мерос бўлиб қолди, шу билан бирга, ундан бизга олижаноб инсоний фазилатлар, одамгарчилик намуналари: фидоийлик, меҳрибонлик, қатъиятлилик каби хислатлар ҳам мерос бўлиб қолганки, ҳар биримиз бу эзгуликларни ўзимизга сингдириб, унга амал қилиб яшасак ва меҳнат қилсан, меҳрли ва ҳақгўй инсоннинг руҳи олдидаги одамгарчилик бурчимишни адо этган бўламиз.

1998

ҚОРАҚАЛПОҚ АДАБИЁТШУНОСЛИГИ ФИДОИЙСИ

Назаримда, адабиётшунослик билан шугулланадиган олимларни тадқиқот йўналишларига кўра шартли равишда икки гуруҳга ажратиш мумкин. Бир тоифа олимлар борки, улар асосан, ҳозирги адабий жараён, бадиий ижод концепцияси, адабий тур ва жанрлар эстетикаси, поэтикаси, ёзувчи ёки шоирнинг адабий-эстетик қарашлари билан боғлиқ масалаларни, бир сўз билан айтганда, замонавий адабиётни таҳлил этишга мойилроқ бўлади. Ва ўзининг илмий-назарий салоҳиятини шу соҳаларда юзага чиқаради. Иккинчи бир гуруҳ олимлар ҳам бўладики, уларнинг илмий фаоли-

ятиning негизини узок ва яқин ўтмишда яратилган асарларни ўрганиш ташкил этади. Бу тоифа олимлар кўпроқ архив материалларига, эски қўлёзмаларга таяниб иш кўради. Тарихда чуқур из қолдирган, лекин замонлар ўтиши билан унтутилиб кетган шахслар тақдиди билан боғлиқ ҳужжатларни, у ёки бу ижодкор асарининг яратилиш тарихига доир фактларни тадқиқ этиш уларни кўпроқ қизиқтиради.

Адабиётшуносликнинг мураккаб, игна билан қудук қазишидек кўп меҳнат талаб қиласидан бу соҳаси билан шугулланиш, тўғрисини айтганда, ҳамма олимнинг ҳам қўлидан келавермайди. Шунинг учун бўлса керак, олимлар орасида ўзини шу соҳага бағишлаганлар кўп эмас. Ушбу мақолам қаҳрамони, катта олим Қирқбой Бойниёзов салкам ярим асрдан бери адабиёт илмининг бу қийин йўналиши билан изчил шугулланиб келмоқда. Машақватлардан чўчимасдан самарали меҳнат қилиб, ҳозирги мавқега эришиди. Бугун у филология фанлари доктори, Беруний номидаги Ўзбекистон Давлат мукофоти лауреати. Олимга Қорақалпоғистон Республикасида хизмат кўрсатган фан арбоби фахрий унвони ҳам берилди.

Ҳа, чинакам олим, ўз касбининг ҳақиқий фидоийсигина шундай обрў-эътиборга сазовор бўла олади. Бундай илмий даражаю унвонлар осонлик билан қўлга киритилмайли, албатта, Узоқ йиллар давом этган тинимсиз илмий изланишлар, ўқиши, ўрганиш, ёзни ёз, қишини қиши демай кўп шаҳарлардаги кутубхоналар, архивлар, қўлёзмалар институтиларида ижодий сафарларда бўлиб тўплаган ноёб материаллари, яратган оригинал илмий тадқиқотлари К.Бойниёзовга обрў келтирди, меҳнатлари муносиб баҳоланди. Бугун у қорақалпоқ адабиётшуносларининг етакчиларидан бири. Барча зиёлилар, мутахассислар, илмий-адабий жаматчилик томонидан ҳам тан олинган ҳақиқат бу!

Қирқбой оғани қарийб йигирма йилдан бери биламан. Илгарилари мен уни жуда яқиндан танимаган бўлсам-да, ҳархолда шундай йирик адабиётшунос борлигидан хабардор эдим. Мақолаларини, китобларини ўқиб турардим. У билан яқиндан танишиб, кейинчалик қадрдонлашиб кетишинга Туркманистонлик дўстим, шоир ва олим Ахмет Мамедов сабабчи бўлди. Ахмет Нукусга бир ижодий сафарга келганида: сени шу ерлик катта адабиётшунос, бир ажойиб инсон билан таништираман. У туркман адабиётини ҳам яхши билади.

Қорақалпоқ-туркман адабий алоқаларини ўрганишда масла-хатлашиб турасан, бир-бирларингиз билан ҳамкорлик қила-сизлар, деди. Мен рози бўлдим. Қирқбой оға Ахметни хона-донига меҳмонга тақлиф қилди. Бирга бордик. Учаламиз анча вақт суҳбатлашиб ўтиридан. Чиндан ҳам, Қ.Бойниёзов турк-ман тилини, туркман адабиётини жуда яхши билар экан.

Шундан бошлаб Қ.Бойниёзов билан тез-тез телефонда ёки унинг уйида, баъзан кӯча-кўйда учрашиб қолсак, му-лоқот қилиб турадиган бўлдик. Қаерда ва қандай вазиятда учрашмайлик, албатта, адабиётдан сўз очади. Бирор шоир, ёзувчи ёки олим ҳақида архивдан топган янги ҳужжатлари, материаллари юзасидан тўлиб-тошиб гапиради. Баъзи олим-ларнинг фактни яхши ўрганмасдан, чала материалларга асос-ланиб матбуотда мақолалар билан чиқаётганидан ранжиб гапиради. Эътиrozларини қўлидаги фактлар билан исбот-лаб ҳам беради. Шундай вазиятларда у менинг кўз олдимда адабиётшуносликнинг ҳақиқий жонкуяри тимсолида гавда-ланади ва мен олимнинг бу фазилатига тан бераман.

Бугина эмас, Қ.Бойниёзов, умуман, адабиёт, унинг му-аммолари ҳақида, айниқса, ўзи кўрган, ҳамкорлик қилган олимлари, зиёлилари, шоирлари тўғрисида илҳом билан га-пиради. Унга бўлган ҳурматим шу тарзда ошиб бораверди. Қорақалпоқ адабиёти ҳақида бирор нарса ёзмоқчи бўлсан, ундан маслаҳат сўрайман. Қирқбой оға ҳам ўзбек ёки турк-ман адабиётига тегишли бирор маълумот керак бўлса, менга мурожаат қиласди ва мен унинг илтимосини бажаришга ҳара-кат қиласман. Бизнинг ушбу ҳамкорлигимиз ҳозиргача шу зайлда давом этиб келаяти. Ва мен шундай фидоий адаби-ётшунос билан ҳамкор ва ҳамфир бўлганимдан доимо мин-натдор бўлиб юраман.

Қ.Бойниёзов чинакамига қорақалпоқ адабиёти ва адабиётшунослигининг толмас тадқиқотчиси, ҳақиқий жонкуяри. Айниқса, у XIX асрнинг охири ва XX асрнинг бирин-чи ярмидаги қорақалпоқ адабиётини жуда яхши билади. У бу даврни ҳар томонлама ўрганиб, оригинал ишлар ёзди ва ҳозир ҳам бу ишни муваффақиятли давом эттираётган ўта меҳнаткаш олимлардан бири. Олим бугунги кунгача ўндан ортиқ илмий китоблар муаллифи. Тўрт юзга яқин мақола-лари газета-журналларда босилди. Қ.Бойниёзовнинг турли йилларда нашрдан чиқарилган «Шеърнинг кучи», «Бирин-

чи роман муаллифи», «Тонг юлдузлари», «Оллаёр Дўсназа-ров», «Элим деб талпинганлар», «Ҳаким ота Сулаймон Бо-қирғоний – бизнинг буюк ватанлошимиз» ва яна бир неча китоблари қорақалпоқ адабиётшунослигининг ютуқлариридир.

Қ.Бойниёзовнинг адабиётшунос-тадқиқотчи сифатидаги бир фазилатини жуда қўллаб-куватлайман. Гап шундаки, у баъзи адабиётчиларга ўхшаб у ёки бу олим ё ижодкор, ёхуд муайян асар ҳақида у ер бу ердан эшилтган чала-чулпа оғзаки гапларга ёки матбуотда босилган хом-хатала, старли даражада исботланмаган маълумотларга таяниб иш кўрадиган олим-лардан эмас. У таҳтил қўимоқчи бўлган асарнинг аслият матни билан танишмагунча ёки бирор ижодкор фаолияти билан боғлиқ ҳужжатларнинг асл нусхаларини ўз кўзи билан кўриб, манбанинг тўғрилигига ишонч ҳосил қилмагунга қадар ил-мий иш ёзишга ўтиримайди. Олим илмда пала-партишиликни ёқтиримайди. Фикрларининг асосли ва шубҳа туғдирмайдиган бўлиши учун астойдил изланади, манбаларни қайта-қайта кўриб, «Қилни қирқ ёриб» аниқ бир холосага келгандан сўнггина ишга киришади. Оригиналга суюнган ҳолда матн устида ишлаш, ўзининг илмий қарашларини ҳужжатлилик асосида далиллаш Қ.Бойниёзовнинг бош тадқиқот принци-пиридир. Қирқбой оға бирор адабиётшунос билан у ёки бу илмий муаммо юзасидан мунозарага киришганда ҳам ўзининг даъволарини инкор қилиб бўлмайдиган фактлар билан шундай исботлайдики, олимнинг мушоҳадалари нақалар тे-ран ва асосли эканлигига тан бермасдан иложингиз йўқ. Бу нарса, айниқса, унинг Ажиниёз, А.Мусаев, А.Добилов, С.Ну-румбетов, А.Бегимов каби шоирларнинг ижодига багишли-ган тадқиқотларида, унинг бошқа адабиётшунослар билан қилган баҳсларида очиқ кўринади.

Қ.Бойниёзов туркман адабиётининг ҳам том маънодаги билимдони, мухлиси, айтиш мумкинки, тадқиқотчиси. Унинг «Китоб кўрдим Андалибдан», «Туркман халқининг булбули», «Махтумкули ва Аббоз Добилов», «Туркман мум-тоz шеърияти ва қорақалпоқ халқ шоирлари ижоди», «Аяп-берган шоир асарларида Махтумкули анъаналари», «Шоир Магрупий ҳақида ўйлар» каби мақолалари нафақат Қорақалпогистон матбуотида, Туркманистоннинг марказий на-шрларида ҳам босилди. Олим номини қардош адабиётнинг илмий-адабий жамоатчилигига танитди.

Шунингдек, у олий ва ўрта махсус ўқув юртлари учун қорақалпоқ адабиётидан дарсликлар тайёрлашга ҳам фаол қатнашди. У кўп жилдик қорақалпоқ фольклорини нашрга тайёрловчилардан бири. А.Бегимов, А.Мусаев, Н.Дов-қораев, Қ.Аймбетов, О.Кожуров, С.Мажитов, И.Фозилов-ларнинг асарларини тўплаш ва нашрга тайёрлашдаги хизматлари алоҳида. Қ.Бойниёзов нафақат илмий тадқиқотчи, адабиётшунос, айни пайтда у ношири, моҳир матншунос сифатида ҳам элга танилган зиёлилардан биридир.

Қ.Бойниёзовнинг таржимонлик фаолиятини алоҳида тилга олса арзиди. У рус, туркман, қозоқ, қирғиз тилларидан ўнлаб шеърий ва насрый асарларни қорақалпоқ тилига ўғирди. Жумладан, А.Михайлова, Н.Сарихонов, Тўқтагул, А.Тўқмагамбетов, Камина, А.Назаров, К.Васин каби турли миллат ижодкорларининг асарлари Қ.Бойниёзов таржимасида қорақалпоқ тилида босилиб чиқди.

Ушбу мақолада катта ҳәстий ва илмий тажрибага эга жонкуяр адабиётшунос олим, оддий деҳқон келбатли, камтарин инсон Қирқбой Бойниёзовнинг илмий-бадиий ижод саҳифаларига бир назар ташладим ва шундай хulosага келдимки, бундай фидоий олимларнинг ҳәст ва ижод йўллари қанчалик кўп ўрганилса, илмий тажрибалари оммалаштирилса, айниқса, адабиёт илми остонасига қадам қўяётган ёшлар учун намуна бўлаци. Шундай экан, келажакда Қирқбой Бойниёзовга ўхшаган фидоий устоз адабиётшунослар ҳақидаги тадқиқотларнинг кўплаб яратилишини истардик.

2008

ИЛМ ВА ИЖОД ҮЙФУНИЛИГИ

Адабий жараёнда ҳам илм, ҳам бадиий ижод билан баравар шуғулланиш, илмий-адабий жамоатчиликка манзур асарлар яратиб назарга тушиб осон эмас. Тўғри, қорақалпоқ адабиётининг узоқ ва яқин ўтмиш тарихида, бутунги адабий муҳитда ҳам илмий-бадиий соҳала баҳоли қудрат ижод қилиб келаётган олим-ёзувчилар бор. Лекин уларнинг ҳаммаси ҳам бу икки ижод типисида баравар асарлар яратиб, адабиёт ихлюсмандларини қойил қолдираяпти дейиш қийин. Баъзиларининг фаолиятида илмий йўналиш устувор бўлса, айримлари кўпроқ бাশий ижодга, истеъоди ёзувчиликка мойилроқ эканлиги сезилмоқда.

296

Бадиий ижодга шунчаки бир ҳавас деб қараш ёки зўрмазўраки асарлар яратиши ва шу йўл билан адабий муҳитдан муайян ўрин эгаллашга уриниш фойдасиз. Бир пайтлар бадиий ижодда кучини синааб битта-иккита ҳикоя ёки қисса ёзган, кейинчалик бу соҳага тасодифан кириб қолганини билиб, ёзувчиликни тарк этган, ўзини илмга бағишилаганлар ҳам йўқ эмас. Шу билан бирга, ҳар икки ижод типи жиловини тенг ва маҳкам ушлаб, унга садоқат билан хизмат қилиб келаётган олим-ёзувчилар ҳам бор. Филология фанлари доктори, профессор Камол Мамбетов, менимча, илмга ҳам, бадиий адабиётга ҳам сидқидилдан хизмат қилиб келаётган ана шундай ижодкорлардан бири.

Ҳозирга қадар нашр этилган ўндан ортиқ илмий монографиялари, дарслик ва қўлланмалари, юзлаб мақолалари К.Мамбетовни адабиётшунос сифатида характерласа, бир неча романлари ва қиссалари, ҳикоялари ва очерклари уни истеъоддли ёзувчи эканлигидан дарак беради. Унинг олимлик салоҳияти ҳам, ёзувчилик талантни ҳам тенг салмоққа эга, бири иккинчисидан қолишмайди. Шундай бўлса-да, мен ганини Камол Мамбетовнинг адабиётшунослик фаолиятидан бошлишни маъқул кўрдим, менинг назаримда, у қорақалпоқ адабиёти тарихининг билимдоҳларидан бири.

Олим илмий фаолиятининг катта қисмини қорақалпоқ адабиёти тарихини ўрганишга бағишилади. Қорақалпоқ адабиётшунослигига «очилмаган қўриқ» бўлиб келаётган энг қадимги давр адабиётини ўрганишга ҳали ҳеч бир мутахассис журъат этолмаган бир шароитда уни тадқиқ этишга киришгани ўзига хос фидоийлик ва мардлик эди. К.Мамбетовнинг қорақалпоқ адабиётшунослиги олдидаги катта хизматларидан бири, менимча, шу билан изоҳланади. Бу соҳада муваффақиятга эришиш олим учун осон бўлмаган. У кўп изланди, фақат адабий манбаларни эмас, тарихий китобларни ҳам ўқиб чиқди. Араб алифбосидаги ёзувни эмин-эркин ўқиши учун қўшимча маълумот олишга тўғри келди. Гарчи олий маълумотга эга бўлиб, аспирантуралда ўқиётган бўлсалла, у Тошкент давлат университетининг шарқшунослик факультетида яна қўшимча таҳсил олди, талаба бўлиб араб ёзувини ўрганди. Энди у араб алифбосидаги кўлёзмаларни бемалол ўқиши имкониятига эга бўлди. Бу ҳам қизиқкан соҳасига бўлган фидоийликнинг белгиси эди. Мавзууга ало-

297

Қадор архив материалларини ҳам эринмасдан ўрганди. Шарқ адабиётининг машхур тадқиқотчилари ва тарихчи олимларнинг фойдали маслаҳатларидан ҳам баҳраманд бўлди.

Энг қадимги қорақалпоқ адабиёти тарихини ўрганишга олим шу хилдаги илмий тайёргарлик билан кириши. Натижаша унинг изланишлари кўп куттирмай яхши самаралар бера бошлади. Ўрганилган адабий-бадиий манбалар асосида қорақалпоқ адабиёти тарихини XIV асрдан бошлиш мақсадга мувофиқ деган илмий концепцияни ўттага ташлади. Мавзуга доир матбуотда эълон қилинган илмий мақолалари кўпчиликда қизиқиш уйғотди. К.Мамбетов мавзуга тегишли илмий изланишларини умумлаштириб «Қадимги қорақалпоқ адабиёти» номли катта монографиясини чоп эттириди. Кейинроқ у «Қорақалпоқ адабиётининг пайдо бўлиши ва шаклланиши» мавзусида докторлик диссертациясини ҳимоя қилиди. Олим ҳимоядан кейин ҳам бу йўналишдаги илмий ишини давом эттириди ва «XIV-XVIII асрлар қорақалпоқ адабиёти», «Эрта даврдаги қорақалпоқ адабиёти» деган кўламдор китобларини наширдан чиқарди.

Проф.К.Мамбетовнинг қорақалпоқ адабиёти тарихини XIV асрдан бошлиш кераклиги ҳақидаги илмий нуқтаи назари мутахассислар томонидан, асосан, маъқулланди, тан олинди ва у XIV-XVIII асрлар қорақалпоқ адабиёти тарихининг билимдони, моҳир тадқиқотчиси, ўша давр адабий мұхитини илмий кашф этган олим сифатида қадр топди. К.Мамбетов қорақалпоқ адабиёти тарихининг чинакам фидоий тадқиқотчиси эканлиги фақат булар билан чекланмайди. У Жиян Жиров, Кунхўжа, Ажиниёз, Бердақдек мұмтоз шоирлар ижодини ҳам яхши билади ва улар ҳақида ҳам фундаментал илмий ишлар яратган адабиётшунос. Унинг «Ажиниёз» номли илмий монографияси бу фикрнинг исботи. К.Мамбетов фақат қорақалпоқ адабиёти тарихини ўрганиувчи олим эмас, у қорақалпоқ халқининг пайдо бўлиш тарихини ҳам тадқиқ этган тарихчи-этнограф ҳамdir. Муаллифнинг «Қорақалпоқлар шажараси», «Қорақалпоқлар тарихи» монографиялари қорақалпоқ халқи тарихи билан қизиқувчилар учун ҳам фойдали кўлланма сифатида қабул қилинди.

К.Мамбетов кўп йиллардан бери Қорақалпоқ давлат педагогика институтида, кейинчалик университетда қорақалпоқ адабиётидан дарс беради. Бу соҳада ҳам у муайян илмий-педагогик тажриба тўйлаган устозлардан бири. Сўнгги йил-

ларда у олий ўқув юрти талаблари учун дарслик ва қўлланмалар ҳам яратди. «Эрта даврдаги қорақалпоқ адабиёти», «Қорақалпоқ адабиёти тарихи» (ҳаммуалифликда), «Эрта даврдаги адабий ёдгорликлар» (мажмуя ўрнида), «Адабиёт назарияси» каби дарслекларидан буғунги талабалар фойдаланмоқда.

К.Мамбетовнинг адабиётшунослик фаолияти фақат қорақалпоқ адабиёти тарихини ўрганишдангина иборат десак, олимнинг илмий изланишларининг доирасини анча торайтириб қўйган бўлардик. У ҳозирги давр адабий жараёнини теран идрок этиб, ўзининг адабий-эстетик қарашлари, илмий концепциялари билан унга таъсир кўрсатиб келаётган фаол адабиётшунос-танқидчи ҳамdir. Қорақалпоқ адабий ҳаётида пайдо бўлган ҳар бир янгилик, баҳс-мунозара К.Мамбетов назаридан четда қолган эмас. Олимнинг Ж.Оймирзаев, Т.Қайиберганов, И.Юсупов, Ш.Сейитов, Т.Матмуратов ва яна бошқа ўнлаб қорақалпоқ ациблари ижоди тўғрисида битилган мақолаларини, китобларига ёзилган тақризларини тилга олишнинг ўзи кифоя.

Профессор Камол Мамбетов илмий фаолиятида яна бир муҳим қирра бор. У Тошкент давлат (ҳозирги Ўзбекистон Миллий) университетининг журналистика факультетида таълим олган, беш йил ўзбек илмий-адабий мұхитидан озикланган, М.Қўшконов, О.Шарафиддинов, Ф.Каримов, А.Фуломов, Л.Қаюмов, Ш.Раҳматулаев сингари машхур устозлардан сабоқ олган. Шунинг учун бўлса кесрак, у ўзбек тилини, ўзбек адабиётини яхши билади. Ўзбек адабиётидан бадиий таржималар ҳам қилинган. Ўзбек адабиёти намояндадарининг ижоди ҳақида бир неча илмий мақолалар бостирганини яхши биламан. Алишер Навоий, Абдула Қодирий, Ҳамза, Ойбек,Fafur Fулом, Миртемир, Зулфия, Асқад Мухтор каби ўзбек ациблари ижоди билан қорақалпоқ ўкувчиларини таништиришда Камол Мамбетовнинг хизматилари алоҳида.

К.Мамбетов сўнгти давларда қорақалпоқ адабиётини ўзбек адабиёти билан ижодий алоқа ва ўзаро таъсир аспектидаги ўрганиш бўйича ҳам бир талай ишларни амалга ошириди, ўнлаб мақолалар эълон қилиди. Бу мавзу таҳлилига багишиланган «Навоий ва қорақалпоқ адабиёти», «Ўзбек-қорақалпоқ адабий алоқалари» номли рисолаларини тилга олиш мумкин. К.Мамбетовнинг илмий фаолиятидаги бу ютуқларининг негизида унинг ўзбек олимлари ва ациблари билан ижодий ҳамкорлиги ётади.

Чунки у кўп йиллардан бери Ўзбекистоннинг таниқли адабиётшунослари билан илмий алоқалар ўрнатиб, адабиёт илмининг долзарб муаммоларини биргаликда ҳал қилишга қатнашиб келаётган адабиётшунослардан бирорид.

К.Мамбетовнинг адабиётшунос сифатида яна бир ибратли фазилати бор. У ўзбек адабиётини қанчалик яхши билса, қозоқ, қирғиз, туркман адабиётларини ҳам шу даражада мукаммал билади. Бу адабиётлар ҳақида ҳам олим бир неча тадқиқотлар яратган. Шу маънода, у мазкур республика олимлари билан ҳам кўп йиллардан бери илмий-ижодий ҳамкорликни саклауб келаётган, қорақалпоқ адабиёти билан Марказий Осиё адабиётлари ўртасидаги ижодий алоқаларни мустаҳкамлашга фаол хизмат қилиб юрган замондошларимиздан бири. Уни Марказий Осиё республикаларининг кўпчилигига олим ва ёзувчи сифатида яхши билиши ва хурмат қилишининг бир сабаби ҳам шунда.

Камол Мамбетов бадиий ижод билан мунтазам шуғуллануб келаётган бугунги қорақалпоқ адабиётининг пешқадам ёзувчиларидан бири. Унинг бадиий ижодида ҳам, худди илмий фаолиятидаги сингари тарихий мавзу етакчи ўринда туради. Олим тарихни, адабиёт тарихини, қорақалпоқ ҳалқининг қелиб чиқиш тарихини синчиклаб ўрганиб қимматли материаллар тўплади. Қорақалпоқ ҳалқи тарихининг ҳали кўпчиликка маълум бўлмаган янги саҳифаларини очди. Муаллиф бу адабий-тарихий материаллар фақат адабиётшунослик учунгина эмас, бадиий асар учун ҳам бой манба бўлиб хизмат этиши мумкинлигини ижодий ҳис қиласди ва бу имкониятдан фойдаланишга астойдил бел боелайди. Менимча, ёзувчининг «Бўзатов», «Тўзиган эл», «Туркистан» каби йирик тарихий романлари ана шу илмий изланишларнинг бадиий адабиётдаги ўзига хос бир кўриниши эди. Уч роман ҳам китобхонлар, илмий-адабий жамоатчилик томонидан яхши кутиб олинди, ижобий баҳоланди, унинг муаллифи эса тарихнавис ёзувчи сифатида танилди. Алиб замонавий мавзуларда ҳам бир неча асарлар ёзib китобхоняларга тақдим этди. Унинг «Виждон» романи 70-80 йиллардаги ҳаётни, турғунлик даврининг иллатларини, маънавий-ахлоқий камчиликларни фош қилувчи асар сифатида қорақалпоқ адабиётida қадрланади. Ёзувчининг «Имтиҳон», «Москвадан келган қиз», «Марварид шодалари», «Бахтинг очил-

син, Арухан» сингари замонавий мавзудаги қиссалари ҳам қорақалпоқ насли тараққиётига қўшилган ҳиссадир.

Ушбу ихчам мақоламда Камол Мамбетовнинг бадиий ижодига тегишли йирик асарларинигина тилга олдим. Табиийки, унинг бадиий ижоди фақат шулардангина иборат эмас. Ёзувчининг кўплаб ҳикоя ва очерклари, публицистик мақолалари ҳам чол этилган. Буларнинг барчаси уни талантли ёзувчи ва публицист деб таърифлашга асос беради.

Проф.Камол Мамбетов серқирра истеъод соҳиби. У илмада ҳам, бадиий ижодда ҳам жуда самарали ишлаб, катта обрўга эришди, муҳлислар ортириди. Олимнинг илм йўлидаги меҳнатларининг «Қорақалпоғистон Республикасида хизмат кўрсатган фан арбоби» фахрий унвони билан баҳолангани, бадиий ижод соҳасидаги фаолиятининг «Қорақалпоғистон ҳалқ ёзувчиси» шарафли унвони билан тақдирлангани бу фикримнинг исботи. К.Мамбетовнинг қорақалпоқ адабиёти ва адабиётшунослиги олдилаги хизматлари назарда тутилиб, унга Бердақ номидаги Давлат мукофоти берилиши ҳам бежиз эмас. Унинг илмий-бадиий фаолияти мана шундай юксак мукофотларга муносиб.

К.Мамбетовни қўш қанотли қушга ўҳшатгим келади. Адабиётшуносликда тўплаган илмий тажрибалари олимни бадиий ижодга илҳомлантирса, ёзувчиликда ортирган адабий-эстетик принциплари уни ишм билан шуғулланишга доимо чорлаб турди. Бу икки ноёб истеъод белгиси, гўё унинг икки қанотига айланиб, ижоднинг баланд ҷўққиларига парвоз қилишига ёрдам берди. Мақолам сўнгтида таниқли олим ва ёзувчи, ҳамкасаба дўстим, камтарин инсон, профессор Камол Мамбетовга: ижодингизнинг қўш қаноти ҳеч қачон толмасин! Адабиёт осмонидаги парвозингиз бундан ҳам баланд, самарали ва жўшқин бўлсин!, – деб тилак билдираман.

2000

ТАДҚИҚОТЧИ – ПЕДАГОГ ВА ИЖОДКОР

Илм-фанинг кўп соҳалари, бадиий ижоднинг бир неча жанрларида қалам тебратиш, бу ҳам ўзига хос талант. Ижод типларининг илмий-бадиий қонуниятларини қалбдан ҳис қилиб, мушоҳада юритиш, ўқувчига маъқул бўладиган оммабоп асарлар яратиш кўп меҳнат, маҳорат талаб қиласди.

Профессор Жумирбай Қайирбоев кўп йиллардан бери шу илмий-ижодий меҳнат масъулиятини сезиб, ҳар хил илмий йўналишларда, турли адабий жанрларда илмий-бадиий асарлар ёзиб келаётган тадқиқотчи-педагог, мураббий ва ижод соҳибиидир. У илмий-услубий китоблари, бадиий-публицистика ва педагогик тажрибаси билан Қорақалпоғистонда танилган устоз ижодкор, қолаверса, болалар адабиётининг фидоий вакилларидан бири. Ҳозиргача унинг тўрт юздан ортиқ илмий-услубий, адабий-танқидий мақолалари босилиб чиқди. Мактаблар, ўрта махсус ўкув муассасалари ва олий ўкув юртлари учун бир неча дарслик ва қўлланмалар, мактаб ёшидаги болалар учун ёзилган ва турли йилларда чоп этилган шеърий ва насрый китоблар олимнинг қаламига мансубдир.

Ж. Қайирбоев 50-60 йиллар адабий жараёнига бир туркум мақолалари, тақризлари билан кириб келди. Ўша йиллардаги Қорақалпоғистоннинг газета ва журналларида унинг адабий-танқидий мақолалари, тақризлари мунтазам босилиб турган. Бу йилларда у кўпроқ адабиётшунос ва алабий-танқидчи сифатида кўринади. Нашрдан чиқсан янги шеърий ёки насрый тўплам бўладими, журналда босилган бирор асар дейсизми ёки саҳналаштирилган пъесами, Жумирбай Қайирбоевнинг назаридан четда қолган эмас. Бу ижод на муналарининг бадиий-эстетик қимматига баҳо бериб, ўнлаб тақризлар эълон қиласди. Тақризчи муайян бир асар ҳақида фикр юритар экан, уни асоссиз мақтамайди, далилсиз танқид ҳам қилмайди. Ҳар бир асарни, бадиият мезонлари, шоир ёки ёзувчининг маҳоратига қараб баҳолайди. «Ялтилаганинг ҳаммаси ҳам олтин бўлавермайди», «Кўчирмами, таржимами?», «Азаматлик йўли бу эмас» номли танқидий мақолаларида келтирилган далиллар муаллифнинг илмий-эстетик савиёси пишиб етилганидан ва ҳар қандай бадиий асар тўғрисида холис таҳлил юрита олиш қобилиятидан дарак беради. Олимнинг қорақалпоқ адабиётининг муҳим масалаларига бағишланган «Образ ҳаққонийлиги», «Бадиий адабиётнинг тили ҳақида баъзи мулоҳазалар», «Қорақалпоқ насира жангчилар образи», «Замондошларимиз ҳақида ёзилган очерклар», «Халқ оғзаки ижодининг тарбиявий аҳамияти», «Бир пардали пъесалар ҳақида мулоҳазалар» ва яна бошқа бир неча долзарб мақолалари ўз даври адабиётшунослигига ҳисса бўлиб қўшилди.

Ж. Қайирбоевнинг адабий жараёнга фаол аралашуви ва ҳар бир янги асарга ҳозиржавоблик билан муносабат билдириб бориши ижобий факт эди. Қорақалпоқ адабий танқидига, жумладан, тақриз жанрига эътибор сусайиб кетган ҳозирги даврда Ж. Қайирбоевнинг бир вақтлардаги бу масаладаги фаоллигини, тажрибаларини ёш танқидчи олимларга ибрат қилиб кўрсатса арзиди. Тўғриси, бундай фаол танқидчилар ҳозирги адабий муҳитда жуда соз.

Ж. Қайирбоевни халқ маорифи ходимларига танитган яна бир муҳим соҳа бор. Бу унинг педагогик таълим билан боғлиқ тадқиқчилик фаoliyati. Қирқ йилдан ошдики, у педагог-олим сифатида «Алифбе» китобидан тортиб то олий ўкув юртлари учун дарслик ва ўкув қўлланмалари яратишгача бўлган йўлни босиб ўтди. У ҳозир ҳам бу жараёнларга фаол қатнашиб келаётган халқ маорифининг жонкуяри. 1981 йилда унга «Қорақалпоғистонда хизмат кўрсатган ўқитувчи» фахрий унвонининг берилиши устоз-мураббийнинг халқ маорифи тизимидағи меҳнатининг давлат даражасида баҳолангани эди. Унинг биринчи синф ўкувчилари учун ёзилган «Алифбе» (1961)си ўттиз йил мактаб остонасига илк бор қадам қўйган болаларнинг ардоқли китоби бўлиб келди. Қорақалпоқ мактабларининг VII-VIII синфлари учун тузилган «Ватан адабиёти» мажмуаси кўп йиллар ўкувчиларни Ватан адабиётига муҳаббат ва садоқат руҳида тарбиялашда зарур қўлланма вазифасини ўтади. Шу билан бирга, Ж. Қайирбоев мактабларда «Алифбе»ни, қорақалпоқ тилини ўқитиши масалаларига бағишлиланган бир неча услубий дастурлар ишлаб чиқиб, қўлланмалар яратди. Ва у таълим қорақалпоқ тилида олиб бориладиган мактабларнинг бошланғич синфларида савод ўрганиш методикаси бўйича Қорақалпоғистондаги тажрибали услубиётчи олимлардан бири сифатида тан олинди. Сўнгти йилларда педагог-олимнинг бошланғич синф ўкувчилари учун «Алифбе», олти яшарлилар ўқийдиган синфлар учун «Хусни хат», «Саводхонлик», «Расмли алифбе», тўрт йиллик мактабнинг биринчи синфлари учун «Алифбенинг дўсти» ва яна бир қатор дарслик, қўлланма ва лидактик материаллари босилиб чиқди. Ж. Қайирбоев кейинги икки-уч йилда таҳсинга лойиқ яна бир ишга кўл урди,

қозоқ олимлари билан ҳамкорликда Ўзбекистон ва Қорақалпоғистондаги таълим қозоқ тилида олиб бориладиган мактаблар учун «Алифбе» китобини ёзи ва уни Тошкентда чоп эттириди. Бундай мураккаб ва машаққатли ишни амалга ошириш учун нафақат меҳнат, балки ҳаётй тажриба, илм ва билим, педагогик маҳорат ҳам керак бўлади. Ж. Қайирбоевнинг катта ҳаётй тажрибага эгалиги, педагог тадқиқотчи сифатидаги билими ва илми, болалар психологиясими чуқур ўзлаштириб олгани, лозим бўлиб қолганда бола қиёфасига кириб «сўзлаши», ўқувчининг тилига ҳам, дилига ҳам йўл топиб ижод қўлгани, менимча, бу соҳадаги югуқларининг бош омилидир.

Проф. Ж. Қайирбоев шу кунларда таълим йўналишидаги фаолиятини кўпроқ олий ва ўрта маҳсус ўқув юртларидағи таълим-тарбия билан қўшиб олиб бормоқда, яъни у энди услубиётчи-тилшунос олим сифатида кўрина бошлади. Олий ўқув юрти аудиторияларида тўплаган илмий-амалий тажрибалари асосида талабалар учун дарслик ва кўлланмалар, услубий кўрсатмалар яратишга киришди. Тадқиқотчининг «Қорақалпоқ диалектологияси», «Тилшуносликка кириш», «Қорақалпоқ тили», «Адабиётшуносликка кириш» фанлари бўйича нашр эттирган илмий-услубий китоблари айни кунларда ҳам талабалар қўлида. Педагог-олим сиртқи ва кундузги бўлим талабалари учун назорат, курс ва диплом ишлари ёзиш бўйича бир неча методик кўрсатмалар ҳам ишлаб чиқди ва уларни амалиётга тадбиқ этди. Унинг ўрта маҳсус ўқув юртлари учун мўлжалланган қорақалпоқ тилшунослари билан ҳамкорликда яратган «Қорақалпоқ тили» дарслиги талабаларга қўл келмоқда. Олимнинг педагогик таълим, тилшунослик илми, бошлангич ва олий таълим услубиётни бўйича яратган илмий-методик тадқиқотларининг салмоғи катта ва турлича. Бу илмий ишларнинг ҳар бири бугунги халқ маорифи тизимида амалий аҳамиятга эга эканилиги мутахассислар томонидан маъкулланди.

Ж. Қайирбоев сўнгти йилларда Қорақалпоғистоннинг илмфани, адабиёти ва маданияти, маорифи тараққиётига ҳисса қўшган таниқли олимлар ва зиёлиларнинг ҳаёт ва ижод йўлларига бағишлаб бир неча рисолалар, адабий-илмий портретлар яратди. «Таниқли олим, хурматли педагог», «Ҳам устоз, ҳам олим», «Таниқли олим ва устоз», «Оғзаки адаби-

ётимизнинг жонкуяри» китобларини фикримнинг исботи учун тилга оламан.

* * *

Жумирбой Қайирбоев бир неча йилдирки, болалар адабиёти майдонида самарали ижод қилиб келмоқда. Бугунги қорақалпоқ болалар адабиёти, жумладан, шеърияти тўғрисида сўз юритилгудек бўлса, унинг номи ва китоблари ҳам тилга олинади. Ҳозиргача муаллифнинг ўнга яқин шеърий китоби босилди. Унинг «Топишмоқлар», «Ўйланайлик, топайлик», «Ўйла, изла, топ», «Қани ким топқич?» тўпламлари кичкитойларнинг севимли китобчасига айланиб улгурди. Рисолаларнинг номидан ҳам кўриниб турибдики, улар топишмоқ жанрига мансуб. Китобларга киритилган барча жумбоқлар болаларни ўлашга, фикрлашга ўргатади, тафқурини ривожлантиришга, дунёқарашини кенгайтиришга ёрдам беради. Муаллиф синчковлик билан ҳаётдан болалар ёшига мос материаллар тўплаган ва уларни маънодор топишмоқлар шаклида ўқувчиларга тақдим этган. Ҳар бир топишмоқнинг ҳам маънавий-маърифий, ҳам эстетик жиҳатдан қимматли бўлишига алоҳида эътибор берилгани муаллифнинг улкан ютуғидир. Чунки болалар адабиётига бағишлиланган ҳар бир асарда маърифий тарбия билан эстетик тарбия уйғуллашган ҳолда ифодаланмас экан, бундай асар болалар онгода ҳаётга интилиш, ҳавас уйғота олмайди. Ж. Қайирбоев юқорида тилга олинган китобларининг барчасида болалар адабиётига хос бу бадиий-эстетик талабни назарда тутиб иш кўрган. Айниқса, бу фазилат мустақиллик йилларида нашрдан чиққан «Жумбоқ биздан, жавоб сиздан», «Сен кимнинг қизисан?», «Биласанми тилингни?» номли китобларида кўзга ташланади. Мазкур асарларнинг ўзига хослиги шундаки, улар жанр нуқтаи назаридан хилма-хил. Тўпламларга жумбоқлар билан бирга, болалар ҳаётига бағишлиланган шеърлар, насрый лавҳалар ҳам киритилган.

Болалар учун ёзилган ҳар бир асар, албатта, сюжетли бўлиши лозим. Ж. Қайирбоев кичкитойлар адабиётининг бу ўзига хослигини ҳам ҳисобга олган. Табиат ҳодисаларини фалсафий планда акс эттирган, шартлилик принципида яратилган сюжетли шеърлар ва митти ҳикоялар орқали шоир ҳаётнинг жонли манзарасини чизади ва шу орқали болалар психоло-

гиясига ўз таъсирини ўтказади. Жажжи шеърий ва насрый ҳикоялардаги мажозий образлар орқали болаларга ҳаёт ҳақида маълумот беради, уларнинг поэтик фантазиясини бойитади, одамларни яхши ва ёмонга ажратса олиш қобилиятининг ўсишига ёрдам беради. Бу асарларнинг ҳар биррида бола тасаввурини бойитадиган, улар онгининг тез суръатлар билан шакланишига ижобий таъсири кўрсатадиган, тарбиявий аҳамияти катта ҳаётий воқеалар ҳикоя қилинади.

Болалар учун ижод қилиш осон эмас. Бунинг учун болалар психологиясининг нағис билимдони бўлиш керак. Ҳаётдаги ҳар бир ҳодисага қизиқиш билан қарайдиган боланинг дунё сирлари ҳақидаги саволларига поэтик жавоб топишдек масъулият ҳамиша болалар ижодкори олдида кўндаланг турди. Ижодкор бизни ўраб турган табиат ва ҳаёт воқеаларини болалар онги, савиясига мос тарзда, содда шаклда ҳикоя қилиб беришнинг энг таъсиричан ва энг маънодор поэтик усусларидан фойдалансагина мақсадига эриша олади, болани қизиқтирадиган сюжет яратиши мумкин. Ж.Қайирбоевнинг болалар учун ёзилган барча шеърий ва насрый асарлари, бола дилидан чиққан савол ва жавоблари, масаллари оддийлиги ва поэтик оҳангдорлиги, маърифий ҳамда тарбиявий аҳамияти билан унугтилмас таассурот қолдиради. Муаллифнинг болалар ҳаётидан олиб ёзилган асарларида болаларга ўрнак бўладиган тимсоллар тўқишига мойиллик кучли. Асарларнинг маърифий қадр-қиммати ҳам, менимча, шу билан ўлчанади. Болалар ижодкорларига қўйиладиган асосий талаблардан бири ҳам шу, Ж.Қайирбоев болалар шоири сифатида бу масъулиятли вазифани баҳоли қудрат уddeлалаб келмоқда.

Ж.Қайирбоевни бугунги қорақалпоқ болалар адабиётининг йирик арбоби, унинг тараққиётига бекиёс хисса кўшган катта ижодкор, деб айтсан, бироз бўргтирган бўламан. Муаллифнинг болалар адабиётига тегишли нашр эттирган китоблари, балки бу мезонга тўғри келмас, балки бадиий-эстетик талаб даражасидаги салмоққа эга бўлмаслиги мумкин. Лекин бир ҳақиқатни тан олишингизни истардим. Ж.Қайирбоевнинг болалар ҳаётига бағишиланган, ҳозиргача босилиб чиққан китоблари, газета-журналларда эълон қилинаётган шеърлари, жумбоклари, ҳикоялари ўкувчилар томонидан яхши кутиб олинмоқда, ўқитувчилар, мураббийлар бу асарлардан амалий фаолиятларида, дарс жараёнлари-

да фойдаланаяпти. Энг асосийси, бу материаллар мактабларда ўкувчилар учун маънавий-ахлоқий тарбия қуроли вазифасини бажармоқда. Ушбу факт қорақалпоқ болалар адабиётида Ж.Қайирбоевнинг муайян даражада ўрни бор деган хуносавий фикрни айтишга, менимча, асос беради.

* * *

Ж.Қайирбоев Қорақалпоғистонда тарбияшунос олим сифатида ҳам кўпчиликка яхши таниш. У оила одоби, бола тарбияси, қайнона ва келин муносабатлари, камтаринлик ва олижаноблик ҳақида кўп мақолалар ёзди. Урф-одатларимизда пайдо бўлаётган янгиликларни тарғиб қилувчи матбуотдаги долзарб чиқишилари ҳалқимизга яхши маълум деб, ўйлайман. Унинг «Бола тарбияси барчанинг иши», «Болани эстетик тарбиялаш», «Дастурларимизга янгича ёндашайли», «Одоблилик – инсон кўрки», «Қайнона кенг фейил, келин мулойим бўлса», «Анъаналяримиз янги замонга мос бўлсин», «Одоблилик ва камтаринлик», «Сирлашишнинг сири нимада?» каби долзарб мақолалари тарбияшунослик илмининг ютуқларидир. Улар олимнинг кўрган-кузатгандарни, катта турмуш тажрибалари асосида ёзилган. Мақолаларда илгари сурилган foялар, тарбия концепциялари кўпчиликка сабоқ. Олимнинг ҳамкашлари билан ҳаммуаллифликда яқинда нашрдан чиқарган «Тил – тарбия қуроли», «Ҳазрати мұхабbat», «Қорақалпоқ ҳалқ эртакларида одоб-ахлоқ тарбияси» китоблари ҳам жамоатчиликда қизиқиш уйғотди. Миллий foя, миллий мағқура руҳига ҳамоҳанг мазкур рисолаларда мустақиллик даврининг долзарб масалалари ҳақида сўз юритилади, қадриятларимиз улуғланади, ёшлар тарбиясига алоҳида эътибор қаратилади. Чинакам тарбияшунос олимга хос барча фазилатлар Ж.Қайирбоевнинг Қорақалпоғистон радиосидаги туркум чиқишилари ва сұхбатларида ҳам ўз ифодасини топди.

Фикрларимни умумлаштириб айтсан, устоз мураббий, педагог-тадқиқотчи ва ижодкор, тарбияшунос олим, профессор Жумирбой Қайирбоевнинг илм ва ижод йўлидаги фаоллиги ва файратига ҳавасингиз келади. Бундай фидоий маорифчилар, педагог-тадқиқотчилар ва ижодкорлар сафи-мизда қанчалик кўп бўлса, илмимиз билан таълимимизнинг, адабиётимиз билан маданиятимизнинг, маънавиятимиз ва маърифатимизнинг нуфузи ортиб, кадрлар тайёрлаш

бўйича миллий дастурни амалга ошириш, баркамол авлодни шакллантириш жараёнлари янада тезлашади.

1998

ЖОНКУЯР ТАШКИЛОТЧИ ЭДИ (Эссе)

Бундан роппа-роса ўн йил олдин, яъни 1992 йилнинг 25 июль куни, тушга яқин тўрткўллик дўстим Оллоберган Худойберганов бир даста газетани қўлтиқлаб, қувноқ бир кайфиятда Нукусга, менинг хонадонимга кириб келди. У:

— Мана, дўстим, кўринг! «Аму тонги» газетасининг нишона сони чиқди! Қаранг, қандай ажойиб, оламшумул иш бўлди! Менинг орзум ушалди, дўстим! Энди республика қўламида, катта форматда, ўзбек тилида ҳам газета чиқадиган бўлди. Ўзбек газетхонларининг армони амалга ошиди! Уларнинг қувончини ҳис қилиш қандай баҳт! — деди шодлигини яшира олмасдан.

Оллоберган бу гапларни шундай ҳаяжон, шундай катта қувонч билан сўзлар эдики, шу онда уни тўхтатиб, бирор савол бериш ёки янги газета билан боғлиқ бирон масалани сўраш амри маҳол эди. У тўхтамасдан гапирав, газета саҳифаларига жойлаштирилган материаллар билан мени танишириб, уларга изоҳ беришга шошиларди. Шу дақиқаларда у, чиндан ҳам, ўзини ниҳоятда баҳтиёр сезарди. Гўё шахсий ҳаётида унутилмас бир қувончли воқеа содир бўлгандек, шодлигининг чеки йўқ эди. Мен ҳам дўстимнинг хурсандчилигига шерик бўлиб, уни чин дилдан бу катта ғалабаси билан табриклидам. Бу қувончли воқеани шу куни оиласидан даврасида бирга нишонладик.

Қаранг, бизга беқиёс хурсандчилик ва шодлик ато этган ўша унутилмас кунга роппа-роса ўн йил бўлиби. Оз эмас, кўп ҳам эмас, ўн йил! Лекин ўша ҳаяжоили дақиқалар худди кечагидек кўз олдимда. Мен уни ҳеч қачон унугомасам керак. «Аму тонги» газетасининг биринчи ташкилотчиси ва биринчи бош муҳаррири Оллоберган Худойберганов факат дўстим бўлгани учун эмас, балки ўзбек тилида газета ташкил қилишнинг чинакам филоийси, тиниб-тинчимас журналист, ўз касбининг ҳақиқий жонкуяри бир инсоннинг ибраторомуз ишларидан чуқур таъсирланганим ва қойил қол-

ганим учун ҳам бу дамлар менинг қалбимга абадий муҳрланиб қолди. Ўз ҳалқининг тили ва адабиётини, тарихини, қўйингки, барча қадриятларини, ижтимоий-маънавий ҳаётидаги улуғ ишларни ўз она тилида тарғиб қилишга бел боғлаган ҳақиқий зиёлигина бундай ишларни қилиши мумкин. Гапнинг рости, бундай ватанпарварлик, миллатпарварлик, филоийлик ҳамма журналистда ҳам бўлавермайди. Бу масалада Оллоберган Худойберганов кўпчилик журналистларга ибрат эди. Шундай табаррук кунларда журналист ва ёзувчи, олим, ажойиб инсон, қаламкаш дўстим Оллоберган Худойбергановнинг ҳаёт ва ижод йўлига бир назар ташлаб ўтишни инсонийлик бурчим ҳисобладим.

* * *

Мен Оллоберган Худойберганов билан курсдошман. Ўттан асрнинг олтмишинчи йилларида Тошкент давлат университетининг филология факультетида бирга таҳсил олганмиз. У мазкур факультетнинг журналистика, мен эса филология бўлимидаги ўқиганмиз. Бир неча йил талабалар ётоқхонасида бир хонада турдик. Ҳарчолда, мен уни яхши инсон, келажакда ўз соҳасининг етук, филоий мутахассиси бўлиб танилишига ўша йиллардаёт ишонч ҳосил қўлгандим. У ўзининг ноёб истеъоди туфайли нафақат талабалар, айни пайтда, университетнинг профессор-ўқитувчилари орасида ҳам ҳурмат ва эътиборга сазовор эди. Оллоберган университетни мұваффақиятли тутатгач, туғилиб ўсган макони Тўрткўл туманинга ишга қайтди ва туман газетасида муҳбирлик фаолиятини бошлади. Дастваб масъул котиб, муҳаррир ўринбосари ва бош муҳаррир лавозимларида ишлади. Очерк ва публицистик мақолалари билан танилди. Кўп ўтмай у долзарб чиқишлари билан Ўзбекистон ва Қорақалпоғистон матбуотида тез-тез кўрина бошлади. Ҳар икки республиканинг талантли муҳбирлари сафига кирди.

Оллоберган Худойберганов сўнгги даврларда журналистика соҳасидаги фаолиятини илмий-тадқиқот ишлари билан кўшиб олиб борди. Ва Ўзбекистон Фанлар академияси Пушкин (ҳозирги Навоий) номидаги Тил ва адабиёт илмий-тадқиқот институтининг сиртқи бўлим аспирантурасига ўқишига кирди. Алабиётшунос олим, академик Матёкуб Кўшжоновнинг илмий раҳбарлигига ҳозирги давр очерк жанри муаммолари бўйича номзодлик диссертацияси усти-

да иш бошлайди. Олимнинг илмий изланишлари қисқа муддатда ўзининг ижобий самарасини беради. У диссертация ҳимоя қилиб, филология фанлари номзоди илмий даражасини олади. Энди у журналист-олим сифатида фаолият кўрсата бошлайди. Бир неча илмий, илмий-оммабоп китоблар нашр эттириди. Публицистик мақолалар, қисса, ҳикоя ва очерклар тўпламлари ўзбек ва Қорақалпоқ тилларида кетма-кет босилиб чиқади. Муаллифнинг «Карвонбоши», «Тўрткўлда мардлар бор», «Шўрахон шунқорлари», «Қўриқ ўзлаштирувчилар», «Амударё бўйларида» каби адабий-публицистик рисолалари Ўзбекистон ва Қорақалпоғистоннинг илмий-адабий жамоатчилиги томонидан самимий кутиб олинди. Кўп ўтмай Оллоберган Ўзбекистон ва Қорақалпоғистон Ёзувчилари уюшмаси аъзолигига қабул қилинди. Унга Қорақалпоғистон Республикасида хизмат кўрсатган маданият ходими фахрий унвони ҳам берилди.

* * *

Оллоберганинг меҳнатлари тақдирланиб, орзу-умидлари ушалиб бормоқда эди. У яна бир армон огушида яшарди. Бу – республика миқёсида фаолият кўрсатадиган ўзбек тилида ҳам бир газета ташкил этиш армони эди. Бу орзуни амалга ошириш осон кечмаслигини у яхши биларди. Шундай бўлса-да, у газета ташкил қилиш йўлида учраши мумкин бўлган қийинчиликлардан кўрқмади, белни маҳкам боешиб ишга киришиди. Мен унинг бу масаладаги барча саъй-ҳаракатларига, елиб-югуришларига гувоҳ бўлганман. Гарчи у билан ёнма-ён юриб, ташвишларига шерик бўлмасам-да, бу ишнинг анча қийинчиликлар билан ҳал бўлаётганини ўзаро сухбатимиздан англаб олардим. Ўша йилларда Оллоберган бизницида меҳмондорчилликда тез-тез бўлиб турар ва биз газета ишлари билан боелиқ кўп масалалар юзасидан фикрлашиб, маслаҳатлашиб турардик. Баъзи кунлари иши юришмай, ҳафсаласи пир бўлиб ёки айrim мутасадди раҳбарларнинг ҳатти-ҳаракатларидан хафа бўлиб, тушкин бир кайфиятда уйга кириб келганида унга далда берив, руҳини кўтарган пайтларим кўп бўларди. Оллоберган умидсизликка тушмади, курашни давом эттириди.

Тўгриси, Оллоберган бу ишга киришганда давр анча мураккаб эди. Мустақиллик декларацияси эълон қилингана

нига ҳали бир йил ҳам тўлмаганди. Алғов-далғовли шундай бир мураккаб шароитда бундай тадбирга қўл уришга ҳамма ҳам журъат этавермасди. Бундай «бош оғриқ»нинг менга қандай зарурлиги бор, деб бир қийинчиликка дуч келгандай ҳаракатини тўхтатиши, қўл силтаб кетиши мумкин эди. Оллоберган бундай қилмади, чидади. Унинг мақсадга эришиш йўлидаги қатъятилилиги, принципиаллиги ва дадиллиги, қилаётган талабининг адолатли эканига ишончининг мустаҳкамлиги бу ҳаракатларда унга қанот бўлди, куч бағишлаб турди. У ҳеч нарсадан қўрқмади, ҳар қандай лавозимдаги масъул раҳбарлар олдига газета ташкил қилиш билан боелиқ истаган муаммони қўя олди. Қишининг қаҳратон совуғи, ёзниг жазирама иссиғи демай Тўрткўлдан Нукусга ва яна Тўрткўлга гоҳ автобусда, гоҳ туман газетасининг эски «УАЗ-69» енгил машинасида қатнайверди. Кўп ташкилотларнинг раҳбарлари қабулида бир эмас, бир неча марта бўлишга тўғри келди. Қорақалпоғистон учун ўзбек тилида газетанинг ниҳоятда зарур эканлигини тушуниришга кўп уринди. Баъзи раҳбарлар:

– Жанубий туманларнинг ҳар бирида ўзбек тилида газета чоп этилади, шунинг ўзи етмайдими? Республика доирасида яна бир тақорорий газета чиқариш учун қандай зарурат бор? Бунга маблағ йўқ! деб очиқдан-очиқ тўсқинлик қилувчилар ҳам бўлди.

Лекин Оллоберган бўш келмади. Лозим бўлиб қолса ташашди, тортишди, масаланинг аҳамиятини қайта-қайта тушуниришга ҳаракат қилди. Катта минбарлардан туриб ҳам гапириди, лескин чекинмади. У мақсадига эришмагунча тиниб-тинчмади, бошқаларни ҳам тинч қўймади. Оллоберганинг бу ҳаракатлари зое кетмали, меҳнати жойига тушки, масала ижобий ҳал бўлди. Республика кўламида ўзбек тилида газета чоп этилишига расман рухсат берилди. Ва 1992 йилнинг 25 июль куни Оллоберган Худойбергаиновнинг ташабуси, елиб-югуришлари оқибатида «Аму тонги» газетасининг биринчи сони босилиб чиқди. Газетага Оллоберган бош муҳаррир қилиб тайинланди.

Дастлабки йилларда газета таҳририятини ташкил қилиш, уни малакали кадрлар билан таъминлаш осон бўлмади. Ўзбек тилида ёзадиган тажрибали мұхбирларнинг жуда озлиги, борларининг ҳам Нукус шаҳрида эмас, республика марка-

Зидан анча узокда жойлашган жанубий туманларда яшаб ижод қилаётгани, янги газета таҳририяти учун бир қатор қийинчиликларни туғдирди. Шундай бўлса-да, бош муҳаррир барча масъулиятни ўз зиммасига олиб иш бошлади, бош муҳаррирман деб қўл қовуштириб ўтиради, лозим бўлиб қолса, масъул котиб, ҳатто корректорлик вазифасини ҳам ўзи бажариб кетаверди. Газетанинг сифатли чиқиши учун бор имкониятларидан фойдаланиб, туну-кун меҳнат қилди. Бошқа ходимларни ҳам худди шундай ишлашга ўргатди. Мен газета таҳририятида тез-тез бўлиб турардим ва унинг мана шундай иш услугига кўп марта гувоҳ бўлганман, жонкуярлигига тан берганман.

Ҳа, Оллоберган Худойберганов «Аму тонги» газетасини ташкил қилишда шундай жонкуярлик, фидоийлик намуналарини кўрсатиб, қизғин иш бошлаган эди. Афсуски, унинг бу жўшқин фаолияти узок давом этмади. У 1993 йилнинг ноёбрь ойида тўсатдан оламдан ўтди. Лекин Оллоберган бошлаб кетган хайрли ишлар тўхтаб қолмади, унинг сафдошлари, қаламкаш дўстлари газета фаолиятини давом эттириб, унинг мунтазам чиқиб туришини таъминладилар, шуҳратига шуҳрат қўшиб, Қорақалпоғистоннинг энг обрўли ва ўқимишли марказий газеталаридан бири даражасига кўтардилар.

* * *

«Аму тонги» шонли ўн йилни босиб ўтди ва шу муддат ичida у ҳалқимизнинг энг севимли газеталаридан бирига айланди. Яқинда газета ўзининг ўн йиллик юбилейини нishонлади. Шу муносабат билан газетанинг бир гуруҳ ижодий ходимлари давлат даражасидаги фахрий унвонлар билан тақдирланди, юксак мукофотларга сазовор бўлишиди. Тантана кунларида газетанинг биринчи ташкилотчиси ва илк бош муҳаррири сифатида Оллоберган Худойбергановнинг ҳамноми ҳурмат билан тилга олинди, руҳи шод қилинди.

Ҳа, дўстим Оллоберган! Гарчи сен бугун орамизда бўлмасанг ҳам эзгу ишларинг барҳаёт, у сен ташкил қилган газетага тонг шуъласидек нур сочиб турибди. Бир вақтлар сен мусаффо Аму тонгини армон этиб, янги ташкил этилажак газестага «Аму тонги» деб ном қўйилишини ва у республикализ бўйлаб билим ва тафаккур машъали бўлиб қолажагини башорат қилгандинг. Бугун ана шу орзуинг ушалди, дўстим!

«Аму тонги» элимиз узра зиё нурларини таратиб, ҳалқимиз қалбига эзгулик улашмоқда, маънавий баркамоллик сари етаклаб, ҳур ва озод Ватанимизнинг буюк келажаги учун хизмат қилмоқда. Бундай хайрли ишларда сенинг ҳам ҳиссанг борлигини сафдошларинг, қаламкаш дўстларинг, айниқса, газетанинг ижодий жамоаси ҳеч қачон унутмагай!

2002

ТАЛАНТЛИ ШОИР, ИСТЕДОДЛИ ЖУРНАЛИСТ

Янгибай Кўчқоровни «Халқ сўзи» газетасининг Қорақалпоғистон Республикаси бўйича мухбири сифатида газета-журналларда босилган мақолалари орқали ғойибона танирдим. Шеърият билан шуғулланишидан ҳам қисман хабардор эдим. Лекин бирор марта у билан шахсан учрашмагандим. Агар янглишмасам, бундан тўрт-беш йил олдин Элликқалъада бир адабий тадбир ўтказилди. Унга Ўзбекистон Қаҳрамони, атоқли ёзувчимиз Тўлепберган Қайиберганов ва яна икки-уч ижодкор билан бирга мени ҳам таклиф қилишибди. Янгибай Кўчқоров билан биринчи марта ўша анжуマンда танишдик. Ва бу учрашув менда яхши таассурот қолдирди. Айниқса, унинг сўзга чиққанда минбарда ўзини тутиши, чиройли нутқи, ҳар бир сўзни чертиб-чертиб ишлатиши, жумлаларни маънодор қилиб гапириши, ўрни келганда жаҳон мутафаккирлари фикрларицан, баъзан шеърият дурданаларидан мисоллар келтириб, иштирокчиларни ўзига тортиб туриши, барчанинг юрагига йўл топиб сўзлагани фақат менигина эмас, залда ўтирганларни ҳам ўзига ром этганди. Бу зийнатли нутқ ҳақидаги таассуротимни ҳалиям унугтаним йўқ.

Янгибай Кўчқоров илм-билимда тафаккур уфқи кенг зиёли бўлиш билан бирга, ҳаётда ҳам самимий ва камтарин инсон эканлигига ишонч ҳосил қилдим. Сафаримиз давомида у бизларга ҳамроҳ бўлди. Кўп жойларга бирга бордик. Ҳар хил мавзуларда суҳбатлашдик. Мулоқотларимиз давомида мен унинг адабиёт, маданият, илм-фан ҳақидаги қарашлари анча бақувват, ижтимоий ҳаётнинг бошқа соҳалари бўйича ҳам мутахассислардек бемалол мулоҳаза юритишига қодир, энг муҳими, ҳар қандай одам билан ҳам тил топиб

сүхбатлаша оладиган инсон эканлигига, очиги, тан бердим. Балки том маънодаги журналист шундай бўлиши керакдир. Янгибай Кўчқоровдаги профессионал мухбирлик истеъдо-ди билан ибратли инсонийлик фазилати жуда уйғун экан-лигини ва бу икки хислат унинг икки қанотига айланиб, ижод уфқида эмин-эркин парвоз қилишига ёрдам берган-лигига асло шубҳа йўқ.

Анжумандаги ўша учрашувдан кейин биз Янгибай Кўчқоров билан онда-сонда кўришиб турадиган, баъзан телефон орқали хабарлашиб, илмий-ижодий режаларимиз юзасидан фикрлашадиган бўлдик. Қорақалпогистон Ёзувчилари уюш-масида ўтказилган йиғилишларда бирга иштирок этган пайт-ларимиз кўп бўларди. Бу анжуманларда ҳам Янгибойнинг чиқишиларига бир неча марта гувоҳ бўлганман. У ўз нутқла-рида қорақалпоқ адабиёти, аксарият қорақалпоқ шоир ва ёзувчилари ижоди ҳақида, ҳатто муайян бир асар ва унинг муаллифи тўғрисидаги фикрларини баъзан ўзбек, баъзан қорақалпоқ тилида шундай асосли баён этардик, мен унга қойил қолардим. Ва Янгибойга бўлган ҳурматим тобора ошиб бораётганидан ўзим ҳам мамнун эдим. Тўлепберган Қайип-берганов, Гулистон Матёкубова, Абдимурод Отажонов, Ўроз-бой Абдураҳмонов, Набира Тўрешова, Назира Матёкубова, Ахмед Оқназаров, Абдулла Содиков, Фотима Мирзабоева ва яна бир неча адиларнинг Янгибай Кўчқоров ҳақида, унинг шоирлик, журналистлик фаолияти хусусида, инсоний хислатлари борасида мароқ билан гапирганларини кўп эшитганман. Ҳар томонлама ривожланган, кўпчиликнинг ҳурматига сазовор бўлган шундай инсонгина Қорақалпоги-стон Ёзувчилари уюшмаси раисининг ўринбосари лавози-мига тайинланиши мумкин экан-да, деган фикр ҳам хаё-лимдан ўтгани роҳт.

Шундан бошлаб Янгибай Кўчқоров билан ижодий ҳам-корлигимиз давом этди. Унинг баъзи асарларига тақризчи бўлдим. Нашранд чикқан китобларининг деярли барчаси билан танишдим, айримларига матбуотда фикр ҳам айтдим. Газета-журналларда босилган шеърий ва насрый асарлари билан имкон қадар танишиб боришига интилдим. Ўқиганла-рим бўйича хаёлимда тўплланган фикрлар бирор нарса ёзишга ундейверди ва мазкур мақола ушбу зарурат тақозоси ўла-роқ туғилди.

* * *

Кўлимда Янгибай Кўчқоровнинг икки шеърий кито-би. Бири «Асрларнинг армони»(2002), иккинчиси, «Ота-жоннинг олтин сози»(2004). Икки тўплам ҳам Тошкент нашриётларида босилган. Янгибойнинг шеъриятда қалам тебрата бошлаган даври ўтган асрнинг етмишинчи йилла-рининг бошларига тўғри келади. Ёш қаламкаш биринчи шеърлариданоқ қалб кечинмаларини рамзий маъноларда беришга, реал воқеликдан бадий умумлашмалар чиқаришга ҳаракат қилади. Она ҳақида ёки унинг вафоти тўғрисида кўп шеърлар ўқиганмиз. Уларда лирик қаҳрамон кўнгли-даги изтироблар ҳар хил шаклларда бадий-эстетик тал-қин этилади. Лекин уларнинг ҳеч бирида қуидаги банд-дагидек оҳанг учрамайди:

*Уйимизнинг қуёши сўнди,
Дарё бўлди кўзларимда ёш.
Коп-қоронги қалбимни энди
Ёритолмас кўкдаги қуёш.¹*

Она вафоти туфайли лирик қаҳрамон юрагининг армо-ни «куёш», «дарё», «қор», «муз» поэтик образлар орқали ифодаланганки, шу фактнинг ўзи ёш шоир илк шеърлари-дан бошлаб ҳаёт ҳақида, инсонлар тўғрисида образли фикр-лашга ҳаракат қилган.

«Асрларнинг армони»га кирган бошқа шеърларда ҳам шоирнинг реал ҳаётни ўзига хос бадий-эстетик принцип-лар негизида ижтимоий-фалсафий талқин этишга, ахлоқий муаммолар бўйича муҳим холосалар чиқаришга интилгани сезилиб туради. Баъзи шеърларидаги дадил поэтик талқин-лар ўкувчини айрим инсонлар ҳақида жиддий мулоҳаза юритишга даъват этади.

*Бу аёлнинг жиҳози мўл,
Кўндириш башанг кийимлари.
Кулогида олтин сирға,
Бармоғида узуги бор
Лек уйида ёлғиз ўзи
Ва бир нахмоқ кучуги бор.*

¹ Я.Кўчқоров. Асрларнинг армони., Тошкент., 2002., 4-бет.

Умрнинг мазмунини «*башанг кийимлару, билур қандиллардан, чинни буюмлардан, олтин сиргаю, олтин узуклардангина иборат*» деб биладиган, ижтимоий ҳаётдан, жамиятдан ажralиб қолган тор фикрли шахсларнинг аячли тақдирини бундан ошириб таърифлаш қишин бўлса керак.

Ушбу шеърий мажмуанинг ўзига хос бир жиҳатини айтиб ўтмоқчиман. Одатда, бирор шеърий китобни қўлга олиб варақлассангиз, қарийб ярми севги-муҳаббат мавзусидаги шеърлардан иборат бўлади. Баъзан қайта-қайта такрорлана-вериб, сийқаси чиқиб кетган бу мавзунинг эскича талқинидан ҳафсалангиз пир бўлади, ҳатто ғашингизга ҳам тегади, ўқимай ташлаб кўясиз. «Асрларнинг армони»да ишқий кечинмалар руҳида ёзилган сохта шеър учрамайди. Шоир бу мавзуни нега четлаб ўтди экан, деган фикр хаёлга кела-ди. Муҳаббат асрларнинг армонига кирмасмикан, деган ўйга ҳам борасиз. Умуман, лирикани муҳаббатсиз тасаввур қилиш мумкинми ўзи? деган савол ҳам бошингизни қотиради. Назаримда, муаллиф хаёlinи, биринчи навбатда, асрларнинг армони чинакамига банд этган, ижтимоий муаммоларнинг бадиий талқини кўпроқ қизиқтирган. Ўтган асрнинг саксонинчи-тўқсонинчи йилларидағи Ўзбекистон ҳаётидаги муҳим сиёсий ўзгаришлар, қисман мураккаб воқеалар ва уларнинг ўзбек ҳалқи тақдиридаги асоратлари, мустақилликка эришиш йўлидаги интилишлар, истиқлонни мустаҳкамлаш учун олиб борилган курашлар шоирнинг диққат марказида бўлган. Шеърларнинг бир туркуми мазкур масалаларнинг бадиий талқинига багишлангани шоирнинг давр руҳидан нафас олиб, ўз ҳалқининг «ўти билан кириб, кули билан чиққан»лигидан, унинг меҳнат ва курашида шеърлари билан уларга маънаций таянч бўлганидан дарак эмасмикан? Шоирнинг «Қайта қуриш поёни қайда?», «Изтироб», «Савол», «Хитоб», «Ўзбекистон», «Оталар» номли шеърларида давр жароҳатлари, шўролар сиёсатининг ўзбек ҳалқи бошига соглан кулфатлари, ўтказган зуғумлари очиб ташланади. Бу шеърларни, умуман, муҳаббат туйғулари тасвиридан холи деб ҳисоблаш ҳам нотўғри. Уларда ҳам лирик қаҳрамоннинг ишқий кечинмалари, талқини бор. Лескин бу талқинда ижтимоийлик устун. Шоир қашайдир юрак сирлари билан боғлиқ интим ишқий кечинмаларни эмас, балки муҳаббат билан боғлиқ кайфиятларини Ватан, ҳалқ тақдирига ба-

гишлайди. Ватан, ҳалқ ҳаётидаги туб бурилишларни, мънавий юксалишидаги қашфиётларни ёки эл-юрт, ҳалқ бошига тушган оғир кунларнинг мусибатларини бадиий ёритишида шоир бу муқаддас туйғунинг кучидан фойдаланади, албатта. Бу ерда энди муҳаббат олижаноб ишларга ҳавас ва эҳтиром, нопок ахлоқий ҳаракатларга нисбатан нафрат туйгуларини ўйғотувчи курол вазифасини бажаради.

Шоирнинг бир туркум шеърлари шўролар тузуми даврида ёзилган. Эски замоннинг мағкураси қилич ялангочлаб турган бир пайтда мустабид жамиятга нисбатан танқидий фикр билдириб, унинг нобоплигини ошкор айтиш учун шоирлик талантдан ташқари, ижодий дадиллик ҳам керак. Шоир ўша давр ижтимоий-сиёсий ҳаётига хос иллатларни шеърга солиб айтишдан кўркмади.

*Тиним билмай шому саҳарлар,
Бунёд этдинг гўзай шаҳарлар.
Бол ўрнига ютдинг заҳарлар,
Сира роҳат кўрдингми, ҳалқим?!
(«Савол»)*

Ёки:

*Бир тепакал терговчи келди,
Тиқаверди турмага элни.
Боғламасдан ҳақ учун белни,
Паналарда ётмоқда кимлар,
Юртимга тош отмоқда кимлар?!
(«Хитоб»)*

Мана, яна бир кичкина мисол:

*Дори сепса тайёранинг
Тагида ҳам қолдилар,
Не уқубат бўлса барин
Ичларига олдилар.
Лёня тоға «юлдуз»ларга
Тўлдиргандা кўкракни.
Эл қатори чалаверди
Гулдиrosли қарсакни.
(«Оталар»)*

Шоир мустақиллик йилларида ҳам замон руҳидан нафас олиб, даврнинг шиддатли қадамларига жўровоз шеърлар

битди. Истиқлолнинг биринчи кунлариданоқ шेърлари билан ҳәётга фаол аралаша бошлади, мамлакат ва ҳар бир инсон ҳәётининг узвий қисмига айланган мустақилликни қўллаб-қувватлаб, шеърлар ёзди.

*Истиқлол йўл очиб берди
Тадбиркорлик, билимга.
Юртимни тан олмоқдалар
Шарқу Шимол, Фарб ёқда.
Халқининг қўли меҳнатдадир,
Дили эса олоҳода.*

Мисралар жўн, оддий, ҳаммага маълум гапларни такрорлаётгандек бўлиб кўриниши мумкин. Бироқ объектив воқеаликнинг шоир қалбига таъсири нуқтаи назаридан қарасак, давр ҳақиқати шеърда ўзига хос типик кечинмалар орқали ифодаланганини ҳис қиласиз.

Шоир шеъриятининг бир ўзига хослиги бор. У муайян фояни ифодалаш учун ҳар бир шеърида тарихий маълумотларга кўпроқ мурожаат этади. Бу давлат арбоби, саркарда, буюк олим, тарихий шахс, жой номи ёки бирор машхур ёзувчи ёхуд унинг асари, ё фольклор намунаси бўлиши мумкин. Муаллиф уларни шеърда шунчаки келтирмайди, балки поэтик образ шаклида фойдаланади. Бу, бир жиҳатдан, тарихда из қолдирган ёки унугилиб бораётган халқимизнинг миллий қадриятларини шеърий сатрларга муҳрлаш бўлса, иккинчидан, шеърнинг миллий заминини мустаҳкамлайдиган восита ҳамдир. Бундай материалилардан фойдаланиш учун шоирда илм ва билим салоҳияти, ўша манбаларни чукур идрок этиб, асар гоясини очишга хизмат қиласиган нуқталарини тўтири танлаб, таҳлил эта олиш қобилияти ҳам бўлиши керак. Шеър сюжетига олиб кирилган ҳар бир тарихий факт, ҳатто энг кичик детал ҳам, майли у узоқ ўтмишдан танланганни ёки ҳозирги ҳаётдан олинганни, фарқи йўқ, поэтик фояни ифодалашга бўйсунлирилиши шарт. Акс ҳолда, у асар учун ортиқча. Шоир кўпгина шеърларида бу поэтик усуслдан мақсадга мувофиқ фойдалangan. Жумладан, «Оталар», «Ўзбекистон», «Турналар», «Фурур», «Даъват», «Қора курсидагилар», «Итироб» номли шеърларда қўлланилган шахс (Ибн Сино, Беруний, Форобий, Фарғоний, Амир Темур) номлари лирик қаҳрамоннинг

ҳаяжонини, ифтихорини ифодаловчи, фикрини тасдиқловчи поэтик образ вазифасини бажарган.

Ҳар бир шеърнинг туғилишига нимадир сабаб бўлади. Шоирга бирор ҳаётий воқеа таъсир кўрсатади, қалбида асар ёзиш истагини уйготади. Ва шу ниятни амалга ошириш, муайян фояни ифодалаш учун бадиий шакл излайди. Назаримда, Я.Кўчкоровнинг «Турналар» шеърининг яратилишига худди шундай ҳаётий туртки сабаб бўлган. Шоир очиқ майдондаги катта бир тадбирда ўтирганида, осмон узра бир манзилдан иккинчи манзилга учеб бораётган турналарга кўзи тушади. Бу манзара уни ижодий ҳаёлга тортиб кетади. Ўзбек халқининг узоқ ва яқин ўтмишидаги буюк шахсларнинг тақдирларини, бир замонлар жаҳонни титратган сиймоларнинг тарих олдицаги хизматларини хаёлида гавдалантиради. Уларни учеб бораётган турналарга қиёс қиласи. Шоирда бу фикрини шеърга солиш истаги туғилади. Ва «Турналар» деган шеър шу илҳомнинг натижаси ўлароқ майдонга келади.

Шеърда муайян сюжет оқими мавжуд. Ўзбек халқи тарихда содир бўлган воқеалар, психологик ўзгаришлар, халқ тақдирда, жамият ҳаётида ижобий ёки салбий роль ўйнаган тарихий шахсларнинг фаолияти изчил тасвирланади. Уларнинг ҳар бири уфқда парвоз қилаётган турналарга ўхшатилади. «Белда қилич, қўлда қалам ва соз тутган Муҳаммад Раҳимхон», буюк аллома Нажмиддин Кубро, жасур саркарда Жалолиддинлар ўша турналарнинг тимсолларидир. Улар ўз замонида тарих олдицаги хизматларини аъло даражада бажариб, авлодларга ибратли ишларини мерос қолдирган улуғ боболаримиз эканлиги ҳақидаги фикр шеърнинг ички мазмунига сингдирилган. Шоир тарихий фактлардан бадиий умумлашмалар яратишда турна образидан муваффақиятли фойдаланган.

*Бир турна Чўлпонми, бириси Фитрат,
Учib бормоқдалар қаерни кўзлаб?
Ёки Ҳожиҳонми оҳиста кетган
«Қазісанг сувора»нинг пардасин излаб??
Наздимда бир турна Отажон ҳофиз,
Бири шоир дўстим Муҳаммад Юсуф.*

Шеърнинг ўқувчига ибрат бўладиган жиҳатлари кўп. Поэтик образларнинг оригиналлиги, тарихий фактларни

бадий талқин қилишдаги ўзига хослик, шоир туйгуларининг самимийлиги ва маълум дараҷадаги ижтимоий жўшқинлик, салмоқли фикр шеърнинг бадий мукаммаллик хусусиятларидир.

Шоирнинг шундай шеърлари ҳам борки, уларнинг бандлари тўртликларни эслатади. Яхлит ва теран фалсафий маъноли бундай шеърларнинг ифода шакллари оддий бўлиб кўринса-да, ифодаланаётган гоя китобхон учун ибрат.

*Ҳар қандай қуш бўлолмас булбул,
Кузгун билан калхати ёмон.
Юртим учун бадният, баҳил
Мухолифнинг ҳасади ёмон!*

(36-бет)

Эндиғи сўз шоирнинг «Отажоннинг олтин сози» достони ҳақида. Отажон Худойшукоров ўзбек мумтоз қўшиқчилиги тарихида ўзига муносаб саҳифа очган санъаткорлардан бири. Я.Қўчқоровнинг шу ҳофиз ҳақида маҳсус достон ёзиб, унинг сиймосини биринчи марта бадий адабиётда агадийлаштиргани айни муддаодир. Достоннинг сюжет курилиши ўзига хос. Эпик йўналишдаги яхлит ва изчил воқеа тасвири кўзга ташланмайди. Ҳофизнинг характер қирраларини очиб беришга хизмат қиласидаги ҳаётий лавҳалар ҳам кўп эмас. Достон лирик қаҳрамон (шоир) монологидек жаранглайди. Аксарият воқеалар шоир нутқи орқали берилади. Ҳар бир лирик монологда санъаткорнинг характер белгиларини очиб беришга алоҳида дикқат қилинганки, бу ҳолат шоирнинг характер яратишда ўз ижодий принципига таяниб иш кўрганидан далолатdir. Ҳофиз сиймосини, характер хусусиятларини биз шоир нутқи орқали кўз олдимизга келтирамиз.

Отажон ҳофизнинг Комилjon Отаниёзов билан илк бор танишуви, устоз-шогирдлик муносабатлари тўғрисида ҳалқ орасида ҳар хил миш-мишлар юради. Бу ҳақдаги аниқ маълумотни Отажон Худойшукоровга сирдош, ҳамфикр бўлган достон муаллифининг ўзидан эшлишиш бошқача. Шу маънода, Я.Қўчқоров бу учрашув тафсилотини достон сюжетига қўшиб тўғри қилган. Албатта, у асарга шунчаки воқеа сифатида кирмаган, «миш-миш»дан маълум бир гоявий мақсад учун фойдаланилган. Ушбу лавҳа тасвиридан эндиғина

санъатта қадам кўяётган ёш хонанданинг тақдирида Комилjon Отаниёзовдек буюк санъаткорнинг ўгит-насиҳати катта бўлганини бадий таъкидлаш ҳам назарда тутилган.

*Ногоҳ устоз қошидаги
Доиравчи ўтди четга.
Тоби қочди шудринг бўлиб
Маржон тери чиқди бетга.
Устоз ўзин йўқотди сал,
Ҳайрон боқди ҳар томонга.
Қаёқдандир жсуръат кирди
Ўн бир яшар Отажонга.
Кўлга алди доирани
Устозга жсур бўлди жиiddий
Ўша оқшом таом чоги
Унга устоз чалдириди куй.
«Ёмон эмас. Мусиқага
Сидқидилдан ўқиши шарт.
Билиб олсин газал нима,
Мухаммасу рубоий, фард».¹*

Достонда ҳофизнинг санъатта кириб келишидан тортиб, то умрининг охирига қадар эл хизматида бўлиши, дўстлар ортириши, Хоразм қўшиқчилик санъатининг довругини жаҳон бўйлаб таратища кўрсатган хизматлари реал фактлар мисолида ҳикоя қилинади ва шулар орқали ҳофизнинг ҳам инсон, ҳам санъаткор сифатидаги характер қирралари очиб берилади.

Достоннинг фазилатлари ҳақида гапирганда унинг яна бир ўзига хослигига эътибор бериш зарур. Асарда Отажон Худойшукоров вояга етган адабий-маданий мухит яхши ёритилган. Жайхуну Орол, Тўмарису Искандар дейсизми, Зардушт бобо насллари, Курбон ота билан Шерозий гармонлари бўладими, Ҳожихону Комиллоннинг наволари, «Бозиргон»у «Ошиқ-Фарид» достонлари, Хоразмнинг «Сегоҳ»иу «Сувора»лари ва яна воҳага хос беҳисоб адабиёт ва санъат гулшанининг нодир ёдгорликлари достон сюжетига олиб кирилган. Ва шундай бетакрор ўлқадан Отажон Худойшукоровга ўҳшаган санъаткорлар чиқиши тасодифий эмас,

¹ Я.Қўчқоров. Отажоннинг олтин сози. Тошкент., 2004., 35-бет.

деган фикр бадиий асосланган. Достонни ўқиган ҳам бир китобхон нафақат Отажон Худойшукуровдек санъаткор билан замондош бўлганидан фархланади, шунингдек, довруғи оламга ёйилган эл фарзанди эканлигидан ҳам қалбida севинч туйгусини ҳис қиласди. Асарнинг ўқувчига маънавий завқ бериб, миллий қадриятларга хурматни шакллантиришдаги тарбиявий аҳамияти ҳам шунда.

Достоннинг композицион курилишида бироз тарқоқлик бордек туюлади. Айрим лирик чекинишлар асосий мавзуга боғланмай қолган, мустақил бир асардек таассурот қолдиради. Муҳими, уларинг ҳофиз характерига хос бирор қиррасини очиб беришдаги роли унчалик сезилмайди. Достоннинг охирроғида кўп одамларнинг исмлари тилга олинади. Савол туғилади. Улар Отажон Худойшукуровга қай даражада алоқадор? Ҳофизни кўрганми, мулоқотда бўлганми? Ҳархолда, бу саноқлар достон учун ориқчадек туюлди менга. Достон воқсалари тасвирига киришмасдан олдин шоир ўндан ортиқ Ўзбекистон ва Қорақалпоғистоннинг таниқли ёзувчи ва шоирлари, санъаткорларининг Отажон Худойшукуров ҳақида хотираларидан намуналар келтиради. Бундай маълумотлар достоннинг ички курилишига ҳам қўшилган. Ора-орада эсдаликлардан парчалар келтириб, шоир яна ўз сўзини давом этиради. Менимча, бундай усул ўқувчининг дикқатини бўлади, ҳатто чалгитиши ҳам мумкин. Асарнинг композицион тарқоқлиги унга шундай материалларнинг киритилганлигига эмасмикан, деган фикр ҳам хаёлдан ўтади. Улар «Отажон Худойшукуров замондошлари хотирасида» деган номда бир китобга жамлаб берилса, мақсадга мувоғиқ бўларди. Асарнинг жанри ҳақида гапиргандা мен уни «достон-эссе», деб атаган бўлардим. Чуники тасвиirlанган аксарият воқеалар реал турмушдан олинган, эслаликлар, хотирашарга ўхшаб кетади.

Айтилган жузъий нуқсонлардан қатъий назар, «Отажоннинг олтин сози» достони ўзбек шеъриятида ҳофиз образини яратишга бағишлиланган биринчи йирик асар, хонандага кўйилган ўзига хос адабий ёдгорлик ва муаллифнинг катта ижодий ютуғидир.

«Кўнгиротнома»(2006) достони Янгибай Кўчқоров шеъриятида янги ижодий босқич бўлди. Асар адабий жамоатчилик, ўқувчиларда яхши таассурот қолдири. Дастлаб Нукусда, Қорақалпоғистон Ёзувчилари уюшмасида, кейин Тош-

кентда, Ўзбекистон Ёзувчилари уюшмасида достоннинг тақдимоти ўтказилиб, асарга ижобий баҳо берилди. Уюшма расиси, Ўзбекистон Қаҳрамони Абдулла Орипов бошчилигида ўтган «Кўнгиротнома»нинг тақдимоти қизғин ўтди. Асар муҳокамасига Ўзбекистоннинг энг номдор шоирлари, олимлари ва журналистлари қатнашиб, достон ҳақидағи мулоҳазалари билан ўртоқлашди. Абдулла Ориповнинг асарнинг аҳамияти ҳақидағи күйидаги фикрлари тақдимотга алоҳида руҳ багишилади ва у кейинроқ матбуотда ҳам эълон қилинди: «*Янгибай гайрат билан ижод қилаётган шоир. Шу билан биргаликда у истеъоддли журналист ва Қорақалпоғистонда ўтказиладиган маънавий-матрифий тадбирларнинг фаол ташкилотчиларидан биридир. «Кўнгиротнома» достонида шоир Қорақалпоғистон халқи ҳаётига оид тарихий воқеаларни, айни вақтда, бу кутлуғ заминда мустақиллик йилларида амалга оширилаётган ўзгаришларни қаламга олган*.»¹

Адибнинг бу фикрлари Ўзбекистон халқ шоирлари Жуманиёз Жабборов, Сирожиддин Сайд, Маҳмуд Тоирлар томонидан қўллаб-қувватланди. Эркин Самандар, Азим Суюн, Ҳайдар Муҳаммадл, Турсун Али ва яна бир қатор таниқли шоир ва ёзувчилар, адабиётшунос олимлар муҳокамада қатнашиб, «Кўнгиротнома» юзасидан ижобий фикрларни айтдилар, асарнинг ютуқлари, уни янада мукаммаллаштириш бўйича фойдали таклиф ва мулоҳазаларини билдирилар. Бу гапларни ахборот тарзида келтиришимиздан асосий мақсад шуки, ҳақиқий истеъодд билан ёзилган асарларгина шу хилдаги баҳога муносиб бўлади, энг нуфузли минбарлардан гапирилади, тақдимоти ўтказилиб, кўпчиликка таништирилади, тарғиб қилинади.

Янгибай Кўчқоров Қорақалпоғистоннинг тарихини яхши билади. Айниқса, Тўртқўл, Беруний, Элликқалъа туманларининг тарихини чукур ўрганганди. Бу туманларнинг фақат ўтмишинигина эмас, бугунги ҳаётига тегишли маълумотлардан ҳам яхши хабардор. Матбуотда булар тўғрисида кўплаб чиқишлилар қилли, ҳатто туманларнинг тарихига доир алоҳида алоҳида адабий-публицистик китоблар ҳам ёзди. Ҳархолда, унинг шаҳарлар тарихини бадиий-публицистик услубда ёритиш тажрибаси бор. «Кўнгиротнома» достони му-

¹ «Ўзбекистон адабиёти ва санъати», 2007., 7 апрель.

аллифнинг ҳозирга қадар шаҳар ёки туманлар тарихи бўйича турли жанрлардаги ижодий изланишларининг мантикий давоми, шеърий шаклдаги кўриниши бўлди. Кўнгирот, ҳақиқатган ҳам, «достон» қилса арзигулик ўлка. Унинг бой тарихи бор. Кўнгиротда улуғ шахслар яшаб ўтган. Дунёга машхур ноёб асарлар шу ерда яратилган. Тарих саҳифаларига битилган алғов-далғовли воқеалар дейсизми, муқаддас жой номлари бўладими, заминнинг мустақиллик йилларида эришган ютуқларими, барчаси шоирга илҳом берив, кўлига қалам тутқазган кўринади.

*Бу саҳро жаннатга татирди,
Гул бўлиб кўринди ҳар тикан.
Ёвшанинг ҳиди бор атирдек,
Дунёда бундай юрт бормикан?!
Мен ҳам бир ўғил бу тупроққа,
Тутқазиб тарихнинг жомасин -
Оллоҳим йўл берди ёзмоққа
Улуғ юрт Кўнгирот номасин.¹*

Муайян шаҳар тарихи ҳақида бирор бадиий асар яратиш осон эмаслигини биласиз. Айниқса, шеърий асар, достон битиш қийин. Муаллифдан кўп меҳнат талаб қиласи. Тарихий манбаларни ўрганишни, асар гоясини очишга хизмат қиласидиган зарур фактларни тўплаб, уларни дид билан саралашни, асарнинг ички мазмунига, гоясига мослаштириб фойдаланишни тақозо этади. Шоир тасвир обьекти учун танланган тарихий фактларни шунчаки, қуруқ баён қилмасдан, лирик туйгулар, ички ҳиссиятлар орқали ифодалashi лозим. Шоирга илҳом берган ҳар бир ҳаёт материали шоир шахсиятидаги эҳтирос ва кечинмаларга уйғунлашсангина асар ўқувчининг эстетик эҳтиёжига жавоб беради. Лирик қаҳрамоннинг фикр салмоғи устун, руҳий дунёси қанчалик бой, туйгулар қанчалик жўшқин ва самимий бўлса, шеърий асар шунчалик таъсирли, ўқимишли чиқади. Менимча, «Кўнгиротнома» шундай бадиий хусусиятга эга. Шоир достон мавзусининг характерига мос танланган ҳар бир тарихий фактни ёки реал воқелик билан боғлиқ бирор ҳодисани хилма-хил тасвирий

¹ Я.Кўчкоров. Кўнгиротнома. Тошкент, «Янги аср авлоди», 2006., 6-бет.

воситалар, эҳтиросли туйгулар билан шундай талқин қилганки, ўқиган кишининг қалбida ҳам шундай жўшқин ҳислар уйгонади, лирик қаҳрамон билан баравар ҳаяжонланади, тўлқинланади. Достоннинг жиддий ютуқларидан бири ҳам, менимча, шуниша – табиий ва самимий туйгуларга бойлигиди, ҳаяжон билан ўқилишида.

*Қадимий Кўнгирот қалъаси
Неча бор йўқ бўлди, бор бўлди.
Таратиб алманинг шуъласин
Кенгга кенг, торга-чи тор бўлди.
Ўтди кўп Хитой, Ҳинд карвони
Эдилга, Аштархон томонга.
Жой эди Кўнгирот хирмони
Гоҳ бурдой, гоҳида сомонга.*

«Кўнгиротнома»нинг яна бир аҳамиятли жиҳати бор. Достон Ватанга чексиз меҳр туйгулари билан йўғрилган, унинг ҳар бир мисрасида шоирнинг бу заминнинг эл-улуси, одамлари, муқаддас қадамжолари, бир вақтлар шу тупроқда туғилиб вояга етган, унинг довругини оламга ёйиб, тарихда ўчмас из қолдирган улуғ шахслари ҳақида меҳр билан ёзади. Уларнинг ишларини давом эттириб, бугунги Кўнгиротнинг ҳар томонлами юксалишига ҳисса қўшаётган ҳозирги авлод вакилларини, эл ҳурматини қозонган юрт фарзандларини номма-ном тилга олади ва уларнинг бунёдкорлик ишларини, санъат ва адабиёт, илм-фан тараққиётидаги хизматларини таъриф этади. Умуман, Кўнгирот тарихида муҳим ўрни бор бирор воқеа, факт йўқи, у муаллиф назаридан четда қолган бўлсин.

Шоир достоннинг хуласа қисмida Кўнгиротнинг мустақиллик йилларидағи ҳаётига назар ташлайди, меҳнатда буюк қашфиётлар қилаётган ҳалқнинг жасоратини улугловчи мисралар ижод этади, қорақалпоқ заминининг порлоқ истиқботига улкан ишонч руҳидаги қаторлар билан достонга сўнгги нуқтани кўяди.

Достоннинг тили сода ва жозибали. Баландпарвоз жумлалардан, ваъзонолик, асосланмаган мадҳиябозликдан холи. Зўрма-зўраки, сунъий тўқилган мисралар йўқ, ҳаммаси қўйма сатрлар. Асарнинг композицион бутунлигига бирор эътироз билдириш қийин. Фикр оқими изчил ва мантиқли, сюжетнинг пухталигига ҳалақит берадиган ортиқча тасвир,

ҳатто детал ҳам учрамайди. Сюжетга асос бўлган лавҳалар, мисралар худди занжирдек ўзаро боғланган. Бу эса муаллифга Кўнгиротнинг узоқ ва яқин ўтмишдаги тарихини, бугунги турмуш тарзи билан боғлиқ воқеа-ҳодисаларни тадрижий асосда бадиий ёритишга имкон берган. Бу, шубҳасиз, шоирнинг шеърият бобида маҳорати чиниқиб бораётганидан дарак беради.

* * *

Я.Кўчкоров шеърията қалам тебратиша қанчалик фаол ва талантли бўлса, насрда ҳам самарали ижод қилиб келаётган истеъодли журналист. Ҳозирга қалар мазкур жанрда унинг тўрт китоби босилди. «Тўрткўлнинг толмас қаноти» (2002) номли адабий-публицистик рисоласи муаллифнинг насрдаги биринчи тажрибаси. Китобда Тўрткўл туманининг яқин ўтмиши ва мустақиллик йишиларидағи қишлоқ хўжалиги тўғрисица ҳикоя қилинади, туман иқтисодини кўтариш учун меҳнат қилган бир қатор раҳбарларнинг фаолияти ҳақида фактлар тили билан сўзланади. Тўрткўлнинг ижтимоий-иқтисодий тараққиётида муҳим роль ўйнаган омилларни ҳаққоний кўрсатиб бериши жиҳатидан китобнинг аҳамияти катта. «Юз фидоий қиссаси» (2004) китоби баъзи хусусиятлари билан муаллифнинг бошқа асарларидан фарқ қиласи. Унда Қорақалпоғистоннинг қарийб ярим асрлик тараққиётига ҳисса кўшган ва ҳозирда ҳам фаолиятини давом эттираётган юздан ортиқ фидоий раҳбарлар ҳақида маълумот берилади. Юз раҳбар ҳақида маълумот тўплаш ва уни ихчам бадиий шаклга солиб, ўкувчига етказиш жараёнини бир тасаввур қилиб кўринг! Юз раҳбар юз хил характерга эга бўлади. Ҳар бирининг юрагига йўл топиб, дилдан суҳбатлашиш учун мухбирлик талантдан ташқари, инсоний хислат ҳам зарур. Янгибойнинг одамшавандалиги, ҳар қандай инсон билан ҳам кўнгилдан гурунглашиш укуби, фикримча, бу ишни мувваффакиятли уddaлашига замин бўлган.

Я.Кўчкоровнинг навбатдаги «Аллома авлодлари» (2005) китоби Беруний тумани ҳақидаги ҳикоялардан иборат. Туман тараққиётига ҳисса кўшган ва қўшаётган турли соҳа ходимларининг фаолияти алоҳида-алоҳида портрет шаклида ёритилади. Бу китобнинг олдингилардан фарқи шундаки, айrim бобларида туман ҳаётининг баъзи соҳалари умум-

лаштириб талқин этилган. «Гулистанга айланган эл», «Аллома номини ардоқлаб», «Бунёдкорлик одимлари», «Соғлиқ қадрини бил», «Бўз ер баҳодирлари» в.ҳ.ларда туман шұхратини ошириш учун меҳнат қилаётгандар ҳақида сўз юритилади. Китобнинг муқовалари ва ичига илова қилинган туман фидоийларининг расмлари эса унинг мазмунини бойитишга хизмат этган. Назаримда, муаллифнинг «Тўрткўл тарихи» (2006) номли каттагина китоби унинг ёзувчи-мухбир сифатидаги маҳоратини янада ёрқинроқ намоён этди.

«Тўрткўл тарихи» жанр нуқтаи назаридан ҳар хил. Унда ҳикоялар ва хотиралардан, бадиҳалардан, таниқли давлат ва жамоат арбоблари ҳамда машҳур санъаткорларнинг эсдаликларидан кенг фойдаланган. Туман ташкил этилган 1927 йилдан то ҳозирги кунга қадар унинг ижтимоий-сиёсий ва иқтисодий ҳаётидаги муҳим ҳодисалар, йигирманчи йилларнинг нотинч воқеалари, қатагон даврининг даҳшатлари, иккинчи жаҳон уруши йилларидағи тўрткўлликларнинг мардлиги ва жасорати китобда хронологик тарзда, бадиий-публицистик услубда яхши ёритилган.

Я.Кўчкоровнинг насрый китобларини ҳам бир сидра назардан ўтказдик. Ва қўрдикки, муаллиф республикамизнинг ижтимоий-иқтисодий, маданий-адабий ҳаётida қўлга киритилган ҳар бир янгиликка, буюк ўзгаришларга муносабат билдириб келаётган моҳир журналист. Таҳлилга тортилмаган бошқа насрый асарлари ҳам унинг мухбирлик фаолиятининг ёрқин саҳифалари дейишшга тўла асос беради. Унга берилган «Қорақалпоғистон Республикасида хизмат кўрсатган журналист» фахрий унвони бу айтилганларнинг амалий тасдигидир.

* * *

Янгибой Кўчкоров, менинг тасаввуримда, шоир ва журналист бўлиш билан бирга, яхшигина ташкилотчи ҳам. Қорақалпоғистонда, айниқса, жанубий туманларда бирор адабий-маданий тадбир йўқки, унда Янгибой иштирок этмаган, унинг ташкилотчиларидан бири бўлмаган десак. Бу хилдаги тадбирлар, хусусан, Элликқалъя туманида кўп ўтказилади. Шоир ва ёзувчилар билан учрашувлар, юбилейлар, ҳар хил кўрик танловлар, маданият ва санъат арбоблари хотирасига бағишлиланган анжуманлар, турли мавзулардаги халқаро конференция-

лар, асосан, шу заминда ўтади. *Бу тадбирларнинг юқори даражада ташкил этилишида туман ҳокими Нематулла Худойбергановнинг ташаббускорлиги ва хизматлари алоҳида эканлигини таъкидлашни истайман. Я.Кўчқоров бу тадбирларга ҳам мухбир, ҳам бир ижодкор сифатида фаол қатнишиб келади.* Абдулла Ориповнинг: «Янгибай Гайрат билан ижод қилаётган шоир, истеъододли журналист ва Қорақалпогистонда ўтказиладиган маънавий-маърифий тадбирларнинг фаол ташкилотчиларидан биридир» деб ёзиши бежиз эмас эди.

Я.Кўчқоровнинг ташкилотчилик фаолиятида яна бир муҳим жиҳат бор. Бу унинг турли йилларда ўтказилган адабий-маданий тадбирларнинг материалларини тўплаш, нашрга тайёрлаш билан боғлиқ фаолияти. У сўнгти тўрт-беш йилда Эллиқалъя, Тўрткўл ёки Беруний туманларида ўтказилган адабий-маданий тадбирларнинг материалларини чоп эттиришига фаол қатнашди. Бундай китоблар, альманахларга Я.Кўчқоров ё масъул муҳаррир ёки нашрга тайёрловчи бўлиб иштирок этган. «Тўрткўлим», «Ақчакўл илҳомлари», «Хуррият наволари» альманахлари бевосита унинг ташаббуси, фаол иштироки билан босилиб чиққан. «Эллик наво» (2003) шеърлар тўплами ҳам Янгибайнинг саъй-ҳаракатлари билан нашр қилинди.

Ҳа, Янгибай Кўчқоров мана шундай истеъоддга, ташкилотчилик қобилиятига, ажойиб инсоний фазилатларга эгадавримизнинг илғор зиёлиларидан, мухбирларидан бири. Инсон ҳаётда кимларгadir, нималаргadir ҳавас қилиб яшайди, маълум бир мавқега эришиш учун интилади. Янгибай ҳам бундан мустасно эмас. Унинг орзулари ижобат бўлди. У шоир сифатида эл назарига тушди. Талантли журналист сифатида тан олинди, давлат даражасида тақдирланди. Беҳисоб ижодкор дўстлар орттириди, ташкилотчилик таланти билан хурмат қозонди. Ижодкор ва журналист учун шунинг ўзи катта баҳт эмасми?!

2006

МУҲАРИРЛИКДА ЧИНИҚАН ҚАЛАМ

Ҳалқимиз орасида «сават сабабсиз аравага чиқмайди», деган гап бор. Ҳудди шунингдек, одамларнинг бир-бирлари билан танишувига, бальзан қадрдонлашиб кетишига ҳаётда

кимдир ёки нимадир сабабчи бўлар экан. Ушбу мақоламнинг қаҳрамони билан илк танишувимга ҳам шунга ўхшаш «сават» сабаб бўлган. Гапни шундан бошламоқчиман.

Саксонинчи йилларнинг охирлари эди. «Қорақалпогистон» нашриётида «Ҳамза ва қорақалпоқ адабий муҳити» деган китобимни нашр қилдириш тараффудида юрган пайтларим. Нашриётга тез-тез бориб турардим. Ўша йилларда нашриётнинг адабиёт бўлими таниқли ёзувчи Шаўдирбай Сейитов (жойлари жаннатда бўлсин, жуда яхши одам эди) бошқарарди. Мен у кишини ҳам инсон, ҳам истеъододли ёзувчи, шоир сифатида гойибона бўлса-да, яхши билардим. Нашриётга борсам кўпроқ у кишига учрашиб, қўлёзмамни ҳам унга топширгандим. Шаўдирбай оғанинг хонасида, агар янгишмасам, яна икки киши ўтиради. Хонанинг тўрида, дeraзага яқин жойда Абдулла Содиқов (у ҳам оламдан ўтди, оллоҳ раҳматига олган бўлсин) доимо қўлёзма ўқиб ўтирганини кўрадим. Хонанинг ўнг бурчагидаги столда эса калта бўйли, қорачадан келган яна бир йигит машинкада нималарнидир ёзиз ўтиради. У хонага ким келиб, ким кетаётганига мутлақо эътибор беравермас, бальзан келиб-кетувчилар билан шунчаки салом-алик қилиб, яна ўз иши билан бўлаверарди. Хонадагиларнинг ҳазиломуз гапларига ҳам у аралашавермасди. Ш.Сейитов сұхбатимиз орасида уни менга: бу киши бўлимимизнинг энг фаол ходимларидан бири, шоир ва ёзувчи Кўпайсин Ерназаров бўлади, деб таништириди. Биз бир-биримиз билан сал бош эгиб саломлашгандек бўлдик. Расман танишганимиздан кейин ҳам мен бўлимга икки-уч марта бордим. К.Ерназаров ҳамон ўша-ўша, жиддий қиёфада, одам билан очилиб сўзлашавермас, доимо иш билан банд эди. Ўша пайтда у менга унча-мунча одамни тан олавермайдиган, мағрур бир киши қиёфасида кўринди. Бир борганимда Шаўдирбай оға:

— Кўлёзманг нашриёт режасига кирди, тасдиқдан ўтди. Йилнинг иккинчи ярмида нашр қилишни режалаштираяпмиз, — деди. Ва сўзини давом эттириб:

— Китобингга Кўпайсин муҳаррир қилиб белгиланди, энди у билан ишлайверасан, деб қўшиб кўйди.

— Кўпайсин ҳам розиман деган маънода менга бир қараб қўйди-да, яна иши билан бўлаверди. Дарров хаёлимдан: оббо, бу киши ўта жиддий экан. Кўлёзмани таҳир қилиш жараё-

нида у билан умумий тил топиша олармиқанмиз? деган фикр ўтди. Яна бир шубҳа ҳам бор эли менда. Ҳамза Ҳакимзода ўзбек адабиётининг вакили, кўп қиррали ижодкор. Ҳар қандай муҳаррир ҳам Ҳамза ҳақида, умуман, ўзбек адабиёти тўғрисида мукаммал илмий-назарий савияга эга бўлмасдан туриб, у ёки бу қўлёzmани холис таҳrir қилиши анча мураккаб ва мушкул эканини билардим. Шунинг учун ҳам, асосан, қорақалпоқ адабиёти билан шуғулланиб юрган бу муҳаррирнинг илмий салоҳияти қандай экан? Қўлёzmамни профессионал даражада таҳrir қила олармиқан? деган гумон озгина бўлсада, мени ташвишлантиргани рост.

Хуллас, Кўпайсин Ерназаров қўлёzmани бир сидра ўқиб чиқибди, баҳсли, эътиroz уйғотадиган жойларига муҳаррир белгиларини қўйибди. Бу масала бўйича у билан фикрлашдик. У қўлёzма юзасидан ўз нуқтаи назарларини айтди. Суҳбат давомида шубҳаларим асоссиз экани маълум бўла бошлади. Унинг фикр-мулоҳазаларини тинглаб ўтириб, профессионал даражадаги олим-муҳаррир эканлигига тўла ишонч ҳосил қилдим.

Кўпайсиннинг муҳаррирлик фаолиятидаги яна бир жиҳатни жуда ёқтириб қолдим. У қўлёzма юзасидан фикр билдираёттанды, гарчи, баъзан у ҳақ бўлса ҳам: менинг айтганим бўлади, фикримни қабул қилишинг шарт, деб туриб олмайди. Балки маслаҳат тариқасида: мана бундай ёндашилса, таҳлил қилинса, хулоса чиқарилса, мақсадга мувофиқ бўларди, деган маънода шундай гапирап эдики, унинг мулоҳазаларига бирор эътиroz билдиришга ўрин қолмасди. Бундай хусусият ҳамма муҳаррирда ҳам бўлавермайди. Мен кўп муҳаррирлар билан ишлашганман. Қўлёzmага беписанд муносабатда бўлиб, уни баъзан билиб-бilmай, пала-партиш қисқартирадиган, муаллифнинг розилигисиз кераксиз жумлаларни қўшиб, унинг савиясии тушириб юборадиган «ўзбошимча» муҳаррирларни ҳам илмий тажрибамда кўрганман. К. Ерназаров бу масалада ўта масъулиятли, муаллифнинг меҳнатини ҳис қиласиган ва қадрлай оладиган, сизнинг розилингизсиз қўлёzmага ҳатто бирор нуқта қўйишдан ҳам ўзини тийиб турадиган маҳоратли ва тажрибали муҳаррир эканига ишонч ҳосил қилдим.

«Қорақалпоғистон» наприётида босилган иккинчи китобимга ҳам у муҳаррирлик қилди ва мен унинг бу фаолиятидан қониқиши ҳосил қилганимни ҳозир ҳам эслайман. Ҳар

қандай китобнинг илмий-бадиий савиясийнинг муваффақияти муҳарририга ҳам боелиқ, албатта. К. Ерназаровнинг ижодкорлиги, илмий тажрибаси китоб таҳrir қилишида ёрдам берган. Ва бу жараён, ўз навбатида унинг шоир ва ёзувчи бўлиб шаклланишида муҳим роль ўйнаган. Шу масала билан boglik унинг яна бир олижаноб фазилатини тилга олиб ўтмоқчиман. Қўлёzма то босмахонага топширилгунга қадар мен унга қайта-қайта ўзгартиришлар, қўшимчалар киритаверардим. Ҳатто китоб босмахонага топширилиб, нашрга тайёрлаб қўйилгандан кейин ҳам унга ўзгартиришлар, қўшимчалар киритган пайтларим кўп бўларди. Бу ишлар факат муҳаррир розилиги, унинг рухсати билан амалга оширилишини кўпчилик билади. Агар киритилаётган ўзгартиришлар, қўшимчаларнинг китоб учун жуда зарур эканлигига Кўпайсинни ишонтира олсангиз, у сизнинг фикрингизга қўшилади ва баъзи муҳаррирларга ўхшаб қайсарлик қилмасдан: майли, қўша қолайлик ёки ўзгартира қолинг, деб розилик беради. Шундай пайтлар ҳам бўлганки, унинг ўзи босмахонадан корректурани олиб келиб, мен айтган қўшимчаларни киритиб берарди. Бундай олижаноблик ҳамма муҳаррирларда ҳам бўлавермайди. Мен Кўпайсиннинг бу ҳаракатини унинг юксак одамгарчилигидан, олижаноблигидан, ўзи муҳаррир бўлиган китобнинг илмий савиясига масъулиятининг кучлилигидан деб билдим ва унга нисбатан ҳурматим янада ощи. У энди менинг тасаввуримда жуда самимий, оқкўнгил, ҳар қандай вазиятда ҳам сиз билан тил топишиб сўзлаша оладиган саховатли қалб эгаси, олижаноб инсон бўлиб гавдаланди.

Китоб сабаб бўлиб, кейинчалик К. Ерназаров билан анча яқин бўлиб қолдик. Каерда учрашиб қолсак, очиқ чехра билан хол-аҳвол сўрашамиз, ижодий режаларимиз бўйича фикрлашиб турадиган бўлдик. Мен унинг асарларини мунтазам ўқиб боришига ҳаракат қилдим. Очифини айтсам, Кўпайсин мен танийдиган ва мулоқотда бўлиб юрган ижодкорлар орасида алоҳида ҳурматга сазовор, қорақалпоқ адабиётида ўзига хос ўрни бор талантли қаламкашлардан бири.

Энди икки оғиз сўз унинг шоирлик ва ёзувчилик фаолияти ҳақида. К. Ерназаров ҳам шоир, ҳам ёзувчи, илмий тажрибаси ҳам бор. Бир вақтлар ЎзР ФА Қорақалпоғистон бўлимининг Н. Довқораев номидаги Тил ва адабиёт институтида илмий ходим бўлиб ишлаган, илм билан шуғулланган. Ил-

мий ишлар ёзган, мақолалар эълон қилған, китобларни нашрга тайёрлаган. Бу ишлари учун у Бердақ номидаги Давлат мукофоти билан ҳам тақдирланғанди. Кейинги йилларда Кўпайсин жамоатчиликка кўпроқ ёзувчи ва шоир сифатида танилмоқда. Унинг «Бўсага», «Музалар дунёси», «Соат олтидан кейин» шеърий китоблари ўқувчиларга маълум. «Дийдор», «Тазийк» номли поэмаларини ҳам эълон қилди. Шеърлари газета-журналларда мунтазам босилиб турибди.

К.Ерназаров адабистнинг энг мураккаб жанрларидан бири масалчиликда ҳам ижодий ютуқларга эришди. Ёзувчининг «Йўлбарс ва тулки», «Тулки ва Эшак», «Кана ва Тошбақа», «Ҳакка», «Жўжахўроз», «Соқол» ва яна бир неча масаллари қорақалпоқ масалчилигининг яхши намуналаридир. Бугунги қорақалпоқ адабиётидаги сатира жанрининг ривожланишида ҳам Кўпайсиннинг ҳажвий асарларининг ўрни бор. Сўнгги даврларда босилиб чиқсан «Соқол» ва яна бошқа ҳажвий тўпламлари, матбуотда тез-тез босилиб турган кулгили ҳикоялари ўқувчилар томонидан илиқ кутиб олинмоқда. Кўпайсиң таржимон сифатида ҳам фаолият кўрсатиб келмоқда. Мен унинг, айниқса, туркман адабиётидан қилған шеърий таржималарини юқори баҳолайман.

К.Ерназаров инсон сифатида жуда камтарин. Лекин ижодда ўта қатъиятли, принципиал, ҳаётдаги камчиликларни, айрим шахслар характеридаги нуқсонларни, хусусан, ҳажвий асарларида фош этишда дадил, ҳақиқаттўй ёзувчи. Унинг асарлари янги жамият қуришимизга, иллатларни бартараф қилишга ёрдам берадиган, тарбиявий аҳамияти юксак ижод намуналаридир.

Ихчам бир мақолада К.Ерназаровнинг тилга олинган шеърий ва насрый асарларининг, масалларининг чукур таҳлилини бериш имконияти йўқлигини билсангиз керак. Шу боисдан ҳам мен фақат уларнинг номларини тилга олиш билан чекландим. Ўйлайманки, бу асарлар келажакда махсус тадқиқотларга мавзу бўлаци. Фикримча, Бердақ номидаги Қорақалпоғистон Давлат мукофоти лауреати, шоир ва ёзувчи, таржимон, муҳаррир Кўпайсин Ерназаровнинг ижоди шундай илмий тадқиқотга муносиб.

2004

АДАБИЙ ЖАРАЁН ВА ИЖОД МАСЪУЛИЯТИ

(*такъинлар, тақризлар, мулоҳазалар*)

КОРАҚАЛПОҚ АДАБИЁТИНИНГ ҲАМ ЖОНКУЯРИ ЭДИ

(Эссе)

Ўтган асрнинг етмишинчи йилларининг охирлари. ЎЗРФА нинг А.С.Пушкин (ҳозирги Алишер Навоий) номидаги Тил ва адабиёт институтида илмий ходим бўлиб ишлаётган йилларим. Куттилмаганда Қорақалпоғистонга, Нукус давлат университетига ўқитувчи лавозимига ишга кетишинг тўғри келиб қолди. Бу ҳақда ўша пайтда Институтнинг директори лавозимида ишлаётган устозим, йирик адабиётшунос ва танқидчи Матёкуб Қўшжоновга айтмасдан, унга учрашиб, рухсат олмасдан кетолмасдим. Шу мақсадда унинг қабулига бордим ва:

— Домла мени Нукус университетига ишга юборишяяпти. Бироқ у ерда ҳеч кимни танимайман, мени ҳам ҳеч ким билмайди, — дейишим биланоқ, устоз:

— Менга қолса, кетмаганинг маъқул эди. Начора. Янги ташкил қилинган университетга кадр масаласида ёрдам беришимиз ҳам керак. Сен ташвишланма, у ерда менинг шогирдларим бор. Мен уларга унитверситетда дарс берганман. Агар янгишмасам, иккаласининг ҳам исми Камол бўлиши керак. Бири Камол Худойберганов, иккинчиси Камол Мамбетов. Улар жуда яхши, камтарин йигитлар, бемалол учрашиб, дўстлашсанг бўлади. Менинг шогирдим эканлигингни айтсанг, бирор зарурат бўлса, улар сени, албатта, кўллаб-куватлашади, — деди домла ишонч билан.

Матёкуб aka яна икки-уч катта олимнинг исмини ҳам айтиб, уларга ҳам хоҳлаган пайтингда менинг номимдан мурожаат қиласер, деб қўшиб кўйди.

Шундай қилиб, мен Нукус давлат университетига келиб ўзбек тили ва адабиёти кафедрасида иш бошладим. Иккала Камоллар билан ҳам вақти келганда учрашиб, танишдим.

Камол Мамбетов (жойлари жаннатда бўлсин) ниҳоятда са-мимий, ўта камтарин инсон экан. У билан салкам йигирма йил бир факультетда ишладик, жуда қадрдан бўлиб кетган-дик. Камол Худойберганов ҳам (уни ҳам оллоҳ ўз паноҳига олган бўлсин) олижаноб, жуда одамшаванд, ниҳоятда ма-даниятили ва эътиборли инсон эди. Гарчи у Н.Довқореев номидаги Тил ва адабиёт илмий-тадқиқот институтида иш-лаётган бўлса-да, онда-сонда йиғилишларда, адабий анжу-манларда кўришиб турардик. Ҳар учрашганимизда унинг менга берадиган биринчи саволи қуидагича бўларди: Кўшжонов домла билан алоқа қилиб турисизми, домла-нинг саломатлиги яхшими? Мендан домлага катта салом етказинг. Ўзингизнинг ишларингиз яхшими? Нукусга мос-лашиб кетдингизми? Мендан бирор ёрдам керак эмасми? деб сўрашни канда қилмасди раҳматли. Бу инсонлар, очиғи, Матёкуб aka таърифлагандан ҳам зўр йигитлар эканлигига ишонч ҳосил қўлдим ва Нукусда шундай дўстлар орттирга-нимдан хурсанд эдим. Домла бирон тадбир муносабати билан Нукусга келса, албаттга, унга бу ерлик шогирдлари, би-ринчи навбатда, Камол Худойберганов ва Камол Мамбетовлар ҳамроҳлик қилишарди, Матёкуб aka то Тошкентга қайтиб кетгунига қадар унинг сұхбатидан баҳраманд бўлишга ҳаракат қилишларига шахсан гувоҳман.

Хуллас, мен Матёкуб Кўшжоновни Нукусдаги ижодкор-лар, олимлар билан боғлаб турадиган, улар ўртасидаги ил-мий-ижодий ҳамкорликларнинг ривожланишида «восита-чи» вазифасини бажара бошладим. Чунки Матёкуб aka қора-қалпоқ адабиёти, адабиётшунос-танқидчилари ҳақида бирор маълумотга эҳтиёж сезса, дарров менга кўнғироқ қиласарди ёки Тошкентда учрашганимизда керакли нарсаларини сўраб оларди ё ўша материалларни почта орқали юборишимни илтимос қиласарди. Қорақалпоғистонлик олимлар ҳам дом-лада бирор ишлари бўлса, у кишининг яқин шогирди сифа-тида менга мурожаат қилишарди ва мен уларнинг илтимос-ларини ҳам бажонидил Матёкуб акага етказардим.

Матёкуб Кўшжонов қорақалпоқ адабиётининг профес-сионал тадқиқотчиси бўлмаса-да, бу адабиётга жуда хайр-коҳ, ихлоси баланд эди. Қорақалпоқ мумтоз адабиётини ҳам, ҳозирги замон қорақалпоқ адабиётини ҳам яхши би-ларди. Айниқса, у Ажиниёз ва Бердақ ижодига жуда қизи-

карди. Мумтоз шоирларнинг юбилей тантаналарида қат-нашиб, домланинг маърузалар ўқиганини илмий-адабий жамоатчилик, менимча, ҳали эсдан чиқаргани йўқ. Устознинг Ўзбекистоннинг марказий газета-журналларида Ажиниёз ва Бердақ ижоди тўғрисида бир неча мақолалар эълон қилганини биламан.

Тошкентга ҳар гал борганимда домлани зиёрат қилмай, сұхбатидан баҳраманд бўлмасдан қайтган эмасман. Матёкуб aka ҳар учрашганимизда, мендан ҳол-аҳвол сўраб бўлгач, биринчи навбатда, Нукусдаги шогирдларини, танишлари-ни, уларнинг саломатлигини сўради, илмий-ижодий фаолияти билан қизиқарди. Учрашиб ҳар бирига алоҳида-aloҳида салом етказишмни тайинларди. Домла бир учрашга-нимизда:

— Қорақалпоқ адабиёти жуфт қаҳрамонли адабиётга айланди. Бу жуда ибратли факт. Эшишиб ниҳоятда хур-санд бўлдим. Биласанми, менда шу жуфт қаҳрамонлар ҳақида бирор нарса ёзиш фикри туғилди. Нима дейсан? — деди.

— Жуда яхши ўйлабсиз, домла. Агар бу ишни амалга оширсангиз, хизматингизнинг баҳоси йўқ, — дедим устоз-нинг фикрини кувватлаб. Домла сўзини яна давом этди:

— Бу ишда менга сенинг ёрдаминг керак бўлади. Тўлеп-берган Қайипберганов ва Ибройим Юсуповнинг ҳамма асарлари менда йўқ. Борлари ҳам ўзбек тилига таржималари. Мен уларнинг асл нусхалари билан танишмоқчи эдим. Би-ласан, таржима бари бир таржимада, аслиятнинг айнан ўзи бўлолмайди. Таржимада асл нусханинг кўп фазилатлари йўқолади, баъзан ёзувчи ёки шоирнинг бадиий маҳоратини далиллашга хизмат қиласидиган муҳим жойлари таржимада тушиб қолган бўлиши мумкин. Шундай ҳолатлар таҳлилда тадқиқотчига панд беради. Шунинг учун ҳам мен имкон қадар таржима матни билан эмас, асл нусха матни билан иш кўраман. Сендан илтимос, мен сўраган китобларнинг асл нусхаларини топиб берсанг, — деди устоз.

— Мен Сизга зарур бўлган барча китобларни, керакли бошқа манбаларни ҳам, албатта, етказиб турман, — деб вайда қилдим.

Матёкуб aka яна сал ўйланиб турди-да:

— Сен менга нисбатан қорақалпоқ тилини яхши била-сан. Бу масалада баъзан сенга мурожаат қилишимга тўғри

келади. Тушунишим қийин сўзларни сендан сўраб оламанда! Қийналмайсанми? Ёрдам бера оласанми? – деди.

Устознинг тапининг оҳангидан: шогирдимни қийнаб қўймадиммикан, деган маънони сездим. Мен дарров домлага:

– Ҳеч тортинасдан хоҳлаган пайтингизда, хоҳлаган ёрдамни сўрайверинг, агар кўлимдан келса Сизга ёрдам беришга тайёрман, – дедим.

Домланинг юзи ёришиб кетди ва раҳмат сенга деб қўшиб қўйди.

Мен керакли китобларнинг деярли барчасини топиб домлага юбордим. Баъзи масалаларни устоз мендан телефон орқали сўраб турди. Тошкентга бир борганимда Матёкуб ака мақолаларни ёза бошлаганини, бу ишни яқин вақтларда якунлаяжагини айтди. Мақоласининг битган баъзи жойларини менга ўқиб берди, айрим масалалар бўйича фикрлашдик. Мақолаларнинг тугалланган қисми билан танишиб, шундай холосага келдимки, Матёкуб Кўшжонов жуфт қаҳрамонлар – Ибройим Юсупов ва Тўлепберган Қайиберганов ижоди ҳақида чуқур илмий таҳлилига асосланган фундаментал мақолалар туркумини тайёрлашга муваффақ бўлиди. Кўп ўтмай устознинг жуфт қаҳрамонлар ижодига бағишлиган мақолалари Ўзбекистон ва Қорақалпоғистон матбуотида кўрина бошлади. Айримлари Ўзбекистон радиосида ўқилди. И.Юсупов шеърияти ҳақида мақолалар дастлаб «Еркин Қарақалпақстан» ва «Аму тонги» газеталарида босилди. Жумладан, Ибройим Юсупов ижоди ҳақида қизиқарли услубда ёзилган «Шоир бахти» номли мақоланинг «Еркин Қарақалпақстан» газетасининг икки сонида (2003 й., 7,9 июнь) эълон қилингани қорақалпоқ илмий-адабий жамоатчилигига катта қизиқиш уйғотди ва яхши таассурот қолдирди.

М.Кўшжоновнинг ўқувчини ўз тадқиқотига эргаштириш, мавзуга қизиқтириш усули бор. У бирон шоир ёки ёзувчи ижоди ё унинг бирор асари таҳлилига киришмасдан олдин, шу мавзу билан боғлиқ бир воқеани эслайди, мақола ёзишга туртки бўлган ўша ҳолатни жуда қизиқарли ҳикоя қиласиди, худди бадиий асар ўқигандек завқланиб, ҳатто тадқиқотнинг «ичига» кириб кетганингизни ҳам сезмай қоласиз. Кейин диққатингизни сўз юритилмоқчи бўлган мавзу

таҳлилига қаратади. Энг асосийси, муаллиф ҳикоя қилган ўша воқеани мавзуга шундай усталик билан боғлайдики, унинг асосий мавзудан ташқарида эканлиги хаёлингизга ҳам қелмайди. Бу Матёкуб Кўшжоновнинг бадиий асарни таҳлил қилиш усулига хос, кўп тадқиқотчиларда учрайвермайдиган ноёб истеъод қирраси. Шунинг учун ҳам устознинг мақолалари, китоблари зерикмай ўқилади, ўзингизни худди бадиий асар ўқиётгандек ҳис қиласиз, эстетик лаззат оласиз.

Ибройим Юсупов ҳақида мақола ҳам шундай бадиий-илмий услубда ёзилгани учун жуда ўқимишли. Муаллиф мақолани Ибройим Юсупов билан илк танишувига сабаб бўлган бир воқеадан бошлайди. Мақолада бу воқеа қуйидаги мазмунда келтирилади: 1951 йил. Матёкуб Кўшжонов «Марказком» деб аталган Ўзбекистоннинг бош идорасининг топшириғи билан бир танқидий материал бўйича илмий-тадқиқот институтларидан бирини текшириш учун Нукусга келади. Ўша кезларда институтга қорақалпоқ зиёлиларидан чиқкан биринчи фан доктори Нажим Довқораев раҳбарлик қилаётган бўлади. Ишни институтдаги муҳитни, ходимларнинг ўзаро муносабатларини ўрганишдан, директор Н.Довқораевнинг фаолияти билан танишувдан бошлайди ва институт раҳбарига нисбатан қўйилган айблар: ўтмишни идеаллаштириш, институт ходимлари Н.Довқораев бошчилигида гўё миллатчилик руҳида асарлар ёзиш билан шугулланаётгани, реакцион урф-одатларни қўллаб-қувватлаш ва тарғиб қилиш, булар шўролар сиёсати ва мафкурасига зид эканлиги в.ҳ.лар, ҳақиқатан ҳам институт директорига юклантган жиддий айблар эди. М.Кўшжонов бу масалани ўрганиб чиқиш ва маълум бир холосаларга келиш бир ўзи учун осон эмаслигини тушунади ва вилоят раҳбарларидан муаммони холис ўрганища ёрдам бера оладиган бирор ёрдамчи тайинлашни сўрайди. Масъул ходимлардан бири унинг бу илтимосини инобатга олиб, институтнинг ўш ходимларидан бирини эргаштириб келади ва: мана шу йигит Сизга ёрдамчи бўлади. Фамилияси Юсупов, исми Ибройим, деб танишитиради.

М.Кўшжонов Ибройим Юсупов билан бир неча кун бирга ишлаш жараённада унинг анча билимли, мушоҳада уфқи қенг, ҳар бир масала бўйича холисона фикр юрита оладиган, асо-

сийси, қорақалпоқ адабиётини, қорақалпоқ халқи тарихини, урф-одатларини, халқ оғзаки ижодини теран биладиган, рус тилини ҳам яхши ўзлаштириб олган, сиёсий саводи ҳам етук ходим эканлигига ишонч ҳосил қиласди ва унинг кўмагида кўп масалаларни холисона ечишга муваффақ бўлганини мақолада қониқиши билан ёзди. Ибройим Юсупов билан илк учрашувдаги таассуротлари ва институт фаолиятини текширишда кўрсатган ёрдами ҳақиқатига фикрларини мақола муаллифи қуидагича якунлади: «*Ёш ҳамкорим (Ибройим Юсупов – К.К.) менга ўшанда кўп ёрдам қилди. Билими, зийраклиги билан ажralиб турган бу йигит қорақалпоқ тарихи, адабиёти, хусусан, кўп айномаларга сабаб бўлган халқ ижодиётининг муҳим қурралари хусусида менга анча-мунча маълумот берди. Унинг кўмагида Тошкентга адолатли холоса билан қайтдим.*

М.Кўшжоновнинг бундан салкам эллик беш йил олдин Қорақалпоғистон заминида Тил ва адабиёт илмий-тадқиқот институтида бўлган бу воқеанин барча тафсилотлари билан хотирасида сақлагани ва ушбу мақоласида фойдалангани, менимча, олимнинг қорақалпоқ халқига, адабиётига, қола-верса, зиёлларига бўлган хайрҳоҳликнинг, хурматнинг бир кўриниши эди.

Муаллиф мана шундай қизиқарли муқаддимадан кейин Ибройим Юсупов лирикаси таҳлилига ўтади. Шоирнинг ўзига хос бадиий салоҳияти, шоирлик маҳорати тўғрисида бетак-рор фикрлар билдириди, унинг қорақалпоқ шеъриятидаги мавқеини ўзбек адабиётшуноси нуқтаи назаридан баҳолайди. М.Кўшжоновнинг «Оролбўйи қуйчиси. Ўзбекистон Қаҳрамони Ибройим Юсупов суратига чизгилар» («Халиқ сўзи» газетаси, 2006 йил, 7 январь) номли катта мақоласи ҳам Ўзбекистон жамоатчилигида яхши таассурот қолдирди. Афсуски, бу мақоласини газета саҳифасида кўриш устозга насиб этмади, у домланинг вафотидан кейин эълон қилинди.

Матёкуб Кўшжонов замонавий қорақалпоқ адабиётидаги бўлаётган ҳар бир янтилик билан қизиқарди, имкон қадар улар билан танишиб боришга ҳаракат қиласди. Эсимда бор. Ўтган асрнинг 80-йилларининг бошларида Т.Қайипбергановнинг «Кўзнинг қорачиги» романига нисбатан ҳар хил мафкуравий таъзийклар ўтказилиб, уни асосиз танқид қилиш тенденцияси кучайтирилган бир даврда Матёкуб

Кўшжонов асарни матбуотда қўллаб-қувватлаб чиққанди. Ёзувчининг ҳаёт ҳақиқатини бадиий ҳақиқатга айлантиришдаги ижодий дадиллигига холис баҳо берганди. Бадиий асарни баҳолаганда ғоявий-сиёсий негизига ургу қиласвер-масдан унинг бадиийлигига, тасвирангтан воқеаларнинг қайдаражада ҳаёт ҳақиқатига мос ёки мос эмаслигига, маъно-моҳиятига қараб холоса чиқариш керак деган фикрни домла ўша чиқишида илмий асослаб берган эди. Ва «Кўзнинг қорачиги» романи қорақалпоқ адабиётининг жиддий ютуқларидан бири, деган холосавий фикрни айтганди. Бу масалада устознинг ҳақ эканлиги, роман, чиндан ҳам, сўнгги йиллар қорақалпоқ адабиётидаги турмушни реалистик тасвирилашда олга ташланган дадил қадам бўлганлиги мустақиллик йилларида тан олинди ҳамда роман қорақалпоқ адабиётидаги ўз ўрнини топди.

Матёкуб Кўшжоновнинг жуфт қаҳрамонлар – Тўлепберган Қайипберганов ва Ибройим Юсуповга хурмати баланд эди, улар ижодини жуда қадрларди. Бу икки адаб тимсолида қорақалпоқ адабиётининг бугунги бўй-бастини, тараққиёт уфқларини, порлоқ келажагини кўрарди ва беҳад мамнун эди. Устоз жуфт қаҳрамонлар ҳақиқатига мақолалар туркумини қуидаги фикрлар билан якунлагани мана шу эътирофнинг мантиқий холосаси эди: «Бугун қорақалпоқ адабиёти жуфт қаҳрамонли адабиёт ҳисобланали. Тўлепберган Қайипберганов ва Ибройим Юсуповлар кўксидаги порлаб турган «Олтин Ўлдуз» шуъласи, умуман, бугунги қорақалпоқ адабиёти йўлини ёритиб, унинг истиқболига ҳам шур таратиб турибди. Бу икки қаҳрамон адиллар – бири ўзининг улкан насрый ижоди, иккинчиси ўзининг дилбар шеърияти билан қорақалпоқ адабиётини Марказий Осиёдағи забардаст адабиётлардан бирига айлантириди».

Тошкентда домла билан бир гал учрашганимизда:

– *Биласанми, Аму воҳасида – Қорақалпоғистон, Хоразм, Тошховузда яшаб ижод қилаётган таниқли шоир ва ёзувчилар, олимлар ҳақида ёзгандарим, ўйлаб қарасам, анча-мунчага етиб қолибди. Шуларни жамлаб бир китоб қилмоқчиман. Номини ҳам ўйлаб қўйдим, «Жайхун жилолари». Энди унга жуфт қаҳрамонлар ҳақиқатига мақолаларимни ҳам кўшаман. Қалай ўйлабман? Режам сенга маъқулми?* – деди самимий табассум билан Матёкуб ака.

— Жуда хайрли ишга кўл урибсиз устоз. Шундай китоб, албатта, керак. У адабий алоқаларимизга ҳам хизмат қилади, — дедим хурсандлигимни ошкор этиб.

— Бу масалада ҳам менга худди олдингидаги дикқат, сенинг ёрдаминг керак бўлади, — деди домла.

Мен устозга савол назари билан қарадим. У сўзини давом этди:

— Нукусда Собир Камолов деган катта олим бор. У академик. Эшишган бўлсанг керак. Мен уни анчадан бери танишман. У ҳам урушда бўлган. Қуролдош дўстмиз. Жуда яхши одам. Шу киши ҳақида ҳам ёзib «Жайхун жилолари»-га қўйсам дегандим. Собир Камоловнинг иирик тарихчи олим эканини биламан, айрим китобларини ўқиганман. Лекин менга унинг шахсий ҳаётига тегишли баъзи маълумотлар керак. У эшонлар авлодидан бўлгани учун шўролар даврида бироз кувинга учраган, деб қисман эшишганман. Шулар ҳақида менга сал кенгроқ, ишончлироқ материаллар керак. Шу маълумотларни Собир Камоловичдан сўраб, балки 4-5 бет ёзив берар, менга тез етказсанг дегандим.

Шу пайт дарров хаёлимга қўйидаги фикр келди: Матёкуб Кўшжоновни ҳам шахс, ҳам адабиётшунос-танқидчи сифатида кўп йиллардан бери биламан. Илмий лабораторияси, ижод қилиш, мақола ва тақризлар ёзиш принциплари билан ҳам анча-мунча танишман. Турли соҳа олимлари, ижодкорлари билан мuloқotлariни ҳам кўп маротаба кўрганим эсимда. Гап шундаки, Матёкуб aka дуч келган олим, шоир ёки ёзувчи ё бирор сиёсий арбоб тўғрисида ёзаверадиган адабиётшунослардан эмас. Устоз ўша шахснинг, майли қайси соҳа ходими бўлишидан қатъий назар, агар ижодкор бўлса, адабий жараёндаги мавқеи, таланти ва истеъодига, мабодо у шахс давлат арбоби бўлса, ижтимоий-сиёсий ҳаётдаги ўрнига, ҳалқ ўртасидаги обрўсига, агар олим бўлса илим оламидаги салоҳиятига, энг муҳими, инсон сифатидаги хислатига, қолаверса, ўзининг дунёқараши, кўнглига қайдаражада яқинлигига қараб иш кўради, ижоднинг у ёки бу жанрида унга муносабат билдиради, мароқ билан ёзади. Устознинг илмий-танқидий фаолиятида бунга мисоллар кўп. Жумладан, домланинг «Дийдор» китобида бунинг ифодасини кўрган эдик. Демак, Собир Камолов ҳам домланинг ҳурматини қозонган ҳам катта олим, ҳам олижаноб, камта-

рин инсон, бир элнинг оқсоқоли даражасига кўтарилиган ҳалқ эъзозидаги зиёлilarдан бири, ўзида жуда яхши таасуротлар қолширгани ва энг асосийси, қуролдош дўст бўлгани учун дил сўзларини қоғоз бетларига муҳрлашга қарор қилибди-да, деган фикр кўнглимдан ўтди ва устознинг бу режасига ҳам чин дилдан хайриҳоҳ эдим. Лекин бу вазифа менга бироз мушкулроқ туюлаётганини яшира олмасдим. Собир Камолов катта олим, академик, Қорақалпоғистонда у кишининг обрўси жуда юқори, эл оқсоқолларидан бири бўлса. У киши билан бирор марта юзма-юз учрашиб мулокотда бўлиб кўрган эмасман. Шундай мартабали одамга унинг шахсий ҳаётига тегишли бундай нозик гапларни айта олармиканман, деган ташвиш юз-кўзимдан сезилиб турган бўлса керак, Матёкуб aka менинг ҳолатимни дарров сезди шекилли, жавобимни кутмасданоқ, гапини давом эттириди:

— Бу масалада ҳеч тортинма. Собир Камолович шундай катта обрў-эътиборли олим, жамоат арбоби бўлса-да, жуда камтарин, олижаноб инсон. Узоқ йиллар катта лавозимда ишлаган даврида ҳам бирор одамга қўпол гапириб, хафа қилганини эшишмаганман. Жуда самимий инсон эканлигига мулокотларимизда кўп маротаба шахсан ўзим ҳам гувоҳ бўлганман. Шунинг учун сен ҳеч тортинмасдан мурожаат қиласкер. Мендан салом етказиб, илтимосимни айтсанг, у албатта, сўраган маълумотларни беришига ишонаман.

Матёкуб аканинг ўзи ҳам инсон сифатида жуда камтарин, самимий, бирорвоннинг дилини оғритадиган одам эмасди. Балки мана шу сифатлар бу икки инсонни бир-бирига яқинлаштириб, дўстлаштиргандир. Хулас, Нукусга қайтиб келганимдан кейин ҳам бирмунча вақт Собир Камоловга кўнгириқ қилиб Матёкуб Кўшжоновнинг илтимосини айтишга журъат этолмай юрдим. Лекин бари бир кунларнинг бирида у кишининг уйига қўнгириқ қилишимга тўғри келди. Телефонга Собир Камоловични чақириб беришларини сўрадим. Салдан кейин телефон гўшагини Собир оға кўтарили. Салом-аликдан кейин Матёкуб аканинг саломини етказдим ва мақсадимни айтдим. Собир оға мени дикқат билан тинглади-да, домла сўраган мавзу бўйича шахсий ҳаёти билан боғлиқ баъзи масалаларни шу пайтнинг ўзидаёқ гапириб бера бошлади. Симнинг нариги томонидан шундай

самимий ва таъсирили сўзлар оқиб келардики, у киши мен билан гўё кўпдан бери таниш, деярли ҳар куни мулоқотда бўлиб юрган одамдек, бегонасирамасдан, ҳеч нарсани яшимай гапираётганини ҳис қилиб туардим. У кишининг ўта самимийлигига, камтаринлигига ўша телефондаги сұхбатимиз чогидаёқ ишонч ҳосил қилдим.

Хуллас, Собир оға телефонда айтган гапларини қоғозга тушириб беришни ваъда қилди. Ва сўзининг охирида:

— Кўнгироқ қилиб тур, бир ҳафтанинг ичидаги битириб беришга уриниб кўраман, — деди.

Мен ишим биттанидан ниҳоятда хурсанд кайфиятда эдим. Шу пайтнинг ўзидаёқ Тошкентга, Матёкуб Кўшжоновга кўнгироқ қилдим, Собир Камоловнинг саломини етказиб, ишнинг натижаси ҳақида домлага «ҳисобот» бердим. Домла жуда хурсанд бўлди ва Собир Камоловичга салом айтиб қўйишмни тайинлади.

Онда-сонда шу иш юзасидан Собир оғага кўнгироқ қилиб турдим. Ҳар гал телефон қилганимда, у киши исимимни айтмасимданоқ, овозимни эштиши билан Каримбоймисандерди ва сұхбатимиз жуда самимий бўларди. У киши билан сўзлашган сари сўзлашгингиз келаверарди. У менинг тасаввуримда гўё жонли тарих бўлиб гавдаланаарди. Сұхбат чорларида Собир оғанинг Матёкуб Кўшжоновга ҳурмати ниҳоятда баланд эканлигини, қуролдош дўстларнинг бир-бirlарига муносабатлари ўта самимий ва ибрат қиласа арзигулик муносабатлар эканлигини кўриб, ич-ичимдан ҳавасим келарди. Матёкуб ака ҳам Собир Камалов ҳақида тўлиб-тошиб гапиради, унинг олижаноб фазилатларини улуғлагани улуғлаган эди. Устознинг бу катта олим ҳақида бирор нарса ёзиб «Жайхун жилолари» китобига киритишни ният қилгани бежиз эмас экан-да деган хulosага келдим. Собир оға сўраган материалларни келишилган муддатдан бир неча кун олдин тайёрлаб берди ва мен уни зудлик билан Тошкентга, устозга юбордим.

Матёкуб Кўшжоновнинг саломатлиги сўнгги пайтларда анча заифлашган эди. Домла кўпроқ шифохоналарда бўлиб даволанаётганидан хабардор эдим. «Жайхун жилолари» китобини нашрга тайёрлашга киришган кунларида у анча бетоб эди, илмий иш қилиш, ёзиш қобилияти ҳам кун сайнин пасайиб бораётганди. Шунга қарамасдан, мен Собир Камо-

лов берган материалларни устозга юборгандим. Матёкуб ака бу материаллар кўлига келиб тушганини, ёзишга чорланаштганини айтган эди. Лекин домла бу ишни ниҳоясига етказдими, Собир Камолов ҳақида мақола ёзиб, уни «Жайхун жилолари»га киритиб улгурдими? Ёки материаллар устознинг ёзув столи устида қолиб кетдими? Бу менга ҳозирча маълум эмас. Сабаб Матёкуб Кўшжонов бу пайтларда ҳаётининг энг сўнгги кунларини яшаётган экан. Устоз 2005 йилнинг август ойида 87 ёшида оламдан ўтди.

Китоб устознинг вафотидан сўнг унинг шогирдлари, маслакдошлари томонидан нашрга тайёрланмоқда деб эшидим. Афсус, «Жайхун жилолари»ни китоб шаклида кўриш устозга насиб этмайди. Бироқ олимнинг бу сўнгги асари унинг Аму воҳаси шоир ва ёзувчилари ижодига, олимлари фаолиятига хайрҳоҳлигини, ҳурмати ва эътирофини намоён этувчи, адабий дўстликка хизмат қиласидан китоб, аниқроғи, Матёкуб Кўшжоновдан ёдгорлик бўлиб қолишига шубҳа йўқ.

Мен Матёкуб Кўшжоновнинг Қорақалпоғистондаги бальзи ижодкорлар, айрим олимлар билан алоқалари тўгрисидагина сўз очдим. Ҳолбуки, домланинг бу ўлқадаги танишларининг, шогирдларининг сони кўп. Устоз ҳамиша уларнинг ишлари билан қизиқиб, зарур бўлса ёрдам бериб, қўллаб-қувватлаб турганини, баъзиларининг ижодини Ўзбекистон кўламида тарғиб қиласидан биламан. Айниқса, филолог кадрлар тайёрлаш масаласида устоз ҳеч қачон четда турган эмас, доимо имкон қидириб ёрдам беришга ошиқарди.

Устоз адабиётшунос олим Матёкуб Кўшжонов ҳаёт бўлғанларида бу йил ўзининг 90 ёшини нишонлаган бўларди. Афсус, домла бу кунларга етиб кела олмади. Элликдан ортиқ китобини, олти юзга яқин мақолаларини ҳалқимизга, мутахассисларга мерос сифатида қолдирган ноёб истельод соҳиби Матёкуб Кўшжонов, гарчи, бугун орамизда бўлмаса-да, устознинг табаррук ёши илмий-адабий жамоатчилик, яқинлари даврасида, Қорақалпоғистонда ҳам кенг нишонланди, унинг эзгу ишлари ёдга олинди.

Ҳа, бетакрор олимларнинг сўзи, асарлари ҳеч қачон ўлмайди, ҳамиша тирик, адабиёт ихлосмандлари қалбida мағигу яшайди.

Академик Матёкуб Кўшжонов ҳақидаги ушбу мақолани якунлар эканман, хаёлимга келган бир фикрни айтмоқчи-ман. Қорақалпоқ адабиётига хайрхоҳ, унинг жонқуяри бўлиш учун фақат Қорақалпоғистонда ёки Нукусда яшаш шарт эмас экан. Ташқарида туриб ҳам бу адабиётнинг ижодий ютуқларига ҳамнафас бўлиш, шоир ва ёзувчилари ҳақида фикрлар билдириб, асарларини Ўзбекистон доирасида тар-ғиб қилиш мумкин экан. Бунга йирик олим, академик, бир неча энг юқори Давлат мукофотлари совриндори бўлган Матёкуб Кўшжоновнинг қорақалпоқ адабиёти ҳақидаги тад-қиқотлари, ижодкорлари тўғрисидаги мақолалари, меним-ча, мисол бўла олади.

2008

СУЙНИНБ ЁЗАДИ, КУЙНИНБ ЁЗАДИ

Шундай ижодкорлар бўладики, ижтимоий-иқтисодий ҳаётда учраб турадиган баъзи бир вақтинчалик қийинчиликларни баҳона қилиб бадиий ижоддан «совиб» кетади. Ҳаттоқи айримлари турмушнинг дастлабки синовларида ёқ қалам билан қофозни йиғиштириб кўя қолади. Шундай шоир ва ёзувчilar ҳам борки, улар ҳар қандай шароитда ҳам адабий фаолиятини тұхтатмайди, учраши мумкин бўлган барча қийинчиликларни енгиб, адабиётга нисбатан садоқатини на-мойиш этади. Ижоднинг янги чўққиларига қараб дадил одимлайверади, фидоий қаламкаш сифатида ҳалқ назарига тушади, хурмат қозонади. Бердақ номидаги Давлат мукофоти лауреати, истеъодли шоира ва публицист Гулистон Матёкубова шундай фидоий ижодкорлардан бири.

Гулистон Матёкубова ўтиш даври муаммоларига қара-масдан, ижод аҳлига мустақиллик яратган имкониятлардан унумли фойдаланиб, адабиётнинг турли жанрларида асарлар ёзиб, ўзбек ва қорақалпоқ адабиётини бойитиб ке-лаётган сермаҳсул қалам соҳиби. Ҳозиргача Ўзбекистон ва Қорақалпоғистон нашриётларида шоиранинг ўзбек, қорақалпоқ ва рус тилларида йигирмага яқин шеърий ва настрий китоблари босилиб чиқди. Икки республиканинг газета-журналларида, адабий-бадиий тўпламларда эълон қилинган очерклари, публицистик мақолалари ва бошқа

жанрлардаги асарларини ҳам инобатга олсанк, шоиранинг истиқюл йилларида бадиий ижод билан фаол шуғулланга-нига гувоҳ бўламиз.

Гулистон Матёкубованинг Ўзбекистонда ҳам, Қорақалпоғистонда ҳам талантли шоира сифатида тан олинганига кўп йиллар бўлди. Ўзбек ва қорақалпоқ адабиёти ва ада-биётшунослигининг таниқли вакиллари унинг ижодини юқори баҳолади. Зулфия, А.Орипов, О.Матжон, Н.Ху-дойберганов, Б.Назаров, Қ.Раҳимбоева сингари атоқли шоирлар, адабиётшунос ва танқидчиларнинг Гулистон Матёкубова ижоди ҳақида матбуотда айтган фикрлари, ёзган мақолаларини, ҳар хил адабий минбарлардан туриб билдирган мулоҳазаларини тилга олиш ўринлидир. Зулфия-дек атоқли шоиранинг назарига тушиш, унинг юқори баҳосига муносиб бўлиш ҳамма ижодкорга ҳам насиб қила-вермайди. Зулфия бундан бир неча йил олдин матбуотда «Гулистоннинг бўстони»¹ номли мақола эълон қилган-ди. Унда Гулистон Матёкубованинг ижодига назар таш-лаб, шогирдининг шеъриятда эришаётган ютуқларидан кўнгли тўлиб, унинг келажагига катта ишонч билдирган эди. Гулистон устозининг бу ишончини оқлади, деб бу-гун бемалол айта оламан. Ҳозир у шеърият бўстонининг чинакам истеъодли ва таниқли шоирларидан бири. Бу ҳақиқатни қорақалпоқ шоир ва ёзувчilarи, адабиётшу-нос олимлари ҳам эътироф этишади. Т.Қайипберганов, И.Юсупов, Г.Есемуратова, К.Мамбетов, С.Баҳадировалар-нинг мақолаларида, шоиранинг китобларига ёзган сўзбо-шиларда Гулистон Матёкубованинг қорақалпоқ китобхон-лари, адабий-илмий жамоатчилиги ўртасида ҳам кенг та-нилган машҳур ижодкор эканлиги яқдиллик билан таъкидланади.

Шоиранинг баъзи китоблари Тошкентда ўзбек тилида босилган бўлса, «Баҳт келтирган баҳор», «Нурли кунлар», «Юрак билан юзма-юз» тўпламлари Нукусда, қорақалпоқ тилида нашр этилди. «Прекрасное чувство» номидаги китоби ҳам муҳлисларга етказилди. У «Юрак билан юзма-юз»-шеърлар тўплами учун Бердақ номидаги Давлат мукофоти-

¹ Зулфия. Гулистоннинг бўстони. «Ўзбекистон адабиёти ва санъати», 1993, 2 июль.

га сазовор бўлди. Ўнаб шеърларига қорақалпоқ композиторлари куй басталади, хонандалар уларни мароқ билан ижро этиб келмоқда.

Шоира эълон қилған асарларнинг асосий қисми мустақиллик йилларига тўғри келади. Унинг ижоди истиқдол йилларида янги шакл ва мазмун билан бойиди, чиниқди. Гулистоннинг поэтик китоби бўладими ёки публицистик асарлар туркумими ёхуд саҳна учун ёзган пъессалари десизми, ҳаммаси ҳам ҳеч қачон муҳлислар эътиборидан четда қолган эмас, доимо қизиқиши билан қабул қилинган. Унинг «Излаганларим»¹ номли шеърий тўплами, назаримда, шоиранинг ижодий қиёфасини, маҳоратининг ўзига хос жилоларини ёрқин очиб берган китоб бўлди. Муаллифнинг эллиқдан ортиқ шеърлари ва тўрт достонини қамраб олган, салкам йигирма босма табоқ ҳажмидаги бу асари фақат шоиранинг эмас, мустақиллик даври ўзбек ва қорақалпоқ шеъриятининг ҳам эътиборга лойиқ ютуқларидан бири бўлди. Миллий гоя, миллий мафкура концепциясини яратиш, миллий қадриятларимизни қайта тиклаш ва ҳётга талбиқ этиб, ҳалқимиз онгига сингдириш бўйича ишлар қизгин давом этаётган бир шароитда, китобхонларга маънавий куч бағишиладиган бундай асарларнинг нашр этилишини фақат қўллаб-қувватлаш зарур. Ўзбекистон ва Қорақалпогистон ҳалқ ёзувчиси Тўлепберган Қайипбергановнинг «Озод кўнгил гулдастаси» номли ушбу китобга ёзилган сўзбошиси шоира ижодига берилган ўзига хос баҳодир. Маъно-мазмунига миллий гоялар ва миллий мафкура руҳи сингдирилган бундай асарлар бугун ҳалқимизнинг маънавий эҳтиёжи учун жуда зарур. «Излаганларим» китобхонларнинг айнан шу эҳтиёжини қондиради, миллий қадриятларимизнинг истиқдол даври учун аҳамиятини ҳис қилиб яшашга, руҳий покланишга, ўзлигини англашга илҳомлантиради, мустақиллик гояларига садоқат билан хизмат қилишга унайди. Тўпламдаги ҳар бир шеър ва достон мазмунида ушбу гоялар устивор.

Г.Матёқубова ҳаёт ташвишлари ва қувончлари ҳақида куйиниб ва суйиниб ёзадиган, юрагида доимо ижод завқи жўш уриб турадиган, эҳтиросли шоира. Унинг лирик қаҳра-

монлари ҳам яратувчи, курашчан, мустақиллик гояларига ишончи мустаҳкам, қадриятларни улуғлайдиган, маънавий стук инсонлар. Улар яхшилик ва ёмонлик, адолат ва ноҳақлий ўртасидаги азалий қарама-қаршиликка, турмушдаги камчиликларга муросасиз, қалби олов замондошларимиздир. Шу билан бирга қалби ҳасад, худбинлик, ичиқоралик, пасткашлик иллатлари билан тўлиб-тошган, ҳавас билан эмас, ҳасад билан яшайдиган кимсаларни шоира «ҳасад ўйинига айланган тирик мурдалар» деб лаънатлайди. Уларнинг «Чириб бораётган қора юраги, занг боссан фикрлари» ҳеч қачон «дунёнинг энг гўзал сўзларини эшита олмаслиги, кўкда ҳам, ерда ҳам меҳр нурини сеза олмаслиги» ҳақида кескин фикрлар айтади. Юраги қора, виждони инсонларга озор беришдан роҳатланадиган, келажакка соя ташлайдиган бандаларнинг ҳам жамиятимизда бор эканлигини шоира яшириб ўтирумайди. Шеърларидан бирида шундай мисралар бор: «Биламан, қора булат, қора мақсад хаёллар, Кезиб юрар ёнимда, гоҳо узоқ-яқинда». Лирик қаҳрамоннинг ҳиссий мушоҳадаларидаги бу изтироб тўлқини ўқувчининг ҳам дилини ўртайди. Лекин бундай нопокликлар, пасткашликлар лирик қаҳрамоннинг умид учқунларини сўндира олмайди. Юксак инсоний фазилатли одамларнинг орасида, уларнинг оламида, «согинган, сиғинган, суюнган» озод Ватан қучофида унга «яхшилик, поклик тимсоли» бўлиб яшетганидан фахрланади.

Шоиранинг кўп шеърларида ҳиссиётлар кураши ҳукмрон. Яхшилик билан ёмонлик, инсонпарварлик билан ёвузлик, муҳаббат ва рашқ, садоқат ва хиёнат ўртасидаги зиддият шиддатли ва аёвсиз. Ҳар бир шеърнинг ички мазмунидан муаллифнинг яхшилик, гўзаллик ва покизалик, эзгулик тарафида эканлигини, маънавий қашшоқликдан нафратланишини, инсонийликдан маҳрум кимсаларнинг ҳатти-ҳаракатларидан газабланишини ҳис қилиб турасиз. Унинг «Танамда бир ўт ёнади», «Кўнглим тақорлайди табиат», «Озод юрт, озод кўнгил», «Қалбимга» каби шеърларида шу ҳилдаги туйғулар кураши юксак бадиий шаклда ифодаланган. Шеърларда эҳтирос кучли, фикрларнинг салмоғи катта. Поэтик умумлашмалар, фалсафий мушоҳадалар, хуласалар ўқувчини ҳаёт ва одамлар ҳақида фикрлашга, ҳукм чиқаришга даъват этади. Лирик қаҳрамоннинг тафаккур

¹ Г.Матёқубова. Излаганларим. Тошкент., «Ёзувчи», 2000.

тарз�다, түйгүларнинг бадий талқинида сохталиқ, сунъиilikни сезмайсиз. Муаллиф лирик қаҳрамон кечинмаларини самимий эҳтирос билан баъзан суйиниб, баъзан эса күйиниб қоғозга туширади. Фикрлар билан түйгүлар уйғулуги Гулистон шеърларининг бош фазилатидир.

Шеърият образли тафаккур эканлиги маълум. Шеърни шеър қиласиган нарса ҳам образлилик деб бекорга айтилмайди. Атоқли шоир Абдулла Орипов мақолаларидан биринда адабиётни, жумладан «Шеъриятни образлиликсиз тасаввур қилиш мумкин эмас» деб ёзганида катта илмий ҳақиқат бор. Образлилик конкрет лирик қаҳрамон ёки табият образи воситасида ҳаётда ва табиятда рўй берадиган у ёки бу воқеа-ҳодисалар тўғрисида поэтик фикрлаб, фалсафий хулоса чиқаришнинг бир усули. Рамзий образлар орқалигина бадий умумлашмалар қилиш, ўқувчига керакли, унутилмайдиган фикр айтиш мумкин. Шеъриятда шоирнинг поэтик маҳоратига далил бўладиган бош белги ҳам шу. Муаллифининг «Гилослар», «Сўраса бир шамол мени излайди», «Жийдалар гуллабди», «Шамоллар», «Биз терган гуллар» номли шеърлардаги образлилик, кўчма маъноли ўҳшатишлар фақат ўқувчининг түйгүларига эмас, дунёқарашиба ҳам таъсир кўрсатади, одам ва олам ҳақида фикрлашга ўргатади. Шоиранинг «Излаганларим» тўпламидаги қайси шеърни ўқиб кўрмайлик, инсоннинг нозик кечинмалари илҳом билан ҳаққоний ва табиий, давр руҳига мос тарзда, эҳтиросли ифодаланганини кўрамиз.

* * *

Гулистон Матёкубованинг достончиликдаги ижодий изланишлари ҳам эътиборга сазовор. Айниқса, Жанна Д'арк ҳақидаги «Куёш қизи ва само садолари» номли достони муҳлисларда қизиқиш уйғотди. Шоира Зулфия достонни ўқиб жуда таъсирланганини, ҳайратга тушганини матбуотдаги чиқишлиарида айтди. Гулистоннинг бошқа достонлари ҳам жўшқин илҳом ва маҳорат билан ёзилган. Унинг «Дарёга ботаётган қуёш», «Зиёга ботаётган дарё» достонлари бадиийлик бобида анча пишиқ. Икки достон ҳам ёзилиш услуби, композицияси жиҳатицан ўзаро яқин. Мазмуни ҳам қисман ўҳшайди. Фикримча, уларни ўзаро боғлаб, маъносини уйғунлаштириб турадиган бир хусусият бор. Бу – ҳозирги

авлодни тарихимиздаги миллий қафриялар билан таништириш, буюк тарихий шахсларнинг бугунги авлодга сабоқ бўладиган хислатларини бадий талқин қилиш ва шу орқали ўкувчилар қалбида ўтмишга нисбатан фахрланиш түйгүларини уйғотиш. Икки достоннинг бош гояси ҳам шунга қаратилган. Тарихда из қолдирган улуғ бобокалонларимизнинг васиятларига, намунали ишларига содик қолиб яшашга, меҳнат қилишга даъват достонларнинг маъно-мазмунига айлантирилган. Муаллиф тарихнинг маънавият чашмаларидан бутунги авлодни баҳраманд этади, бу манбаларни истиқлол манфаатларига, инсонларнинг маънавий тарбиясига бўйсундиради. Инсоният тарихида илм-маърифат, маънавият қуёши бўлиб порлаган Жалолиддин Румий, Абу Райхон Беруний, Нажмиддин Кубро, Сулаймон Боқирғоний, Паҳлавон Маҳмуд, Аҳмад Яссавий, Алишер Навоийдек буюк сиймоларнинг адабий-илмий ва бадий хазинаси, одоб-ахлоққа доир асарлари, дидактик достонлари истиқлол даври руҳини, ҳозирги замон нафасини бадий талқин қилишда муаллиф учун руҳий таянч бўлди. Шоира бу улуғ алломаларнинг маънавий хазинасидан руҳий мадад олиб, мазкур достонларни ижод этган.

Достонлар марказига қўйилган образлар дунёқараши кенг, иймон-эътиқоди бутун, иллатларга муросасиз, инсоний фазилатларни ҳар қандай мураккаб вазиятда ҳам ҳимоя қилишга қодир фаол кишилар. Шунинг учун ҳам китобхон уларнинг ҳатти-ҳаракатларига бефарқ эмас, қийналса қийналади, қувонса қувонади, яхшилик томонида туриб ёвузликни қоралайди. Бу асарларнинг тарбиявий аҳамияти ҳам катта. Биринчидан, у ўқувчини одамгарчилик фазилатларини қадрлашга ўргатса, иккинчидан, ҳар бир китобхонни шоир идеалига ёт иллатларга нафрат руҳида тарбиялайди. «Дарёга ботаётган қуёш» ҳам, «Зиёга ботаётган дарё» ҳам шу фазилати билан адабиётимиз, маънавиятимиз учун керакли асар.

Гулистон Матёкубованинг достонлари орасида ҳажман катта бўлмаган «Зулфия» номли ихчам бир асар бор. Унда ҳаётдан бевақт кетган, орзу-армонлари эрта сўнган ёш аёл – Зулфиянинг ачинарли тақдирни ҳикоя қилинади. Достон қандайдир ички дард билан ёзилган. Муқаддимадан тортиб охирги саҳифасигача ўқувчини изтироб алангаси чулгаб олади. Аччиқ қисматнинг қурбони бўлган Зулфиянинг ўлимидан кейин лирик қаҳрамон қалбида тугён урган психо-

логик ҳолатлар, нолалар талқини ўқувчининг дилини ҳам оғритади, айрилиқ, жудолик ҳолатлари тасвири ларзага келтиради. Бир-биридан гўзал, бир-биридан ширин «фарзандларидан кечиб», бу ёруғ оламни жуда эрта тарқ этган аёлга жуда ачинасиз. Она дийдорига тўёлмай додга қолган етим фарзандларининг «онажоним қайларга кетди» деб қылган фарёдларидан сизнинг ҳам дилингиз озор чекади, қалбингида ҳамдардлик туйғуларини ҳис этасиз. Шоира ўзига хос драматик, поэтик талқин билан ўқувчини лирик қаҳрамон «дард»ларига шерик қиласи, у йигласа йиглади, қувонса қувонади. Муаллиф лирик қаҳрамондаги драматизмни, дард-ҳасратни табиий очиб берган.

Лекин достондаги бу вақтингчалик психологик ҳолатлар тасвири, қайгули воқеаларнинг бадиий талқини китобхонни руҳий тушкунликка чулғаб ташламайди, балки чиниқтиради. Ҳаётнинг ҳар қандай зарбасига тайёр туришга, уни ирова билан енгишга ўргатади. Бу гоя кўпроқ достоннинг холоса қисмига, ҳаётда умид ва ишонч билан яшашга чорловчи мисралар руҳига сингдирилган. Лирик қаҳрамоннинг ҳаётга муҳаббати бекиёс. У дунёда умид ва ишонч билан яшашни истайди. Шунинг учун ҳам у «*Умид қилгил ёрқин баҳти, Баҳтга етакловчи қувонч-завқни*» дей қалб дафтарини очади. Зулфиядан қолган «*армон таҳтини*» чўқтирасликка, «*тақдирнинг бу ҳатосининг*» ҳеч қачон тақрорланмаслигига, «*ҳижрон қўлларини баҳт ниҷоги билан кесиб қўйишга*» ваъда беради. Бундан кейинги орзу-армонларига «*Қайғуни ўйлош қилмасликка, дард-ҳасратларга кўмилиб қолмасликка*» сўз беради. Достон мана шундай ҳаётбахш, романтик пафос билан яқунланади.

Ҳарҳолда, «Зулфия» достони эҳтирос тўлқинларида туғилган, ҳис-туйғуларга бой, ҳаяжон билан ўқиладиган яхши асар. Ва у, менимча, Гулистон Матёкубованинг бошқа достонларидан мана шу хусусияти билан фарқланиб туради. У жанр нуқтати назаридан достондан кўра марсияга ҳам ўхшаб кетади.

* * *

«Кирқ қиз» достони асосида ёзилган «Гулойим» опера-либреттоси Гулистон талантининг яна бир киррасини на-мойиш этди, ижодида янги саҳифа очди. У қорақалпоқ миллий опера санъатининг ривожига қўшилган ҳисса ҳамdir.

Асарда XVI асрнинг охири XVII асрнинг бошларида Туркистонда бўлиб ўтган кескин, ҳаяжонли воқеалар ҳикоя қилинади. Либреттода Ватан ҳимояси, қаҳрамонлик, муҳаббатта садоқат ва вафодорлик каби фазилатлар улуғланса, босқинчилик ва ёвузликни ўзига касб қилиб олган, маънавий тубан ѫшхаслар қораланади. Асарнинг конфликтни мана шу иккимоий-сиёсий қаращдаги кучлар ўртасидаги кураш асосига қурилган. Барча эзгуликларни қалбига жо қилиб олган жасур қиз Гулойим, оғир вазиятларда унга ёрдам қўлини чўзган Хоразмлик баҳодир Йигит Арслон ва унинг ҳамфирлари душманларга қарши аёвсиз кураш олиб борадилар. Но-диршоҳ, Суртайша, Кулимбек, Мастон кампир каби эзгулик душманларининг куращдаги мағлубияти асарда драматик фонда, кескин конфликтлар орқали кўрсатилади.

«Гулойим»нинг композицион қурилиши, сюжети, конфликтни, образларнинг реалистик талқини, ифода тасвир қуролларининг мақсадга мувофиқ қўлланилган асарнинг бадиий жиҳатдан пухта ишланганидан дарак беради. Шеърий парчалар, ҳалқ қўшиқларини эслатадиган лирик лавҳалар ўқувчига завқ бериси баробариди, унинг бадиий-эстетик дидини ҳам тарбиялади. Либретто матнини мана шундай шеърият намуналари билан безашда Гулистон Матёкубованинг шоирлик тажрибасидан фойдалангани сезилиб туради.

Хуллас, «Гулойим» опера-либреттоси бадиийлиги мукаммал, ўқувчи ёки томошабин руҳиятини бойитадиган, дунёқарашини башарий қадриятлар билан кенгайтирадиган ажойиб бир асар У ҳозирги авлодни қадриятларимизни асраб сақлаш, уларни тарғиб қилиш руҳида тарбиялашда катта маънавий қурол ҳамdir. Бугун ҳалқимиз миллий қадриятларимизга садоқат руҳида ёзилган бундай асарларга жуда чанқоқ. Шу маънода «Гулойим» опера-либреттоси гарчи узоқ ўтмиш воқеаларига бағишлиланган бўлса-да, айни бугуннинг асари, мустақиллик гояларига ҳамоҳанг ижод намунасиdir.

Гулистон Матёкубовани талантли драматург сифатида характерлайдиган бошқа саҳна асарлари ҳам бор. Замонавий мавзудаги «Қаторда норинг бўлса» поэтик драмаси муаллифнинг саҳна асарлари яратиш йўлидаги ижодий излашишларининг янги қадами бўлди.

* * *

Гулистон Матёкубованинг шеърияти, достонлари тўғрисида кўпроқ фикр юритдим. Лекин у насрда ҳам муваффақиятли ижод қилиб келаётган ёзувчилар қаторида туради. Ҳозиргача у ўнлаб ҳикоялар ва қиссалар, очерклар ва публицистик мақолалар эълон қилди, бу асарлар Гулистоннинг ижоднинг бу турида ҳам яхшигина қалам тебратча олиш қобилиятига эга эканлигини кўрсатди. Унинг «Нурли кунлар» (1987) номли насрй китоби фикримга далил. Китобдаги «Тўрткўлнинг оқ сўқмоқлари» қиссаси ёзувчининг насрдаги ижодий имкониятлари ҳам кўп қиррали эканлигидан, ҳаёт ҳақиқатларини бадий ҳақиқатга айлантиришнинг ижодий принципларини мукаммал эгаллаганидан, сюжет, композиция, конфликт, ёрқин характерлар яратиш маҳоратини яхши ўзлаштирганидан дарак беради. Ёзувчининг ҳикоялари ҳам бадийлик бобида қиссаларидан қолишмайди. Ҳикоя жанри имкониятлари доирасида кичик-кичик ҳаётый воқеаларни бадий умумлаштириб, катта ижтимоий маъно касб этадиган фалсафий хulosалар чиқарган. «Она меҳри», «Тонгдаги туш», «Фарзанд», «Бир сиқим тупроқ», «Ўқилмаган хат», «Ёмғир», «Кудуқ», «Нон ҳиди» каби ҳикоя ва новеллаларда қаламга олинган мавзу ва унинг бадий талқини, муаллифнинг ҳаёт ва одамлар ҳақидаги мушоҳадалари, хulosалари китобхон учун маънавий-маърифий аҳамиятга эга. Бу ҳикоялarda ёзувчи ҳаётнинг шунчаки кузатувчиси эмас, балки у турмуш фактлари ҳақида мулоҳаза юритади, уларни бадий-эстетик таҳлил қилиб ҳукм чиқаради. Ўқувчига ҳикматбоп фикрлар айтиб, тафаккури ва руҳий оламини бойитади. Ҳаёт материалини ҳар хил дунёқарашдаги образлар орқали тасвирлаш жиҳатидан ҳам ҳикоялар ўзаро фарқланади. Ҳаёт ҳақиқатини бадий талқин қилишдаги ёзувчининг бу услубий ўзгачалиги ҳар бир ҳикоянинг мазмуни ва шакл ифодасида акс этиб туради.

Гулистон Матёкубова насрини ҳақида тапирганида унинг публицистикасини четлаб ўтиб бўлмайди. Назаримда, бу жанр кейинги йилларда унинг ижодида етакчи ўрийлардан бирини эгаллади. Бунинг сабабини, менимча, Гулистоннинг Қорақалпоғистоннинг ижтимоий-сиёсий ҳаётига фаол аралашуви, ҳар хил раҳбарлик лавозимларидаги фаолияти билан изоҳлаш керак. Масъулиятли лавозимларда ишлаш унинг

публицистикаси мавзусининг турли-туман бўлишига замин тайёрлади. Хизмат юзасидан у республиканинг туманларида бўлади, Ўзбекистон қўламидаги ҳар хил анжуманларга қатнашади, чет элларга чиқиб бир неча ҳалқаро форумларда Қорақалпоғистон номидан иштирок этди. Бу учрашув ва сафарлардан олган таассуротлари ҳақида дастлаб мақола ва очерклар ёзди. Шу ўринда унинг фақат икки публицистик асарини тилга олиб ўтиш билан чекланмоқчиман. Биринчisi, «Жайхун ёқасида ўсган бойтерак» номли катта ҳажмдаги публицистик асари бўлса, иккинчisi, «Юрт баҳтидан сўзлагани бордим» деган ном билан эълон қилинган очерки. «Жайхун ёқасида ўсган бойтерак» асари Қорақалпоғистон Республикаси Конституциясининг қабул қилиниши муносабати билан ёзилган. Иккинчи очерк 1995 йилда Пекинда бўлиб ўтган Жаҳон ҳалқаро Хотин-қизлари конференциясига қатнашиши ва форумдан олган таассуротлари асосида битилган. Г.Матёкубова бу конференцияга Қорақалпоғистон Республикаси Вазирлар Кенгashi раисининг ўринbosари, республика хотин-қизлар қўмитасининг раиси сифатида делегация раҳбари бўлиб иштирок этганди.

Ҳар икки асар ҳам публицистика жанрининг яхши намунаси, адабий-бадий услубда ёзилган, чинакам миллий руҳ билан сугорилган мукаммал ижод маҳсули. Сир эмаски, шўролар даврида кўпинча партия ва ҳукумат қарорларини тарғиб қиласидан, дабдабозликдан иборат қуруқ фактларни, соҳта қаҳрамонларни асоссиз мақташ каби гоялар билан сугорилган очеркларни кўп ўқиганмиз ва уларни очерк жанрининг ҳақиқий намуналари сифатида қабул қилганимиз. Тўғрисини айтганда, миллий гурур ва ифтихор туйгуларига тўлиб-тошган публицистик асарлар адабий жараёнда деярли учрамасди. Шу жиҳатдан қараганда, Гулистон Матёкубованинг бу икки асари ҳам мустақиллик йилларида битилган, миллий мафкура, миллий қадриятларни эъзозлаш, улар руҳидан келиб чиқиб ҳозирги замонда бўлаётган жиддий ўзгаришларни, янги жамият қуриш йўлидаги юксалишни, ҳалқимизнинг яратувчанлик қурдатини, илмий-бадий салоҳиятини, қўйинингки, барча соҳаларда ўзлигини англаш жараёнларини эмин-эркин тасвирлаб берган публицистикадаги ўзига хос кашфиёт бўлди десам муболага эмас.

Гулистон Матёкубованинг услугига хос яна бир хусусият бор. Унинг очерклари ва мақолалари худди шеър билан ёзилгандек таассурот қолдиради. Катта завқ ва эҳтирос билан ўқийсиз. Асар шоира қаламидан чиқсанлигини хис қилиб турасиз. Менимча, ҳар қандай публицистик асар мана шундай услубда ёзилсагина ўқимишили ва таъсирили чиқади.

* * *

Гулистон Матёкубова кўп қиррали ва сермаҳсул ижодкор. Адабиётнинг деярли барча жанрларида салмоқли асарлар яратди. Муҳими, бу асарлар сони ёки ҳажми жиҳатидангина эмас, бадиияти, ҳалқимизга манзур бўлиш даражаси билан ҳам ижобий баҳога муносиб. Ёзувчининг жамият, ҳалқ олдиғаги қадр-қиммати, ижодининг, асарларининг маънавий-маърифий ҳаётимизда ўйнаган роли қай даражада тарбиявий аҳамият касб этишига қараб белгиланади. Шунуктаи назардан қараганда, Гулистоннинг ҳар бир асарида қаламга олинган мавзу, яратилган бадиий образ давр руҳига мос, мустақиллик гояларига ҳамоҳанг. Ва улар бугунги куннинг ҳаётида, баркамол авлод тарбиясида маънавий курол вазифасини ўтамоқда.

Гулистон Матёкубованинг барча бадиий, адабий-публицистик асарларининг поэтик ва насрый талқинлари негизида мустақиллик замонининг эзгуликларига хизмат қилишдек муқаддас мақсадлар ётади.

Ижодий довонларни забт этишни ният қилган, буни ҳаёти ва ижодининг мазмунига айлантирган шоиранинг адабиёт осмонидаги парвози, тўғриси, ҳар бир қаламкашнинг ҳавасини келтиради. Ҳали шоиранинг рӯёбга чиқмаган ижодий имкониятлари кўп. Ҳалқимиз ундан келажакда ҳам рангбаранг бадиий асарлар кутади. Ва умид қиласизки, Гулистон Матёкубова бу истакни, албатта, амалга оширади, шеърий, насрый ва драма асарлари яратиб адабиётимиз ҳазинасини бойитади.

2001

354

ҚОРАҚАЛПОҚ САТИРАСИННИГ ДАРҒАЛАРИ

Қорақалпоқ адабиёти ўзига хос тарихга эга ва у асрлар давомида турли жанрлarda ривожланиб, ҳозирги даражага етиб келди. Унинг тараққиёт босқичларида сатира ва юмор жанри у ёки бу ижодкор фаолиятида, умуман, адабиётда муайян ўрин эгаллаган ва кўплаб ҳажвий асарлар яратилган. Кунхўжа, Ажиниёз, Бердақ ва яна қатор қорақалпоқ мумтоз шоирлари бу мавзуни фаол қаламга олган бўлса, Аялберган Мусаев, Аббаз Добилов, Содиқ Нуримбетовдек ҳалқ шоирлари давр талабларидан келиб чиқиб бу анъаналарни давом эттирилар, замон руҳига мос ўнлаб ҳажвий асарлар ёзилиар. Гарчи бу ижодкорлар профессионал сатирик шоирлар бўлмаса-да, улар ёзиб қолдирган ҳажвий асарлар кейинги авлод учун тажриба вазифасини ўгади. Ҳозирги сатира ва юморнинг қорақалпоқ адабиётида мустақил жанр сифатида шаклланишида, адабий жараённинг етакчи жанрларидан бирига айланишида ўтмиш ижодкорларининг анъаналари муҳим роль ўйнади.

Адабиётда ҳар бир жанрнинг ўз «эга»лари бўлаци. Унинг ривожланиши, ютуқлари ҳам, камчилклари ҳам ўша жанр «эга»ларининг ижодий салоҳиятига кўп даражада боғлиқ. Шунинг учун бўлса керак, у ёки бу адабий жанрнинг тараққиёти ҳақида сўз очилса, беихтиёр ҳаёлимизга ўша жанрда энг кўп асар яратган ёзувчи ёки шоирнинг номи, ижоди келади. Ва аксинча, муайян адаб номини тилга олишимиз биланоқ, дарров у фаол қалам тебратиб келаётган адабий жанрни эслаймиз. Ҳозирги қорақалпоқ адабиётидаги сатира ва юмор жанрларида эришилган ютуқлар, фойдаланилмаган имкониятлар бевосита Муродбой Низонов ва Сайловбой Жумагулов каби талантли ва таникли ҳажвгўй ёзувчиларнинг номи билан боғлиқ, десам хато бўлмас.

Дарҳақиқат, улар чинакам профессионал ҳажвгўй ёзувчи даражасига кўтарилган, асарлари орқали фақат Қорақалпогистонда эмас, кўшни республикаларда ҳам танилган ва тан олинган истеъоддод соҳибларидир. Муродбой ҳам, Сайловбой ҳам қорақалпоқ сатирасининг гўё иккى қанотидек унинг парвозини таъминлаб келаётган, бу жанрнинг бутун масъулиятини зиммасига олиб, баракали ижод қилиб эл

355

хурматини қозонган ҳозирги замон қорақалпоқ адабиётіндеғи сатира ва юмор жанрининг ҳақиқий маңындағи ұжым санъаткорларидір.

М. Низонов ва С. Жумагулов салқам үттіз йилдан бери ұжвиёттә елкама-слка қалам төбратиб келади. Үnlаб ҳикоялары ва қиссалари газета-журналдарда босилди, китоб шаклида ҳам үқувчиларға етказилди. Комедиялари Қорақалпоғистон театрларидагина эмас, Марказий Осіе республикаларининг қатор театрларida ҳам сақналаштириліб, мұваффақият қозонди. Китоблары башқа тилларға таржима қилиниб, нашиєтларда босилди. Ушбу фактнинг ўзиәк улар ижоди қандай салмоқ ва салохиятта эга эканligини күрсатади. Негадир уларнинг ижоди, асарлари қорақалпоқ адабиётшүеноғлигіда ҳозирға қадар ўрганилмаган, күзға ташлангудек бирор махсус илмий иш йўқ. Шуны ҳисобға олиб, биз уларнинг ижод йўлига, ұжвиёттеги изланишларига имкон қадар умумийроқ аспекттә бўлса-да, назар ташлашга жазм этдик. Шояд бу илк уринишимиз келажакда С. Жумагулов ва М. Низонов асарлари бўйича кенгроқ кўламдаги махсус талқиқотлар яратилишига туртки бўлса.

Дастлабки сўз Сайловбой Жумагулов ижоди ҳақида.

* * *

С. Жумагулов ҳаётда ҳам, ижодда ҳам кўп қийинчиликларни енгіб ҳозирға қорақалпоқ ұжвилигининг тан олинган ёзувчиси даражасига күтарилиди. Мураккаб ҳаёт сўқмоқларida чиниқди. Ўқиш-ўрганишдан, изланиш ва меҳнатдан чарчамади. Нукус давлат университетининг филология факультетида олган назарий билими эса Сайловбойни ҳаётда фаол, ўз позициясига эта ижодкор бўлишга, турмуш факултари ҳақида ҳар томонлама мушоҳада юритишга ўргатди.

Сайловбой Жумагуловнинг ижодга, айниқса, ұжвиёттеги қизиқиши мактабда ўқиб юрган кезларидан бошланган. Ўқувчилик пайтларida ёқ, у кичик-кичик кулгили асарлар ёзип юрди. «Кичкінтойлар сўзлайди» номли илк ұжвияси «Жеткиншек» газетасида босилади. Шундан бошлаб Сайловбой республика матбуотида ұжвиялари билан тез-тез кўриниб турди. Ёш ёзувчининг кенг жамоатчиликка танилишида «Жас Ленинши» (ҳозирги «Қарақалпақстан жаслары») газетасининг хизмати катта бўлди. Ўша йилларда у

мазкур газетанинг сатира ва юмор саҳифасининг энг фаол муаллифларидан бирига айланди. Гарчи бу йилларда у матбуотдан узок, бутунлай башқа соҳаларда, оддий ишчи бўлиб ишлаб юрган бўлса-да, газета-журналлардан қўл узмади, долзарб мавзудаги ұжвий ҳикоялари билан мунтазам қатнашиб турди.

С. Жумагуловдаги ижодга бўлган қизиқишини ва истебдодни сезган матбуот ходимлари уни газетага ишга таклиф қилишади. Дастрлаб у «Целинник Каракалпакии», сўнгра «Жеткиншек» ва «Еркин Қарақалпақстан» газеталарida мухбир бўлиб иш бошлайди. Матбуотга бевосита аралашиш, шу муҳитда туриб ижод билан шугулланиш ҳам шарафли, ҳам масъулиятли эди. Буни ҳис қилган ёш ёзувчи астойдил изланади, мухбирлик сирларини ўзлаштиради, бадиий ижодда тажриба тўплайди. Натижада кундан-кунга қалами ўткирлашиб, ёзувчилик маҳорати ҳам ошиб боради, ҳақиқий ұжвигүй қаламкаш бўлиб шаклланади. Сайловбойнинг «Амударё», «Орол қизлари» журналларida адабий ходим, масъул котиб бўлиб фаолият кўрсатиши, ёш ёзувчининг талант Қирраларининг очилишида, ёзувчиклик маҳоратининг тобланишида ўзига хос мактаб бўлди, туркum ҳикоялар ёзип мухлислар ортириди. Унинг ҳавжчиликдаги адабий фаолияти, истебдоди фақат матбуотда босилган юмористик асарлари билан чекланиб қолмади. «Телевизион миниатюралар театри» кўрсатувларини, «Тикенек» радиожурнали эшиттиришларини С. Жумагуловнинг қизиқарли ұжвияларисиз тасаввур қилиш қийин. Ёзувчининг ҳаётимизда учраб турадиган иллатларни дарғазаб кулги ёки беозор ҳанда орқали масхаралайдиган асарлари туфайлигина бу кўрсатувлар ва радиоэшиттиришлар жуда мазмунли ҳамда қизиқарлидир.

С. Жумагулов талант йўналишига қўра юморга, кулгига мойил ёзувчи, унинг кўпчилик асарларининг негизида енгил ханда ётади. Ҳаёт материалыни ҳам ёзувчи шу позициядан бадиий-эстетик ўзлаштиради, талқин этади. Жамият ҳаётидан учраб турадиган ёзувчи идеалига зид комик воқеаларни кўпроқ тасвирлашга интилиши унинг ижодий услугубига хос хусусиятдир. Сайловбойнинг турли йилларда нашрдан чиқкан «Сирим ҳам, чиним ҳам шу», «Туфлининг қадоги», «Болалигимдан бир шингил», «Қирқ йилдан сўнгги

бир кун», «Менинг хотиним ёзувчи», «Билетнинг ярми кимда?», «Одамлар қандай бузилган» номли китобларидағи ҳажвий қисса, ҳикоя ва интермедиялар муаллифнинг ижодий ютуғи бўлганидек, ҳозирги қорақалпоқ адабиёти, қолаверса, сатирасига қўшилган салмоқли ҳисса ҳамдир. Тўпламлардаги барча кулгили ҳикоялар, интермедиялар, қисса ва драмалар профессионал қалам билан ёзилган. Ҳаётдаги камчиликларни, инсонлар характеристидаги нуқсонларни, жамият тараққиётiga тўсиқ бўлаётган иллатларни гоҳ енгил юмор, гоҳ жиддий фош қилиш ва аччиқ ханда усулида ёки масхараловчи оҳангда қоралаш мазкур асарларнинг гоявий асосларини ташкил этади. Бу ҳажвияларнинг ҳаммаси одамларни маънавий-ахлоқий соғлом турмуш тарзига амал қилиб яшашга ўргатади.

С.Жумагулов адабиётнинг қийин ва мураккаб жанри – драматургияда ҳам бир неча комедиялар ёзди. Унинг Қорақалпоғистон Ёш томошибинлар театрида саҳналаштирилган «Одамлар қандай бузилган», «Күёвингни бериб тур», «Экстрасенс» комедиялари ёзувчининг драматургиядаги катта ютуғи бўлди. Бу асарларнинг айримларининг ҳозирги кунларда ҳам саҳнада ўйналаётгани драматургга обрў келтириш билан бирга театр санъатининг ҳам нуфузини оширди. Драматургнинг «Одамлар қандай бузилган» комедияси Тошкентда ўтказилган Марказий Осиё республикалари театратлари фестивалида намойиш этилди ва юксак баҳоланди. «Күёвингни бериб тур» комедияси эса ўзбек тилига ўгирилиб, Қашқадарё вилоятининг Муллатўйчи Тошмуҳамедов номли мусиқий драма ва комедия театрида қўйилди. Туркман театри санъаткорлари ҳам ўз мухлисларини С.Жумагулов драматургияси билан таништирилдилар. Сеидий номли Чоржуй вилоят театри ижодий жамоаси унинг «Экстрасенс» комедиясини туркман тилига таржима қилиб, саҳналаштириди. Асар туркман театр ихлосмандарida яхши таассуротлар қолдиргани туркман матбуотида кўп марта ёзилди.

С.Жумагулов драматург сифатида Қорақалпоғистон ва қорақалпоқ адабиёти чегарасидан чиқиб Марказий Осиё республикаларига ҳам танилди. Ҳусусан, уни Узбекистонда энг талантли ҳажвгўй ёзувчи деб билишади ва хурмат қилишади. Ўзбек адабий ҳажвчилигининг таниқи намояндалари Сайловбойнинг сатира ва юмордаги истеъодига юқори

баҳо бериши. Масалан, Сайд Аҳмаддек машҳур адаб ва ҳажвгўй ёзувчининг назарига тушиб, юксак баҳосига муясар бўлиш осон эмас. «*Қорақалпоқда Сайловбой Жумагулов деган туф деса тупруги чаённи тил торттирмай ўлдирадиган, тили «заҳар омборхонаси»га айланаб кетган ҳажвчи чиқиб қолди*» деб ёзган эди адаб мақолаларидан бирида Сайловбойнинг талантига тан берид.

Ха, С.Жумагуловни ўзбек китобхонлари ҳам яхши таниди. Унинг кўп ҳажвий асарлари Н.Фозилов, М.Исмоилов, Я.Умаров, Г.Курамбоевалар томонидан ўзбек тилига ўгирилиб, «Муштум», «Ёшлиқ» журнallарида, «Ўзбекистон адабиёти ва санъати» газетасида босилган. Тошкентнинг «Телевизион миниатюралар театри» кўрсатуви ва «Табассум» радио журналида унинг ҳажвий асарлари мунтазам бериб борилмоқда. Бир неча йил олдин С.Жумагуловнинг «Текин тарвуз»(М.Низонов билан ҳамкорликда) деган ҳажвий асарлар тўплами ўзбек тилида босилиб чиқди ва у ёзувчининг номини ўзбек китобхонлари ўртасида янада оммалашишида муҳим аҳамият касб этди. Ўзбек адабий танқидчилиги китобни ўзбек ҳажвчилигига қўшилган ўзига хос ҳисса деб баҳолади.

* * *

Муродбой Низоновнинг ҳаёт йўли ҳам Сайловбой Жумагуловнинг ҳаёт ва ижод йўлига ўхшаб кетади. Ўрта мактаб. Сўнг олий ўкув юрти. Қорақалпоқ тили ва адабиёти факультетидаги таҳсил. Меҳнат фаолиятини оддий ишчиликдан бошлагани. Деярли бир даврдаги армия хизмати. Республиkaning газета-журналларида, бироз вақтдан кейин Қорақалпоғистоннинг радио-телевидениесидаги муҳбирлик. Олдинма-кейин Ёзувчilar уюшмаси аъзолигига қабул қилиниш. Ижодни ҳам бир даврда ҳажвиётдан бошлаб, ҳам насрда, ҳам драматургияда деярли бир хил бадиий савияда қалам тебратиб келаётгани в.ҳ. уларни бир-бирига жуда яқинлаштириб турадиган ўхшашликларdir. Лекин шахсий ҳаётдаги, ижтимоий фаолиятдаги бу яқинликлар асло улар ижодининг ўхшашлигини англатмайди. Гарчи бу икки ёзувчи ҳаётнинг умумий сўқмоқларидан юриб, бир даврда адабиётга кириб келган бўлса-да, ижодда, сатира ва юмор яратиша бошқа-бошқа йўллардан кетишиди. Илк асарларида

ноқ ўзларининг индивидуал услубига эга бўлишга ҳар-
кат қилдилар ва бунга эришдилар ҳам. С.Жумагулов ва
М.Низонов асарларини ёнма-ён қўйиб ўқисангиз, услу-
бий жиҳатдан улар бири иккинчисидан тубдан фарқ қила-
диган ёзувчилар эканлигини пайқайсиз. Сайлобой юмор-
га, кулгига мойилроқ ёзувчи. Муродбойнинг асарларида
ҳажв, сатирик йўналиш устунлиги бўртиб туради. Тўгри,
сатира билан юмор орасига «хитой девори» қўйиб, улар-
ни бирини иккинчисидан ажратиш қийин. Сатирик асар-
ларда юмористик талқин, юморга йўғрилган асарларда са-
тира элементлари бўлиши табиий, албатта. Юморсиз са-
тирини тасаввур қилиб бўлмаганидек, ҳар қандай сатирик
асар руҳига юмор, кулги аралашсагина ўқимишли ёки
томушабоп бўлади. Лекин бари бир ёзувчининг ўёки бу
асарида муаллиф услубига хос у ёки бу ҳажвий йўналиш-
нинг устунлиги кўзга ташланиб туради. Шу нуқтаи на-
зардан қараганда, С.Жумагуловни шартли равиша юмо-
рист ёзувчи, М.Низоновни эса сатирик ёзувчи деб аташ
мақсадга мувофиқдир.

М.Низонов талант йўналишига кўра, чиндан ҳам, сати-
рага мойилроқ ёзувчи. Бу хусусият унинг ҳикояларида
кўпроқ кўринади. Шу билан бирга, унинг шундай ҳикоя-
лари ҳам борки, ёзувчининг идеалига зид бўлган айrim
одамлар характеристидаги нуқсонлар енгил юмор, кулги орқа-
ли маҳорат билан танқид қилинган. «Пошшойи кўйлагим»
ҳикояси шундай характеристидаги комик асар. Менимча, «Пош-
шойи кўйлагим» М.Низоновнинг ҳажвий ҳикоячиликдаги
кашфиёти бўлди. Ҳикоя халқимиз орасида жуда оммала-
шиб кетди. Ўзбек тилига ҳам таржима қилинди. Ўзбек санъ-
аткорлари ижросида «Телевизион миниатюралар театри» ор-
қали бутун Ўзбекистон халқига кўрсатилди. Ҳикоя мухим
бир мавзуга бағишинган. Агар санъаткор (қўшиқ куйлай-
диган хонандалар назарда тутилоқда) ижодий изланиб, ре-
пертуарини янгилаб бормаса, бир пайтлар «кашф қилган»
қўшиғи билан мақтаниб, тириклик қилиб юраверса, эл
назаридан қолиши аниқ. Бутун умри давомида айтилавериб
сийқаси чиқсан бир қўшиғи билан «кун кўриб» одамлар-
нинг мъедасига тегадиган ноқобил хонандалар ҳозирги ҳәти-
мизда йўқ дейсизми? «Пошшойи кўйлагим»да айнан шун-
дай начор хонандалар кулги остига олинган. Ҳикоянинг

қаҳрамони Тўтигул Тожиевна шу хилдаги хонандаларнинг
типик вакили. У ўттиз йилдан бери бир қўшиқ – «Пош-
шойи кўйлагим»ни ижро этиб келади. У шу қўшиқни айт-
иб ўқишига кирган, шу қўшиқ бўйича диплом иши ҳимоя
қилган, қаерда саҳнага чиқса ҳам шу қўшиқни куйлади.
Овулдошлари мабодо ашула айтиб беринг деса «Пошшойи
кўйлагим»ни хиргойи қиласди. Чет эл гастролларида ҳам
шу қўшиқ билан саҳнага чиқади. Унинг юбилейи куни
ҳам шу қўшиғи янграйди. Радио пластинкасига ҳам «Пош-
шойи кўйлагим»ни ёздирган в.ҳ. Сабаб унинг бисотида
бошқа қўшиқ йўқ. Унинг «ижодий» имконияти шу! Бош-
каси қўлидан келмайди.

Ҳикоя айнан бугунги куннинг асари. «Пошшойи кўйла-
гим» Тўтигул Тожиевнага ўҳшаганларга сабоқ чиқарип олиш
учун ибрат. Ҳикоянинг ифода шакли жуда оригинал. Воқеа
радио мухбири билан асар қаҳрамони ўртасидаги диалогга
қурилган. Мухбирнинг саволлари ва шарҳларида сұхбатло-
шининг фаолиятига нисбатан қандайдир сирли киноя, пи-
чинг, хонанданинг устидан кулиш, уни масхаралаш маъ-
носи борлигини китобхон пайқайди. Умуман, ёзувчи икки
ярим-уч бетлик ҳикояда ҳозирги ҳәтишимиз, санъатимиз учун
жуда долзарб бир муаммони кўтарган ва ибратли холоса
чиқарган.

М.Низоновнинг диалог усулида ёзилган яна бир ихчам
ҳикояси бор. Ёзувчи уни «Хаёлий шогирд» деб номлаган.
Ҳикоя бирорларнинг устидан юмалоқ ҳат ёзиб юрадиган
бир тұхматчи ва унинг ўзига ўҳшаган шогирд тайёрлаш усули
ҳақида. Ҳикояда ҳажв тиғи тұхматчиларга қаратылган, уларни
аёвсиз фош қилиш ёзувчининг бош мақсади. Ҳикоя икки
киши диалогидан иборат. Бири тұхматчи бўлса, иккинчиси
унга шогирд тушмоқчи бўлган шахс. Муаллиф тұхматчи-
нинг характер хусусиятларини, психологиясини, унинг нут-
қи орқали зўр маҳорат билан очган. Қуйидаги диалогта эъти-
бор беринг:

- Кўзларингда шарм-ҳаёй йўқ, бетларинг қалин. Ор бор-
ми сенда?
- Ор йўқ, Тұхмат оға.
- Бўлмагани яхши. Неча ёшдан бошлаб юмалоқ ҳат
ёзасан?
- Ўн икки ёшимдан.

— Кеч, жуда кеч. Ўн ёшдан бошлаш керак эди.

— Ахмоқлик қилиб, икки йил кеч бошлабман, Тұхмат оға. Бу айбимни юмалоқ хатлар ёзіб оқылайман¹.

Әзувчи ҳикоя қарнамоларининг ҳатти-харакатларига таъриф беріб ўтирумайды, уларнинг ўзларини гапиртиради. Шу йўл билан тұхматчиларнинг ҳақиқият башаралари, «иш усуллари» фош этилади. Бу ердаги күлгі, «Пошшойи қўйлагим»дагидек енгил ханда, күлгі эмас, балки аёвсиз фош қилиш хусусиятiga эга разабли, заҳарханда күлгі. Әзувчи ҳикояда бу ижтимоий иллатнинг йўқ бўлиши тарафдори бўлиб чиқар экан, бутун ижодий кувватини тұхматчиларнинг сир-асрорларини очиб ташлашга қаратади. Әзувчининг бу масаладаги позицияси «устоз-шогирд» диалогида янада ёрқинроқ намоён бўлган:

— Сен қайси қўлинг билан ёзасан?

— Ўнг қўлим билан.

— Мутлақо бўлмайди! Юмалоқ хат фақат чап қўлда ёзиши шарт.

— Мен ҳар битта бармоғимнинг ораси билан ёза оламан.

— Нечта усулинг бор?

— Саккизта.

— Ўз хатингни ўзинг таний оласанми?

— Таниёлмайман.

— Бирор келиб танитмоқчи бўлса-чи?

— Йўқ, ҳеч ҳам таниёлмайман. Судланиб кетишга розиман, аммо қўлёзмамни танимайман.

М.Низоновнинг бадиий-эстетик тафаккур салоҳияти кеңг ва мустаҳкам, мушоҳада усули ранг-баранг. Тараққиётимизга тўсиқ бўлаётган ҳар қандай камчиликни теран идрок этиб, ҳажвий планда маҳорат билан тасвирлай олади. У ҳаётни нозик кузатадиган ёзувчилардан. Муродбой идеалига зид турмуш фактларини тез илғаб олади ва ундан катта ижтимоий маънени ифодалаш учун усталик билан фойдаланади. Бир сўз билан айтганда ҳаёт ҳақиқатидан катта бадиий ҳақиқат яратишга моҳир ёзувчи. Кундалик турмушда деярли ҳар куни учраб туралиган, сиз билан биз деярли эътибор

¹ М.Низонов. Ўзга сайдрала етти кун. Нукус, «Қорақалпогистон», 1995., 21-бет. Қорақалпоқ тилидан Носир Фозилов таржимаси. Кейинги мисоллар шу нашрдан бўлади.

бермайдиган оддий воқеалардан ҳам китобхон учун сабоқ бўладиган ҳикоялар яратади. Шифохонада даволаниб чиқкан бир беморнинг кўнглини кўтариб, далда бериш ўрнига: «Афт-ангорингга қара, одам қаттиқ касалдан озади дейишиади», «бедаво дардга йўлиққанга ўхшайсан, юзларинг ҳалта-халта бўлиб қолибди», «адойи тамом бўлибсан-ку! Касал нортуяни ҳам чўктиради, деганлари шу экан-да! Жўжабирдай болаларинг бор», қабилидаги сўзлар билан бир бечора йигитнинг саломатлигини яна танг аҳволга солиб қўйган баъзи одамларнинг бефаросатлиги ҳажв қилинган «Бетоб бўлиб қолдингизми?» ҳикояси, бир дастурхон бозида қон босими баланд уч идора бошлиғига хизмат қиламан деб ўзи ҳам шу дардга чалинган бир ёш йигитнинг ҳолати күлгі остига олинган «Қон босими» ҳажвияси, кексаларнинг ўйт-насиҳатларини ўзларича таъкин қилиб, уларни эскича фикрлашда, замондан орқада қолганликда айблаб, устидан куладиган ўшларнинг ҳатти-харакатлари енгил усулда танқид қилинган «Одамнинг эскиси» номли ҳикоя ва яна бошқа бир туркум ҳикояларидаги ҳажвий ҳолатлар тасвири жуда ҳаётий ва чуқур маъноли.

Юзаки қараганда, булар ҳаётнинг майда-чуйда, икирчикир гапларига ўхшаб туюлиши мумкин. Лекин бу воқеаларнинг илдизига чуқурроқ назар ташланса, негизида инсон тақдирни билан боғлиқ шундай нозик жиҳатлар борки, уларга бефарқ қараб бўлмайди. Бу нуқсонларнинг олдини олиш, уларнинг ғовлаб кетишига йўл қўймаслик, ҳар биринга алоҳида-алоҳида қарши курашиб зарурати ҳар бир ҳажвгўй ижодкор зиммасидаги масъулиятли вазифа. М.Низоновнинг ҳажвий ҳикоялари мана шу заруратдан келиб чиқиб битилган.

Муродбойнинг «Фотима» номли ҳикояси билан танишган ҳар бир ўкувчи муаллифнинг мактаб ҳаёти, жумладан, ўқитувчилар фаолияти ҳақида енгил ханда яратиш маҳоратига тан бермасдан илохи йўқ. Ўкувчилардаги билим савијянинг юқори ёки паст бўлиши ўқитувчининг илм ва билим салоҳиятига боғлиқ. Мактаб ҳаётида исботланган ҳақиқат бу. Агар ўқитувчи ноқобил, билим даражаси саёз бўлса, ундан таълим олган ўкувчилар ҳам саводхонликда устозига мослашиб қолади, бир қадам ҳам олға сильжолмайди. «Фотима»да айнан ўз касбининг масъулиятини сезмайдиган са-

водсиз мактаб ўқитувчилари ва уларнинг ўқувчилари ҳажв қилинади. Ҳикоянинг бош қаҳрамони Фотима она тили ўқитувчиси. Дарс вақтида Фотиманинг ўзини тутиши, ҳатти-ҳаракатлари, ўқувчилар билан савол-жавоблари ҳикояда шундай фонда тасвирланганки, кулгидан ўзингизни тұхтатолмайсиз. Ўқитувчи нұтқидаги, ҳаракатларидаги файри табиий ҳолатлар сезизи беихтиёр ўзига тортиб олади, вазиятнинг ечимини қызықиши билан кутасиз. Фотиманинг она тилидан билими жуда noctor. Гаплари пойма-пой. Ўқувчилар бир нарсани сұраса, ўқитувчи бутуналай башқа нарсани гапиради. Ўқитувчи томонидан берилған саволлар қай даражада кулгили ва мантиқсиз бўлса, олинган жавоблар ҳам шунга мос. Мана, шу хилдаги кулгили диалоглардан бир шингил:

- Қани, ким айтади, лотин алифбоси қаёқдан келган?
- Лотин алифбоси, муаллим, Латвиядан келган.
- Шуни билар экансан, нега мана бу ўртоқларингта ҳам ўргатмадинг?
- Муаллим, менда бир савол бор.
- Қандай савол?
- Шунда латишлар ҳарфларини бизларга юбориб, ўзлари ҳарфсиз қолганми?
- Шунгаям ақдінг етмайдими? Бергаңда ҳаммасини бермайди-ку, ярмини олиб қолади.

Фотима ҳажвий характердаги образ. Ўқитувчининг ўз касбига кўнгилсизлиги, масъулиятсизлиги, савод бобида жуда қолоклиги ўқувчилари билан савол-жавоблари орқали яхши очилган, ҳажв қилинган. Муаллифнинг мактаб турмушини, ўқитувчилар ва ўқувчилар психологиясини мукаммал билиши, керак бўлганида ўқитувчи, зарур бўлиб қолса ўқувчи тили билан гапириши ҳикоянинг ҳар жиҳатдан пухта ва ҳаёттй чиқишини таъминлаган. Саводсиз ўқитувчилар ҳозир мактабларимизда, афсус, оз эмас. Тўғри, ёзувчи баъзи ўринларда шартли равишда ҳажвни бироз ошириброк, ўқитувчилар шаънига жiddий танқидий мuloҳазаларни айтган бўлиши мумкин. Бундай камчилликлар ҳудди ҳикояда тасвирланганидек шакл ва мазмунда учрамаса ҳам, улар у ёки бу кўринишда мактабларимизда, баъзи ўқитувчилар фаолиятида ҳаракатда эканлигидан ҳеч ким кўз юмолмаса керак. Шу маънода, «Фотима» ҳикояси ва унда кўтарилиган муаммо жуда долзарб ва баъзи мактаблар ҳаёти ва айрим ўқитув-

чилар фаолиятига дахлдор. Ҳикоядаги хандадан ҳар бир таълим ходими хulosса чиқарип олса зарар қилмайди.

М.Низоновнинг «Айб ўзимда», «Биз пайқамас эканмиз», «Ишончли курсантлар» ва яна бошқа бир талай ҳикоялари борки, уларда ҳам ҳаётдаги ҳар хил номақбул ишлар, инсонлар характеристидаги у ёки бу нуқсонлар тоҳ ҳазил, тоҳ жиддий сатира йўли билан қораланади. Ёзувчи қайси йўналишни танламасин ҳаёт ҳақиқатига амал қиласи. Шунинг учун ҳам Муродбойнинг ҳажвий ҳикояларидаги қаҳрамонлар сиз билан бизнинг орамизда юрган замондошларимиз эканлигини ҳис қилиб турамиз ва уларнинг нусхаларини ёзувчи маҳорат билан адабиётта кўчирганидан кўнглимиз тўлади.

Маълумки, ҳар қандай бадиий асар, у қайси жанрда ёзилишига қарамасдан, тарбия куроли вазифасини ўташи лозим, ҳаёт ва одамлар ҳақида китобхоннинг муайян хulosalar чиқаришига ёрдам бериши керак. Инсонни маънавий етуклик сари етаклайдиган эзгуликлар бадиий асарларнинг маъно-моҳиятига йўғрилган бўлиши зарур. Шундай асарларгина жамият ҳаётига таъсир ўтказиб, инсонларнинг маънавий камолотига хизмат этади. Шу бадиий-эстетик талабдан келиб чиқиб М.Низоновнинг ҳикояларини назардан ўтказсак, улар жамият ва одамларни заарарли иллатлардан холи бўлишга чорлайдиган, маънавий покланишига ёрдам берадиган асарлар сифатида алоҳида аҳамиятга эга. Ва энг асосийси, бу асарлар мустақиллик даври комил инсонларини тарбиялашда ўзига хос бадиий қурол вазифасини ҳам ўтамоқда.

М.Низонов ҳажвий қиссачиликда ҳам қаламини синаб, муайян тажриба тўплаган ёзувчи. Ижодкор бу жанрнинг ҳам бадиий-эстетик қонуниятларини ўзлаштириб, бир неча ўқимишли қиссалар ёзди. Қиссаларида ҳам ҳудди ҳикояларидаги сингари тараққиётимизга тўғаноқ бўлаётган иллатлар қораланади. Ёзувчининг танқид найдаси жамият ҳаётида илдиз отган, тузалиши қийин салбий ҳолатларни фош қилишга, йўқотишга қаратилган. «Пора» номли қисса шу мақсадда ёзилган. Сир эмас. Пора, пораҳурлик жамиятнинг хатарли иллатларидан бири. Поранинг кўринишлари кўп. Пора берувчини ҳам, пора оловчини ҳам жамият манфаатлари қизиқтирумайди, фақат ўз фойдасини ўйлаб иш кўра-

дилар. Ҳар хил ниқоблар остида асл башарасини яшириб, инсонийликка ёт шундай ҳаракатлар қиласиди, бу ҳийланайранглар олдида «мана мен» деганлар ҳам ип эшолмай қолади. «Пора» номли ҳажвий қисса шу жиҳати билан ибратлики, унда порахўрликнинг мана шу тоифаси «*порага муккасидан эмас, бор бўйи билан ташланадиган*», «*ишик ҳамда принципиал порахўр*»ларнинг жирканч башаралари, «*олиш-бериши*»нинг сир-асрорлари бир порахўр мисолида очиб ташланади.

Арслон Мирзаевич қиссанинг бош образи. Унинг тимсолида порахўрликнинг ижтиомий илдизлари, келиб чиқиш сабаблари ва охир-оқибатдаги фожиа гоҳ юмор, гоҳ сатирик йўналишда бадиий далиланади. Арслон Мирзаевич туманинг катта раҳбарларидан, «*энг тажрибали порахўрлардан*» бири. Тумандаги ўн бир савхоз директори, икки завод, ўттиздан ортиқ ҳар хил идора раҳбарлари унга тобе. Агар лавозимимда ўтираман деса тез-тез «*юмалаб келиб салом бериб*»гина қолмасдан, унга пора ҳам бериб туриши керак. Қисса қаҳрамонида порага ўчилик бирданига пайдо бўлган эмас. Бунга у ёшлигига ўрганган. Талабалик йилларидаёқ бу ҳафли йўлга кирган эди. Ўртоқларига конспект дафтарини бериб тургани ёки ёнида ўтириб кўчиртиргани учун, бўш пайтларида консультация бергани учун курсдошларидан енгил-елпи пора олиб турган. Ўқишни тамомлаб туманда архитектор бўлиб ишлай бошлаганида ҳам ҳовли курувчиларга файзли жойлардан ер ўлчаб бераман деб ҳам улардан пора олади. Шундай қилиб, қайси лавозимда ишламасин порахўрликни касбга айлантириб, нопок йўллар билан бойиб бошлайди.

Ёзувчи пора оловчининг жиноий йўлга кириши ҳақида шу хилда маълумот бергач, кейинги фаолиятида илдиз отиб кетган бу иллатнинг келиб чиқишига сабаб бўлган обьектив ва субъектив томонларини чуқурроқ таҳдил қилишга ўтади, пора берувчиларнинг ҳатти-ҳаракатлари комик планда тасвирланади, «*омадсиз пора берувчилар*» устидан кулади. Қийидаги ҳажвий манзарага бир назар ташлайлик: Арслон Мирзаевич эртага курортга кетмоқчи. Бир кун олдин унинг уйига тумандаги бир қатор тобе раҳбарлар йигилган. Муаммо: қай усуlda порани берамиз. Пора бсрувчиларнинг бири, кастюмининг чўнтағига солайлик деса, иккинчиси, тарел-

каларнинг ичига солиб юбориш керак, дейди. Учинчиси: телевизорда бир сафар гугурт қутисига солиб пора берадиганларни кўрсатди, шу усулни қўлласак нима дейсизлар, деган таклифи ўртага ташлайди. Қолганлар ҳам шунга яқин «усуллар»ни айтишади. Лескин ҳеч кимнинг таклифи ўтмайди. Натижа шу бўладики, «*омадсиз пора берувчилар*» шу куни Арслон Мирзаевичнинг уйидаги ётиб қолишади. Арслон Мирзаевичнинг хотини Малика Ўтаровна эрталаб ўн икки ёстиқ жилдидан ўн икки пачка пул топиб олади.

«Ўрганган кўнгил ўртанса қўймас» деганларидек, Арслон Мирзаевич пора олишнинг турли усулларини ўйлаб топиб, бу ҳаракатини кучайтирса кучайтиради, асло пасайтирайди. Балки «*саломдан бошқа нарсани беришини эпломайдиган ношуд раҳбарлар*»ни ҳам бу касбга кўндириб олади. Ўрганмаганларини эса «айби»ни топиб лавозимидан четлаштиради. Кўп ўтмай порахўрнинг нопок ишларига барҳам берилади. Ва у «*йигирма йиллик жонажон лавозимини қўшқўллаб топширишга*» мажбур бўлади. Қамалмай қолганига шукrona айтиб юрган кунларининг бирида уни прокуратурага чақириб, аввалги лавозимида ишлаган пайтларидаги порахўрликка, бузғунчиликларга жавоб беришини талаб қилишади. Бу сўроқларнинг оқибати яхшилик билан тутамаслигини сезган Арслон Мирзаевич касалга йўлиқади ва бир ҳафта ўтар-ўтмас дунё билан видолашади. Порахўрнинг ҳаётини аянчли қисмат билан якун топади. Қиссанинг «Хотима»сида ёзувчининг китобхонга қўйидаги мурожаати бор. «*Қиссамиз охрида биз орамизда ҳали ҳам бор бўлган, қўрқиб-хуркиб пора олишда давом этадиган кимсаларга бу ҳафли мараздан тезроқ соғайиб кетишларида шифо тилаб қоламиз*».

Ёзувчининг бу гаплари шунчаки оддий гаплар эмас, унинг асосида одамларни ҳалолликка чақирувчи Foley, порахўрликка барҳам бериш тўғрисида куюнчаклик билан айтилган катта ижтиомий маъно бор. Арслон Мирзаевичнинг қисмати ва ўлими баъзи порахўрларга аччиқ сабоқ бўлиши лозим. Қиссадан келиб чиқадиган мантикий хуносас ҳам шу!

Ҳар қандай бадиий асар реал ҳаётнинг инъикоси, турмушнинг кўзгуси. Ижодкор бадиий тўқимага қанчалик эрк бермасин, бари бир ҳаёт фактларидан узоқлашиб кетолмай-

ди, уни бадиий-эстетик қонуниятлар асосида идрок этади, умумлаштиради, китобхонда шубҳа уйғотмайдыган қилиб тасвиrlайди. Асарнинг қадр-киммати ҳам шунда – китобхонни ишонтириш кучида. Шу маънода М.Низоновнинг «Пора» қиссасидаги ҳажвий воқеалар ҳозирги ҳаётнинг байзи муаммоларига ҳамоҳанг. У ҳаётдаги муайян салбий ҳолатларни реалистик принципда дадил ёритиб берган мұхим асар. Қиссада салбий типлар иштирок этади, ижобий образлар йўқ. Лекин қиссада арслон миразевчиликка қарши мустахкам позицияда турган ижобий куч бор. Бу – ёзувчи идеали. Ҳар бир ҳажвий воқеа талқинида, порахўрликни қоралашга йўналтирилган ҳолатлар тасвирида ўкувчи буни ҳис қилиб туради. Бу услуг ёзувчининг порахўрликка нисбатан муросасиз эканлигини, нафратини ҳаққоний кўrsatiшга хизмат этган.

Қиссанинг тили жуда бой ва таъсири, шаблондан холи. Персонажлар нутқида бўладими ёки мұаллиф тилида дейсизми, китобхон хотирасига абадий мухрланиб қоладиган, образларнинг ички дунёсини очишга хизмат қиласиган шундай жумлалар, иборалар борки, бу мұаллифнинг тил бойлиги анча катта ва хилма-хиллигидан дарак беради. Фикрим исботи учун айрим мисолларни келтириб ўтаман: «*пора олишдаги ихтирочилик қобилияти барқ уриб ривожланди*»; «*бемахал қичқирган хўрор ўз бошига савдо сотиб олади*», «*пора оловчининг бошида тикраймаган туки қолмади*»; «*куруқ хушомад кўнгидни тўлдириши мумкин-у, бари бир қиссага кирмайди*»; «*пора берувчининг лаганбардорлиги туяниng нозига ўхшайди*»; «*пора оловчилар худди сичқон пойлаган мушукдай*»; «*поранинг ўрнига бир тонна ҳол-аҳвол айтиб беради*»; «*кулон қудукқа қуласа, қулғига қурбақа ин қўяди*»; «*ундан кўзи бутун игна ундириш ҳам гумон*»; «*пора берувчи эгасининг эркалаб нон ташлашини кутган кучудай унинг оғзини пойлаб термуларди*», в.х.

Ифодалар ҳажвий воқеалар руҳига, қаҳрамонларнинг характер хусусиятларига жуда мос, мұаллиф гоясини ўкувчига енгилроқ етказишга бўйсундирилган. Тўғри, асар тилидаги бу ўзига хосликни, ранг-барангликни беришда қиссани ўзбек тилига ўтирган тажрибали таржимон-шоир М.Ахмедовнинг ҳам хизматлари алоҳида. Лекин бари бир қозонча бўлсагина чўмичта чиқишини унутмайлик.

Муродбой Низоновнинг яна бир қиссаси бор. Муаллиф уни «Ўзга сайёрада етти кун» деб атаган. Асарнинг жанри «фантастик ҳажвий қисса» деб белгиланган. Услубий томондан ҳам у ёзувчининг бошқа қиссаларидан принципиал фарқ қиласи. Фақат жанри эмас, композицион курилиши, сюжети, образлар талқини ҳам унинг ҳозирга қадар яратилган асарларидан ўзгача. Қисса йигирма уч бобдан иборат. Ҳар бир боб алоҳида сарлавҳаланган. Лекин бу алоҳидалик, бобларга бўлинниш, қиссанинг композицион бутунилигига ҳалақит бермаган, сюжетнинг ички боғланишида тарқоқлик йўқ, воқеалар ўзаро изчил ва мантиқан боғланиб, ривожланишида давом этаверади. Муҳими, ўкувчи бош образ саргузаштларини қизикиш билан кузатиб боришдан чалғимайди.

Муродбой бу қиссасини ҳаёлий саргузашт усулида ёзган. Реал ҳаёт ҳақидаги кузатишларини, турмушдаги яхши, ёмон воқеалар хусусидаги мулоҳазаларини ўзга сайёрага сафар қилган асар қаҳрамонининг ҳаёлий кечинмалари орқали ифодалашга ҳаракат қиласи. Бу адабий приём ёзувчига ўз даврининг ижтимоий-иктисодий муаммолари ҳақидаги қарашларини баён этишда қулай усул бўлган. Биласизки, ҳар қандай саргузашт қанчалик ҳаёлий бўлмасин, унда реал ҳаётнинг у ёки бу қирраси ўз ифодасини топган бўлади. Шу нуқтаи назардан қараганда, «Ўзга сайёрада етти кун» қиссаси ҳам, айтиш мумкинки, реал ҳаётнинг ўзига хос кўзгуси, ҳозирги ҳаёт муаммоларини қаламга олган ва уларни оригинал бир шаклда бадиий ёритиб берган замонга ҳамнайфас асар.

Мазкур қиссадаги сатира найзаси «Пора»дагидек ҳаётнинг бир салбий кўринишини эмас, балки турмушда учраб турадиган бир неча кўринишлиарни ҳаёлий саргузашт либосида, рамзий шаклда ҳажв қиласи, улар устидан хукм чиқаради. Қиссанинг бош қаҳрамони Бекназар бир тасодиф билан ўзга сайёрага «уч кўзли одамлар мамлакати»га бориб қолади. Даствабегона юрт (сайёра)даги ҳаётга кўниколмай қийналади, лекин аста-секин унга ўргана бошлайди. Уни бошқа планетага олиб кетган Эм ва унинг хотини Ти бу масалада ер фарзандига ёрдам беради, ажойиботлар ва гаройиботлар мамлакатининг тилсимвлари билан уни таништириб, маълум даражада, шу ҳаётта мослаштиришга эриша-

дилар. Ва ундан Ер сайёраси одамлари, табиати хусусида маълумот олиш куроли сифатида фойдалана бошлайдилар. Бекназарни «уч кўзли одамлар мамлакати»нинг бир неча фуқаролари билан учрашириб, матбуот конференцияси ҳам ташкил этишади. Ҳатто мамлакат вазири билан ҳам мулоқот ўюштирилади. Мақсад битта. Ер сайёрасидаги ҳаёт билан танишиш, маълумот йиғиш, икки планетадан қай бирининг афзаллигини аниқлаш в.х. Ер сайёраси одами билан «уч кўзли одамлар мамлакати» фуқаролари ўртасидаги мулоқот шу ҳақда.

Ёзувчининг маҳорати шундаки, инсонларнинг моддий ва маънавий юксалишига, умумий тараққиётимизга тушов бўлиб келаётган жамият ҳаётининг нобоп томонларини ўзига хос бадиий шаклда таққид қила олган. Ер сайёрасидан келган меҳмонга берадиган саволларнинг аксарияти илмоқли, маълум маънода срдаги ҳаёт тарзига норозилик оҳангидга. Ер фарзанди ҳам анои одамлардан эмас. Ўзи мансуб сайёранинг шаънини ҳимоя қилишда бўш келмайди. Топқирилиги билан вазиятни ўз фойдасига бўйсундириб олади. Гарчи берастган жавоблари асл ҳақиқатдан йироқ эканлигини билб турса-да, уларни бу «афсона»га ишонтиради. Бу комик ҳолат қуйидаги диалогда яхши акс этган. Ерда бир неча марта қўринмай бўлиб қайтган ўзга сайёранинг бир одами Ер фарзандига савол бераяпти:

— Ҳар гал борганимда, одамларингиз алланималар устида талашиб, тоҳ кетма-кет тизилиб, тоҳ тўполон билан уришиб-суришиб ётганларини кузатаман. Бир гал шундай тўполон орасида қолиб, зўрга чиқсанман. Одамлар худди кум заррасига ўхшаб кетадиган нарсани талаш қилган эдилар. Бу нима ўзи?

— Сиз шакар навбати устидан чиқсан экансиз. Бу ҳам ўйиннинг бир тури. Бизда ҳамма ишни техника бажараги, одамларимиз эса юмушсиз қолиб, бекорчиликдан зерика бошлайдилар. Ҳаракат қилиб турилмаса, соғлиқка ҳам путур ета бошлайди. Шунинг учун ҳам биз «шакар талашув» деган ўйин ўйлаб топдик. Бу ҳафтасига бир-икки марта ташкил қилинади. Одамлар бир-бирини туртишиб, итаришиб, бир-бирининг елкасига миниб ўйнаб, баданларини чиниқтиришади. Натижада қон босими яхшиланади, этлари чайир бўлади. Хулас, бундай ўйиннинг фойдали томо-

ни кўп. Бизда одамлар соғлигига давлат катта эътибор билан қарайди. Шунинг учун ҳам қўшимча қилиб «совун талашуви», «калиш-туфли талашуви» деган ўйинлар ўйлаб топилди. Бундай ўйинларнинг турлари яна қўпайтирилмоқда.

Савол-жавобнинг негизига қандай роя, сирли маъно сингдирилганини сезган бўлсангиз керак. Қисса қаҳрамонининг тўқиб чиқарган хаёлий жавоблари ўқувчи учун кулгили. Асл ҳаётнинг бундай эмаслигини билган китобхон эса улар устидан кулиб қўя қолади. Кундалик ҳаётимизда учраб турадиган, айтайлик инсонларнинг моддий турмуш тарзи билан боғлиқ ҳар хил номаъқул «ўйинлар»ни кулги фонида қоралashi, инкор этиши ва шу йўл билан ҳаёт ҳақиқатини реал тасвирлагани муаллифнинг улкан ютугидир. Умуман, кулги ва инкор қиссанинг ички мазмунига сингдирилган. Конфликт савол-жавоблардаги салбий қарашлар билан ижобий идеал ўртасидаги нуқтаи назарлар зиддияти, номувофиқлик асосига курилган. Яъни асарда ёзувчи идеали билан жамият ва одамлар учун заарли бўлган ҳаёт фактларини ҳимоя қилувчи кучлар ўртасидаги кураш ўзига хос бадиий шаклда талқин этилган. Бу ёзувчининг ҳажв яратишдаги услубий ўзгачалигининг бир кўриниши.

Хулас, М.Низоновнинг «Ўзга сайёрада етти кун» қиссаси қорақалпоқ адабиётида ривожланишда нисбатан орқада қолаётган фантастика жанри тараққиётига ҳисса бўлиб қўшилди деб айта оламан. Энг муҳими, бу асар Муродбойнинг ҳажвиётда ижодий имкониятлари катта ва кўп киррали эканлигини, бу жанрда келажакда янада мукаммал фантастик асарлар яратга олиш искеъоди борлигини кўрсатди.

М.Низонов драматург сифатида ҳам эл назарига тушган ижодкор. У бир неча кодемиялар муаллифи. «Икки дунёнинг овораси» комедияси Ўзбекистон миллий театри ижодий жамоаси томонидан саҳналаштирилиб, халқимизга кўрсатилди ва машҳурлик қозонди. Муродбойнинг бошқа шъесаларини ҳам томошабинлар қизғин кутиб олиши. Ёзувчининг комедиялари ҳам худди ҳажвий ҳикоялари ва қиссалари сингари одамларни нуқсонлардан холи бўлиб, олий идеаллар билан яшашга, эзгуликларга хизмат қилишга илҳом берадиган, тарбиявий аҳамияти бекиёс асарлардирки, улар тўғрисида маҳсус илмий тадқиқотлар яратиш за-

рурати бор. Қорақалпоқ адабиётшунослиги бу масалада, менимча, ёзувчи олдида қарздор.

Фикрларни умумлаштириб айтсам, Муродбой Низонов қорақалпоқ мишлий сатираси ривожига катта қисса қўшган, қорақалпоқ театри саҳнасини, радио эшилтиришлари ва телевидение кўрсатувларини кулгига бой ижод намуналари билан безаб, ҳалқимизга ханда улашиб келаётган бетакрор ҳажвгўй ёзувчи. Уни жаҳон адабиётининг машҳур намояндаларига ўхшатишлари бежиз эмас. Масалан, таниқли ўзбек адаби Носир Фозилов М. Низонов ҳақида шундай ёзганида мутлақо ҳақ эди: «Мен Муродбойни қорақалпоқларинг Азиз Несини дегим келади. Унинг сатирик ва юмористик ҳикоялари, драмалари шундай дейишишмга ҳуқук беради».

* * *

Гувоҳ бўлдингизки, юқорида икки таниқли ҳажв устаси ижодига бир назар ташладик, айрим асарларини кенгроқ, баъзиларини ихчамроқ таҳлил қилишга уриндик. Ҳар икки адабиёнинг барча асарлари ушбу ишда қамраб олинди ва улар тўтгисида сўз юритилди дегани эмас. Бундай мақсадни назарда тутмаган ҳам эдик. Ишонамизки, бу вазифа яқин келажакда адабиётшунослар томонидан кўлга олинади, уларнинг адабий фаолияти ҳар томонлама тўлиқ ёритилган тадқиқотлар яратилади. Яна бир фикр. Ҳар қандай бадиий баркамол асарда ҳам ўзига яраша камчиликлар бўлганидек, биз сўз юритган ҳикоя ва қиссалар ҳам бундан истисно эмас. Ҳажвияларнинг нуқсонларини топиш ҳам, кўрсатиш ҳам мумкин эди. Лекин биз сезган камчиликлар жузъий характерда бўлиб, улар ёзувчининг бадиий кашфиётлари олдица аҳамиятсизроқдек кўринди. Шу боисдан ҳам таҳлил давомида уларга маҳсус тўхтаб ўтирадик.

Ҳажвиётда қалам тебратиб келаётган бошқа қорақалпоқ ёзувчиларининг адабий фаолиятини камситмаган ҳолда бир ҳақиқатни таъкидлаб айтмоқчимиз. Сайловбой Жумагулов билан Муродбой Низонов қорақалпоқ адабиётидаги ҳажвий жанрни тараққиётнинг янги босқичига олиб чиқкан бугунги қорақалпоқ сатирасининг чин маънодаги даргалари, бетакрор истеъод соҳибларидир. Бу кимнингдир ҳақиқат ҳам шу!

Бу сўз ва ҳажв усталарининг ўзбек адабиётидаги сатира ва юмор жанри ривожига ҳам ҳисса қўшиб келаётганини яна бир бор қониқиши билан қайд этамиш. Муродбой ва Сайловбойнинг қатор китоблари ўзбек тилига таржима қилиниб, Тошкентда нашр этилди, саҳна асарлари ўзбек театрларидаги қўйилди. Бир сўз билан айтганда, улар ўзбекнинг ўз ёзувчиси бўлиб қолди. Ушбу мантиқдан келиб чиқсан, таниқли ёзувчи ва таржимон Носир Фозиловнинг: «Муродбой Низонов, Сайловбой Жумагулов, Ўрозбой Абдураҳмонлар бугунги замонавий қорақалпоқ адабиётининг ўзига хос устунларига айланишган»¹, деб ёзгани ёки шу муаллифнинг яна: «Бугунги кунда Муродбой наинки қорақалпоқ адабиётида, балки ўзбек адабиётида ҳам сатира ва юмор жанрининг ишрик намояндасига айланниб улгурган» деган эътирофидаги заррача ҳам муболага йўқ.

Қорақалпоқ ва ўзбек адабиётига баравар хизмат қилиб келаётган бу икки ёзувчининг асарлари икки қардош ҳалқ ўкувчилари томонидан бир хилда қабул қилинайти ва қадрланмоқда. Бир неча ҳалқ китобхонларининг, мухлисларнинг қалbidан жой эгаллаган, уларнинг ҳам севимли ва ардоқли ёзувчисига айланган ижодкорлар адабий жараёнда кўп эмас. Бироқ Муродбой Низонов ва Сайловбой Жумагуловлар икки эл, икки адабиёт ҳурматини қозонишга муваффақ бўлган энг омадли қорақалпоқ адабларидир.

2008

НАСРДА ШАКЛЛАНГАН ИЖОД

Адабий жараёнда келажагига умид уйғотадиган бирор талант пайдо бўлса, дарров кўпчиликнинг назарига тушади. Атоқли ижодкорлар унга эътибор қаратадилар. Ўтган асрнинг 70-йиллари бошларида адабиётга кириб келган Кенгесбой Алламбергановнинг ижод бўстонидаги илк қадамлари ҳам шу хилдаги кўллаб-куватлашлардан бошланган. Ёш ёзувчининг келажагига ишонч билдириб, дастлаб унга «Оқ йўл» тилаган устоз ёзувчи Тўлепберган Қайипберганов бўлди. Бундан салкам йигирма йил олдин у Кенгесбойнинг «Ўзбекистон адабиёти ва санъати» газетасида «Оқ баскур» номли

¹ «Жаҳон адабиёти» 2008., 6-сон.

ҳикоясининг босилиши муносабати билан ёш қаламкашга куйидаги мазмунда «Оқ йўл» йўллаган эди: «Ёш ёзувчи Кенгесбой Алламберганов адабиётга ҳикоянавис сифатида етмишинчى йилларнинг бошида кириб келди. Унинг илк ҳикоялари «Жеткиншек», «Амударё» ва «Гулхан» журналларида босилди. Қисса ва ҳикоялардан иборат биринчи тўплами – «Қийин довон»ни 1982 йили «Қорақалпогистон» нашриёти чоп этди. «Чорраҳа» деб номланган биринчи романни эса ўтган йили ўтказилган ишчи эстафетаси танловида ғолиб бўлди. «Оқ басқур» ҳикоясини газетхонларга тақдим этар эканман Кенгесбойга оқ йўл тилайман»¹.

Ўша даврларда адабиётга дадил қадамлар билан кириб келган бу ёзувчига устоз адаб томонидан йўлланган «Оқ йўл» бир жиҳатдан унга билдирилган катта ишонч бўлса, иккинчидан, масъулият ҳам юклади. Кенгесбой ўқиб, изланиб, астойдил ижод қилиб, устоз ёзувчининг ишончини оқлади. Бугун у қорақалпок насрининг таникли вакилларидан бири, ўз сафдошлари орасида олдинги қаторларда бораётган талантли ёзувчи бўлиб етишди.

К.Алламберганов ижодни ҳикоя ёзишдан бошлади. Насрнинг кичик жанрларida куч синаф, кейин катта жанрларга ўтди. Келажагига умид уйғотадиган истеъдод қирралари дастлабки ҳикояларида ёқ кўринди. Кенгесбой ижодининг илк даврларida болалар ҳастидан ҳикоялар ёзди. «Соз чалган бола», «Дастлабки беш», «Тонг болалари», «Куш ҳақида эртак», «Софинч» ҳикоялари ҳастийлиги ва самимилиги, тилининг содда ва равонилиги, болаларбоплиги билан ажрабли туради.

Ёзувчи ҳикоядан ҳикояга чиникиб, истеъоди ҳам шаклланиб борди. Энди у ҳаётнинг жиддий муаммоларини, мурраккаб тақдирларни қаламга ола бошлади. Ҳар бир ҳикоясида унутилмас характерлар яратишга, ўқувчини эстетик жиҳатдан тарбиялаб, тасаввурини бойитадиган, дунёқарашига нимадир берадиган ҳаёт материалларига мурожаат қилишга киришди. «Ер монологи», «Оқшомдаги айтишува», «Эски оҳанг», «Оқ басқур», «Мавсумсиз никоҳ» ҳикоялари Кенгесбойнинг ҳикоячиликдаги муваффақиятлари бўлди. Унинг ҳикоячиликдаги маҳорати, айниқса, «Оқ басқур»да

кўпроқ кўринди. Иккинчи жаҳон уруши даврига хос бир драматик воқеа ҳикояга асос қилиб олинади. Она ҳикоянинг бош образи. У ўғлиниң севган қизи билан яширин сўзлашиб турганини бехосдан кўриб, жуда қувониб кетади: «Ё худо, ўзингга шукр. Бу кунларга ҳам етадиган пайт бор экан. Илоё қувончим абадий бўлгай!» Она ўғлига билдирилмасдан тўйга тайёргарлик кўра бошлайди. Уйда нима бору нима йўқ, ҳаммасини кўздан кечиради. Тўйга ярайдиганиларини танлаб сандиққа ташлайди. Лекин унга нимадир етишмаёттандек туолаверади. Ҳа, эслади. Ўғли Пўлатга атаб алоҳида ўтов тиклаш. Йиғиб қўйилган қора уйнинг кам-кўстини тўлдириб тўйга тайёрлаш, келинни ўша уйга тушириш. Шу эзгу ният билан басқур тўқишига киришади. Кундуз далада ишласа, кечқурун басқур тўқииди. Тезроқ битказишга шошилади. Шундай кунларнинг бирида уруш бошланади. Пўлат фронтга кетади. Она ўғлиниң урушдан қайтиб келгунича басқурни битишига аҳд қиласи, жадал тўқий бошлайди.

Ёзувчи ҳикояда онанинг фидоийлигини, фарзандига меҳрини психологик планда яхши кўрсата олган. Воқеалар бундан кейин драматик руҳда давом этади. Онанинг руҳий изтироблари тасвирига алоҳида урғу қилинади. Басқур битай-битай деб тургандага онанинг ўғлидан хат келиши тўхтайди. Она хавотирга тушади. Лекин умидини узмайди, бугун бўлмаса, эртага албатта, ўғлиниң эшикдан кириб келишига ишонади. Сўнгги кучини йигиб басқурнинг охирги ипларини тўқиётганда, ўғлидан қора хат кслади. Бу хабар она-нинг қаддини букади, армони саробга айланади, ҳаёт чирогини сўндиради. Бу психологик фожиани ёзувчи ҳикояда шундай тасвирилаган: «Юраги нозиклашиб қолганди. Санчиб оғримади, қисмади ҳам, фақат ичидан аллақаэри чирт этиб узилгандай бўлди. Она тўқиётган басқурга қулади. Тараплан иплар таранглашди, сўнг чирсиллаб-чирсиллаб узилаверди, узилаверди. Камалак рангларга дарз кетди».

Иккинчи жаҳон уруши йилларида бундай аянчли воқеалар деярли ҳар бир хонадоннинг бошига тушганди. Бирорлар акаси ёки отасининг, яна бирорлар умр йўлдоши ё севган ёрининг, оталар ва оналар фарзандининг жангдан ғала-ба билан қайтишини кутиб гўзал орзулар билан яшади, Уларнинг соғ-саломат келишига нималарнидир совға тарзи-

¹ «Ўзбекистон адабиёти ва санъати», 1984., 13 апрель.

да тайёрлаб кўйди. Лекин буңдай армонлар ҳамиша ҳам ушалавермади. Буни она тақдири мисолида ёзувчи бадий талқии қилади. Ўқувчи бир томондан онанинг аччиқ қисматига ачинса, иккинчидан, оналарни шу куйга солган, қанча оиласларни кулфатга гирифтор этган урушни лъянлатлади. Ёзувчи бу ҳёттий воқеани бадий ҳақиқатга айлантиришда образли ифодалардан, деталлардан ўринли фойдаланган. Ҳикоядаги басқур детали асарнинг гоясини очишда, воқеалар драматизмини таъминлашда, давр руҳини, миллий колоритни беришда муҳим бадий восита бўлган. Она кулагандан кейин басқур ипларининг «чирсиллаб-чирсиллаб» узилаверишида, камалак ранглари талқинида инсон тақдири билан боғлиқ раъмзий маъно, чуқур фалсафий фикр бор.

К.Алламберганов ҳикоячиликда бироз тажриба тўплагандан кейин повесть жанрига ўтди. «Кушлар қайтган кун», «Қийин довон» қиссаларини эълон қилди. Биринчи повестда экология муаммолари, шахсий манфаат учун ўрмон ва тўқайзорлардаги ноёб қушларни қириб юбораётган браконерларнинг табиятга нисбатан ёзувиликлари қораланса, иккинчи повестида ҳётга, муҳаббатга енгил-елпи муносабатда бўладиган ёшларнинг чигал тақдири ҳикоя қилинади. Бундай мураккаб ҳёттий муаммоларни бадий талқин қилиш учун нафақат ёзувчилик маҳорати, айни пайтда, муаллиф учун турмуш тажрибаси ҳам керак бўлади. Кенгесбойнинг ҳёт материалыни яхши идрок этгани, баъзиларини ўз турмуш тажрибасида синаб кўргани ҳар бир воқеа ва образ талқинида сезилиб туради. Ҳарҳолла, ёзувчининг бу икки асари 80-йиллар қорақалпоқ қиссачилигига ўз ўрнини эгаллади.

* * *

Романнинг имкониятлари ҳикоя ва қисса жанрига нисбатан катта. Муаллифнинг ёзувчилик маҳорати, талантининг қудрати, асосан роман жанрида намоён бўлади. Роман ёзувчининг насрдаги мавқенини белгилайдиган жанр. Кўпчиликка маъкул, ҳамма китобхон бирдек севиб ўқийдиган, ҳеч қачон аҳамиятини йўқотмайдиган, ҳамма даврларга хизмат қилиш салоҳиятига эга роман яратиш осон эмас. Бунинг учун талант, тинимсиз ижодий меҳнат, кенг қамровли мушоҳада керак. К.Алламберганов романга етарли даражадаги ижодий тайёргарлик билан келди. Ҳикоялар ва қис-

салар ёзиб, эпик сюжет яратиш маҳоратини эгаллади. Образ, характер яратиш сирларини ўрганди. Ҳёттий материални «қайта бичиб, қайта тикиш» санъатини ўзлаشتirdи. Шунинг учун ҳам унинг романчиликдаги изланишлари кўпга чўзилмади. Илк романларидаёқ тажрибали, қалами пишиб етилган, маҳоратли ёзувчикдек таассурот қолдирди. Кенгесбой ҳозирга қадар уч роман эълон қилди. Биринчи романи «Чорраҳа» китобхонлар томонидан қизғин кутиб олинди, республика кўламида ўтказилган танловда голиб бўлди. Роман ўтган асрнинг саксонинчи йиллари ўрталарида ёзилган. Асарда шўролар тузуми, тоталитар режимнинг нобоплиги, ҳаётдаги камчиликлар, таълим тизимида ги кўзбўямачилик ва соҳтагарчиликлар фош этилади. «Чорраҳа» тургунилик йиллари ҳёттининг бадий кўзгуси. Олий ўқув даргоҳини янги битирган Турғангул йўлланма билан касб-хунар билим юртига ишга келади. Меҳнат фаолияти давомида бир талай тўқсениликларга учрайди, камчиликларнинг гувоҳи бўлади. У ишга келган ўқув ўрнида таълим-тарбия жараёни издан чиқсан. Раҳбарлар, ўқитувчилар ўртасида кўзбўямачилик, ичкиликбозлик авж олган. Турғангул бу ҳаракатларнинг ёшлар тарбиясидаги салбий оқибатларини кўриб ачинади. Бу камчиликларга қарши курашишга, уларни бартараф этишга бел боғлади. Ўқув ўрнида адолат, соглом муҳит ташкил этади. Ешмурод Кулмуродовга ўхшаган раҳбарларнинг найрангларига барҳам беради. Бу ишлар осон кечмайди, албатта, бир қатор тўқсениликларни енгил ўтишга, ҳақиқат тантанаси учун чинакамига курашишга тўғри келади. Образлараро тўқнашув романда кескин конфликтлар фонида берилади. Турғангул қорақалпоқ насиридаги янги типдаги образ, ёзувчининг ҳар хил характердаги хотин-қизлар образини яратишдаги маҳоратининг ифодаси. Шу маънода роман айнан бутуннинг асари, замонавий қорақалпоқ романчилигининг етук на-мунаси.

К.Алламберганов шўролар даври ҳаёти учун типик камчиликларни, маънавий-маърифий турмушдаги хатоларни қоралашга бағишлиб роман ёзишини давом эттириди. Орадан кўп ўтмай унинг иккинчи «Умр манзиллари» романни босилиб чиқди. Роман «Чорраҳа»га мавзу йўналиши бўйича бирмунча ўхшайди, биринчи романнинг мантиқий даво-

мидек туюлади. Бу асари билан Кенгесбой романчиликда яна бир довон ошди. Илм йўлига эндининг кириб келаётган бир ёш олимнинг ҳаёти ва кураши роман сюжетининг асосини ташкил этади. Шўролар тузумининг мунофиқона сиёсатига ишониб яшаган Султоннинг тақдиди мисолида ҳақиқат, адолат тантанаси учун курашиш зарур, деган ғоя илгари сурилади. Бу ғояни ёзувчи романда ҳар хил характер хусусиятига эга бир туркум образлар орқали ёритган. Ўқувчи хотирасида узоқ сақланадиган қизиқарли воқеалар, ёрқин характерлар кўп. Роман сюжетини шакллантиришда, баъзи образлар характерини очища, айниқса, Султон тақдиди билан боғлиқ кўп воқеалар тасвирида муаллифнинг ўз ҳаёти тажрибасига таяниб иш кўргани сезилади.

К. Алламберганов романдан романга ўсиб, таланти чиниқиб, ёзувчилик маҳорати ҳам ошиб борди, янги мавзуларда, кенг эпик планда роман яратишга астойдил киришди. «Дарё тортилган йиллар» ёзувчининг романчиликдаги наъбатдаги жиддий ютуғи бўлди. Роман муаллифга шуҳрат келтирди, асар Бердак номидаги Давлат мукофоти билан тақдирланди. Роман фақат мавзусининг долзарблиги билан эмас, балки унда даврни характерлайдиган конфликтлар, чинакам миллий характерлар яратилгани, долзарб муаммолар кўтарилгани учун ҳам китобхонлар асарни яхши кутиб олди. Романда Орол денгизининг куришига сабаб бўлган ҳолатларнинг ижтимоий илдизлари очиб берилган. Шўро сиёсати ҳукмронлиги даврида бузилган экологик мұхит одамларнинг саломатлигига зарар етказиб қолмасдан, ижтимоий ҳаётни ҳам издан чиқарди, мънавий-ахлоқий инқирозга олиб келди. Бу йилларда кўзбўя-мачилик, мансабни сунистъемол қилиш ва бошқа бузгунчиликлар авж олганини бугун ҳеч ким инкор этолмайди. Бу яқин ўтмишнинг аччиқ ҳақиқати. Романда мана шу иллатлар дадил фош қилинган.

Ёзувчи романда фақат бир ёқлама, фош қилиш йўлидан бормайди. Ижобий кучларни ҳам меҳр билан тасвирлайди. Романда бундайларнинг умумлашма образларини ҳам яратади. Назар ота шундай инсонларнинг типик вакили. У вижидони тоза, имони бут, табиат бойликларининг ҳақиқий ҳимоячиси, боғ бунёд этиб, халқининг ободончилиги учун хизмати.

матга бел боғлаган чин инсон. Бироқ отанинг хайрли ишлари қўллаб-куватланмайди. Аксинча, у яратган боғлар замона зўрлари томонидан пайҳон қилинади, мевали дараҳтлар қўпориб ташланади, ўрнига пахта, шоли экилади. Бу ўзбошимчалик, зўравонлик отани руҳан қийнайди, умрига завол этади. Отаси бошлаган бу хайрли ишни давом эттириш невараси Жалғаснинг зиммасига тушади. Жалғас ўқиб терговчи касбини эгаллайди. Бобосининг амалга ошмай қолган орзусини рӯёбга чиқариш учун ишга киришади, табиат кушандаларига қарши кураш бошлайди, нопок ишларга кўл урган кимсаларнинг кирдикорларини очиб ташлайди. Романнинг иккинчи «Виждон амри» китобида бу воқеалар батафсил тасвирланган. Жалғас иродаси мустаҳкам, адолат ва ҳақиқат тантанаси учун курашда ҳеч нарсадан кўрқмайдиган, жасоратли милиция ходими, терговчи тимсолида намоён бўлади, характер хусусиятлари шиддатли ва муросасиз тўқнашувларда очиб берилади.

Романга турли соҳа вакилларининг образлари ҳам киритилган. Улар ҳар хил характер хусусиятига эга бўлишига қарамасдан, асарнинг бош ғоясини очища фаол иштирок этадилар, романдаги ижобий ёки салбий ҳолатларни бадиий далиллашга йўналтирилган. Муаллиф романда шўролар тузумининг оғир ва мураккаб турмуш шароитини бадиий ёритишга, ҳаётнинг иллатларини кўпроқ очиб ташлашга ҳаракат қилган. Романда эзгуликларни қўллаб-куватлаш билан бирга хатолардан хулоса чиқаришга, уларни такрорламасликка, тараққиётимизга тўсиқ бўладиган иллатларга муросасиз бўлишга чақириқ бор. Китобхон роман воқеаларини қалбига қанчалик чуқур сингдирса ва хулоса чиқарса, мустақилликнинг қадрига шунчалик тез этади Шу маънода, бу асарлар, гарчи, бундан ўн-ўн беш йил олдин ёзилган бўлса-да, уларда бугунги куннинг нафаси бор.

К.Алламбергановнинг ёзувчилик фаолияти ҳақидаги Фикрларимни хулосалаб айтсам, у насрининг ҳамма жанрларида китобхониарга манзур бўладиган асарлар яратди. У яхши ҳикоянавис, бир неча қисса ва романлар муаллифи, 70-90 йиллар қорақалпоқ насрининг кўзга кўринган вакилларидан бири.

К.Алламберганов күп йиллардан бери илм билан ҳам шуғулланиб келади. У асосан, қорақалпоқ халқ оғзаки ижодига қизиқиб илмий-тадқиқот ишлари олиб борди. Ва қорақалпоқ фольклоршунослигига муайян даражада ҳисса қўши. Дастрраб у «Қорақалпоқ адабиётида шоирлар айтишуви» деган мавзуда номзодлик диссертациясини ҳимоя қилди ва шу номда китоб ҳам чоп эттириди. Кенгесбойнинг сўнгги йиллардаги илмий изланишлари асосан «Едиге» достони тадқиқоти билан боғлиқ. Бу йўналишдаги күп йиллик илмий ишларини якунлаб «Қорақалпоқ халқ достони «Едиге» деган мавзуда докторлик диссертациясини ҳимоя қилди ва «Қорақалпоқ халқ достони «Едиге» номли катта монографиясини ҳам нашрдан чиқарди. Ҳар икки монография ҳам К.Алламбергановни чинакам фольклоршунос олим, ўз соҳасининг етук мутахассиси деб хulosса чиқаришга мисол бўла олади.

К.Алламберганов педагог-олим сифатида ҳам күп йиллардан бери фаолият кўрсатиб келмоқда. У мактаблар, коллеж ва лицейлар, олий ўқув юртлари учун қорақалпоқ адабиёти бўйича дастур, дарслек ва кўлланмалар, хрестоматиялар яратишга ҳам қатнашди. Шунингдек, талабаларга юқори савияда дарс бериб келаётган улгили устозлардан бири.

К.Алламбергановнинг ёзувчилик, илмий-педагогик фаолияти ҳақидаги кузатишларимни якунлашдан олдин, кўпдан бери хаёлимда айланиб юрган бир гапни ушбу мақоланинг хulosаси сифатида айтмоқчиман. Гап шундаки, меннинг кузатишимча, Кенгесбой Алламберганов сўнгги йилларда ёзувчиликдан анча узоқлашиб кетди. Матбуотда деярли кўринмай қолди. Яқин беш-ўн йилда янги ҳикоялар, қисса ва романлар эълон қилгани менга маълум эмас. Тўғри, бу йилларда у илм билан шуғулланиб, етук фольклоршунос олим бўлиб танилди, катта илмий даражага эриши. Бу яхши, албатта. Лекин К.Алламбергановнинг олимлик даражасини тан олган ҳолда, мен унда ёзувчилик таланти устувор, қорақалпоқ насрини бадиий-эстетик салмоғи бақувват асарлари билан бойитишга қодир истеъод соҳибини кўраман ва бадиий ижоддаги фаолиятини худди етмишинчи-саксонинчи йиллардагидек фаол давом эттиришига тарафдорман. Мажолада Кенгесбой Алламбергановнинг олимлик фаолияти-

дан кўра ёзувчи сифатидаги талант қирралари тўғрисида кенгроқ сўз юритганимнинг бир сабаби ҳам шу!

2004

ФОШ ҚИЛУВЧИ РОМАН

«Турғунлик» йиллари деб ном олган яқин ўтмишга бунгунги дунёқараш билан назар ташлаши, оғир турмуш шароитларини қоралаб, ҳар хил жанрларда бадиий асарлар яратиш ва шу орқали мустақилликнинг тарихий аҳамиятини ҳақимиз онгига сингдиришдек масъулиятли вазифа ҳозирги авлод ижодкорлари зиммасида турибди. Ёзувчи Абулқосим Ўтепбергановнинг «Дўзах ичидা» (1993) номли романи айнан шу мавзунинг бадиий талқинига багишланган яхши романлардан бири бўлди.

Романга тагдор маънода – «Дўзах ичидা» деб ном қўйилган. Яқин ўтмишдаги ҳаёт, чиндан ҳам, баъзи худбин раҳбарлар, маънавий тубанликни ўзларига касб қилиб олган ахлоқиз шахслар, зўравонлар, лаганбардорлар ва шуҳратпастлар учун «жаннат» бўлиб хизмат этган бўлса, турмушдаги адолатсизликлар, таҳдид ва ёвузликлар билан келиша олмаган виждонли, ҳалол, эътиқоди мустаҳкам кишилар учун эса «дўзах» бўлгани ҳеч кимга сир эмас. Роман воқеалари ва конфликтни мана шу икки ахлоқий тушунчадаги кишилар кураши асосида шиддатли ривожланиб боради. Ёзувчи романда мунофиқлик билан лоқайдликни, шуҳратпастлик билан мансабпастликни, диёнатсизлик ва маънавий тубанликни, пораҳўрликни дадил фош қилган. Шу маънода у, чиндан ҳам, фош қилувчи роман. Муаллиф инсонийликка хилоф бу иллатларни қоралаш орқали эзгуликларни ҳимоя қиласи. Ўқувчини мураккаб ҳаёт йўлларида адашмасликка чақиради. Ҳақиқат ва адолат учун курашиб яшашга, соғ виждонли оламлардан ўrnak олишга ундаиди. Романнинг ижтимоий тарбиявий аҳамиятларидан бири ҳам шу.

Журналист Таўбаназар романнинг марказий қаҳрамони. Виждонли, ўз ишига садоқатли, ҳақиқатпарвар мухбирларга хос хислатлар шу образда умумлаштирилган. У ёзувчи идеалидаги журналист. Таўбаназар адолатпарвар, принци-

пиал ходим. Раҳбар буюрди, деб ҳар мақомга йўргалаб кетавермайдиган, эътиқодида қатъий туро оладиган иродали газета мухбери. Унинг характеристига хос хусусиятлар романда бир неча сюжет тармоқлари, ҳаётий ва драматик воқеалар фонида очилади. Газета мұхаррири Атакан Айтмуратович унга Соҳибжамол исмли қишлоқ қизи ҳақида очерк ёзил келишни топширади. Бу вазифани бажариш учун Таўбаназар очерк қаҳрамони яшаетган совхозга йўл олади. Қизнинг мураккаб тақдиди билан танишгач, очерк ёзиш фикридан қайтади, вижданни йўл қўймайди. Юқори лавозимда ўтирган бир раҳбарнинг бу ёш қизни ўз «тузоги»га илинтириб, номусини поймол этгани, гуноҳини ювиш мақсадида лаганбардор мұхаррир ёрдамида «Дала юлдузи» деган соҳта очерк ёздириб, газетада бостириш, сўнг эса қизни катта мукофотларга тавсия этиш йўлидаги найрангларидан огоҳ бўлгандан кейин, Таўбаназар бу ишдан бутунлай юз ўғирали, ҳақиқатга хиёнат қилиб, ёлғон фактлар асосида очерк ёза олмаслигини мұхаррирга очиқ айтади. Аксинча, Соҳибжамонинг аччиқ қисматига сабабкор ўша амалдорни фош қилиб танқидий материал тайёрлаш нияти борлигини мұхаррирга эслатади. Натижада мұхаррир билан журналист ўртасида жиҳдий тўқнашув пайдо бўлади. Атакан Айтмуратович ва унинг ҳамтовоқлари Сейилхан, Қидирбой Тангарович, Айтбайлар билан Таўбаназар ўртасида кескин кураш бошланади.

Ёзувчи бosh қаҳрамонни ҳаётнинг энг мураккаб ва қийин сўқмоқларидан олиб ўтади. Уни турли таҳдид ва адолатсизликлар қаршисида синааб кўради. Таўбаназар характеристидаги ҳақиқат кучига ишонч, адолат учун курашчаник, ахлоқий поклик каби олижаноб хусусиятлар мана шу баҳсларда, тортишувларда, олишувларда ёрқин намоён бўлади. У мұхбирлик фаолиятида кўп ноҳақликларга, адолатсизликлар ва нопокликларга, тухматларга учрайди. Лекин ҳеч қачон чекиниб, профессионал журналистлик касбига хиёнат қilmайди. Кураш давомида имони, эътиқоди мустаҳкам инсон эканлигини кўрсатади. Образнинг бу хислатлари магазин мудири Айханим билан бўлган муносабатда яхши очилган. Ўгириклари фош бўлиб қолган магазин мудирининг Таўбаназарга пора узатиб, ўзининг қинғир ишини бости-бости қилишга, фельетон ёзмасликка кўндириш учун ялиниб-ёл-

воришлири, ундан рад жавобини эшиггач, қайсири раҳбарларга яқинлигини пеш қилиб, дўй-пўписага ўтишлари, кўрқитишига уринишлари тасвири жуда ҳаётий чиққан. Нопок савдо ходими билан принципиал ва ҳалол мұхбир ўртасидаги тўқнашув ва ундан келиб чиқадиган хулоса ҳаёт мантиқига жуда мос.

Ёзувчи романда бир қатор ижтимоий-сиёсий муаммолар фонида маънавий-ахлоқий масалаларни кўтаришга аҳамият берган. Ахлоқан тубан, виждонсиз раҳбар ва раҳбарчаларни аямасдан, ладил фош қилгани, кирдикорларини ҳаётий фактлар мисолида бадиий умумлаштиргани, менимча, муаллифнинг жиҳдий ютуғи. Газета мұхаррири Атакан Айтмуратовичнинг уйида гулдай хотини, болалари бўла туриб, бегона аёллар билан майшат қилиши, мутасадди бир раҳбарнинг ўн гулидан бир гули очилмаган ёшгина қиз Соҳибжамонинг номусини поймол этиши, савхоз директорининг ўз оиласига хиёнат қилиб, ахлоқсиз хотинлар билан «дон олишиши», эрининг бу эгри харакатларидан хабардор бўлиб қолган хотиннинг бузуклик кўчасига кириб, бир шоғёр йигит билан ўйнаш тутиниши каби воқсаларни ёзувчи романда нафрат билан қоралайди.

Биз бу воқеалар билан танишар эканмиз, беихтиёр ҳаётга назар ташлаймиз, роман воқеаларини турмушга хаёлан солишишимиз, ҳаётдан шу хилдаги мисолларни излаймиз. Баъзан, ёзувчи тасвирлаган бу салбий ҳолатларнинг ҳаётий асослари бормикан, муаллиф тажрибасизлик қилиб, ҳаёт ҳақиқатини бўрттириб юбормадимикан, деган шубҳа ҳам кўнгилдан ўтади. Лекин роман воқеалари билан яқин ўтмишнинг айрим ҳодисаларини қиёслаш натижасида бу шубҳаларимиз асоссиз эканлигини англай бошлаймиз. Худди шундай воқеаларни қаерлардадир кўрганимиз, кимлардандир эшигтанимиз кўз олдимизга келади ва бу воқеалар тасвирида ёлғон ёки сунъийлик йўқлигига амин бўламиз. Яқин ўтмишда имон-диёнатдан маҳрум, маънавияти иочор шахслар, ҳамма нарсани бойлик ва обрў билан ўлчайдиган кимсалар анча-мунча бор эди ва улар худди «Дўзах ичидা» романда тасвирлангандек ҳаракат қилгани сир эмас. Бу иллатларни яширишнинг мутлақо кераги, иложи ҳам йўқ, деб хисоблайман.

«Дўзах ичидা» романнда яна бир ноҳақликнинг кескин қораланганини, менимча, китобхон тўла маъкуллайди. Маълумки, шўролар даврида ҳалол ва пок инсонлар, ҳақиқатгўй ходимлар қувгин қилинган, лаганбардор, амалпаст пораҳўрлар кўпинча иззатда, раҳбарлар эъзозида бўлди. Бу ҳам яқин ўтмишнинг аччиқ ҳақиқати. Ёзувчи бу ҳаёт тарзини соғдил ва адолатпарвар тадбиркор, савхоз директори Гўнебой Примов образи мисолида яхши кўрсатган. У ҳалол меҳнати, ишбилармонлиги билан савхозни қолоқликдан илгорлар қаторига олиб чиқади. Вилоят ва туман раҳбарларининг кўзбўямачилик ишларига қўшилмайди, уларнинг халқ манфаатига зил ҳар қандай буйруқларини бажаришдан бош тортади, қўшиб ёзишларга йўл кўймайди. Натижада у раҳбарлар томонидан қувгин остига олинади, боши танқид ва ҳақоратдан чиқмай қолади. Оқибати шу бўладики, Гўнебой Примов руҳий қўйноқларга бардош беролмай, қон босими ошибб, вафот этади. Унинг қисмати бюрократ раҳбарлар исканжасида, уларнинг зуғуми остида шундай фожия билан тугайди.

Романда бундай қайгули, драматик воқеалар анчагина бор. Муаллифнинг ютуғи шундаки, бу воқеаларни у шунчаки воқеа ёки ахборот тарзидаги ҳикоя қилмайди, ҳаётда учраши мумкин бўлган факт сифатида бадиий далиллайди, уларнинг ҳаққонийлигига ўқувчида шубҳа қолдирмайди. Бугун жамиятда бундай нопок, адолатсиз, бюрократ раҳбарларга тамоман барҳам берилиди, деб бўлмайди. Бу хилдаги шахслар турғунлик йилларида гидек кўп ва ошкора бўлмасида, ҳозир ҳам учраб туради. Шундай экан, уларнинг қилмишларини бадиий образларда гавдалантириш ҳеч қачон аҳамиятини йўқотмайди.

«Дўзах ичидা» романнда тасвирланган яна бир ҳаётий воқеага эътиборингизни қаратмоқчиман. Романда шундай бир эпизод бор. Ўрдабой билан Боймурот кўчама-кўча, уймай юриб одамлардан хонадонларга газ ҳамда сув ўтказгич қуриш мақсадида корхона раҳбарларига пора бериш, шу йўл билан ишни тезлатиш учун пул тўплайдилар. Таўбаназар бу қинғир ишнинг гувоҳи, нафақат гувоҳи, ҳатто иштирокчи-си ҳам бўлади. Хотинининг ҳамма тўласа, бизлар якка маҳовдай ажралиб, қўшилмасак кўча-кўйда қандай бош кўта-риб юрамиз, деган қистови билан у ҳам порага бош қўша-

ди. Бу ҳам яқин ўтмишнинг номақбул ишларидан бири. Баъзи шаҳар ва қишлоқларга газ ва сув тармоқларининг шундай қинғир йўллар билан тортилгани, айрим шахсларнинг одамлардан ноқонуний пул тўплаб чўнтакларини қаппайтиргани бор гап. Бу салбий ҳолатларнинг романда бадиий образлар орқали умумлаштирилиб, фош қилинганини маъкуллайман. Ёзувчи бу масалада ҳам ҳаёт ҳақиқатига амал қилган.

Сўз юритилаётган асарнинг яна бир ўзига хослиги бор. Маълумки, шўролар даврида барча асарларга бир хил талаб кўйиларди. Яъни асарда воқеалар эзгуликнинг ёмонлик устидан тантанасини кўрсатиш ёхуд шунга ишора руҳидаги бирор детал ёки ҳолат тасвири билан якунланиши қонуният эди. Бундай йўл кўп асарларда шаблон ва схематизмни келтириб чиқарди, уларни ҳаётийлиқдан маҳрум қилиб қўйди. Ахир турмушда ҳамма вақт ҳам адолат тантана қилиб, ҳақиқат рўёбга чиқавермайди-ку! Маълум муддатларга қадар (баъзан бутунлай) айрим ҳақиқатлар эгилганича қолиб кетиши мумкин-ку! Бунга ҳаётда мисоллар етарли. Адабиёт реал ҳаётни бадиий ёритар экан, бу ҳақиқатни тўғри кўрсатишдан ҳам кўз юммаслиги, бадиият қонунларидан чекинмасдан, қандай бўлса шундайлигича тасвирлаши лозим. «Дўзах ичидা» романни муаллифи узоқ йиллар давом этиб келган бу қолипни бузиб тўғри қилган. Роман воқеалари соф виждонли журналист Таўбаназарнинг ғалабаси билан Эмас, аксинча, муноғиқ ва зўравон кучларнинг устунлиги билан якунланади. Атакан Айтмуратович Таўбаназардан уч олиш йўлидаги ҳаракатларини давом этиради. Уни обрўсизлантириш, башном қилишнинг қабиҳ йўлларини ишга солади, устидан тухмат уюштиради. Айханим деган магазин мудиридан: икки минг сўм пора олгансан, магазинини текширгани борганингда синглисини ўйнашинга айлантироқчи бўлиб ҳар хил найранлар ишлатгансан, ҳақоратлагансан, деб тухмат қиласи. Айханим прокуратурага уч киши гувоҳлигига ариза бериб кўйганлигини айтади. Шундан кейин Таўбаназар пора олганликда айбланиб, унинг устидан жиноий иш қўзғатилади. Таўбаназарни сўроқ қилишади. «Пора олмадим» деб минт марта такрорласа-да, терговчилар мақсадларига эришиш учун ҳар хил ноқонуний усуулларни ишга соладилар, ҳатто ароқ ичириб «айбини» бўйнига қўйишга уринадилар. Бу йўл ҳам натижа берма-

гач, уни шафқатсиз калтаклайдилар. Лекин Таўбаназар ҳақиқатга хиёнат құлмайды, уларнинг даъвосини тан олмайды. Ҳақиқат ва адолатнинг тантана қилишига умид боғлади. Мана шу драматик күрениш билан ҳам роман воқеалари тугайди. Бу воқеанинг ҳам ҳәетий заминида асос бор, бадий далилланган.

Күраяпизки, Таўбаназар қисмати билан боғлиқ мұхим бир түгун, конфликт ечилмай қолди. Унинг тақдирининг қандай ҳал бўлиши ўқувчига маълум эмас. Бир муроҳаза. Ёзувчидан роман воқеаларини, айниқса, Таўбаназар қисмати билан боғлиқ сюжетни давом эттириш истаги борга ўхшайди. Роман воқеаларига охирги нұқтани қўйишдан олдин ёзувчи китобхоннинг эътиборини қўйидаги тасвирга қаратиши бежиз эмасдек туолади: «эр-хотин сўзлашиб ўтира турсин. Биз Таўбаназарнинг бундан кейинги ҳәети яна бир катта асарга материал бўлишини назарда тутиб, бу воқсанни шу жойда тўхтатамиз».

Бадий-эстетик диди ривожланган китобхон романнинг бундан кейинги воқеалари қандай мантиқ асосида давом этишини ва Таўбаназар қисмати билан боғлиқ тугунлар қандай ечимга келишини тасаввур қила олади. Муаллифнинг ўзи ҳам роман ниҳоясида бунга ишора қилиб қўйидаги диалогни келтиради: — Буларнинг ҳаммаси вақтинчалик нарса. Ўшаларнинг ўз жазосини олиб, адолатнинг тантана қилганини кўриб ўлсам армоним йўқ.

Терговнинг даҳшатли азобларига чидаб, виждонига хилоф иш құлмаган Таўбаназар билан хотини ўртасида сұхбат бўлиб ўтади. Мантиқ шундан иборатки, Таўбаназар ҳақиқат йўлидаги курашда енгади. Эзгулик душманларининг кирди-корлари фош бўлиб, адолат ўрнатилади. Романдаги асосий сюжет ривожини, бош қаҳрамон характеридаги эволюцияни кузатиб борган, бадий-эстетик тафаккури кучли китобхон шу холосага келади. Шундай экан, роман воқеаларини давом эттириб, унинг иккинчи китобини ёзиш зарурати бормикан? Агар муаллиф асарнинг иккинчи китобини ёзиб, бош қаҳрамоннинг «мурод-мақсадига етиши»ни кўрсатмоқчи бўлса, тасвирда қандайдир схематизм, бошқаларни тақрорлаш хавфи туғилиши мумкин. Менимча, романнинг худди шундай шаклда якунланиши, бош қаҳрамон тақдиди билан боғлиқ чигал вазиятнинг ҳозирги ҳолатида қолдирилгани маъкул.

«Дўзах ичидা» романи асосан журналистлар ҳәетига батишиланган. Бу мавзу қорақалпоқ адабиётида деярли ёритилмаган. Бу жиҳатдан ҳам роман таҳсинга лойиқ. Роман муаллифи журналистика соҳасининг тажрибали мутахассиси. Шунинг учун бўлса керак, таҳририят ходимлари, мухбирларнинг меҳнат жараёнларини, мулокотларини, психологик ҳолатларини романда жуда табиий ва ишонарли қилиб тасвирлаган. Таўбаназарнинг психологияси, кувонч ва ташвишлари тасвирланган саҳифаларни ҳаяжонсиз ўқиши қийин. Қорақалпоқ насирида бундай кескин конфликтлар, ҳарактерлараро кураш асосига курилган психологик романлар кўп эмас. Роман драматик воқеаларга жуда бой. Қаҳрамонлараро кураш, тўқнашувлар ўта жиддий, кўп эпизодлар саҳна асарини ёдга солади. Агар роман материаллари асосида телепостстановка ёки саҳна асари яратилса, томошабинлар қизиқиши билан кутиб олиши мумкин. Қорақалпоғистон телевидениеси ижодий ходимлари бу имкониятдан фойдаланиб, асарнинг телезэкран вариантини тайёрлаб, халқимизга кўрсатадилар деган умиддамиз.

«Дўзах ичидা» романи ҳар хил ўткинчи сиёсий шиорлардан, баландпарвоз чақириқ ва хитоблардан холи. У китобхон қалбига эзгулик уругларини соча оладиган, ҳәётнинг мураккаб сўқмоқларидан тўғри юришга ўргатадиган, турмушнинг аччиқ ҳақиқатларидан сабоқ олишга чақирадиган чинакам реалистик асардир. Романда ҳақиқаттўй ва адолатпарвар, принципиал журналистлар тўғрисидаги ҳақиқатнинг мұхим қирралари акс эттирилганки, бу шубҳасиз, ёзувчининг катта ютуғи, ўзига хос жасоратидир.

Мазкур романнинг ижодий ютуқлари кўп. Шу билан бирга романда бадийлик жиҳатидан ҳали меъёрига етмаган образлар бор. Муаллиф баъзи ўринларда ҳаракатни унутиб, воқеанависликка берилиб кетади. Қаҳрамонларда содир бўладиган айрим конфликтбоп ҳолатларни ўзи гапириб ўтади. Бундай ўринларда ёзувчи холис туриб воқеаларни ҳаракатда, тўқнашув ва зиддиятларда кўрсатса, романнинг таъсирчанлиги янада ошган бўларди. Назаримда Таўбаназар тарафдорлари романда анча хира тасвирланган, уларнинг ҳаракатлари суст, баъзан сунъий. Бу образлар кўп драматик воқеаларда бош қаҳрамоннинг «сојаси» бўлиб қолган.

Булардан қатый назар «Дўзах ичида» романи Абилқосим Ўтепбергановнинг насрдаги янги ва дадил ижодий қадами бўлди.

1993

ОНА РУҲИГА АДАБИЙ ЁДГОРЛИК

Мен шоира Бибиажар Нурназоровани талабалик йилларидан бери танийман. Нукус давлат университетининг филология факультетида домлалик қилиб юрган кезларимда, деканинг ўкув ишлари бўйича ўринбосари лавозимида ишлаган йилларимда у талаба эди. Ибратли одоби, камтаринлиги, аъло ўқиши, ижодкорлик қобилияти туфайли гуруҳдошлари, факультетнинг профессор-ўқитувчилари орасида ҳам ўзига хос эътиборга сазовор қизлардан бири эканлигидан хабардор эдим. Ўша йилларда ҳам унинг ижодга қизиқиб юрганидан, ҳар хил адабий анжуманларда шеърлар ўқиб, гоҳо-гоҳо матбуотда ҳам кўриниб туришини билардим. Шунгаям йигирма йилдан ошибди. Бу муддат ичида у университетни тамомлади, шеърият билан астойдил шуғуланди, ўқиди, изланди, бадиий ижод сирларини ўрганиб, лирикада қалам тебратга бошлади. Шеърий тўпламлар нашр эттириди. Адабий жамоатчилик томонидан талантли шоира-лардан бири сифатида тилга олинадиган бўлди.

Бибиажар Нурназорованинг ҳамма поэтик асарларини ўқиб чиққанман, улар ҳақида тўлиқ тасаввурга эгаман, десам муболага қилган бўламан. Лекин унинг лирик асарларининг муайян бўлаги билан танишман. Мен ўқиган ўша шеърлар шоиранинг таланти ҳақида етарли тасаввур бергани учун ушбу мақолани ёзишга қарор қилдим. Аслида мазкур мақолани ёзишга ундан нарса унинг «Эсадалик» («Амударё», 2001, 5-6 сонлар) номли бир шеърий асари бўлди.

Менинг кузатишмча, Б.Нурназрова кўп ёзвермайди, газета-журналларда ҳам кўп кўринавермайди, оз ёзди, оз кўринади. У юксак поэтик маъно, салмоқли гояни ифодалашга қодир ҳаётй материалга дуч келгандагина қўлига қалам олади, ўзини ҳаяжонга соглан кечинмаларни қозогза тушириб, уни бадиий ҳақиқатга айлантиради. «Эсадалик», менимча, худди шундай жараённинг маҳсули сифатида ту-

филган туйгуларга бой яхши асар. Гарчи асарнинг жанри белгиланмаган бўлса-да, у менга ихчам бир сюжетга қурилган лиро-эпик эссеини эслатади. «Эсадалик»нинг остига, қавс ичида «Онам Шосанам Дўшим қизига бағишлийман» деб ёзилган. Асар муаллифнинг ўз онаси ҳақида экан-да, деган фикр дарров хаёлга келади. Маълумки, ижодкор ўзгalar дардини ўз дардидек ҳис қилиб, замон ва замин нафасини асарида уйғулаштира олсагина кутилган натижага эришади. Тор, шахсий кечинмалар доирасида яратилган ҳар қандай асар фақат муаллифнинг «шахсий мулки» бўлиб қолаверади. Б.Нурназорованинг «Эсадалик»и бундан мустасно. Гарчи у конкрет шахсга бағишлиланган бўлса-да, бадиият қонуниятларига тўла амал қилинган. Муаллифнинг шахси, интим кечинмалари поэтик умумлаштирилган, бадиий ҳақиқатга айлантирилган. Ўнлаб, юзлаб оналарга хос характер белгилари бир онага – муаллифнинг «онаси»га жамланган. Шу боисдан ҳам асар бир она эмас, умуман, оналар ҳақида.

Оналарга бағишлиланган кўп шеърий асарлар ўқиганман. Онани мадҳ этмаган, улугламаган шоир йўқ, турли адабий жанрларда юзлаб асарлар битилган. Бироқ уларнинг ҳаммасини ҳам бадиий қашфиёт даражасига кўтарилиган деб айттолмайман. Баъзиларида она шунчаки куруқ, декларатив шаклда, баландпарвоз сўзлар, ҳиссиз мисралар, сохта образлар орқали таърифланади. Улардаги эмоция, поэтик фикрнинг саёзлиги, образли талқиннинг етишмаслиги туфайли ўкувчи қалбига йўл тополмайди. Ижодий ўзига хослиқдан маҳрум бундай эгизак шеърлар тезда унтулиб кетади. Б.Нурназорованинг «Эсадалик» бундай юзакиликдан холи. Қаламга олинган мавзунинг поэтик ифодаси, лирик қаҳрамон руҳий оламининг бадиий тасвири ўкувчида самимий туйгулар уйғотади. Мисралардаги лирик қаҳрамон кечинмаларининг табиий ва таъсирчанлиги, фикрларнинг тиниқ ва изчилиги, эпик байнининг ҳаётйлиги ўкувчини ўзига ром этади. Ўкувчи ҳам эзгулик томонида туриб хаёлан ёмонлик билан олишади, лирик қаҳрамоннинг дардларига шерик бўлиб қолганини баъзан сезмай қолади. Оғир ҳаёт ва меҳнат шароитларида қадди букилган, турмушдан рўшнолик кўрмай оламдан эрта кетган муштипар онанинг қисматига ачинади. Онани, оналарни шундай куйга соглан мустабид тузумга

нисбатан ўқувчидә норозилик кайфияти уйғонади. Яқын ўтмишда юзлаб, минглаб оналар, хотин-қызлар учун типик бўлган ижтимоий-иқтисодий турмушнинг ачинарли манзаралари асарда реал тасвирланган. Фикрлардаги мантиқий изчиллик, онанинг фарзандга, фарзанднинг онага муносабати, меҳр-муҳаббати, бу туйғуларнинг жамиятга ва одамларга муносабати фонида яхши очиб берилган. Асар сюжети драматик ривожланиб боради. Шоир баҳор кунларининг бирида оламдан ўтган онасини хотирлайди. У билан ўтказган яхши-ёмон кунларини ёдга олади, она билан хаёлан суҳбатлашади. Ўша турғунлик йилларida оила, она қисматида рўй берган кўнгилсиз воқсаларни бирин-кетин эслайди. «Аяқты талдырып, табан тоздырып», «ыссыға, суўыққа – бәрине көнап «ақ алтын» терген», «Бармақлары шил-әршен, беллери майысқан», ўзининг эмас, ўзгларнинг дарди билан яшаган фидойи она ва оналарнинг тимсолида шўро сиёсатининг адолатсизлигини қўради. Пахта яккаҳокимлиги яқин ўтмишда инсонларнинг яшаш ва меҳнат қилиш ҳукуқларини паймол этувчи бир қурол бўлганини, айниқса, бу хотин-қызлар тақдирида салбий ҳолатларни келтириб чиқарганини халқимиз ҳали унугтани йўқ. Асарда бу воқеалар ички бир дард, алам ва куюнчаклик билан тасвирланади:

Бир сапар келмеди есанышы жигит,
Биз терген пахтаны алтын кетиүге.
«Ийниме салынлар» деди қанарды
Шыдамы жетпеди артық куттиѓе.
Өжетлик душпаның болмаганында,
Мезгилсиз қартаймас един-аў анам
Еки сойлемейди енди болғаны,
Бугилин жол алды қырманнга таман-
Колы қырық жапрық-аў өзийз анамның,
Хеш ўакта шадланып кулип журмейди.
Шаң басқан көзлерин көрпин айман
Мушкилин жеңилтсем атызға барып,
Деген ойлар хеш ўак тыным бермейди.

Шўролар замонида куйинса ўз ичидан куйинган, тортаётган азобини бошқаларга билдиришни ор деб тушунган,

шодлик нимаю, кувонч қандайлигини ҳаётида бирор марта ҳам синамаган, кўргани ҳамиша пахта даласи бўлган, «Пахта атызлары көзин талдырган, Пахта атызлары жанын жандырган» қанчадан-қанча хотин-қызлар, оналар шундай оғир меҳнат машаққатини тортиб яшамади дейсиз? У даврларда фидойи меҳнат қилганларнинг дардига малҳам бўладиганлар, меҳнатини қадрлаб баҳолайдиганлар топилмади.

Тоннап терсе де алтын пахтани,
Көйлеклик таўарға зар болған анам.
Зорсаң деген сайн зор бол мақтанин,
Колхозга ат-арба, нар болған анам.

Асардаги ҳар бир ҳаётий воқеа марказида «колхозга оттарава бўлган» она образи туради ва у драматик воқеаларни ҳаракатта келтирувчи бадиий восита сифатида талқин этилади. Она образининг характер қирралари муаллиф «таржимаи ҳоли» фактлари билан тўлдириб берилади. Шоир кўрган ва кузатган ҳар бир ҳаётий факт, детал давр руҳини, зиддиятли ҳолатларни бадиий ёритишга қаратилади. Кексаю ёш «ҳамма пахтакор» бўлган замонда эрта саҳардан барчани пахта даласига ҳайдаш, «вакил келади» баҳонасида одамларни эртадан кечгача эзиб ишлатиш, уй-рўзгор юмушларини ҳам бир чеккага сурини қўйишига мажбурлаш... Яқин ўтмишнинг меҳнат шароити шу эди. Зўравонлар деҳқоннинг бир парча шахсий томорқасини сугоришига имкон бермай, «сувни фақат пахта даласига очасан», деб одамларни хўрлагани, иззат нафсига теккани ҳам айни ҳақиқат. Баъзи нопок кимсаларнинг харом пуллар эвазига қават-қават иморатлар қуриб, қўша-қўша машиналар миниб юрган бир вақтда, оддий деҳқоннинг жуда ночор ҳаёт кечиргани, машина тугул, оддий от-уловга ҳам эга бўла олмаганини инкор этиш мумкинми? Бу аянчли турмуш шароити «Эсадалик»да тўғри ёритилган, бундай иллатларнинг инсонлар, оила, қолаверса, она қисматидаги фожиалари дадиллик билан кўрсатилган. Асарни ўқиб шундай хуласага келасизки, зўравонлик ва адолатсизликка асосланган ҳар қандай жамият, тузум ҳеч қачон оддий инсонни эркин, баҳтли қилишига қодир эмас, аксинча, бундай жамият инсон умрининг кушандаси. «Эс-

далиқ»даги она образыда бу нарса жуда яхши басиий исботланган.

Кийин турмуш шароити, оғир меңнат онани эрта қаритади, қалдини букади, ҳаётдан эрта күз юмишига сабабкор бўлади. «Халқына жапырақтай жайылган ана»нинг истиқлол кунларига стиб кела олмаганидан шоирнинг қалби ўрганади, изтироб чекади. Куйидаги мунис қаторлар ўқувчини ҳам бефарқ қолдирмайди:

*Көре алмадың мустақыллықты,
Әттең жете алмадың бугинги кунге,
Барлық аўырманлық ерте майырды
Уш жыл қалған ўакта ғәрэзсизликке
Бизди анажсаным сизден айырды.*

Бироқ лирик қаҳрамон умидсиз эмас. Онанинг ҳаёти фарзандлари, невараларида давом этाटганидан, она кўролмаган истиқлони улар кўриб, хур ва баҳтиёр яшаётганидан хурсанд, кўнгли хотиржам. Ўша оғир кунлар энди асло қайтиб келмаслигига унинг ишончи комил. Шулар ҳақида у онанинг руҳи олдида «ҳисобот» беради:

*Бугин ойлар таза, пикирлер таза,
Әтмишти улыглаў, откенди сыйлаў,
Арабша билгенилер алмайды жаза
Жоқ енди адамды хайӯандай қыйнаў.
Келешек ҳақында кеўлим тоқ енди,
Анам және келип айтып беремен.*

Асар умидбахш мисралар, муқаллас гоялар, теран поэтик Фикрлар билан хulosаланади. У ўқувчини яқин ўтмишнинг адолатсиз ҳаёт шароитидан аччиқ сабоқ олиб, мустақилликнинг қадрига етиш руҳида тарбиялайди.

Асар камчиликлардан бутунлай холи эмас, албатта. Бадиий маҳорат бобида нуқсонлари бор. Тасвирнинг бирмунча ибтидоийлиги ва «яланғоч»лиги, она тақдирига ачиниш туйгуларининг бироз қуюқлаштирилгани, давр фожиалирини бадиий таҳлил қилишда муаллифнинг оз бўлса-да, эски адабий шакл ва ифодалардан чиқиб кета олмагани асар мавзусини очишида оригинал усулни қўллашга ҳалақит

берган. Менимча, бу нуқсонлар поэманинг умумий баҳосини пасайтиrmайди. Шўролар жамияти ишлатларини қоралаб, инсон қашини, умуман, қаҳриятларни улуғлашнинг ўзи катта гап. «Эслалик» турғунлик йилларида оғир турмуш ва меңнат шароитларида яшаган, ҳамма қийинчиликларга чидаб, ҳаёт ва меңнатда фидоийлик ва мардлик намуналарини қўрсатган, лекин истиқлол нашидаларидан баҳраманд бўлмаган оналар руҳига қўйилган ўзига хос адабий ёдгорликдир.

2003

ИЖОДИЙ ИЗЛANIШNИНГ ЯНГИ ДОВОНИ

Ҳозирги давр қорақалпоқ адабиётининг бир тармоғини Қорақалпоғистонда яшаб ўзбек тилида ижод қилаётган шоир ва ёзувчилар ташкил этиди. Улар орасида нафакат Қорақалпоғистонда, балки бутун Ўзбекистонда ҳам шеърий ва насрый асарлари билан танилиб, китобхонлар назарига тушганилари ҳам бор. Гулистон Матёкубова ва Гулчехра Раҳимова, Янгибай Кўчқоров ва Назира Матёкубова, Аҳмад Оқназаров ва Ҳайитбой Абдисодиқов сингари истеъодларнинг муҳлислари эндиликда ўзбек китобхонлари орасида ҳам оз эмас. Икки адабиётга баравар хизмат қилиб келаётган бу ижодкорлар орасида Қорақалпоғистон ҳалқ шоирни фахрий унвони соҳиблари, Бердақ номидаги Давлат мукофоти совриндорлари борлиги, уларнинг қорақалпоқ адабиёти олдиғаги хизматлари, адабий салоҳияти қандай даражада эканлигидан дарак беради.

Назира Матёкубова сафдошлари орасида талант йўналиши, қобилияти, ўзига хос поэтик овозда ижод қилиши, шоирлик маҳорати билан ўзбек ва қорақалпоқ шеърияти ихлосмандларига яхши таниш қалам соҳибларидан бири. Ҳозирга қадар шоиранинг Тошкент ва Нукус нашриётларида босилган «Кўзлари шаҳлогинам», «Қалбим тўла саломдир», «Ким учундир керакман» шеърий китобларида унинг ижодий изланишларининг яхши самараларини кўрган эдик.

Чинакам истеъод ҳеч қачон эришилган ютуқлари билан қаноатланиб қолмайди, янги-янги ижодий имконият-

ларини ишга солиб, бетүхгов олдинга интилаверади ва кўзлаған манзилига, албатта, етади. Назиранинг яқинда «Янги аср авлоди» нашриётида чоп этилган «Тоғлар ишқи» шеърлар тўплами унинг ижодий изланишларининг янги довони бўлди. Китоб Ўзбекистон халқ шоираси Ойдин Ҳожиеванинг «Ҳароратли шеърлар» деган сўзбошиси билан очилади ва у қўйидаги жумлалар билан бошланади: *«Назира Матёқубованинг «Тоғлар ишқи» тўпламини ўқиб, шеърларидаги самимият, мисраларидағи жозиба, фикрларнинг тиниқлиги, ўзига хослиги, ҳар бир байтда кўнгилни янгиловчи, юракка қувват бергувчи ажаб оҳорли туйгулар борлигидан сунюндим. Барча шеърлар қизлар тиккан палакдай ранг-баранг, нақшлари хилма-хил, жилвалари кўзни яшнатадиган, кўнгилда баҳор чечакларини ундирадиган ёмғир нафасли мисралар ўқувчими ўзига мафтун этади.»*

Ўзбек шеъриятининг таникли намояндаларидан бири Ойдин Ҳожиеванинг бу эътирофига, менимча, бирор қўшимча шарт эмас. Чиндан ҳам, Назира Матёқубованинг шеърияти инсоннинг мураккаб руҳий дунёсини, унинг зиддиятларини, реал ҳаётнинг оддий ҳақиқатларини чинакам поэтик образлар, мушоҳадалар асосида ёритади. Шоиранинг ҳар бир шеъри фалсафий мазмунга йўғрилган. Инсон тақдири билан боғлиқ бальзи жумбоклар, муаммолар шоирани ўйга толдиради, унинг ечими ҳақида бош қотиради. Ҳаёт жуда мураккаб, унинг жумбоклари ҳам оз эмас. Уларнинг баъзиларини ечишга инсон қодир бўлса, айримларига ҳатто жавоб топишга ҳам ожиз. Мана шу фалсафий умумлашма қўйидаги тўрт мисрада жуда таъсирли ифодалантан:

*Чекимизга ғамлар тушганми,
Наҳот улар биздан аримас?!
Одам умри гулнинг умридай,
Нечун ғамлар сира қаримас?!*

Ҳаёт фақат эзгуликдан иборат эмас, унинг қийинчиликлари ҳам етарли. Яхшилик билан ёмонлик, содиқлик билан хиёнат, гўзаллик билан хунуклик ўртасида доимо кураш бўлиб келган ва бундан кейин ҳам бўлади. Бу ҳаёт диалектикаси! Ҳар бир ижодкор инсон тақдирига боғлиқ бу маънавий-ахлоқий қоидаларни ё маъкуллайди ёки ин-

кор қиласди. Шу нуқтаи назардан, Назира Матёқубованинг шеърларига назар ташлар эканмиз, уларда инсонга ҳамдарлик, ҳамнафаслик туйгуларининг устивор эканлигини ҳис қиласмиз. Инсоннинг баҳти учун қайгуриш, унинг орзу-армонларининг рўёбга чиқишига далда бўлиш, маънавий қўлиаб-кувватлаш иштиёқи оригинал поэтик деталда берилади.

*Вужудингиз чулгаса алам,
Дилингизга ғамлар эшилиб,
Дардингизни шабнамга айтинг,
Уйиглайди сизга қўшилиб.*

*Лек, номардга сир айтманг, зинҳор,
У гийбатга шайлар ошириб.
Дардингизни дарёга айтинг,
Оқиб кетсин сувга қўшилиб.*

Адабиёт зўрма-зўраки тиқиширилган келгинди сиёсат ва ҳукмрон мафкурадан қутилиб, ҳақиқий «кўнгил иши»га айланган истиқлол замонида Назира Матёқубова ҳам янги муҳит руҳида ижод қилишга, қалб кечинмаларини эмин-эркин бадиий ифодалашга киришди ва ҳаётга шоирона нигоҳ билан қараб, ажойиб шеърлар ёзди. Шу ўринда муаллифнинг ижодий ютуғи сифатида бир ҳақиқатни таъкидлаб айтиш зарур. «Тоғлар ишқи»да мадҳиябозликка, баландпарвоз гапларга асосланган яланғоч ташвиқот руҳидаги шеърлар йўқ. Шеърлар самимий, фикрлар салмоқли. Шеърларда туйгулар билан фикрлар уйгунилиги таъминланган. Шоира эзгулик, гўзалликка ўта хайриҳоҳ, худбинлик, кўролмаслик иллатига нафрат билан қарайди, меҳр-шафқатдан бегона кимсаларга нисбатан муросасиз.

*Тош зарбидан лолалар
Тўкилиб сойга тушди.
Бир гарип тонса камол,
Үнғаним ўйга тушди.*

Яна бир мисол.

*На ёлғон, на чинни айтди у ёниб,
Армонга сўз бўлиб қолди ҳар қадам.*

*Сени тирногига зор қилиб кетди,
Үзи тирногингга арзимас одам.*

Мұхабbat мавзусида шеър ёзмаган шоир, менимча, йўқ. Лекин ҳар бир шоир бу нозик түйгүни ўзига хос поэтик шакл ва мазмунда талқин этишга ҳаракат қиласы. Баъзиларида йўқотилган севгининг изтироблари, ҳижрони тўғрисида сўз юритилса, айримларида инсоннинг руҳиятини кўтариған тўйгулар қаламга олинади. Назира Матёкубова бу мавзуни тамомила ўзгача, ҳеч бир шоирда учрамайдиган чиройли мажозларда талқин этишга интилади. Мұхими, шоира мұхабbat мавзусининг қайси жиҳатига мурожаат қиласин, майли севгининг ҳижронидан ёки хиёнатидан куйиниб ёзадими ё гоят дилбар ва таъсирли бу тўйгудан завқланниб, қалби жўшиб ёзадими, бари бир эҳтиросларнинг табиийлигига эришади. Унинг мұхабbatга муносабати, қарашлари ҳар хил. Агар шоира шеърларидан бирида:

*Бугунги шодликлар чегараланган,
Асли бу кунларнинг ўзи – омонат,
Юрак қанча куйсин, ўртанаверсин,
Буёғи севгимас, хиёнат! –*

деб лирик қаҳрамони кўнглидаги қарама-қаршиликни ёнмаён, лекин бир-бирига бутунлай зид тушунчаларни афсус билан ёса, бошқа бир шеърида мұхабbatнинг қудратини тан олади, унинг ёлқинини ўқувчи қалбига худди нурдек олиб киради ва биринчи мұхабbatни қадрлаш керак деяётгандек бўлади.

*Биринчи севгининг асрорлари кўп,
Шундадир ҳаяжон, шундадир қувонч
Шундадир баҳтиянгнинг асл илдизи,
Шундадир илк бора порлаган ишонч.*

Шоира инсонни «Буткул дарвешга айлантирадиган», «Ақлу ҳушини эгаллаб» унинг «Покиза қалбига илк бор бесўров қўнгиган» мұхабbatга эҳтиётроқ муносабатда бўлишини, «Не азобга қолиб бўлса ҳам ақл билан севмоқ»ни маслаҳат беради. Муаллифнинг: «Йигит учун севмоқ – қарз, Киз учун

севмоқ – мардлик» ёки: «Ҳар йигитнинг олдида, Бир қиздай қадринг бўлсин!» каби мисралардаги фикрлар севиш, севилицдек нобб тушунчаларнинг қадри, йигит ва қизнинг мұхабbatдаги масъулияти ҳеч бир шоирга ўхшамайдиган шакл ва мазмунда жуда маъноли ва чиройли ифодаланган. Шоиранинг «Бу ишқи», «Мени севинг», «Қарз», «Тоғ бўлсанг ҳам», «Тилак», «Мажбурийлик», «Мұхабbatни» сингари шеърларини ўқиган китобхон, севги мавзуси нақадар ранг-баранг, унинг шодлигини ҳам, қайғусини ҳам бир юракка сиёдира олган инсоннинг зиддиятли руҳий дунёси юқори бадиий савияда талқин қилинганига ишонч ҳосил қиласы.

«Тоғлар ишқи» тўпламида кичик сюжетли икки шеър бор. Бири «Қиз ва кампир», иккинчиси «Садоқат». Инсон орзумон билан яшайди. Майли, у кексами, ёшми, бари бир, ҳаётда нималаргидир эришиш мақсадида ҳаракат қиласы. Кампирнинг орзузи қизининг тўйини кўриш. Шу мақсадда тўйга деб кўрпа тика бошлайди. Қизнинг нияти ҳам улуғ. Бўлгуси умр йўлдошига деб, дастрўмолчага гул солади. Кўрпа ҳам битади, рўмолча ҳам тайёр. Лекин кампир негадир безовта.

*Тонг оқариб қиз рўмочасин,
Юзларига суради майин.
Кўрпасини силайди кампир:
«Эй худойим, ўлиб қолмайин.*

Агар эътибор берган бўлсангиз, шеърда реал ҳаётнинг кичик бир лавҳаси, ҳалқимизнинг миллый урф-одатлари, ўзига хос руҳий олами, миллый характеристи акс этган. Оналаримиз ўелим ёки қизимга деб орзу-ҳавас билан кўрпалар тиккан, қизлар бўлгуси ёрига атаб дастрўмолчалар тўқишиган ёки дўппи тикишган. Ҳалқимизнинг мана шу асрий анъанаши шеърда чинакам миллый руҳда, жуда чиройли ифодаланган. Афсуски, бу миллый анъаналар ҳозирда унтулиб бормоқда. Шундай бир вазиятда шоиранинг бу мавзуда шеър ёзиши ва миллый қадриятларимизни тарғиб қилиши катта тарбиявий аҳамиятга эга.

«Садоқат» шеърида эса миллыйликнинг бошқа бир қирраси ёритилган. Мавзу «Қиз ва кампир» шеърига яқин бўлсада, талқин сал бошқачароқ. Шеър сюжетига танланган воқеа оидий, ҳаётда учраб турадиган эпизод. Лекин муаллиф ҳаёт

нинг бу оддий ҳақиқатидан инсоннинг инсонга садоқати ҳақида катта фалсафий маъно чиқарган. Бутун умри давомида бир-бирига сўяниб, оиланинг аравасини «битта қўша от» бўлиб тортиб келган чолнинг кампирни тўсатдан қазо қиласди. Бу мусибат «паҳлавон, алларнинг бири» чолни довдиратиб кўяди. Кун сайн ранги сўлиб, сарғайиб, мунграйиб қолган чолнинг руҳий изтироблари тасвири шеърда таъсири чизилган. Шеърда кампирнинг ҳаракатдаги жонли образи йўқ. Бироқ унинг оиласида «қўша от»нинг биттаси эканлиги, оиласига, чолига филоийлиги садоқати ҳақида ги фикрлар чолнинг психологияси орқали берилади. Муаллиф шу усул билан ўкувчини кампир характеристига хос хислатлар билан таниширади.

*Кургандилар иморат
Куч борида танида.
Кампир лой отган эди,
Чол пахса қўйганида.
Қўлда юмуш дамо-дам
Бешикка югуради.
Чол чой исча толиқиб,
Кампир жун ўтигирарди.
На ҳаловат билар у
Надир ором билмасди,
Бор ўғлимиз, қизимиз
Дея киприк илмасди.*

Жудолик алами чолни руҳий эзади, қалби ўрганади, ботбот **«Келинлардан бекиниб, Гоҳо юм-юм ишглайди»**. Садоқат ва вафо, бир-бирига меҳр-муҳаббат, айниқса, кексай-ганди бу тушунчаларнинг қадрига етиш ва уни қўмсаబ яшаш каби инсоний туйғуларни муаллиф нозик идрок этган ва уни шоирона нигоҳ билан бадиий талқин қиласди. Шеър муҳим бир фикр, салмоқли бир гоя билан хуласаланади.

*Алқисса, шу арава,
Ўртада қайдирмасин,
Ҳеч кимса ишқ қўшилган
Отидан айрилмасин.*

Н.Матёкубова ҳаётни кузатган, одамлар турмушидан, умуминсоний гояларни, ҳеч қачон эскирмайдиган ва аҳамиятини йўқотмайдиган миллий мавзуни топа олган ва уни «Садоқат» шеърида бадиий талқин этган.

«Тоғлар ишқи» тўпламидағи кўп шеърлар маънодорлиги, образи мушоҳаданинг ҳаётий ва табиийлиги билан ўкувчи дикқатини тортади. Асосийси, ўкувчини фикрлашга ўргатади.

*Мен ҳам гулман ишонинг
Гул бўлиб бўй етганман.
Ағсус бир туп янтоқقا,
Алмашиниб кетганман.*

Зеҳни ўткир китобхон «гул» ва «янтоқ» тимсоллари орқали қандай поэтик маъно ифодаланаётганини тушуниб етади. Тўртликнинг ифода шакли жуда оддий, халқона ижод услубини эслатади. Шундай анъанавий адабий шаклга ҳаётий маъно сингдирилгани маҳорат белгисидир. Муаллифнинг образи фикрга йўғрилган шеъридан мана, яна бир мисол:

*Сен синиқ шоҳанинг
Жуссасисан.
Қайди болта бўлса,
Чопади сени.
Йўқ, асли сен кўрнинг
Хассасисан.
Қайдаки, кўр бўлса,
Топади сени.*

Теран мазмун, поэтик умумлашмаларга бой бундай шеърлар «Тоғлар ишқи»да анча. Китобдаги «Қоп-қора тун», «Тоғлар ишқи», «Тафсилот», «Қалбим тўла саломдир», «Аёл», «Довул», «Кетгим келмайди» ва яна бошқа бир неча шеърларни шоиранинг ижодий ютуқлари тарзида баҳолаган бўлардим.

Энди тўпламдаги шеърларнинг жанр хусусиятлари, ифода шакли ҳақила икки оғиз сўз. Китобда ҳар хил шеърий шаклларнинг, адабий жанрларнинг намуналари: тўртликлар, бешликлар, олтиликлар бор. Анъанавий шеърий йўлда ёзилган, бармоқ вазнида, халқона усулда битилган шеърлар, ҳатто

аруз вазнини эслатадиган ғазаллар ҳам мавжуд. Айни пайтда, шундай шеърлар ҳам борки, уларнинг шаклий ифодалири анъанавийликка унчалик мос келавермайди. Масалан: «*Сиз яхшисиз, демоқ – хато, Сиз зўрсиз. Сизга бундан буюк таъриф, минг турлиги бор*». Ёки «*Гоҳ қўпол, гоҳ қувноқ тушар қадамларингиз, Чалкаш-чалкаш хаёлларинг, Зўр бу кундир*» каби мисралар борки, уларнинг маъно-мазмунини тушиниб олиш учун анча бош қотиришига тўгри келади. Биз қаторларни кетма-кет келтирдик. Агар мисралар муайян шеърий шаклга солиб зинапоячаларга ажратиб тузилса, ифодааги ўзига хослик кўринади. Баъзи шеърларда мана бундай мисралар ҳам учрайди.

Тун қора,
Фам қора
Бари шу.
Ўзга ранг топмадим
Бўяшга.

Бу эркин шеър, ҳозир модага айланган адабий термин билан айтсан, модерн шеърнинг намунасига ўхнайди. Н.Матёкубова ҳам сўнгти йилларда ўзбек шеъриятига кириб келган бу бадиий шаклда ижодий имкониятини синаб кўрган ва илк тажрибалари сифатида уни ўқувчилар хукмига ҳавола қылган кўринади.

Албатта, мен Назиранинг модерн йўналишидаги бу ижодий изланишларига эътиroz билдириш фикрида эмасман. Ҳар бир ижодкор бу масалада ўз дунёқарашига, ижодий принципларига таяниб иш кўради, асар ёзади. Ижодкор кўллаган янгиликнинг адабий жараёнда қай даражада ўрин эгаллашини, қандай самара беришини, истикболини келаҷак кўрсатади. Ҳар бир ижодкор адабий жараёндан нафас олиб, у билан бирга қадам ташлашга, пайдо бўлган ҳар бир адабий янгиликдан хабардор бўлиб, уни ўзлаштириб, ўз ижодида синаб кўришга ҳақли. Асосийси, изланувчанлигини изчил давом эттириши керак. Н.Матёкубова шу йўлда тинимсиз ижодий меҳнат қилиб келаётган талантли шоира-лардан бири. «Тоғлар ишқи» шеърий китоби унинг лирика-даги ижодий изланишларининг ютуғи, сўнгти йилларда шеъриятда эгаллаган янги довони бўлди.

2008

АРОСАТ МАЙДОНИДА ҚОЛГАНЛАР ФОЖИАСИ САҲНАДА

Шоир Абулқосим Ўтепбергановни фаол ижодкор сифатида анча йиллардан бери биламан, шеърияти билан танишман, у ҳақда мақолалар, китобларига тақризлар ёзганман. «Дўзах ичид» романини қизиқиб ўқиганим ва матбуотда фикр айтганим ёдимда. Роман менда илиқ бир таассурот қоллирганини асар воқеалари драмабоп, саҳналаштирилса ёки экранлаштирилса мақсадга мувофиқ бўларди, леган таклифни ўргага ташлаганимни ҳамон эслайман. Бу мулоҳазани айтганимга ўн йилдан ошди, лекин бу таклиф орзули-гича қолиб кетди.

Абулқосимнинг Шарқ шеърияти анъаналари руҳидаги ғазаллари, мухаммаслари ҳақида ҳам ижобий фикрдаман. Шоирнинг Алишер Навоий ғазалларига боғлаган мухаммаслари, назиралари, шоир анъаналарини бугунги қорақалпоқ шеъриятида давом эттиришнинг ўзига хос ижобий самараси, ғазал мулки сultonига бўлган ҳурматнинг бир рамзи деб ҳисоблайман. Муаллифнинг «Оллоҳингни унугтма» достони ҳам китобхонларда яхши фикрлар уйғотганини, менимча, жамоатчилик яхши билади.

Шоирнинг бундан ўн йиллар олдин эълон қилинган бу асарларини нега айнан бугун яна эслаш зарурати пайдо бўлди? Гап шундаки, А. Ўтепбергановнинг романни ва достонида кўтарилган маънавий-ахлоқий мавзулар ҳозир ҳам аҳамиятини йўқотмай, долзарб бўлиб турибди. Ҳар икки асарда инсон тақдиррида мухим роль ўйнайдиган, инсонни инсон сифатида улуғлайдиган ёки, аксинча, инсонни инсонийлик хислатларидан маҳрум қилиб, разолат ботқогига тортиб, балчиққа қориштирадиган, мажруҳ бир кимсага айлантирадиган шундай ҳаётий воқеалар тасвирланганки, улар ҳозирги ўқувчига ҳам ибрат. Диёнат ва имон, инсоф ва қаноат, эзгулик ва раҳм-шафқат, ҳаромдан ҳазар қилиш. Булар муаллиф асарларида эътиқод қўйиб ҳимоя қилинган, алоҳида меҳр билан ёритган мавзулар, гоялар. Нопоклик, очкўзлик, ҳасад, манманлик, дунёларастлик, тўқлика шўхлик. Шоирни безовта қилган, қалбини ўртаган, одамгарчиликка ёт иллатлар булар. Муаллиф эзгуликни меҳр билан қанчалик улуғласа, иллатларни шунчалик ғазаб би-

лан қоралайди, фош этади. Абулқосимнинг асарларида мана шу икки ахлоқий тушунчадаги кишилар ўртасидаги муросасиз кураш кўрсатилади. Ёзувчи бу конфликт фонида ҳаётнинг реал манзарасини яратади. Шўро сиёсати давридаги турли кўринишдаги ноҳақликларни, ҳаётдаги баъзи бир маънавий бузуқликларни, айрим шахсларнинг кирдикорларини адабиётда рўйирост очиб ташлаш ҳали анъана тусига кирмаган бир шароитда, бундай «қалтис» мавзуларга кўл уришга кўп ижодкорлар журъат эта олмаган пайтларда Абулқосимнинг бу муаммоларни дадил кўтариб чиқиши, ҳеч иккиланмасдан айта оламанки, ўзига хос мардлик эди.

Назаримда, ёзувчи ҳаётнинг бу долзарб муаммоларини фақат роман ва достонлари саҳифаларида қолишини истамаган. Уларни саҳнада жонлантириб кўрсатиш керак деган хulosага келган ва бу истак уни драма жанрига етаклади. «Аросат майдони» номли уч пардали драма ушбу мавзунинг бадиий талқини тарзида пайдо бўлган асар. Пъеса Сапар Хўжаниёзов номидаги Ёш томошабинлар театрида қўйилди. Асарни театр режиссёри Ирза Айбатов саҳналаштириди. Асосий ролларни театрнинг етакчи актёрлари ижро этишади. Ҳаётда учраб турадиган бир қайгули воқеа асарга материал қилиб танланган. Драмада турмушда адашганлар қисмати, улар бошига тушган кулфатлар кўрсатилади. Саҳна бозор кўриниши билан очилади. Бозорда ҳар ким ўз ташвиши билан банд. Бирор у томонга, кимдир бу томонга ошиқади. Баъзи бирорлар «ҳай-ҳайлаб» юк ташигич аравасида одамларни оралаб у ёқ, бу ёққа ўтади, унга-бунга урилиб, баъзан дакки ҳам ейди: кимга арава, юк ташийман, қани марҳамат! деб баланд овозда чақириб ҳам қўяди. Юк топилмай қолган пайтларда аравакаш болалар бир жойга тўпланишиб, у ёқ бу ёқдан гурунглашиб ўтиришади, ҳар хил мавзуларда ўзаро ҳазил қиласидилар. Ҳар бир аравакаш боланинг ўз «дарди» бор, у шундан сўзлагиси келади. Биритириклик учун юрганини айтса, иккинчиси, кийим-бош олишга пул йиғиши ниятида аравакашлик қилаёттанидан сўз очади, учинчиси, шунга ўҳшаган яна бир ҳаётий зарурат уни бозорга олиб келганини ҳасрат билан гапиради. Мурод (актёр Б. Мустафоев) деган бола эса бошқа бир эҳтиёж туфайли бозорга чиқишига мажбур бўлган. Унинг онаси бетоб. Уйида Муроддан бошқа онага қарайдиган одам йўқ.

Дорига пул топишнинг иложи бўлмагач, у бозорда аравакашлик қилаялти. Онаси ҳар куни унинг бозордан қайтишини интизорлик билан кутади.

Бозорда аравакашлик қилаётган болаларнинг аксарияти мактаб ёшидаги ўсмирлар. Асарда бу ҳаёт кўринишига алоҳида ургу қилинаётганида асос, ҳақиқат бор. Жамиятда ҳаётнинг бу муаммосига (мактаб ёшидаги болаларнинг бозорга чиқиши ёки чиқмаслиги билан боғлиқ баҳсли масалалар назарда тутилаялти) турли қарашлар мавжуд бўлиб турган бир шароитда бу мавзунинг саҳнага олиб чиқилгани ва муайян гоянинг илгари сурилиши мақсадга мувофиқ бўлган деб ҳисоблайман.

Маълум даражада осойишталик билан бошланган бу кўриниш аста-секин жиддийлатиши. Драманинг кейинги пардаларида фожиавий ҳолатларни келтириб чиқарадиган воқеаларга асосий эътибор қаратилади. Томошабин саҳнадаги ҳаракатларнинг давомини қизиқиб кузатади. Муроднинг аравасига бойвачча бир аёл бозордан харид Қилган нарсаларни юклайди ва уйга элтасан деб тайинлади, манзилини беради. Мурод аравасига харидор топилганидан хурсанд бўлиб, аёлнинг уйи томон йўлга тушади. Юкларни айтилган манзилга олиб келиб туширади. Энди орқамга қайтам деб турганида, ҳамтовоқлари билан ичкарида майшат қилиб ўтирган ўша юк эгасининг арзанда боласи Муроднинг йўлини тўсади: бизлар билан қоласан, майшат қиласиз, ароқ ичасан деб туриб олади. Бола ҳар қанча ялинмасин уни қўйиб юборишмайди. Маст ҳолдаги икки йигит билан икки қиз уни ўртага олиб мазахлайдилар, ҳақорат қиласидилар. Шарму ҳаёни йиғишириб қўйган, анидасиз маст қизлар Муроднинг иззат-нафсини ерга уриб хўрлайди. Мурод онасининг бетоблигини, унинг келишини интизорлик билан кутиб ётганини, дори сотиб олиш учун пул ишлаш мақсадида юрганини ҳар қанча куйиниб тушунтиришга уринмасин, фойдаси бўлмайди, улар Муродни эшитишни ҳам истамайдилар. Уй хўжайини боласининг ҳатти-ҳаракатлари ҳаммасидан ошиб тушади. Ўлдираман сени, деб Муродга пичноқ ўқталади. Кўрқитиб ароқ ичишга мажбурлайди, оғзига зўрлаб қуяди. Бу қабих ҳаракатдан кейин ҳам болани қўйиб юборишмайди. Унинг устидан кулиб, масҳаралашни давом эттирадилар. Шу пайт бозорда Мурод-

нинг аравасига юк ортиб юборган аёл келиб қолади ва даҳшатли бир манзаранинг устидан чиқади. Эри билан ҳар қанча дод-вой солмасин, гишт қолипдан кўчган эди. Тўқликка шўхлик қилиб, маънавий тубанликка юз бурган ноқобил ўғилини энди кутқаришнинг ҳеч ҳам иложи йўқ эди. Аросат майдонида аянчли фожия рўй беради. Драманинг сюжети шу эпизод билан якун топади.

Аросат майдони! Ҳа, бу жуда хавфли майдон. Унга билб-билмай қадам босгандарнинг тақдиди бирор кўнгилсиз воқеа билан тугашига шубҳа қўлмайсиз. Шундай экан, ундан огоҳ бўлмоқ, фарзандларни назорат қилиб туриш ҳар бир ота-онанинг бурчидир, деган фикр ҳам хаёлингиздан ўтади. Шу билан бирга, пъесани томоша қиласар экансиз, шундай ноқобил фарзанд ўстирган баъзи ота-оналарнинг ҳаракатларига нисбатан қалбингизда норозиликни ҳам хис қиласиз. Фарзандларнинг шундай хавфли йўлларга кириб кетишларига сабабкор бўлган ҳолатларнинг ижтимоий илдизларини ўйлаб кетасиз. Бундай воқеаларда кимлар айбдор эканлиги ҳақида муайян хулосаларга ҳам келасиз.

Ҳар қандай бадиий асар воқеалари, конкрет ҳаёт шароити билан таққосланади. Шундай воқеалар турмушда учрайдими? Агар бор бўлса, бу ҳақиқат асарда қай даражада ўз ифодасини топган? Ёзувчининг ишонтириш санъати бақувватми? Бу масалада «Аросат майдони» пъесаси ва унинг саҳнавий талқинига жиддий эътиroz билдириб бўлмайди. Асарда ҳозирги ҳаётнинг оғрикли нуқталаридан бири қаламга олинган ва тўғри кўрсатилган. Сир эмас, ёшлар тарбиясидаги ахлоқий муаммолар ҳали тўла-тўқис ечимини топган эмас. Баъзи ёшларнинг, жумладан, қизларнинг ичкиликка берилиб, турли-туман тубанликларга кўл ураётгани, ҳатто жиноят кўчаларига кириб бораётгани бугунги куннинг ачич ҳақиқати эмасми? Баъзи ёш қизларнинг маънавий жиҳатдан бузилиб бораётгани, аёллик шаънига тўғри келмайдиган ҳаракатлар қилаёттанини афсусланиш билан тан олишга мажбурмиз. Бундай ноқобил фарзандларнинг жамиятда ўзларини тутишларига баъзи ота-оналарнинг бепарволигини асло кечириб бўлмайди. Беш кунлик дунёда ўғлим ёки қизим бойлигим, мансаб-обрўйим орқасида ўйнаб-кулсин, даврини сурис қолсин деб хотамтойлик қиласиган ота-оналар йўқ дейсизми?! Бор, албатта! Уларнинг бу саҳиyllиги

баъзан қандай оқибатларга олиб келишини, ҳатто фожия билан тугашини бугун бўлмаса, эртага, албатта, тушуниб етади, лекин кеч бўлади. «Аросат майдони» ота-оналарни, жамоатчиликни мана шундай кўнгилсиз воқеалардан огоҳлантиради. Шу хилдаги ҳаётий муаммоларни кўтариб чиққани учун ҳам бу пъеса бугуннинг асари. Ёшлар тарбиясида амалий аҳамиятга молик яхши драма. У ҳар бир томошабинга ибрат, сабоқ бўла олади ва ундан ҳар ким ўзига тегишли хулоса чиқариб олиши керак.

Мен профессионал театр тақиҷидчиси эмасман. Пъесага, авваламбор бир томошабин нуқтаи назари билан ёндашибга ҳаракат қилдим ва шу ўйналишда фикр юритдим. Асарнинг режиссераси, актёрларнинг ижро маҳорати, техникаси, драмага танланган декорациялар, костюмлар, умуман, саҳна санъати билан боғлиқ масалалар тўғрисида театр мутахассиси даражасида баҳо бера олмаслигим табиий. Бу масъудиятни зиммамга олмаганимнинг сабаби ҳам шунда. Драманинг саҳна талқинига театршунослар келажакда мурожаат этишади ва мен айттолмаган фикрларни улар айтадилар, деган ниятдаман.

Мухтасар қилиб айтсам, «Аросат майдони» драмасининг томошабинлари жуда кўп бўлишини хоҳлардим. Пъесани, хусусан, ота-оналар, ёш йигит-қизлар келиб кўришларини истайман. Сабаб асар айнан ўшаларга мўлжаллаб ёзилган, саҳналаштирилган. Агар у Қорақалпоғистон телевидениеси орқали намойиш этилса, аминманки, аросат майдонларида адашиб юрганларнинг сони ҳам кундан кунга камайиб, кўнгилсиз воқеаларнинг олди олинган бўларди.

2004

БИР ИЖОДИЙ УЧРАШУВ ТАРИХИ

1964 йил. Агар янгишмасам, куз ёки қиши ойлари эди. Бизлар Тошкент давлат (ҳозирги Ўзбекистон Миллий) университетининг талабаларимиз. Саид Аҳмаднинг «Уфқ» романининг биринчи китоби эндиғина ўқувчилар кўлига теккан пайтлар. Биз филолог талабаларни «Уфқ» жуда қизиқтириб қўйди. Дарс жараённида, танаффус пайтларида ҳам

домлаларимиздан «Уфқ» романни юзасидан фикрларини билиш мақсадида қатор саволлар ёғдириб мунозара қылардик. Хусусан, романдаги қочқын Турсунбой образи, унинг қисмети билан боғлиқ баъзи воқеалар талқини, Икромжоннинг чакалакзорда ўғлини отиши каби ҳолатлар тасвири ҳар кимда ҳар хил фикрлар уйғотганди.

Ҳархолда, «Уфқ» ўша давр романчилигига кўпчилик томонидан ўзига хос адабий янгилик сифатида қабул қилинган бўлса-да, факультетимизда роман атрофидаги баҳс-мунозаралар тўхтамади, қарама-қарши фикрлар билдириш давом этаверди. Домлаларимизнинг, талабаларнинг роман ҳақидаги қараашларида умумийлик йўқ ҳисоби эди. Хулас, шу хилдаги тортишувлар сабаб бўлдими ёки бошқа бирор тадбир баҳонамиди, ҳозир аниқ эсимда йўқ, факультетимизда ташкил этилган адабиёт тўгараги (агар адашмасам тўгарак раҳбари Маҳмуд Саъдий эди) ташаббуси билан «Уфқ» муаллифи Сайд Аҳмад билан учрашув ташкил қилинадиган бўлди.

Учрашув куни белгиланди. Тадбир факультетимизнинг (ҳозирги Ўзбек Миллий драма театрининг чап томонидаги тўрт қаватли бинонинг иккинчи қавати) катта мажлислар залида ўтказилиши режалаштирилди. Барчамиз учрашувни зўр қизиқиш билан кута бошладик. Белгиланган кун ҳам етиб келди. Зал домлалар ва талабалар билан лиқ тўлган. Ўтириш учун залда бирор бўш жой кўринмайди. Бир маҳал залга Сайд Аҳмад ва унинг умр йўлдоши, шоира ва ёзувчи Саида Зуннунова ҳамда улар билан бирга Абдулла Қаҳҳор ҳам кириб келди. Ҳаммамиз ўрнимиздан туриб, уларни давомли қарсаклар билан олқишлидик. Айниқса, Абдулла Қаҳҳорнинг учрашувга келишини, менимча, ҳеч ким кутмаганди, бу ташриф биз учун кутилмаган «совға» бўлди. Ва биз талабалар Абдулла Қаҳҳорни жуда яқиндан кўрганимиздан, жонли овозини эшитганимиздан ниҳоятда баҳтиёр эдик. Бу олtingга тенг дақиқалар худди кечагидек менинг ёдимда ва у хотирамга шундай муҳрланиб қолганки, орадан салкам қирқ беш йил ўтган бўлса-да, мен ҳозир ҳам бу унутилмас лаҳзаларни ҳаяжон билан эслайман. Шундай атоқли ёзувчи билан бўлган тарихий учрашувнинг тафсилотларини талабаларимга ҳам гапириб бериб турман.

Учрашув президиумидан меҳмонлар билан бирга домлаларимиз: Фулом Каримов, Озод Шарафиддинов, Умарали Норматов, Лазиз Қаюмов, Саида Нарзуллаева ва бошқа устозлар ҳам жой эгаллашди. Учрашувни факультетимиз декани очди ва меҳмонлар билан таниширди, йиғилишнинг кун тартибини эълон қилди. «Уфқ» романни бўйича ким биринчи сўзга чиққани ҳозир аниқ эсимда йўқ, Лекин Сайд Аҳмадга роман бўйича бир неча саволлар берилгани, ёзувчининг уларга атрофлича жавоб қайтаргани ёдимда. Жумладан, бир курсдошимизнинг «Уфқ» муаллифига берган бир қалтис саволи ва мунозарага чиқиб айтган танқидий фикрлари хотирамга муҳрланиб қолган. У романга нисбатан тахминан шундай эътиroz билдирганди: «Уфқ» романидаги Турсунбой образи ўзбек адабиёти учун унчалик янгилик эмас. Бундай характердаги образ сал олдинроқ қирғиз адабиётида, Ч. Айтматовнинг «Юзма-юз»қиссасида яратилган эди. Турсунбой «Юзма-юз»даги Исмоил образини тақорлаган холос. Нотик ҳар икки асар сюжетидан яна баъзи мисоллар келтириб, «Уфқ»нинг оригиналлигига шубҳа билдириди. Тўғриси, ҳеч ким ундан бу хилдаги кескин танқидий фикрни кутмаган эди. Лекин унинг мулоҳазаларини бутунлай инкор қилиб ҳам бўлмасди. Сабаб бу икки асар негиз сюжети жиҳатидан анча ўхшаш эди. Исмоилнинг ҳам, Турсунбойнинг ҳам аскарликдан қочиб, бирининг ўрмондаги горнинг ичиди, иккинчисининг чакалакзорда яшириниб юриши, уларни омон сақлайман деб не-не машаққатларга гирифтор бўлган, руҳий эзилган Саида (Исмоилнинг хотини) ва Жаннат хола (Турсунбойнинг онаси. У ноқобил фарзандининг қилмишларига бардош беролмай ўлиб кетади)нинг тақдир йўллари бир-бирига жуда ўхшайди. Турсунбой ва Исмоилнинг қисмети билан боғлиқ тугуннинг ечими (бирининг қамишзорда, иккинчисининг ўрмонда қўлга олиниши, отишмалар) деярли бири иккинчисидан катта фарқ қилмайди. «Уфқ» ва «Юзма-юз»да бошқа шаклий ўхшашликлар ҳам бор.

Умуман, курсдошимизнинг «Уфқ» романига нисбатан айтган танқидий мулоҳазалари ҳар қанча тўғри бўлмасин, барни бир у меҳмонларга салбий таъсир кўрсатганини кайфиятидан сезиш қийин эмасди. Сайд Аҳмад саволларга жавоб бераркан, бир ўринда «Юзма-юз»асари билан таниш

эмаслигини қистириб ўтди. Лекин бу жавоб ҳам кўпчиликни қониқтиrmади. Мунозара давом этаверди. Энди бу танқидга Абдулла Қаҳхоринг муносабати қандай эканлиги кўпчиликни қизиқтиради. Сўз Абдулла Қаҳхорга бериши. У минбарга чиқди. Зал сув сепгандек жимжит. Паща учса овози эшитилади. Ёзувчи вазмин, майнин овоз билан гап бошлиси. Абдулла Қаҳхорнинг ўша учрашувдаги ҳамма сўзларини оқизмай-томизмай, нуқта-вергулигача айнан келтираман, деб айтотмайман. Бироқ адибнинг мана бу гаплари аниқ эсимда бор: Сайд Аҳмад бундан салкам йигирма йил олдин кўлига адабиёт танбурини олиб, машқ чалишга ҳаракат қилинди, лекин танбурунинг қулоғини тўғри бураб, пардасини ўрни-ўрнида боса олмагани учун ўшанда яхши куй чала олмаган эди. Мана энди орадан йигирма йил ўтгандан кейин у яна адабиёт танбурини қўлига олибди, куй чалишга қўли анча келишиб қолибди. «Уфқ» Сайд Аҳмаднинг алабиёт куйини чалишдаги яхшигина машқидир.

Абдулла Қаҳхор «Уфқ»нинг яна битта-иккита фазилатлари ҳақида гапирди-ла, минбардан тушиб, ўз жойига бориб ўтириди. Роман тўғрисида айтилган танқидий фикрларга адаб негадир муносабат билдириմади, у ҳақда умуман сўз очмади. Абдулла Қаҳхорнинг ўша учрашувдаги нутқи унинг вафотидан кейин нашр Қилинган «Ёшлар билан сухбат» (1968) номли китобга «Илҳом ва маҳорат самараси» (18-20 бетлар) сарлавҳаси остида ихчам бир мақола шаклида киритилиб, ўқувчиларга ҳавола Қилинди. Мақоланинг охирида «1965 йил» деган рақам ҳам битилган. Мақолада ҳам Абдулла Қаҳхор «Уфқ»ни фақат мақтаган. Учрашувдаги танқидий фикрларга бу ерда ҳам муносабат билдирилмаган. Шунга қараганда, роман Абдулла Қаҳхорга жуда ёққан, унга нисбатан айтилган камчиликларни танолгиси келмаган қўринади. Зоро, «Илҳом ва маҳорат самараси» мақоласининг муқаддимасини қўйидаги жумлалар билан бошлиши бежиз эмасди: «Яхши ёзувчиларимиздан Сайд Аҳмаднинг «Уфқ» китоби тенгқурлари орасида яркираб турибди. Бу китобни китобхон бошдан-оёқ шавқ билан, ҳеч қаерда туртнимасдан, дикқати сусаймасдан, иштаҳаси бўғилмасдан ўқиб чиқади». (18-бет)

Ҳақиқатан ҳам, «Уфқ» нафақат Сайд Аҳмад ижодида, балки ўша давр ўзбек романчилигига катта ютуқ, маҳорат

билан ёзилган асар сифатида китобхонлар томонидан тан олинди. Роман қўлма-қўл бўлиб кетди, ҳамма қизиқиб ўқиди. Абдулла Қаҳхор «Уфқ» романни муҳокамасидан одиноқ университетнинг филолог талабалари, домлалари ўтасида бўлаётган баҳс-мунозаралардан, романга нисбатан жиддий танқидий фикр билдирувчилар борлигидан хабардор эканлиги, учрашувга шунчаки келмаганлиги кейинчалик маълум бўлди. Сайд Аҳмад ўзининг «Устоз чироғи» (Абдулла Қаҳхор замондошлари хотирасида, Тошкент, 1987., 91-бет) номли эссе-мақоласида қайд этишича, Абдулла Қаҳхор бир йиғилишда Сайд Аҳмад билан учрашиб қолганида унга шундай деган экан: « – ТошГУнинг филология факультетида романингизни муҳокама қилишмоқчи. Бир-икки қитмир олимчалар романни йўққа чиқазишмоқчи, ҳушёр бўлинг. Бунга йўл қўймаслик керак. Хафа бўлманг. Муҳокамага мен ҳам бораман. Қани, улар билан бир беллашиб қўрайлик!». Сайд Аҳмад мақолада вазиятнинг давомини шундай шарҳлади: «Муҳокама мажлисига табиатим тирриқ бўлиб бордим. Уч-тўрт кишининг романни бадном қилиш учун жиддий тайёргарлик кўргани билиниб турарди. Зал тўла одам. Студентлар ҳам, ўқитувчилар ҳам кўп. Йигилган студентлар Абдулла акани асрлари орқали билишарди. Кўпчилиги ўзини кўрмаган, овозини эшитмаган эди. Студентлар шовқин кўтариб, муҳокамани Абдулла Қаҳхор бошлаб берсин, деган таклифни айтишди. Факультет декани Абдулла Қаҳхорга сўз беришга мажбур бўлди. Абдулла Қаҳхор ўзига хос қисқа-қисқа жумлаларда аниқ ва таъсирили қилиб романнинг фазилатларини гапирди. Роман бутуни ўзбек адабиётида ижобий бир воқеа деб баҳолади. У ўз фикрини романдан мисоллар олиб исботлаб берди. Китобни бадном қилишга уринганлар қиличи синиб, қалқони тешилган сарбоздек бўшашиб қолишиди. Сўзга чиқишига журъат Қилолмай рўйхатдан ўз номларини ўчириб қўйишни сўради. Аммо Озод Шарафиддинов романга бир-икки кесак отиб қолди.» (92-бет)

Устоз ёзувчимиз Сайд Аҳмаднинг бу сўзларини келтириш билан мен ҳакамлик қилиш, бу масалада ким ҳақ, ким ноҳақлигини ажратиб бериш фикридан холиман. Бу ҳақда ҳозир баҳслashiшнинг ўрни ҳам эмас. «Уфқ» романининг кейинги шон-шуҳрати қандай бўлганлиги жамоатчиликка,

муҳлисларга мълум. Бироз вақт ўтгач, «Уфқ»нинг Давлат мукофоти билан тақдирлангани фактининг ўзиёқ, романнинг қандай бадиий салоҳиятта эга, севиб ўқиладиган зўр асарлардан бири эканлигини кўрсатади.

Абдулла Қаҳҳор шундай жонкуяр ижодкор бўлганки, бирор ёш ёзувчи ёки шоирда истеъод учкунларини кўрса, уни қаноти остига олган, зарур бўлиб қолган пайтларда уларни асоссиз таъзийклардан қаттиқ туриб ҳимоя қилган. Ўтган асрнинг 60-йиларида ўзларининг ilk асарлари билан энди-энди адабиётга кириб кела бошлиган Эркин Воҳидов, Абдулла Орипов, Шукур Холмирзаев, Ўткир Ҳошимов каби ёш ижодкорларга Абдулла Қаҳҳорнинг ғамхўрлигини, матбуотда босилган ilk асарларини ўқиб билдирган фикрларини, уларга ёзган мактубларини бир кўз олдингизга келтиринг! Абдулла Қаҳҳор бу ёзувчи ва шоирларнинг кела-жакда ўзбек адабиётининг шон-шуҳратини оширадиган истеъоддли сўз усталари бўлиб етишишларига ўша вақтдаёқ ишонган ва уларнинг талантини тарбиялашга ҳаракат қилган. Яна бир фикр. Абдулла Қаҳҳор ноёб истеъод соҳибларига қанчалик жонкуярлик билан ғамхўрлик кўрсатган бўлса, талантсиз, қалами заиф шоир ва ёзувчиларга нисбатан шунчалик муросасиз бўлган. Қандай катта лавозим ва юксак унвонларга эга бўлмасин, уларни аяб ўтирган, камчиликларини, ижод бобида қобилияти йўқлигини бетига дангагл айтишдан қўрқмаган. Шунинг учун бўлса керак, жамоатчилик, зиёлилар, ижодкорлар орасида Абдулла Қаҳҳорга нисбатан «У ўзбек адабиётининг виждони эди» деган ҳақли ибора юраци. Гарчи биз талабалар ўша пайтда «Уфқ» романни муҳокамасига бағишиланган мажлисга Абдулла Қаҳҳорнинг Саид Аҳмад билан бирга келишининг туб сабабини, шунчаки, учрашувга меҳмон сифатида қатнашашапти деб ўйлаган бўлсак-да, аслида романчиликда ilk қадам ташлаб, катта ютуққа эришган, келажагига улкан умид ўйғоттан асар муаллифи, шогирди Саид Аҳмадни танқиддан ҳимоя қилиш учун келган экан. Буни биз Саид Аҳмаднинг «Устоз чироғи» эссе-си билан танишгандан сўнгтина билдик. Ва Абдулла Қаҳҳорнинг адабиёт, айниқса, ёш талантларнинг чинакам жонкуяри бўлганилигига яна бир карра ишонч ҳосил қилдик.

Шундай қилиб, «Уфқ» романни муҳокамаси жуда қизғин ўтди, ҳар биримизнинг қалбимизда унтилмас таассурот

қолдириди. Бир гуруҳ талабалар, шулар қаторида камина ҳам, тарқала бошладик. Баъзиларимиз Ҳадрадаги трамвай бекатига, кўпчилигимиз автобус бекатига шошилардик. Ётоқ-хонамиз талабалар шаҳарчасида. Манзил анча узоқ, 38 рақамли бир эшикли автобус қатнайди. У ҳам ҳа деганда келавермайли. Ҳатто соатлаб кутадиган пайтларимиз ҳам бўларди. Баъзан автобусга сигмай қолиб, бир неча чақирим яёв кетган кунларимиз ҳам бўлиб турарди. Шу ташвиш сабаб бўлдими ёки бошқа бирор вазият тақозо этдими, ҳозир аниқ эслолмадим, учрашув тугаши биланоқ ёткоҳонада турилиган бир гуруҳ курсдошларим билан залдан чиқиб, автобус бекатига югурганимиз ёдимда бор. Биздан кейин курсдошларимиз, домлаларимиз Абдулла Қаҳҳор, Саид Аҳмад ва Саида Зуннуновалар билан бирга эсадлик учун расмга тушибди. Бу расм кейинчалик Абдулла Қаҳҳорнинг «Ёшлар билан сұхбат» китобининг 45 саҳифасида босилибли. Расмнинг пастига «Абдулла Қаҳҳор Тошкент давлат университети филология факультетининг студентлари ва ўқитувчилари орасида» деган ёзув ҳам бор. Китобни ҳар гал қўлга олганимда унинг ўша унтилмас лаҳзалар муҳрланган саҳифасини катта соғинч ва зўр ҳаяжон билан очаман. Қалбим тўлқинланиб кетади. Ва хаёлимда: нега мени ўшанда шошиби-либ кетиб қолдим, буюк ёзувчи ва қадрли домлаларим билан расмга тушмадим экан, деган афсусланиш туйғулари мени безовта қилаверади. Ўшанда бундай дақиқаларнинг қадрига етмаганимдан пушаймон бўлиб юраман. Баъзан талабаларимга мана шу учрашувнинг тафсилотларини, расмнинг тарихини гапириб бераман. Имкон қадар бундай тарихий, аҳамиятли учрашувларнинг қадрига етиш лозимлигини, ушбу учрашув ва расмга муҳрланган буюк ёзувчи Абдулла Қаҳҳор, домлаларим, курсдошларим сиймолари мисолида бот-бот эслатаман.

Абдулла Қаҳҳорнинг «Ёшлар билан сұхбат» китоби доимо ёзув столим устида, мен уни тез-тез вараклаб турман. Айниқса, қадрдан курсдошларимни соғинганимда, азиз домлаларимни қўмсанган чоғларимда, китобнинг 45 саҳифасини очиб, ўша расмни кайта-қайта кўраман. Талабалик йилларим, ўша тарихий учрашув иштироқчиларининг сиймолари бирин-кетин кўз олдимда гавдаланади. Баҳс-мунозаралар қайта жоплангандек, курсдошларим, устозларимнинг овоз-

лари қулоғим остида жаранглаб әшитилаётгандек бўлади. Озгина бўлса-да, талабалик давримга қайтгандек, шўх ва қувнок курсдошларим билан сұхбатлашаётгандек, домлаларим билан мuloқот қилаётгандек сезаман ўзимни.

Ўзбек адабиётининг фахри Абдулла Қаҳҳорнинг 100 йиллик юбилейи нишонланаётган шу кунларда бу тарихий учрашувни хотирлашдан мақсад, улуғ ёзувчининг ёш талантларга ғамхўрлигини ёд этиш, ҳам ижодий, ҳам амалий фаолияти билан XX аср ўзбек адабиёти тарихида ўчмас из қолдирган, адабиётнинг виждонига айланган буюк сўз санъаткорининг ноёб фазилатларини замондошларимизга ўрнак қилиб кўрсатишдир. Ҳар бир ижодкор ўз адабиётининг келажаги учун Абдулла Қаҳҳордек қайғуриб, жонкуярлик қилса, бадиий маҳорат бобида ўзи беназир бўлса, билингки, у адабиёт муҳлислари қалбида барҳаёт, авлодлардан авлодларга ўтиб, ҳақиқатгўй ёзувчи тимсолига айланади. Абдулла Қаҳҳор шахсияти, ижоди бунга ёрқин мисол!

2007

МОДЕРН ШЕЪРИЯТ ВА АДАБИЁТНИНГ ОММАВИЙЛИГИ

Сўнгги йилларда ўзбек адабиётида “модерн”, “модернизм” атамалари шоир ва ёзувчилар, адабиётшунос-танқидчилар томонидан тез-тез тилга олинмоқда. Республикализмининг газета-журналларида, илмий-адабий давраларда ўзбек модерн шеърияти атрофида баҳс-мунозаралар анча кенгайди. Баҳс иштирокчилари орасида атоқли шоир-ёзувчилар, етакчи адабиётшунос-танқидчилар ҳам бор. Ҳусусан, У. Норматов, Б. Саримсоқов, И. Ҳаққул, Н. Раҳимжонов, К. Йўлдошев, Б. Рўзимуҳаммад, Э. Очилов, М. Йўлдошеваларнинг ўзбек модерн шеърияти ҳақидаги тадқиқотлари, газета-журналларда эълон қилган сұхбат-мақолалари, улардаги турли нуқтаи назарлар, баҳс-мунозаралар кўпчиликнинг диққатини тортиди. Гарчи бу йўналишдаги қарама-қарши фикрлар якунланиб муайян хulosаларга қелинмаган бўлсада, мунозаралар сабаб мустақиллик даври ўзбек шеърияти тараққиётининг янги ижодий изланишлар йўлидан бораёт-

гани намоён бўлмоқдаки, бу жараёнга ижобий ҳодиса деб қаралмоғи керак.

Модерн шеъриятни қўллаб-қувватловчи шоирлар, адабиётшунос-танқидчилар етарли бўлганидек, уни инкор қилувчилар ҳам оз эмас. Бу масалада кимнинг фикри тўғри, кимники ногўрилигини айнан ҳозир ажратиб бериш мақсадимиз йўқ. Ўзбек модерн шеъриятининг келажаги қандай бўлишини вақт кўрсатади. Вазифамиз, бадиий адабиётнинг, жумладан, шеъриятнинг ижтимоий-эстетик функцияси нуктати назаридан баъзи модерн шеърларга бир назар ташлашдан, ўқувчиларнинг эҳтиёжига, маънавий-руҳий тарбиясига таъсири ҳақида қисман мулҳоза юритишдан, аникроғи, модерн шеърият ва адабиётнинг оммавийлиги масалалари хусусида шахсий фикрларимизни баён этишдан иборатdir.

Модерн усулида ижод қилаёттан ҳамма шоирларнинг шеърларини ўқиганман, деб айтольмайман. Бироқ баъзан қизиқиши, баъзан зарурат туғилган пайтларда модерн шеърларни мутолаа қилганим, шу мавзуга доир айрим мақолалар, баҳс-мунозаралар билан танишганим аниқ. Ушбу мақоланинг ёзилишига ҳам аслида “Тафаккур” журналида босилган “Ижод бошқа, таъма бошқа”¹ номли сұхбат-мақола турткни бўлди. Мақола С. Ёкубовнинг таниқли шоир ва таржимон Фахрилдин Низом билан мулқотидан иборат. Унда модерн шеърият, адабиётнинг оммавийлиги, жамият ва ижодкор шахсияти, масъулияти, умуман, ўқувчини баҳсга чорлайдиган бошқа бир неча мавзулар кўтарилиганки, шуларга шахсий муносабатимизни билдириш мақсадида ушбу мақола юзага келди.

Хозирги давр ўзбек шеъриятида модерн йўналишида бирмунча фаол қалам тебратаетган ижодкорлар сафида А. Кутбиддин, Б. Рўзимуҳаммад, Фахриёр, С. Ашур, Г. Бегим, В. Файзуло, Ф. Афуз, И. Отамурод, А. Саид, Д. Ражаб ва яна бошқа-бошқа шоирлар бор. Баҳс-мунозаралар, асосан, мана шу шоирларнинг модерн шеърлари атрофида бўлаяпти. Бу шоирларнинг анъанавий шаклда истеъод билан битилган шеърлари билан танишман, ўқиганман, баъзиларини қадрлайман. Фақат мен эмас, анъанавий шеърият ихлосмандлари ҳам шундай фикрда бўлишига ишонаман. Лекин айрим шеърларнинг мазмун-моҳиятида, ифода шак-

¹ «Тафаккур» журнали, 2008, 2-сон.

лида ўқувчидә завқ уйғотмайдыган, қандайdir нохуш таас-
суротлар қолдирадыган, нотабий үхшатишлар, гўзаликка
унча мос келавермайдыган ташбехдәр қўлланилганига гувоҳ
бўламиз. Анъанавий усулда ёзилган шеъриятга, поэтик каш-
фиётларга кўнишиб қолганимизданми ёки модерн йўнали-
шидаги шеърларнинг маъно-мазмунини, ташбеху тимсол-
лар қўллашдаги ижодий изланишларни тўла тўкис идрок
этуб ултурмаганимиз учунми, ҳарҳолда баъзи модерн шеъ-
рларда учрайдиган ғайритабий үхшатишларни “ҳазм”
қилиш, улардан эстетик лаззат олиш жуда мушкул кўрина-
ди. Айрим модерн шеърларда учрайдиган “Ой қуёш йўлида
сасиди”, “Ой пес бўлиб кетди фалакдан”, “Ой менгзар туп-
роқда ётган кучукка”, “Ой – ай туннинг қунгизи”, “Ой ҳам
каламушга ўхшайди жуда”¹ сингари мисралар чиндан ҳам
ўқувчининг дидига салбий таъсир кўрсатса керак. Кўпол
маъноли бу сатрларни ўқир эканмиз, улуғ мутафаккир шоир
Алишер Навоийнинг “Ҳайрат ул-аброр” достонидаги Қўй-
идаги тўргт мисра беихтиёр хаёлимизга келади:

*Бошни фидо айла, ато қошиға,
Жисмни қил садқа ано бошиға.
Тун-кунингга айлагил нур фош,
Бирисин ой англа, бирисин қуёш!*

Алишер Навоий ота-онани хурмат қилишни, уларнинг
бирини ойга, иккинчисини қуёшга қиёслаб шундай ҳик-
матли мисралар ижод этганки, бошқа бирор шоирнинг худ-
ди шу шакл ва мазмунда бу ўлмас ғояни ифодалаши жуда
қийин. “Ой”, “қуёш” тимсоллари буюк шоирга муқаддас
мавзуларни, ҳеч қачон аҳамиятини йўқотмайдиган умумин-
соний ғояларни бадиий талқин этишда рамзий образ вази-
фасини ўтаган. Тўғри, “ой”, “қуёш” рамзлари қўлланилган
юкоридаги мисралар баъзи модерн шеърлардан ажратиб олин-
ди. Шеърнинг тўла матнида чукур маъно, ўқувчи қалбига
нур таратадиган қаторлар бор, албатта. Лекин унинг тарки-
бидаги тилга олинган мисраларга ўхшаш кўпол мажозлар, ёқим-
сиз қиёсламалар бўлса, бизнингча, бари бир ҳусунбузардек
ёки гўзал сўзанага ёпиширилган чипта ямоқдек кўзга тур-

¹ Алишер Навоий. «Ҳайрат ул-аброр», Тошкент, 1989., 76-бет.

тилиб туради, шеърнинг бадиий қимматини тушириб юбо-
ради.

Умуман, мумтоз адабиётда ҳам, замонавий адабиётда
ҳам “ой”, “қуёш” рамзлари эзгуликни улуғлашга хизмат
қилиб келди ва яхшиликни, гўзаликни таърифлашнинг
ўзига хос воситаси бўлди. Бу тимсоллар китобхонлар онги-
га ҳам худди шу мазмунда сингиб қолган. Шундай экан,
адабиётимизда анъана бўлиб келаётган, мумтоз шоирлар-
нинг синовидан ўтиб замонавий адабий жараёнда фаол
қўлланилаётган, ўқувчилар ўртасида оммалашиб кетган бу
мажозий образлардан улуғ ғояларни ифодалашида фойдала-
нилса, нур устига аъло нур бўларди.

Яна бир мулоҳаза. Анъанавий шеъриятга кўнишиб қол-
ган, “тиши” шу йўналишдаги шеърларни мутолаа қилиш
 билан чиққан оддий шеърхон нима қиласи? Бошқотирма
шеърларни, мисраларни поэтик ўзлаштира олармикан?
Мутахассислар, “хос одамлар” бу хилдаги шеърларнинг маз-
мун моҳиятига осонлик билан етиб боришига шубҳа йўқ.
Лекин адабиётдан узоқ, бадиият қонуниятларидан бехабар
оддий ўқувчининг бундай “захмат” чекиб мавхум ва мур-
раккаб модерн шеърнинг “ичи”га киришига, уни тушуниб,
бирор маънавий лаззат олишига ишониб бўлармикан? Ай-
рим модери шеърларда: “Юлдуз моҳияттан Кесакдек бўлди.
Таҳорат айлади юлдузга Дарвеш”. Ёки “Юлдуздан тортиб,
To тезакка қадар” каби мисралар учрайдики, оддий шеър-
хоннинг уларни англаб бирор маънавий завқ олиши амри-
маҳол. Ижодкорларимизнинг, шеъриятдаги изланишлари-
ни инкор қилмаган ҳолда, уларни миллий анъаналар билан
уйғунаштириб, кўпчиликта бирдек тушунарли шеърий асар-
лар яратишларини, мустақиллик даври ўзбек адабиёти та-
раққиётига ўзига хос ҳисса қўшишларини истардик.

Модерн шеърият ҳақида гапирганда, адабиётнинг ом-
мавийлиги хусусидаги масалани назардан соқит қилиб
бўлмайди. Кейинги пайтларда матбуотда адабиётнинг ом-
мавийлиги тўғрисида ҳар хил фикрлар пайдо бўлмоқда.
Адабиётнинг оммавийлигини маълум маънода инкор
қилишга мойиллик кузатилади. Жумладан, адабиётшу-
нос Ж.Эшонқулнинг “Оммавийлик мезон эмас” номли
мақолосида шундай фикрларни ўқиймиз: “Оммавийлик
бадиийлик мезони эмас ва менимча, оммавийлик маълум

маънода бадииятдан четлашиш, мавжуд дидга бўйсуниш ҳамдир. Бадиият эса диднинг бетиним ўсишига хизмат қиласди, уни доимо ҳаракатга, ўсишига, изланишига чорлайди".¹

Олимнинг бу фикрларини бутунлай инкор қилиш тўғри эмас, албатта. Ҳар бир асарга бадиият қонунларига асосланниб баҳо бериш зарурлиги ҳақидаги мулоҳазалари тўғри. Лекин ҳамма оммавий асарларни ҳам бадиийликдан йироқ деб баҳолаш тўғримикан? Муаллифнинг юқоридаги нуқтаи назарларини, балки “бозор” адабиёти “маҳсулотлари”га, яни олди-қочди воқеаларга ва саргузаштларга ишқибоз, адабий-эстетик диди бир хил ёки ўхшаш китобхонлар савиасига мўлжаллаб ёзилган ҳаммабоп, бадиий-эстетик салмоги енгил асарларга нисбатан айтилса, эҳтимол эътиroz тугдирмас. Адабий жараёнда ҳамма бирдай қизиқиб ўқийдиган бундай “бозорбоп” асарлар бор. Шу билан бирга, юксак бадиий салоҳияти билан китобхонлар қалбини сехрлаган, қўлма-қўл ўқилган шундай ноёб асарлар ҳам борки, улар оммавийликда ҳам, бадиийликда ҳам бекиёс, факат бир ҳалқ ёки бир миллатни эмас, бутун жаҳонни ҳайратга солган ижод намуналарилир. Дунё адабиётининг буюк асарларини қўятурайлик, Абдулла Қодирий қаламига мансуб умрбокий романларни, Чўлпоннинг ёниқ шеъриятини, “Кеча ва кундуз” романини, Эркин Воҳидов ва Абдулла Ориповларнинг, Рауф Парфи ва Муҳаммад Юсуфларнинг китобхонларга ёд бўлиб кетган бадиий юксак лирикасини, бошқа-да қатор атоқли ўзбек адиларининг барчани бирдек ҳаяжонга соладиган, ўзига сехрлаб оладиган кашфиёт даражасидаги асарлари ҳам оммавийликнинг, ҳам бадиийликнинг ёрқин намунаси эканлигини инкор қилиш мумкини? Ўта “бадиийлаштирилган”, “хос одамларга” мўлжаллаб ёзилган, кўпчилик ўқиб тушунмайдиган шакл ва мазмундаги, яни оммавийликдан узоқ асарлар китобхонга, қолаверса, жамиятга маънавий наф бера олармикан? Оммавийликдан чекиниш адабиётни жамиятдан, ҳалқдан узоқлашишга олиб келмайдими? Бундай асарлар инсонларнинг сўз санъати орқали руҳий бойиш жараёнига салбий таъсир этмасмикан? Қалбida маънавий бўшлиқ юзага келмайдими? Бадиий

адабиёт ижтимоий ҳодиса. Унинг жамият, адабиёт мухлислари олдидағи вазифаси ҳам бор. У ижтимоий ҳаётга, инсонларнинг дунёқарашига таъсир ўтказиши керак, жамиятнинг маънавий юксалишида муҳим бадиий восита вазифасини ҳам ўташи лозим. Президентимиз И.А. Каримовнинг “Юксак маънавият – енгилмас куч” номли китобида бу масалага алоҳида эътибор қаратилган. “Инсонни, унинг маънавият оламини кашф этадиган яна бир қудратли восита борки, у ҳам бўлса сўз санъати, бадиий адабиётдир”, деб ёзади муаллиф юқорида тилга олинган асарида. Юртбошимиз бу фикрини Алишер Навоий, Абдулла Қодирий, Чўлпон, Усмон Носир ва яна бошқа қатор шоирлар ва ёзувчилар ижоди, улар асарларининг инсон камолотидаги роли ва аҳамияти мисолида исботлаб беради ва инсон маънавиятини шакллантиришда сўз санъати – бадиий адабиётдан самарали фойдаланиш вазифасини кўяди.

Шундай экан, ижодкорларимиз бадиий асарларнинг инсон маънавий камолотини шакллантиришдаги аҳамиятини унумтагани маъқул. Истагимиз, яратилган ҳар бир асарни факат “хос одамлар”гина эмас, шу билан бирга, ҳар хил касб эгалари, турли тоифа аҳоли ҳам эмин-эркин, “туртингасдан”, узоқ мuddат дикқати ошиб ўтирасдан ўқиб тушунса, эстетик лаззат олса экан, демоқчимиз.

Адабиётнинг оммавийлиги, ижтимоий-эстетик вазифаси, барчага тушунарли тилда ёзилиши, оммани бирдек ҳаяжонга солиши ҳақида сўз юритар эканмиз, сўнгти йилларда газета-журналларда пайдо бўла бошлаган ҳозирги адабий жараёнга тегишли яна бир фикрга шахсий муносабатимизни билдиримоқчимиз. Гап шундаки, айrim ижодкорлар: “факат ўзим учун ёзаман”, “адабиётнинг оммалашини қийин ва шарт ҳам эмас” деган, мулоҳазага ундейдиган фикрларни ўртага ташламоқдаки, бундай нуқтаи назарлар ҳам адабиёт ихлосмандларини бефарқ қолдирмаса керак. Бундай қарашлар юқорида тилга олинган “Тафаккур” журналида ўзлон қилинган сұхбат-мақолада кўпроқ кузатилади. Анъанавий шеърият тарафдорлари лирикада мавхумликдан

¹ И.А. Каримов. Юксак маънавият – енгилмас куч. Тошкент, «Маънавият», 2008., 136-бет.

¹ «Ўзбекистон адабиёти ва санъати», 1998., 17 апрель.

қочиши, фикрларнинг аниқ, туйгуларнинг тиниқ ва табиий бўлишини талаб қилгани ҳолда, сухбат-мақола муаллифларидан бири: “*абстракт фикрлашдан қочадиган ижодкор бугунги кунда ҳеч нарсага эриша олмайди*” дейди. Мақоладаги қўйидаги фикр ҳам бизга бироз эриш туюлди: “*Шеър ёзётган пайтда эса олдимга фақат битта талаб қўяман: ёмон ёзишдан қўрқмаслик*”.

Ёмон ёзилган шеърни ўқиб поэтик лаззат оладиган шеърхон ёки абстракт фикрларнинг сир-синоатини осон тушуниб етадиган бадий диди юксак китобхонлар оммаси шаклланиб улгурдимикан? Тўғри, профессионал мутахассислар бу жумбоқли шеърларни ўзлаштириши, ҳатто, ўқиб ва укиб ўзига тегишли озуқа олиши ҳам мумкин. Лекин бундай мезон, бадий талқин оддий ўқувчига оғирлиқ қилмасмикан? Истиқлол йилларида азабиёт, жумладан, шеърият ҳам кўнгил ишига айланди. Лекин бу дегани ҳар бир ижодкор ўта шахсий кечинмаларини, субъектив қарашларини қандайдир салбий маънодаги ўхшатишлар, бошқотирма сўз ва иборалар орқали ифодалавши мумкин деган маънони билдирамаса керак. Бадий азабиёт, хусусан, шеърият инсонга завқ-шавқ, эстетик лаззат бағишлайдиган, қалбига эзгулик нурини таратадиган бетакорр сўз санъати эканлиги илмда исботланган. Азабиёт тарихида фақат интим кечинмалари тасвири билан ёки рангсиз, миллий азабиётимиз анъана радиан холи, бегона оқимларга эргашиб ёзилган ва шурхат қозонган ижодкор ё яратилган бирор асар бормикан? Шу мантиқдан келиб чиқсан, юқорида «Тафаккур» журналида тилга олинган мақола муаллифларининг қўйидаги мулоҳазалари ҳар бир азабиёт ихлюсмандини жиддий ўйга толдирса керак: “*Шеър – кўнгил иши. Менга энг муҳими, уни ёзиш жараёнида ўзим туадиган завқ. Агар ўша завқ машқларимни ўқиётган бирор-яримта шеърхонга ҳам юқса – бош устига, юқмаса ҳам хафа бўлмайман, чунки ўзим учун ёзаман*”.

Шу ўринда В.Г.Белинскийнинг мана бу фикрлари беихтиёр хаёлга келади: “*Ҳеч бир шоир ўз шахсий изтиробларни ёки ўз шахсий қувончларини ифодалаш билан, яъни ўз-ўзича ва ўз шахсияти орқали буюк бўла олмайди. Поэзияда муваффақият қозониш учун эндилликда фақат талантини ўзи кифоя эмас. Ижодкор замон ва давр руҳи билан уйғулликда юксалган бўлиши керак. Шоир ҳозирги вақтда хаёл-*

лар оламида яшай олмайди, у ўз замонидаги воқелик салтанининг граждани бўлиши лозим, унда бутун тарих яшамоги керак”.

Бу фикрларни фақат “ўзи учун ёзадиган” шоирлар ижодига талбиқ қилинса, қандай холоса чиқариш мумкин? Ёки буюк танқидчининг бир вақтлар лирикага доир айтган назарий холосалари бутун эскириб, аҳамиятини йўқотдимикан? Агар шундай ўйласак, унда атоқли азабиётшунос-танқидчи О.Шарафиддиновнинг лириканинг спецификаси ҳақидаги қўйидаги фикрларига нима дейсиз?: “*Лирик қаҳрамон миллионлар билан ҳамнафас ва ҳамдард, орзу-омоли миллионларнинг умид-истаги билан муштарак шоирнинг ўзи бўлади. Шоир кўп номидан сўзлайди. Ўз ҳиссияти орқали кўпнинг ҳиссиятини баён қиласди*”.¹

Шу ўринда О. Шарафиддиновнинг мазкур масала билан боғлиқ яна бир фикрига диққатингизни қаратсак фойдалдан холи бўлмас. Олим азабиёт ҳақидаги чиқишиларидан бириди бадий азабиётнинг умумтарбиявий аҳамияти, оммавийлик хусусиятга эга бўлиши ҳақида сўз очиб, тахминан шундай деган эди: “*Яратилган бадий асар агар кўпчиликка бирор наф келтирмаса, дунёқарашига таъсир этиб фикрини бойитмаса, ҳаяжонга солмаса, бундай асарнинг кимга кераги бор? Агар муаллиф асарини ўзи учун ёки икки-уч ўқувчига мўлжаллаб ёзган экан, ундан икки-уч нусха нашр қилириб ўзининг азабий бисотига қўшиб қўявериши керак*”.

Бу фикр фақат ўзи учун ёзадиган ёки азабиётнинг оммавий бўлиши зарурлиги ҳақидаги нуқтаи назарларни кўп маъкулламайдиган тадқиқотчилар ва ижодкорларга қаратадайтиластгандек бўлиб туюлди бизга. Бадий азабиётнинг, жумладан, лириканинг ўзига хос хусусияти тўғрисида турили даврларда айтилган бу фикрлар замон синовларидан ўтиб ҳар хил ижтимоий-тарихий шароит, азабий муҳит бўлишига қарамасдан, ҳар бир шоир учун поэтик қоида вазифасини ўтаб келган ва у ҳозирги кунда ҳам, бизнингча, илмий аҳамиятини йўқотган эмас. Тўғри, ижодкорга қандай ёзиш ҳақида кўрсатма бериб бўлмайди. Бу масалада у гўё эркин күп. Хоҳлаган шакл ва мазмунда ёзиш ҳукуқига эга. Мус-

¹ О. Шарафиддинов. Замон. Қалб. Поэзия. Тошкент, 1962, 24-бет.

тақииллик йилларida шўролар даврининг сиёсати ва мағкурасига асосланган адабий қолиллар синдирилди, ижод эркинлигига кенг йўл очилди. Адабиёт қарамликтан, мутеликдан кутулиб янги, эркин тараққиёт йўлига чиқди. Шоирлар ва ёзувчилар бу имкониятдан фойдаланиб адабиётимизни миллий анъаналар, жаҳон адабиётининг илғор тажрибалари руҳида ривожлантиришга астойдил киришиди ва бир талай ютуқлар ҳам кўлга киритилди. Эндиликда маънавият масаласи давлат сиёсати даражасига кўтарилиди. Сўз санъатидан маънавият куроли сифатида фойдаланиш, бадиий юксак, айни пайтда, оммабоп асарлар яратиш вазифаси кун тартибига кўйилиб, ижодкорларга катта масъулият юкланди. Ва инсоннинг руҳан покланишига, имон-эътиқодининг мустаҳкамланишига ёрдам берадиган бадиий асарлар яратиш истиқлол даврининг энг долзарб вазифасига айланди. Шундай экан, тури тоифа китобхонларга ҳам тушунарли, барчани ўзига бирдек сеҳрлаб олишга қодир ҳаммабоп, бадиий баркамол асарларнинг кўплаб яратилишига тарафдор эканлигимизни яна бир марта таъкидламоқчимиз.

Яна бир фикр. Адабиёт – сўз санъати. Сўз қудратли куч, бадиий восита. Асрлар давомида синовдан ўтган ҳақиқат бу. Сўз маржонларининг китобхон кўнглига йўл топишида муҳим қуроллардан бири эканлигига бадиий адабиётдан истаганча мисоллар келтириш мумкин. Зеро, ноёб сўзлардан қандайдир гайритабиий, ўқувчининг эстетик дидини ривожлантиришга хизмат қилмайдиган ифодаларни кўлландан кўра, китобхонга олам-олам завқ бағишлидиган, ҳаяжонга соладиган, тафаккурини кенгайтирадиган оммабоп бадиий асарлар яратишида фойдаланилса, узукка қош кўндирандек бўлмасмиди?

Ҳозирги давр ўзбек модерн шеърияти ва адабиётнинг оммавийлиги ҳақидаги шахсий мулоҳазаларимизни таникли адабиётшунос-танқидчи Умарали Норматовнинг куйидаги фикрлари билан якунлашни лозим топдик. Хуроса чиқариш эса ўзингизга ҳавола: “Кейинги пайтларда ёзувчи-шоирлар, мунаққидлар тилида бир гап айланниб қолди: асар, аввало, ижодкорларнинг ўзи учун ёзилармиш, чинакам, юксак санъат асари фақат “хос одамлар” учун яратилармиш; асарнинг кўпчиликка тушунарли, ҳаммаболлиги юксак бадиийлик мезони бўлолмас эмиш. Бу гапларда му-

айян асос бор, албатта. Фақат ўзи, кўнгил таскини учун ёзалиган қаламкашлар, шоирлар, шунингдек, “хос одамлар”-гагина мўлжалланган, уларгина тушунадиган, қадрлайдиган ва айни пайтда етук асарлар ҳам бор. Бироқ, азизлар, нега биз хусусий ҳоллардан хуласалар чиқаришга чоғланамиз? Бадиий ижод қолилларга сифмайдиган жараён. Кўнтил дардини ўзгаларга, кўпчиликка, бутун халққа, борингки, башариятга етказиш иштиёқи билан қалам тебратган, тебратаетган улуғ ижодкорлар йўлини камситиш одобдан эмас. Бир пайтнинг ўзида ҳам жиддий, теран маъноли, ноёб бадиий ихтиро, кашфиёт, ҳам кўпчиликка тушунарли, бутун миллатни, қолаверса, жаҳонни ҳайратга, ларзага солган асарлар йўқ дейсизми. Аслида чин санъат асарларининг кўпчиликка етиб бориши – барчани бирдек ҳайрат ва ларзага солиши ижодкорнинг, қолаверса, миллий адабиётнинг бахти, омади. XX асрнинг буюк сўз усталари – Э. Хемингуэй, Г. Маркес, С. Есенин, Ч. Айтматов, ўзимизда Қодирий ва Чўлпонларнинг омади ана шунда”.¹

2008.

АДАБИЙ ЖАРАЁН ВА ҚОРАҚАЛПОҚ АДАБИЙ ТАНҚИДИ

Кейинги йилларда қорақалпоқ адабий танқидининг фанологиятидан қониқмаслик тўғрисидаги фикрлар тез-тез қулоқقا чалинадиган бўлди. Қорақалпоғистон Ёзувчилари ўюшмасида бўлиб ўтадиган йигилишларда, адабиёт масалалари қаралган бошқа-да расмий ва норасмий минбарларда ҳам адабий танқиднинг замон талабидан нисбатан орқада қолаётгани, ҳаракатдаги адабий жараёнга таъсири учалик сезилмаётгани, нашр қилинган асарларга принципиал баҳо берилмаётгани, илмий-назарий билими бақувват профессионал танқидчиларнинг камайиб қолгани тўғрисида ҳар хил мулоҳазалар билдирилмоқда. Газета-журналларда танқидий чиқишиларнинг камлиги, жиддий таҳдилий мақолаларнинг жуда оз босилаётгани, эълон қилинаётганинг кўпчилиги факат мақтоблардан, юзаки шарҳлардан иборат бўлиб қолаётгани ҳақидаги фикрлар сўнгти уч-тўрт йилда анча

¹ «Ўзбекистон адабиёти ва санъати», 2004 й.

жонланиб қолди. Баъзан бугунги қорақалпоқ адабий танқиди бундан йигирма-йигирма беш йил олдинги танқид билан солиштирилади ва унинг ҳозирги ҳолати аввалгисидан орқада қолган деган холосага келинади.

Хўш, ҳозирги давр адабий танқидига бу хилдаги муносабат ҳақиқатга қаинчалик яқин. Чиндан ҳам, бугунги адабий танқид ижодкорларни ташвишлантирадиган даражага тушганми? Айтилаётган танқидий фикрлар нечоғлик асосли? Агар бу гаплар ҳақиқат бўлса, унда сусткашликнинг сабаблари қаерда? Танқидчиларнинг бу соҳадан қўли «совиб», унинг истиқболи ҳақида кам қайгураётганинг сабаби нимада? Ҳархолда бу саволларга бир мақола доирасида тугал жавоб топиш амри маҳол. Шундай бўлса-да, қорақалпоқ адабиёти, адабиётшунослиги ва адабий танқиди бўйича кўп йиллик кузатишларим, илмий изланишларим натижаси ўлароқ шаклланган баъзи мулоҳазаларимни шахсий фикрим тарзида сизнинг эътиборингизга ҳавола қилишга жазм этдим.

Яна бир гап. Агар мақоламда қорақалпоқ адабий танқидига доир бирор эътиrozли фикрлар айтилгудек бўлса, албаттга, бу танқиднинг бир уни ўзимга ҳам тегишли эканлигини тан оламан. Чунки мен ҳам шу заминнинг илмий-адабий муҳитидан озиқланиб, қўлимдан келганча қорақалпоқ адабиётшунослигига хизмат қилиб келаётганим учун ҳам ўзимни бу жараёндан ташқарида тасаввур қилишим мантиққа тўғри келмас, унга маълум даражала масъул эканлигими тушунаман.

Маълумки, қорақалпоқ адабиётшунослиги ва адабий танқиди XX асрда шонли йўлни босиб ўтди. Мустақил жанр сифатида шакиланиб, ривожлана бошлади. Етук адабиётшунос-танқидчилар етишиб чиқди. Улар мумтоз ва замонавий қорақалпоқ адабиётини ҳар хил аспектларда тадқиқ этиб, фундаментал илмий ишлар яратди, кўплаб монографиялар ва рисолалар нашр қилинди. Илмий салоҳияти бақувват фан номзодлари ва фан докторлари тайёрланди. Буларнинг барчаси қорақалпоқ адабиётшунослиги ва адабий танқидининг улкан ютуқлари эди. Эришилган натижалар эса қорақалпоқ адабиёти тарихини, ҳаракатдаги адабий жараённи тадқиқ қилишда, назорат қилиб боришка, унга таъсир кўрсатишида, истиқболини белгилашда алоҳида роль тасдиқлайди.

Мақола обзорга айланиб кетмаслиги учун адабиётшунослик ва адабий танқидчиликнинг турли босқичларида фаолият олиб борган, илмий-танқидий асарлар яратиб, соҳанинг ривожланишига ҳисса қўшган олимларни, уларнинг асарларини номма-ном бирма-бир санаб ўтишни ортиқча ҳисобладим. Ўйлайманки, сиз қорақалпоқ адабиётшунослигининг яқин ўтмиш тарихига доир жараённи, соҳада эришилган ютуқларни кўз олдингизга келтириб, бугунги танқидчилик билан қиёслай оласиз.

Танқид адабий жараённинг ажралмас қисми, унга таъсир ўтказа оладиган восита эканлиги илмда исботланган. Муайян даврда адабиётнинг муваффақиятли ривожланиши ёки орқада қолиши танқидчилар фаолияти билан изоҳланishi ҳам илмда ўз исботини топди. Адабиётда бирон истеъод ёки бадиий қашфиёт даражасидаги асар пайдо бўлса, билингки, бунда адабий танқиднинг хизмати бор. Демак, шундай истеъодлар ёки шу хилдаги юксак бадиий асарлар яратиши мумкин деб башорат қилинган қаламкашлар ўз вақтида танқидчилик ёхуд тажрибали ижодкорлар томонидан қўллаб-қувватланган, уларнинг келажагига умид билдирилиб, «Оқ йўл» тиланган. Ёки устоз ёзувчиларининг мақолаларида ёш талантлардаги истеъод учкунларининг алангага айланишида илҳом берадиган илиқ сўзлар айтилган. Шулар ҳақида ўйлаганимда, ўтган асрнинг олтмишинчи йилларида ўзбек адабиётига кириб келган, кейинчалик бадиий етук асарлари туфайли китобхонларнинг, умуман, халқимизнинг фахрига айланган бир гуруҳ атоқли шоир ва ёзувчилар кўз олдимга келади. Булар Ўзбекистон Қаҳрамонлари Эркин Воҳидов ва Абдулла Орипов, Ўзбекистон халқ ёзувчилари Шукур Холмирзаев ва Ўткир Ҳошимов, Ўзбекистон халқ шоирлари Рауф Парфи ва Мухаммад Юсуф, Ойдин Ҳожиева ва Ҳалима Худойбердиева. Мен бу рўйхатни яна давом эттиришим мумкин. Очиги, агар уларнинг адабиётдаги ilk қадамлари ва кейинги ижоди Матёкуб Кўшжонов ва Озод Шарафиддиновдек, Умарали Норматов ва Норбой Худойбергановдек забардаст танқидчилар томонидан холис баҳоланиб, қўллаб-қувватланмаганида, дастлабки машҳури Фафур Ғулом, Абдулла Қаҳдор, Зулфия, Миртемир, Шуҳрат, Асқад Мухтор сингари устозларнинг назарига тушиб маъқулланмаганида, уларнинг ёш истеъод-

ларга қанот бағишлайдын тоят таъсири «оқ фотиҳалари» бўлмаганида, бу адиблар ҳозирги ўзбек адабиётининг шоншухратига айланиши мумкинмиди? Биргина Абдулла Қаҳхорнинг ёш ижодкорларга кўрсатган ғамхўрлигини эслайлик. Маълумки, А. Қаҳхор ўтган асрнинг эллигинчи йилларининг охирларида адабиётга биринчи қадам кўйган ёш ёзувчилар Ў.Хошимов ва Ш.Холмирзаевларнинг «Шарқ юлдизи»да эълон қилинган биринчи қиссаларини ўқиб, олган таассуротлари асосида уларга мактуб йўллайди. Мактуб кейинчалик матбуотда босилди. Мактубни шарҳлагандан кўра, унинг матни билан сизни тўла таништириш афзалроқ қўринди. «Ҳурматли Ш.Холмирзаев! «Шарқ юлдизи»да босилган «Тўлқинлар» повестингизни ўқидим. Повесть яхши таассурот қолдирди. Маъмуржонни бошда табассум билан тасвир этасиз. Бутун асар давомида қисқаликка интиласиз. Ёзувчиликда кўзингиз очилиб келаётгани қўриниб турибди. Назаримда, повестнинг номи тўғри эмас. Кейинги ишларнингиз бароридан келсин!

Салом билан: Абдулла Қаҳхор»

Иккинчи мактуб кўйидаги жумла билан бошланади: «Ўткир! «Чўл ҳавоси»ни ўқиб суюниб кетдим. Бирдан лов этиб аланг билин бошланган ижоднинг келажаги порлок бўлади, қисса жуда соф, самимий, илиқ, табиий, роҳат қилиб ўқилади. Қиссанинг хат шаклида бўлиши кўп жойларда ритмни бузади, сизни чеклаб қўяди. Ҳикоя биринчи шахсдан олиб борилса ҳам шундай бўлар эди. Буни ўйланг, ҳисобга олинг. Шу аланг ҳеч қачон пасаймасин, ижодингиз ҳеч қачон тутамасин.

Ҳурмат билан Абдулла Қаҳхор!»

Устоз А. Қаҳхорнинг бу самимий фикрлари, амалий маслаҳатлари ҳар икки ёш ёзувчига нафақат илҳом, ижодий куч-куват бағишлиди, айни чогда, уларга катта масъулият ҳам юклади, адабиётда ўз йўлини топиб ижод қилишида ҳеч қачон эсдан чиқмайдиган дастурий йўлланма вазифасини ўтади. Ш. Холмирзаев ва Ў. Хошимов устоз ёзувчининг бадиий-эстетик қарашларига амал қилиб асарлар ёзгани учун ҳам ўзбек адабиётининг истеъодли забардаст ёзувчилари бўлиб етишди.

Абдулла Қаҳхор чинакам талантнинг қадрига етадиган шундай ёзувчи бўлганки, у бирор асарга баҳо бермоқчи

бўлса, бадиият мезонларидан келиб чиқиб ёндашган. Асар муаллифининг обруси, мавқеи ва унвонлари адибли қизиқтирган. У Ў. Хошимов ва Ш. Холмирзаевнинг қиссаларини ўқиб, уларга хат йўллаганида, асар муаллифлари университет талабалари эди. А. Қаҳхордек атоқли ёзувчининг маҳсус вақт ажратиб, оддий бир талабанинг асарини ўқиб, унга муносабат билдириши, улар тимсолида адабиётнинг келажагини қўриши ва умид боғлаши, унинг ёшларнинг ғамхўри, адабиётнинг чинакам жонкуяри бўлганидан дарак беради.

Мен фақат биргина мисол келтирдим. Юқорида тилга олинган адибларнинг ижодий тақдирида, ҳар бирининг ўзбек адабиётида фахрли ўринни эгаллашида устоз ёзувчиларнинг роли бекиёс эканлигига мисоллар кўп. У ёки бу ижодкорнинг адабиётнинг катта йўлига тушиб олишида тажрибали шоир ва ёзувчиларнинг адабий маслаҳатлари қанчалик аҳамиятли бўлса, танқидчи-олимларнинг ҳам бу жараёнга таъсири шунчалик роль ўйнаган. Танқид майдонида тажрибали устоз ижодкорлар билан танқидчи-олимлар ҳамкорликда адабиётнинг келажаги учун бирдек қайғурсалар, адабиётниҳолларини тарбиялаб, чинорга айлантирсалар яхши самара бериши шубҳасиз. Ўтган асрнинг олтмишинчи, етмишинчи ва айниқса, саксонинчи йилларида ўзбек адабий танқидчилиги, гарчи шўролар даври хукмрон мағқураси таъсири остида бўлса-да, нисбатан яхши ривожланди, танқид ҳақиқий истеъодларни юзага чиқаришда, маҳорат билан ёзилган асарларни қўллаб-кувватлашда, улар ҳақида илмий тадқиқотлар яратишда бир талай ютуқларга эришди. И. Султон, М. Кўшжонов, О. Шарафиддинов, У. Норматов, Н. Каримов, С. Мамажонов, Н. Худойберганов, А. Расулов, И. Фағуров сингари устоз танқидчиларнинг бу масаладаги хизматларини ижодкорлар яхши билади ва қадрлайди.

Бугунги ўзбек адабиётининг номдор адиблари айнан шу даврда ижод қилган, ўзларининг бетакор таланти, фидоий меҳнати, қолаверса, адабиётшунос-танқидчиларнинг улар асарларига холис баҳо бериб қўллаганлари учун адабиётнинг устунларига айланди. Хулас, бу давр адабиётидаги ютуқларни ҳам, йўл қўйилган камчиликларни ҳам адабий танқиддан холи тасаввур қилиш мумкин эмас.

Қорақалпоқ адабиётiga ҳам шу нұқтаи назардан қарасақ, шунға яқын манзараны күришимиз мүмкін. Унинг тараққиётининг ҳамма босқычларыда, адабий жараённинг яхши ривожланишида, ёш талантларнинг чиқиши ва адабиётда мүким ўрин әгаллашида танқидчи-олимлар билан шоир ва ёзувчилар бир майдонда, бир сафда туриб саяй-харакат қылдилар. Бундай ҳамкорликнинг натижалари, айниқса, ўтган асрнинг 60–70 йилларида күпроқ намоён бўлди. Бу даврда адабий жараёнга бадиият қонуниятлари нұқтасидан холис ёндашган, қорақалпоқ адабиётининг жонкуяри сифатида танилган адабиётшунос-танқидчилар кўп эди. Уларнинг ҳаммасини бўлмаса-да, айримларини тилга олиб ўтаман. М. Нурмухamedов, С. Ахметов, Г. Есемуратов, Т. Мамбетnязов, К. Султанов, К. Худойбергенов, Ж. Наримбетов, С. Алляров, К. Камалов. Бу танқидчи-олимлар сўз юритилаётган давр адабиётини изчил кузатиб борди. Пайдо бўлган ҳар бир янги асарнинг ютуқ ва камчиликларини холис баҳолаб, адабиётнинг катта йўлига тушиб олиш учун астойдил изланаётган ёш ижодкорларни кўллаб турдилар. Ўша йилларда назм ва насрда қалам тебратган ўнлаб шоир ва ёзувчилар, адабиётга биринчи қадамини кўйиб, дастлабки асарларини эълон қилган ёшлиар ушбу мунаққидларнинг илҳомбахш сўзларидан, фойдали фикрларидан улги олиб, ижодий комилликка интилгани, уларнинг кўпчилиги кейинчалик қорақалпоқ адабиётининг атоқли шоирлари, ёзувчилари бўлиб етишгани танқиднинг адабий жараёнга таъсири самарали бўлганига далил. Бу фикримнинг исботига қорақалпоқ адабиётидан мисоллар келтира оламан. Ш. Сейитов, К. Рахманов, А. Отажонов, С. Баҳадирова, К. Мамбетов, улар билан изма-из адабиётга кириб келган Ў. Абдураҳманов, А. Содиқов, М. Низонов, С. Жумагулов, А. Султонов, К. Алламбергенов, Ҳ. Ўтемуратова ва яна бошқа бир неча ёзувчиларнинг насрда асарлар ёзиб, қорақалпоқ адабиётининг машҳур ёзувчилари бўлиб танилишларида адабий танқиднинг роли йўқ дейсизми? Ёки замонавий қорақалпоқ шеъриятининг салоҳиятини ошириб, довруғига довруқ қўшган М. Сейтнязов, Т. Матмуратов, Т. Қабулов, Г. Шамуратова, Н. Тўрешова, К. Каримов, Ж. Избасқанов, Ш. Аяпов, Ҳ. Давлетназаров, С. Ибрагимов, Б. Генже-

урф-одатлари ўзаро жуда яқин. Бир-бирларини таржимонларсиз тушуналилар, адабиётларини таржималарсиз бемалол ўқий оладилар. Шундай экан, адабий алоқалар, қиёсий адабиётшунослик ва таржимашунослик йўналишлари бўйича маҳаллий миллат вакилларидан чиқсан олимлар тадқиқотлар олиб борса, айни мудда о бўларди. Қорақалпоқ давлат университети ва Нукус давлат педагогика институтида қорақалпоқ, ўзбек, қозоқ ва туркман филологияси бўйича тил ва адабиёт мутахассислари тайёрланади. Баъзиларида ҳатто магистратура бўлимлари ҳам мавжуд. Уларда магистрлик диссертациялари ҳимоя қилинади. Ушбу олий ўқув юртларини битириб, илм йўлига чиқсан ёш тадқиқотчилар негадир ҳамма вақт ҳам бу имкониятдан фойдаланишни хоҳлашмайди. Нега шундай? Нима учун улар ўзларини қиёсий адабиётшунослик ёки қиёсий тилшунослик, ё таржимашунослик каби ўта долзарб соҳалардан олиб қочади экан, деган савол мени кўпдан бери ўйлантириб келади.

Албатта, бу масалада уларни мажбураш, балки нотурниридир. Ким қандай мавзуни танлайди, қаерда ҳимоя қиласди, бу унинг шахсий иши. Бари бир шу ернинг тузини еб, сувини ичиб камолга келган, олим бўлишни ният қилган ҳар бир зиёли унинг илм-фанига ҳам хизмат қилса экан, дегим келади. Яширмайман, баъзан бу ерда бошқа бир мантиқ бормикан деган хаёлга ҳам бораман. Шулар ҳақида ўйлар эканман, бир фикр хаёлимга келиб қолли ва у билан сизни ҳам танишириб ўтмасликнинг ҳеч иложини топмадим. Сўнгти йилларда диссертантлар ва диссертациялар ҳимоялари бўйича ҳар хил «миш-мишлар» кулоққа чалинадиган бўлиб қолди. Ҳатто булар ҳақида матбуотда ҳам жиддий фикрлар айтилмоқда. Бу гаплар шунчаки «миш-мишлар» эмаслигига, улар муайян фактларга таяниб айтилганлигига яқинда диссертациялар ҳимояси билан бօғлиқ «Тафаккур» журналида босилган бир мақолани ўқиб чиққач, ишонч ҳосил қилдим. Мақола муаллифи атоқли адабиётшунос олим Иброҳим Ҳаққул. Очиги, яқин орада соҳта йўллар билан диссертация ҳимоя қилувчиларга нисбатан айтилган бу хилдаги жиддий танқидий фикрга дуч келган эмасдим. Менинг бу мақолага мурожаат қилишим, қўллаб-куватлашм кимларгадир ёқмаслигини биламан. «Тўғри сўз түкқанингга ёқмайди» деган гап ҳам бор. Зоро,

мақолада күтариlgан муаммо мен сүз юритаётган мавзуга бевосита алоқадор бүлгани учун ҳам уни четлаб үтгим келмади. Қолаверса, илм-фан манфаати, унинг қадр-қимматини озгина бўлса-да ҳимоя қилиш, жамоатчилигимизни бундай ҳаракатлардан огоҳ этиш мақсадини ҳам назарда тутдим. Мен далилларга асосланган бу мақолани шарҳласам, балки муаллифнинг фикрларини тӯла-тўкис сизга етказа олмаслигим мумкин. Шунинг учун мақоланинг диалогга курилган шундай бир жойи борки, менинчча, уни аслиятда ўқиганинг яхши. Мана, ўша савол-жавоб: «Илмни тарқ айлаган» бир биродарим билан икки йил аввал учрашиб, турунглашиб қолдик. Хол-аҳвол сўрашдик.

— Аҳвол ёмон эмас, ишдан ҳам нолимайман. Унча катта ойлик олмасам-да, рўзгорга етказиш мумкин, — деди у.

— Докторлик шима бўлди?

— Докторликни йигиштирдим. Ҳозир доктор ё профессор бўлдингиз нимаю, бўлмадингиз шима? Фойдаси йўқ. Мен бошқа бир йўлни ташладим. Яширмайман — ҳар йил битта, гайрат етса иккита номзодлик диссертациясини ёзиб бераман.

— Кўйсангиз-чи!

— Ёлғони йўқ. Пулинни оламан — ёзаман.

— Қанчага ёзасиз?

— Буниси сир. Лекин ишхонанинг йиллик маошидан анча зиёд, албатта.

— Бирор ёзган диссертацияни бўлим мухокамасидан ўтказиш мумкиннидир. Лекин уни Илмий кенгаш ва ОАК мухокамасидан қандай ўтказасиз?

— Э, одамини топсангиз, ўтаверади.

— Ахир, бу...

— Гапингизга тушундим. Бозор иқтисодиёти шароити ғалати экан, жўра. Билсангиз илмда ҳам «бозор» очилган. Бирорлар пул бериб роман, қисса, спенарий, ҳатто хотира китоби ёздириса, бошқа бирорлар номзодлик ёки докторлик диссертацияси ёздиради. Пулингиз, суюнчиғиз бўлса, китоб чиқариш, диссертация ҳимоя қилиш — нима бўшти! Ҳозирги вақтда ҳамма ишни йигиштириб қўйиб, фақат диссертация ёзиш билан шугулланадиганлар тоифаси пайдо бўлганини биласизми? Расмона ширкат дейсиз — ҳаммаси йўлга қўйилган. Лекин мен уларни айблолмайман. Тирикчиликкинг айби йўқ.

— Гапингизга қўшилиш қийин, биродар..

билан силлиққина ҳал бўлиб қўя қолмаслигини ҳам тушунасиз, деб ўйлайман.

Адабиётшунослик бўйича ҳимоя қилинаётган диссертацияларнинг замон талабидан нисбатан орқада қолаётганини инкор қилиш қийин. Мустақилликка эришилганига салкам йигирма йил бўлаяпти. Адабиёт учун бу оз муддат эмас. Бу даврда қорақалпоқ адабиёти муваффақиятли ривожланди, янги давр адабиёти шаклланаяпти деб бемалол айтиш мумкин. Қорақалпоқ шеърияти ёки насли дейсизми, ё драматургия жанридаги ютуқларни оласизми, буларнинг барчasi мустақиллик йилларида қорақалпоқ адабиётининг қўлга киритган ютуқлари. Газета-журналларда романлар, қиссалар, ҳикоялар, шеърлар эълон қилинмоқда, китоблар босиладапти. Лекин қорақалпоқ адабиётининг мустақилликдан кейинги тараққиёт йўллари тўғрисида танқид ҳали ўз сўзини айтгани йўқ. Онда-сонда матбуотда босилиб турадиган мавсумий такриз характеридаги мақолаларни истисно қилгандা, кашфиёт даражасидаги фундаментал илмий ишлар ёзилмади, диссертация шаклида ҳимоя қилингани йўқ. Баъзи танқидчи — адабиётшунослар орасида ҳали ҳам шўролар даври адабиётидан узоқлаша олмай юргани, ўша замоннинг адабий мұхити доирасида, эски андозаларда фикрлаб, тадқиқотлар олиб бораётгани ёки кўп маротаба ўрганилган эски мавзуларга «янги тўн» кийдириб, уни замонга зўрма-зўраки мослаштиришга, шу билан гўё илмда янгилик яратган олим сифатида ўзларини кўрсатишга уринаётганлар йўқ дейсизми? Эндиликда бугунги қорақалпоқ адабиётини янгича қарашлар, янги илмий концепциялар асосида ўрганиш зарурати пайдо бўлди. Илмий кенгаш диссертациялар учун мавзу танлаш ва уни ҳимоя қилдиришда шу масалаларга кўпроқ дикқат қаратса экан демоқчиман. Ахир, тадқиқотчиларни кутиб турган қанча ишланмаган мавзулар бор. Ҳозирги қорақалпоқ шеъриятидаги янги изланишлар, романлар, қиссалар ва ҳикоялар тараққиётидаги янги тенденциялар, регионда тан олинган қорақалпоқ драматургларининг пъесалари бир эмас, бир неча илмий мавзуга материал бўлиши мумкин эмасми? Бир мисол. Бугунги қорақалпоқ сатираси ва юморини Муродбой Низонов ва Сайловбой Жумагуловлар ижодисиз тасаввур қилиш мумкини? Бу истеъод соҳибларининг нафақат қорақалпоқ ўкувчилари, бал-

ки ўзбек халқининг ҳажв ва қулги ихлосмандлари қалбига кириб борганига кўп йиллар бўлди. Эндиликда уларнинг «Ўзбек адабиётидаги ҳам сатира ва юмор жанрининг йирик намояндасига айланган» (Носир Фозилов) ёзувчилар сифатида тилга олиниши кувонарли факт-ку!

Дарҳақиқат, Муродбой Низонов ва Сайловбой Жумагуловларнинг қизиқарли интермедиалари, юморга бой комедиялари кириб бормаган ўзбек хонадони йўқ. Пъесалари Ўзбекистоннинг бир неча театрларида саҳналаштирилди, китоблари ўзбек тилига ўғирилиб, қайта-қайта босилмоқда. Улар кўшни давлатларда ҳам шундай хурмат ва эътиборга сазовор, асарлари қадрланади. Шундай бадиий салоҳиятга, обрўга эга бу сўз усталарининг ижоди ҳақида, таасуфки, маҳсус диссертациялар тугул (Ж. Есеновнинг Муродбой Низонов ижодига бағишинган баъзи мақолаларини истисно қилганда) каттароқ кўламдаги таҳлилий мақола йўқ ҳисоби. Шундай фикрни ижоди, асарлари адабий танқиднинг назаридан четда қолиб келаётган яна бир неча истеъодли ёзувчилар ва шоирлар ҳақида ҳам айтиш мумкин. Уларнинг ижодий тажрибаларини умумлаштириб, илмий тадқиқотлар яратиш вақти етди, деб ҳисоблайман.

Адабий алоқалар, қиёсий адабиётшуносликка доир ишлар Илмий кенгашда жуда оз ёқланади. Таржимашунослик ҳақида гапирмаса ҳам бўлади. Яқин йилларда адабиётшуносликнинг бу соҳасига доир бирор тадқиқот яратилиб, диссертация шаклида ҳимоя қилингани маълум эмас. Ушбу мавзуларга алоҳида ургу қилаётганимнинг сабаби шундаки, бундай характердаги ишларни факат Қорақалпогистонда яшайдиган уч миллат вакиллари, бир тилни эмас, уч тилни баравар ўзлаштирган, бир адабиётни эмас, уч адабиётни тенг даражада биладиган олимлар бажарса, яхши самара бериши амалда исботланган. Ўзбекистоннинг бошқа регионларида бундай имконият йўқ. Ўзбек тилини билиши мумкин, лекин қорақалпоқ, қозоқ ёки туркман тилини, ё унинг адабиётини илмий таҳлил қила олдиган даражада билмаслиги мумкин, ёки аксинча. Ва бу ҳолат тадқиқотчига қийинчиликлар туғдириши табиий. Қорақалпогистонда эса бу масалада муаммо йўқ. Республикамиз аҳолисининг асосий қисмини қорақалпоқ, ўзбек, қозоқ ва туркман миллатига мансуб ҳалқлар ташкил этади. Уларнинг тили, тарихи, адабиёти,

олим О.Шарафиддиновнинг қўйидаги фикрлари ҳар бир танқидчи амал қилиши лозим бўлган масъулиятли вазифа. «*Танқидчи ўқиган нарсаларни чуқур таҳлил қила билиши, асардаги воқеа ва ҳодисаларни, характерларни ҳаёт ҳодисалари билан, ҳаётдаги жонли одамлар билан таққослай билиши ва бу таққослардан жамият ҳаёти учун зарур ҳамда фойдали хуносалар, умумлашмалар чиқара олиши керак. Танқидчи учун бадиий адабиёт, биринчи навбатда, ҳаёт ҳақида чуқур мuloҳазалар юритишга имкон берадиган, шуғор қарашларни олига суришга ундаидиган восита бўлиши керак*.¹

Танқидчининг адабиёт олдидаги яна бир масъулияти бор. Танқидчи адабиётдаги гўзаликни ҳис қила билиши, яъни яхши асарни ўртамиёна ёки ундан ҳам паст савиядаги асардан фарқлай олиши керак. О. Шарафиддинов сўзлари билан айтсан: танқидчи бўлишни истаган одамда, биринчи навбатда, эстетик туйғу ниҳоятда ўтқир бўлиши лозим, у санъат гўзалигини нозик ҳис қила билиши, бадиий адабиётдан чинакамига завқлана олиши шарт. «*Танқидчи санъатдаги гўзаликни фарқлаёлмаса, – деб ёзди О. Шарафиддинов танқид масъулияти ҳақидаги фикрини давом этириб, – адабиётнинг бадиийлигини қадрлай олмаса, асар ўқишидан завқланиб, шу завқни бошқаларда қайта қўзгай олмаса, унинг танқидчилик билан шуғулланмай қўя қолгани маъқул*».

Бу фикрлардан келиб чиқадиган хуноса шундан иборатки, бадиият, маҳорат масаласи танқидчи фаолиятининг асосини ташкил этади. Ёзилган ҳар бир мақола ёки тақризда танқидчининг адабиётни бутун вужуди билан севиши, сўз санъатини қадрлаши, бадиий гўзаликни ҳис қилиш истеъодиди ёрқин акс этиб турсин. Шундай руҳда ёзилган танқидий мақолалар, тақризлар, ҳеч шубҳасиз, адабий жараёнга таъсир ўтказади, ёзувчининг ўзи учун ҳам фойдали. Қорақалпоқ адабиётшунослигида бу йўналишда ютуқлар анчагина бор. Матбуотда, айниқса, «Амударё» журналида мақолалари, тақризлари босилиб турган муаллифлар оз эмас. Мен шу ўринда бугунги адабий жараёнга адабий-танқидий ма-

¹ О.Шарафиддинов. Ижодни англаш баҳти. Тошкент, «Шарқ», 2004, 634- бет.

қолалари билан нисбатан фаол қатнашиб келаётган К. Бойниёзов, К. Жаримбетов, К. Ўрозимбетов, Ж. Есенов, П. Нуржанов, З. Бекбергенова каби адабиётшунос-танқидчиларни тилга оламан. Бу муаллифларнинг баъзи мақолаларида қорақалпоқ мумтоз адабиётининг долзарб масалалари таҳлил қилинса, айримларида ҳозирги адабий жараён хусусида сўз юритиласи, янги чиққан китоблар тақриз қилиниб, муҳим мустақил фикрлар ўргага ташланади. Лекин бундай ижобий фикрларни матбуотда босилаётган ҳамма мақолаларга, тақризларга нисбатан айтиб бўлмайди. Муаллифлар кўпинча фактлар куршовида қолиб қўяди, асарнинг мавзуси, мазмуни, гоёси, образлар туркумини шарҳлаш билангина чекланади. Ўзимнинг газета-журналлардаги айрим мақолаларим ҳам бундай нуқсонлардан ҳоли эмас. Эндиликда бундай социологик тадқиқот усули эскирди, унинг бугунги кун талабига жавоб бермаётгани ҳақида матбуотда ҳар хил фикрлар айтилмоқда. Ҳатто бу таҳлил усули маълум даражада адабий танқиднинг ривожланишига монелик қилаётган тўғрисида ҳам турли қарашлар мавжуд.

Қорақалпоқ адабий танқиди эндиликда структурал тахлилга ўтадиган пайтга етиб келди. Матнни таҳлил ва талқин қилишнинг бир неча усувларидан фойдаланиб, тадқиқот юритиш ва фундаментал ишлар яратиш, нафақат танқидчи-олимнинг назарий савиасини кўрсатади, шунингдек, танқидчиликнинг нуфузини ҳам орттиради. Бу ишни қорақалпоқ адабиётшунос-танқидчилари маҳорат билан уддалашига гумон йўқ.

* * *

Илмда тан олинган бир ҳақиқат бор. Барча фан соҳаларининг, жумладан, адабиётшунослик ва адабий танқиднинг ҳам замон талаби даражасида ривожланиши профессионал кадрларга боғлиқ. Бу масалада Қорақалпогистонда ютуқлар етарли. Ўнлаб фан докторлари ва кўпгина фан номзодлари тайёрланди. Уларнинг ҳаммаси танқид майдонидан ташқарида, адабий жараёнга умуман аралашмайди десамadolатсиз хулоса бўлади. Адабиётшунослар орасида адабий танқидга имкон қадар хизмат қилиб келаётган, мақолалар, тақризлар ёзиб, китоблар чоп этириб, қорақалпоқ адабиётининг ютуқларини тарғиб қилиб юрган тажрибали адабиётшунос

танқидчилар бор. Мен юқорида уларнинг айримларининг номларини санаб ўтдим. Лекин масаланинг иккинчи муҳим томони бор. Фан докторлари, фан номзодлари илмий даражаларига эга адабиётшуносларнинг катта отряди бўлган бир шароитда нега адабий танқиднинг фаолияти суст? Илмий даража соҳибларининг адабий жараёнга баҳо беришдаги фаолиги нега сезилмаяпти? Мен бу саволга тахминан шундай жавоб берган бўлардим. Бу, биринчи навбатда, танқидчи кадрларнинг илмий-назарий савиасига боғлиқ. Адабиётшунослик бўйича ҳимоя қилинётган диссертацияларнинг бугунги қорақалпоқ адабий жараёни тараққиётига, унда пайдо бўлган муайян бўшлиқларни тўлдиришдаги ҳиссаси учалик кўзга ташланмаяпти. Бундай муаммо ўзбек танқидчилигида ҳам мавжуд эканлигини филология фашлари доктори Баҳодир Каримовнинг мана бу фикрларидан ҳам билиб олиш мумкин: «*Бугун танқид ўтадиган ёшлар йўқ. Диссертациялар ёзаётган, тақризлар ёзаётган, гўё илмий деб атамини атамаларга мўл мақолаларни ёзаётган адабиётчилар кўп. Аммо танқид майдони бўш.*

Сир эмаски, фан номзоди ёки фан доктори илмий даражасига талабгорларнинг кўпчилиги диплом учун диссертация ҳимоя қилишади. Ҳимоя ҳам ўтади. Диссертация ҳам тасдиқланади. Диплом ҳам қўлга тегади. Шу билан тадқиқотчи ўзини манзилга стдим, олим бўлдим ҳисоблаб, «илмий фаолияти»ни тўхтатади. Ҳимоя қилган соҳасига қизиқиши бўлмагач, қалам билан қофозни йиғишириб қўя қолади.

Ҳар қандай тадқиқотнинг аҳамияти амалиётга жорий этилиши билан ўлчанади. Илмий даражага эга бўлди, дегани бу том маънода олим бўлди деганимикан? Таниқли адабиётшунос Иброҳим Ҳаққул бу икки тушунча орасидаги Фарқни қуйидагича изоҳлаганида катта ҳақиқат бор: «*Илмий даража ёки унвон нисбий нарса. Шунинг учун илмий даражаси ва олимлик тушунчаси кўп ҳолларда бир- бирiga умуман мувофиқ келмайди. Тасаввур қилинг, кичкина болакайнинг бошига катта ва чиройли бир қалпоқ кийгиздингиз – юзи кўринмай қолади. Истебъодсиз илм кишисининг аҳвали ҳам шунга ўхшаб кетади – елиб-югуриб қанақа илмий даражани қўлга киритмасин, у бари бир қиёфасизликка маҳкум. Илм унга бир восита бўлганидек, ўзи бир воситачи ё*

жаллоб каби яшайди. Илмнинг шукуҳи нима, азоби қандай, томи қанақа – буларни у ҳис қилолмайди».¹

Адабиётшунос-танқидчи кадрлар тайёрланиши муаммоси ҳақида сўз юритар эканман, яна бир долзарб масалани дик-қатингизга ҳавола қилмоқчиман. Гап шундаки, Бердақ номидаги қорақалпоқ давлат университети ҳузурида адабиётшунослик ва тилшунослик соҳалари бўйича фан номзоди ва фан докторлари илмий даражаларини олиш учун диссертациялар ҳимояси бўйича анча йиллардан бери ихтинослашган Илмий кенгаш фаолият кўрсатиб келади. Қарийб ўн беш йилдан бери мен шу кенгашнинг аъзосиман. Адолат юзасидан айтишим керак, Илмий кенгашнинг қорақалпоқ адабиётшунослиги ва тилшунослиги бўйича етук кадрлар тайёрлаб беришдаги хизмати катта. Мазкур соҳаларнинг долзарб масалаларига бағишланган ўнлаб диссертациялар ҳимоя қилинди, мутахассислар томонидан юқори баҳоланди ҳамда уларнинг айримлари ҳаракатдаги адабий жараён ва адабиётшунослик учун фойдали тадқиқот сифатида эътироф этилди. Мен кенгашнинг фаолияти ҳақида яна бир қатор ижобий фикрларни санашим мумкин эди. Лекин Илмий кенгашда ҳимоя қилинаётган бальзи диссертацияларнинг адабиётшунослик ва адабий танқид тараққиётига салмоқли таъсири унчалик сезилмаётгандек туюлади менга.

Мавзулар у ёки бу шаклда такрорланади. Мавзулари яқин айрим диссертацияларнинг маъно-мазмунини солиштириб кўрсангиз, жиддий фарқ йўқдек. Баъзи диссертацияларда илмий таҳлилнинг саёзлиги, мавзуларнинг майдалашиб кетган ҳолатларига гувоҳ бўлиш мумкин. Мен шундай характердаги «эгизак» диссертацияларнинг айримларига расмий оппонентлик ҳам қилганман ва уларга хос камчиликларни расман кўрсатганман. Айни пайтда, Илмий кенгаш аъзоси сифатида уларни қўллаб овоз ҳам берганимни инкор этмайман. Илмий кенгаш фаолиятида адабиётшуносликка доир бирор нуқсонга йўл қўйилган бўлса, ўзимни ундан холи кўришим мантиқсизлик эканини биламан. Бундай масалалар бир ёки икки Илмий кенгаш аъзосининг саъй-ҳаракати

¹ Иброҳим Ҳаққул. Чин олим ёстуғин тошдин яратди. «Ўзбекистон адабиёти ва санъати», 2008., 27 июнь.

ажратиб келаётгани ҳам ҳақиқат. Ҳар ҳолда, бугунги адабий танқидда тилга олса арзигулик ижобий ишлар бор. Уларни номма ном санаб, ҳар бирига шарҳ бериш, менимча, шарт эмас. Бугунги қорақалпоқ адабиёти тараққиётини мунтазам кузатиб бораётган ҳар бир ижодкор бу жараённи кўз олдига келтира олади ва бу фикрларнинг қай даражада тўғри ёки нотўғрилиги хусусида бир хўлосага келиши мумкин.

Танқиднинг бир вақтлардаги обрёси, мавқеи бугунги адабий жараёнда кўринмаётгани, унинг адабиётга таъсири, фаоллиги сезилмаётгани ҳақидаги гапларни бутунлай инкор қилиш ўринисиз. Бундай сусткашликнинг сабабини баъзилар ўтиш даврининг қийинчиликлари билан изоҳласа, бошқа бир гурӯҳ олимлар китоб нашр қилдириш муаммоларини сабаб қилиб кўрсатади. Профессионал танқидчиларнинг озлиги бугунги танқиднинг нисбатан орқада қолишига сабаб бўлмоқда деган фикр тарафдорлари ҳам йўқ эмас. Турлитуман бу нуқтаи назарларнинг ҳам ўзига яраша асослари бор, албатта. Лекин қийинчиликларнинг вақтинчалик эканини назардан соқит қилиб, бу масалаца бирор омадли вақт келишини кутиб ўтириш, менимча, танқид соҳасидаги камчиликларнинг янача чукурлашишига олиб келади. Адабиётнинг келаҷаги учун, мустақилликнинг танқидга, умуман, ижодкорларга яратган имкониятидан фойдаланиб мунаққидлар фаол ҳарарат қилишлари зарур деб ҳисоблайман. Адабиётнинг бугуни ва келажаги учун қайғуриб, чин ихлос билан унга хизмат қилишга аҳд қилган танқидчи, албатта, имконият топали, адабий танқидга чин ихлоси билан хизмат этади.

Сир эмаски, газета-журналларда босилган айрим мақолалар ва тақризларнинг савиғаси тараба даражасида эмас, уларнинг аксарияти мақтovларга қурилган бўлиб, ижодкорнинг кейинги фаолиятида фойдаси тегадиган, камчиликлардан кутилишига ёрдам берадиган амалий тақлиф ва мулоҳазалар кўп ҳам кўзга ташланавермайди. Мақолаларнинг кўпчилиги бирор ёзувчи ёки шоирнинг юбилейи ё унинг бирор янги китобининг нашр этилиши муносабати билан, ёзилиши бор гап. Ўзим ҳам шундай мақолаларнинг бир нечасини ёзганимни тан оламан.

Лекин, бари бир бирор «зарурат» билан ёзилган тақриз ёки мақолада ҳам сўз юритилаётгандан объект мисолида бадиий ижод қонуниятларига доир назарий муаммоларни кўта-

риш ва шу асосда танқиднинг долзарб масалалари ҳақида фикр билдириш имконияти бор. Бироқ, биз кўпинча бу тамойилга ҳам амал қиласермаймиз, таҳлилга тортилган у ёки бу асар муаллифининг кўнглини оғритиб қўйишдан чўчиб, асосийси, танқиднинг масъулиятини унугиб, силлиқ йўлдан юришни, фақат мақташни афзал кўрамиз. Бу ҳаракатларимиз, гарчи мақталган ижодкорга, ё унинг бирор асарига нисбатан «фойдали» бўлса-да, аслида адабиётта ёки танқидга бирор наф келтириши мушкул экани ҳақида жуда кам ўйлаймиз.

Яна бир мулоҳаза. Танқид – ур тўқмоқ эмас. Бирор асарни бутунлай яроқсизга чиқариб, устидан қора чизик тортиб юбориш ҳамadolатдан бўлмаса керак. Чунки бадиий жиҳатдан жуда бўш деб ҳисобланган ҳар қандай асарда ҳам ижобий томонлари бўлганидек, ҳар томонлама мукаммал деб тан олинган асардан ҳам камчилик топиш мумкин. Бу масалада танқидчи ўта холис бўлмоғи лозим. Демак, тадқиқот обьектини асоссиз равишда кўкларга кўтариб мақташ адабиёт учун қанчалик зарарли бўлса, унинг камчиликларини хаспўшлаб ўтиш ҳам адабиёт учун шу даражада зиён. Танқид мезонларини яхши тушунган, энг асосийси, танқид «тарозиси»ни тўғри ушлаган мунаққид асарни баҳолашда ҳеч қачон адашмайди, бир ёқламаликка йўл қўймайди. Танқид маданияти ва масъулиятини ҳис қилган муаллиф таҳлил қилаётган асарининг камчиликларини кўрсатиш баробарида муаллифга нуқсонлардан кутилиш йўлларини ҳам айтади.

Адабий-танқидий мақолаларнинг назарий савиясьи билан боғлиқ яна бир муаммо бор. Бу – танқидчи маҳорати масаласи. Маҳорат масаласи ёзувчи асарининг тақдирини ҳал қиласидиган назарий категория сифатида ижодкор учун қанчалик зарур бўлса, танқидчи учун ҳам шу даражада муҳим аҳамиятга эга. Ёки ҳаётни ўрганиш ёзувчи учун нечоғлик муҳим бўлса, танқидчи учун ҳам шу даражада керак. Танқидчининг фикрлаш қобилияти ёзувчининг мушоҳада салоҳиятидан ҳам ўтқирроқ ва кенгроқ бўлсагина, китобхон учун ҳам, ёзувчи учун ҳам фойдали гап айтила. Пойдевори бўш иморат тез нураб, яроқсиз ҳолга келганидек, саёз ёзилган танқидий мақоланинг умри ҳам қисқа бўлади, тез унугилиб кетади. Устоз адабиётшунос

муратов, Ф. Мирзабоева, Б. Сейтаевдек талантларнинг ижодий изланишлари, муваффақиятлари адабий танқид ва адабиётшунослик мухитидан ташқарида шаклланган деб айтиш мумкинмикан?

Тўғри, ҳар бир ижодкор аввало ўзи мустақил изланади, ўқиб ўрганади, ёзишининг сиру асрорларини ўзлаштириб олади, бошқача айтганда, ўз кучига таянади. Лекин барibir у танқидчининг сўзига, холис баҳосига муҳтоҷ. Танқидчи ёзувчининг бирор асарини таҳлил қилиш, ютуқ ва камчиликларини кўрсатиш билан бирга унинг келажагини ҳам белгилаб бериши мумкин. Номлари тилга олинган шоир ва ёзувчиларнинг аксарияти адабий танқиднинг баҳосидан баҳраманд бўлиб, адабиётда ўз йўлини топган талант соҳибларидир.

Адабиётда пайдо бўлаётган янги номларга, адабий танқиддан кўра, бирор атоқли сўз санъаткорининг қўллаб-куватлаши, ҳақиқий истеъод билан ёзилган асари бўлса, унга ғамхўрлик қилиши, («Оқ йўл» тилайдими ёки бирор асарига «Сўзбоши» ёзадими) унинг келажаги ҳақида қайғуриши катта аҳамиятга эга. Абдулла Қаҳҳорнинг Ў. Ҳошимов ва Ш.Холмирзаевга мактублари, шунингдек, Саид Аҳмад ҳақидаги мақолалари,Faфур Ғуломнинг Абдулла Орипов ва Эркин Воҳидов лирикаси тўғрисидаги фикрлари, Асқад Мухторнинг Рауф Парфига «Оқ йўли» ва ҳ., ижодга энди кириб келаётган ёшлар тақдирicha қанчалик аҳамият касб этгани изоҳга муҳтоҷ эмас. Зоро, бир қатор қорақалпок шоир ва ёзувчиларининг бадиий мукаммал асарлар яратишида, адабиётда тўғри йўлни танлашида устоз ижодкорларнинг сабоқлари ҳам оз бўлмаган. Айниқса, тажрибали ёзувчи ва шоирлар, эндиликда Ўзбекистон Қаҳрамонлари Тўлсперберган Қайиберганов ва Ибройим Юсупвларнинг, Ўзбекистон ҳалқ шоирлари Тиловберган Жумамуратов ва Жўлмирза Оймирзаев в.б.нинг ўз вақтида ёш ижодкорларга кўрсатган ёрдамлари ҳам бесамар кетмади.

Шу маънода адабиётнинг катта бўгинига мансуб адилар билан ёш ижодкорларнинг устоз-шогирдлик муносабатлари адабий жараёнда алоҳида аҳамиятга эга. Ижодий тажрибаси бой шоир ва ёзувчиларнинг бу ишда фаолроқ бўлишиларини, ҳамма масъулиятни танқид зиммасига юклаб қўймасдан, биргаликда ҳаракат қилишларини хоҳлардик.

Таниқли адабиётшунос Баҳодир Каримов адабий танқиднинг юксалишида буидай ҳамкорликнинг ижобий самаралар беринини қуйидагича изоҳлаши бежиз эмас: «*Умуман, адабий жараён етарлича баҳоланмаётган экан, бунинг учун нима қилмоқ керак? Қани танқидчи? Борми? Йўқми? Нега у жим? Танқидчи йўқ! Демак, бу соҳадаги вазифалар ечимини адабиёт жонкуярлари, адабиёт фидоийлари – ижодкорларимиз, шоир ва ёзувчилар ўз зиммаларига олишлари керак эмасми? Бу жиддий гап. Бу яқин кечмиш адабиёттимиз тажрибаларидан келиб чиққан бир фикр. Чўлпоннинг аксар мақолаларида театр асарлари баҳолаб берилган эди. Фитрат – адабиётшунос эди. Ойбек, Абдулла Каҳҳор, Рафур Гулом, Мақсад Шайзоданинг қарашлари ўз вақтида адабий жараён учун жуда муҳим бўлган».¹*

Дарвоҷе, ўтган асрнинг 70- ва, хусусан, 80-йилларида шоир ва ёзувчиларнинг адабий жараёнга муносабати, танқидчи олимлар билан ҳамкорлиги шундай шаклда давом этган, улар адабиётга ўзларини бирдек масъул ҳисоблаганлар. Шунинг учун бўлса керак, бугунги адабий танқид ҳакида сўз очилса, бундан йигирма ёки йигирма беш йил олдинги танқид намуна қилиб кўрсатилиди ва унинг ҳозирги ҳолатидан қониқмаслик фикри айтилади. Бу эътирозларни бутунлай инкор қилиб бўлмайди, уларда озми-кўпми ҳақиқат бор, албатта. Лекин танқид адабий жараёнга имкон қадар муносабат билдириб келаётди. Муайян жанрда ёзилган янги асарларга, нашр қилинган китобларга такризлар ёзилиб, мақолалар босилмоқда. Адабиёт майдонида фаол ижод қилаётган шоир ва ёзувчилар, адабиётта энди кириб келаётган ёш талантлар бутунлай танқиднинг эътиборидан четда қолаяти десак адолатдан бўлмайди. Қорақалпоғистон Ёзувчилари уюшмасида таниқли шоир ва ёзувчилар, адабиётшунос-танқидчилар иштирокида ёш ижодкорлар асарларининг муҳокамалари ўтказилиши анъанага айланди. «Амударё» журнали саҳифаларида адабиётда пайдо бўлаётган янгиликлар, ёзилган асарларнинг ютуқ ва камчилклари умумлаштирилган, таҳлилий мақолалар оз бўлса-да, эълон қилинмоқда. Республикаизда нашр қилинаётган газеталар ҳам ўз имкониятлари доирасида такриз ва мақолаларга ўрин

¹ «Ўзбекистон адабиёти ва санъати», 2007 йил, 12 январ.

– Кўшилмасангиз, қўшилмассиз, аммо «диссертация ширкатлари»ни тўхтатиб бўлмаслигини эсдан чиқарманг».¹

Бу гапларнинг сал-пал бўрттирилган жойлари эҳтимол бордир. Лекин уларни бутунлай инкор қилишнинг ҳеч имкони йўқ. Бундай гапларнинг жамоатчилик орасида тарқала бошлаганига анча бўлди. Муаллифнинг: «*Айрим ёшлар бор: табиатан илм-фанга ҳеч қандай алоқаси йўқ, аммо қўллаб-қувватловчилари зўр. Шунинг учун саъй-ҳаракати бирор ерда тўхтаб қолмайди*», деб ёзгани ёки олимнинг: «*кимлардир илмдан ному манфаат, мартаба учун фойдаланишга интилаётгани рост. Бирорлар учун бошқа бир кишilar диссертация ёзаётгани ҳам кўпчиликка сир эмас*»,² деб фикрларини янада конкретлаштиргани, бу масаланинг чиндан ҳам жиддий ижтимоий муаммога айланниб бораётганини, бу жараёнга бефарқ бўлмасдан, унинг олдини олиш зарурлигига эътиборни қарататёттани тасодифий эмас.

Диссертациялар ҳимояси билан боғлиқ шу хилдаги «мишмиш» гаплар сўнгги пайтларда Қорақалпоғистон жамоатчилиги орасида ҳам оралаб қолди. Гапнинг рости, *шамол бўлмаса, дарахтнинг уни қимирламайди*. Тўгри, бундай ишлар ўта сирли бажарилади. Шунинг учун ҳам бундай йўл билан диссертация ёқлаганлар «фалончи» ёки «писдончи» деб аниқ манзили билан кўрсата олмайсиз. Айтганингизда ҳам буни ҳеч ким тан олмайди. Бу фақат диссертант билан диссертация савиясининг бир-бирига мувофиқ келмай қолган ҳолатларида ошкор бўлади ва бу ишда «диссертация ширкатлари»нинг қўли йўқмикан, деган фикр беихтиёр хаёлдан ўтади. Яна бир асос. Ҳимоядан кейин диссертант соҳага қизиқиши бўлмагач, адабий жараёнга, умуман аралашмайди, бу ишдан воз кечиб қўя қолади. Бу эса сизнинг диссертация бошқа бирорнинг қўли билан ёзилганлиги ҳақидаги шубҳали фикрингизнинг яна бир тасдиғи бўлади.

Илмнинг мashaққатли йўлларидан юриб, фидоийлик билан заҳмат чекиб, ҳақиқий олимлик даражасига эришган бир қатор фан номзодлари ва фан докторлари борлигини эътироф этган ҳолда, илмга алоқаси жуда кам, қандайдир нота-

¹ И.Ҳаққул. Илмни ким воситаи жоҳ этар. «Тафаккур», 2007., 1-сон.

² Ўша жойда.

бий йўллар билан у ёки бу илмий даражага эришган олимлар ҳам бор эканлигини тан олишимиз керак. Шундай фан номзодлари, ҳатто фан докторлари борки, илмда уларнинг бор ёки йўқиги билинмайди. Номзодлик ёки докторлик диссертация ёқлаб, дипломини сандикқа ташлаб қўйган, адабиётшунослик ва танқидга (бошқа ижтимоий фан соҳаларида ҳам бундай муаммо йўқ деб айтиш қийин) фойдаси тегмайдиган бундай савиясиз олимлардан жамиятга, қолаверса адабиётта қандай наф бор? Ҳозирги давр қорақалпоқ адабий танқидидаги сусткашлик ҳақида гапирар эканмиз, адабий жараёнга, адабиётшуносликнинг, тақдирига бефарқ, нотабиий йўллар билан илмий даражага эришган, номзодлик ёки докторлик дипломини қўлга киритиб жим юрган олимларга эътиroz билдиришга жамоатчилик ҳақли деб ўйлайман.

Энг асосийси, диссертация ҳимоя қилиб, у ёки бу илмий даражага соҳиби бўлган адабиётшунослар ва танқидчилар (бошқа ижтимоий фан соҳалари ходимлари ҳам) ўзлари шуғулланиб юрган илмий йўналишлари бўйича фаоллик кўрсатишларини, илмий даражасидан кўра олимлик салоҳиятини намойиш этиб, Қорақалпогистоннинг илм-фани тараққиётига салмоқли ҳисса қўшишларини, шу йўл билан ҳурмат қозонишларини истардик. Энг асосийси, илмий даражамизга муносаб олим бўлиш масъулиятини ҳеч қачон унутмаганимиз майқул!

* * *

Маълумки, адабий танқид адабиётшуносликнинг бошқа соҳаларига нисбатан оператив жанр, ҳаракатдаги адабий жараёнга фаол аралашадиган, адабиётнинг ривожланишига таъсир кўрсатадиган соҳа. Шу маънода, у публицистика билан мустаҳкам бөглиқ. Газета-журналлар фаолиятисиз танқидни ривожлантириш жуда мушкул. Матбуот-адабий-тарихий жараён ҳақида ўқувчиларга маълумот берадиган танқиднинг ўзига хос кўзгуси. Бугунги қорақалпоқ адабиётшунослиги ва адабий танқидини ёритища, айниқса, «Амударё» журналининг, айрим газеталарнинг роли катта. Лекин барі бир қорақалпоқ адабиёти, адабиётшунослиги ва адабий танқиди материалларини мунтазам ёритиб борадиган маҳсус адабиёт газетаси зарур эканлиги тўғрисидаги истак кўп йиллардан бери айтилиб келинади. Лекин бу ис-

так ҳануз орзулигicha қолиб келмоқда. Сир эмасми, жуда кўп соҳаларнинг ўз газеталари бор. Маданият, спорт, санъат дейсизми, ўқитувчилар, ҳуқуқ ва ички ишлар ё орган ходимларими ёки шифокорлар, савдогарлар ва солиқ ташкилоти, божхона бўладими, ҳатто фермерларнинг ҳам ўз газеталари бор. Маънавият тарғиботи ҳақида кўп гапирамиз. Жамиятнинг соғлом бўлиши учун маънавий-ахлоқий тарбиянинг аҳамияти бекиёс эканлигини, бу ишда адабиётнинг тарбия қуроли сифатидаги ролини ҳам якдиллик билан тан оламиз. Бироқ маънавий-ахлоқий тарбияда ҳалқимизга таянч бўладиган, руҳий дунёсини бойитиб, баркамол инсонлар бўлиб етишишида муҳим бадиий восита вазифасини бажарадиган адабиёт газетасини ташкил қилишга келганда ё ташкилотчилик уқубимиз етишмайди ёки масъулиятдан қочамиз. Қорақалпогистон єзувчилари уюшмасининг бир йигилишида танқиддаги сусткашлик тўғрисида сўз очилганида мен адабий танқидни янада жонлантириш учун маҳсус адабиёт газетаси зарур, деган таклифни ўртага ташладим. Лекин уюшма аъзоларидан бири бу фикримни маъқулламади: газетани материаллар билан таъминлаш қийин бўлади, у кўпта бормай ёнилиб қолади, – деди. Бу ижодкорнинг фикрини кўпчилик қўлламади. Аксинча: қани эди бизда ҳам қўшни давлатлардагига ўҳшаган бир неча саҳифалик адабиёт газетаси нашр қилинса, деган фикрлар янгради. Бу адабиёт жонкуярларининг дилидаги орзу эди. Агар газета ташкил қилингудек бўлса, уни адабий материаллар билан таъминлаш қийин деган фикрга қўшилиш қийин. Расман єзувчилик гувоҳномасига эга бўлмаса-ла, адабиётда қалам тебратиб келаётган шоирлар ва єзувчилар, адабиётшунос танқидчилар оз дейсизми? Шундай адабий-илмий потенциалга эга республикамиз зиёлиларининг адабиёт газетасини материаллар билан таъминлашда сусткашлик қилишига, унга асарлари билан қатнашмасдан четда туришига ишонмайман. Фикримча, газетага ёзилиш масаласида ҳам муаммо бўлмайди. Бошқа соҳаларни айтмагандан ҳам университет ва пединститутдаги филологик таълим йўналишининг бир неча минг талабадан иборат бўлгуси адабиётчи ва тилчилари газетага обуна бўлмай, уни «ёлғизлатиб» қўйиши мумкинмикан? Шундай экан, бу хайрли ишнинг масъулиятини кимдир ўз зиммасига олиб, ижодкорларимиз кўп

йиллардан бери орзу қилиб келаётган адабиёт газетасини ташкил қилишга бош-қош бўлса, кўнгилдаги иш бўларди.

* * *

Энди икки оғиз сўз «Адабиёт ва давр» телекўрсатуви ҳақида. Мен бу кўрсатувнинг ҳамма сонларини кўриб бораман, десам хато бўлмас. Кўрсатув ҳақида умумий тасаввурим яхши. Ҳар-ҳолда, бутунги қорақалпоқ адабиётининг долзарб масалалари ни намойиш этишда, адабиётда пайдо бўлаётган янгиликларни мухлисларни хабардор қилишда, адабий жараёнга баҳо беришда, шоир-ёзувчилар, адабиётшуносларнинг чиқишилари да аҳамиятли фикрлар бор. Шу билан бирга, мавзуга мустақил ёндашиб, шахсий фикр тарзиде адабиётнинг долзарб муаммоларини кўтариб, сухбатта чақирилган ижодкорнинг ма-салага муносабатини аниқлаш, шу асосда адабий жараённинг ривожланиш тенденцияларини умумлаштириш, томошабин-ларни у ёки бу ёзувчи ижодига, ёхуд бирор бадиий асарининг яратилиш тарихига қизиқтириш ёки атоқли ёзувчиларнинг ижодий лабораторияси билан таништиришдек ҳаммабоп, қизиқарли мавзулар кўрсатувга кўпроқ олиб чиқилиши тарафдо-риман. «Адабиёт ва давр»да адабий танқид, танқидчи маҳора-ти ҳақида кўпроқ гапирилса, адабий алоқалар, бадиий таржи-ма муаммолари кенгрок ёритилица экан дейман.

Хуллас, «Адабиёт ва давр» телекўрсатуvida бугунги қорақалпоқ адабиётининг умумий манзараси ёки конкрет жанрлар тараққиётидаги ўзгаришлар янги принциплар, янги қарашлар негизида таҳлил қилиб борилса, мустақиллик даври адабиётига доир фикр-мулоҳазалар кўпроқ айтилса, шубҳа йўқки, бу ҳам адабий танқиднинг фаоллашувига ёрдам бе-ради. Бу имкониятдан фойдаланиш нафакат «Адабиёт ва давр»нинг савиасини кўтаради, айни пайтда, кўрсатув қорақалпоқ адабиёти ва адабий танқиди олдилаги вазифасини ҳам маълум даражада бажарган бўлади.

* * *

Мұхтарам ўқувчи! Ушбу мақола орқали сўнгиги йиллардаги қорақалпоқ адабий танқидига бир назар ташлашга, танқид майдонидаги муаммоларнинг балзи сабабларини имкон қадар, қисман бўлса-да, ёритишига уриндим. Бу мулоҳазалар менинг шахсий фикрим эканлигини унутмаслигингизни истардим. Шундай

экан, мақолала тилга олинган муаммолар бўйича, умуман, янги аср қорақалпоқ адабиёти ва адабий танқиди ҳақида, балки сизда бошқа нуқтаи назарлар, ўзгача ёндашувлар, менинг қарашларимга зид, инкор қиласидаги фикрлар ҳам бўлиши мумкин. Ҳар қандай ҳақиқат баҳсларда юзага чиқади, чиниқади. Бу масалада Президентимиз И.А. Каримовнинг қуйидаги фикрлари барча учун дастуриламал бўлмоғи керак деб ҳисоблайман: «Бирор сал бошқачароқ фикрласа, ҳаммаёқ остин-устин бўлиб кетгандек хавотирланамиз. Унга душманимиздай қараймиз. Энди у замонлар ўтди. Ҳар қандай фикрни таҳлил қилиб, ҳақиқат баҳсларда туғилади, деган қоидага асосланаб, энг маъқул, энг тўғри ўйлни топиш мумкин».

2008

ЁЗУВЧИ САЛОҲИЯТИ

(Алписбой Султонов ижодига бир назар)

Алписбой Султонов қорақалпоқ адабиётида кўп йиллардан бери фаол қалам тебратиб келаётган талантли ёзувчилардан бири. Алписбой адабиётнинг бир неча жанрларида ижод қилиш истеъодига эга. У ёзувчи, шоир, драматург, киносценарист, таржимон, шу билан бирга, яхшигина адабиётшунос ҳам. Унинг бир неча шеърий тўпламлари босилиб чиқди. Ҳикоялар ва новеллалар китоблари ҳам ўкувчиларга яхши таниш. Киносценарист сифагида Алписбойнинг муаллифлигига ўндан ортиқ ҳужжатли фильм суратга олинди. “Ноҳақ тўкилган қон” тарихий драмаси уни драматург деб таърифлашга асос беради. Ёзувчининг “Туҳмат” (2008) киноромани ҳамда “Қишлоқ йўли” киноновелласи муаллифнинг тафakkур уфқи теран, ижодий имкониятлари катта ва ранг-баранг эканлигига далиллар. Шоирнинг бир даста шеърларига Қорақалпоғистоннинг “мана мен” деган номдор композиторларининг куй басталагани ва республикадаги атоқли хонандалар томонидан ижро этилаётгани А.Султонов талантининг яна бир қирраси, қорақалпоқ маданияти ва санъати соҳасидаги хизматларининг намойишидир.

А.Султоновнинг илмий салоҳияти ҳам профессионал адабиётшунос-танқидчилардан қолишимайди. Бир неча йилдирки, у Қорақалпоғистоннинг газета-журналларида илмий мақолалари, такризлари билан мунтазам қатнашиб келмоқла. Олимнинг машҳур ёзувчи Чингиз Айтматов ижодини

қорақалпоқ адабиёти билан қиёсий ўрганган туркум тадқиқотлари ҳамда “Қорақалпоқ насира Ч.Айтматовнинг поэтик анъаналари” монографияси (2007) адабиётшуносликка күшилган ҳисса бўлди. Жаҳон адабиётининг бир неча идора асарлари билан қорақалпоқ китобхонларини таништириша ҳам у самарали меҳнат қилди. А.Султонов Қорақалпоғистон Республикаси Ёшлар мукофоти совриндоридир.

Кўраяпсизки, А.Султоновнинг адабий фаолияти серқирра ва ибратли. Тўгриси, бундай ижодий салоҳият, интеллектуал тажриба ҳамма ёзувчилар ҳам бўлавермайди. Албатта, турили адабий жанрларда асарлар яратиб, адабиётда обрў-эътибор қозониш осон эмас. А.Султоновнинг изланувчанлиги, кўп ўқиши, ўрганиши, жаҳон адабиёти тажрибаларини ижодий ўзлаштириши ва энг асосийси, бадиият қонуниятларининг сир-синоатларини чукур идрок этиб қалам тебратгани уни шу даражага олиб чиқди, ҳаракатдаги қорақалпоқ адабий жараёнининг таниқли ёзувчиларидан бирига айлантириди. Лекин, негадир қорақалпоқ адабиётшунослигига унинг ижоди кўп ҳам тилга олинавермайди, тақриз ҳаракатидаги айрим мақолаларнинг матбуотда онда-сонда бо силганини истисно қиласак, ёзувчи ҳақида кўламдорроқ таҳлилий тадқиқот ёзилмади ҳисоб. Назаримида, Алписбойнинг қорақалпоқ адабиёти, маданияти ва санъати, хусусан, ҳозирги адабий жараёндаги фаолияти маҳсус тадқиқотга бемалол мавзу бўла олади. Ушбу мантиқа асосланиб ёзувчининг ижодига бир назар танлашга жазм этдик.

* * *

А.Султонов адабиётнинг бир неча жанрларида ижод қўйган бўлса-да, уни китобхонларга кўпроқ танитган соҳа – ёзувчиклик ва драматурглик фаолиятидир. Қиссалари, ҳикоялари ва новеллалари “Тұхмат” романы, “Ноҳақ тўкилган қон” драмаси нафакат ёзувчи ижодининг, қолаверса, қорақалпоқ адабиётининг ҳам ўзига хос ютуқлари бўлди. Айниқса, Оллаёр Дўсназаров – муаллиф ижодининг етакчи мавзуларидан бири эканлигини, бизнингча, кўпчилик яхши билади. Илмий-адабий жамоатчилик уни ушбу тарихий шахс образи яратилган асарлари орқали яхши танийди. Оллаёр Дўсназаров қорақалпоқ ҳалқи тарихидаги ёрқин сиймолардан бири. Унинг мураккаб ҳаёт ўйли, ижтимоий-сиёсий фаолияти, аянчли қисмати ҳақида та-

риҳчи олимлар, адабиётшунослар, замондошлари бир неча илмий ишлар ёзди, китоблар нашр этилди. Қорақалпоқ адабиётидаги Оллаёр Дўсназаровнинг балий образини яратиш вазифаси эса илк бор ёзувчи А.Султонов зиммасига тушди.

Тарихий мавзуда асар яратишнинг масъулияти замонавий мавзуда асар яратишга нисбатан анча мураккаб эканлиги сир эмас. Алписбой бундай мураккабликдан кўрқмади, соҳада тажрибаси оз бўлишига қарамай, изланишга астойдил киришди. Оллаёр Дўсназаровнинг шахсий ҳаёти, тақдирни билан боғлиқ материалларни, архив манбаларини ўрганди, замондошлари хотираларини тўплади. Россиянинг чекка ўлкаларининг бирида ҳам бўлиб, Оллаёр Дўсназаров дағн қилинган тупроқдан олиб келиб яқинларига топшириди.

Хуллас, ёзувчи мавзу объектига катта масъулият билан ёндашади, яратилажак образ қисматига тегишли тарихий далилларни ҳам муфассал ўрганиб чиқади. Тўпланган тарихий материаллар асосида дастлаб уч қисмли “Элим деб ингранган мард эди” деган хужжатли фильм сценарийсини ёзди ва у экранлаштирилиб намойиш этилди. Муаллиф бу билан қаноатланмади. Оллаёр Дўсназаров тақдирига доир тарихий воқеаларни саҳнада жонлантириб кўрсатиш ҳоҳиши Алписбойни драматургия жанрига етаклайди ва кўп ўтмай “Ноҳақ тўкилган қон” драмасини ёзди. Ёш томошабинлар театри пъесани саҳналаштиради. Шундай қилиб, илк маротаба қорақалпоқ адабиётидаги, кино санъатига, драматургияда Оллаёр Дўсназаровнинг балий образи яратилди.

Тарихий шахс образини бадиий талқин қилишдаги бу ижодий ютуқлар ёзувчини мавзуни адабиётнинг бошқа бир жанри – насрда давом эттиришга илҳомлантириди. “Тұхмат” романни навбатдаги ижодий изланишининг яхши самараси бўлди. Хужжатли фильда, драмада фойдаланилмаган фактлар жанр имконияти кўтарганича романга киритилади. Роман, фикримизча, анча яхши чиқди. Қаҳрамоннинг эл-юрти, ҳалқи олдидаги хизматлари аниқ манбалар мисолида кенгроқ ёритилгани учун ҳам у китобхонларнинг Оллаёр Дўсназаров ҳақидаги тасаввурларини бойита олади. Романинг яна бир аҳамиятли жиҳати бор. У ўқувчини қатағон йилларининг даҳшатлари билан танишириш билангина чекланмайди. Қалтис даврнинг синовларига бардош беролмай, шахсий манфаатини ўйлаб сотқинлик йўлига кирган эътиқод-

сиз ва иродасиз баъзи шахсларнинг жирканч ишлари ҳам далиллар билан фош қилинади. Бундай механизм (соф вижонли одамларга тұхмат уюштириш, хиёнат) қатағон йиллари учун типик ҳол бўлган. Мустабид тузумнинг зўравонлари миллиатнинг асл фарзандларини сотқинларнинг кўли билан қирғин қилган. Оллаёр Дўсназаров ҳам шу хилдаги даҳшатли механизмнинг қурбони бўлади. “Тұхмат” романнила бу реал ҳақиқат конкрет образларда тасвирланган.

Тарихий роман яратишнинг бир хавфли томони бор. Агар муаллиф сюжет қуришда тарихий фактлардан асарғоясини очиш учун мақсадга мувофиқ фойдаланмасдан уларни ўринли-ўринисиз сюжетта тиқишираверса, бадиий тўқимага уйгунлаштирмастан бу маълумотларни шунчаки ахборот учун келтиrsa, энг муҳими, образ характерининг муайян қирраларини очишга бўйсундирмас экан, ўқувчилар учун зे-рикарли, бадиий – эстетик хусусияти заиф бир асар майдонга келачи, унинг на китобхонга, на адабиётта нафи бўлади. Шу нуқтани назардан қараганда, “Тұхмат” романни бу масалада анча мудаффақиятли чиқди. У фактлар йигиндисидан иборат бўлиб қолган эмас. Асарнинг ўқишили бўлиши учун ёзувчи тарихий фактларни бадиий тўқимага сингдириш қонуниятларидан келиб чиқиб иш кўрган. Тарихий ҳужжатлар руҳига мос, Оллаёр Дўсназаровнинг характер хусусиятини очишга хизмат қиласидан қатор сюжет чизиқлари яратганки, улар нафақат образни ўқувчи кўз олдидаги аниқ гавдалиниди, шунингдек, лавр руҳини ҳам ҳис қилишга ёрдам беради. Тарихий далилларни бадиий сюжетга мослаштиришида муаллиф меъёри сақлаган. Воқеалар ривожида узилиш, мазмундан четлашиб йўқ. Бош ғояга хизмат қиласидан тасвирлар, ҳатто деталлар ҳам учрамайди, ҳаммаси ҳалқадек ўзаро боғланган. Оллаёр Дўсназаровнинг мардикорликлари турмуш тарзидан тортиб, заводда ишчи бўлиб ишланиши, аскарликка олиниши, аста-секин сиёсий ҳаётга аралашиб чиниқиб бориши, қорақалпоқ ҳалқининг манбаатини ҳимоя қиласидан давлат арабоби даражасига кўтарилиш жараёнлари романда хронологик тарзда тўғри ифодаланган. Қаҳрамоннинг куаш давомида эришган ютуқлари ҳам, мағлубиятлари ҳам тарихий ҳақиқатдан чекинмасдан ҳаққоний ёритилган. Оллаёр Дўсназаровнинг қамалишига, охир-оқибат отишга хукм қилинишига доир воқеалар шубҳа уйғотмайдиган далилларга асосланган.

Романда ўқувчига эстетик завқ берадиган, кайфиятини кўтарадиган романтик талқинга мойил боблар ҳам оз эмас. Мазкур лирик лавҳаларда образлар характерига хос хусусиятлар, қаҳрамон қалбидаги тўлғонишлар, зиддиятли кечинмалар тасвири жуда табиий чиққан. Романнинг “Илк мұхабbat”, “Фарзанд”, “Бевафолик”, “Сўнгги мактуб” бобларини ўқисангиз образ қалбida кечётган мураккаб руҳий ҳолатни, драмани ҳис қиласиз. Оллаёр Дўсназаровнинг оиласий ҳаётидаги кўнгилсизликлар, атрофидаги одамларга муносабати, сиёсий майдондаги кураши, умуман, тарихнинг бурилиш нуқталарида қорақалпоқ ҳалқининг баҳт-саодати йўлидаги саъй – ҳаракатлари билан боғлиқ расмий ҳужжатлар ҳам асар сюжетида ўринли фойдаланилган.

Мухтасар қилиб айтсан, А. Султоновнинг “Элим деб ингранган эр эди” киносенаријиси, “Ноҳақ тўкилган қон” драмаси ва “Тұхмат” романни бир-бирини тўлдирадиган, яхлит бир ғояга йўғилган ижод намуналаридир. Муаллиф шу уч асари билан биринчи марта қорақалпоқ адабиётида Оллаёр Дўсназаровнинг бадиий образини яратиб унга ўлмас адабий ёдгорлик қўйди.

* * *

А. Султонов қиссачиликли ҳам тажриба тўғлаган ёзувчи: “Инсон баҳти”, “Умр чорраҳаларида”, “Ниқоҳсиз мұхаббат”, “Ёшлиқда берган кўнгил” қиссаларини муаллифнинг қорақалпоқ насридаги дадил қадамлари дейиш мумкин. Гарчи бу қиссалар ҳар хил мавзуларга бағишланниб турли даврларда ёзилган бўлса-да, уларни ўзаро боғлаб турдиган бир муштараклик бор. Бу – айрим ёш қизлар ва аёлларнинг билиб-бilmай ҳаётда қоқилишлари оқибатида улар тақдирида рўй берган нохуш ҳолатларни бадиий талқин қилишдаги умумийлик, яъни тақдирлар туашлиги масаласи. Ҳамқишлоғи Отамурод билан “дон олишиб” ҳомиладор бўлган, фарзанди туғилгач, ота-онаси уйидан ҳайдалган, иснодга чидамай норасида гўдагини “арава йўлининг қоқ ўтасига ташлаб” ўзга эллардан баҳт излаб кетган Орзигул (“Инсон баҳти”); унаширилган йигити вафот этгач, уйидаги хизматкор Есемуродни “тузоги”га илинтириб, унга тегиб олган, кейинчалик эрининг кўнгил қўйгани борлитини, у билан “ошиқ-маъшуқ” бўлиб юрганини билиб қолиб,

кундошлиқ азобига чидамай оиласини, фарзандини ташлаб уйидан бosh олиб кетган Мирзагул (“Умр чорраҳалари”); бир театр режиссёрининг сени машхур театр юлдузи қиламан, деган алшовларига ишониб номусидан айрилган, ота-онасига, ҳамқишлоқларига кўринишдан ор қилиб бошқа ўлкаларда сарсон-саргардонликда юрган талаба қиз (“Никоҳиз мұхаббат”); қишлоғига қайтиши учун кеч қорайгандა йўлга чиққан, машина топилавермагач, бир “автоинспектор”нинг Йўлимиз бир экан, мен ҳам шу томонларда яшайман, ўзим манзилингга стказаман деган ваъласига ишониб алсанган, тақдирга тан бериб баҳтсиз бўлиб қолган маданий оқартув техникуми талабаси Комила (“Ёшлиқда берган кўнгил”) – булар тақдир синовлари қаршисида ожизлик қилиб ўзларининг ор-номусига билиб-билмай хиёнат қилган, масъулиятини унтиб эрк-ихтиёрини ўзгалар қўлига топшириб қўйган, кейин пушаймон бўлган инсонларнинг умумлашма образларидир.

Эътибор берган бўлсангиз, қиссаларнинг бosh қаҳрамонлари тақдирида содир бўлган воқеалар қисман бир-бирига ўхшайди. Тўрт қиз ҳам ҳаётнинг мураккаб синовлари олдидан ўзларини ожиз, ҳимоясиз сезади. Мирзагул билан Орзигул ҳам, талаба қизлар ҳам ор-номуси учун курашиш ўрнига иродасизлик қилиб, қисматига кўнишиб кўя қолади. Бунга бир жиҳатдан қизларнинг ўзлари, қатъиятсизлиги сабабчи бўлса, иккинчидан, уларни бундай жирканч ишларга мажбур қилган нарса атрофидаги носоғлом маънавий мұхит эди. Бундай ҳаракатлар, маънавий-ахлоқий адашишлар ҳар қандай инсонни, хусусан, аёл зотини бебурд қилиб, уни андиша-сизлик домига тортиб кетади. Қиссалар китобхонни шундай иллатлардан холи бўлишга, баҳт ва оила соғлиги, ор-номус учун курашиб яшашга даъват этади. Қиссаларнинг тарбиявий аҳамияти, улардан чиқадиган бosh маъно ҳам шу.

Қиссаларнинг ифода шакли жуда равон. Енгил услубда ёзилгани учун бўлса керак, қизиқиб ўқыйсиз. Воқеалар тафсилоти, образларнинг саргузашлари тасвирида ўкувчини ўзига ром этиб турадиган қандайдир бир сирли жозиба борлигини ҳис этасиз. Диалогларга кўпроқ эътибор берилгани қиссаларнинг фазилати. Образлараро сухбатлар, мулокотлар жонли ва таъсирли чиққан. Уларнинг дунёқараши, характер хусусиятлари, психологияси, умуман, барча индивидуал хислатлари муалиф сўзлари билан эмас, диалогларда гавдалан-

тирилгани, бу бадиий воситадан ўринили фойдаланилгани ёзувчилик маҳорати белгисидир. Шундай усул билан муалиф қаҳрамонларнинг руҳиятига кира олган, уларнинг баҳтсизлигига сабабкор бўлган носоғлом мұхитнинг ижтимоий-маънавий илдизларини очиб бериш фонида инсон шаънига тўғри келмайдиган иллатларни қоралаган.

Қиссаларнинг фазилатлари ҳақида яна галириш мумкин. Шу билан бирга, баъзи қиссаларда одоб-ахлоқ доирасидан бироз чиқилган ҳиссий-хирсий муносабатлар тасвири борки, уларни оқлаб бўлмайди. Ҳаёт гўзалигига зид бундай тасвиirlарни пардалироқ қилиб бериш зарур эди. Мирзагулнинг Есемурод, сўнг ширкатчи билан ҳирсий муносабатлари, Орзигул билан Гулмуроднинг “бир-бирига чирмоқиқдек ўралиб” қилган ҳиссий алоқалари ёки театр режиссёрининг талаба қиз билан, “автоинспектор”нинг Комила билан интим муносабатлари тасвиirlangan яланоч, ошкор лавҳаларни ўқиганда китобхон ҳар қанча завқланмасин, бари бир улардан бирор жиддий маъно чиқариш мушкул. Йигит ва қиз ёки эр ва аёл ораларидаги интим тафсилотлар тасвирини берганда, миллий ахлоқ-одоб доирасидан чиқмаган маъқул. Ҳар қандай катта-кичик воқса, эпизод, ҳатто майший ҳаёт тарзи ҳам асарда муайян мақсад, гоя, яъни ҳаёт гўзалигини тасдиқлаши, улуглаш учун фойдаланилади. Агар у бирор маъноди, баъзи қиссалардаги интим муносабатлар тасвирига катта маъно юкламагандек, улар шунчаки асарни ўқишлиқ қилиш учун киритилгандек таассурот қолдиради. Яна бир мулоҳаза. Ёш қизларни ҳар хил найранглар билан “тузоги”га илинтириб номусини булғаган, баҳтсизлигига сабабкор бўлган баъзи шахсларнинг нопок ҳаракатлари қиссаларда негадир “жазоланмай” қолган. Но-мус ўғрилари гўё ҳеч нарсадан бехабардек, маънавий пасткашилларини унтиб “ёпиглик қозон ёпиглигича қолди” қабилида ялла қилиб юраверади. “Никоҳиз мұхаббат”даги театр режиссёри, “Ёшлиқда берилган кўнгил”даги “автоинспектор” шундай типдаги образлар. Ёзувчи бу шахсларнинг ҳаракатларини кўпроқ фош қилиш йўлидан бортанида, қиссаларнинг таъсир кучи ва тарбиявий аҳамияти янада ошган бўларди.

* * *

Энди ёзувчининг ҳикоялари ва новеллалари ҳақида. А.Султоновнинг ҳикоячиликдаги ижодий изланишлари ҳам самарали бўлди. Ҳар хил даврларда бу жанрнинг яхши на-муналарини яратди. Баъзи ҳикоялари ўзбек тилига таржи-ма қилиниб Ўзбекистон матбуотида ҳам эълон қилинди. Аслида Алписбой бадий ижоддаги илк қадамларини ҳикоя ва новеллалар ёзишдан бошлаб, ўтган асрнинг 70–80 йил-ларида бир туркум ҳикояларини ўқувчилар ҳукмига ҳаво-ла этган эди. Унинг “Аквариум”, “Мармар тошдаги ёзув” номли илк китобларига киритилган ҳикоялари унинг бу жанрдаги дастлабки изланишлари бўлди. Ёзувчи ҳозирги кунда ҳам бу жанрда фаол ижод қилиб келаяпти, ўқувчи-ларга манзур туркум ҳикоялар эълон қилди. Ҳар бир бош-ловчи ёзувчининг илк ижодида ўзига яраша камчиликлари бўлганидек, А.Султоновнинг дастлабки ёзган ҳикоялари ҳам нуқсонлардан ҳоли эмасди. Ҳаёт ҳақиқатини бадий умумлаштириш, ёрқин характерлар яратиш масаласида тажриба-сизлиги, ёзувчилик маҳорати етишмаслиги унинг илк ҳикояларида кузатилади. Масалан, “Очиқ қолган кунчалик”, “Оқ терақда нима айб?”, “Ўкинч” номли ҳикояларидаги тасвирлар жозибали, диалоглар ҳаётий бўлса-да, воқеанинг мар-казида туриши лозим бўлган ёрқин характернинг йўқлиги сабаб, уларнинг сюжети, образлари тез унутилиб кетади. Баъзи ҳикояларда мантиқан асосланмаган ҳолатлар тасвири бор, воқеанинг сунъийлиги билиниб қолган. Масалан, “Ўкинч” номли ҳикояда тасвирланишича, юз тузулиши учча келишмаган кўримсизроқ бир ёш домланинг устидан баъзи талабалар кулади, масхаралайди. Бунга чидай олмаган ўша домла юрак хасталиги хуруж қилиб вафот этади. Бор гап шу. Аслида бу фожия. Бундай воқса худди ҳикоядагидек шаклда рўй бермаган бўлса-да, ҳаётда учраши мумкин. Ёзувчи мавзуни тўғри танлаган. Лекин воқеанинг бадий далиллаш-га келганда бироз тажрибасизлик қилгани сезилади. Чунки бу воқеага ўқувчини ишонтириш қийин. Тўғри, ҳикоянинг ички мазмунига ҳазил, юмор сингдирилганини сезиш мумкин. Лекин бари бир бу усул ҳам воқеанинг ишонарли ва табиий чиқишини таъминлай олмаган.

А.Султонов аста-секин ҳикоядан-ҳикояга ўсиб, камчи-ликлардан қутулиб борди, қалами чиникиди, маҳорати оши-.

Ҳаёт материалини бадий умумлаштириш тажрибаси шаклла-на бошлади. Ҳикоялари марказига инсон тақдирини кўйиб унинг мураккаб руҳий оламини бадий таҳдил этишга ки-ришиди. Қийин вазиятларга тушиб қолганда ҳам турмуш си-новларини енгган, муҳаббатига содик қолиб бахтли оила қур-ган Мақсет ва Клара (“Қаердасан, Клара”); такси ҳайдовчи-сининг “тузоги”га илиниб, мажбуран унга турмушга чиқсан, сўнг эри уни ташлаб бегона аёл билан яшаб юрганини кўриб, тақдирнинг бу зарбаларидан изтироб чеккан Жақсигул (“Уч-рашув”); бир сурат сабаб оиласинг бузилишига сал қолганда бу англашилмовчиликни бирга енгган ва оиласинг бузилишдан сақлаб қолган эр-хотинлар Марат ва Гулзор (“Сурат”); бегона бир қизни безорилар қўлидан қутқараман деб елкасидан пи-чоқ еган ва шифохонага туштан автобаза шофёри (“Ажал чан-галидан қутқарилган оҳу”) сингари образлар бетакрор харак-тер белгилари билан ўқувчи хотирасида узоқ қолади.

Гувоҳ бўлганингиздек, муаллиф турли инсоний қиёфа-га эга қатор образлар яратиб ҳаётнинг реал манзарасини чизган. Бу эса ёзувчининг ҳикоячиликда ҳаётий тажрибаси ортиб, маҳорати стилиб бораётганини кўрсатади. Фикри-миз тасдигига бир мисол. А.Султонов, бизнингча, насрда кулгига, юморга мойилроқ ёзувчи. Қиссаларидаги баъзи ди-алогларда, персонажлар нутқида бу хусусият кўпроқ намо-ён бўлганди. Бу ижодий усульнинг қирралари ҳикояларида янада ёрқинроқ кўринди. “Одамнинг оёғи” ҳажвий ҳикоя-си шу хилдаги асарлардан бири. Аввало, ҳикоянинг номида сингил юмор бор. Унда ўқувчини воқеага қизиқтирадиган сирли жумбоқ яширингандек. Воқеа давомида ана шу сир очила боради. Саке билан Маке ҳикоянинг бош қаҳрамон-лари. Маке кигиз тайёрланадиган заводда ишчи. Бир куни ишга маст бўлиб келади. Станокка суюниб ишлаётгандан бир қўлининг ярмини станок кирқиб ташлайди. Маке ногирон бўлиб қолади. Ишга ичиб келгани учун унга ногиронлик нафақаси тайинланмайди. Эътибор бераётгандан бўлсангиз, шу гапнинг негизида ҳажв бор. Чунки фуқарога ногиронлик нафақаси тайинлашда унинг қандай шароит ва вазиятда ногирон бўлганилиги инобатга олинмайди. Қонун бўйича унга нафақа белгиланиши зарур. Ёзувчи атайнин реал ҳақиқатдан чесинган ва адабиётдаги шартлилик қонуниятига асосла-ниб ҳикоянинг юмористик йўналишини кучайтирган. Дўсти

Сакс ҳам маст ҳолатида мотоциклини бошқарыб келаёткіш аварияга учрайди ва бир оёғидан ажралади. Қаҳрамонларнинг кейинги саргузаштлари комик планда тасвирланади. Вокеа кесилгандын “оёқнинг тақдирі” билан боғлаб ривожлантирилади. Иккі ногирон дұст “оёқдан” қутулиш йўлларини қидира бошлайды. Маке билан Сакенинг қисметидаги воқеа аслида фожиа. Бир асарда фожиа билан күлгини омұхта қилип бериш, қаҳрамонлар саргузаштларига ўқувчини эргаштириш, бу ҳам ёзувчининг маҳорати. Ҳикоядан келиб чиқадиган баш маъно шундан иборатки, ҳар бир инсон ҳаётда ўз тақдиринга ўзи масыул бўлмас экан, ножӯя ҳаракатлари туфайли мажруҳ бир кимсага айланиб қолиши мумкин.

Муаллифнинг “Гўзаллик худосига мактуб ёки сочи йўқларнинг Афродитага аризаси” ҳикоясида юморнинг бошқа бир жилоси акс этган. Ҳикоянинг ифода шакли ёзувчининг бошқа ҳикояларига ўхшамайди. Асарда бир қаҳрамон – Афродитага ёзилган аризани кўпчиликка ўқиб эшириладиган, “*сочи йўқлар жамияти*”нинг аъзоси, актёр Шомурод иштирок этади. Ёзувчи “*соchlari tushib, bochlari hokkay mайдончасидек ялтилаб қолган, чивин қўnsa oёni sирпаниб кетадиган*” кишиларнинг руҳий ҳолатларини шу қаҳрамон нутқи орқали жонли сўзлар, образли қиёслар билан, комик планда жуда таъсирили ва қизиқарли тасвирланган. Сочи йўқларга Афродитадан келган мактубда ҳам юморнинг хусусиятлари оригинал услугуда ёритилган.

А.Султонов ҳаётдаги салбий иллатларга қарши курашда ҳам ҳажвий ҳикоя жанри имкониятларидан самарали фойдаланиб келаётган ёзувчилардан бири. Унинг “Тилла соат” ҳажвияси порахўрликни фош қилиш руҳидаги шундай асарлар сирасига киради. Порахўрликнинг шакллари кўп. Идора раҳбарининг туғилган кунини нишонлаш пора ундиришнинг шундай усусларидан бири. “Тилла соат”да айнан шу мавзу қаламга олинган. “*Ишchan, hamxur,adolatli va salohixiyati, niёda tugul, otta ҳam izlab tonib bўlmайдиган raҳbar*” – Ермекбой Еримбетович ва у раҳбарлик қилаётган идора жамоаси мисолида таъмагирлик ва порахўрликнинг баъзи кўринишлари ҳажв қилинган.

Ёзувчи турмушда учраб турадиган, тараққиётимизга ҳалақит берадиган ҳаёт материалыдан моҳирона фойдаланиб дол зарб ҳажвий ҳикоя ижод этган. Баъзи раҳбар шахсларнинг

инсон одобига тўғри келмайдиган ҳатти-ҳаракатлари Олғирбоев ва Ермекбой Еримбетович образлари мисолида ҳажв қилинган. Ҳикояда масҳараловчи ҳанда билан бирга жиддий фош қилиш руҳи ҳам устувор. Муаллифнинг ҳажв тиги бундай иллатларнинг олдини олишга, чуқур илдиз отиб кетишига йўл бермасликка қаратилган. “Тилла соат”нинг ҳозирги кунимиз учун ижтимоий-тарбиявий аҳамияти ҳам шунда.

А.Султоновнинг яқинда нашрдан чиққан “Новеллалар” (2008) китоби ушбу жанрдаги ижодий изланишларнинг салмоқли ютуғи, ҳаётнинг ранг-баранг манзараларини, турли инсоний қиёфаларни бадиий образларда талқин қилишда эришган яна бир довони бўлди. Тўпламга шакли ва мазмуни нуқтai назардан бир-биридан фарқ қиласидиган қирқа яқин новеллалар жамланган. Ҳар бир ҳикояда инсон тақдирининг у ёки бу жихати ўзига хос услугуда акс эттирилган, китобхон учун ибратли foялар илгари сурилади. Китобда “Ўғирланган муҳаббат”, “Айбизз айборд”, “Тобутдан ясалган бешик”, “Қоғоздан ясалган гуллар”, “Қабристон рўпарасидаги йўл”, “Саргардонлик”, “Кўрқинчли туш”, “Бевафолик”, “Оқибат”, “Ёмғирдан сўнг” ва яна бир туркum новеллалар борки, ҳар бири ҳаёт материалларининг қамраб олиниши ва ихчам бадиий шаклла, унтилмайдиган образлар ва бадиий деталларда тасвирланниши жихатидан ёзувчи маҳоратининг кўзгуси бўла олади.

* * *

Серқирра ижод сохиби А.Султоновнинг барча асарларини бир мақолага сифидириб таҳлил қилишнинг имкони жуда чегараланган. Шу боисдан мақолада унинг ёзувчилик салоҳияти, бадиий маҳорати кўпроқ намоён бўлган айрим асарларигагина тўхталиб, улар ҳақида сўз юритишга ҳаракат қилдик. Ва шундай холосага келдикки, Алписбой Султонов қорақалпоқ шеърияти ва насрига, драматургияси ва кино санъатига, адабиётшунослигига, қолаверса, таржима адабиётига ҳам фидоийлик билан хизмат қилиб, бу ижод типлари тараққиётига ҳисса қўшиб келаётган адабиёт жонкуярларидан биридир. Алписбойнинг бу ижодий фазилатлари уни ҳозирги қорақалпоқ адабий жараёнининг таникли вакилларидан бири, илмий-бадиий салоҳияти бақувват ёзувчилар сафидаги адаб деб холоса чиқаришга, бизнингча, тўла асос беради.

2008

МУНДАРИЖА

Муаллифдан..... 3

М.Кўшжонов. Уч халқ хизматида..... 6

СЎЗ САНЪАТИНИНГ ДаҲОЛАРИ

Туркий шеърият осмонининг қўёши..... 10
Фазал мулкининг сultonи – ҳомийлик тимсоли..... 17
Алишер Навоий туркманлар ҳақида..... 22
Мирали (Навоий) туркман фольклорида..... 30
Шоҳ ва шоир 45
Хикматга йўғирилган шеърият..... 52
Мангуликка даҳлдор оқин..... 62
Истиқолол ғояларининг кўйчиси..... 69

АДАБИЙ АЛОҚАЛАР – АДАБИЁТЛАР ТАРАҚҚИЁТИНИНГ ҚОНУНИЙ АСОСИ

Муштарак мавзулар, ўзига хос талқинлар..... 78
Андалиб образлари Фурқат талқинида..... 86
Адабий ўшашиблик, поэтик ранг-баранглик..... 93
Назирами, таъсирми ёки таржимами?..... 105
Махтумқули анъаналарига садоқат..... 115

АДАБИЙ ТАЪСИРДАН ЎЗИГА ХОСЛИККА

(Абдулла Қодирий ва Ҳидир Деряев)

Илҳом ва истаск..... 124
Ҳаёт ҳақиқатидан бадий ҳақиқатга..... 129
Мавзу умумийлиги, тасвир хилма-хиллиги..... 133
Драматизм яратишлари ўзига хослик..... 139
Сирли тасвирлар, ҳаяжонли воқеалар..... 143
Муҳаббат ва инсон тақдири талқинидаги
индивидуаллик..... 151

МИЛЛИЙ АДАБИЁТЛАРНИНГ ЎЗАРО БОЙИШИ
Омон КекиловFaфур Ғулом ҳақида..... 158
Шакли бир, мазмуни бошқа қиссалар..... 168

Қорақалпоқ адабиётининг таржимони ва
тадқиқотчи..... 175
Икки тища ижод қилиш тажрибасидан..... 198
Икки дўст ҳақида достон
(Faфур Ғулом ва Собит Муқонов)..... 227

ИЛМИЙ-АДАБИЙ ПОРТРЕТЛАРГА ЧИЗГИЛАР

Устоз сабоқлари..... 235
Туркий адабиётнинг атоқли ёзувчиси..... 248
Етук адабиётшунос, моҳир танқидчи..... 258
Кўп қиррали илмий фаолият соҳиби..... 266
Мехрли ва ҳақгўй инсон эди (эссе)..... 272
Қорақалпоқ адабиётнослиги фидойиси..... 292
Илм ва ижод уйғунлиги..... 296
Тадқиқотчи-педагог ва ижодкор..... 301
Жонкуяр ташкилотчи эди (эссе)..... 308
Талантли шоир, истеъододли журналист..... 313
Муҳаррирликда чиниккан қалам..... 328

АДАБИЙ ЖАРАЁН ВА ИЖОД МАСЬУЛИЯТИ

(талқинлар, тақризлар, мулоҳазалар)

Қорақалпоқ адабиётининг ҳам жонкуяри эди (эссе)..... 333
Суйиниб ёзди, куйиниб ёзди..... 344
Қорақалпоқ сатирасининг дарғалари..... 355
Насрда шаклланган ижод..... 373
Фош қилувчи роман..... 381
Она руҳига адабий ёдгорлик..... 388
Ижодий изланишининг янги довони..... 393
Аросат майдонида қолганлар фожиаси саҳнада..... 401
Бир ижодий учрашув тарихи..... 405
Модерн шеърият ва адабиётнинг оммавийлиги..... 412
Адабий жараён ва қорақалпоқ адабий танқиди..... 421
Ёзувчи салоҳияти (Аллисбой Султонов ижодига бир назар)..... 443